

---

This is a reproduction of a library book that was digitized by Google as part of an ongoing effort to preserve the information in books and make it universally accessible.

Google<sup>TM</sup> books

<https://books.google.com>



---

This is a reproduction of a library book that was digitized by Google as part of an ongoing effort to preserve the information in books and make it universally accessible.

Google<sup>TM</sup> books

<https://books.google.com>







D 128 / 11

D 128 / 11









Digitized by Google



VETERVM ALIQVOT SCRIPTORVM,  
*Qui in Gallie Bibliothecis, maxime Benedictinorum latuerant,*

# SPICILEGIVM.

*Tomus Septimus continet*

- |   |  |
|---|--|
| 1. AENEÆ Parisiensis Episcopi Librum<br>adversus Græcos, Pag. 1                       | 6. CHRONICON Episcoporum Albi-<br>gensium, & Abbatum Castren-<br>sium, 335 |
| 2. S. PETRI DAMIANI S. R. E. Car-<br>dinalis Sermones V. de Oratione<br>Dominica, 120 | 7. GESTA Abbatum Trudonensium<br>O. B. Auctore RODULFO Abb. 344            |
| 3. NICOLAI de CLAMENGIIS Librum<br>de Studio Theologico, 138                          | 8. CHRONICON Valciodorense<br>O. B. 513                                    |
| 4. MISCELLANEA EPISTOLARUM. 164   | 9. GENEALOGIAS BALDUINI de Ave-<br>nis, 584                                |
| 5. EBONIS Archiepiscopi Remensis<br>Apologeticum, 175                                 | 10. CHRONICON Mosomense O. B. 623  |

Prodeunt nunc primùm in lucem

*Operâ & studio DOMNI LUCÆ DACHERII è Congre-  
gatione S. Mauri Monachi Benedictini.*

*ex cui Bibliotheca petiti sunt typographici manus scripti.*



PARISIIS,

Apud CAROLUM SAVREUX, insignis Ecclesiæ Parisiensis Typographum in atrio  
Templi Beatæ Mariæ sub insigni trium Virtutum.

CIO. DC. LXVI.

*Cum Privilegio Regis & Superiorum permisso.*





# LECTORI.

**N**ON à meipso , id est , præsumptione , pessi- Hieron.  
mo præceptore , sed ab illustribus viris ad- 9. 27.  
ductus sum , ut novas colligerem spicas,  
ex quibus VII. Spicilegii nostri volumen con-  
surgeret , uti in Sexti Præfatione promiseram ,  
cùm id laborum meorum terminus esse de-  
buerit.

Quid autem operæ in hoc VII. volumine præ-  
stiterim , & quænam Opera ad illud concinnan-  
dum è veteribus Mss. codicibus collegerim , pau-  
cis expediam.

Primas tenet LIBER ÆNEÆ PARISIENSIS EPIS-  
COPI ADVERSUS GRÆCOS , è Bibliotheca Thua-  
nea jam ab annis plus minùs duodecim erutus.  
In eo multa cùm Græcorum , tum Latinorum  
Patrum testimonia adducit Æneas. Græcorum  
testimonia propter antiquam illorum interpre-  
tationem reliqui sarta tecta ; Latinorum verò ,  
cùm & prolixiora essent & frequentiora , ne tæ-  
dium parerent Lectori , sæpiùs expunxi ; servatis

I.  
Liber  
Æneæ  
Parif.  
Episcopi  
adversus  
Græcos.

à ij

tamen prioribus & posterioribus verbis, remis-  
sóque ad edita citatorum Patrum Opera Lecto-  
re. Vtraque, partim ad excusos Auctorum li-  
bros, partim ad Mss. contuli, adnotatis lectioni-  
bus variis, & nonnullis observatis quæ in editio-  
nibus non exstant.

CAROLI Calvi Imperatoris temporibus inter  
Galliæ Præsules pietate ac eruditione conspicuus  
vixit Æneas; cùmque summis laudibus effert  
Lupus Abbas Ferrariensis in epistola 98. nomi-  
ne Cleri Parisiensis scripta ad Guenilonem Ar-  
chiepisc. Senon. *Æneam cujus præconia præmisi-  
mus, concorditer omnes eligimus, Æneam patrem,  
Æneam Pontificem habere optamus. Quamvis enim  
tanta prudentia ac probitate præcellentissimus Rex  
noster polleat, ut solum ejus judicium de viro me-  
morato posset sufficere: tamen conditionis humane  
non nescii, futurorumque curiosi, aulicorum nos  
ipsi propositum ac mores longè priùs inspeximus, &  
inter graves probabilésque personas & sanctitate  
ferventes, hunc quem Antistitem habere cupimus  
quotquot eum nosse potuimus, ut nunc palam est,  
absque errore annumeravimus, &c.* Et in rescripto  
Wenilonis Metropolitani & Coepiscoporum  
provinciae Senonensis ad Clerum Parisiensem,  
Lupi epist. 99. *Quis leviter tetigit palatium, cui  
labor Æneæ non innotuit, & fervor in divinis re-  
bus non apparuit? Quamobrem electionem in eo  
factam Deo propitio libenter sequimur, ut cum pro-  
futurum populo ejus, ad dignitatem pontificatús*

# LECTORI.

*promovendum, concorditer decernamus. Sit igitur vobis pastor qui pro suis ad Deum meritis bene complacuit, & sequentes ejus veracem doctrinam, & sancta opera imitantes, ad cœlestis regni pascua properate felices.* Episcopi etiam qui Carisiacensi Synodo adfuerunt, in epistola ad Ludovicum Regem Germaniæ, *Æneam Episcopum honorabilem* appellant.

Unam ejusdem Æneæ epistolam, & alterius epistolæ fragmentum reperies in tomo 2. Concil. Galliæ pag. 670.

Schisma Græcorum contra quos Æneas scripsit librum hunc, quandoquidem memorarunt multi sive antiquiores, ut Nicolaus Papa I. in epist. ad Galliæ Episcopos, Ratramnus Corbeïensis qui libros iv. composuit contra Græcorum opposita\*; Frodoard. in hist. Eccles. Remensis lib. 1. cap. 17. sive recentiores, ut Baro-

\* In tomo  
2. Spicilegij nostri.

nus in Annal. Eccles. &c. Nos etiam in Præfatione tom. 2. Spicilegii pag. 1. & seqq. multa hîc repetenda de eo non duximus.

Advertas porrò Lector librum Isidori Hispalensis *de Ordine Creaturarum* quem in tomo 1. Spicilegii edidi, ab Ænea citatum pag. 53. (tametsi quotquot hætenus legerim, hujus non meminere) haud perperam me Isidoro tribuisse licèt solo ductum scripti codicis titulo: vetus enim est & gravis auctor Æneas cui fidem adhibendam puto.

Quod ad Faustini sive Fausti homiliam atti-

ā ij

net, quâ usus est Æneas adversus Græcos, vide si placet nostram Fragmento ejusdem homiliæ præfixam annotatiunculam pag. 118.

I I.  
B. Petri  
Damiani  
Sermo-  
nes in  
Oratio-  
nem Do-  
minicam.

PETRI DAMIANI Cardinalis ac Episcopi Ostiensis SERMONES QUINQUE IN ORATIONEM DOMINICAM, quos diversis temporibus habuit ad Catechumenos, dum eos sacro fonte ablueret, initiarétque, excerptimus è vetusto ac prægrandi volumine MS. Corbeïensis Abbatiae, heïc in Bibliotheca nostra asservato, in quo variae SS. Patrum reperiuntur homiliae, in divinis Officiis solite antiquitus recitari.

III.  
Nicolai  
de Cle-  
mangis  
Liber de  
Studio  
Theolo-  
gico.

Proximè post Sermones illos habes eruditissimum, solidè pium, ac doctrinam antiquorum Patrum redolentem LIBRUM DE STUDIO THEOLOGICO NICOLAI DE CLEMANGIS, sive Clamengiis, Theologi Parisiensis è Navarræ domo. Aureum isthoc Opusculum complectitur scriptus codex, mecum communicatus à doctissimo Theologo Parisiensi & Canonico Ecclesiæ Aurelianensis Raimundo Formentino. Habet & plures epistolas nomine Parisiensis Academiæ conscriptas, quas auctorem Clemangium nesciens tomo VI. Spicilegii inserueram inter acta, quæ ad schisma pertinent quod Concilium Pisanum præcessit, nempe pag. 81. Carolo Regi Francorum: pag. 106. ad Clementem VII. Romanum Pontif. pag. 104. Responsonem, &c. ad litteras Studii Colonienfis: pag. 106. Cardinalibus mortuo Clemente VII. pag. 109. domino Clementi:

pag. 65. Benedicto Papæ. Sunt & alię quatuor ineditę epistolę in præfato Mf. pro Academia Parisiensi missę: 1. ad Clementem Papam: 2. ad Capitula Cathedralium Ecclesiarum: 3. ad Iohannem regem Aragonię: 4. ad Petrum de Luna, Benedictum nuncupatum: quę quoniam ad Acta præfata attinebant dumtaxat, à me hęc omissę sunt, sicut & nonnulla levioris momenti Opuscula. Qui Clemangii Opera omnia editurus est, ea colligere poterit: sat mihi indiguisse.

At verò menda quamplurima lacunásque cùm in Fromentineo codice offendissem, anxio mihi suppetias dedit amicus, vir antiquę rei peritus, atque alium codicem membranaceum obtulit, unde menda extersi correxique, & lacunas supplevi.

In Miscellaneis epistolarum hæc observare non pigeat; Lector. Amalarii caput ultimum lib. 3. de Ecclesiasticis officiis, scilicet *de Nomine Iesu*, quod in editionibus desiderabatur, licet capitum index id notaret, suppeditavere duo codices scripti Abbatie Corbeiensis, necnon & alias quas nunc primùm damus in lucem epistolas. Exstant quoque ea omnia in duobus Mss. Bibliothecę Vaticanę notatis 1146. & 1147. uti è literis eruditissimi domni Gabriëlis Flambart Procuratoris nostri Generalis in Curia Romana nuper accepi. Exstant denique in cod. Mf. Monasterii S. Benigni Divionensis Ord. S. Benedicti.

IV.

Miscellanea  
Epistolæ.

De Amalario ob-  
servatio.

Amalario Trevirensi quatuor hosce libros de Officiis Ecclesiasticis constanter asserunt qui huc usque illos edidere, freti haud dubiè Trithemii testimonio: sed abs re, ut ante me jam observatum est à doctissimis viris, nimirum à Iacobo Sirmondo in Notis ad Ennodium; à Iohanne Bona in Notitia Auctorum Tractatui de Divina psalmodia præfixa; à Philippo Labbe in tom. I. Dissertationis historiciæ inter Addenda, ubi refert ipse ea de re elegantem Sirmondi epistolam; & ab aliis. Scio equidem hosce viros, Sirmondum maximè, contendere Diaconi Ordine dumtaxat insignitum fuisse Amalarium. At luce clariùs patet, Sacerdotii munia eum obiisse, præsertim ex Epistola ad Guntardum, quem sic alloquitur sibi ab ipso objectis respondens initio: *Fili mi recordatus sum, percunctatum esse pollens ingenium tuum, quare non me cum majori custodia custodirem, ne ilico post consumptum sacrificium spuerem. Addidisti, quod non videres ceteros Sacerdotes hoc facere, &c.* Patet item Abbatem fuisse Amalarium ex Mf. codice Thuaneo not. 374. quædam è libris de Officiis velut excerpta continente in hunc modum: *Tomus Amalarii Abbatis de Divinis Officiis.* Et post multa: *Continentia secuturæ causæ Amalarii Abbatis, viri doctissimi, de Ordine Romanæ Ecclesiæ, qui vocatur liber Officialis.* Is nimirum liber forsitan est de quo Trithemius lib. 2. de Viris illustr. Ord. S. Bened. cap. 43. *Fertur nonnulla plena*



*plena eruditionis edidisse Opuscula: De Officiis Ecclesiast. librum 1. scripsit de eadem re latius postea ad Ludovicū Libb. 4. Auctor æqualis Agobardus Lugdun. Archiep. contra hos libros iv. Amalarii nimium acriter & indignè scripsit librum, nuperrimè à V. Cl. Stephano Balusio in lucem emissum, ubi Amalarius Abbas nuncupatur. Legendæ ejusdem Paluzij notæ pagg. 34, 140, 143.*

Denique non modò Amalarium Sacerdotem & Abbatem exstitisse, sed etiam Episcopum, docent illi Bibliothecæ Vaticanæ scripti codices. Quam verò sedem occupaverit non indicant, nec mihi licuit hætenus conjectare.

Atque ut Sirmondi & aliorum utcumque conciliem cum nostra observatione sententiam, fieri potuit, ut cùm Amalarius suos de Officiis Ecclesiast. libros conscriberet, solummodò esset Diaconus, ac postmodum Sacerdos seu Presbyter ordinaretur, post Abbas, tandèmq̃ue Episcopus constitueretur. Quamobrem amanuenses qui posteriori tempore illos descripsêre libros, & Abbatem & Episcopum eum appellavêre. Nec obstat Ademar in Chronico, cujus auctoritati innititur Sirmondi sententia: quippe tribus post Amalarium vixit sæculis, hæudque discere potuit ipsum Diaconum solummodò fuisse, nisi fortè ex aliquo Ms. At codices à nobis in medium adducti Ademaro sunt antiquiores: quorum unus in Gallia, duo Romæ asservantur.

Observationem istam cum perscripsissem, incidi in Apologiam Davidis Blondelli pro sententia Hieronymi &c. Vbi sect. 2. n. 3. Amalarium ita perstringit: *Amalarium eum Metensium, (quod Honorius somniavit) non Lugdunensium (quod alij perperam conjecerunt) Pontifex; non (quod vulgò placet) celeberrimus ille legatione Constantinopolit. anno 814. defunctus Trevirensis Ecclesiæ Archiepiscopus, cujus anno 847. gregem regebat, 851. demum vivis exemptus Hetto, sed ὁμολογῶνς alius qui anno circiter 827. de Ecclesiasticis Officiis scripsit, Hetti primùm Archidiaconus; sed anno fortè 824. ad episcopatum euectus, cum de eo & Halitgario Cameracensi sequentia in Concilii Paris.\* data tunc ad Hludovicum Augustum epistolâ legamus: vestra imperiali potentia per venerabiles viros Halitgarium & Amalarium dirigere præsumpsimus. Vtrumque enim inter Episcopos sedisse, rescripto suo ad Hieremiam Senonensem Iohannamque Aurelianensem directo\*, his verbis usus nos docet Imperator: venerunt ad præsentiam nostram Halitgarius & Amalarium Episcopi viii. Id. Decembris, &c. Quocumque autem loco sederis Amalarium (cum explorare per otium non liceat) sententiam, &c.*

\* Synod. Paris. de imaginibus init.

\* In fine ejusdem Synodi.

V.  
Ebbonis  
Apolo-  
gia.

EBBONIS Archiepiscopi Remensis Apologicon unde ad me pervenerit ex subiecta Clarissimi viri Iohannis Bona discēs epistola:

DOMNO LVCÆ DACHERIO.

**M**ITTO quod pridem indicavi Ebbonis Re-  
 mensis Apologeticon, haud contemnen-  
 dum ecclesiasticæ antiquitatis monumentum. «  
 Statim ac intellexi te illud desiderare, contuli «  
 me in Vaticanam, & obtenta facultate quæsi, «  
 & reperi in codice Ms. bibliothecæ Palatinæ 576. «  
 pag. 14. repertoque ibi satis perito amanuensi ei «  
 tradidi transcribendum. Tum cum præfato apo- «  
 grapho, quod circa annum 900. scriptum Leo «  
 Allatius V. C. asseverat, diligentissimè contuli, «  
 & si quid erratum fuerat emendavi. Non vide. «  
 tur alicubi sensus integer: sed tu ut soles, con- «  
 jecturas adjicies & notationes. Si quid autem «  
 ago quòd studiis tuis profit, non est cur mihi «  
 gratias reddas; tibi enim debeo multis nomini- «  
 bus quidquid habeo, quidquid possum, &c. «

*Romæ die 19. Febr. 1664.*

**RICHARDI III. Normannorum Ducis Dona-**  
 tionem propter nuptias Adelæ factam, è charta-  
 rio Ecclesiæ collegiatæ Ariæ urbis in Artesia ex-  
 cerptam mihi contulit vir clarissimus dominus  
 d'Herouval.

Donatio  
 Richardi  
 Ducis  
 propter  
 nuptias  
 Adelæ  
 facta.

Perrarum non tantùm est hocce vetus monu-  
 mentum, verùm & omnibus quos huc usque vi-

è yj

di Scriptoribus inauditum & non visum. Meminere quidem Richardi Guillelmus Gemmeticensis, Ordericus Vitalis, Simeon Dunelmensis, & alii non pauci: at de matrimonio cum Adela Roberti Regis Franc. filia contracto, deque ejus dote altum apud illos silentium. Sic etenim illi. Guillelmus Gemmet. hist. Norman. l. 6 c. 1. *Igitur Richardus juvenis in Ducatu superstes genitoris (Richardi II.) licet paulisper supervixerit, &c.* Itē c. 3. *Decedente igitur Duce Richardo à mundani principatus culmine, & Regna ut credimus Vranica scandente, Robertus frater ejus totius Monarchiæ Comitatus ab omnibus subrogatur.* Ordericus Vitalis hist. Eccles. lib. 3. post init. *Defuncto Richardo Gunnoride, Richardus juvenis filius ejus successit: & vix anno uno & dimidio Ducatu potitus obiit.* Simeon Dunelmensis de gestis Anglorum ad an. 1026. *Richardus II. cui successit Richardus III. qui eodem anno obiit.* Eadem repetit Radulfus de Diceto. Iohannes Brompton & Henricus de Knygthon addunt: *Quem (Richardum III.) post annum sui Ducatus Robertus frater suus junior veneno exstinxit.*

Inde, reor, Scriptoribus istis absconditum Richardi Ducis matrimonium ac donationem, quod paucissimis diebus vixerit conjugio copulatus cum Adela; quam eodem ipsius Ducis obitus anno uxorem duxit Balduinus Flandrensis Comes cognomento Insulanus sive Pius, præfata Ecclesiæ sancti Petri Arienensis fundator; unde

chartophylacio ejusdem Ecclesiæ inferi voluit, ut conjicio, donationis chartam, quò magis fieret authentica, atque ipsam posteritati consignaret.

De Adela, vel Arhala, & Ala, legesis Emmæ encomium inter historiæ Norman. Scriptores editum ab Andrea Chesnio pag. 176. Hugonem Floriac. in Chronico: Meierum in Annal. Flandr. lib. 1. ad an. 1027. Porro in illis quæ Richardus confert Adelæ, animadverto Abbatiam quæ appellatur Portbail, in Constantiensi nimirum ditione. Sed inibi ejus nominis Abbatix vestigium superest nullum: locum equidem pagumve *Portbas* vocitatum, quinque circiter leucis à Carento distantem ad oram oceani, haud verò Monasterium eo nomine signatum inveni; nec usquam fas fuit in vetustis monumentis aut historiis Abbatiam illam deprehendere. Itaque difficultatis hujusce nodum oculatioribus solvendum relinquo.

IOHANNIS GOFREDI sive Godefridi S. R. E. Cardinalis oratio, quam habuit cum Iohannes Balüe Andegavenſis Episcopus purpurâ donaretur in Ecclesia Parisiensi ab Avinionensi Cardinale Alano de Coetivy An. Domini MCDLVIII. latebat in codice papyraceo Monasterii de Lyra in Normannia, scripto ea tempeſtate, videlicet an. MCDLXX octavo die Aprilis ante Pascha per fratrem Guillelmum Majoris; (*le Maire*) S. Dionysii in Francia Monachum, Priorémque S.

VI.

Oratio

Iohan.

Gode-

fridi Car-

dinalis.

ē ij

Clari Rotomagensis diœcesis. Hic codex miscellanea continet variorum Auctorum, cum duobus versibus quos subjiciam :

*Tu qui suxisti de Virgine virgineum lac,  
Cœlestis regni scriptorem participem fac.*

LE MAIRE.

Ille autem Godefridus ex Monacho & Abbate sancti Dionysii in Francia, Episcopus fuit Atrebatensis, post Albiensis, ac demum S. R. E. Cardinalis tituli sancti Martini in Montibus. Godefridi meminit Trithemius in lib. 4. de viris illustr. Ord. S. Bened. Iohannem Attrebatensem appellans: *Vir certè, inquit, studiosus & eruditus, atque in negotiis ecclesiasticis peragendis admodum strenuus, ingenii sui plura monimenta transmisit ad posteros* : Quæ cum minimè indicet Trithemius, eum dubio procul fugerunt sicut & alios qui de Godefrido scripsere. Nullam enim orationis præfatæ fecere mentionem. Ciaconius in vitis Pontificum Romanorum in Pio II. Victorellus & Ughellus ibidem: Friso in Gallia purpurata: Sammarthani fratres in Episcopis Atrebat. & Albiensibus.

Est alia Godefredi oratio in codice Lyrensi cum hac epigraphe: *Propositio facta per Reverendiss. dominum Cardinalem Albiensem coram præcellentissimo Rege Castellæ Henrico anno Domini MCDLXIX. Et in fine: Finit harenga per Reverendiss. &c. composita, propositaque Cordubæ co-*

ram, &c. ut suprâ. Quam Deo favente in Tomo VIII. publicabimus.

Quatuor in tomo isto VII. Spicilegii Chronica prodeunt in lucem.

Primum perbreve Episcoporum Albigen-  
sum sive Albiensium, & Abbatum Castrensi-  
(Castra nunc episcopatus est) seriem complec-  
titur: singularis in ea fit mentio Walfredi cujus-  
dam hæretici, omnibus, ni memoria me fallit,  
Scriptoribus ignoti, ut pag. 341. annotavi. Wal-  
fredi hæresis præcipua ostenditur hoc versu:

*Corpus & unâ animam morte perire docet.*

Exemplar istius Chronici collatum fuerat Chan-  
telovio nostro dum in vivis ageret, ab illustrissi-  
mo & integerrimo Senatore Tolosano Guillel-  
mo Masnavio.

Secundum est Chronicon sancti Trudonis  
(S. Tron) diœcesis Leodiensis, cujus auctor Ro-  
dulfus Abbas, vir insignis religione, doctrinâ,  
prudentiâ & constantiâ, qui non ineleganti stilo  
describit nudè ac sincerè, nec studio partium  
indulgens, quæ vel à probatis & optimè notæ  
Scriptoribus edoctus erat, ex antiquis monu-  
mentis, quantum ipsi fas fuit eruerat, quæve  
ab oculatis testibus hausit, aut ipsemet perspe-  
xit. Conqueritur nihilominus in pag. 345. de li-  
brorum penuria, quódque suorum negligentia  
prædecessorum posteritati traditum nihil propè  
repererit. Ab octavo libro ad finem usque sua

VII.  
Chroni-  
con Epif-  
coporum  
Albiens.  
& Abba-  
tum Cas-  
trensi-  
um.

VIII.  
Abbatæ  
S. Trudo-  
nis Chro-  
nicon.

ipsius gesta sub aliena persona commemorat, ne inanem gloriolam videretur aucupari, & ut liberiùs quidquid in administrando Monasterio præclare ac fortiter gesserat, posteritati commendaret. Etenim eundem stilum, eundemque scribendi modum in prioribus ac in posterioribus septem libris animadvertere est. Plures alias lucubrationes edidit Rodulfus, quæ in Chronico enumerantur, præsertim in paginis

439, 450, 455, 407.

IX.  
Chroni-  
con Val-  
ciodoren-  
se, vulgò  
Vafor.

Tertium obtinet locum Valciodorense Chronicon, à Monacho ejusdem Asceterii conscriptum. Libri foundationis Abbatix Valciodorensis scriptorem fuisse Robertum docent Molanus in *Natalibus Sanctorum Belgii* ad diem III. Decembr. describens Translationem corporis sancti Eloquii Presbyteri ad Cænobium Valciodorense; & Aubertus Miræus in *Originibus Cænobiorum Benedictinorum in Belgio*; & in *Originibus Benedictinis*, de Valciodorensi agens Monasterio: ubi eadem planè refert uterque hoc modo: *De hac Translatione (S. Eloquii) plura habet liber foundationis Cænobii Valciodorensis ante trecentos annos* (immò quadringentos, si verè est Auctor Robertus, ut Chronicon aperte indicat pagg. 572, 573.) *à Roberto Monacho Stabulensi, post Abbatem Valciodorensi conscriptus. Ex illo itaque nonnulla libet hîc subjungere: Egressus à Summo Pontifice &c.* Nempe ipsamet propè verba Chronici Val-



ci Valciodorensis à nobis editi , pag. 533. paucis  
 tamen contractis atque immutatis. Vnde si tan-  
 torum virorum testimonio fidem adhibemus,  
 conjiciemus & illius libri foundationis Cœnobii  
 Valciodorensis, & Chronici auctorem esse Ro-  
 bertum. Sed enim Chronici Continuator cum  
 nequaquam Robertum, ne verbulo quidem,  
 asserat Auctorem, par est credere nec Chroni-  
 con istud, nec librum foundationis Robertum  
 contexuisse. Non enim, ipsum eximiis laudibus  
 efferens, rem qua ipsum haud mediocriter com-  
 mendare poterat, vel ignoravit, vel sciens præ-  
 teriit. Si Robertus ipse scripserat librum funda-  
 tionis, quod volunt Molanus & Miræus, idne  
 oblivione pressisset Chronici Continuator, Ro-  
 berti acta commemorans. Nequaquam verifi-  
 mile est, quandoquidem se inter Roberti disci-  
 pulos qui Magistri gesta noverant versatum esse  
 haud obscure insinuat dum ait: *Hic quàm idoneus*  
*& efficax in administrandis utriusque hominis re-*  
*bus necessariis fuit, Fratres utriusque loci ( Val-*  
*ciodorensis & Hasteriensis) ab eo nutriti, & ad*  
*sacros Ordines per eum promoti noverunt, quorum*  
*nonnulli adhuc vivunt.*

Bini fuère Valciodorensis Chronici conscri-  
 ptores, ut videre est pag. 568. Quod Chronicon  
 perducitur ad annum circiter 1242. Continua-  
 tur siquidem tempore Iohannis Episcopi Leo-  
 diensis, qui consecratus est anno 1229. Henri-

cum Abbatem ultimum describens , isthæc in fine subinfert: *Qui etiam nunc nobis præst feliciter, tredecimum agens annum, &c.* Enimverò si anno 1229. tredecim addas , reperies annum 1242.

Utrumque Chronicon Trudonense & Valciodorense describi curavit eruditus juxta ac reliгиозus domnus Symon Guillemot sancti Gisleleni Subprior è Gemblacensis Cœnobii codicibus manu exaratis , & ad me ea perhumaniter misit anno 1660.

X.  
Genealogiæ Bal-  
duini de  
Avenis.

GENEALOGIÆ sequuntur à BALDUINO Avenensi collectæ, quas maximi semper fecêre qui in ejus generis lucubrationibus operam & studium collocaverunt, illis sæpè usi dum genealogias texuêre diversas. Quippe innumeras fermè prosapias Nobilium, Magnatùmque non solum Artesiæ, Hannoniæ, Flandriæ & Brabantiae, sed etiam orbis Gallici, multarùmque provinciarum extra Galliae limites positarum complectitur. Inde quamplurima notatu digna hausit Andreas Chefnius ad texendas Luxemburgensis domûs, & aliarum geneses.

Hasce Balduini Genealogias viri clarissimi Caroli Fresnii domini du Cange Ambianensis Quæstoris humanitati debeo , qui apographum anno superiore ad illustrissimum dominum d'Herouval mihi tradendum transmiserat. Errores nonnullos eo in apographo repertos correxi , alios

compositò præterivi intactos , orthographiam sæpiusculè barbaram , ne stilum Auctoris mutasse viderer , servandam putavi.

Postremò habes , Lector , CHRONICON MOSOMENSE ex duplici apographo , Bibliothecæ Sangermanæ altero , altero Francisci Chesnii , propria Andreæ parentis manu olim exscripto. Auctor initio exhibet vitam sancti Arnulfi , quem passim Martyrem vocitat , more tunc usitato , quamvis haud pro fide sanguinem fuderit suum , tormentave passus fuerit , sed tantùm quòd à latronibus sauciatus peremptusque sit. De quo martyrii genere clarissimus vir Hadrianus Valerius scitè admodùm , uti solet , plura suppediat exempla in tom. 3. Rerum Francicarum libb. 21, 22 , 23. nimirum sanctorum Præjecti Arvernorum , Theodardi Tungrorum , Leodegarii Augustodunensis , & Emmeranni Reginensis Episcoporum.

XI.  
Chroni-  
con Mo-  
somense.

Chronicon Mosomense visum , opinor , fugit oculatissimi Sirmondi cùm Galliæ Concilia eederentur. Nam si illud vidisset , non dubito , quin integram Synodum apud Montem sanctę Marię anno 983. celebratam inseruisset tomo III. pag. 598. ubi desunt ultima verba & subscriptiones Patrum Synodi ; quæ omnia nostro in Chronico reperies.

Quædam in Miscellaneis Epistolarum præpostero ordine à me collocata , ne mireris Lec-

tor erudite : en ratio in promptu est. Quum duas novissem prolixas epistolas jampridem in lucem prodiisse , eas prelo subtraxi , & plures subrogavi earum in locum breviores , utque obviam venerunt ordinavi. Si qua sunt alia tum in hoc , tum in aliis præcedentibus tomis , aliàs priùs edita , oblivioni adscribas , obsecro , & hominem esse me memineris , qui humani à se nihil alienum putat , ut aiebat antiquus ille. Instituti enim ræi est , nihil jam publicatum recudere : nisi fortè id sit aut emendatius , aut prolixius , ne stomachum moveam legenti. Vale.



*Prelum jam egressa Præfatione, mihi in mentem venerunt epistolæ duæ, proæmii instar, S. Forannani vitæ (quam non ita pridem ad nos trāsmissit dominus Simon Guillemot) præfixæ; easque observationi meæ de Valciodorensis Chronici auctore si ederem nonnihil lucis allaturas existimavi.*

## A D D E N D A

in Præfationis meæ pag. 17. post hæc  
verba : *adhuc vivunt.*

Sed ne ego præfractè contendere, aut aliqua subducere videar quæ conjecturis obsint meis, ingenuè duas proferam epistolas, in quibus apparet Robertum S. Forannani Abbatis Valciodorensis vitam composuisse, quamvis illo in Chronico nulla ipsius vitæ fiat mentio.

### PRÆFATIO SIVE EPISTOLA I.

ROBERTI Sacerdotis & Monachi ad dominum  
WIBOLDUM Abbatem Stabulensem.

INCLYTO totiúsque prudentiæ fulgore insigni  
domino WIBOLDO Abbatum egregio, Frater  
ROBERTUS suorum utinam clientum ultimus,  
quidquid Præceptoris subditus. Non, ô Rector  
i iij

» inclyte , vestræ autoritatis indignetur magnifi-  
 » centia , quòd in conspectu vestræ dignitatis, no-  
 » strę audemus manifestare schedulas exiguitatis ;  
 » verùm nec temeritatis supercilio id factum exi-  
 » stimet vestrę pietatis esse dignatio. Non ergo hęc  
 » in opere luculentæ verbositatis investigare orna-  
 » tum , atque animadvertere ab imperito velitis  
 » qualiter enucleatum. Vt igitur hoc examinatio-  
 » nis roboretur iudicio de vestræ magnificentia  
 » confidens pietatis , vestris obtutibus repræsentò,  
 » quo vigeat in aliquo vestri si displicet arbitrii  
 » correptio , vestræque si placet roboretur admi-  
 » niculationis decreto.

»

» *EPISTOLA II. WIBOLDI ABBATIS*

» THEODERICO *Abbati Valciodorensi.*

»

» FRATER WIBOLDUS Dei gratiâ Stabulensis  
 » Ecclesiæ servus domino THEODERICO  
 » venerabili Valciodorensis Ecclesię Abbati, Re-  
 » verendo Fratrum Conventui divinis semper in-  
 » vigilare studiis & provehi muneribus. Gratias  
 » agimus , Dilectissimi , Conditoris omnium in-  
 » æstimabili gratiæ , qui universalis Ecclesiæ suæ  
 » pulchritudinem certis temporibus miro ordine  
 » magnis autoribus ipse idem novus semper & per-  
 » fectus artifex condecorare non desinit ; & una-  
 » quęque per orbem Ecclesia & maris undas in-  
 » terdum patitur , littoris tamen firmitate aliquan-

do gaudet discipulis in navicula Christum dormientem excitantibus, & Christo fluctibus immergente. Christum utique, Fratres, & vos Apostolico exemplo in vestra navicula excitatis, dum vestris, quibus Ecclesia vestra regitur Patronis, honorem & devotionem exhibetis, dum ea quæ in eis ipse operatur miracula ad multorum notitiam & ædificationem perducere desideratis.

Scripsistis nobis per fratrem nostrum & filium vestrum ROBERTUM, vitam & miracula Beati Pontificis & Abbatis Forannani ipsius non parvipendendo studio composita, eâ, ut nobis ipse retulit, intentione, ut si qua nimis viderentur composita vel superflua, nostra parvitas elimaret, aut detraheret, & totum corpusculum Operis nostra cooperatio roboraret, quod Operi si necessarium inspicerem fore, quæ junxit & vos injungitis aggredi non recusarem planè. Sed quia per omnia probatur laudabile, de cetero præceptis vestris cupio obtemperare, si labores nostri pro Ecclesia, si Regni quibus obligamur negotia prosperos habeant exitus, & nobis aliquot sepositis curis aliquando indulgeant otium.


Vos interim eo quo cœpistis studio Beati Confessoris miracula amplectimini, & memoriæ tradere curate: quia si vestra perseveret devotio, si studium non lassescat, si religio

» accrescat glorificationem sacri corporis , vide-  
» re corporeis merebuntur oculis , quibus tan-  
» tùm manifesta datum est videre miracula. Cu-  
» jus temporis felicitati nostra utinam interesse  
» mereatur præsentia , nostra subservire parvitas ,  
» ut sacrorum cinerum glorificatio sit nostræ fi-  
» dei de spe resurrectionis confirmatio ; sit in  
» præsenti tempore de tribulationibus nostris  
» consolatio , de exilio ad patriam , de morte ad  
» vitam translatio.



ELENCHVS





# ELENCHVS

## CONTENTORVM

### IN TOMO SEPTIMO

# SPICILEGII.

- AN. CH. **Æ** NEÆ Parisiensis Episcopi Liber adversus Græcos, *Page. 1*  
circiter *Ex codice Ms. Bibliotheca Thuanæ.*
- DCCC- S. FAUSTINI Episcopi Fragmentum Sermonis in Dominica ante  
LXVI. Quadragesimam, 118  
*Ex cod. Ms. Abbatia Corbeïensis O. B.*
- MLXV. S. PETRI DAMIANI Sermones quinque de Oratione Domi-  
nica, 120, & seqq.  
*Ex eodem Ms.*
- NICOLAI DE CLAMENGIIS sive CLEMENGIIS Liber de Studio  
Theologico, 138  
*Ex cod. Ms. V. C. Raymundi Formentin.*

## MISCELLANEA EPISTOLARVM.

- DCCC- I. AMALARIJ Episcopi HIEREMIÆ Senonensî Archiepif-  
XXVI. copo, 164
- II. Responsio HIEREMIÆ, 165
- III. IONÆ Episcopo Aurelianensî, *ibid.*
- IV. Ad RANTGARIUM Episcopum Noviomensî. *ibid.*
- V. Ad HETTONEM Monachum, 167
- VI. GUNTARDO, 168
- VII. De Observatione Quadragesimæ, 173  
*Ex Ms. cod. Abbatia Corbeïensis.*
- DCCCL. VIII. Apologeticum EBBONIS Remensis Archiepiscopi, 175  
*Ex cod. Ms. Eminentiss. Cardinalis Francisci Bar-  
berini.*

## *Elenchus contentorum*

- DCCC-  
XLIX. IX. LOTHARII Imperatoris Confirmatio foundationis Abbatiae Grandis-vallis, 184
- DCCC-  
LXXXIV. X. CAROLI Crassi Imperatoris approbatio Præcepti LOTHARII pro eadem Abbazia, 185
- DCCC-  
LXVI. XI. LOTHARII Regis confirmatio bonorum Grandis-vallis Monasterio collatorum, 186
- MLIX. XII. CONRADI Iurenſis Burgundiæ Regis inſtauratio Monasterii Grandis-vallis, 187  
*E Schedis noſtris.*
- MCC-  
LXXX. XIII. Conſtitutio PHILIPPI Regis Francorum de jure patronatus Eccleſiarum Normanniæ, 189  
*Ex Mſ. C.V. Antonii de Vion D. d'Herouval.*
- MXCVI. XIV. HELIÆ Comitis Cenomanenſis donatio facta Monasterio de Cultura in gratiam fratris ſui qui Monachum induit, 190  
*Ex membranis ejusdem Monasterii O. B.*
- MXCIX. XV. ANSELMi de Ribodimonte, ſive Peregrinorum qui amore Dei perrexerunt Hieroſolymam anno ab Incarnatione Domini 1099. ad Manasse Archiepiſcopum, 191  
*Ex codice ſcripto V.C. Stephani Baluzii.*
- MCIX. XVI. BALDRICI Dolenſis Archiepiſcopi. Approbat omnia bona Monasterii ſancti Florentii quæ ſita ſunt in ſua diœceſi, 196  
*Ex ſchedis ejusdem Monasterii O. B.*
- MVI. 17. HILDEBERTI Episcopi Avenion. & Roſtagni. Conferunt Monasterio S. Andreæ in monte Andaone Eccleſiam &c. in Alieraco minore, 197  
*Ex chartophylacio Monasterii S. Andrea O. B.*
- MVI. 18. Teſtamentum GIRUINI & uxoris ejus CONSTANTIÆ, 200
- XXXIV. 19. Dos facta in conſecratione Eccleſiæ S. Martini in monte Andaone à STEPHANO & GARSINNE ejus uxore, & à Comitiffa Tolofæ EMMA ac filio ejus PONTIO, 201  
*Ex eodem chartophylacio.*
- XXXVI. 20. RICHARDI II. Normannorum Ducis donatio propter nuptias ADELÆ facta, 203  
*Ex tabulario Eccleſiæ S. Petri Arria urbis in Arteſia.*
- MLXXV. 21. GREGORII Papæ VII. Ut ob injurias & damna illata Lehunenſibus Monachis ſatisfaciant domini Nigellæ & Bovæ, 206  
*Ex tabulario ejusdem Monasterii O. B.*
- MCLIV. XVIII. ſive XXII. & deinceps. GAUFREDI Episcopi Avinion. Liſmota inter Episc. Cavallionenſem & Monachos S. An-

*in Tomo Septimo Spicilegii.*

- dreæ de Ecclesiis nonnullis dirimitur, 207  
*Ex chartophylacio Abbatis S. Andrea Aven. O. B.*
- MCCXV. XIX. Narratiuncula de Concilio Lateranensi IV. 209  
*Ex Ms. Abbatis de Lyra O. B.*
- XX. Concilii Lateranensis sententia de Terra Albigeni, 210  
*Ex eodem Ms.*
- MCCXXX. XXI. Translatio facta de electione Episcopi de Majoricis, seu  
 erectio & fundatio Episcopatus in Regno Majoricarum à IACOBO Rege hujusce Regni, 211  
*Ex membran. D. d'Herouval.*
- MCC-XXII. OTHONIS Episcopi Tusculani ad Innocentium IV. Pa-  
 XLIX. pam. Refert prolixè quæ gesta sunt ab exercitu Christiano-  
 rum in Cypro, 213  
*Ex Ms. D. Stephani Baluzij.*
- MCC-XXIII. H. Episcopi Massiliensis ad Innocentium Papam. Nar-  
 XLIX. rat quæ gesta sunt ab exercitu Christianorum contra Turcas,  
 225  
*Ex ejusdem Baluzii Ms.*
- MCCLI. XXIV. Iuramentum Universitatis Parisiensis, factum an. 1251.  
 quod publicari & renovari debet per scholas bis in anno,  
 226  
*Ex Ms. D. d'Herouval.*
- MCCCLX. XXV. S. LUDOVICI Regis Francorum. De elemosyna argen-  
 ti, bladi, & halecum olim à Rege præscripta, ut fiat tempo-  
 re Quadragesimæ, 228  
*Ex eodem.*
- MCC-XXVI. CLEMENTIS Papæ IV. Iacobo Aragonum Regis filio.  
 LXVI. Respondet non tantum posse sed & debere cum matri-  
 monium contrahere cum filia Comitis Sabaudie &c. 229  
*Ex eodem.*
- MCC-XXVII. INNOCENTII Papæ IV. Episcopo, Clero, &c. Insulæ  
 LXVII. Majoricarum. Ne Majoricenses ad lites dirimendas loca re-  
 mota petere cogantur, 231  
*Ex rotulo membranaceo antiquarum legum à D. d'Herouval communicato.*
- XXVIII. Ejusdem Abbati Montis-Regalis de eadem re, 232  
*Ex eodem.*
- MCC-XXIX. BONIFACII Papæ VIII. Nuntiat Regi Majoricarum se  
 XCIV. in Summum Pontificem electum, 232  
*Ex Ms. ejusdem.*
- MCCCVI. XXX. CLEMENTIS Papæ V. Vladislao nobili viro. Ut abdi-  
 cato habitu Monastico Poloniam Regnum adepturus petat,  
 236

## *Elenchus contentorum*

*Ex Ms. cod. Abbatia Cisterciensis : quæ à doctissimo ejusdem Monasterii Novitiorum Magistro Iacobo de Lanoy ad me transmissa fuit.*

XXXI. Ejusdem Pontificis eidem Vladislao. Ut Papam adeat,

239

*Ex eodem codice.*

MCCC- XXXII. IOHANNIS Papæ XXII. Sancio Regi Majoricarum.  
XVII. Ludovicum Tolosanum Episcop. catalogo Sanctorum adscri-  
ptum nunciat,

239

*Ex membranis D. d'Herouval.*

MCCC- XXXIII. CAROLI IV. Regis Francorum. Reliquiæ sacræ  
XII. Capellæ Paris. dum Rex iter facit, expensis Domûs Dei de-  
ferendæ,

241

*Ex iisdem.*

MCCC- XXXIV. CLEMENTIS Papæ VI. IOHANNI Archiepiscopo Ro-  
XLVII. tomag. Regem Francorum roget ut Regi Majoricarum re-  
stituantur quædam in Comitatu Rossilionis,

242

*Ex iisdem.*

MCCC- XXXV. VRBANI Papæ VI. Archiepiscopo Mediolanensi AN-  
LXXX. TONIO. Facultatem ipsi tribuit pro sequenti Dispensatione,

243

XXXVI. Dispensatio Comitis Virtutum Galeas, & Catharinæ  
filix Barnaboyis Vicecomitis Mediolan. de contrahendo  
matrimonio,

244

XXXVII. Instrumentum ejusdem Dispensationis auctoritate  
D. VRBANI Papæ factæ,

247

*Ex iisdem membranis.*

MCD- XXXVIII. NICOLAI Papæ V. GUILLELMO Franciæ Cancel-  
XLVII. lario. Rogat ut ad pacem Ecclesiæ conciliandam, omnem ad-  
hibeat curam,

249

*Ex iisdem.*

XXXIX. CAROLI Franc. Regis Nicæno Sanctorum XII. Apo-  
stolorum Cardinali GRÆCO BASSARIONI. Ipsi benevolentix  
dat argumenta,

250

*Ex iisdem.*

XL. Advisata & deliberata in Dieta Aſſeſchaffemburgensi die 13.  
Iulii, anno Domini millesimo quadringentesimo quadrage-  
simo septimo,

251

*Ex Ms. D. d'Herouval.*

MCD- XLI. CAROLI Franc. Regis Sigismundo Duci Austriæ. Gra-  
XLVIII. tum se habere testatur matrimonium cum filia Regis Scoto-  
rum,

252

*Ex eodem.*

## *In Tomo Septimo Spicilegij.*

XLII. NICOLAI PP. V. Carolo VII. Regi Franc. Rogat ut Antonio Crepinè Paris. Cathedra ad Laudunensem translatò Rex faveat, 254

*Ex eodem scripto codice.*

XLIII. Magistri Hospitalarii Ierusalem CAROLO Regi Franc. Nunciat victoriam de Turcis reportatam à Militibus Rhodi, 256

*Ex eodem.*

MCD- XLIV. CAROLI VII. Franc. Regis Nicolao Papæ V. Congregatos Rotomagi Prælatos Regni ad bonum Ecclesiæ nunciat, 257

*Ex eodem.*

MCDLII. XLV. NICOLAI PP. V. Carolo VII. Regi Franc. Rogat Regem ut Cardinali Rotomag. Archiepiscopo, qui fidelitatem & homagium nondum præstiterat, annum saltem redditum percipere liceat, 258

*Ex eodem Ms.*

MCD- XLVI. Sacratiss. ac Christianissimæ Regis Francorum Majestati IANUS de Campofregoso Dux Ianuensium. Orat ut regno Cyprio periclitanti subsidium Rex conferat, 260

*Ex eodem codice.*

MCD- XLVI. seu XLVII. & sic deinceps. CAROLI VII. Regis Franc. Friderico Romanorum Imperatori. Ut Ducem Baviaræ diutius detentum libertate donet, 261

*Ex eodem.*

MCCXIV. XLVII BERTRANDI Episcopi Cavellicensis. Geraldus peccatis apud Episcopum depositis quædam à se usurpata Monasterio S. Andreæ Avinion. restituit, 263

*Ex tabulario ejusdem Monasterii.*

MCC- 48. IAUERANNA de Medullione vidua spreto mundo se se Deo consecrat ac subijcit Abbati S. Andreæ Avenionensi, &c. 264

*Ex eodem.*

MCC- 49. Institutio Monasterii puellaris S. Crucis in Aptensi diœcesi, seu Donatio ejusdem Monasterii facta ab Abbate & Monachis Cœnobii S. Andreæ Avinion. 266

*Ex eodem.*

MCC- 50. Charta institutionis Monasterii B. Mariæ de Furnis in diœcesi Avinionensi per Calveriam Abbatem sancti Andreæ, 271

*Ex eodem tabulario.*

MCCLXV. 51. ROSTAGNI de Podio-alto Codicillus. Constituit duo anniversaria quolibet anno in Monasterio S. Andreæ, &c. 275

*Ex eodem.*

\* iij

## *Elenchus contentorum*

- MCD- XLVII. BENEDICTI de Aurea Francorum Regis Capitanei,  
 XLVI. honorandis dominis Protectoribus S. Georgii. Genuenses ut  
 se Regi Franc. subdant exhortatur, 276  
*Ex Mf. D. d'Herouval.*
- MCD- XLVIII. FREDERICI Imperatoris L. Duci Sabaudiz. Ducem  
 XLVII. adhortatur ut patri suadeat Pontificatum abdicare, 278  
*Ex eodem.*
- MCDLV. XLIX. CALIXTI PP. III. Carolo VII. Regi Francorum.  
 Certiorem facit Regem se in sedem Apostolicam evectum,  
 280  
*Ex eodem.*
- L. CAROLI Regis Franc. Archiepiscopo Moguntinensi Electro-  
 ri R. I. Alberto Marchioni Brandeburgensi, &c. Commu-  
 nitates jura Eccles. infringere conantes expugnandas esse,  
 281  
*Ex eodem.*
- LI. Ejusdem Regis Alfonso Aragonum Regi. Commendat  
 Summum Pontificem, quo ipsum honore prosequatur, 283  
*Ex eodem Mf.*
- LII. Ejusdem Frederico Romanorum Regi. Ejusdem argu-  
 menti, 284  
*Ex eodem.*
- MCD- LIII. EUGENIO Papæ IV. Rogat ut Iohannis Cordis electio-  
 XLVI. nem in Archiepiscopum Bituric. confirmet Papa, 285  
*Ex eodem.*
- LIV. Eidem Summo Pontifici CAROLUS Rex Franc. Prælati  
 omnes Regni Franc. fidelitatis juramentum præstare debent  
 Regi. Quas ob causas, 286  
*Ex eodem Mf. D. d'Herouval.*
- LV. Idem Rex Summo Pontifici. De eodem fidelitatis jura-  
 mento, 288  
*Ex eodem.*
- MCDLV. LVI. CAROLI VII. Regis Franc. Summo Pontifici. Litteræ seu  
 Rescripta Papæ in Gall. missa debent primò Regi offerri, ab  
 ipso recipi, &c. 289  
*Ex eodem.*
- LVII. Eidem Summo Pontifici idem Rex. Electionem Abba-  
 tis Gorziensis confirmet, Rex orat, 290  
*Ex eodem.*
- LVIII. CAROLI VII. Regis Franc. Summo Pontifici. Vt Papa  
 Abbatem S. Mauri Fossat. electum ob præclaras virtutes  
 Episcopum Meldensem approbet, 292  
*Ex eodem.*

*in Tomo Septimo Spicilegii.*

LIX. CAROLI VII. Franc. Regis NICOLAO Papæ V. Queritur Rex quòd contraria juri suo & nationi Gall. in Capitulo generali Ordinis S. Iohannis Rhodi acta fuerint, 294

*Ex eodem.*

LX. Eiusdem Summo Pontifici. Pecunias in suo Regno colligi nisi per deputatos à se viros renuit, 296

*Ex eodem.*

LXI. CAROLI VII. Regis Franc. eidem. Oratorem Papæ benigne suscepisse, missosque à se nuunciat, &c. 297

*Ex eodem.*

LXII. Eiusdem S. R. E. Cardinalibus. Oratores suos ad S. Pontificem cum benevolentia excipiant, rogat, 298

*Ex eodem Ms. D. d'Herouval.*

LXIII. Eiusdem Regis NICOLAO Papæ V. Ut Ecclesiæ Collegiatae in Baronia de Treignello annecti permittat Ecclesias parochiales, 299

*Ex eodem.*

LXIV. Eiusdem Duci Clevensi. Ut in pacem cum Archiepisc. Colonienfi redeat, Rex scribit, 300

*Ex eodem Ms.*

LXV. CAROLI VII. Regis Franc. Archiepiscopo Colonienfi. Milites & pecuniam se ipsi præstiturum pollicetur, 301

*Ex eodem.*

LXVI. Eiusdem Iohanni Hiongad Wayvode Transylvano Themesienfi Comiti, &c. Promittit se opem, pace priùs in Regno firmata, laturum, 302

*Ex eodem.*

LXVII. Eiusdem Dionysio Cardinali Archiepiscopo Strigoniensi, Laurentio Palatino Hungariæ, &c. Auxiliares copias spondet statim atque Regnum pace fruetur, 303

*Ex eodem.*

LXVIII. CAROLI VII. Regis Franc. Arnoldo Guelrensi & Iuliacensi Duci, Romam ire cupienti, Diploma commeatus concessum, 304

*Ex eodem.*

LXIX. ÆNEAS Sylvius Hippolyto Mediolanenfi contra fornicationem monita subministrat, 305

*Ex Ms. Monasterii Lyrensis O. B.*

M C D

L I X.

LXX. PII Papæ II. Carolo Franc. Regi. Ut Guillelmo de Tortosa Societatem Iesu ad Infidelium oppugnationem institutam ingrediendi det facultatem, 311

*Ex authentico D. d'Herouval.*

M C D L X I. LXXI. Eiusdem Episcopo Attrebatensi A. S. Legato. Regem

## *Elench. content. in Tomo VII. Spicilegij.*

Franc. laudibus attollit, deinde ut quàm benevolam erga ipsum Regem animum habeat, Episcopus significet, 313

*Ex Ms. codice Lyrensi.*

**MCD- LXXII.** Iohannis Goffredi Cardinalis oratio facta in Ecclesia  
**LXVIII.** Parisiensi die qua Cardinalis Andegavenfis Iohannes Baluë  
Cardinalatus dignitatem recepit, 314

*Ex eodem Ms.*

**MCD- LXXIII.** SIXTI Papæ IV. Ludovico Regi Franc. Conqueri-  
**LXXIV.** tur quòd Concordata Rex non observet, 333

*Ex Ms. codice D. d'Herouval.*

**CHRONICON** Episcoporum Albiensium, & Abbatum Castren-  
sium, 335

*E schedis illustriss. V. Guillelmi Masnauvii Senatoris  
Tolosani.*

**GESTA** Abbatum Trudonensium, sive S. Trudonis (S. Tron)  
Ord. S. Benedicti in Diœcesi Leodiensi. Auctore Rodulfo  
Abbate ejusdem Monasterii, 344

*Ex codice Cœnobii Gemblacensis descripsit D. Simon Guil-  
lemot Subprior Abbatia S. Gisleini.*

**CHRONICON** Valciodorensis (Vasor) Cœnobii O. B. in  
Diœcesi Leodiensi, 513

*Ex Ms. codice ejusdem Monasterii Gemblacensis.*

**GENEALOGIÆ** ex Chronicis Hannoniensibus collectæ à Ma-  
gistro Balduino de Avenis. 584

*Ex Ms. codice V. Clariss. Caroli du Fresne D. du Cange  
Quæstoris Ambianensis.*

**CHRONICON** Mosomense (vulgò *Mouson*) diœcesis Remensis,  
Auctore anonymo O. B. 613

*Ex duplici apographo Bibliotheca S. Germani à Pratis,  
& V. Clarissimi Francisci du Chesne.*

Index rerum & verborum.

Indiculus familiarum quarum mentio fit in Genealogiis Bal-  
duini de Avenis.



ÆNEÆ





# Æ N E Æ

## PARISIENSIS EPISCOPI

### LIBER

#### ADVERSVS GRÆCOS.

#### P R Æ F A T I O.

*ÆNEAS Parisiacensis urbis Episcopus, quo primus præsedet S. Dionysius à Paulo Apostolo Atheniensium consecratus Archiepiscopus. sed à sancto Clemente totius Gallia constitutus Apostolus; Pacem & gloriam Catholica fidei cultoribus.*



**I**EGIMUS in libro Iudicum, quòd præ- Iud. 3.  
scientia divina terræ inclytæ semini Abrahæ, ob immensæ fidei laudem repromissæ, inesse reliquias Chananæorum ex parte permiserit, scilicet ut experiretur in eis Israël, ne fortè otio torpens ignarus bellorum foret, cujus efficax virtus, Deo præduce, dudum regnum egregium cunctis sæculis prædicabile, sibi armis vindicaverat. Hujus æquitatis lance cælestium, terrestrium & infernorum Dominus, sanctam Ecclesiam non haben-

Tom. VII.

A

## 2 ÆNEÆ PARISIENSIS EPISCOPI,

rem maculam aut rugam, annulo suæ passionis sibi solemniter jure regio desponsatam, hæreticæ pravitatis assertionibus laceffitam, victrici laurea experiri voluit, veluti stans in acie manus in bella contraheret, & ob creberrimam adversariorum victoriam, in amplexu sui sponsi condelectans, in totius lætitiæ patente triumpho admodum exultaret, & frequenti concertatione in bella Dei sui assurgens, scientiâ repugnandi venustata cum decore polleret, ut se toxicatis armis adtentantes potenter repellere addisceret, ipsi conclamans, qui caput galeati contrivit Chelydri, ac  
*Psal. 34. 1.* fiducialiter agens: *Iudica, Domine, nocentes me; expugna expugnantes me. Apprehende arma & scutum, & exurge in adiutorium mihi.*

Igitur multoties devicti hostes cùm indignè ac turpiter rediviva audent reparare certamina, in hoc segnitia deterioris famæ per ora Magnatorum infeliciùs deteruntur, quo subrigi ingeniis fraudum ad sublimiora gestiunt, sed ceu effeminati viribus terga præbentes deformiter succumbunt. Ita si quidem venenata perniciës perversi dogmatis ab initio nascentis Ecclesiæ usque ad præsens nequiter pullulans serpère non desistit, occupare incautos, corrumpere doctrinâ quietos, more latronis aggredi latenter bene degentes, vera in falsis transmutare callidè laborans. At sancta Ecclesia jam quasi senio lassata, cum Moyse ad Dominum interventrices elevat manus pro suis ut vincant, & pulchrè Aaron & Hur fatigatas sustinent, scilicet novi & veteris Testamenti series, testimonia sanctarum defensionum in promptu festina portendit, ne fortè sui, quos Catholicè enutrients ad perfectionis culmen evexit, cedant spiculis oppugnantium, sed clypeo veritatis viriliter resistentes, Domino virtutum & Regi gloriæ jocundantes proclamant: *Cantemus Domino: gloriosè enim magnificatus est, quia equum & ejus ascensorem dejecit in mare.*  
*Exod. 15. 1.*

Tempore  
 Ludovici  
 Imp. cœ-  
 pèræ Græ-  
 ci Roma-

Itaque temporibus gloriosi & orthodoxi Hludowici Imperatoris Græcia, quæ se matrem verborum & genitricem Philosophorum, & omnium liberalium artium fautricem appellari contendit, de his supersti-

tionibus superfluis, quæ & nunc Romanam Ecclesiam, nam Eccl. exagitare. immo & omnem gentem latinâ linguâ utentem consulere tentavit, satisque mirandum in tam vilissimis questionibus occupatam, longævo ventilatis ævo, & perspicuè ad liquidum dilucidatis, quæ totius peritiæ ac facundia se fore gloriatur auctricem, ut pelagus dialecticæ subtilitatis exostulat, putans se posse veraciter distinguere vera à falsis. Ergo, ut intonat Apostolus usque ad tertium cælum raptus, si *Iudæi signa petunt, & Græci sapientiam* 1. Cor. 2. 22. *querunt*, hæret sagacitas de puro fonte potantium, cur ita hebetudo sensûs despicabilia sciscitando summa tenere conantes ignominiosè obtenebrat, quos culmen magni intellectûs, ut illi falso opinantur, in gremio amplitudinis suæ velut coruscans amplectitur & fovet. Nempe cum populi Orientalium, quasi sub scabello Domini specialiter subsidentes, cum Occidentalibus in fidei documentis disceptare videntur, quasi sol pulcherrimus mane in Oriente positus, in occiduos suæ lucis radios vesperi transmutat in tenebras. Non autem cæli climata deteriores reddunt animos mortalium, neque plagæ supernæ pro variarum dementiis sectarum culpandæ, cum Oriens & Occidens mixtim contineat justos & reprobos, sed humanitas primò bona condita, & in libero arbitrio potenter stabilita, negligendo Creatorem, & obaudiendo seductorem, de dextris ad lævam promoveri meruit, exin orbis multiplicis tramiti devio inhiare cœpit.

Nec adeò mirum ab Asia, vel à finibus Europæ, ubi sita Constantinopolis Græciæ Metropolis habetur, tantarum fallaciarum oriri discrimina: si enim revolvantur sanctorum statuta Canonum, & Ecclesiasticarum discutiatur series historiarum, ab illius regni partibus potius quàm sub Romana ditione degentibus, reperientur pullulasse genimina viperarum, id est, quàm plurimi inventores perversorum dogmatum, veluti fuerunt, ut ex multis memoremus aliquos, Arius, Eunomius, Photinus, Marcion, Cherinthus, Manichæus, Hebion, Nestorius Constantinopolitanus Episcopus, cæteræque pestes dilatatæ hæreseos, quibus non fuit requies omni instantia Catholicas

In Græcia  
Hæreses  
quamplurimæ pullu-  
larunt.

#### 4 ÆNEÆ PARISIENSIS EPISCOPI,

dilacerare & oppugnare mentes. Euthichius etiam Constantinopolitanæ urbis Episcopus de Resurrectione in tantum erravit, ut affirmaret quod corpus nostrum nulla resurrectionis gloria futurum esset impalpabile, ventis aëreque subtilius: Sed nos è contra dicimus, sanctaque credulitate firmamus, quòd in illa resurrectionis gloria erit corpus nostrum subtile quidem per effectum spiritualis potentiae, sed palpabile per veritatem naturæ. Nam beatus Papa Gregorius quondam in eadem Constantinopolitana urbe positus, cum præfato Eutichio de hac re in conspectu Tiberii Constantini Imperatoris gloriosum habuit certamen, veluti ipse plenius commemorat in decimo quarto libro Moralium Iob. Sed ita ab eo nobiliter est devictus, ut pellem manûs suæ teneret, dicens: *Confiteor quia omnes in hac carne resurgemus*: quòd omnimodis prius negare consueverat.

Nullus Pontificum Rom. usquam hæresiarcha.

Matth. 16. 20.

\* f. indicavit.

Galat. 1. 6.

Est autem dictu lamentabile, quia eadem sedes quæ caput levare conatur ad superiores, pro rectæ fidei Præsulibus doctrinâ scædatos Rectores olim habuit hæreticâ, quos Tripertita denotat Historia, & sanctorum Patrum in Canonibus damnat solertia. Non verò in Romana Sede, Deo Rectore, tale unquam contigit dedecus, ut aliquis Hæresiarches eidem præsideret, quam summus Apostolorum Princeps sua sessione illustravit, & fuso sanguine consecravit, cui suas regendas oves Dei Filius speciali cura commisit; nec mirum, quia ipsi dictum fuerat: *Tu es Petrus, & super hanc petram ædificabo Ecclesiam meam: & tibi dabo claves regni cælorum*. Ergo cui propria auctoritate regnum dabat, hujus fidem firmare non poterat? Quem cum petram dicit, firmamentum Ecclesiæ judicavit\*. Liberius tamen Papa à Beato Petro tricesimus septimus quamvis à fidei tramite non devia- ret, exilio & minis Ariani Principis territus, non virtute qua debuit perfidis Ariani viriliter repugnavit. His autem qui ab arce totius Christianitatis deviare videntur, novæque adinveniunt quæstiones, rectè intonat Paulus ad Galatas, quorum ex Græcia propagatur origo: *Miror: quòd sic tam citò transferimini ab eo qui vos vocavit in gratiam Christi Iesu in aliud Euange-*

*lium, quod non est aliud, nisi sunt aliqui qui vos conturbant, & volunt convertere Evangelium Christi. Magna etiam auctoritate ingeminat dicens: Sed licet nos aut Angelus de* *ibid. 8.*  
*celo euangelizet vobis præterquam euangelizamus vobis, anathema sit. Et consequenter addit: Sicut prædiximus, & nunc iterum dico: Si quis vobis euangelizaverit præter id quod accepistis, anathema sit.*

Iure itaque à Rectore sanctæ Ecclesiæ à via veritatis aberrantibus talia apostolicè inferuntur. Hac etiam virga reprehensionis digni habentur: *O insensati Galatæ, quis* *Galat. 3. 1.*  
*vos fascinauit veritati non obedire, ante quorum oculos IESUS-CHRISTUS proscriptus est & crucifixus? Denique cunctis sæculis enorme generatur piaculum, dum ab ipsis, quorum doctrinâ adornari debuerat Ecclesia, florere nitore religionis, & augmentum accipere suæ salvationis, humiliari zelo nequitiae contenditur: & à qua omnis macula longè abesse debuerat, ei infligere nituntur, ut non sit à sordibus aliena. Sed quia sanctus dicit Apostolus: Oportet autem hæreses esse ut probati manifesti fiant. Fal-* *1. Cor. 11. 19.*  
*laciæ ludibria, quæ ad eam applicare tentavit sanctarum hostis animarum, clypeo Redemptoris sui repelli habet, nec patietur divinitas visibilibus & invisibilibus rerum sacratiores & potior vinci à creatura quæ condita fuit Angelica, sed ob tumorem superbiæ sua sponte non alio cogente sceleratiores facta incidit in baratrum perpetuæ damnationis, cui nil placitum, nisi tantum perditio Beatorum. Nam cunctorum opifice largiente, sapientiam non vincet malitia, sed victor apparebit in propriis, qui suos semper à primo armavit spiritualibus documentis: Omnes enim qui* *2. Tim. 3. 12.*  
*volunt piè vivere in Christo Iesu, persecutionem patientur.*

Itaque in præsentiarum jam adforeprehenditur ætas plena miseriarum, quæ præsentitur amplecti spatium temporis, de quo Apostolus lamentando præcinit, dicens: *Erit enim tempus cum sanam doctrinam non sustinebunt, sed* *2. Tim. 4. 3.*  
*ad sua desideria coacervabunt sibi Magistros prurientes auribus, & à veritate quidem auditum avertent, ad fabulas autem convertentur. Ecce in promptu hæc prædicta serpere conspiciamus, & ideò dum tuba personatur belli,*

neceſſe eſt ut arma aptentur in militum membris, ut doctum indiſtriâ præoccupare nequeat perfidus hoſtis. Quamvis autem in talibus controverſiæ procellis concutatur Domini exercitus, valde indignum ut animos fortitudine nobilitatos, à ſtatu rectitudinis detorqueant hæretica pravitate degeneres. Quantò enim aſtutia diaboli cum ſæva calliditate accedit atrocior, tantò providentia fortium cautiùs præmunita debet eſſe paratior. Admonens ſiquidem alumnum Timotheum Apoſtolus ne impediretur decipulis malignantium, blandè hortatur, dicens:

*Ibid. 2. 17. Profana autem & inaniloquia devita; multum enim proficiunt ad impietatem; & ſermo illorum ſicut cancer ſerpit. Ad Titum etiam ita dicit: Stultas autem quæſtiones & genealogias, & contentiones & pugnas legis devita: ſunt enim inutiles & vanæ.* Et ut ſollicitior redderetur, & ſancto

*Tit. 3. 10. 11. acumine inſtructior eſſet, addit: Hæreticum hominem poſt unam & ſecundam correctionem devita; ſciens quia ſubverſus eſt qui ejusmodi eſt, & delinquit cùm ſit proprio judicio condemnatus.* Ergo cum ſancto Eliſeo credamus, quia plures ſunt nobiſcum quàm cum illis, id eſt, utriuſque Teſtamenti ſagaciſſimi Patres, & pro deſenſione veræ fidei avidiſſimi & invictiſſimi bellatores, qui cum robuſtiſſimo Iofue Deum ſupplicare ſtudeant ut ſtet ſol, id eſt tempus ſanctæ converſationis prolixius clareſcat, donec ſe verus

*Theſſ. 4. 17. Iſraël ulciſcatur de inimicis ſuis. Non enim vocavit nos Deus in immunditiam, ſed in ſanctificationem,* dicit Apoſtolus, poſtquam unda baptiſmatis & Spiritu ſancto in gratia Chriſti renovati ſumus. Quocirca non cedendum adverſariis, ſed viriliter reſiſtendum, ut non capiamur illius inlecebris, qui de ſupernis ob ſuperbiam ad ima delapſus, hoc elaborat niſibus iniquitatis, ut Eccleſia quæ eſt filia pacis dilaceretur doctrinâ ſcœditatis, & pateat morſibus erroris.

Hæc & ſimilia ut præcaveret Timotheus, ſacrarium Spiritus ſancti caritate fervens admonet Paulus: *Stultas autem & ſine diſciplina quæſtiones devita; ſciens quia generant lites.* Hæc nempe præcavere oportet generaliter cunctos in Chriſtum credentes, maxime eos qui regimen

debent habere animarum, & esse speculum bonorum operum, & sanctarum forma virtutum. Indéque gemendum bene viventibus, quia unde in sancta Ecclesia decorum esset splendere honorem gaudii, ab his partibus multis volventibus sæculis oboriuntur immensi detrimenta scandali. Si enim ferrum ferro acuitur, congruum esset ut Græca lingua à vero non discreparet, in quo Latina normam Catholicæ fidei indissolubiliter tenet.

Hæ sunt ergo superfluarum quæstiones ad sæcularia potius quàm ad spiritalia tendentes, quæ non videntur procedere ab experientia magni intellectûs, sed nasci à reprehensibilitate exterioris sensûs. Illud itaque pelagus, ut jactatur, insignis eloquentiæ infert Romanis auribus:

Quare Spiritum sanctum à Patre & Filio profiteamur procedere, & non à solo Patre.

Rursus quare in Sabbatis jejunium exerceamus.

Et quare ab officio Presbyterorum nuptias arceamus.

Addunt etiam quare Presbyteri Latinorum inhibeantur frontes baptizatorum chrismate linire, cum locus consignandi in fronte propriè sit Episcoporum, & in vertice Presbyterorum.

Item sciscitantur quare à carniûm esu octo hebdomadibus ante Pascha, & septem à casei & ovorum more suo non cessamus.

Opponunt præterea cur Clerici barbas radant;

Et quare Diaconi nondum suscepto Presbyteratus officio in Episcopos ordinantur, ut mos est aliquando Romanis.

Conqueruntur etiam de transmigratione Principatus Romanæ Sedis, quam dicunt factam Constantinopoli, unde & eam cum Patriarcha suo caput dignitatis appellant.

Ad stultarum cumulum & inertiam ineptiarum garrientes inquirunt, quare chrisma nostrum, immo Dei, ex aqua fluminis conficiamus.

Et quare agnum simul cum corpore Christi & Sanguine in Pascha super altare ponamus, & more Iudæorum offeramus, cum nullatenus hæc vel aliquis desipientium

Græcorum  
objectio-  
nes.  
*Vide Ra-  
tram, contra  
Opposita  
Græc. lib. 1.  
c. 2. & seqq.  
in Tom. I.  
Spicilegii  
nostri. Et  
Flodoard. in  
hist. Rem.  
l. 3. c. 17.*

unquam crediderit. Quæ duo in tantum videntur indignissima, ut ab auditu fidelium ex toto judicentur penitus esse extranea.

Hæc deliramenta versutiarum græcalis industria supercilioso ambitu per Romanum spargit Imperium, & Dominicis aciebus insistsens astu calliditatis scaturiens contendit laceffire quietos. At contra repugnant ducibus injusta molientium agmina supernarum virtutum, quin immo longè portendunt scutum sanctæ repulsionis inlustrium defensio Patrum, concordia Canonum, auctoritas & victoria excellentissimorum Antistitum, per Christiani nominis limitem in theoria magnificè vulgatorum, verbo ac doctrinâ cælos contingentium. In hoc forti congressu non ferent vexilla tyrones, nec fatigata brachia efferent emeriti senes, sed delecta viribus juvenus, id est, in fide Christi perfectissimis utentes sensibus, ex omni parte armis sacrorum dogmatum munita corpora mentesque ferentes, inclyta laceffient bella, & Domino favente victores existent. Lege autem triumphantis peracto certamine, dum lassatis quasi membris refrigerium subministrabit Spiritus sancti afflatus, potiti voto gloriosissimi milites, & ob agoniam eximiè lætantes, ad cælos porrigent conspicuos vultus, Regi Regum dominatori suo laudis præconia acclamantes: *Dominus fortis & potens, Dominus potens in prælio. Et: Dominus virtutum ipse est Rex gloriæ.* At verò exhilaratus pater totius Ecclesiæ, Apostolicæ scilicet Sedis Beatissimus Pontifex, cum Paulo Apostolo erigens in excelso caput, hæc verba protectori Deo solemmniter personabit: *Dominus autem mihi astitit & confortavit me; ut per me prædicatio adimpleatur; & audiant omnes gentes: & liberatus sum de ore leonis. Liberavit me Dominus ab omni opere malo, & salvum faciet in regnum suum cæleste, cui sit gloria in sæcula sæculorum, Amen.*

*Psal. 23. 8.*

*Ibid. 10.*

*2. Tim. 4.*

*17.*





## QVÆSTIO,

S I V E

## O B I E C T I O I.

*Quare Spiritum sanctum à Patre & Filio  
profiteamur procedere, & non à  
solo Patre.*

**S**ANCTUS ATHANASIUS Alexandrinæ Sedis  
Episcopus, Græcæ linguæ experientissimus,  
ubi Beatus Marcus Evangelista præfedit; quæ  
Sedes secunda est à prima Romana, ut Cano-  
num Statuta decernunt, in Libro DE VNITATE  
SANCTÆ ET INDIVIDUÆ TRINITATIS \* dicit:  
*Quòd in Patre sit Filius & Spiritus sanctus; &  
quia Spiritus sanctus à Deo Patre procedat, ubi  
nequaquam excluditur Filii nomen.*

Capitulum  
I.  
Encomium  
S. Athanasij.

al. \* in edic.  
De Ariana  
& Catholica  
fide; estque  
l. b. VIII.  
De unitate  
Dei, paulò  
ante finem.

Serviendum itaque est Christo Filio, quia & perfectus  
Deus, & verus est Filius. Et qui fideliter servit Filio, Pa-  
tri servit & Spiritui sancto qui in eo est. Et qui adorat Pa-  
trem, in ipso adorat Filium & Spiritum sanctum, quia  
in Patre est Filius, & Spiritus sanctus qui à Deo procedit,  
ipso Domino dicente: *Ego in Patre & Pater in me.* De Ioan. 14. 10.  
Spiritu quoque sancto sic ait: *Spiritus autem paraclitis* Ioan. 15. 26.  
*qui à Patre meo procedit.* Et cum Filium quis adorat, in  
eo Patrem adorat & Spiritum sanctum, quia in ipso est  
Pater: dicente eo: *Qui me videt, videt & Patrem meum.* Ioan. 10. 9.  
Et iterum: *Pater autem in me manens, ipse facit opera.* Ibid.  
De Spiritu verbò sancto sic ait: *Ille, inquit, me clarificabit,* Ioan. 16. 14.

Tom. VII.

B.

*Ibid.* 35. quia de meo accipiet, & annuntiabit vobis. Et, Omnia quæcumque habet Pater mea sunt. Propterea dixi vobis, quia de meo accipiet. Spiritus itaque Patris, Spiritus Filii est, Galat. 4. 6. Apostolo dicente: Quod autem estis filii Dei, misit Deus Spiritum Filii sui in corda nostra. Et iterum: Si quis autem Spiritum Christi non habet, hic non est ejus. Et iterum: Philip. 1. 19. Scio enim quia hoc mihi proveniet in salutem per vestram orationem & subministratorem Spiritus IESU-CHRISTI. In Evangelio quoque ipse Dominus ait: Paraclitus, inquit, Spiritus sanctus, quem mittet Pater in nomine meo. Et in Actibus Apostolorum ita legitur: Transseuntes autem Phrygiam & Galatiam, vetiti sunt à Spiritu sancto loqui verbum. Cum venissent autem in Mysiam tentabant ire Bithyniam, & non permisit eos Spiritus IESU. Manifestissimis igitur testimoniis probatur, quod Spiritus sanctus, Spiritus paraclitus, Spiritus qui à Patre procedit, Spiritus sit Filii, Spiritus Christi, Spiritus IESU.

## Capitulum

11.

In edit. titulum hunc præferi, De Unitate Dei lib. 1. sub init.

ITEM sanctus ATHANASIUS in libro de unitate Trinitatis: Quod Spiritus sanctus unitus Deus sit in Patre & Filio, sic dicit:

al. a num quod.

al. b oportebat.

al. c poterat.

al. d & hoc confessione.

al. e in plurali nuncupari.

al. f in his una natura.

al. g in his una natura.

al. h in his una natura.

al. i in his una natura.

al. j in his una natura.

al. k in his una natura.

al. l in his una natura.

al. m in his una natura.

al. n in his una natura.

al. o in his una natura.

al. p in his una natura.

al. q in his una natura.

al. r in his una natura.

al. s in his una natura.

al. t in his una natura.

An ignoras quia Pater unus Deus est, & Filius unus Deus est, & Spiritus unus Deus est? Nonne unus Deus est, dum unitum nomen est in natura *ὑἱός*; sic & unus Spiritus est, quia unita est ejusdem divinitas. Nam si tu per singula nomina personarum unitum nomen Spiritus ter designasti, nunquid<sup>a</sup> tres Spiritus dicere oportet<sup>b</sup>? absit. Quod si hoc potuerat<sup>c</sup> dici, tale erat ut & hoc in confessione<sup>d</sup> deberet introduci, tres Deos plurali<sup>e</sup> numero nuncupari: ut jam non esset in his personis unita natura<sup>f</sup> divinitatis, sed unusquisque in propria vel diversa natura sua consisteret. Quod absit. Interea rursus eadem repeto, & ad tua dicta verba comparo, & sensum intellectus mei tibi refero\*. Pater unus Deus est, Filius unigenitus Deus est, & Spiritus sanctus unitus in Patre & Filio Deus est.

ITEM idem in eodem libro\*: *Quòd Spiritus sanctus nec Pater sit nec Filius, sed de natura unita existens procedat de Deo Patre, & accipiat de Dei Filio.*

Capitulum  
III.

\* Scilicet  
primo.  
Ibidem in  
med.o.

BEATUS IOHANNES Evangelista dicit in epistola sua.  
*Tres sunt qui testimonium reddunt<sup>b</sup> in cælo, Pater & Verbum & Spiritus, & in Christo IESU unum sunt. Non tamen unus est, quia non est in his una<sup>h</sup> persona. Nam unum quod dixit de utrisque, quid aliud intelligitur, quàm quod Deus Pater in natura divinitatis, idem ipse dicatur & Dominus, idem ipse sit & Spiritus, & Filius Deus? idemque sit in divinitate & Dominus, idemque sit in deitate & Spiritus<sup>i</sup>, sed & Spiritus paraclitus Deus: idemque sit & Dominus in natura Deitatis: idem sit & Spiritus. Vides quia in deitate & in substantia plenitudinis per omnia unum sunt, & in omnibus personarum tres sunt. Nam quòd tres sunt, quid aliud sentitur<sup>k</sup> fuisse, quàm Pater verus unus, vel solus qui genuit, idem non sit qui & unigenitus ab ipso est? Et Filius unus qui non genuit sicut ipse à Patre genitus<sup>l</sup>, Pater non sit: & hic Spiritus sanctus alius sit<sup>m</sup>, qui nec Pater nec Filius est<sup>n</sup> qui nec genuit nec genitus est; cùm alius sit<sup>o</sup> in persona qui genuit, & alter sit in persona<sup>p</sup> qui unigenitus ab ipso est, & alius adæquè in persona, ut dixi, secundùm divinam Scripturam, qui nec Pater nec Filius est: hic est Spiritus sanctus, sed planè de unita natura est: Ideò in deitate unita, unitum divinitatis nomen est<sup>q</sup>, sicut in claritate Evangelicæ Scripturæ, de Spiritu paraclito Filius testatur, dicens: *De Patre procedit: & sic persecutus est: Et de meo accipiet.* Et ideò ubi personæ requiruntur, propria nomina<sup>r</sup> distinguuntur. Vbi autem deitas poscitur, unitum nomen<sup>t</sup> indicatur. Quoniam sumus ad nomina personarum pluraliter dictum demonstratur: ac per hoc in deitate divinitatis<sup>u</sup> unita unum sunt, & in nominibus personarum tres sunt.*

1. Ioan. 5.  
al. g dicunt,  
&, dant.

al. h non est  
eorum una,  
&c.

al. i sit &  
Spiritus.

al. k qui  
sentitur.

al. l gignitur;

m alius sit,  
deest in edit.  
ad. n in edit.  
al. o alter sit  
hic persona.  
al. p sit per-  
sona.

al. q commu-  
ne nomen ei  
est.

Ioan. 16.

ad. r in edit.  
per hæc, &c.  
ad. t in edit.  
in his.

u in edit. deest.  
divinitatis.

Capitulum  
IV.

\* in rio.

ITEM idem in libro secundo \* de propriis personis & de unito nomine divinitatis: *Quod Spiritus sanctus sicut mittitur à Patre, item mittitur & à Filio.*

Joan. 5.  
al. u nomen  
Patris.

Si Filius in nomine Patris venit, nunquid ipse est Pater qui ait: *Ego veni in nomine Patris mei: dum Pater<sup>u</sup> Deus sit, in cuius nomine Filius venit manifestè? Ac per hoc in unita natura divinitatis unum nomen est comprobatum, sicut ipse Pater ad legislatorem Moysen testatus est, di-*

Exod. 23. 19.

Psal. 117.

al. \* Nam si,  
&c.

al. 7 pariter.

al. \* secundum  
naturam.  
Isa. 63.

al. \* Vides ergo  
unitum  
nomen hoc  
Patris & Filii  
&c.  
Exod. 13.

*cens: Attende illi & ne fueris inobediens: nomen enim meum in illo est. Ad hæc Patriarcha David sic ait: Benedictus qui venit in nomine Domini. Nam & si \* Spiritus paraclitus in nomine Filii venit, ut ipse dicit, Quem mittet Pater in nomine meo, nunquid & ipse filius est dictus, cum sine dubio nomen Filii Deus sit in una pariterque<sup>7</sup> natura divinitatis. In hoc ergo nomine evidenter paraclitus venit. Ideò per singulas personas secundum substantiam naturæ<sup>z</sup> Trinitatis unitum nomen est tibi declaratum, Isaias sanctus hæc approbans dicit: Descendit Spiritus à Deo & eduxit eos; sic eduxisti populum tuum facere tibi nomen gloriæ. Sed & ipse idem indicat: Et irritaverunt Spiritum sanctum, & conversus est illis ad inimicitiam, Dominus ipse expugnavit eos, & rememoratus est dierum æternorum, qui eduxit de terra pastorem ovium. Et subjunxit: Vbi est qui posuit in illis Spiritum suum? Vides ergo de unito naturæ divinitatis nomine gloriam Patris & Filij<sup>a</sup> esse hunc Dominum Spiritum sanctum, qui eduxit Filios Israël de terra Ægypti, sicut Propheta dicit: sic eduxisti populum tuum facere tibi nomen gloriæ, qui conversus est filiis Israël ad inimicitiam.*

Capitulum  
V.

Idem ante  
medium.

al. b Sed &  
Spiritus.

\* Variant plurimum  
editiones.

ITEM idem in eodem libro: *Quod Spiritus sanctus mittitur à Patre simul & à Filio.*

Sed & si Spiritus<sup>b</sup> paraclitus in suo nomine tantum venisset, quod dicitur Spiritus paraclitus\*, & non in unita substantia Patris & Filii quod nominatur Deus, jam pro-

prium nomen ejus in persona esse videretur, & non secundum unitam naturę divinitatis in utrisque. Vt tantum unusquisque nomina singula in personis ostenderet, deitatis autem unitum nomen non indicaret. Porro in hoc unito nomine divinitatis Patris, venit verus Filius, in quo dicitur Deus, in quo claritatis nomen est cum Patre<sup>c</sup>. <sup>d/, e in quo idem est natura cum Patre.</sup> In cujus naturę nomine venit & Spiritus paraclitus, quia in hac ipsa sacro sancta Trinitate hoc nomen substantialiter sive uniter consistit, sicut superius prædixi Patrem de Filio suo indicantem, *Nomen meum est in illo*. Et Filium <sup>Enod. 23. 19.</sup> hæc dicta confirmantem: *Ego veni in nomine Patris mei, & non me recepistis. Cum autem alius venerit in nomine suo, eum recipietis*. Sed & de Spiritu sancto ipsum rursus repetentem: *Quem mittet Pater meus in nomine meo*. Et deinceps cum de nomine suo audi Discipulos hortantem: *Omnia quaecumque petieritis à Patre in nomine meo dabit vobis*. <sup>Marc. 11. 1. Cor. 6.</sup> Sed & Apostolum Paulum eadem testantem: *Sed abluti estis, sed sanctificati estis in nomine Domini nostri IESU-CHRISTI, & Spiritu Dei nostri*. Audi Isaiam de unito nomine glorię sancti Spiritus declarantem: *Descendit Spiritus à Deo & eduxit eos: sic eduxisti populum tuum facere tibi nomen glorię*. Disce jam unitum nomen esse in natura divinę Trinitatis.

IDEM ipse in eodem Libro: *Quòd Spiritus paraclitus à Patre simul mittatur & à Filio*, sic proclamatur. <sup>Capitulum VI. Ibid. in med.</sup>

In hoc sanè alius est Pater in persona, qui verè genuit, & in hoc alter est Filius à Patre in persona, qui verè ab eo genitus est: sed & in hoc alter est in persona Spiritus hic principalis paraclitus à Patre & Filio, qui in Pentecoste in Apostolos effusus est. Et idcò hæc sigillatim dicta memento, ut nomina singula in personis essent distincta. Vides quia alter ab altero, sive alius ab alio in persona tantum differt, & non in plenitudine divinitatis <sup>εἰς</sup>, sicut ipse Dominus ait: *Alius est qui testimonium perhibet mihi, qui me misit Pater*. <sup>Ioan. 5.</sup> Sed & alio in loco idem ipse

Iohan. 14.

al. \* scito.

personam sancti Spiritus indicat: *Rogabo Patrem meum, & alium paraclitum mittet vobis.* Scio \* alium ab alio, sive alterum ab altero in persona tantum differre, & non in unita plenitudine divinitatis usæ.

Capitulum  
VII.Ibid. pau. o  
post med.

Variat edit.

ITEM idem in eodem libro: *De communi missione Spiritus sancti à Patre & Filio*, ita fatur.

Ergo si Filius in nomine Patris venit, & Spiritus paraclitus in nomine Filij venit, sicut Filius de eo testatur:

Iohan. 14. 26.

*Quem mittet Pater in nomine meo:* non tibi videtur, quia duplex & hic contineatur intellectus, id est ut in nomine personarum tantum sit distinctio, in deitate autem nulla sit discretio.

Capitulum  
VIII.

ITEM idem ipse in præsentī libro: *Quod Spiritus sanctus à Deo Patre mittatur, simul & à Dei Filio; & quod unita potestas in eis sit*, ita inquit.

Ibid. sub med.

Iohan. 14.

Nam de persona Spiritus sancti Filius testatur, dicens: *Quem mittet Pater in nomine meo.* Vides Filium in hoc nomine venisse, quod & in deitate Patris uniter esse ostenditur. Et spiritum sanctum in hoc nomine venisse indicatur & Filius: Apostolos autem missos fuisse, ut baptizarent omnes Gentes \* in unito vel communi nomine deitatis, quod est naturæ invisibilis sancti Spiritus, sicut scriptum est: *Nolite contristare Spiritum sanctum Dei, in quo signati estis in die redemptionis vestræ.* Vel hoc; *Et omnes unum Spiritum potavimus\**. sive unitatis nomen baptismo operante suscipe dicentis: *Et vos eritis mihi in filios & filias, dicit Dominus Omnipotens.* Vel hoc accipe; *Ex Deo nati sunt.* Nec non: *Et baptizetur unusquisque vestrum in nomine IESU-CHRISTI.* Et in alio loco: *Sed abluti estis, sed sanctificati estis in nomine Domini IESU-CHRISTI, & Spiritu Dei nostri.* Sed & quod ex Deo natus est, Iohannes testatur. *In sua venit, & sui eum non receperunt. Quotquot autem eum receperunt, dedit eis potestatem filios Dei fieri credentibus in nomine ejus. Qui non ex sanguine, neque ex voluntate carnis, neque ex voluntate viri, sed ex Deo nati sunt.*

\* In die deest  
Gentes.

Galat. 4. 30.

1. Cor. 12. 13.

4. \* in uno  
Spiritu pota-  
ti sumus.

2. Cor. 6. 18.

Iohan. 1. 13.

Act. 2. 38.

1. Cor. 6. 11.

Iohann. 1. 11.

Disce ergo hoc unitum nomen esse sempiternum in deitate Patris & Filii & Spiritus sancti, \* sicut & unum baptisma est fidei, quod vitam æternā credentibus tribuit. Quia sicut unum est in natura Trinitatis, ita & unum donum per baptismum divinitatis. Apostolus ait : *Vna fides, unum baptisma*. Idcirco quod nomen Patris sit in divinitate, hoc nomen sit & Filii in natura deitatis, sic & sancti Spiritus identidem hoc nomen sit in substantia claritatis.

ITEM idem in eodem libro : *Vnitam naturam virtutem ostendens mittentis & missi Filii*, sic dicit:

O inaudita adhuc penitus tam inquisita perscriptio \* ! Itaque suggerente ipso de se sancto Spiritu respondeo. Nunc oportet nos unum pro multis pertinens dare auctoritatis exemplum. Memento unitam esse hanc naturæ virtutem mittentis & missi, dum hic qui nunc missus est, ipse jampridem misisse mittentem inveniatur. Denique per sanctum Isaiam Dominum Dei Filium accipe testantem : *Accedite ad me & audite hæc* \*. *Non ab initio in occulto locutus sum. Cum fierent illic eram, & nunc Dominus misit me & Spiritus ejus*. Disce tandem aliquando unam esse hanc naturam divinitatis mittentis & missi, dum qui nunc in Evangelio quamvis missurum se Spiritum paraclitum testatus sit, tamen se ipse ab eo jam prius missum per inclytū Prophetam Isaiam fuisse professus sit. Dum hic qui mittitur à mittente nunquam dividitur, quia indiscreta natura est, dum inter mittentem & missum personæ ostenduntur, & nulla in divinitate divisio est, propterea quod ubique præsens sit hæc unita plenitudo, & omnia impleat interiorius & exteriorius à summitate cælorum usque ad profundum infernorum.

ITEM idem ipse in libro quem fecit contra objectiones cujusdam Potentini urbici, ita prosequitur:

Filius, inquit, ad Patrem clamat : *Pater honorifica nomen tuum. Et venit vox de calis: Et honorificavi & iterum honorificabo*. Nam & alio in loco idem ipse repetit : *Ego à Patre exivi & veni*. Vtique si ipse erat Pater in per-

Capitulum

IX.

In edit. lib. 3.

ante finem.

al. \* præscriptio.

Isai. 48.

al. \* hoc.

al. \* ex tempore antequam fieret.

Capitulum

X.

In edit. est de

unita Deitate,

lib. 4. de singulis nomi-

bus.

Luc. 7.

Jobann. 17.

sona qui & Filius, sic debuerat intimasse: Ego à me exivi & veni in hunc mundum, dum procul dubio alter sit qui exivit, & alius de quo exierit. Sed ad hæc subjunxit de persona sancti Spiritus: *Dum venerit advocatus ille, quem ego mittam vobis à Patre meo Spiritum veritatis, qui à Patre meo procedit, ipse testificabitur de me.* Ita & non alter est \* qui mittit, & alius ad eundem in persona à quo procedit, & alter est hic ipse qui venit. Denique si una esset persona à quo tandem mitteretur, vel à quo procederet, sicut Apostolus hæc in salutatione ad Corinthios confirmat, dicens: *Gratia Domini nostri IESU-CHRISTI, & caritas Dei,* hoc est, Patris, & *communicatio sancti Spiritus cum omnibus vobis.* Nonne aperte per singula nomina, sicut superius continentur, singulas personas inesse distinxit? Denique ad hæc ipsius Filii dicta suscipe dicentis. *Alius est qui testimonium perhibet mihi, qui me misit Pater.* Dum infra de se dicat alius, vides quia alius est Pater in persona Filii, & non alius est in divinitate, sed & de Spiritu sancto sic ait: *Rogabo Patrem meum & alium paraclitum mittet vobis.* Considera & alterum esse Spiritum paraclitum in persona, & non tamen esse alterum in divinitate. Ideò alter ab altero in persona tantum differt, & non in deitate usque. Itaque alter est Pater in persona qui genuit, & alius Filius est qui genitus ab ipso, & alius Spiritus paraclitus qui de unita natura est. Sed dicis mihi hæretice! Quemadmodum Spiritus de unita natura consistit? Ecce Filius de eo testatus est; *A Patre procedit;* & sic persecutus est: *Et de meo accipiet.* Quod testimonium Pater comprobavit, dicens: *Spiritus à me procedit.*

Capitulum  
XI.  
*Ibid. lib. V.*

ITEM idem in libro V. de unita ac sempiterna substantia Trinitatis: *Quod Spiritus sanctus à Patre & à Filio procedat.*

Sempiternitas Patris Filius ejus est, quia de ipso innarrabiliter ante omne exordium omnino natus est. Et sempiternitas Filii Pater ejus est, quia ipse eum ante cuncta sæcula sæculorum incomparabiliter genuit. Sive sempiterni-



piternitas Spiritûs paracliti unita divinitas ejus est cum Patre & Filio, quæ facta non est, sicut filius testatus est de eo: *A Patre procedit, & de meo accipiet.* Sed & Pater hæc dicta comprobatur per Prophetam dicens: *Spiritus à me procedit.* Et alio in loco: *Effundam de Spiritu meo super omnem carnem.* Quod in Pentecoste in Apostolos factum fuisse Scriptura divina testatur. Nam sicut Pater declarat Filium suum divinitate sua, quoniam Deus verus est. sic & Spiritus sanctus revelat Patrem & Filium in unita natura sua æterna, quoniam Deus verus est. Hæc, *inquam*, unita omnipotens sempiternitas Trinitas est, cui de recenti in deitate nulla accessit dignitas.

ITEM idem in eodem Libro de sancto Spiritu: *Quod in Patre & Filio consistat.*

Non est, *inquit*, divina substantia aut extensa\* vel protensa in aliquo, vel excisa in partibus, sed nec derivationi\* alicujus rei comparatur; quia liquor non est in hac natura planè, sed nec defluxio quæ data est\*, quia nulum detrimentum vel augmentum sustinet: præsertim cum inenarrabilis sit hæc plenitudo substantiæ indivisæ Trinitatis, sicut ipse Deus Dei Filius indicat: *Ego in Patre & Pater in me.* Sed & Spiritus sanctus in Patre & Filio & in se consistens, sicut Iohannes Evangelista in Epistola sua tam absolute testatur: *Et tres unum sunt.*

IDEM ipse in libro VI. De beatitudine Filij: *Quod Spiritus sanctus in virtute præscientiæ Patris & Filij unanimiter consistat.*

De unito nomine divinitatis multifariam quamvis sit dictum per singulas personas, quod retulisti in Patre, hoc ipsum ut confitearis necesse est uniter esse & in Filio. \* Deum de Deo, lumen de lumine, totum de toto, & totum in toto, perfectum de perfecto, plenitudinem de plenitudine, integrum de integro, sempiternum de sempiterno, sapientiam de sapientia, virtutem de virtute, unum de uno, & unum in uno, verum de vero, Filium de

Tom. VII.

C

Capitulum  
XII.

*Ibid. post. med.*

*al. \* divisa.*

\* *al. mutationi.*  
*al. \* quædam.*

Capitulum  
XIII.  
*Multò ante med.*

\* *Quæ sequuntur in edit. non reperi.*

Patre, natum non factum unius substantiæ cum Patre: Sed & Spiritum sanctum, qui de una Trinitate consistit, Deum verum, lumen verum, totum perfectum, totum plenum, integrum, sempiternum in ipso sapientia virtutem præscientiæ Patris & Filij consistentem.

Capitulum  
XIV.

Ante finem.

ITEM ipse in libro VII. *De professione regule Catholica, de sancto Spiritu sic commemorat, exemplum ponens de Psalmographo.*

Psal. 31. 6.

al. \*factū nul-  
lus.

*Verbo Domini cæli firmati sunt, & Spiritu oris ejus omnis virtus eorum.* Vtique Verbum Filium declaravit: Dominum autem Patrem ejus indicavit, & Spiritum oris ejus Spiritum principalem esse demonstravit. Vides quàm breviter per singulas significationes in personis inesse distinxit, id est, Verbum, & Dominum & Spiritum, & unitam operationem in his esse ostendit. Nam si te adhuc in aliquo ambiguitas tenet, eadem ipsa repeto. Vbi ait: *Verbo Domini*, non solum vocis in consubstantivum accipias; quem si validus quis emisit, de montibus solet resonare echo, cujus tantum in phantasia auditus est resonantis, sed factus nullus\*. Sanè de hoc verbo Domini nostri Patris, qui est salus nostra, sic ubique divine Scripturæ testantur, quia Filius Dei Deus est substantivus, *per quem omnia facta sunt*. Ergo quia dixit: *Verbo Domini cæli firmati sunt, & Spiritu oris ejus omnis virtus eorum.* Cognosce hoc verbum substantivum non aliunde quàm de Patre propriè natum fuisse, sed & *Spiritu oris ejus* Spiritum dixit, qui de ipsa unita substantia processit, sicut cautum invenimus; non ex alia natura quàm de ipsa; ac per hoc unita est Patris & Filij & sancti Spiritus substantia, quam Græci dicunt *ὁμοῦς*: & unita est ejusdem Trinitatis operatio in factura.



ITEM ipse in libro VIII. \* de fidei unitate: *Quòd Spiritus sanctus à Patre & Filio quasi una procedat flamma, egregiè paucis verbis ita concludit.*

Capitulum  
XV.  
\* in edit.  
est liber \*. sed  
med.

Quomodò ergo duo ligna conjuncta missa in fornacem ignis, & de duobus lignis procedit flamma inseparabilis, sic de Patris & Filij virtute procedit Spiritus sanctus, ipsam virtutem divinitatis habens. Sicut beatissimus Paulus posuit dicens: *Mediator Dei & hominum homo Christus Iesus; non Deus Dei mediator.* Vnum enim est usque ad Trinitatem.

1. Tim. 2. 5.

ITEM idem ipse in libro VIII. \* de Trinitate & de Spiritu sancto, sic dicit.

Significanter verò Dominus & alium paraclitum esse dixit Spiritum sanctum, quàm ipse paraclitus est, sicut Iohannes in Epistola sua ait: *Hæc vobis scripsi ut non peccetis. Quod si peccaverimus, paraclitum habemus ad Patrem IESUM Christum, & ipse propitiatio est pro peccatis nostris.* Ut doceremus \* Spiritus cum Filio æqualitatem.

Capitulum  
XVI.  
al. \* in edit. De  
fide unitatis  
Patris & Fi-  
lij. & Spi-  
ritus sancti. lib.  
XI. multo ante  
med.

al. \* doceremur.

ITEM idem in eodem libro: *Quòd Spiritus Sanctus sit Spiritus Domini IESU, ita inquit.*

Capitulum  
XVII.  
Ibid. ante  
med.

Sicut Pater suscitavit mortuos & vivificat, sic & Filius quos vult vivificat: ad Romanos dicit. *Si Spiritus qui suscitavit IESUM à mortuis habitat in vobis qui suscitavit IESUM Christum à mortuis, vivificavit & mortalia corpora vestra per \* inhabitantem Spiritum suum in vobis.*

Rom. 8. 11.

al. \* propter

ITEM in eodem libro: *Quòd Spiritus sanctus inspiratio sit Patris & Filij: insuper & Filius sit fons Spiritus sancti; quocirca comprehenditur procedere & à Filio.*

Capitulum  
XVIII.  
Ibid. post med.

Sapientia Salomonis in Proverbiis ita exequitur. *Lux Domini spiratio est hominum, qui scrutatur interna ventris.* Et manifestum est, quia Spiritus omnia scrutatur, quem-

Prov. 10. 17.

admodum scribit Paulus ; & quod à principio formato Adam in faciem ejus spirasset Deus Spiritum sanctum , sicut Moyses ait : *Et spiravit Deus in faciem Adæ inspirationem vitæ ; & factus est homo in animam viventem.* Neque ad quod spiratum est , à Domino anima est , secundum fabulatores Iudæos. Alioqui quomodo hoc quod à se spiratum est , Deus igni æterno condemnat ? Sed vivificans Spiritus est , de quo & Paulus ait ; *Spiritus verò vivificat ; Et, Spiravit Deus in faciem ejus inspirationem vitæ ; & factus est homo in animam viventem.* Itaque Spiritus sanctus est Spiritus vitæ , à quo exidentes nonnulli viventes mortui sunt , sicut Paulus scribit. *Nam quæ in deliciis est , ait , vivens mortua est.* Alioqui quomodo audiendus est Salomon dicens : *Lux Domini spiratio est hominum , qui scrutatur interna ventris :* Si animas hominum lumen Dei esse dicitis , nisi Spiritum sanctum lumen Dei confessi fueritis. Sed spirationem Dei lumen Dei esse credatis , dicente Moyse ; *Spiravit Deus in faciem Adæ spiraculum vitæ.* Et Filius Dei : *Ego sum vita.* Sed & sapientia Salomonis introducens salvatorem dicit : *Ecce proferam vobis meæ aspirationis professionem :* Sic enim in Proverbiis ait : *Sapientia in exitu canet , in plateis verò fiducialiter aget , portis autem potentium assistet , in muris quoque civitatis confidenter aget. Quanto tempore obtinent prudentes justitiam & non erubescunt : imprudentes autem contumeliæ cum sint cupidi & impij effecti , odio habuerunt sensum , & obnoxii facti sunt increpationibus.* Ecce proferam vobis meæ aspirationis professionem , docebo vos meum sermonem. Et Isaias Spiritus sancti promissionem prædicans , sic ait : *Dixit Dominus qui cælum fecit & affixit eum ; qui solidavit terram & quæ in ea sunt : Qui dat spirationem populo , qui est super eam & spiritum calcantibus eam.* Dicite qui est populus qui accepit spirationem : Nunquid & hîc spirationem animam esse dicitis , & dabitis sine anima populum super terram constituisse ? Sed non est : professionem namque Spiritus sancti prædicans Propheta hæc ait. Denique completam professionem super fideles qui fuerant sub illo tempore scripsit Lucas ;

Gen. 2. 7.

Iohan. 6. 24.

1. Tim. 5. 6.

Prov. 1. 23.

Prov. 1. 21.

Isai. 42. 5.  
secund. 70.

Et cum complerentur dies quinquagesimæ erant pariter omnes in unum, & factus est subito sonus ex cælo, tanquam Spiritus sanctus vehemens ferretur, implens totam domum ubi erant sedentes; & visæ sunt eis divisæ linguæ tanquam ignis, & sedit super unumquemque eorum: & cœperunt loqui variis linguis, prout Spiritus dabat pronuntiare eis. Simili modo magnus ille Iob adversus amicos suos, cum essent Spiritu sancto privati, & nihil verum dicerent, neque opinarentur se ante Deum loqui: Aiebat ergo Iob: *Nonne ante Deum loquimini?* Et rursum: *Cui annuntiasis verba?* Spiratio verò cuius est quæ procedit à te? Ex quibus unus magna loquens dicebat; *Spiritus est qui mortalibus intercedit. Spiratio verò omnipotentia est, quæ me docet.* Omnipotens autem Filius Dei, de quo Zacharias ait: *Propterea sic dicit Dominus omnipotens. Post gloriam misit me super gentes.* Igitur Salomone dicente: *Lux Domini spiratio est hominum.* Et à Moyse instructi: *Spiravit Dominus in faciem Adæ spirationem vitæ; & factus est in animam viventem.* Audientes verò & Salvatorem dicentem: *Ego sum vita*, & Paulum scribentem: *Lex enim spiritus vitæ.* Et rursum: *Misit Deus Spiritum filij sui in corda nostra.* Videntes autem etiam unigenitum insufflantem in faciem Apostolorum & dicentem. *Accipite Spiritum sanctum.* Spirationem igitur Filij in propria vita & substantia manente Spiritum esse doceamur. Et neque genitum, neque creatum esse à Filio sapiamus, nequaquam genitum \* Filium credamus esse Spiritum, & quòd Dominus sit verbum filij: genitum verò à Deo verbum suum in propria vita & substantia permanens cum sit vita filius Dei. Propterea verò non est genitus ab eo Spiritus, quia non est verbum ejus. Creatum verò dicere Spiritum, absit. Verumtamen spirationem filij Dei eum & à sanctis Scripturis docti sumus, & fontem spiritus, & filium Dei dicimus audientem \* Filium: *Quia duo nequam fecit populus iste. Me dereliquerunt fontem aquæ vivæ & foderunt sibi lacus contritos, qui non poterunt aquam portare.* Aqua viva Spiritus sanctus est, sicut Iohannes docuit, Salvatore dicente ad Samaritanam muli-

AR. 2. 17.

Iob. 26. 4.

Rom. 8. 27.

Ioban. 11. 25.

Rom. 8. 2.

Galat. 4. 6.

Iohan. 20. 22.

al. \* unigenitum.

al. \* audientes  
Jerem. 2. 13.

Ioh. 4. 10.

erem : Si scires donum Dei, & quis est qui tibi dicit ; Da mihi bibere, tu utique perisses, & dedisset tibi aquam vivam.

Ioh. 7. 37.

Et rursum : Quicumque biberit ex aqua quam ei dabo, non sitiet in æternum. Et in medio templi clamat : Si quis sitit veniat ad me & bibat : Qui credit in me, sicut dixit scriptura, flumina de ventre ejus fluent aquæ vivæ. Et interpretatus est sic : Hoc autem dicebat de Spiritu sancto quem accepturi erant qui credituri erant in eum. Ita etiam

Ibid. 39.

Isai. 44. 3. 4.

Secundum 70.

& Isaias Dominum dixisse ait : Quia ego dabo in siti aquam his qui in sicco iter fecerunt ; & ponam Spiritum meum super semen tuum, & benedictiones meas super filios tuos, & orietur tanquam in aqua fœnum, & velut salix inter fluxus aquæ.

Jerem. 2. 13.

Psal. 35. 10.

Ergo manifestè in Scripturis sanctis profitentibus aquam vivam Spiritum sanctum esse cognovimus. Dominus se fontem Spiritum esse dixit, sic : Me dereliquerunt fontem aquæ vivæ ; Sicut David canit in Psalmo xxxv. dicens ad Dominum : Quia apud te fons vitæ. Igitur præter Dominum ostende alium fontem esse vitæ, qui apud eum sit. Non enim dixit, quia tu es fons vitæ, sed quia apud te fons vitæ est. Est verò apud Deum, & est Filius fons existens Spiritus, de quo Paulus ad Romanos scribit : Spiritus verò vitæ propter justitiam, ita non alienum, sed proprium Patris esse eum dicit. Nam cùm professus fuisset, quia apud te est fons vitæ : adjunxit : In lumine tuo videbimus lumen. Id est in Filio tuo videbimus Spiritum.

Ibid.

Lucæ 24. 49.

Act. 1. 8.

Necnon etiam in nomine virtutis Dei appellatus spiritus, & virtus, & sapientia esse monstratur. Audivimus enim Salvatorem in Evangelio dicentem Discipulis suis missurum esse Spiritum sanctum, qui dicit : Ecce ego præmittam promissionem Patris mei super vos. Vos verò sedete in civitate, donec induamini ex alto virtute. In Actibus verò Apostolorum idem Dominus ait : Sed accipietis virtutem, superveniente super vos Spiritu sancto. Hoc quoque impletum esse comperimus sub die Quinquagesimæ consummatæ. Aut ergo virtutem Dei Spiritum esse profite mini, aut sicut Sabellius paraclitum, cùm sit virtus Dei, eundem Filium esse prædicare : & audientes Paulum dicentem : Spiritus verò vitæ propter justitiam : fontem ite-

rum Spiritus instruimur esse Filium. Hieremiam audite clamantem contra Iudæos : *Quia dereliquerunt me fontem vitæ Deum.* Alibi autem Spiritum sapientiæ esse sciens Spiritum sanctum, secundum Isaiam quidem, dicentem : *Et requiescet super eum Spiritus Dei, spiritus sapientiæ & intellectus.*

*Isai. II. 2.*

ITEM idem in fide Catholica \* : *Quod Spiritus sanctus à Patre procedat & à Filio.*

Capitulum.  
X I X.  
\* Symbolum  
S. Athanasi  
Vulgo dicitur

Pater à nullo est factus nec creatus nec genitus : Filius à Patre solo est, non factus, non creatus, sed genitus : Spiritus sanctus à Patre & Filio non factus, non creatus nec genitus, sed procedens. Vnus ergo Pater, non tres Patres, unus Filius, non tres Filij, unus Spiritus sanctus, non tres Spiritus sancti. Et in hac Trinitate nihil prius aut posterius, nihil majus aut minus, sed totæ tres personæ coæternæ sibi sunt & coæquales. Ita ut per omnia, sicut jam supradictum est, & Trinitas in unitate, & unitas in Trinitate veneranda sit. Qui vult ergo salvus esse, ita de Trinitate sentiat.

AMBROSIIUS Mediolanensis Episcopus in libro primo quem scripsit ad Gratianum Imperatorem; *Quod spiritus sanctus cum à Patre & Filio procedit, non transeat de loco ad locum*, ita tractat.

Capitulum.  
X X.

Etenim si de loco procedit Spiritus, & ad locum transit, &c. usque ad hæc verba : Et revelasti ea parvulis, quæ finem capiti imponunt.

*De Spiritu. S.  
cap. 10. init.*

ITEM idem ipse in secundo libro; *Quod spiritus sanctus sicut mittitur à Patre, ita mittitur & à Filio, & Filius ipse mittitur à Spiritu.*

Capitulum.  
X X I.

Considera quia Dominus noster IESUS CHRISTUS in Isaiâ locutus est, à Spiritu sancto esse se missum. Nunquid ergo Spiritui minor Filius, quia missus à Spiritu est? Habes igitur scriptum, quod Filius à Patre & Spiritu ejus

*Non reperi hæc  
cap. in edit.*

dicat esse se missum. *Ego sum*, inquit, *primus, ego in æternum, & manus mea fundavit terram, dextera solidavit cælum. Et infra. Ego locutus sum, ego vocavi, ego addaxi eum, & prosperum iter ejus feci. Accedite ad me & audite hæc. Non in occulto ab initio locutus sum. Cùm fierent illic eram, & nunc Dominus misit me & Spiritus ejus. Utique qui cælum fecit & terram, ipse dicit à Domino & Spiritu ejus esse se missum. Videtis ergo quòd simplicitas sermonis, non injuria sit missionis. Ipse igitur missus à Patre, ipse est missus à Spiritu. Et ut agnoscas nullam majestatis esse distantiam, etiam Filius Spiritum mittit, sicut ipse dixit: *Cùm autem venerit Paraclitus, quem ego mittam vobis à Patre meo Spiritum veritatis, qui à Patre meo procedit. Nunc eundem Paraclitum & à Patre esse mittendum supra posuit dicens. Paraclitus autem ille Spiritus sanctus quem mittet Pater in nomine meo. Vide unitatem, quia quem Deus Pater mittit, mittit & Filius, & quem mittit Pater, mittit & Spiritus.**

Capitulum  
X XII.

**ITEM idem in libro tertio: *Quòd Spiritus sanctus à Patre sit missus & Filio; ubi missio, processio intelligitur:***

*Lib. 3. de Spiritu. S. cap. 1. sub. finem, & cap. 2. init.*

Spiritum quoque & Pater misit & Filius, Pater misit quia scriptum est: Paraclitus autem ille Spiritus sanctus quem mittet Pater in nomine meo &c. usque ad hæc verba: *Digitus Dei appellatus est Spiritus sanctus.*

Capitulum  
X XIII.

**ITEM idem ipse in eodem libro: *Quòd fluvius de sede Dei & agni procedens Spiritus sanctus sit, ubi intelligitur ejus à Patre & Filio processio.***

*Ibid. cap. 20. in fine, & cap. 21. initio.*

*Iohan. 16. 15.*

*Apoc. 22. 1.*

Habet ergo Spiritus quod habet Christus. Habet igitur quod habet Deus, quia omnia quæ habet Pater, habet & Filius. Ideoque dixit: *Omnia quæ habet Pater mea sunt. Nec illud mediocre est, quod de throno Dei exire fluvium legimus. Sic enim dicit Iohannes Evangelista: Et ostendit mihi flumen aquæ vivæ, splendidum tamquam Crystallum, procedens*



*procedens de sede Dei & agni ; & in medio plateæ ejus , ex utraque parte lignum vitæ faciens fructum. Duodecim per singulos menses reddentes fructum suum, & folia ligni ad medicinam omnium gentium. Hic est utique fluvius de Dei sede procedens, hoc est Spiritus sanctus , quem bibit qui credit in Christum , sicut ipse ait : Si quis sitit veniat ad me & bibat. Qui credit in me , sicut dixit scriptura , flumina de ventre ejus fluent aquæ vivæ. Hoc autem dicebat de Spiritu. Ergo flumen est Spiritus.*

*Iohan. 7. 38.*

CYRILLUS. *Quòd Spiritus sanctus à Patre procedat & Filio , in Epistola ad Nestorium , sic dicit.*

Capitulum  
X XIV.

De Spiritu quoque cùm dicit : *Ille me clarificabit* : hoc rectissimè sentientes unum Christum & Filium non velut alterius egentem gloria , confitemur ab Spiritu sancto gloriam consecutum ; quia Spiritus ejus nec melior nec superior illo est ; sed quia mira opera faciens ad demonstrationem suæ deitatis virtute propria Spiritus utebatur , ab ipso glorificari dicitur : quemadmodum si quis de hominibus asseveret , quòd virtus sua vel disciplina quemlibet unumquemque clarificet. Quamvis enim in sua sit substantia Spiritus , & ejus intelligatur in persona proprietas , juxta id quod Spiritus est & non Filius , attamen alienus non est ab illo. Nam Spiritus appellatus est veritatis , & veritas Christus est , unde & ab isto similiter sicut ex Deo Patre procedit. Denique hic ipse Spiritus etiam per sanctorum manus Apostolorum miracula gloriosa perficiens , Deum glorificavit IESUM Christum postquam ascendit in cœlum. Nam creditus est Christus naturâ Deus existens , per suum Spiritum virtutes efficiens. Ideoque dicebat : *De meo accipiet , & adnuntiabit vobis.* Nequaquam verò participatione alterius idem Spiritus sapiens aut potens dicitur , quia per omnia perfectus est , & nullo prorsus indigens bono. Nam paternæ virtutis & sapientiæ idem Filij Spiritus creditur , & ideo ipse & substantia virtus , & sapientia comprobatur.

*Est epist. 10. in  
edit. Basil. an.  
1566. sub med.  
ubi varia est  
versio.*

Capitulum  
XXV.  
\* Sancti Cy-  
rilli Argu-  
menta, Quod  
Spiritus S. sit  
Deus, in med.

ITEM idem in Dialogo cum Theodorito  
Cyriano Episcopo habito: *Quod Spiritus sanctus  
à Patre procedat, & à Filio non sit alienus\**, sic pro-  
sequitur:

Rem. 8. 9.

Meminimus enim dicentem Christum palam de Spi-  
ritu sancto: *Ille me clarificabit*. Novimus ad hæc sancti  
Spiritus operationem conterentem nequissimas immun-  
dāsque virtutes, sed non ita dicimus eum sicuti denique  
unumquemque sanctorum, tanquam aliena per Spiritum  
sanctum utentem virtute. Fuit enim & est ejus Spiritus  
sicuti denique & Patris. Et hoc nobis bene satis explanat  
scribens sacratissimus Paulus: *Qui autem in carne sunt,  
placere Deo non possunt: Vos autem non estis in carne, sed in  
spiritu, sicut tamen Spiritus Dei habitat in vobis. Si quis au-  
tem Spiritum Christi non habet, hic non est ejus*. Procedit  
enim ex Deo & Patre Spiritus sanctus, secundum Salva-  
toris vocem, sed non est alienus à Filio. Omnia enim ha-  
bet cum Patre, & hoc ipse docuit dicens de Spiritu san-  
cto: *Omnia quaecumque habet Pater, mea sunt. Propterea  
dixi vobis quia ex meo accipiet, & annuntiabit vobis*. Er-  
go glorificabit quidem Iesum Spiritus sanctus inopina-  
biliter operantem. Verum tamen sicut Spiritus ejus & non  
aliena virtus, & eo superior secundum quod intelligitur  
Deus.

Iohan. 16. 15.

Capitulum  
XXVI.  
In edit Paris.  
1606. De Sy-  
nodis fidei Ca-  
tholicæ. &c. pag.  
338. Exem-  
plum fidei  
&c. Differ-  
entia titulus ab  
edit.

HILARIUS Pictavensis Episcopus de mis-  
sione Spiritus sancti à Filio, in libro quem scripsit  
in Germaniam, Galliam, Belgicam Lugdunensem,  
Novem populanam, Tolosam, & Britanniam, sic  
dicit.

al. \* postea-  
quam cælum  
ascendit.  
al. \* commo-  
nere

Credimus & in Spiritum sanctum, hoc est paraclitum,  
quem promittens Apostolis suis, post reditum suum in  
cælos\*, misit docere eos ac memorari\* omnia per quem  
sanctificantur sinceriter in eum credentium animæ.

ITEM idem in eodem libro.

Si quis Spiritum sanctum Paraclitum dicens, innascibilem eum dicat, anathema sit. (\* Adjectio nunc Paracliti, anathemati obnoxiam facit innascibilis in eum Dei prædicationem. Impiissimum enim est innascibilem Deum eum dici, qui ad consolationem nostram sit missus à Filio.) Siquis, sicuti docuit nos Dominus, non alium dicat Paraclitum à Filio, dixit enim: *Et alterum Paraclitum mittet vobis Pater, quem rogabo eum*; anathemasit. (\* A Filio Paraclitum missum meminimus, & in principio hoc fides ipsa exposuit. Sed quia frequenter Filius per indifferentis naturæ virtutem opera sua, opera Patris esse dixit, dicens: *Ego opera Patris mei facio*: missurus quoque Paraclitum, sicuti frequenter spopondit, interdum eum & mittendum dixit à Patre, dum omne quod ageret piè referre est solitus ad Patrem. Ex quo hæretici occasionem frequenter arripiunt, ut ipsum esse Filium Paraclitum dicant, cum in eo quoddam Paraclitum mittendum à Patre sit precaturus, differentiam missi, rogantisque significet.) Si quis Spiritum sanctum Patrem dicit, Patris vel Filij, anathema sit. (\* Stultitia hæretici furoris hæc coëgit in scriptura referre, non quæstio. Nam Spiritus sancti nomen habeat suam significationem, & Spiritus sanctus Paraclitus habeat substantiæ suæ & officium & ordinem. Et cum ubique inde mutabilis Pater & Filius prædicetur, quomodo pars esse aut Patris & Filij Spiritus sanctus asseretur? Sed quia sicut inter cætera insaniarum genera, etiam hoc quoque proferri ab impiis solet, idcirco à sanctis debuit improbari.) Si quis Patrem & Filium & Spiritum sanctum tres dicit Deos, anathema sit.

Capitulum  
XXVII.

Ibid. Anathē.

20.  
\* Isthac verba in paritēssimā non exstant in editis.

Anathem. 21.

Iohan 14. 16.

\* Multa hæc interjecta videntur quæ in editis non repertur.

Anathem. 22.

\* Et hæc quæ interjecta.

Anathem. 23

ITEM sanctus HILARIUS, *Quod unum sit Spiritui sancto à Patre procedere, & à Filio accipere sive mitti*; in libro octavo de sancta Trinitate, ita refert:

Capitulum  
XXVIII

Paulo ante med.

Iohan. 15. 26.

*Cum venerit advocatus ille, quem ego mittam vobis à Patre Spiritum veritatis, qui à Patre meo procedit, ipse testificabitur de me. Advocatus veniet, & hunc mittet Filius à Patre, & Spiritus veritatis est qui procedit à Patre. &c. usque ad: id Filius dandum à se fateatur.*

Capitulum

XXIX.

In lib. 2.

Sicb 1047:1177.

HIERONYMUS in libro Didymi, quem de Græco in Latinum transtulit: *Quòd Spiritus sanctus à Patre egrediatur, & à Filio mittatur, non secundum Angelorum, & Prophetarum & Apostolorum ministerium, sed ut à sapientia Dei Spiritum Dei mitti decet, sic docet, ex quo confitetur & à Filio illum sicut & à Patre procedere.*

al \* substanti-  
vas.

Iohan. 15. 26.

Cum ergo Spiritus sanctus similiter ut Pater & Filius mentem & interiorem hominem habitare doceatur, non dicam ineptum sed impium est eum dicere creaturam. Disciplinas quippe virtutes dico & artes, & his contrarias perturbaciones, & imperitias & affectus in animabus habitare possibile est. Non tamen ut substantias\*, sed ut accidentes. Creatam verò naturam in sensu habitare impossibile est. Quòd si verum est, & Spiritus sanctus absque ulla ambiguitate subsistens, animæ est habitator & cordis, nulli dubium est quin cum Patre & Filio credi debeat increatus. Ex omnibus igitur quæ præcedens sermo disseruit incorruptibilis & sempiternus secundum naturam Patris & Filij, & Spiritus Sanctus demonstratus universam de se ambiguitatem & suspicionem abstulit, ne unus creatis substantiis æstimeretur, is qui Spiritus Dei sit, & quem exire de Patre Salvatoris in Evangelio verba declarant: *Cum venerit, inquit, Consolator, quem ego mittam vobis Spiritus veritatis, qui de Patre egreditur, ipse testimonium dabit de me.* Consolatorum autem venientem Spiritum sanctum dicit ab operatione ei nomen imponens, quia non solum consolatur eos quos se dignos esse reperit, sed & ab omni tristitia & perturbatione reddit alienos. Verum incredibile quoddam gaudium & hilaritatem eis tribuit, in tantum ut

possit quis Deo gratias referens, quòd tali hospite dignus habeatur, dicere: *Dedisti lætitiā in corde meo.* Sempiterna quippe lætitiā in eorum corde versatur, quorum Spiritus sanctus habitator est. Iste Spiritus consolator à Filio mittitur, non secundum Angelorum, & Prophetarum & Apostolorum ministerium, sed ut mitti decet à sapientia & veritate Spiritum Dei indivisam habentem cum Patre & Filio substantiam\*.

*Psalm. 4. 7.*

*al.\* Cum eadem sapientia & veritate naturam.*

Capitulum XXX.

ITEM idem in eodem libro, post pauca:

Licet enim ex Deo frequenter se dicat exisse Salvator, proprietatem tamen, & ut ita dicam, familiaritatem, de qua sæpè tractavimus, ex vocabulo magis sibi Patris assumens dicit. *&c. usque ad verba:* juxta operationis veritatem.

ITEM idem in eodem Opere post pauca:

Capitulum XXXI.

Quia ergo & Spiritus sanctus in nomine Filij à Patre mittitur, habens Filij proprietatem\*, *&c. usque ad verba:* Scientiam divinorum.

*al.\* filietatē;*

ITEM idem in eodem Opere post pauca:

Denique \* interpretationem inferens, quomodo dixisset, *de meo accipiet.* Protinus subjecit: *Omnia quæ habet Pater mea sunt: Propterea dixi de meo accipiet, & adnuntiabit vobis, &c. usque ad verba:* hæc eadem & Pater habet.

Capitulum XXXII.

*Paulo, post medium.*

*al.\* Deinde.*

ITEM idem in eodem Opere post pauca:

Vos autem, ait (haud dubium quin Discipuli Christi) qui sapientiam Spiritus suscepistis & vitam & pacem, & non estis in carne, id est, in carnis operibus, neque enim ejus opera perpetratis, siquidem Spiritum Dei habetis in vobis. Idem autem Spiritus Dei & Spiritus Christi est, adducens & copulans eum qui se habuerit Domino IESU CHRISTO, *&c. usque ad:* Trinitatis substantiam demonstratur.

Capitulum XXXIII.

*Sub medium.*

Capitulum  
XXXIV.

In lib. 3. pau-  
lò ante finem.

al. \* tantum-  
modò.

ITEM idem in eodem Opere post pauca.

Cùm igitur sancta scriptura ampliùs de Trinitate non dicat, nisi Deum Patrem esse Salvatoris, & Filium generatum esse de Patre. Hoc autem\* debemus sentire quod scriptum est : & ostenso quòd Spiritus sanctus increatus sit, consequenter intelligere, quod cujus non est creata substantia, rectè Patri filiòque societur.

Capitulum  
XXXV.

Non reperi.  
Refert eodem  
modo Theodulf.  
Aurel. in lib.  
de Spiritu san-  
cto p. 105.

S. AUGUSTINUS in Homelia super Iohannem.

Hic aliquis forsitan quærat, utrum & à Filio procedat Spiritus sanctus. Filius enim solius Patris est Filius, & Pater solius Filij est Pater : Spiritus autem sanctus non est unus eorum Spiritus, sed amborum. Habes ipsum Dominum dicentem : *Non enim vos estis qui loquimini, sed Spiritus Patris vestri qui loquitur in vobis.* Habes & Apostolum : *Misit Deus, inquit, Spiritum Filij sui in corda nostra.* Nunquid duo sunt, alius Patris alius Filij? absit. *Vñ* enim corpus ait, cùm significaret Ecclesiam, móxque addidit, & *unus Spiritus.* Et vide quomodò illic impleat Trinitatem; *Sicut vocati estis, inquit, in una spe vocationis vestrae. Unus Dominus.* Hic utique Christum intelligi voluit. Restat ut etiam Patrem nominet. Sequitur ergo : *Vna fides, unam Baptisma, unus Deus & Pater omnium, qui super omnes & per omnes, & in omnibus.* Cùm ergo sicut unus Pater & unus Dominus, id est Filius, ita sit & unus Spiritus, profectò amborum est : quandoquidem dicit ipse Christus IESUS : *Spiritus Patris vestri qui loquitur in vobis.* Et dicit Apostolus : *Misit Deus Spiritum Filij sui in corda nostra.* Habes in alio loco eundem Apostolum dicentem : *Si autem Spiritus ejus qui suscitavit Iesum ex mortuis, habitat in vobis.* Hic utique Spiritum Patris intelligi voluit, de quo tamen in alio loco dicit : *Quisquis autem Spiritum Christi non habet, hic non est ejus.* Et multa alia sunt testimonia, quibus hoc evidenter ostenditur, & Patris & Filij esse Spiritum, qui in Trinitate dicitur Spiritus sanctus. Nec ob aliud existimo ipsum propriè vocari Spiritum, cùm etiam si de singulis interrogemur

Matt. 10. 20.

Galat. 4. 6.

Ephes. 4. 4.

Matt. 10. 20.

Galat. 4. 6.

Rom. 8. 15.

Rom. 8. 9.

non possumus nisi & Patrem & Filium Spiritum dicere, quoniam Spiritus est Deus, id est, non corpus est Deus, sed Spiritus. Quod ergo communiter vocantur & singuli, hoc propriè vocari oportuit eum, qui non est unius eorum, sed in quo communitas amborum apparet. Cur ergo non credamus, quòd etiam de Filio procedat Spiritus sanctus, cum Filij quoque ipse sit Spiritus. Si enim ab eo non procederet, non post Resurrectionem se repræsentans Discipulis suis insufflasset, dicens: *Accipite Spiritum sanctum*. Quid enim aliud significavit illa insufflatio, nisi quòd procedat Spiritus sanctus & de ipso? Ad hoc pertinet etiam illud quod ait de muliere, quæ fluxum sanguinis patiebatur: *Testigit me aliquis: Ego sensi virtutem de me exisse*. Nam virtutis nomine appellari etiam Spiritum sanctum, & eo loco clarum est, ubi Angelus dicenti MARIE, *Quomodo fiet istud, quoniam virum non cognosco?* Respondit: *Spiritus sanctus superveniet in te & virtus Altissimi obumbrabit tibi*. Et ipse Dominus promittens eum Discipulis ait: *Vos autem sedete in civitate, quoad usque induamini virtute ex alto*. Et iterum: *Accipietis, inquit, virtutem Spiritus sancti supervenientem in vos, & eritis mihi testes*.

Iohan. 20. 22.

Luc. 8. 46.

Luc. 1. 34.

Luc. 24. 49.

Act. 1. 6.

Item S. AUGUSTINUS in libro XIII. de civitate Dei: *Quòd Spiritus sanctus Patris sit & Unigeniti & unus amborum: Quod cum ita sit, non est dubium Spiritum sanctum procedere ab utroque*.

Capitulum  
XXXVI.  
Cap. 24. post  
init.

Quapropter in eo quod Dominus fecit quando insufflavit, dicens: *Accipite Spiritum sanctum*: nimirum in hoc intelligi voluit, quòd Spiritus sanctus non tantum sit Patris, verum etiam ipsius unigeniti Spiritus. Idem ipse est quippe Spiritus & Patris & Filij, & cum quo est Trinitas Pater & Filius & Spiritus sanctus, non creatura, sed Creator. Neque enim flatus ille corporeus de carnis ore procedens substantia erat Spiritus sancti atque natura, sed potius significatio, qua intelligeremus, ut dixi, Spiritum sanctum Patri esse Filioque communem, quia non sunt eis singuli, sed unus amborum est.

Iohan. 16.

Capitulum  
XXXVII.  
Cap. 1. initio.

ITEM idem in libro primo de Trinitate quæ Deus est: *Quod Spiritus sanctus & Patris & Filij sit, & Patri & Filio coequalis, consubstantialis, & coeternus, sic docet.*

Omnes quos legere potui qui ante me scripserunt de Trinitate, quæ Deus est, Divinorum librorum veterum & novorum Catholici tractatores, hoc intenderunt secundum scripturas docere, quòd Pater Filius & Spiritus sanctus unius substantiæ inseparabili æqualitate divinam insinuent unitatem. Ideoque non tres Dij, sed unus Deus, quamvis Pater Filium genuerit, & ideò Filius non sit qui Pater est, Filiusque à Patre sit genitus, & ideò Pater non sit qui Filius est; Spiritusque sanctus nec Pater sit nec Filius, sed tantum Patris & Filij Spiritus, etiam Patri & Filio ipse coequalis, & ad Trinitatis pertinens unitatem.

Capitulum.  
XXXVIII.  
In medio.

ITEM idem in eodem libro: *Quòd Spiritus sanctus inseparabiliter Patris & Filij sit, quod cum ita sit, magnæ dementiæ est illum à Patre & Filio procedere non profiteri.*

Iohann. 14. 17.

Denique propter ipsam inseparabilitatem sufficienter aliquando nominatur, vel Pater solus, vel Filius solus adimpleretur nos lætitia cum vultu suo. Nec inde separatur utriusque Spiritus, id est Patris & Filij Spiritus: qui Spiritus propriè dicitur Spiritus veritatis quem hic mundus accipere non potest. Hoc est enim plenum gaudium nostrum, quo amplius non est, frui Trinitate Deo, ad cuius imaginem facti sumus. Propter hoc aliquando ita loquitur de Spiritu sancto, tamquam solus ipse sufficiat ad beatitudinem nostram. Et ideo solus sufficit, quia separari à Patre & Filio non potest; sicut Pater solus sufficit, quia separari à Filio & Spiritu sancto non potest: & Filius ideò sufficit solus, quia separari à Patre & Spiritu sancto non potest.

ITEM



ITEM idem in libro tertio de Trinitate : *Quòd sanctus Spiritus à Patre & Filio sit missus*

Capitulum  
XXXIX.  
Sub initium.

Cùm enim ad id ventum esset , ut vellemus ostendere non ideò minorem Patre Filium , quia ille misit , hic missus est , nec ideo minorem utroque Spiritum sanctum , quia & ab illo & ab illo missus in Evangelio legitur ; suscepimus hoc quærere , cùm illuc missus sit Filius ubi erat , quia in hunc mundum venit , & in hoc mundo erat : cùm illuc etiam Spiritus sanctus , ubi & ipse erat , quoniam *Spiritus Domini replevit orbem terrarum , & hoc quod continet omnia scientiam habet vocis.*

*Iohann. 1. 10.*

*Sap. 1. 7.*

ITEM idem in libro quarto ejusdem Operis apertè docet : *Quòd Spiritus sanctus procedat à Filio , sicut & à Patre.*

Capitulum  
XL.  
Cap. 20. pag. med.

Pater cùm ex tempore à quoquam cognoscitur , non dicitur missus. Non enim habet de quo sit , aut ex quo procedat. Sapientia quippe dicit : *Ego ex ore Altissimi prodij.* Et de Spiritu sancto dicimus : *A patre procedit.* Pater verò à nullo , &c. usque ad : operatur omnia in omnibus.

ITEM idem in libro sexto de Trinitate ; *Quòd Spiritus sanctus sit Filij Patrisque suavitas : unde qui negat eum ab utroque , consequens est , ut neget suavitatem à Patre Filioque procedere .*

Capitulum  
XLI.  
Hoc cap. in lib. 6. non reperi.

Illa ergo dilectio , delectatio , felicitas vel beatitudo , si tamen aliqua humana voce dignè dicitur usus ab illo appellatus est , & est in Trinitate Spiritus sanctus non genitus , sed genitoris genitique suavitas. In geniti largitate atque ubertate perfundens omnes creaturas pro captu earum , ut ordinem suum teneant , & locis suis acquiescant. Hæc igitur omnia quæ arte divina facta sunt , & unitatem quandam in se ostendunt , & speciem & ordinem. Quicquid enim horum est , & unum aliquid est.

Tom. VII.

E.

Capitulum  
XLI.  
Cap. 17. cir-  
ca med.

ITEM idem in libro xv. de sancta Trinitate :

*Quòd sanctus Spiritus procedat à Patre & Filio.*

Nescio cur non sicut sapientia & Pater dicatur & Filius & Spiritus sanctus, & simul omnes non tres, sed una sapientia, &c. *usque ad* : Trinitatis ista distinctio.

Capitulum  
XLIII.  
Cap. 26. ini-  
tio.

ITEM idem in eodem libro.

Deinde in illa summa Trinitate, quæ Deus est, intervalla temporum nulla sunt, per quæ possit ostendi, aut saltem requiri, utrum prius de Patre natus sit Filius, & postea de ambobus processerit Spiritus sanctus, &c. *usque ad* : propter dilectionem Dei.

Capitulum  
XLIV.  
Ibid. ante  
med. & cap.  
27. init.

ITEM idem in eodem libro.

Nunquid ergo possumus quærere utrum jam processerat de Patre Spiritus sanctus quando natus est Filius, an nondum processerat, & illo nato de utroque processit ubi nulla sunt tempora, &c. *usque ad* : videatur mente quod tenetur fide.

Capitulum  
XLV.  
In fine

Item S. AUGUSTINUS : *Quòd Spiritus sanctus sit in Patre & Filio*, sic dicit in libro quem scripsit contra quinque hæreses, id est, Paganos, Iudæos Manicheos, Sabellianos, & Arianos.

al.\* separavi-  
mus.

1. Joh. 4. 8.

Diximus de Patre & Filio quod potuimus & quantum potuimus, si tamen aliquid dignè potuimus. De Spiritu sancto tacuimus, sed non eum præterivimus\*. Quicquid enim de Patre & Filio diximus, de Spiritu sancto diximus. Est enim in illis & cum illis unus & verus Deus, non minor aut tertius Deus. Quid adhuc dicam fatigatis fatigatus? Qui Spiritum sanctum à Patre & Filio æternitate & substantia, vel communione separat, eumque negat Spiritum esse Patris & Filij, plenus est Spiritu immundo, vacuus est Spiritu sancto. Ideo enim dicitur, *Deus caritas*, quia partibus non dividit unitatem, sed ineffabiliter coagulat Trinitatem. Ipsa est

enim Trinitas unus Deus, turris Fortitudinis à facie inimici, qui in se credentes custodit in sæcula sæculorum, Amen.

Item AUGUSTINUS in *disceptatione quam habuit contra PASCENTIUM comitem Arianorum, præsentem LAURENTIO Indice electo ab utrisque partibus.*

Capitulum  
XLVI.  
Epist. 178.  
in medio,

Ecce quid est homouision, quod exprobratur injustè. Non enim verbum solum, sed & res in verbo est, nec solus sermo sonans auribus, sed substantia una est Dei credenda in mentibus. Si enim in hominibus credentibus in se totus Deus credendus est habitare, quomodo Filium totum in se Pater, aut Filius Patrem non credatur excipere? Ac per hoc ipse in Patre & Pater in eo manet, & ex Patre vel \* Filio sanctus credendus est Spiritus non solum processisse, sed semper ad peragenda opera Trinitatis omnino procedere.

al. + &

Item S. AUGUSTINUS: *Quòd Spiritus sanctus procedat à Patre & Filio, in libro secundo\**, quem scribit contra Maximinum hæreticum, sit ait:

Capitulum  
XLVII.  
Immo in lib.  
3. Cap. 17. sine,

Magnum aliquid sanè tibi dicere videris, quia dicis, Filius erat in principio antequam aliquid esset, Pater vero ante principium. Vbi legisti ut hoc crederes? Vnde præsumpsisti ut hoc diceres, ubi nec auctoritas ulla nec ratio est? Quid est enim ante principium, quandoquidem quicquid ante esset, hoc esset principium? Si ergo Pater ante principium est, ante se ipsum est; quia & ipse principium est. Quid est autem; *In principio erat verbum* nisi in Patre erat Filius? Et ipse Filius interrogatus à Iudæis quis esset, respondit: *Principium qui & loquor vobis.* Pater ergo principium non de principio, Filius principium de principio. Sed utrumque simul, non duo, sed unum principium. Sicut Pater Deus, & Filius Deus, ambo autem simul non duo Dij sed unus Deus. Nec Spiritum sanctum de utroque procedentem negabo esse prin-

Iohan. 1. 1.

Iohan. 8. 24

cipium, sed tria hæc tria simul sicut unum Deum, ita unum dico esse principium.

Capitulum  
XLVIII.  
*In eodem lib.  
3, cap. 14.*

**ITEM idem in eodem libro :**

Quæris à me : si de substantia Patris est Filius, de substantia Patris est etiam Spiritus sanctus, cur unus Filius sit, & alius non sit Filius? Ecce respondeo, sive capias, sive non capias. De Patre est Filius, de Patre est Spiritus sanctus, &c. *usque ad* : sed inde est unde procedit.

Capitulum  
XLIX.  
*Exstant quidem in Ap. pend. ad tom. 4. S. August. libt. duo de Incarnat. Verbi; sed que hic citat Augustin non reperi.*

**ITEM S. AUGUSTINUS in Libro de Incarnatione Domini.**

Spiritum quoque sanctum non ingentum neque genitum, sed ex Patre Filioque procedentem, eo quod Patris & Filii sit Spiritus, & ipse consubstantialis & coæternus ambobus, nec alium fuisse Spiritum sanctum quem insufflans dedit, & alium quem post Ascensionem suam misit. Vnus enim Spiritus Dei, Spiritus Patris & Filii, Spiritus sanctus idem Deus qui operatur omnia in omnibus. Ita ut perfecta credatur Trinitas propter proprietatem personarum, & unus Deus propter inseparabilem Trinitatem.

Capitulum  
L.  
*\* Seu potius Fulgentii, in Append. ad tom. 3. S. August. c. 3, in med.*

**ITEM S. AUGUSTINUS \* in Libro expositionis fidei ad Petrum.**

Sicut ergo nec Filius posterior aut minor est Patre, ita nec Spiritus sanctus posterior aut minor est Filio, &c. *usque ad* : Græci *ὁ αὐτὸς* vocant.

Capitulum  
LI.  
*Ibid. cap. 1. in fine. Edit. varia est in nonnullis.*

**ITEM idem in eodem Opere post pauca :**

In illa igitur sancta Trinitate, quod ideò à nobis repetitur, ut vestro cordi tenaciùs infigatur, unus est Pater qui solus essentialiter de seipso unum Filium genuit, & unus Filius, qui de uno Patre solus est essentialiter natus;

& unus Spiritus sanctus, qui solus essentialiter de Patre Filioque procedit. Hoc autem totum una persona non posset, id est, & gignere se, & nasci de se, & procedere de se. Quia igitur aliud est genuisse quàm natum esse; aliudque procedere quàm genuisse vel natum esse, manifestum est, quoniam alius est Pater, alius est Filius, alius est Spiritus sanctus.

## ITEM idem in eodem Opere:

Neque enim in illa Trinitate proprium esset solius Patris, quòd non est natus ipse, sed unum filium genuit, neque enim proprium solius Filii, quòd non genuit ipse, sed Patris essentia natus est: neque enim proprium Spiritus sancti, quòd nec natus ipse nec genuit, sed solus de Patre Filioque incommutabili æternitate procedit.

Capitulum  
LII.

In cap. 2.  
initio, sed  
varias lectio.

## ITEM idem in ipso Opere post pauca:

Firmissimè & nullatenus dubites eundem Spiritum sanctum qui Patris & Filii unus Spiritus est, de Patre & Filio procedere, &c. usque ad: quia de ejus ore procedit.

Capitulum  
LIII.

Ibidem c. 21.

HORMISDA Papa Romanæ Ecclesiæ: *Quòd Spiritus sanctus à Patre Filioque procedit*, sic dicit in Epistola quam ad Iustinum Imperatorem misit adversus Nestorii & Eutychetis blasphemias.

Capitulum  
LIV.

Est Epist. 79.  
ante medium.

Adoremus Patrem & Filium & Spiritum sanctum, indistinctam distinctè, incomprehensibilem & inenarrabilem substantiam Trinitatis: ubi etsi admittat numerum ratio personarum, unitas tamen non amittit essentiam\*. Ita tamen ut servemus divinæ propria unicuique personæ, ut ne personis\* divinitatis singularitas denegetur, nec ad essentiam hoc quod est proprium nominum transferatur. Magnum est, sanctum & incomprehensibile mysterium Trinitatis, Deus Pater, Deus Filius, Deus Spiritus

al. \* admittit  
essentiæ separa-  
tionem.

In edit. \* Ser-  
vemus divi-  
næ propria  
naturæ, serve-  
mus propria  
unicuique per-  
sonæ, nec  
personis, &c.

sanctus, Trinitas indivisa, & tamen notum est quia proprium est Patris generare Filium, proprium Filii Dei ut ex Patre Patri nasceretur æqualis, proprium Spiritus sancti ut de Patre & Filio procederet sub una substantia divinitatis.

Capitulum  
LV.  
Epist. 93.  
cap. 1.

LEO Papa Romanæ Ecclesiæ: *Quòd Spiritus sanctus à Patre Filioque procedat*, sic dicit in Epistola quam misit ad Turibium Asturicensem Episcopum.

al. \* quàm  
impie de Tri-  
nitate divina  
sentiant.  
\* Edit. add.  
Deus.

al. \* processit,  
sed

Primo itaque Capitulo demonstratur, quàm impii sunt de Trinitate divina\*, qui Patris & Filii & Spiritus sancti unam atque eandem asserunt esse personam, tanquam idem\* nunc Pater nunc Filius, nunc Spiritus sanctus nominetur; nec alius sit qui genuit, alius qui genitus est, alius qui de utroque procedit, & \*singularis unitas in tribus quidem vocabulis, sed non in tribus sit accipienda personis. Quod blasphemiarum genus, de Sabellii opinione sumferunt.

Capitulum  
LVI.  
Post init.

GREGORIUS Papa Romanæ Ecclesiæ: *Quòd Spiritus sanctus à Patre Filioque procedat*, in Homelia xxvi. sic dicit:

Iohan. 20. 21.

Itaque dicitur: *Sicut misit me Pater, & ego mitto vos*, id est ea caritate vos diligo cum inter scādala persecutorum mitto qua me caritate Pater diligit, quem venire ad tolerandas passiones fecit. Quamvis mitti etiam juxta naturam divinitatis possit intelligi. Eo enim ipso à Patre Filius mitti dicitur, quo à Patre generatur. Nam sanctum quoque Spiritum qui cum sit æqualis Patri & Filio, non tamen incarnatus est, isdem se Filius mittere perhibet & dicens: *Cum venerit Paraclitus quem ego mitto vobis à Patre, &c. usque ad*: debeat ad amorem Domini,

Iohan. 15. 26.



ITEM idem in libro Moraliū secundo:

Si \* prophetiæ Spiritus Prophetis semper adefset, David Regi de templi constructione consulenti, nequaquam Nathan Propheta concederet, quod post paululum negaret. Vnde bene in Evangelio scriptum est: *Super quem videris Spiritum descendantem & manentem super eum, hic est qui baptizat.* In cunctos namque fideles Spiritus venit, sed in solo Mediatore singulariter permanet; quia ejus humanitatem nunquam deseruit, ex cujus divinitate procedit. In illo igitur manet, qui solus & omnia & semper potest.

Capitulum  
LVII.

Cap. 27.  
al. \* Etā

Iohan. 1, 33.

ITEM idem in eodem libro post pauca:

In his igitur donis sine quibus ad vitam perveniri non potest, Spiritus sanctus sive in prædicatoribus suis, seu in electis omnibus semper manet, &c. usque ad: manet ad cuncta.

Capitulum  
LVIII.

Cap. 28q

ITEM idem in libro quinto: *Quod Spiritus sanctus de Patre procedat: & de eo quod est Filii accipiat, ubi intelligitur & ab eo procedere.*

Capitulum  
LIX.

Cap. 26. inc.

Et vocem quasi auræ lenis audiui. Quid enim per vocem auræ lenis, nisi cognitio Spiritus sancti designatur: qui de Patre procedens, & de eo quod est Filii accipiens, nostræ tenuiter notitiæ infirmitatis infunditur, &c. usque ad: illuminando perturbat.

FULGENTIUS: *Quod solus Pater genuerit Filium, solus Filius à Patre genitus sit, solus Spiritus sanctus à Patre Filioque procedat*, in libro tertio quem scripsit contra Fabianum, sic dicit:

Capitulum  
L X.

Hi contra Fabianum libri non extant.

Fragmenta tantum qua producuntur ab Ænea edidit Si-

Veraciter quippe profiteamur, solum Patrem genuisse, solum Filium de Patre natum esse: veraciter etiam dici-

mondus in fine Operum S. Fulgentii,

*Et Theodulf.  
Aurel. Episc.  
ea refert. in  
lib. de Spiritu  
sancto.*

Capitulum  
LXI.

mus solum Spiritum sanctum de Patre Filioque procedere.

ITEM idem in libro quinto contra eundem Fabianum.

Ecce in quantum potui, licet breviter, reddidi rationem, qua unum Deum dicamus Patrem & Filium & Spiritum sanctum, & in ipsa imagine Dei ostendi quoddam divinæ agnitionis indicium. In qua quidem imagine, memoria, intelligentia & voluntas non habent singulas propriasque personas. Imago quippe est ista non nata, sed facta; non genita, sed creata. Ad hoc utique, ut sicut in ista una imagine invenitur quædam discretio vocabulorum, sic in illa una divinitate cognoscatur discretio personarum; & naturalis unitas ostendat unum Deum esse Patrem & Filium, & Spiritum sanctum. Personarum verò proprietas demonstrat alium esse Patrem, alium Filium, alium Spiritum sanctum. Alium autem Patrem, non eo quod Deus, sed eo quod Pater est: & alium Filium, non eo quod Deus est, sed eo quod Filius est: alium quoque Spiritum sanctum, non eo quod Deus est, sed eo quod & Patris & Filii Spiritus est. Alium ergo Patrem, quia genuit; alium Filium, quia de Patre natus est; & alium Spiritum, quia de Patre Filioque procedit. Non tamen alium Deum Patrem, & alium Deum Filium, & alium Deum Spiritum sanctum; sed unum Deum Patrem, & Filium, & Spiritum sanctum. Non enim confundit unitas Trinitatem, nec Trinitas separat unitatem; quia quod in personarum proprietate discernitur, hoc unum naturaliter essentiae unius communione monstratur.

Capitulum  
LXII.

ITEM idem in libro VII. ejusdem Operis.

*Iohann. 16. 13.*

*Non enim loquetur à semetipso; sed quæcumque audiet loquetur, & quæ ventura sunt annuntiabit vobis. Ille me clarificabit, quia de meo accipiet, & annuntiabit vobis. Ecce primum ostendit non esse alia Spiritus sancti, quam quæ*



quæ sunt Filii. Deinde ut ostenderet omnia sua esse quæ Patris sunt, adjecit. *Omnia quæcumque habet Pater mea sunt: propterea dixi quia de meo accipiet & adnuntiabit vobis.* ibidem. Illud igitur primitus attendamus quod ait: *Non enim loquetur à semetipso, sed quæcumque audiet loquetur.* Quis autem comprehendat qualis sit illius simplicis naturæ locutio, vel qualis auditio, ubi non est aliud audire quàm esse? Audit itaque Spiritus sanctus quæcumque Pater & Filius dicit, & hæc eadem similiter facit. In illa enim natura, ubi est summa & vera simplicitas, in eo Filius videt quod Pater facit, Spiritus sanctus audit quod cum Patre Filius dicit, qui à communione naturalis essentiæ, & Filius de Patre natus extitit, & Spiritus sanctus de Patre Filioque procedit. Hoc igitur est Spiritui sancto audire, quod est de natura Patris Filiique procedere: & hoc est loqui, quod est per gratiam nostris cordibus ineffabiliter intimare.

## ITEM idem in eodem libro.

Capitulum  
LXIII.

*Et non rapit eas quisquam de manu mea. Pater meus quod dedit mihi majus omnibus est: & nemo potest rapere de manu Patris mei. Ego & Pater unum sumus.* Hæc est ergo vox quam oves ejus audiunt: quæ scilicet in eo quod nemo rapit de manu Filii, neque de manu Patris, unam virtutem Filii & Patris intelligunt: & audientes ab eo quia ipse & Pater unum sunt, unitatem veram in Patre & Filio essentiæ naturalis agnoscunt. Hæc est vox Filii, hæc est locutio Spiritus sancti, quia de natura Patris natus est Filius, & exinde procedit Spiritus sanctus. Hoc etiam à Patre & Filio Spiritus sanctus audit, quia de Patre & Filio communis divinitatis æqualitate procedit. Non ergo Spiritus sanctus loquitur à seipso, quia non est à seipso, sed de Patre & Filio habet naturalem locutionem, unde naturaliter procedens habet originis veritatem. Ad hoc utique pertinet quod ait: *Ille me clarificabit, quia de meo accipiet, & adnuntiabit vobis. Omnia quæ habet Pater mea sunt: propterea dixi, quia de meo accipiet.* Iohan. 10. 28. Iohan. 16. 14. Quàm bene

veritatem doctrinæ suæ veritas ipsa servavit ! Si enim hoc non dixisset, quasi suum esse tantum Spiritum ostendisset; *Ibidem 15.* sed dicens : *Omnia quæ habet Pater mea sunt : propterea dixi, quia de meo accipiet* ; ipsum Spiritum sanctum unum esse ostendit & Patris & suum. Cujus intelligentia dicens : *Iohann. 14. 26.* *Paraclitus autem Spiritus sanctus, quem mittet Pater in nomine meo, ille vos docebit omnia quæcumque dixerò vobis.* Pater mittit, sed in nomine Filii mittit : Spiritus missus à Patre docet, sed Filius dicit. Hoc etiam illo demonstratur loco, ubi Dominus dicit : *Cum autem venerit Paraclitus quem ego mittam in vos à Patre Spiritum veritatis, qui à Patre procedit.* Ecce hîc paraclitum quem mittit Pater in nomine Filii, ipsum mittit Filius à Patre : mittit autem à Patre Spiritum veritatis. Mittit ergo à Patre Spiritum suum, quia ipse est veritas : mittit eum Pater in nomine Filii, quia unus Spiritus est Patris & Filii. Mittit eum Filius à Patre, quia sic procedit à Filio, sicut procedit à Patre. Idem quoque Spiritus Patris, qui Spiritus est veritatis. De Filio ergo accepit, & omnia quæ habet Pater Filii sunt, quæ Spiritus sanctus accepit : quia non de solo Patre, nec solo Filio, sed simul de utroque procedit.

Hoc autem vocabulum processionis de Patre nulli creaturæ invenitur indultum, ut proprietas ista processionis solius esse demonstretur essentiæ naturalis. Legimus enim Filium de Patre genitum, & quamvis in eo quod unigenitus dicitur, in solo naturalis generatio demonstretur essentiæ naturalis. Tamen propter gratiam adoptionis nos quoque Deus Pater voluntariè genuit verbo veritatis. Unigenitus igitur unus & solus est de Patris essentia filius natus ; sed & nos per adoptionem & Filii Dei dicimur, & de Deo nati, beato Evangelista dicente : *Iohann. 1. 12.* *Quotquot autem receperunt eum, dedit eis potestatem filios Dei fieri, his qui credunt in nomine ejus, qui non ex sanguinibus, neque ex voluntate viri, sed ex Deo nati sunt.* Cum ergo nosset Dei filios, & de Deo genitos, & de Deo natos divinis ostendatur eloquiis, processionis tamen de Deo vocabulū nemo potest creaturæ cuiquam docere concess-

sum. Quid ita, nisi quia unigenitum Filium posset naturalis nativitas verum Deum ostendere, eumque non adoptivum, nec diversæ naturæ, sed consubstantialem Patri sine dubitatione monstrare. Procedere autem de Deo ideò nulla creatura dicitur, ut ille qui procedit de Patre & Filio, sic esse credatur Deus, sicut est Pater & Filius: solius est enim Spiritus sancti de Patre & Filio proprietas ista processions, cujus est cum Patre & Filio natura communis. De Patre quippe ac Filio procedit, sed non recedit; nec est in aliquo minor aut subditus, qui de Patre immenso ac de immenso Filio inseparabiliter & unus procedit & totus. Sic igitur ei non potest imperari quod mirabiliter operatur.

## ITEM idem in libro VIII. ejusdem Operis.

---

 Capitulum  
LXIV.

• Filius est igitur à Patre missus, non Pater à Filio, quia Filius est à Patre natus, non Pater à Filio. Similiter etiam Spiritus sanctus à Patre & Filio legitur missus, quia à Patre Filióque procedit. Sed quia non uno modo in Scripturis sanctis dicitur missio, propterea in sacramento Incarnationis non solùm à Patre verùm etiam ab Spiritu sancto missus est Filius, quia mediator Dei & hominum homo Christus Iesus totius est Trinitatis operatione plasmatus. Alio autem modo mittitur à Patre & Filio Spiritus sanctus, quia naturaliter à Patre Filióque procedit. Mittitur enim à Patre & Filio Spiritus sanctus, cùm ab ipsa Trinitate uno Deo gratiæ spiritalis donatur effectus.

## ITEM idem in libro IX. ejusdem Operis.

---

 Capitulum  
LXV.

Deum itaque Patrem non totius Trinitatis, sed Filij & Spiritus sancti fatemur auctorem, de quo habet & unigenitus Filius æternæ nativitatis, & Spiritus sanctus æternæ processions originem. Vnitas autem naturalis, creatorem Filium de creatore Patre naturali nativitate insinuat extitisse, & creatorem Spiritum sanctum de Patre Filióque procedere.

Capitulum  
LXVI.

ITEM idem in libro X. ejusdem Operis.

Expleta verò confessione veræ divinitatis , veræque humanitatis unici Filij Dei , confitemur nos credere in Spiritum sanctum , qui est unus Spiritus Patris & Filij, de Patre Filióque procedens, in Patre Filióque naturaliter manens , de Patre ac Filio unius deitatis habens naturaliter veritatem.

Capitulum  
LXVII.

ITEM idem , *ut ostenderet Spiritum sanctum aequalem Patri & Filio, eundem Spiritum sanctum & à Patre & à Filio, & Filium à Patre & Spiritu sancto missum esse, testatur in libro secundo quem scripsit ad Trasemundum Regem\**.

\* Lib. 2. ad  
Monimum  
cap. 6.

Iam nunc etiam illa nobis est de Spiritus sancti missio-  
ne quæstio revolvenda , &c. usque ad : quoquam localis adventus.

Capitulum  
LXVIII.  
cap. 23.

ISIDORUS Hispalensis Episcopus , in libro secundo Officiorum inter cætera sic dicit :

al. \* Aposto-  
lorum.

al. \* Substan-  
tialiter divi-  
di.

Hæc est autem post Apostolicum \* Symbolum certissima fides , quam Doctores nostri tradiderunt , ut profiteamur Patrem & Filium & Spiritum sanctum unius essentiae , ejusdemque potestatis & sempiternitatis unum Deum invisibilem , ita ut singulis personarum proprietate servata , nec substantialiter Trinitas dividi \* , nec personaliter debeat omninò confundi. Patrem quoque confiteri ingenitum , Filium genitum , Spiritum autem sanctum nec genitum nec ingenitum , sed ex Patre & Filio procedentem ; Filium à Patre nascendo procedere , Spiritum verò sanctum procedendo non nasci.



ISIDORUS in librò septimo Etymologiarum: *Quòd Spiritus sanctus à Patre Filioque procedat, sic dicit.*

LXIX.  
Capitulum  
cap. 3.

Spiritus Sanctus ideò prædicatur Deus , quia ex Patre Filioque procedit, &c. usque ad : hic non est ejus.

ITEM idem in eodem Opere post pauca.

Capitulum  
LXX.  
ibid. cap. 4.

Pater igitur & Filius & Spiritus sanctus Trinitas & unitas. Idem etenim unum idem & tria. In natura unum , in personis tria. Vnum propter Majestatis cõunionem, tria propter personarum proprietatem. Nam alius Pater, alius Filius , alius Spiritus sanctus , sed alius non quidem aliud: quia pariter simplex , paritèrque incommutabile bonum & coeternum. Pater solus non est de alio ; ideo solus dicitur ingenuus. Filius solus de Patre est natus , ideò solus appellatur genitus : Spiritus sanctus solus de Patre & Filio procedit , ideo solus jam amborum nuncupatus Spiritus.

ITEM idem in libro Differentiarum.

Capitulum  
LXXI.  
Lib. 2. cap. 3.

Inter personam Patris & Filij & Spiritus sancti ita secernitur , quòd Pater nec factus nec natus est , Filius natus non factus , Spiritus verò sanctus nec natus nec factus , sed ex Patre procedens , &c. usque ad finem capitis.

ITEM idem in libro Sententiarum.

Capitulum  
LXXII.  
Lib. 1. cap. 17.

Spiritus sanctus creator est , sicut Pater & Verbum, testante Propheta : *Spiritus Domini fecit me , & in spiraculum omnipotentis vivificavit me.* Spiritus sanctus Patris & Filij est ; & inde unum sunt Pater & Filius , quia nihil habet Pater quod non habeat Filius. Non enim res una & duorum consubstantialis poterit simul ab eis procedere , & simul inesse , nisi unum fuerint à quibus procedit.

Iob. 33. 4.

E iij

Capitulum  
LXXIII.  
\*Sive Iulianus  
Pomerius,  
Lib. 1. cap.  
18. & 19.

PROSPER \* in libro de vita contemplativa:  
*Quòd Spiritus sanctus à Patre & Filio procedat,*  
sic docet.

At cùm non solùm secundùm Apostolum nos oporteat  
formam præbere fidelibus, sed etiam eos ipsos fideles qui  
nobis divinitus iustituendi commissi sunt instruere de-  
beamus, de Patre quomodò solus accipiatur inginitus;  
de Filio quomodò solus dicatur genitus; & de Spiritu  
sancto quomodò ex Patre & Filio procedens; nec in-  
genitus possit dici nec genitus. Qualiter ista tria unum  
sint, & hoc unum non dividatur, sed distinguatur in tria  
&c. usque ad: bene agat.

Capitulum  
LXXIV.  
\* Aliis Vigiliis  
sive Virgil. Trident.  
Episcop. lib. 1.  
post. med.

VIGILIUS Africanus Episcopus \* *Spiritum  
sanctum à Patre Filioque procedere his verbis de-  
monstrat in libris quos scripsit Constantinopoli in de-  
fensionem tomi Loenis Papæ contra Euticianistas.*

al. \* colere.

al. \* adverte  
singula sus-  
cepit car-  
nis dispen-  
satio nec ad  
Patrem, &c.  
pertinet Fi-  
lium.  
al. \* sæpe au-  
dita &c.

Similiter nobis & de Trinitate quæstionem aliquam mo-  
vent, ut quia sunt quædam propria Patris, quæ nec ad Filiũ,  
nec ad Spiritum sanctum pertineant; & sunt quædam pro-  
pria Filij, quæ nec ad Patrem nec ad Spiritum sanctum per-  
tineant, & sunt etiam Spiritus sancti nonnulla propria,  
quæ nec ad Patrem, nec ad Filium pertinere monst-  
rantur, tres à se invicem separatos criminantur Catholicos  
credere \* Deos. Sed ne forsitan inopinata quæstione tur-  
beris, adverte \* per singula suscepti hominis dispensatio-  
nem, nec ad Patrem nec ad Spiritum, sed ad solum pertine-  
re Filium. Propriè enim Filius non Pater, de Virgine natus  
est. Rursus illa quæ super sunt \* audita est vox, *Hic est Filius  
meus dilectus*, nec ad Filium nec ad Spiritum sanctum,  
sed ad Patrem pertinet solum. Item columbæ species  
quæ in Iordane aparuit, & ignearum linguarum multi-  
pertita distributio, propriè ad sancti Spiritus personam  
pertinere monstratur. Sed ne adhuc de his proprietati-  
bus dubites, audi manifestius. Proprium Patris est ge-

nuisse, & proprium Filij est natum fuisse; Proprium verò est Spiritui sancto de Patre Filióque procedere\*; Nec omninò reciprocatus in aliam personam, quod est unicuique personæ specialiter propriū. Si ergo hæ tres personæ habentes singulæ proprietates suas, quibus significantius\* distinguantur, non quibus separentur, unus est Deus, quomodò Filius salva utriusque naturæ proprietate non est unus Christus.

al.\* Proprium verò est Spiritus sancti procedere.

al.\* significantiæ.

PROCLUS *Constantinopolitanus Episcopus, in Epistola ad Armenios adversus hæreticos destinata, Spiritum sanctum ab essentia deitatis inseparabiliter procedere*, his verbis edocet

Capitulum LXXV. Post medium epistolæ. v. in Bibliot. Patrum.

Fugiamus itaque consilia seductionis, fluentia hæreticorum dico perniciosà, Deoque inimica contagia, Arii vesaniam, qui Trinitatem inseparabilem substantiis dividit: Eunomij audaciam, qui naturam incomprehensibilem infra scientiam humanitatis includit: Manichæi & Macedonij\* rabiem, qui sequestrat ab essentia divinitatis Spiritum sanctum, & separabiliter procedentem.

\* In edit. deest, Macedonij.

AGNELLUS in Epistola ad Menium\*: *Quòd Spiritus sanctus à Patre procedat & Filio*, sic docet.

Capitulum LXXVI. In medio. v. in Bibliot. Patrum. al.\* ad Menium. & ad Armenium.

Ideò ex Patre Filius, ex Patre & Filio procedit Spiritus sanctus. Nec ut quidam dicunt duos habet Deus Filios Christum & Spiritum sanctum, sed habet Filium invisibilem, sicut ipse invisibilis est; qui ut esset visibilis corpus nostræ fragilitatis assumpsit: non ut invisibilis esse cessaret, sed ut in ipso Christo invisibilis incredulis permaneret. Nam cum dicit: *Beati oculi qui vident quæ vos videtis*. Ergo beati erant Iudæi omnes, & hi qui eum crucifixerunt; De quibus per David dicit: *Ipsi verò consideraverunt & conspexerunt me*. Vides ergo quia invisibilis Pater perseverat, & mente cernitur pura & credula. Ergo invisibilis Pater, invisibilis Filius, invisibilis

Luc. 10. 23.

Psal. 27. 18. In edit. deest. Pater.

Spiritus sanctus. Et ut ad hoc te revocem, unde factum est ut hoc de fragili homine doceamus. Tria hæc invisibilia, & indivisa, & in unum conglomerata, & virtutis efficacia redundantia, idem vocem genitricem Verbi, ex verbo verò simul cum voce procedente efficacia, quæ faciat alterum Consulem fieri, alterum trucidari: Dic mihi, Ariane, ista tria unum sunt an non? Si unum non sunt, divide vocem à verbo, & efficaciam à voce & verbo. Quòd si hoc in fragili homine ita unum sunt tria, vox, & verbum, & efficacia, ut tres quidem personæ sint, sed una subsistendi potentia: in homine fragilissimo, ut diximus, hæc sit tanta potentia, quantò magis in omnipotentia Dei ita est, ut sit Pater omnipotens genitor Filij, & ex Patre & Filio procedens justus\*, qui est Spiritus sanctus.

al. \* virtus.

Capitulum  
LXXVII.  
Psalm. 50. 14.

CASSIODORUS in expositione Psalmi, I.  
*Quòd Spiritus sanctus à Patre Filioque procedat, sic dicit.*

*Redde mihi letitiam salutaris tui; & Spiritu principali confirma me.* Nec incassum putemus quòd vir sanctus & cordis illuminatione radiatus tertio Spiritum nominavit, nisi quia individuæ Trinitati devotus concedi sibi ab ea veniam postulavit. Spiritus enim quantum ad essentiam divinitatis, & Pater & Filius & Spiritus sanctus rectè unus dicitur Deus, sed pro distinctione personarum, proprium est Patri quòd naturaliter sine initio ante sæcula genuit Filium; proprium est Filio quòd naturaliter à Patre generatus est; proprium est Spiritui sancto quòd à Patre & Filio procedit, quæ ineffabili caritate atque cooperatione eorū consubstantialis æternitas & potestas omnia facit quæ vult in coelo & in terra, &c. usque ad: breviter de æternitate differuit.

Capitulum  
LXXVIII.  
Psalm. 61. 1.  
& 3.

ITEM idem in Psalmo sexagesimo primo.

*Ab ipso enim salutare meum, id est, unigenitus Filius, qui rectè credentibus salutaris existit. Ab ipso enim cum dicitur, Filius significatur. Hæc enim propria, unus Deus sancta*



sancta Trinitas habet, quod Pater ingenuus, Filius genitus, Spiritus sanctus à Patre & Filio procedit, &c. usque ad: mirabili veritate monstravit.

ALCUINUS in libro primo de fide sanctæ Trinitatis: *Quòd Spiritus sanctus communis est Patris & Filij Spiritus.*

Capitulum  
LXXIX.  
Cap. 6.

Ergo hoc donum Dei, id est, Spiritus sanctus qui de Patre & Filio æqualiter procedit, ineffabilis quædam Patris Filiique communio est. Et ideo fortasse sic appellatur, quia Patri & Filio potest eadem appellatio convenire. Nam hoc ipse propriè dicitur, quod illi communiter dicuntur. Quia & Pater Spiritus, & Filius Spiritus, & Pater sanctus, & Filius sanctus rectè dicitur. Ergo ut nominibus junctis, quæ separatin utriusque personæ conveniunt, utriusque communio propriè significetur, vocatur sanctus Spiritus, qui est tertia in sancta Trinitate persona, Patri & Filio per omnia æqualis, coæternus & consubstantialis. Et hæc Trinitas unus est Deus, solus bonus, magnus, æternus, omnipotens. Ipse sibi unitas, deitas, magnitudo, bonitas, omnipotentia, & quicquid ad se substantialiter dicitur. Non ita in relativis vocabulis intelligendum est vel dicendum; quia dici non potest, Pater sibi Pater, vel Filius sibi Filius, vel Spiritus sanctus sibi Spiritus sanctus, sed hæc relativa vocabula ad aliam procul dubio personam referri debent.

ITEM idem in eodem.

Capitulum  
LXXX.  
Cap. 11.

Spiritus sanctus itaque hoc habet proprium quod ex Patre & Filio æqualiter procedit, &c. usque ad: omnipotentia & æternitate.

ITEM idem in eodem.

Capitulum  
LXXXI.  
Cap. 15.

Spiritus siquidem sanctus nec ingenuus, nec genitus alicubi dicitur, &c. usque ad: procedat Spiritus sanctus.

Tom. VII.

F

Capitulum  
LXXXII.  
Cap. 9.

ITEM idem in libro secundo :

Sunt hæc tria æternaliter tria. Quòd ingenitum est Pater est solus, qui à nullo esse habet, quod est nisi à seipso. Quod genitum est Filius est, cui à Patre est esse quod est. Quòd verò ingenitum est, nec genitum, Spiritus sanctus est, cui est esse à Patre & filio procedere. Et hæc tria Trinitas est vera, consubstantialis & coætterna.

Capitulum  
LXXXIII.  
Cap. 11.

IDEM idem in libro secundo.

In Christo autem secundum Catholicæ fidei veritatem, in unitate personæ simul & divinitatem fatemur, & animam rationalem & carnem. Inquo tamen divinitas Spiritum accipere non potuit, quia secundum divinitatem Pater & Filius & Spiritus sanctus unus est Deus. Non ergo potuit Spiritum sanctum divinitas Filij accipere, cum ipse Spiritus sanctus sic procedit à Filio, sicut procedit à Patre, & sicut datur à Patre.

Capitulum  
LXXXIV.  
Cap. 19.

ITEM idem in libro secundo ; *De unitate Spiritus sancti cum Patre & Filio.*

Spiritus itaque sanctus sicut Pater & Filius plenus est Deus & perfectus, immo unus Deus cum Patre & Filio atque una substantia, sicut suprâ memoravimus, &c. usque ad : ubi vult spirat.

Capitulum  
LXXXV.  
Cap. 20.

ITEM idem in libro secundo.

Spiritus sanctus in eadem unitate substantiæ & æqualitate cum Patre & Filio consistit, &c. usque ad finem capituli.

Capitulum  
LXXXVI.  
Cap. 21.

ITEM idem in eodem ; *Cur idem Spiritus sanctus bis à Deo Christo datus sit.*

Absque dubitatione ideò Spiritus sanctus bis datus est

ut commendarentur duo præcepta charitatis, &c. usque  
ad finem capitis.

ITEM idem in libro III. *Quomodo missio sancti Spiritus sit intelligenda.* Capitulum  
LXXXVII.

Sicut enim à Patre Spiritus sanctus mittitur, ita & à Filio, &c. usque ad finem capitis.

ITEM in fide ipsius Alcuini:

Credimus sanctam Trinitatem, id est, Patrem & Filium & Spiritum sanctum, unum Deum omnipotentem, unius substantiæ, unius essentiæ, unius potestatis, Creatorem omnium creaturarum. A quo omnia, per quem omnia, in quo omnia. Patrem à se ipso non ab alio, Filium à Patre genitum, Deum verum de Deo vero, lumen verum de lumine vero, non tamen duo lumina, sed unum lumen. Spiritum sanctum à Patre & Filio equaliter procedentem, consubstantialem, coeternum Patri & Filio.

Capitulum  
LXXXVIII.  
Non repertum  
hæc in Alcuino.

ITEM idem ALCUINUS in propositis quaestionibus de sancta Trinitate.

Capitulum  
LXXXIX.  
Resp. ad interrogat. 2.

Proprium est Patris, quod solus est Pater, & quod ab alio non est nisi à se. Proprium est Filii, quod à Patre genitus est, solus à solo coeternus & consubstantialis genitus. Proprium est Spiritus sancti, quod nec ingenus nec genitus est, sed à Patre & Filio æqualiter procedens.

PRUDENTIUS in libro contra Marcionitas metro Heroïco.

Capitulum  
XC.  
In perorat.  
Hæmartigoni.

*O Dee cunctipotens animæ dator, ò Dee Chrisfe,  
Cujus ab ore Deus subsistit Spiritus unus.*



Capitulum  
XCI.  
*In Hym. ante  
sionum.*

ITEM idem in libro Hymnorum metro Iambico.

*O Trinitatis hujus,  
Vis una, lumen unum,  
Deus ex Deo perennis,  
Deus ex utroque missus.*

Capitulum  
XCII.  
*Hymn. ad in-  
censum cerei  
Paschalis. in  
vit. & fin.*

ITEM idem in libro Hymnorum metro Choriambico, quod Asclepiadeum nominatur.

*Inventor rutili dux bonæ luminis,  
Qui certis vicibus tempora dividis,  
Merso sole chaos ingruit horridum,  
Lumen redde tuis Christe fidelibus.*

*Per Christum genitum summe Pater tuum,  
In quo invisibilis stat tibi gloria,  
Qui noster Dominus, qui tuus unicus  
Spirat de patrio corde Paraclitum.*

*Per quem splendor, honor, laus, sapientia,  
Majestas, bonitas, & pietas tua,  
Regnum continuat nomine triplici  
Texens perpetuis secula seculis.*

Capitulum  
XCIII.

ITEM in fide Catholica, quam die Dominicâ decantat ad Missam vniuersalis Gallicarum Ecclesia, sic canitur inter cætera:

Credo & in Spiritum sanctum Dominum & vivificantem, qui ex Patre Filioque procedit, qui cum Patre & Filio simul adoratur & conglorificatur, qui locutus est per Prophetas.



IDEM ISIDORUS in fide Catholica inter cæte-  
ra, sic dicit:

Capitulum  
XCIV.  
*Lib. de Ordine  
Creaturarum  
cap. 1. in  
Tom. 1. Spi-  
cilogii nostri.*

Deus unus omnipotens, sancta Trinitas Pater & Filius & Spiritus sanctus. Pater ergo omnipotens ex nullo originem ducit, & ipse origo divinitatis est, à quo Filius Deus omnipotens genitus sine tempore est, non quippe creatus est, quia Deus est. Cui, præter quod Filius est, in divinitate totum est commune Patris in æternitate, in voluntate, in potestate, in sapientia: Sic & Patri, præter quod Pater est, totum est commune Filii. Spiritus sanctus est Deus omnipotens nec genitus est, quia non est Filius, nec creatus, quia non est creatura, sed ex Patre procedit & Filio. Cui, præter quod Spiritus sanctus est, totum commune est Patris & Filii, quia non qui Pater est, Filius aut Spiritus sanctus in persona hic est, nec qui Filius est, Pater aut Spiritus sanctus hic est, nec qui Spiritus sanctus est, Pater aut Filius hic est, sed in essentia quod Pater est, & Filius, & Spiritus sanctus hoc unum est. Et quod Filius est, Pater & Spiritus sanctus hoc est. Et quod Spiritus sanctus est, Pater & Filius hoc est, sed non triplex in illa Trinitate Deorum numerus est. Salvâ enim separatione personarum totum commune divinitatis est.



## QVÆSTIO,

## SIVE

## OBIECTIO II.

De Cœlibatu  
Ministrorum  
Ecclesiæ.

## TETIMONIA SANCTORVM

## PATRVM

*Contra eos qui profana intentione munditiam Ministrorum Christi oppugnare contendunt, quàm pulchra virgo & vera mater Ecclesia non habens maculam aut rugam, vel aliquid huiusmodi semper sibi obsequi inlibatè delegit.*

Capitulum  
XCV.

1. Cor. 7. 2.

1. *ibid.* 6.

**V**OX tonitruï PAULUS ita de munditia prosequitur, cùm vulgaribus conjugium permitteret: *Vnusquisque suam uxorem habeat, & unaquæque suum virum habeat. Hoc, inquit, dico secundum indulgentiam, non secundum imperium. Volo autem omnes homines esse sicut me ipsum, sed unusquisque proprium habet donum ex Deo. Alius quidem sic, alius verò sic. Dico autem non nuptis & viduis, bonum est illis si sic manserint sicut & ego.*

2. *ibid.* 25.

Et idem post pauca in eadem Epistola ad Corinthios prima: *Consilium autem do tanquam misericordiam consecutus à Domino ut sim fidelis. Existimo ergo hoc bonum esse propter instantem necessitatem, quoniam bonum est homini sic esse. Subauditur, ut ita sit continens sicut ego. Et item post pauca: Volo autem vos sine sollicitudine esse. Qui sine*

*uxore est sollicitus est quæ Domini sunt quomodo placeat Deo. Qui autem cum uxore est sollicitus est quomodo placeat uxori.*

Si autem hanc castimoniam laïcis hortando suadet, multò magis Ministris Ecclesiæ eandem inesse desiderat.

Item Apostolus ad Galatas: *Spiritu ambulate, & desideria carnis non perficietis. Caro enim concupiscit adversus spiritum, Spiritus autem adversus carnem. Hæc enim invicem sibi adversantur, ut non quæcumque vultis illa faciatis; quòd si spiritu ducimini non estis sub lege.* Et item: *Fruitus autem Spiritus est caritas, gaudium, pax, patientia, longanimitas, bonitas, benignitas, fides, modestia, lenitas, continentia, castitas, adversus hujusmodi non est lex.* Et item: *Si Spiritu vivimus, Spiritu & ambulemus.* Cùm autem de magno Pontifice Christo ad Hebræos dixisset: *Talis enim decebat ut nobis esset Pontifex sanctus, innocens, impollutus, segregatus à peccatoribus & excelsior cælis factus.*

Hanc castitatis munditiam cunctis Sacerdotibus & Ministris Ecclesiæ servandam proposuit. Et si talia in sæcularibus laudantur, abundantius in Ecclesiasticis honestiora esse videntur.

Item Paulus ad Colossenses: *Mortificate, inquit, membra vestra quæ sunt super terram, fornicationem, immunditiam, libidinem, concupiscentiam malam.* Addit etiam: *Propter quæ venit ira Dei super filios incredulitatis. In quibus & vos fuistis aliquando cùm viveretis in illis. Nunc autem deponite & vos omnia, iram, indignationem, malitiam, blasphemiam, turpem sermonem de ore vestro.*

Ad hæc augmentanda Dei Filius concludens imperat: *Sint lumbi vestri præcincti & lucernæ ardentes in manibus vestris.* Et Paulus: *Bonum est mulierem non tangere, videlicet quasi in tactu statim periculum pro foribus adesset.* Si carnalibus est à tactu temperandum & cavendum, instantius spiritualibus ab amplexu illicito perpetualiter abstinentum. Item Paulus: *Fornicatio autem & omnis immunditia aut avaritia, nec nominetur in vobis sicut decet sanctos; aut turpitudine, aut stultiloquium, aut scurrilitas*

Ibid. 1.

*que ad rem non pertinet, sed magis gratiarum actio. Hoc enim scitote intelligentes, quod omnis fornicator aut immundus, aut avarus, quod est Idolorum servitus, non habet hereditatem in regno Christi & Dei. Et paulò post: Eratis enim aliquando tenebræ, nunc autem lux in Domino, ut filii lucis ambulate. Fructus enim lucis est in omni bonitate & iustitia & veritate.*

His & aliis quamplurimis auctoritatibus pudicitia mentis & corporis usque ad cælos extollitur.

Capitulum  
XCVI.  
Can. 3. ex 1.  
edit.

### IN NICÆNO CONCILIO *De subintroductis mulieribus.*

Interdixit per omnia magna Synodus, nec Episcopo, nec Presbytero, nec Diacono, nec alicui omnino qui in Clero est, licere subintroductam habere mulierem, nisi fortè matrem, aut sororem, aut àmitam, vel eas tantum personas quæ suspensiones effugiunt.

In fine Pro-  
œmii l. r. de  
fide ad Gra-  
ecian.

Hoc autem Nicænum Concilium Beatus Ambrosius in libro de Trinitate his verbis in immensum effert: De Conciliis id potissimum sequar, quod trecenti decem & octo Sacerdotes, tanquam Abrahæ electi iudicio, consona fidei virtute victores, velut trophæum toto orbe subactis perfidis extulerunt: ut mihi videatur hoc esse divinum, quod eodem numero in Conciliis habeamus oraculum, quod\* in historia pietatis exemplum.

al.\* quo

Capitulum  
XCVII.  
Epist. 1. cap. 7.

### IN DECRETALIBUS SIRICII PAPÆ; *De Clericis incontinentibus.*

Ier. 9.

Veniamus nunc ad sacratissimos Ordines Clericorum, quos in venerandæ Religionis injuriam ita per vestras provincias calcatos atque confusos, caritate tua insinuante reperimus, ut Ieremiæ nobis voce dicendum sit: *Quis dabit capiti meo aquam aut oculis meis fontem lacrymarum; & flebo populum hunc die ac nocte.* Si ergo Beatus Propheeta ad lugenda populi peccata non sibi ait lacrymas posse sufficere, quanto nos possumus dolore percelli, cum co-

rum



rum qui in nostro sunt corpore, compellimur facinora deplorare? Quibus præcipuè, secundum Beatum Paulum, *in-stantia quotidiana, & sollicitudo omniū Ecclesiarum indefinenter incūbit. Quis enim infirmatur & ego non infirmor? Quis scandalizatur & ego non uror?* Plurimos enim Sacerdotes Christi atque Levitas post longa consecrationis suæ tempora, tam de conjugii propriis, quàm etiam de turpi coitu sobolem didicimus procreasse, & crimen suum hac præscriptione defendere, quia in veteri Testamento Sacerdotibus ac Ministris generandi facultas legitur attributa, &c. usque ad: senserint medicinam.

IN eisdem; *De Clericorum conversione.*

Capitulum  
XCVIII.  
*Ibid. cap. 19.*

Quicumque itaque se Ecclesiæ vovit à sua infantia, ante pubertatis annos baptizari, & Lectorum debet ministerio sociari: qui accessu adolescentiæ usque ad tricesimum ætatis annum, si probabiliter vixerit, una tantum, & ea, quam virginem communi per Sacerdotem benedictione perceperit, uxore contentus, Acolytus & Subdiaconus esse debebit. Post quæ ad Diaconi gradum, si se ipse primitus continentia præeunte dignum probarit, accedat. Vbi si ultra quinque annos laudabiliter ministrarit, congruè Presbyterum consequetur. Exinde post decennium Episcopalem cathedram poterit adipisci, si tamen per hæc tempora integritas vitæ ac fidei ejus fuerit approbata.

ITEM in eisdem Decretalibus; *Quæ femina cum Clericis habitent.*

Capitulum  
XCIX.  
*Ibid. cap. 12.*

Feminas verò non alias esse patimur in domibus Clericorum, nisi eas tantum, quas propter solas necessitudinum causas habitare cum iisdem Synodus Nicæna permisit.



Capitulum  
C.

Epist. 3. cap. 1.

INNOCENTIUS Papa in Decretalibus; *De Incontinentia Sacerdotum vel Levitarum*, ad Exuperium Episcopum Tolosanum.

Proposuisti quid de his observari debeat, quos in Diaconii ministerio, aut in officio Presbyterii positos, incontinentes esse, aut fuisse, generati filii prodiderunt. De his & divinarum legum est disciplina, & beatæ recordationis viri Siricii Episcopi monita evidentia commearunt, ut incontinentes in officiis talibus positi omni honore Ecclesiastico privarentur, nec admittantur ad tale ministerium, quòd solâ continentia oportet impleri, &c. *usque ad*: arbitrati sunt voluptatem.

Capitulum  
C l.

Epist. v. sub  
ins.

ITEM Papa INNOCENTIUS; *Quòd hi qui in Presbyterio filios genuerint, removeri ab officio debeant.*

al. \* convicti  
fuerint.

al. \* con-  
victi.

Qui zelo fidei ac disciplinæ ductus non patitur Ecclesiam pollui ab indignis Presbyteris, quos in presbyterio filios asserit procreasse. Quod non licere exponerem, nisi nossem vestram prudentiam legis totius habere notitiam. Et ideò, fratres carissimi, libelli qui subjectus est tenore perspecto, eos qui talia perpetrasse dicuntur jubere in medio collocari, discussisque objectionibus quæ ipsis Presbyteris impinguntur, si convinci potuerint\* à sacerdotali removeantur officio; quia qui sancti non sunt, sancta temptare non possunt, atque alieni efficiuntur à ministerio, quod vivendo inlicitè polluerunt. Miramur autem hæc eorum dissimulare Episcopos, ut aut cohibere\*, aut nescire esse inlicita judicentur:



*Sanctus SIRICIUS Papa in Ecclesia Beati Petri  
Apostolorum Principis in Concilio residens, &  
Fratribus & Coepiscopis per Africam Ecclesiasti-  
ca jura describens, inter cæterabæc de pudicitia  
intulit.*

Capitulum  
CII.  
Epist. 4. n. 9.

Præterea, quod dignum & pudicum & honestum est,  
suademus Sacerdotes & Levitæ cum uxoribus suis non  
coëant, quia in ministerio Ministri quotidianis necessita-  
ribus occupantur. Ad Corinthios namque Paulus sic scri-  
bens ait: *Abstinete vos ut vacetis orationi.* Si ergo laïcis 1. Cor. 7.  
abstinentia imperatur, ut possint deprecantes audiri,  
quantò magis Sacerdos utique omni momento paratus  
esse debet, munditiæ puritati securus, ne aut sacrificium  
offerat, aut baptizare cogatur. Qui si contaminatus fue-  
rit carnali concupiscentia, quid faciet? Qualiter se\* ex-  
cusabit? Quo pudore, qua mente usurpabit? Qua con-  
scientia, quo merito se hic exaudiri credit, cùm dictum  
sit: *Omnia munda mundis, coinquinatis autem & infideli-  
bas nihil mundum.* Qua de re hortor, moneo, rogo, tol-  
latur hoc opprobrium, quod potest jure etiam gentilitas  
accusare. Fortè hoc creditur\*, quia scriptum est: *Vnius  
uxoris virum.* Non permanentem\* in concupiscentia ge-  
nerandi dixit, sed propter continentiam futuram. Neque  
enim integros non admisit qui ait: *Vellem autem omnes ho-  
mines sic esse, sicuti & ego.* Et apertiùs declarat dicens:  
*Qui autem in carne sunt Deo placere non possunt. Vos autem* Rom. 7.  
*jam non estis in carne, sed in Spiritu.* Hæc itaque, Fratres,  
si plenâ vigilantia fuerint ab omnibus observata, cessabit  
ambitio, dissensio conquiescet, hæreses & schismata non  
emergent, locum non accipiet Diabolus sæviendi, mane-  
bit unanimitas, iniquitas superata calcabitur: caritas spi-  
rituali fervore flagrabit, pax prædicata labiis cum volun-  
tate concordabit. Pax utique Dei nostri Salvatoris, quam  
proximus passionis servandam esse præcepit, & heredita-  
riam nobis jure dereliquit dicens: *Pacem meam do vobis,* 1. Joan. 14.

\* qualiter se  
non extans in  
ed. r.

Tir. 1.

al. \* fortè  
creditur.  
1. Tim. 3.  
al. \* pertina-  
nenti.

1. Cor. 7.

Rom. 7.

1. Joan. 14.

Philp. 2.

*pacem meam relinquo vobis. Et dictum Apostoli: Vt unanimes unum sentientes permaneamus in Christo; Nihil per contentionem nobis, neque per inanem gloriam vindicantes; nec hominibus sed Deo nostro Salvatori placeamus. His præceptis omnibus si fideliter voluerimus obedire, custodiet Dominus corpora nostra & animas nostras in die qua redditurus est unicuique secundum opera sua. Si quis sanè inflatus mente carnis suæ ab hac Canonis ratione voluerit evagari, sciat se & à nostra communione seclusum, & gehennæ pœnas habiturum. Præterea misericordia cum iudicio esse debet. Talibus enim oportet labentibus manum porrigere, quæ\* sic currentem non pertrahat in ruinam. Datum Romæ in Concilio Episcoporum octoginta sub die VIII. Idus Ianuarias post consulatum Arcadij Augusti & Bautonis.*

Rom. 2.

al. \* qui

Capitulum  
CIII.  
Epist. 84.  
cap. 4.

**IN decretalibus Papæ LEONIS: *Quòd Subdiaconis carnale connubium denegetur.***

\* In edit.  
arbitrium  
non habetur.

1. Cor. 7. 29.

Nam cum extra Clericorum ordinem constitutis nuptiarum societati, & procreationi filiorum studere sit liberum arbitriū \*, ad exhibendam perfectæ continentiae puritatem nec Subdiaconis quidem connubium carnale conceditur, *ut & qui habent sint tanquam non habentes; & qui non habent, permaneant singulares. Quòd si in hoc ordine qui quartus est à capite, dignum est custodiri, quantò magis in primo vel secundo tertiove servandum est, ne aut Levitico, aut Presbyterali, aut Episcopali excellentiæ aut quisquam idoneus æstimeretur, qui se à voluptate uxoris necdum frænasse deregitur.*

Capitulum  
CIV.  
Epist. 92.  
Inquisit. 3.

**LEO Papa ad Rusticum Episcopum Narbonensem Epistolam porrigens; & ad ejusdem consulta respondens inter cetera dicit.**

De his qui altari ministrant, & conjuges habent, utrum eis licito misceantur.

Lex continentiae eadem est altaris Ministris, quæ Episc-

copis atque Presbyteris. Qui cū essent laici sive lectores licitè & uxores ducere, & filios procreare poterunt: Sed cū ad prædictos pervenerint gradus, cœpit eis non licere quod licuit. Vnde ut de carnali fiat spiritale conjugium, oportet eos nec dimittere uxores & quasi non habeant sic habere; quo & salva sit caritas connubiorum, & cesset operatio nuptiarum.

Item LEO Papa in Epistola sua quam ad Mauros Episcopos direxit, inter cetera sic dicit:

Totius familiæ \* status & ordo nutabit, si quod requiritur in corpore non inveniatur in capite, &c. usque ad: argentum purum esse meruerunt.

Capitulum.  
C V.  
In edit. Epif.  
87. ad Episcop.  
Africanos  
per Mauritaniam &c. cap.  
1. post m. r.  
ad + Domini

### IN Canonibus sanctorum Apostolorum:

Vt Sacerdotes & Ministri altaris, sæcularibus curis abstineant: Episcopus autem Presbyter aut Diaconus nequaquam sæculares curas sumant, sin aliter, dejiciatur.

Capitulum  
CVI.  
Can. 7. al. 6.  
differt ab edit

ITEM in eisdem: Quod Ministri altaris oblatione celebrata debeant communicare.

Capitulum  
CVII.  
Can. 9. ex  
Vers. Dionysii  
Exigui.

Si quis Episcopus, aut Presbyter aut Diaconus, vel quilibet ex sacerdotali catalogo, facta oblatione non communicaverit, aut causam dicat, ut si rationabilis fuerit veniam consequatur: aut si non dixerit, communione priveretur tanquam qui populo causa læsionis extiterit, dans suspensionem de eo qui sacrificavit quod rectè non obtulerit.

ITEM in eisdem: Qui Clerici debeant conjugibus copulari.

Capitulum  
CVIII.  
Can. 18. ex  
eadem vers.

Innuptis autem qui ad Clerum provecti sunt, præcipimus, ut si voluerint uxores accipiant, sed Lectores Cantoresque tantummodò.

Capitulum  
CIX.

*Conc. Carthag.  
III. cap. 17.  
ex. l. edit.*

IN CONCILIO Carthagenensi.

Vt cum omnibus omninò Clericis extraneæ fæminæ non cohabitent, sed solæ matres, aviæ, materteræ, amittæ, sorores & filiæ fratrum aut sororum, & quæcumque ex familia, necessitate domestica, etiam antequam ordinarentur, jam cum eis habitabant, vel si filij eorum jam ordinatis parentibus uxores acceperint, aut servis non habentibus in domo quas ducant, aliunde ducere necessitas fuerit.

Capitulum  
CX.

*Ibid. cap. 25.*

ITEM in eodem:

Vt Clerici vel continentes, ad viduas vel virgines, nisi ex jussu vel permissu Episcoporum aut Presbyterorum non accedant, & hoc non soli faciant, sed cum Clericis, aut cum his cum quibus Episcopus aut Presbyter jusserit. Nec ipsi Episcopi aut Presbyteri soli habeant accessum ad hujusmodi fæminas, sed aut ubi Clerici præsentibus sunt, aut graves aliqui Christiani.

Capitulum  
CXI.

*al \* Anagran  
Can. 10. dis-  
fert hac versio  
à trib. edit.  
al. \* quicum-  
que  
al. \* venerint*

IN Canone Anquirani\* Concilij.

*al \* maneat  
in ministerio,  
propterea  
quod his  
Episcopus  
licentiam de-  
derit.*

Diaconi quoque \* cùm ordinantur, si in ipsa ordinatione protestati sunt, dicentes velle se habere uxores, neque posse se continere. Hi postea, si ad nuptias convenerint\*, maneat in Clero tantum, & à ministerio abjiciantur\*. Quicumque sanè tacuerunt, & susceperunt manus impositionem, professi continentiam, & postea ad nuptias convenerunt, à ministerio vel Clero cessare debebunt, laicam tantum communionem recipientes.

Capitulum  
CXII.

*Cap. 30. ex  
interp.  
Dionysij Exi-  
gii.*

IN CONCILIO Laodicensi: *De viris cum mulieribus lavacula celebrantibus.*

Quòd non oporteat sacris officiis deditos, aut Clericos

aut continentes, vel omnem Laicum Christianum, lavacra cum mulieribus celebrare quia, hæc apud Gentiles reprehensio prima est.

IN eodem, non licere Clericis ludicris spectaculis interesse:

Capitulum  
CXIII.  
Cap. 54.

Non oportet Ministros altaris vel quoslibet Clericos, spectaculis aliquibus, quæ aut in nuptiis aut in scenis exhibentur, interesse, sed antequam thymelici ingrediantur surgere eos & abire debere de convivio.

IN Synodo Neocæsariensi.

Presbyter qui \* uxorem duxerit, ab ordine suo illum deponi debere. Quod si fornicatus fuerit, vel adulterium commiserit, extra Ecclesiam abjiciatur, & poenitentiam inter Laicos redactus agat.

Capitulum  
CXIV.  
Cap. 1. ex interpret Gerardi Mercat.  
al. \* si.

Item INNOCENTIUS Papa ad Victricium Episcopum Rotomagensem.

Capitulum  
CXV.  
Epist. 2.  
cap. 9.

Præterea quod dignum & pudicum & honestum est, tenere Ecclesia omnimodo debet ut Sacerdotes & Levitæ cum uxoribus suis non coeant, quia ministerij quotidiani necessitatibus occupantur. Scriptum est enim; *Sancti estote, quoniam & ego sanctus sum, dicit Dominus Deus vester.* Nam priscis temporibus de templo Dei Sacerdotes anno vicis suæ non discedebant, sicut de Zacharia legimus, nec domum suam omninò tangebant. *&c. usque ad finem capituli.*

Levit. 11:  
44. & 10.

ITEM idem ad eundem.

Quæ forma servatur in Clericis, maximè cum vetus regula hoc habeat ut quisque correctus \* baptizatus Clericus esse voluisset, sponderet se uxorem omninò non ducere.

Capitulum.  
CXVI.  
Cap. 10. in fine.  
al. \* corruptus

Capitulum  
CXVII.  
Cap. 14. ex  
interpret.  
Marcanensis.

IN CONCILIO Laodicensi, *Vt qui ministri altaris sunt tabernas non intrent*

al. \*. omnes

Quoniam non oportet altari deservientes à Presbyteris usque ad Diaconos, & deinceps Ordinis Ecclesiastici homines \* usque ad Ministros, aut Lectores, aut Psaltes, aut Exorcistas, aut Ostiarios, qui in proposito continentiae sunt, tabernas intrare.

Capitulum  
CXVIII.  
Carthag.  
Conc. II.  
cap. 2.

IN CONCILIO Carthagenensi, *De Continentia.*

Aurelius Episcopus dixit: Cùm præterito Concilio de continentiae & castitatis moderamine tractaretur, gradus isti tres qui conscriptione quadam castitatis per consecrationes adnexi sunt. Episcopos, inquam, Presbyteros & Diaconos ita placuit, ut concederetur sacros Antistites, ac Dei sacerdotes, nec non & Levitas, vel qui sacramentis divinis inserviunt, continentes esse in omnibus, quò possint simpliciter quod à Deo postulant impetrare, Vt quod Apostoli docuerunt, & ipsa servavit antiquitas, nos quoque custodiamus.

Capitulum  
CXIX.  
Cap. 14. ex  
altera edit.

ITEM in eodem Concilio, *De diversis Ordinibus ab uxoribus abstinendis.*

Faustinus Episcopus Ecclesiae Potentinæ, provinciae Piceni, Legatus Romanæ Ecclesiae dixit: Placet ut Episcopi, Presbyteri & Diaconi, vel qui sacramenta contrectant, pudicitiae custodes, ab uxoribus se abstineant. Ab universis Episcopis dictum est. Placet ut in omnibus & ab omnibus pudicitia custodiatur, qui altari inserviunt.

Capitulum  
CXX.  
Cap. 7.  
Et Carthag.  
Conc. V. cap.  
3.

IN CONCILIO Africano; *Qui Clerici ab uxoribus debeant abstinere.*

Præterea, cùm de quorundam Clericorum, quamvis erga



erga uxores proprias, in continentia referretur: Placuit Episcopos, & Presbyteros, & Diaconos secundum priora statuta, etiam ab uxoribus continere. Quod nisi fecerint, ab Ecclesiastico removeantur officio. Cæteros autem Clericos ad hoc non cogi, sed secundum uniuscujusque Ecclesiæ consuetudinem observari debere.

IN Synodo cui presedit Romæ Beatus SILVESTER Papa cum Episcopis ducentis octoginta quatuor, ubi damnati sunt Victorinus Episcopus, Calistus, Hippolitus Diaconus, astantibus Episcopis, & Presbyteris, & Clericis Græcorum, ita inter cætera legitur.

Capitulum  
CXXI.  
Conc. Rom. 2.  
cap. 19. differt.  
ab editis.

Nemo Presbyter à die honoris presbyterij sumat conjugium. Quod si quis hoc neglecto aliter egerit, duodecim annis eum dicimus privari honore. Quod si quis contra hoc chirographum præsens & publicè dictum egerit, condemnabitur in perpetuum.

AMBROSIIUS in epistola ad Titum inter cætera sic ait.

Capitulum  
CXXII.  
In cap. 2.

Iuniores similiter, &c. usque ad verba: probat factis.

ITEM in Epistola ad Timotheum.

Capitulum  
CXXIII.  
1. Tim. 2.

*Vnius uxoris virum.* Quamvis secundam numero uxorem non sit haberi prohibitum; ut tamen quis dignus ad Episcopatum sit, etiam licitam debet spernere propter sublimitatem ipsius ordinis, quia cæteris melior debet esse, qui cupidus est sedis illius: *sobrium, pudicum, ornatum, hospitalem, docibilem, non obnoxium vino, non verberatorem, sed modestum, non litigiosum, non asperum, domum suam bene regentem, filios habentem subditos cum omni caritate* \*. Talem hominem qui hæc custodiat quæ enumerat bona, creari debere dicit Episcopum. Hæc enim signa sunt dignitatis Episcopalis. Si quis autè potio-

Ibid.

al. \* castitate

ra sectatus, & corpus & animam suam Deo dicaverit, ne se copulet matrimonio, tantò magis dignior fiet; ideò enim inferiorem posuit, ut de potiore nemo dubitaret.

Capitulum  
CXXIV.

*Ibidem.*

### ITEM idem in eadem post pauca:

*Diaconos pari modo pudicos, non bilingues, non vino multo deditos, non turpibus lucris vacantes, habentes mysterium fidei in conscientia pura.* Et hi autem probentur primum, & sic ministrent sine crimine. Qui tantâ curâ Diaconos eligendos præcipit, quos constat Ministros esse Sacerdotum, quales vult esse Episcopos, nisi sicut ipse ait, *irreprehensibiles?* Negotia tamen publica, turpia, vilia non habentes. Scit enim negotiari, ut accipiant lucra, nec aliud profitentur quàm gerunt. Turpia autem lucra hæc dicit esse, si sub pia professione quæstibus studeatur. Turpis enim deprehenditur cùm se purum ostendat. Post Episcopum tamen Diaconatûs ordinationem subjicit: quare? nisi quia Episcopi & Presbyteri una ordinatio est, uterque enim Sacerdos est, sed Episcopus primus est, ut omnis Episcopus Presbyter sit, non tamen omnis Presbyter Episcopus; hic enim Episcopus est qui inter Presbyteros primus est. Denique Timotheum Presbyterum ordinatum significat; sed quia ante se alterum non habebat, Episcopus erat. Vnde & quemadmodum Episcopum ordinet ostendit; neque enim fas erat aut licebat, ut inferior ordinaret majorem: nemo enim tribuit quod non accepit.

Capitulum  
CXXV.

*Ibidem.*

### ITEM in eadem post pauca:

Diaconos sint unius uxoris viri, &c. usque ad: Actores Dei sunt.

Capitulum  
CXXVI.  
*Hoc capitulum non occurrit in lib. 1. offic. S. Ambrosij.*

### ITEM Ambrosius in libro primo de Officiis Ministrorum:

Viduarum ac Virginum domos, nisi visitandi gratiâ

juniores adire non opusest : & hoc cum senioribus, hoc est vel cum Episcopo, vel si gravior est causa, cum Presbyteris. Quid necesse est ut demus sæcularibus obtrectandi locum ? Quid opus est ut illæ quoque visitationes crebræ accipiant auctoritatem ? Quid si aliqua illarum fortè labatur ? Cur alieni lapsus subeamus invidiam, quam multos etiam fortes inlecebra decepit ? quanti non dederunt errori locum, & dederunt suspicioni ? Cur non illa tempora, quibus ab Ecclesia vacas, lectioni impendas ? Cur non Christum reuisas, Christum alloquaris, Christum audias ? Illum alloquimur cùm oramus, illum audimus cùm divina legimus oracula. Quid nobis cum alienis domibus ? Vna est domus quæ omnes capit, illi potiùs ad nos convenient qui nos requirunt. Quid nobis cum fabulis ? Ministerium altaribus Christi, non obsequium hominibus deferendum recepimus. Humiles decet esse, mites, mansuetos, graves, patientes, modum nos tenere in omnibus vel tacitus vultus, vel sermo adnuntiet.

ITEM idem in eodem libro.

De castimonia autem quid loquar, quando una tantùm nec repetita permittitur copula, &c. usque ad verba : quod est temperantiæ.

Capitulum  
CXXVII.  
Cap. 50. sub.  
init.

HIERONYMUS in Epistola ad Titum, sic de pudicitia dicit inter cætera.

Capitulum  
CXXVIII  
Ad cap. 1.  
ante med.

Oportet autem illum & testimonium habere bonum ab his qui foris sunt, ut non in opprobrium incidat, & laqueum Diaboli. Quod autem ait, unius uxoris vir, sic intelligere debemus, ut non omnem monogamum digamo putemus esse meliorem, sed quo is possit ad monogamiam & continentiam subditos cohortari, qui sui exemplum præferat in docendo, &c. usque ad necessitati carnis indulgeat.

Timoth. 2.

Capitulum  
CXXIX.  
*Sub med.*

ITEM idem in eadem post pauca:

Sit autem Episcopus & pudicus, quem Græci *σώφρονα* vocant, & latinus Interpret verbi ambiguitate deceptus, pro pudico prudentem transtulit. Si autem laïcis imperatur ut propter orationem abstineant se ab uxorum coïtu, quid de Episcopo sentiendum est, qui quotidie pro suis populique peccatis, &c. *usque ad*: Sint regula veritatis.

Capitulum  
CXXX.  
*Ibid. cap. 2.  
paulo ante  
med.*

ITEM idem in eadem post pauca:

*Te ipsum*, inquit, *formam præbeas bonorum operum*. Nihil prodest aliquem exercitatum esse in dicendo, & ad loquendum trivisse linguam; nisi plus exemplo docuerit quam verbo. Denique qui impudicus est, quamvis disertus sit, si ad castitatem audientes cohortetur sermo ejus, infirmus est, & auctoritatem non habet cohortandi. Et è contrario quamvis sit rusticanus & tardus ad loquendum, si castus fuerit, exemplo suo homines potest ad vitæ similitudinem compellere. &c. *usque ad*: in incorruptione, & in pudicitia.

Capitulum  
CXXXI.  
*Scilicet Epist.  
50. ante med.  
10m, 2.*

HIERONYMUS in Apologetico ad Pammachium, inter cætera ita de Pudicitia disputat.

In fine quoque comparationem nuptiarum & virginum, disputationem nostram hoc sermone conclusimus: Vbi bonum & melius est, ibi boni & melioris non unum est præmium: Et, ubi non unum præmium, ibi utique dona diversa. Tantum est igitur inter nuptias & virginitatem, quantum inter non peccare & benefacere: immo ut levius dicam, quantum inter bonum & melius. &c. *usque ad*: Vnusquisque ferre non potest.



ITEM HIERONYMUS *in eodem Apologetico post*  
*pauca.*

Capitulum  
CXXXII.  
*Ibidem.*

Nulli dubium est, Sacerdotes de Aaron & Eleazar,  
& Phinees stirpe generatos, qui cùm & ipsi uxores habue-  
rint, rectè nobis opponerentur, si errore Encratitarum  
contenderemus matrimonia reprobanda, &c. *usque ad:*  
in gradu tertio poneremus.

ITEM idem in eodem post pauca:

Capitulum  
CXXXIII.  
*Ibid. in med.*

Nunc verò cum interpres magis Apostoli fuerim quàm  
dogmatistes, & commentatoris sim usus officio, quic-  
quid durum videtur, ei magis magisque imputetur quem  
exposuimus, quàm nobis qui exposuimus, &c. *usque ad:*  
potius quàm aliorum obscuram diligentiam.

DE VIRGINIBUS, *nuptis, viduis, monogamis,*  
*bigamis, trigamis, &c. in eodem post pauca.*

Capitulum  
CXXXIV.  
*Ibidem.*

Tument\* contra me mariti quare dixerim: Oro te, qua-  
le illud bonum est, quòd orare prohibet, quòd Corpus  
Christi accipere non permittit: Quando impleo mariti  
officium, non impleo continentis, &c. *usque ad:* nec sen-  
sum, nec verba mutavi.

*al. \* Tu-  
meant.*

ITEM idem in fine ejus Apologetici.

Capitulum  
CXXXV.

Igitur hoc extremâ voce protestor me nec damnaſſe  
nuptias nec damnare, respondiſſe adverſario, non meo-  
rum inſidias formidaſſe. Virginitatem autem in cæ-  
lum fero, non quia habeo, ſed quia magis miror quod  
non habeo. Ingenua & verecunda confeſſio eſt, qua ipſe  
careas, id in aliis prædicare. &c. *usque ad finem Apo-  
logiæ.*



Capitulum  
CXXXVI.  
*Ante med.*

ITEM HIERONYMUS in libro I. contra Iovinianum, inter cætera sic dicit:

Vis scire quid velit Apostolus? Iunge quod sequitur.  
 1. Cor. 7. 7. *Volo autem omnes homines esse ut meipsum.* Beatus qui Pauli similis fuerit, felix qui audit Apostolum præcipientem,  
 1. Cor. 4. 16. non ignoscentem. *Hoc, inquit, volo, hoc desidero ut imitatores mei sitis, sicut & ego Christi.* Ille virgo de virgine, de incorrupta incorruptus, nos quia homines sumus, & nativitatem Salvatoris non possumus imitari, imitemur saltem conversationem. *&c. usque ad:* sed simplex per se bonum volo.

CXXXVII.

ITEM idem in eodem post pauca:

Quanta felicitas non uxoris esse servum, sed Christi, non carni servire, sed spiritui. *Qui enim adhæret Domino, unus Spiritus est.* Ac ne forsitan in eo quod suprà dixerat:  
 1. Cor. 7. 22. *Servus vocatus es, non sit tibi curæ, sed etsi potes liber fieri magis utere:* suggillasse continentiam videretur, & in famulatum tradidisse nos conjugum, infert sententiam  
 Ibid. 23. quæ omnem cavillationem amputet: *Pretio empti estis, nolite fieri servi hominum. &c. usque ad:* instantem necessitatem.

Capitulum  
CXXXVIII.

ITEM idem in eodem post pauca:

Ideo plus amat virgines Christus, quia sponte tribuunt quod sibi non fuerat imperatum. Majorisque gratiæ est offerre quod non debeas, quàm reddere quod exigaris. Apostoli uxoris onere contemplato: *Si talis est,* inquit, *causa hominis cum uxore non expedit nubere.* Quorum Dominus sententiam probans: Rectè quidem, ait, sentiris, quòd non expediat homini ad cælorum regna tendenti accipere uxorem; sed difficilis res est, & non omnes capiunt verbum istud, verùm quibus datum est.

ITEM idem in eodem post pauca:

Simúlque tractanda sententia est: *Qui se*, inquit, *castraverunt propter regnum calorum*. Si castrati mercedem habent regna cælorum, ergo qui se non castraverunt, locum non possunt accipere castratorum. *Qui potest*, inquit, *capere capiat*. Grandis fidei est, grandisque virtutis, Dei templum esse purissimum, totum se holocaustum offerre Domino, & juxta eundem Apostolum esse sanctum & corpore & spiritu, &c. *usque ad*: liber ad extremum solutus.

Capitulum  
CXXXIX.  
*Ibid. paulo  
ante mod.  
Mat. 19, 12.*

ITEM idem in eodem post pauca:

Ad maritos veniam. *Tempus breve est*. Dominus prope. Etiam si nongentis viveremus annis, ut antiqui homines, tamen breve putandum esset quod haberet aliquando finem, & esse cessaret. Nunc verò cum brevis sit, non tam lætitia, quàm tribulatio nuptiarum: quid accipimus uxores quas citò cogimur amittere? &c. *usque ad*: sollicitudinum partes, miseriarumque distractus.

Capitulum  
CXL.

ITEM idem in eodem post pauca:

Primus Adam monogamus, secundus agamus, qui digamiam probant, exhibeant tertium Adam digamum: quem sequantur. Verùm fac ut concefferit Paulus secunda matrimonia. Et eadem lege & tertia concedit & quarta, & quotiescumque vir moritur. Multa compellitur Apostolus velle quæ non vult, &c. *usque ad*: juxta imaginem Creatoris sui.

Capitulum  
CXLI.

ITEM idem in eodem post pauca:

Non enim potest Domini servire militiæ servus uxoris. &c. *usque ad*: in terram repromissionis induxit.

Capitulum  
CXLII.  
*Ibid. in mod.*

Capitulum  
CXLIII.*Ibidem*

ITEM idem in eodem post pauca :

Verum jam tempus est ut castitatis Iesu vexillum levemus. *Ec. usque ad*: Salvatoris auxilio coopertos.

Capitulum  
CXLIV.*Ibidem.*

ITEM idem in eodem post pauca :

Cumque in sepulturam Iesu liber qui ex nomine ejus appellatur expletus sit, rursus in Iudicum volumine quasi vivens resurgensque describitur, *Ec. usque ad* : post mortem incipit coronari.

Capitulum  
CXLV.

1. Cor. 9.

ITEM idem in eodem post pauca :

*Nunquid non habemus potestatem manducandi & bibendi, aut sorores mulieres circumducendi?* Vbi de comedendo ac bibendo ac de ministracione sumptuum præmittitur, & de mulieribus sororibus sic infertur : Perspicuum est non uxores intelligi debere, sed eas ut diximus, quæ de sua substantia ministrabant. *Ec. usque ad* : nihil tale Scriptura significat.

Capitulum  
CXLVI.*Ibid.*

ITEM idem in eodem post pauca :

Possumus autem de Petro dicere, quod habuerit forcrum eo tempore quo credidit, & uxorem jam non habuerit, *Ec. usque ad* : Mater virgo Virgini discipulo commendatur.

Capitulum  
CXLVII.

Prov. 25.

ITEM idem in eodem post pauca :

*Sicut in ligno vermis, ita perdit virum suum uxor malefica.* Si autem asserueris hoc de malis dictum esse conjugibus, & ego tibi breviter respondebo. Quæ enim mihi incumbit necessitas venire in dubium, utrum mala sit an bona futura, quam duxero? *Ec. usque ad*: de ædibus suis, id est, de Ecclesia.

ITEM



## ITEM idem in eodem post pauca:

Capitulum  
CXLVIII.  
*Ibid. post  
med.*

Aut permittite Sacerdotibus exercere opera nuptiarum, ut idem sint virgines quod mariti : aut si Sacerdotibus uxores non licet tangere, in eo sancti sunt, quia imitantur pudicitiam virginalem. Sed & hoc inferendum : Si laicus & quicumque fidelis orare non potest, nisi careat officio conjugali ; Sacerdoti, cui semper pro populo offerenda sunt sacrificia, semper orandum est. Si semper orandum, ergo semper carendum matrimonio : Nam & in veteri lege qui pro populo hostias offerebant, non solum in domibus suis non erant, sed purificabantur ad tempus ab uxoribus separati, & vinum & siceram non bibebant, quæ solent libidinem provocare.

## ITEM idem in eodem post pauca:

Capitulum  
CXLIX.  
*Ibidem.  
1. Tim. 3.*

*Oportet ergo Episcopum irreprehensibilem esse, ut nulli vitio mancipatus sit. Unius uxoris virum, qui unam uxorem habuerit, non qui habeat. Sobrium, sive ut melius in græco dicitur, vigilantem, id est νηφάλιον. Pudicum, hoc enim significat σωφρονα. Ornatum & castitate & moribus. Hospitalem ut imiteretur Abraham & cum peregrinis, immo in peregrinis Christum suscipiat, &c. usque ad: non qui nobilior, sed qui fortior est.*

## ITEM idem in eodem post pauca:

Capitulum  
CLX.  
*Ibid. longe  
post med.  
Rom. 8. 12.*

*Ergo fratres debitores sumus non carni, ut secundum carnem vivamus. Si enim secundum carnem vixeritis, moriemini. &c. usque ad: serviamus in Evangelio novo Adam.*



Capitulum  
CLXI.

ITEM idem in eodem post pauca :

Æstimo quòd qui uxorem habet , quamdiu revertitur ad id ipsum , ne tentet eum satanas , in carne seminet , & non in spiritu , *&c. usque ad* : his copulemur , hæc sequamur.

Capitulum  
CLXII.  
*Ibid. pau'o  
post.*

ITEM idem in eodem post pauca :

Transeamus ad Iacobum qui frater Domini dicebatur , tantæ sanctitatis , tantæque iustitiæ & perpetuæ virginitatis , ut Iosephus quoque historicus Iudæorum propter hujus necem subversam Hierosolymam referat. *&c. usque ad* : in se virgine dedicaverit.

Capitulum  
CLXIII.

ITEM idem in eodem post pauca :

1. Ioh. 3.

*Carissimi nunc filii Dei sumus , & necdum apparuit quid futuri simus. Scimus autem quoniam si apparuerit , similes ei erimus , quia videbimus eum sicut est.* Et omnis qui hanc habet spem , castificat semetipsum sicut & ille castus est. *&c. usque ad hæc verba* : ad comparationem , &c. esse pollutos.

Capitulum  
CLXIV.

ITEM idem in eodem post pauca :

Infinitum est de Evangelio virginum exponere sacramentum quinque stultarum & quinque sapientum. Hoc solum nunc dico , quòd quomodò absque cæteris operibus virginitas sola non salvat , sic omnia opera absque virginitate , puritate , continentia , castitate imperfecta sunt. *&c. usque ad* : de divinis libris exempla præbuimus.



ITEM HIERONYMUS in libro secundo contra Iovinianum, sic dicit.

Capitulum  
CL XV.  
*Ante mod.*

Cheræmon Stoïcus, vir eloquentissimus, narrat de vita antiquorum Egypti Sacerdotum, quod omnibus mundi negotiis curisque postpositis semper in templo fuerint, & rerum naturas causasque ac rationes siderum contemplati sunt; numquam mulieribus se miscuerint, nunquam cognatos & propinquos, nec liberos quidem viderint. Et ex eo tempore quo coepissent divino cultui deservire, carnibus & vino semper abstinerint, propter tenuitatem sensus & vertiginem capitis, quam ex parvo cibo pariebantur, & maximè propter appetitus libidinis, qui ex his cibis & ex hac portione nascuntur. Pane rarò vescabantur ne onerarent stomachum, &c. usque ad: proprium volumen edidit.

ITEM idem in eodem

Capitulum  
CLXVI.  
*Multo ante finem.*

Diximus de nuptis, viduis, virginibus: virginitatem viduitati, viduitatem prætulimus matrimonio. &c. usque ad: ruina stantium metus sit.

ORIGENES in libro tertio\* Levitici, inter cætera sic dicit.

Capitulum  
CLXVII.  
*\*Sive hemil. 3.  
in cap. 3. mul-  
tò post init.*

*Anima quæcumque tetigerit omnem rem immundam, aut morticinum jumentorum immundorum, & latuerit eum, & inquinatus est; aut si tetigerit ab immunditia hominis ab omni immunditia ex qua inquinetur, &c.* Hæc quidē apud Iudæos, indecenter satis & inutiliter observantur. Vt quid enim immundus habeatur qui contigerit, verbi causa, animal mortuum, aut corpus hominis defuncti? Quid si Prophetæ corpus sit? Quid si Patriarchæ, vel etiam ipsius Abrahæ corpus? Quid si & ossa contigerit Samuëlis immundus erit? Quid si Helisei ossa contingat quæ mortuum suscitant? immundus erit ille qui contingit, & immundum faciunt ossa Prophetæ etiam illum ipsum quem à mortuis suscitant? Vide quàm

1. Cor. 7.

Matt. 7.

Matt. 9.

Ibid.

inconveniens sit Iudaïca intelligentia. Sed nos videamus primò quid sit tangere, & quid sit tactus qui faciat immundum, qui verò sit tactus qui facit mundum. Apostolus dicit: *Bonum est homini mulierem non tangere*. Hic tactus immundus est; Hoc enim est illud quod Dominus in Evangelio dixit: *Si quis viderit mulierem ad concupiscendum, jam mœchatus est eam in corde suo*. Tetigit enim cor ejus concupiscentiæ vitium, & immunda facta est anima ejus. Si quis ergo hoc modo tangit aliquam rem, id est, vel per mulieris concupiscentiam, vel per pecuniæ cupiditatem, vel alio quolibet peccati desiderio, immundum tetigit & inquinatus est. Oportet ergo te si quid tale tetigeris scire quomodo offeras sacrificium, secundum ea quæ in superioribus memoravimus, ut mundus effici possis. Vis tibi ostendam quæ est anima quæ tetigit immundum, & immunda facta est, & rursus tetigit mundum, & facta est munda: Illa quæ profluvium sanguinis passa, & erogavit omnem substantiam suam in medicos, nec aliquid proficere potuit, per immunditiam peccati in hoc devoluta est. Tetigerat enim peccatum, & idcirco flagellum carnis acceperat. Sed posteaquàm fide plena tetigit simbriam Iesu, stetit fluxus sanguinis ejus & repente facta est munda, quæ ante per tantum tempus vixit immunda. Et quemadmodum cum tetigisset Dominum & Salvatorem, dixit ipse: *Quis me tetigit? Ego enim sensi virtutem exisse de me*. Illam sine dubio virtutem, quæ mulierem sanaverat & fecerat eam mundam. Sic intelligendum est, quia si quis contigerit peccatum, exeat ex ipso peccato virtus quædam maligna, quæ eum qui se contigit faciat immundum. Et hoc est verè contigisse immundum. Simili ratione etiam de morticino hominis, vel de morticino pecoris mundi aut immundi dicendum est.

Capitulum  
CLXVIII.  
Homil. 4. ante  
med.

\* In edit.  
etiam Mini-  
stri ejus sunt.

ITEM idem in libro quinto Levitici.

Consequens est, ut secundum imaginem ejus qui Sacerdotium Ecclesiæ dedit, etiam Ministri \* & Sacerdotes

Ecclesiæ peccata populi accipiant, & ipsi imitantes Magistrum, remissionem populo peccatorum tribuant. Debent ergo & ipsi Ecclesiæ Sacerdotes ita perfecti esse, & in officiis sacerdotalibus eruditi, ut peccata populi in loco sancto, in atriis testimonij tabernaculi, ipsi non peccando consumant. Quid autem est in loco sancto manducare peccatum? Locus erat sanctus in quem pervenit Moyses, secundum quod dictum est ad eum: *Locus enim in quo stas terra sancta est.* Exod. 31 Similiter ergo in Ecclesia Dei locus sanctus est, fides perfecta, & caritas de corde puro, & conscientia bona. Qui in his stat in Ecclesia, in loco se sancto stare cognoscat. Neque enim in terra querendus est locus sanctus, in quo semel data sententia est à Deo dicente: *Maledicta terra in operibus tuis.* Gen. 9. Fides ergo integra, & sancta conversatio locus est sanctus. In hoc itaque loco positus Sacerdos Ecclesiæ, populi peccata consumat, ut hostiam jugulans verbi Dei, & doctrinæ sanæ victimas offerens, purget à peccatis conscientias auditorum.

## ITEM idem in eodem libro.

Discant Sacerdotes Domini qui Ecclesiis præsent, quia pars eis data est cum his quorum delicta repropitiaverint. Quid autem est repropitiare delictum\*? Si assumpseris peccatorem, & monendo, hortando, docendo, instruendo, adduxeris eum ad poenitentiam, ab errore correxeris, à vitiis emendaveris, & effeceris eum talem, ut ei converso propitius fiat Deus, pro delicto repropitiassse diceris. Si ergo talis fueris Sacerdos, & talis fuerit doctrina tua & sermo tuus, pars tibi datur eorum quos correxeris, ut illorum meritum tua merces sit, & illorum salus tua gloria. Aut non & Apostolus hæc ostendit, ubi dicit: *Quia quod superædificaverit quis mercedem accipiet.* Intelligant igitur Sacerdotes Domini, ubi est eis data portio, & in hoc vacent, atque his operam dent: non se inanibus & superfluis actibus implicant, sed sciant se in nullo alio partem habituros apud Deum, nisi in eo quod offerunt\* pro peccatis; id est, quod à via peccati

Capitulum  
CLXIX.  
*Ibid. paulò  
ante mod.*

*al. \* pro delicto.*

*al. \* offertur*

conveterint peccatores. Notandum etiam illud est, quòd quæ offeruntur in holocaustum, interiora sunt; quod verò exterius est, Domino non offertur. Pellis Domino non offertur, nec cedit in holocaustomata.

Capitulum  
CLXX.  
Homil. 6. ante  
med.

### ITEM idem in libro quinto Levitici.

Requiritur enim in ordinando Sacerdote & præsentia populi, ut sciant omnes & certi sint qui præstantior est ex omni populo; qui doctior, qui sanctior, qui omni virtute eminentior, ille delegitur ad sacerdotium, & hoc adstante populo, ne qua postmodum retractatio cuiquam, ne quis scrupulus resideat. Hoc est autem quod & Apostolus præcipit in ordinatione Sacerdotis dicens: *Oportet autem eum & testimonium habere bonum ab his qui foris sunt.* Ego tamen & amplius aliquid video in eo quod dicit, quia convocavit Moyses omnem Synagogam, & puto quod convocare Synagogam, hoc sit colligere omnes animi virtutes in unum, & congregare in unum virtutes, ut cum sermo de sacerdotalibus sacramentis habetur, vigilent omnes animi virtutes, & intentæ sint, ut nihil in his sapientiæ, nihil scientiæ, nihil desit industriæ, sed adsit omnis multitudo sensuum, adsit omnis congregatio sanctarum cogitationum, ut quid sit Pontifex, quid unctio, quid indumenta ejus conferens intra sacrarium cordis sui possit advertere.

Capitulum  
CLXXI.  
Homil. 6.  
sub. med.

### ITEM idem in eodem libro:

Octava species ibi ponitur campestre, sive ut alibi legimus, femoralia linea, de quo hîc inter cætera siluit indumenta. Quid ergo dicemus? Oblivionem dabimus in verbis Spiritus sancti, ut cum cætera omnia secundò enarraverit, una eum species superius dicta latuerit? Non audeo hæc de sacris sentire sermonibus, sed videamus ne forte quam in superioribus diximus, hoc genus indumenti indiciû castitatis videri, quo vel femora operiri vel constringi renes videntur ac lumbi, ne fortè, inquam, non semper in illis qui tunc erant Sacerdotes has partes dicat esse

constrictas. Aliquando enim & de posteritate generis & de successu sobolis indulgetur, sed ego in Sacerdotibus Ecclesiæ huiusmodi intelligentiam non introduxerim.

Alio namque rem video currere Sacramento. Possunt enim & in Ecclesia Sacerdotes\* filios generare, sicut & ille qui dicebat. *Filioli mei quos iterum parturio, donec formet̃ Christus in vobis.* Et iterum alibi dicit: *Tam etsi multa millia pedagogorum habeatis in Christo, sed non multos patres. Nam in Christo Iesu per Evangelium ego vos genui.* Isti ergo Doctores Ecclesiæ in huiusmodi generationibus procreandis aliquando constrictis femoralibus utuntur, & abstinent à generando, cum tales invenerint auditores in quibus sciant se fructum habere non posse. Denique & in Actibus Apostolorum refertur de quibusdam: *Quod non potuimus, inquit, in Asia verbum Dei loqui.* Hoc est imposita habuisse femoralia, & continuisse se ne filios generarent, quia scilicet tales erant auditores, in quibus & semen periret; & non posset haberi successio. Sic ergo Ecclesiæ Sacerdotes cum incapaces aures viderint, aut cum simulatos\* inspexerint, & hypocritas auditores imponent campestre, utantur femoralibus, non pereat semen verbi Dei, quia & Dominus eadem mandat & dicit: *Nolite mittere sanctum canibus, neque margaritas vestras ante porcos, ne forte conculcent eas pedibus, & conversi rumpant\* vos.*

\* In edit. add.  
& Doctores

Act. 16.

al. \*. Simulatores

Mat. 7. 6.

al. \*. dirumpant

ISIDORUS Hispalensis Ecclesiæ Episcopus in libro Officiorum secundo sic dicit:

Capitulum  
CLXII.  
(ap. s. pauli  
ante med.)

Quod verò unius virginalis matrimonij sint qui eligantur in ordinem Pontificatus, & in veteri lege mandatum est, & plenius scribit Apostolus dicens: *Unius uxoris virum.* Sacerdotem enim quærit Ecclesia aut de monogamia ordinatum, aut de virginitate sanctum. Adigam autem aufertur\* agere Sacerdotium. Porro quòd Episcopus non ab uno sed à cunctis comprovincialibus Episcopis ordinatur, id propter hæreses agnoscitur institutum, ne aliquid contra fidem Ecclesiæ unius\* tyrannica aucto-

Levit. 21.  
1, Tit. 3.

1, \*. Digamus  
autem haud  
fertur

al. \*. unius  
ordinantis

et. ac non mi-  
nus quam

ritas moliretur. Ideoque ab omnibus convenientibus instituitur, ut non minus\* à tribus præsentibus, cæteris tam consentientibus testimonio litterarum. Huic autem dum consecratur, datur baculus; ut ejus indicio subditam plebem vel regat vel corrigat, vel infirmitates infirmorum sustineat. Datur & annulus propter signum pontificalis honoris, vel signaculum secretorum.

Capitulum  
CLXXIII.  
*Ibid. sub med*

## ITEM idem in eodem libro :

Qui enim in erudiendis atque instituendis ad virtutem populis prærit, necesse est ut in omnibus sanctus sit, & in nullo reprehensibilis habeatur, &c. usque ad : distributione secreta.

Capitulum  
CLXXIV.  
*Ibid. cap. 17.  
ante finem.*

## ITEM idem in eodem libro.

Pergant igitur Virgines viam sublimitatis, pede humilitatis sequantur Christum, tenendo perseveranter quod voverunt ardentem : ita ut professi hac servata integritate, cæteris etiam moribus congruant, sine quibus procul dubio otiosa & inanis manet virginitas, &c. usque ad : carnem vincere potuerunt.

Capitulum  
CLXXV.  
*Ibid. sub.  
init.*

## ITEM idem in eodem libro.

Ante adventum quippe Christi conjugia placuere Deo, post adventum virginitas, &c. usque ad : coelum ad impleatur.

Capitulum  
CLXXVI.  
*Exat apud  
Surius; qui  
Basilium mu-  
ravist.  
Multo ante  
medium.*

In vita Beati BASILII, *Cæsariensis Archiepiscopi, quæ de græco in latinum à quodam Græco vocabulo Eueimio est veraciter de verbo ad verbum translata; inter cætera sic legitur.*

Convenientes ergo cœtus Episcoporum, sancti Spiritus cooperatione elegerunt Basilium ad Episcopatus sedem; & consecratus gubernabat Ecclesiam Dei providentiâ.



dentia. Post quoddam autem tempus postulavit Deum, ut daret illi gratiam atque intellectum, propriis sermonibus offerre insanguineum sacrificium illi, & venire super eum sancti Spiritus adventum. Post dies verò sex sicut in extasi factus, adventu sancti Spiritus septima die adprehendente, cœpit ministrare Deo per singulos dies. Et post aliquod tempus fide & oratione cœpit propria manu scribere ministrationis mysteria: atque in una nocte adveniens ei Dominus in visione cum Apostolis, propositionem panis faciens in sancto altari, excitavit Basilium dicens ei: Secundum tuam postulationem repleatur os tuum laude, ut per proprios sermones offeras insanguineum sacrificium. Qui non ferens oculis visionem, surrexit cum tremore, & accedens ad sanctum altare cœpit dicere: scribens in carta sic: Repleatur os meum laude, ut hymnum dicat gloriæ tuæ, Domine Deus, qui creasti nos & adduxisti in vitam hanc: & cæteras orationes sancti ministerij. Et post finem orationis, exaltavit panem, sine intermissione orans & dicens: Respice Domine IESU-CHRISTE Deus noster ex sancto habitaculo tuo, & veni ad sanctificandum nos, qui sursum Patri confedes, & hîc nobis invisibiliter coës. Dignare potenti manu tua tradere nobis, & per nos omni populo sancta sanctis. Populus respondit. Vnus sanctus, unus Dominus IESUS-CHRISTUS cum sancto Spiritu in gloria Dei Patris Amen. Et dividens panem in tres partes, unâ quidem communicavit cum timore multo: alteram autem reservavit conspeli sibi: tertiam verò imponens columbæ aureæ, pendit super altare.

Et post pauca ita scribitur:


Capitulum  
CLXXVII.

Sancta exaltante sancto Basilio, signum non fuit factum sicut erat solitum, movere videlicet columbam, quæ cum sacramento Dominico pendeat super altare, semper ad exaltationem sancti sacrificij moveri ter solens. Et cogitante eo quid hoc esset, vidit unum ventilantium Diaconum innuentem mulieri inclinatæ deorsum; &

Tom. VII.

K

transponens eum de altari, infra Ecclesiam iussit custodiri: & ita videns sancti Spiritus adventum, hortatus est omnem populum septem diebus ibidem in oratione manere.



## QVÆSTIO

SIVE

# OBIECTIO III.

Capitulum  
CLXXVIII.  
De Ieiunio  
\* Supple  
Obijcitur.  
Epist. 1.  
Decent. Episc.  
Engubino.

*A Gracis\* quare jejunium agatur in Sabbatis: INNOCENTIUS Papa hoc rationabiliter defendit in Decretalibus, Capitulo IV. sic dicens.*

**S**ABBATO verò jejunandum esse ratio evidentissima demonstrat. Nam si diem Dominicum ob venerabilem Resurrectionem Domini nostri IESU-CHRISTI non solum in Pascha celebramus, verumetiam per singulos circulos hebdomadarum ipsius diei imaginem frequentamus, ac sexta feria propter Passionem Domini jejunamus, sabbatum prætermittere non debemus, qui inter tristitiam atque lætitiā temporis illius videtur inclusus. Nam utique constat Apostolos biduo isto & in mœrore fuisse, & propter metum Iudæorum se occuluisse. Quod utique non dubium est in tantum eos jejunasse biduo memorato, ut traditio Ecclesiæ habeat isto biduo Sacramenta penitus non celebrari. Quæ forma utique per singulas tenenda est hebdomadas, propter id quod commemoratio diei illius semper est celebranda. Quod si putant semel atque uno sabbato jejunandum, ergo & Dominicum\*, & sexta feria semel in Pascha erit utique celebrandum\*. Si autem Domini diei ac sextæ feriæ per singulas hebdomadas re-

al. \* Domi-  
nica  
al. \* celebra-  
da.

paranda imago est, dementis est bidui agere consuetudinem sabbato prætermisso, cum non disparem habeat causam; à sexta videlicet feria, in qua Dominus passus est, quando & ad inferos fuit, ut tertia die resurgens redderet lætitiā post biduanam tristitiā præcedentem. Non ergo nos negamus sextā feriā jejunandum, sed dicimus & sabbato hoc agendum, quia ambo dies tristitiā Apostolis, vel his qui Christum secuti sunt, indixerunt. Qui die Dominico hilarati, non solum ipsum festivissimum esse voluerunt, verumetiam per omnes hebdomadas frequentandum esse duxerunt.

DE HAC RE sciscitanti Livino \* HIERONYMUS respondens inter cætera rescripta Epistolæ sic dicit.

Capitulum  
CLXXIX.  
al. \* Licinio.  
Epist. 12.  
ante finem,

De sabbato quod quæris utrum jejunandum sit, & de Eucharistia an accipienda quotidie quod Romana Ecclesia & Hispania observare perhibentur. Scripsit quidem & Hippolytus vir disertissimus, & carptim diversi auctores in variis auctoribus edidere: Sed ego illud breviter te admonendum puto, traditiones Ecclesiasticas, præsertim quæ fidei non officiant, ita observandas, ut à majoribus traditæ sunt, nec aliarum \* consuetudinem, aliarum \* contrario more subverti. Atque utinam omnitempore jejunare possimus. Quod in actibus Apostolorum diebus Pentecostes, & die Dominico Apostolum Paulum, & cum eo credentes, fecisse legimus; nec tamen Manichæ hæreseos accusandi sunt, cum carnalis cibus præferri non debuerit spiritali. Eucharistiam quoque absque condemnatione nostri, & pungente conscientia, semper accipere, & Psalmistam audire dicentem: *Gustate & videte quoniam suavis est Dominus.* Et cum eo canere: *Eruktavit cor meum verbum bonum.* Nec hoc dico quod festis diebus jejunandum putem, & contextas in quinquaginta diebus ferias auferam, sed unaquæque provincia abundet in sensu suo, & præcepta majorum leges Apostolicas arbitretur.

al. \* aliorum

al. \* aliorum

Capitulum  
CLXXX.  
Cap. 42.  
& 43.

Item ISIDORUS *Hispalensis Episcopus in primo libro Officiorum de diversorum dierum ac temporum jejuniis, inter cetera sic disputat.*

Præter hæc autem legitima tempora jejuniorum omni sexta feria propter Passionem Domini à quibusdam jejunatur. Sed & sabbati dies à plerisque propter quod in eo Christus jacuit in sepulcro, jejunio consecratus habetur, scilicet ne Iudæis exultando præstetur quod Christus sustulit moriendo. &c. usque ad finem cap. 43.

Capitulum  
CLXXXI.  
Cap. 50. ex  
interpret.  
Dionysij Exi-  
gui.

IN CONCILIO Laodicensi: *Non debere jejunium solvi in quinta feria majoris septimanæ.*

Quòd non oporteat in Quadragesima in ultimæ septimanæ quinta feria jejunium solvere, totamque Quadragesimam sine veneratione transire; magisque conveniat omnem Quadragesimam districto venerari jejunio.

Capitulum  
CLXXXII.

SI ERGO non oportet, ut hoc censeatur Concilio, solvi jejunium in Coena Domini, multò magis est indecens id agendum in quinta & septima feria per reliquas Quadragesimæ hebdomadas.

Capitulum  
CLXXXIII.  
An Quadrage-  
simale je-  
junium conti-  
nuare debeat  
observari.

Mat. 4. 2.

Quon etiam quæritur: Cur non cessamus octo hebdomadibus ante Pascha à carniū esu, & septem à caseo & ovis; ad hoc breviter respondendum, quia in Quadragesimali jejunio nos perfectius Dominum imitamur, qui eosdem dies continuatim ut ipse Dei Filius jejunamus, non dirimentes, nec interrumpentes spatium abstinentiæ & jejunii, sicut in Evangelio legitur: *Et cum jejunasset quadraginta diebus & quadraginta noctibus, postea esuriit.* Non dixit Evangelista quòd in unaquaque hebdomada, quintâ & septimâ feriâ jejunium solverit, aliis diebus abstinens, ut Græci facere dicuntur, sed ipsis quadraginta diebus ex asse & per ordinem jejunans, tum demum esurierit. Dicendum etiam quia sive per octo hebdomadas

jejunetur, solvendo jejunium in singulis quinta & septima feria, & die Dominica, sive sex hebdomadibus continuatim abstinence, excepta Dominica, in utroque tempore triginta & sex dies in abstinence inveniuntur. Vnde rationabilius agunt qui Dominum imitantes continuatim quadragesimale jejunium exercent, quam qui per aliquam dierum intercapedinem illud peragere videntur.

Nam Beatus Papa Gregorius quadragesimale computans tempus, à capite sex hebdomadarum illud dinumerare incipit dicens his verbis: A præsentī etenim die usque ad Paschalis solemnitatis gaudia sex hebdomadæ veniunt: quarum videlicet dies quadraginta & duo fiunt: ex quibus dum sex dies Dominici ab abstinence subtrahuntur, non plus in abstinence quam triginta & sex remanent. Dum verò per trecentos & sexaginta quinque dies annus ducitur, nos autem per triginta & sex dies affligimur, quasi anni nostri decimas Deo damus: ut qui nobismetipsis per acceptum annum viximus, auctori nostro nos in ejus decimis per abstantiam mortificemus.

*Hamil. 16. in  
Evang. sub  
med.*

DE HOC etiam quod quæritur: Quare septem hebdomadibus ante Pascha ab esu casei & ovorum non abstinemus, sed tantummodò sex; dicendum breviter quia talis exactio superflua ex sanctis scripturis non habet auctoritatem; nam per diversas regiones varius exercetur abstinentiæ usus. Ægyptus namque & omnis Palæstina novem hebdomadibus ante Pascha jejunant: insuper & pars Italiæ, cui hoc ex animo complacet, tribus diebus in hebdomada per totam Quadragesimam à cibis igne decoctis abstinet, tantummodò diversis fructibus arborum & generibus herbarum, quibus Italia opulenter abundat, in cibo utens abstinentiæ perficit votum. Quibus ergo deest diversitas ac multiplicitas fructuum, nequaquam negabitur cibus ab igne decoctus. Germania etiam à lactis & butiri ac casei, & ovorum esu per totam Quadragesimam generaliter non abstinet, excepto quem spontanea attrahit voluntas. Denique nonnulli rationabile judicantes solvere abstinentiam in Cœna Domini & Pa-

Capitulum  
CLXXXIV.  
Quare ab esu  
casei & ovorum  
sex tantum  
hebdomadibus  
ante Pascha  
abstinent Latini.  
Varie observationes.

rasceva, quæ dies pro dolore Apostolorum figuram habet tristitiæ, esui ovorum, casei, lactis & butiri indebitè & stolidè indulgentes. Itaque donec gloriæ Dominicæ Resurrectionis vespere sabbati, quæ elucescit in prima sabbati, solemniter appropinquet, & unda baptismatis filii lucis renascantur, & *Gloria in excelsis Deo & Alleluia* præconetur Resurrectionis Christi gloriosam victoriam, & mysticus cereus sancta luce spiritualiter resplendeat, indignum ducit uti hujusmodi cibus mater Ecclesia, quæ à primo Pastore sumpsit magistris disciplinam.

Cum his & aliis modis per multa spatia orbis Quadragesimali tempore ordo abstinentiæ confundatur, potissimum & optimum delegit Romana sedes continuare & extendere ante Pascha jejunium in numero quadraginta dierum. Triginta autem & sex diebus in abstinentia computatis, adjunctis & quatuor, qui à capite jejunii incipiunt egregiè compaginamur, & absque ulla reprehensione unimur jejunio Salvatoris nostri, de quo Evangelista dicit: *Et cum jejunasset quadraginta diebus & quadraginta noctibus postea esuriit.*

Capitulum  
CLXXXV.  
\* Sive Faustinus  
(qui & Faustinus  
appellatur)  
Abrigensis  
Episcopus. ut  
conjicio.

*Sanctus FAUSTINUS\* Episcopus in Dominica ante Quadragesimam, homeliatico Sermone secundum morem illius temporis, ita de jejunio variè exsequitur, dicens:*

Permotos esse vos credo, Fratres dilectissimi, cur à superiore Dominica Quadragesimam præcurrimus; & cum hodie sit ejus exordium, cur festivitatem ejus ante unam hebdomadam celebrare cœperimus. Reprehendi non potest observatio ista præproperea: Devotionis enim indicium est, prius legem exequi, quam legis statuta cognoscas; & ante obedire præceptis, quam obedientiæ præcepta compellant. Illud amoris est, hoc timoris; hoc imperativè exigitur, illud religiosè defertur. Ibi donum muneris exhibetur, hîc debitum solvitur. Vnde & nos

religiosum munus exhibuimus Deo dum ampliùs jejuna-  
 vimus : reprehendi enim non potest festinata festivitas ;  
 semper enim in gaudiis solemnitatem vota præveniunt ,  
 & futuram lætitiā devotio dum exoptat anticipat . Non  
 solùm igitur inreprehensibiliter , sed & cautè factum est .  
 Semper enim in rebus ambiguis oportet addere aliquid  
 ampliùs ad cautelam ; quia quod est ampliùs , recidi po-  
 test , quod minus , non potest prolongari . Sicut in hac  
 observatione factum est , ne quod propter Quadragesi-  
 mam plus jejunavimus , non minuimus Quadragesimam ;  
 integra enim nobis manet . Quòd si minus jejunassemus à  
 numero , redintegrare non poteramus ad numerum . Sed  
 fortasse illud in causa est , cur jejunium quod jejunavimus ,  
 non proficiat nobis ad Quadragesimam . Proficiet planè  
 nobis , quia etsi non proficit ad Quadragesimam , profici-  
 et ad salutem : si \* non proficit ad numerum , proficit  
 ad meritum . Cui enim nunquam\* profuit orare , legere ,  
 jejunare ? Cui non profuit castitas , sobrietas , mansuetu-  
 do ? nisi quod illos magis reprehendendos puto , qui cùm  
 parati fuerint jejunare , posteaquàm audierint solemnita-  
 tis ambiguum , neglexerunt jejunare\* . Demonstrarunt\*  
 utique non se volentes religiosè vivere , sed coactos . Ve-  
 riti sunt\* , credo , ne quinque\* jejuniis prolongatis , caro  
 eos\* corpùsque deficeret , & exiles ac tenues Quadragesi-  
 mæ abstinētiā tolerare non possent . Audiant igitur  
 refecti pariter ac robusti , tenues atque pallentes , quia  
 hodie est Quadragesima . Audiant illi , inquam , ut jejuna-  
 re incipiant , isti ut abstinere non desinant , & communi-  
 ter in arcam Christi intrare festinent , immo festinent am-  
 pliùs , quia tardiùs abstinere cœperunt , ut castigatiores  
 & puriores introeant , quia arca Domini in periculis jeju-  
 num sustentare prævalet , temulentum sustentare non  
 novit .

al. \* sed

al. \* Cui non  
aliquandoal. \* audie-  
rint solem-  
nitates , ne-  
glexerint je-  
junare  
al. \* Demon-  
strabant  
al. \* vere-  
bantur  
al. \* quinque  
dierum  
al. \* ois

Capitulum  
CLXXXVI.  
Serm. 69. de  
Temp.

ITEM AUGUSTINUS in *Homelia de Quadragesima inter cetera sic dicit:*

Sanctus igitur & salutaris Quadragesimæ cursus est, quo adducitur ad misericordiam peccator per poenitentiam, justus ad requiem. His enim diebus solito amplius & divinitas miseretur, & delinquentia deprecatur, & justitia promeretur. Patent enim omnia, & cæli ad indulgentiam, & peccator ad confitendum, & lingua ad postulandum. Salutaris, inquam, & mysticus est quadragenarius numerus: nam primùm cùm mundi faciem iniquitas hominum possideret, tot dierum curriculo Deus effusus de cælo imbris universam terram diluvio superfudit. Vides ergo jam illo tempore mysterium in figura dispositum. Nam sicut quadraginta diebus pluit ad purgandum mundum, ita & nunc quadraginta diebus miseretur ad hominem purificandum.



QUESTIO



## QVÆSTIO,

SIVE

## OBIECTIO IV.

*QVARE Presbyteri inhibeantur frontes  
Baptizatorum chrismate linire*, INNOCEN-  
TIUS Papa in Decretalibus ita dicit:

Capitulum  
CLXXX-  
VII.  
*Epist. 1. c. 3.*  
Cur chrisma-  
te liniantur  
Baptizati.

**D**E consignandis verò infantibus manifestum est, non ab alio quàm ab Episcopo fieri licere. Nam Presbyteri, licet sint secundi Sacerdotes, Pontificatûs tamen apicem non habent. Hæc autem Pontificibus solis deberi, ut vel consignent, vel paraclitum Spiritum tradant, non solum consuetudo Ecclesiastica demonstrat, verum illa lectio Actuum Apostolorum, quæ asserit Petrum & Iohannem esse directos, qui jam baptizatis tradant Spiritum sanctum Nam Presbyteris, seu extra Episcopum, seu præsentem Episcopum cum baptizant, chrismate baptizatos ungere licet, sed quod ab Episcopo fuerit conservatum; non tamen frontem ex eodem oleo signare, quod solis debetur Episcopis cum tradunt Spiritum paraclitum. Verba verò dicere non possum, ne magis prodere videar, quàm ad consultationem respondere.

A. 8.

Legitur etiam in gestis Romanorum Pontificum, quia Silvester Papa constituit ut à Presbytero neophytus ungeretur, scilicet in cerebro sive in vertice, sic etenim ibi scribitur: Hic constituit ut baptizatum liniat Presbyter chrismate levatum de aqua, propter occasionem transitus mortis. Quo enim tempore Silvester rexit Romanæ

Capitulum  
CLXXX-  
VIII.

*In lib. Pontificali qui scribitur de ascriptione Damaso Papa.*

Tom. VII.

L

Sedis Ecclesiam manifestum est, id est, quando Nicænum Concilium celebratum est sub Pio Imperatore Constantino. Exin ut arbitrari potest sancti Patres instituerunt, ut ungerentur Neophyti à Presbyteris chrismate consecrato ab Episcopo. Quòd si id antea agebatur, superfluum videtur constitutum esse à sancto Silvestro quod jam à Catholicis implebatur, secundum hanc Constitutionem suspicari quilibet valet, quòd priori tempore de unctione chrismatis compleretur, usque ad illud tempus non generaliter omnes baptizabantur, præsertim cum Imperatores & Principes eorum paganismo detinerentur, ac ideò facile Neophytis poterat occurrere Episcopus, vel ipsi ad Episcopum venire, quia adhuc christianitas angusta erat & clanculo agebatur.

Capitulum  
CLXXXIX.  
Epist. 9. ante  
med.

*GELASIUS Papa in Ecclesiasticis institutis ut Presbyteri modum debitum servant; non chrisma conficiant; non consignent; sic dicit:*

Nec minus etiam Presbyteros contra suum modum tendere prohibemus: nec Episcopali fastigio debita sibi met audacter assumere, non conficiendi chrismatis, non consignationis Pontificalis adhibendæ sibi met arripere facultatem.

Capitulum  
CXC.  
*Ibid. paucis  
interiectis.  
al. \* addubi-  
tent.  
al. \* puta-  
verint.*

ITEM in eodem Capitulo.

Nec prorsus addubiter\*, si quicquam ad Episcopale ministerium specialiter pertinens suo motu putaverit\* exequendum, continuò se Presbyterii dignitate & sacra communione privari.



\*\*\*\*\*

## QVÆSTIO,

SIVE

# OBIECTIO V.

PRÆTEREA opponitur cur Clerici  
Barbas radunt.

Capitulum:  
CXCI.  
Quare Cleri-  
ci barbas ra-  
dunt & ton-  
dent capita.  
*Lib. 2. cap. 3.*  
*in it.*  
*Exgeb. 5. 1.*

**I**ERONYMUS in prima parte Ezechielis exponit:  
*Et tu fili hominis sume tibi gladium acutum quasi  
novaculam tonsorum ( sive radentem pilos ) &  
trahe per caput tuum & barbam tuam : & assumes  
tibi stateram ponderis & divides eos. Tertiam partem igni  
combures in medio civitatis juxta completionem dierum con-  
clusionis : & tertiam partem concides gladio in circuitu ejus.  
Tertiam verò aliam disperges in ventum , & gladium nuda-  
bo post eos. Et sumes inde parvum numerum , & ligabis eos in  
summitate pallij. Et ex eis rursus tolles & projicies in me-  
dium ignis , & combures eos igni. Ex eo egredietur ignis in  
omnem domum Israël.*

Pro tribus partibus capillorum & pilorum , quarum  
una comburitur in medio civitatis , alia conciditur gladio  
in circuitu ejus. Tertia vento huc illucque rapienda dis-  
pergitur ; de qua parum assumitur & ligatur in ora pallij ;  
& rursus modicum quid partis tertiæ mittitur in ignem ,  
de quo egreditur flamma in omnem domum Israël :  
septuaginta quatuor partes interpretati sunt. Cùmque di-  
xissent : *Quartam partem igni combures in medio civitatis ,* *ibidem.*  
*& quartam cedes gladio in medio ejus , & quartam disper-*  
*ges in ventum :* quia remanebat eis quarta pars alia : addi-  
derunt de suo : *Et quartam partem assumes & combures eam  
in medio civitatis :* quasi non sit ipsa quæ prima , & aliud

L ij

quid in prima dixerit, aliud in ista quæ addita est. Denique & in consequentibus ænigma capillorum in tres partes divisorum, ipse Dominus edisserit per Prophetam dicens: *Tertia tui pars peste morietur, & fame consumetur in medio tui.* Famem & pestilentiam ignem esse significans. *Et tertia tui pars gladio cadet in circuitu tuo,* foris cedes ac bella describens. *Tertiam verò,* inquit, *partem tuam in omnem ventum dispergam:* eos esse demonstrans qui ducendi sunt in captivitatem. Post quos dicit se nudare vel effundere gladium suum, ut nec captivitas novissimum sit malorum, sumeréque de ipsis dispersis atque captivis, & ligare in summitate pallii sui eos qui de captivitate redituri sunt in Ierusalem, & ex ipsis quoque tollere aliquam partem, & igni flammáque consumere; significans Macedones, sub quibus habitatores Iudææ, & præcipuè Ierusalem, dura perpeffi sunt. Quod autem dicit ex eo, id est, populo; sive juxta septuaginta, ex ea, ut subaudiatur urbe Ierusalem, egredietur ignis in omnem domum Israël, Machabæorum narrat historia, quòd quædam pars Iudæorum se tradidit Antiocho Epiphani, & eum ad persecutionem populi concitarit, & multa alia quæ in eadem scribuntur historia, & in Iosephi voluminibus, præcipuèque dissensione Hyrcani & Alexandri, per quorum occasionem Gnæus Pompeius cœpit Ierusalem, & Romanæ ditioni subdidit: posteaque sub Tito & Vespasiano urbs capta templumque subversum. Et post quinquaginta annos sub Ælio Hadriano usque ad solum incensa civitas atque deleta est, ita ut pristinum quoque nomen amiserit. Quomodò autem in cæsarie & barba pulchritudinis ac virilitatis indicium est, quæ si radantur foeda nuditas apparet, & universi corporis pars extrema, atque, ut ita dicam, emortua, in capillis ac pilis est. Ita Ierusalem & populus ejus emortuus, & à vivo Dei corpore separatus fami ac pestilentie, cædi & gladio, captivitati ac dispersioni traditur. De qua dispersione sub figura capillorum aliqua pars ligatur in summitate pallii, ut modicum quid rursum tradatur incendio, de quo infinita flamma ac pænè universa devastans egreditur in omnem domum Israël.

al. \*apparet

GREGORIUS *Papa in libro primo Moralium*  
*Beati Iob, sic inter cetera dicit:*

Capitulum  
CXII.

Cap. 192  
post init.

Ieremias insinuat, quòd venerunt octoginta viri de Siche-  
 chem & de Silo, & de Samaria rasi barba & scissis vestibus  
 squalentes, munera & thus habebant in manu ut offer-  
 rent in domo Domini. Egressus autem Ismaël filius Na-  
 thaniæ in occursum eorum de Maspha, incedens & plo-  
 rans ibat. Cùmque occurrisset ad eos, dixit ad eos: *Venite* Ierem. 41. 6.  
*ad Godoliam filium Aichiam. Qui cùm venissent ad medium*  
*civitatis, interfecit eos.* Barbam quippe radunt, qui sibi de  
 propriis viribus fiduciam subtrahunt; vestes scindunt, qui  
 sibi meritis in exterioris decoris laceratione non parcent.  
 Oblaturi in domo Domini thus & munera veniunt, qui  
 exhibere se in Dei sacrificio orationem cum operibus pol-  
 licentur. Sed tamen si se in ipsa sanctæ devotionis via cau-  
 tē circumspicere nesciunt, Ismaël Nathaniæ filius in oc-  
 cursum venit: quia nimirum quilibet malignus spiritus,  
 prioris sui, sathanæ videlicet exemplo, in superbiæ errore  
 generatus, se ad laqueum deceptionis opponit.

ITEM idem in secundo libro Moralium.

Capitulum  
CXIII.

Cap. 10.  
& 11.

*Tunc surrexit Iob & scidit vestimenta sua: & tonso capi-*  
*te corruens in terram adoravit.* Mos autem veterum fuit, ut  
 quisquis speciem sui corporis capillos nutriendo servaret,  
 eos tempore afflictionis abscinderet. &c. usque ad: quas  
 perdidimus, non habuisse.

ISIDORUS *Hispalensis Episcopus in libro secun-*  
*do Officiorum, sic dicit:*

Capitulum  
CXIV.

Cap. 4. init.

Tonsuræ Ecclesiasticæ usus à Nazaræis, nisi fallor, ex-  
 ortus est: qui prius crine servato, denuò post vitæ magnæ  
 continentiam, devotione completa caput radebant, &  
 capillos in igne sacrificii ponere jubebantur, scilicet ut  
 perfectionem devotionis suæ Domino consecrarent. Ho-

L iij

rum ergo exempli usus ab Apostolis introductus est, ut hi qui divinis cultibus mancipati Domino consecrantur, quasi Nazaræi, id est, Sancti Dei crine pretioso innoventur. Hoc quippe & Ezechieli Prophetæ jubetur, dicente  
 Ezech. 15. Domino: *Tu Fili hominis, sume tibi gladium acutum, & duces per caput tuum & barbam.* Videlicet quia & ipse sacerdotali genere, Deo in ministerium sanctificationis deserviebat. Hoc & Nazareos illos Priscillam & Aquilam in Actibus Apostolorum primos fecisse legimus: Paulum quoque Apostolum, & quosdam Discipulorum Christi, qui in hujusmodi cultu imitandi extiterunt. Est autem in Clericis tonsura signum quoddam quod in corpore figuratur, sed in animo agitur; scilicet ut hoc signo, in religione vitia refecentur, & criminibus carnis nostræ quasi crinibus exuamur, atque inde innovari sensibus, ut comis rudibus enitescamus, *Exspoliantes nos juxta Apostolum veterem hominem cum actibus suis; & induentes novum, qui renovatur in agnitionem Dei.* Quam renovationem in mente oportet fieri, sed in capite demonstrari, ubi ipsa mens noscitur habitare. Quod verò detonso superius capite, inferius circuli corona relinquitur, sacerdotium regnumque Ecclesiæ in eis existimò figurari. Tiara enim apud veteres constituebatur in capite Sacerdotum, hæc ex bysso cōfecta rotunda erat, quasi sphæra media; & hoc significatur in parte capitis tonfi. Corona autem latitudo aurei est circuli, quæ Regum capita cingit. Vtrumque itaque signum exprimitur in capite Clericorum, ut impleatur etiam corporis quadam similitudine quod scriptum est, Petro Apostolo perdocente: *Vos estis genus electum, regale sacerdotium.* Quæritur autem cur sicut apud antiquos Nazaræos non antè coma nutritur, & sic tondetur. Sed qui hæc exquirunt, advertant quid sit inter illud propheticum velamentum, & hanc Evangelii revelationem, de qua dicit Apostolus: *Cum transferis ad Christum, auferetur velamen.* Quod autem significabat velamen interpositum inter faciem Moyfi & aspectum populi Israël, hoc significabat illis temporibus etiam coma Sanctorum. Nam & Apostolus comam pro velamento esse dicit. Pro-

Ezech. 15.

Act. 18.

Ephes. 4.  
Coloss. 3.

1. Pet. 2.

1. Cor. 3.

inde jam non oportet ut velentur crinibus capita eorum, qui non consecrantur, sed tantum ut revelentur; quia quod erat occultum sacramento prophetiæ, jam in Evangelio declaratum est.

Cum ergo Græci Latinos & Romanos redarguantur barbas radant, qui ob munditiam utique hoc agunt, quam expressius Ecclesiasticum expetit & deposcit ministerium; quippe cum diversæ nationes suam observent consuetudinem in cultu corporis & vestimentorum indumentis, & hoc sine crimine, ita dumtaxat ut non discrepet à Catholica fide, convenienter & Latini vicem quaestioni rependunt, quare Græcorum Laici\* more feminarum contra interdictum tonantis Pauli comas nutrant, qui ita Corinthiis Apostolicâ auctoritate interminat dicens: *Nec ipsa natura docet vos, quod vir quidem si comam nutriat ignominia est illi: Mulier vero si comam nutriat gloria est illi; quoniam capilli pro velamine ei dati sunt.* Denique cum Latini comas nutrire indignum ducant, ut non muliebri cultui assentiant, inquirendum quid Græci sanctius sentiant, qui quasi unitum caput cum mulieribus crinium velamine gestant. Corinthus siquidem est in Achaïa, quæ una est civitatum Græcarum in Asia\* constitentium, cujus viros noluit nutrire comas Apostolus, non quilibet alius, sed ille *qui non ab hominibus, neque per hominem, sed per IESUM-CHRISTUM, & Deum Patrem qui suscitavit eum à mortuis*, est constitutus Apostolus. Dixit itaque quidam sanctitate & Oratorum eloquio pollens; si aliqua sanctitas subintelligeretur in corporalibus barbis, fortè aliquem posset habere locum in grandioribus hircis. Si ergo prudentia Achivorum contemnit Apostolum in nutriendis comis, nullatenus proinde inferior judicabitur munditia Ministrorum Christi pro radendis barbis, quæ illicita resecando debet præstantius splendescere in operibus bonis, & omnimodis carere sordibus mentis simul & corporis.

Capitulum  
CXCv.

f. Clerici.

1. Cor. II, 14.

\* Falsò, in  
Peloponneso.

Galat. 1. 1.



\*\*\*\*\*

## QVÆSTIO,

SIVE

## OBIECTIO VI.

Capitulum  
CXCVI.  
De Primatu  
Romani  
Pontificis.  
*In antiqua  
editione.*

*QVOD Romana Sedis Pontifex primus omnium habeatur, Beatus SILVESTER Papa perdocuit in Prefatione Nicani Concilii, ubi ista leguntur.*

**B**EATISSIMO Silvestro in urbe Roma Apostolicę Sedis Antistite, Constantino Augusto, & Licio Consulibus, Paulino & Iuliano Viris Clariss. Anno ab Alexandro millesimo tricesimo quarto, mense Iunio, decimo tertio Calendas Iulias, propter insurgentes hæreses fides Catholica exposita est apud Nicæam Bithyniæ, quam sancta & reverentissima Romana complectitur & veneratur Ecclesia, quippe quam trecenti decem & octo Patres, mediantibus Victore atque Vincentio Religiosissimis Romanę Sedis Presbyteris, inspirante Deo, propter destruenda Arii venena protulerunt. Nam & nonnullę regulę subnexę sunt, quas memorata suscipiens confirmavit Ecclesia. Sciendum est sanè ab omnibus Catholicis, quoniam Sancta Ecclesia Romana nullis synodicis decretis prælata est, sed evangelica voce Domini & Salvatoris nostri primatum obtinuit, ubi dixit beato Apostolo Petro: *Tu es Petrus, & super hanc petram ædificabo Ecclesiam meam; & portę Inferi non prævalebunt adversus eam: & tibi dabo claves regni cælorum. Et quaecumque ligaveris super terram, erunt ligata & in cælo. Et quaecumque solveris super terram, erunt soluta & in cælo.*

Adhibita

*Ex Decreto  
Gelasii Papa  
in Concilio  
Romano an.  
494.  
Math. 16. 18.*



Adhibita est etiam societas in eadem Romana urbe beatissimi Apostoli Pauli vasis electionis, qui uno die, unoque tempore gloriosa morte cum Petro sub Principe Nerone agonizans coronatus est; & ambo pariter sanctam Ecclesiam Romanam Christo Domino consecrarunt; aliisque omnibus urbibus in universo mundo suam presentiam, atque venerando triumpho prætulerunt. Et licet pro omnibus assidua apud Deum omnium Sanctorum fundatur oratio, his tamen verbis Paulus Beatissimus Apostolus Romanis proprio chirographo pollicetur dicens: *Testis enim mihi est Deus cui servo in Spiritu meo in Evangelio Filii ejus, quod sine intermissione memoriam vestri facio semper in orationibus meis.* Rom. 1. 9. Prima ergo Sedes est caelesti beneficio Romanæ Ecclesiæ, quam Beatissimi Apostoli Petrus atque Paulus suo martyrio dedicarunt. Secunda autem Sedes apud Alexandriam Beati Petri nomine à Marco ejus discipulo atque Evangelista consecrata; quia ipse & in Ægypto primum verbum veritatis directus à Petro prædicavit, & gloriosum suscepit martyrium; cui venerabilis successit Abilius. Tertia verò sedes apud Antiochiam item\* Beati Petri Apostoli habetur honorabilis, al. \* ejusdem quia illic priusquam Romanam veniret habitavit, & Ignatium Episcopum constituit, & illic primum nomen Christianorum novellæ gentis exortum est. Nam & Hierosolymitanus Episcopus pro tanti loci reverentia ab omnibus habetur honorabilis; maximè quoniam illic primus Beatissimus Iacobus, qui dicebatur Iustus, qui etiam secundum carnem frater Domini nuncupatus est, à Petro, Iacobo & Iohanne Apostolis est Episcopus ordinatus. Itaque secundum antiquorum Patrum definitionem sedes prima in Hierosolymis minimè dicitur, ne fortè ab infidelibus aut idiotis Sedes Domini nostri IESU CHRISTI, quæ in cælo est, in terra esse putaretur. Est enim sedes ejus cælum, terra autem scabellum pedum ejus est, quoniam ipse est, per quem omnia facta sunt, & sine quo factum est nihil, quoniam ex ipso, & per ipsum, & in ipso sunt omnia, ipsi gloria in sæcula sæculorum. Apud Ephesum verò Beatissimus Iohannes Aposto-

lus & Evangelista multo tempore post Resurrectionem & Ascensionem in celos Domini nostri IESU-CHRISTI commoratus est, ibique etiam Evangelium, quod secundum Iohannem dicitur, divina inspiratione conscripsit, atque requievit. Et ob hoc Episcopus Ephesus pro tanti Apostoli & Evangelistæ memoria, ceteris Episcopis Metropolitanis in Synodis honorabiliorem obtinet Sedem.

Capitulum  
CXC VII.  
In Canonibus  
Silvestri c. 10.

ITEM beatus SILVESTER in fine allocutionis quam fecit in Synodo acta in Trajanis tertio Calendas Iunias.

Nemo iudicabit primam sedem justitiam desiderantem temperari, neque ab Augusto, neque ab omni Clero, neque à Regibus, neque à populo iudex iudicabitur.

Capitulum  
CXC VIII.  
Can. 35. ex  
interpret.  
Donisii Exi-  
gui

IN Canonibus Apostolorum: *De primatu Episcoporum.*

Episcopos gentium singularum scire convenit, quis inter eos primus habeatur, quem velut caput existiment, & nihil amplius præter ejus conscientiam gerant quàm illa sola singuli, quæ parochiæ propriæ & villis, quæ sub ea sunt, competunt. Sed nec ille præter omnium conscientiam faciat aliquid: sic enim unanimitas erit, & glorificabitur Deus per Christum in Spiritu sancto.

Capitulum  
CXC IX.  
Can. 6. ex 1.  
edit.

IN Nicæno Concilio de privilegiis quæ quibusdam Civitatibus competunt.

Antiqua consuetudo servetur per Ægyptum, Libyam & Pentapolim, ita ut Alexandrinus Episcopus horum omnium habeat potestatem, quia & urbis Romæ Episcopo parilis mos est. Similiter autem & apud Antiochiam ceterasque provincias suis privilegia servantur Ecclesiis.

ITEM in eodem Concilio : *De Episcopo Æliæ, id est Hierosolymorum.* Capitulum  
CC.

Quia consuetudo obtinuit & antiqua traditio, ut Æliæ Episcopus honoretur, habeat honoris consequentiam, salva Metropolis propria dignitate.

IN Concilio Constantinopolitano: *De ordine singularum Diœcesium, & de privilegiis quæ Ægyptiis, Antiochenis, Constantinopolitanisque debentur.* Capitulum  
CCI.  
Can. 2.  
Discrepat  
hæc versio ab  
edit.

Qui sunt super Diœcesim Episcopi, nequaquam ad Ecclesias quæ sunt extra præfixos sibi terminos accedant, nec eas hac præsumptione confundant; sed juxta Canones Alexandrinus Antistes quæ sunt in Ægypto regat solummodò. Et Orientis Episcopi Orientem tantum gubernent, servatis privilegiis quæ Nicænis Canonibus Ecclesiæ Antiochenæ tributa sunt. Asianæ quoque Diœceseos Episcopi ea solum quæ sunt in Asiana Diœcesi dispensent: nec non & Ponti Episcopi ea tantum quæ sunt in Ponto; & Thraciarum quæ in Thraciis sunt gubernent. Non vocati autem Episcopi ultra suam Diœcesim non accedant propter ordinationes faciendas, vel propter alias dispensationes Ecclesiasticas. Servatâ verò quæ scripta est de gubernationibus regulâ, manifestum est quòd illa quæ sunt per unamquamque provinciam ipsius provinciæ Synodus dispense, sicut Nicæno constat decretum esse Concilio. Ecclesias autem Dei in Barbaricis Gentibus constitutas gubernari convenit juxta consuetudinem, quæ est à Patribus observata. Verumtamen Constantinopolitanus Episcopus habet honoris primatum post Romanum Episcopum, propterea quòd vrbs ipsa sit junior Roma.



Capitulum  
CCII.  
Can. 3. ex  
interpret.  
Dion. Exigu.

IN Concilio Sardicensi : *Quòd si damnatus appellaverit Romanum Pontificem, sicut nuper fecit Ignatius Constantinopolitanus Episcopus injustè, ut dicitur, depositus, id observandum quod ipse censuerit.*

al. \* ne unus  
è duobus ex  
alia provin-  
cia advocet  
Episcopum  
cognitorem.  
al. \* ut iterum  
Concilium  
renovetur.

Osius Episcopus dixit : Illud quoque necessariò adji-  
ciendum, ut Episcopi de sua provincia ad aliam provin-  
ciam, in qua non sunt Episcopi, non transeant; nisi for-  
tè à fratribus suis invitati, ne videantur januam clau-  
dere caritatis. Quòd si in aliqua provincia aliquis Episcopus  
contra fratrem suum Episcopum litem habuerit, neuter  
è duobus ex alia provincia advocet Episcopos ad judi-  
cium cognitores\*. Quod si aliquis Episcopus judicatus  
fuerit in aliqua causa, & putat se bonam causam habere,  
ut iterum ad iudicium Concilium renovetur\*; si vobis  
placet sancti Petri Apostoli memoriam honoremus, ut  
scribatur vel ab his qui causam examinerunt, vel etiam  
ab his Episcopis qui in propria Provincia morantur, Iu-  
lio Romano Episcopo : & si judicaverit renovandum esse  
iudicium, renovetur, & det iudices. Si autem probaverit  
talem causam esse, ut non refricentur ea quæ acta sunt,  
quæ de creverit confirmata erunt. Si hoc omnibus placet?  
Statuatur. Synodus respondit : Placet.

Capitulum  
CCIII.  
Ibid. Can. 4.

ITEM in eodem Concilio : *Vt nullus accusati sedem usurpet Episcopi, sicut nuper fecit Photius sedem Ignatij, Neophytus & invasor Constantinopolitane sedis.*

Gaudentius Episcopus dixit : Addendum, si placet,  
huic sententiæ, quam plenam sanctitate protulistis, ut  
cùm aliquis Episcopus depositus fuerit eorum Episcopo-  
rum iudicio qui in vicinis locis commorantur, & pro-  
clamaverit agendum sibi negotium in urbe Roma : alter  
Episcopus in ejus cathedra post appellationem ejus qui

videtur esse depositus omninò non ordinetur, nisi causa fuerit in iudicio Episcopi Romani determinata.

ITEM beatus Papa SILVESTER *in allocutione Niceni Concilij fecit gradus in gremio Synodi.*

Capitulum  
CCIV.  
*In Canonibus  
Silvestri, cap.  
3.*

Vt non Presbyter adversus Episcopum, non Diaconus adversus Presbyterum, non subdiaconus adversus Diaconum, non Acolythus adversus Subdiaconum, non Exorcista adversus Acolythum, non Lector adversus Exorcistā, non Ostiarius adversus Lectorem det accusationem aliquam: & non damnabitur Episcopus Præsul, nisi in septuaginta duo testimonia; neque Præsul summus à quocumque judicabitur, quoniam scriptum est: *Non est discipulus super Magistrum.* Presbyter autem non damnabitur nisi in quadraginta quatuor testimonia. Diaconus autem Cardinalis constitutus urbis Romæ, nisi in triginta sex testimonia non condemnabitur. Subdiaconus, Acolythus, Exorcista, Lector nisi sicut scriptum est, in septem testimonia, filios & uxores habentes, & omnino Christum prædicantes, sic datur mystica veritas.

*Matt. 10 14.*

Sanctus GELASIUS Papa Acacium Constantinopolitanae sedis Episcopum auctoritate damnavit Apostolica, ob maximam videlicet præsumptionem, quia Iohannem qualemlibet hominem, Catholicum tamen, à Catholicis ordinatum, de Alexandrina civitate quæ post Romanam secunda habetur sedes excluferat, Petrumque in hæresi jam detectum atque damnatum absque sedis Apostolicæ consultatione receperat, & quia absque aliqua Synodo habita hoc audacter arripuerat, ut Calendionem Antiochenæ sedis Episcopum contra rationem deponeret, & hæreticum Petrum quem ipse dudum damnaverat, absque notitia sedis Apostolicæ rursus admiserat, Basilio Imperatore hæretico in hac facinorosa præsumptione consentiente. Pro qua præsumptiva potestate idem Papa Gelasius ad Athanasium \* Imperatorem mirabilem direxit epistolam, ut indignè usurpata potestas

Capitulum  
CCV.

\* Anastasium

102 **ÆNEÆ PARISIENSIS EPISCOPI**  
reprimeretur, & sanctæ Romanæ Ecclesiæ singulare pri-  
vilegium totius Principatus inlibatè conservaretur.

**HÆC autem Epistola ita incipit :**

*Ad Anastas.  
Imp. Epist.  
3. init.*

Famuli vestræ pietatis, filij mei, Faustus Magister &  
& Irenæus, atque eorum comites publica legatione  
fungentes, ad urbem reversi, clementiam vestram  
quæsisse dixerunt; cur ad vos meæ salutationis scripta  
non miserim. \* *Et cætera usque ad finem.*

\* Ita Auctor

*Capitulum  
CCVI.  
Ejusdem  
Epist. 13. ad  
Episcopos  
Dardania.*

**ITEM GELASIUS** reddidit rationes egregiè  
descriptas, Acacium à sede Apostolica com-  
petenter fuisse damnatum, quæ rationes tale ha-  
bent exordium :

*al. \* desiderat  
\* ita Æneas*

Valde mirati sumus, quòd vestra dilectio quasi novam  
& veluti difficilem quæstionem, & adhuc tanquam inau-  
ditum quippiam nosse desiderans \*. *Et reliqua usque ad  
finem* \*. Rursus Papa Gelasius de eadem re reddidit ratio-  
nem ad Episcopos Orientis, eosque admodum repre-  
hendit, quare talibus præsumptionibus non repugna-  
verint. Hujus itaque rationis initium tale est :

*Non occurrit  
hæc Epistola  
i. ser. edit.*

**QUID** ergo isti prudentes viri & argutis mentibus totius  
Religionis interna rimantes in Orientis partibus cõstituti;  
*Ec. usque ad finem sermonis.* Igitur quicumque hæc omnia  
per ordinem relegerit, Apostolica sedes quinta dignitate  
cunctis per orbem Ecclesiis præpolleat, & potestate sit  
eminentior, perspicuè ad plenum cognoscere poterit.

*Capitulum  
CCVII.  
Epistola 4.*

**ITEM Commonitorium Sancti GELASII per Fau-  
stum Magistrum legationis officio fungentem Con-  
stantinopoli directum : quod sic incipit.**

*al. \* Inspira-  
tum.*

Ego quoque mente percepi Græcos in sua obstina-  
tione mansuros, nec cui velut inspiratum \* videri potest,  
quod est in antè præcognitum. *Ec. usque ad finem.*

IN HOC commonitorio inter cetera sic dicit :

Quòd si dico ut Imperator hoc fecit \*, hoc ipsum quibus Canonibus, quibus regulis est præceptum ? Cur huic tam pravo facto cōsensit Acacius, cum auctoritas divina dicat : *Non solum qui faciunt prava reos esse, sed & qui consentiunt facientibus ?* Quibus Canonibus, quibus regulis Calendion exclusus est, vel primi urbium diversarum Catholici Sacerdotes ? Qua traditione majorum Apostolicam sedem in iudicium vocant ? An secundæ sedis Antistites & tertiæ, cæterique bene sibi conscij Sacerdotes depelli debuerunt, & qui exitit religionis inimicus depelli non debuit ? Veniant \* ergo si alios habent Canones quibus suas ineptias exsequantur. Ceterum isti qui sacri, qui Ecclesiastici, qui legitimi celebrantur, non solum sedem Apostolicam ad iudicium vocare non possunt : & Constantinopolitanæ Episcopus civitatis, quæ utique per Canones inter sedes nullum nomen accepit, in communionem recidens perfidorum, non debuit submoveri ? An qui homini mentitus dicitur Imperatori, & qui Imperatorem læsisse perhibetur, depelli debuerunt, & in Deum qui summus & verus est Imperator, Acacium delinquentem, sinceramque communionem divini Sacramenti studentem miscere cum perfidis, secundum Synodum quâ hæc est damnata perfidia non oportebat excludi ? Sed velint nolint, ipsius iudicio antiqua Canonum constituta firmanantur\* : sed religiosi viri atque perfecti secundum Canones concessam sedi Apostolicæ potestatem nimirum conantur eripere, & sibimet eam contra canones usurpare contendunt.

al. \* Quòd si dicunt : Imperator hoc fecit.

rom. 1.

al. \* viderint

al. \* antiquæ Canonum Constitutione firmabuntur

ITEM in Epistola ad Anastasium Imperatorem, inter cætera sic dicit :

Capitulum CCVIII.  
Epist. 8. sub med.

Apostolicæ verò sedis auctoritas, quod cunctis sæculis Christianis Ecclesiæ prælata sit universæ, & Canonum serie paternorum, & multiplici traditione firmatur, &c. usque ad : putas interesse.

Capitulum  
CCIX.

*Epist. 13. ad  
Dardanos,  
ante med.*

ITEM in redditis rationibus inter cetera sic dicit :

*al. \* Non reti-  
cemus autem,  
quod &c.  
al. \* ligata  
Pontificum*

*al. \* appellari  
voluerint.*

*al. \* Nullum  
habuisse pon-  
tificium, sen-  
tentia Sedis  
Apostolicæ  
damnatum  
al. \* Dicant  
certè quia Sy-  
nodo, &c.*

*\* Variant hic  
editiones*

\* Nec planè tacemus quod cuncta per mundum novit Ecclesia ; quoniam quorumlibet sententiis ligatum Pontificem \*, sedes beati Petri Apostoli jus habeat resolvi, utpote quæ de omni Ecclesia fas habeat judicandi, neque cuiquam de ejus liceat judicare judicio : Siquidem ad illam de qualibet mundi parte Canones appellare voluerunt \*, ab illa autem nemo sit appellare permissus. Quapropter satis constat Acacium nullam habuisse Pontificum sententiam sedis Apostolicæ, sine ulla ejus notione solvendi \* : qua certè Synodo\* hoc ille præsumpsit, quod nec sic absque Apostolica sede fas quidem haberet efficere ? Cujus sedis Episcopus ? Cujus est Metropolitanæ civitatis Antistes ? nonne parochiæ Heraclienfis Ecclesiæ ? Si illi certè licuit sine Synodo sententiam Apostolicæ sedis abrumpere, nulla ejus consultatione quæsita, itane verò non licuit primæ sedi Calcedonensis synodi constituta, sicut decuit exsequenti hujusmodi prævaricatorem sua auctoritate detrudere ? Sed nec illa præterimus, quòd Apostolica sedes frequenter, ut dictum est, more majorum, etiam sine ulla Synodo præcedente\*, jus habuit exsolvendi quod Synodus iniqua damnaverat, & damnandi nulla existente Synodo quos oportuit habuerit facultatem. Sanctæ memoriæ quippe Athanasium Synodus Orientalis addixerat, quem tamen exceptum sedes Apostolica, quia damnationi Græcorum non consensit, absolvit. Sanctæ memoriæ nihilominus Iohannem Constantinopolitanum Synodus etiam Catholicorum Præfulum certè damnaverat, quem simili modo sedes Apostolica etiam sola, quia non consensit, absolvit. Itemque sanctum Flavianum Pontificum Græcorum congregatione damnatum, pari tenore, quoniam sola sedes Apostolica non consensit, absolvit, potiùsque qui illic receptus fuerat Dioscorum secundæ sedis Præfulem sua auctoritate damnavit, & impiæ Synodo non consentiendo sola sum-



la summovit, & ut Synodus\* Calcedonensis fieret sola decrevit: (in qua sicut sola jus habuit absolvendi eos quos Synodica decreta perculerant, sic etiam sine Synodo in hac eadem causa plurimos etiam Metropolitano damnasse cognoscitur.) \* Quod si quis hæc ab Apostolica sede, vel secundum Synodum acta reprehendit, præter quod prisca rerum probatione convincitur, interim multo magis Acacio non licuisse fatebitur.

*al. \* & impiâ Synodum non consentiendo submovit, ac pro veritate, ut Synodus &c. Quæ parentibus clauduntur in edit, non exant  
\* Iste multis interiecit le-guntur, sed varie.*

ITEM idem GELASIUS in eisdem post pauca.

Risimus autem quod prærogativam volunt Acacio comparari, quia Episcopus fuerit regiæ civitatis: Nunquid apud Mediolanum, apud Ravennam, apud Sirmium, apud Triberos\*, multis temporibus non constitit Imperator? nunquid nam harum urbium Sacerdotes ultra mensuram sibi met antiquitus deputatam, quippiam suis dignitatibus usurparunt?

*Capitulum CCX.  
Ibid paulo post med.*

*al. \* Treviros*

ITEM idem post pauca:

*Ibidem*

Si certè de dignitate agitur civitatum, secundæ sedis & tertiæ major est dignitas Sacerdotum, quàm ejus civitatis, quæ non solû inter sedes minimè numeratur, sed nec inter Metropolitanorum jura censetur. Nam quod dicitis regiæ civitatis, alia potestas est regni sæcularis, alia Ecclesiasticarum distributio dignitatum. Sicut enim quamvis parva civitas prærogativam præsentis regni non minuit, sic imperialis præsentia mensuram dispensationis religiosæ non mutat, sit clara urbs illa potestate præsentis Imperij, & religio sub eodem tunc firma, tunc libera, tunc provecta consistit; si potius hoc præsentis propriam teneat sine ulla perturbatione mensuram.

ITEM idem in fine rationum:

Sicut per unum scribentem eorum omnium vulgata transgressio, qui in eadem perfidiæ reciderant actione:

*Capitulum CCXI.  
Ibid. paulo ante finem.*

Tom. VII.

N.

sic in uno eodémque qui pro omnibus scripserat ;  
 vel scribendo omnium prodiderat voluntates , trans-  
 gressione punita cunctorum. \* Quæ ad instructionem  
 vestræ dilectionis satis abundèque sufficere judicamus ,  
 quamvis eadem latiùs , si Dominus concesserit faculta-  
 tem , studeamus exponere ; quatenus & fidelium quisque  
 cognoscat , nihil Apostolicam sedem , quod absit , præ-  
 properè censuisse. \* Quæ tamen sententia in Acacium  
 destinata , & si nomine tantummodò Præsulis Apostolici ,  
 cujus erat utique potestatis legitimæ , probatur esse de-  
 prompta , præcipuè cum secretim dirigenda videretur ,  
 ne custodiæ ubique præsentis \* dispositio salutaris , qui-  
 bus licet \* difficultatibus impedita necessarium habere  
 non posset effectum ; tamen quia Orthodoxis ubique  
 dejectis , & hæreticis tantummodò eorùmque consorti-  
 tibus jam relictis in Oriente , Catholici Pontifices aut  
 residui omninò non essent , aut nullam gererent liberta-  
 tem plurimorum in Italia Catholicorum congregatio  
 Sacerdotum , rationabiliter cognovit in Acacium fuisse  
 prolatam : quæ congregatio facta Pontificum non con-  
 tra Calcedonensem , non tanquam nova Synodus contra  
 veterem primamque convenit ; sed potius secundum  
 tenorem veteris constituti particeps Apostolicæ execu-  
 tionis effecta est ; ut satis appareat Ecclesiam Catholi-  
 cam , sedemque Apostolicam , quia alibi jam omninò  
 non posset , ubi potuit & cum quibus potuit , nihil peni-  
 tus omisisse , quod ad fraternum pertineret pro inteme-  
 rata fide & sincera communione tractatum.

*Hæc in fine  
 Epistolæ repe-  
 tiat*

*\* Hæc verò  
 inedit. conjun-  
 cta videbis  
 cum verbis :  
 punita cun-  
 ctorum , su-  
 pra.  
 al. \* custodiis  
 ubique præ-  
 sentis.  
 al. \* quibus  
 libet.*

**ITEM in Epistola LEONIS Papæ ad Martianum  
 Augustum, quæ est per Licinium Episcopum & Basi-  
 lium Diaconum directæ, de ambitu Anatolij Episcopi  
 Constantinopolitani , inter cetera sic legitur :**

*Capitulum  
 CCXII.  
 Est Epistola  
 e. in Con. illi  
 Caliced.  
 parte. 3.*

Sciens gloriosam clementiam vestram Ecclesiasticæ  
 studere concordia , & his quæ pacificæ congruunt unitati ,  
 piissimum præstare consensum precor , & sedula sugge-  
 stione vos obsecro , ut ausus improbos , unitati Christia-

næ paci que contrarios, ab omni pietatis vestræ abdicetis assensu, & Patris mei Anatolij nocituram ipsi, si perstiterit, cupiditatem salubriter comprimatis; nec ea quæ vestræ gloriæ atque temporibus inimica sunt cupiens majora suis velit esse prioribus; liberumque illi sit quantis potuerit splendere virtutibus, quarum non aliter particeps erit, nisi caritate magis voluerit ornari, quàm ambitione distendi. Hanc autem improbi desiderij conceptionem, nunquam quidem debuit intra cordis sui percipere secretum.

Item LEO Papa in eadem epistola:

Capitulum  
CCXIII.  
*Ibidem.*

Agite quod & Christianæ est probitatis & regiæ, ut prædictus Episcopus pareat Patribus, consulat paci, neque sibi æstimet licuisse, quod Antiochenæ Ecclesiæ sine ullo exemplo, contra statuta Canonum, Episcopos ordinare præsumpsit, quod nos amore reparandæ fidei & pacis studio retractare cessavimus. Abstineat ergo ab Ecclesiasticarum injuria regularum & illicitos declinet excessus, ne se ab universali Ecclesia dum inimica paci tentat abscindat. Quem opto magis inreprehensibiliter agentem diligere, quàm in hac præsumptione, quæ illum ab omnibus separare poterit, perdurare.

ITEM LEO Papa ad Anatolium Episcopum inter cetera in alia Epistola scribit:

Capitulum  
CCXIV.  
*Ibidem.*  
*Epist. 11*

Post illa itaque ordinationis tuæ non inculcata principia, post consecrationem Antiocheni Episcopi, quam tibi met contra canonicam regulam vindicasti, doleo in hoc dilectionem tuam esse progressam\*, ut sacratissimas Nicænorum Canonum Constitutiones conareris infringere, tanquam opportunè se tibi hoc tempus obtulerit, quo secundi honoris privilegium sedes Alexandrina perdidit, & Antiochena Ecclesia proprietatem tertiæ dignitatis amiserit, ut his locis juri tuo subditis, omnes Metropolitanæ Episcopi proprio honore priventur.

N ij

Quibus inauditis & nunquam antè tentatis, ita præveniris excessibus, ut sanctam Synodum ad extinguendam solum hæresim, & ad confirmationem fidei Catholicæ studio Christianissimi Principis congregatam, in occasionem ambitus trahas, & ut conniventiam suam tibi dedat impellas; tanquam refutari nequeat, quod illicitè voluerit multitudo, & illa Nicænorum Canonum per sanctum verè Spiritum ordinata conditio, in aliqua cuiquam \* sit parte solubilis: & nulla sibi met de multiplicatione congregationis synodalia Concilia blandiantur, neque trecentis illis decem atque octo Episcopis quantumlibet copiosior numerus Sacerdotum, vel comparare se audeat, vel præferre, cum tanto divinitus privilegio Nicæna sit Synodus consecrata, ut sive per pauciores, sive per plures Ecclesiastica judicia celebrentur, omni penitus autoritate sit vacuum quidquid ab illorum fuerit constitutione diversum. Nimis ergo hæc improba, nimis prava sunt, quæ sacratissimis Canonibus inveniuntur esse contraria.

Capitulum  
CCXV.  
*Ibid. ante finem.*

ITEM LEO Papa in eadem Epistola post pauca:

Fateor enim ista me dilectione universæ fraternitatis obstringi, ut nemini prorsus in his quæ contra se posuit, assentiam, &c. usque ad: universalis Ecclesiæ pace privabis.

Capitulum  
CCXVI.  
*Paulo ante finem Act. 5.  
In Symb. centum  
Quingenta Episc.  
&c. in med.  
Mutum distat ab edit.  
vers.*

ITEM in Concilio Calchedonenfi commemoratur sic auctoritas primæ sedis:

Nos ergo Scripturarum divinarum attestationem evidentiùs manifestantes, propter hos qui substantiæ secretum evertere insectabantur, dicentes, hominem sine divinitate fuisse creatum, ex venerabili Virgine MARIA impudenter & vulgariter, contra venerabilis quondam Episcopi Cyrilli Alexandrinæ Ecclesiæ literas, & totius Orientis congrua scripta adversus Nestorii amentian; in

quibus manifesta expressio \*certi atque salutaris Symbo-  
 li desiderantibus ; Epistolamque Archiepiscopi Leonis <sup>Supple \* est</sup>  
 primæ sedis, quæ destinata & directæ videbatur ad vene-  
 rabilem sanctæ memoriæ Flavianum; ad intercipiendam\* <sup>f. \* interci-</sup>  
 Eutychis malignitatē; quamvis \* sancti Petri confessione <sup>dendam.</sup>  
 nobis concordante, & una atque similis pagina visa est, <sup>al. \* ut pote</sup>  
 adversus obtrectantium audaciam evidenter edocere  
 convenit integritatem fidei credentibus.

LEO Papa in Epistola quam sanctæ Synodo  
 apud Calchedonem direxit, inter cetera sic  
 scribit;

Capitulum  
 CCXVII,  
 In Conc. Cal-  
 ched. p. 3. n.  
 five Epist. 16.

Fratres Carissimi de custodiendis quoque sanctorum  
 Patrum statutis, quæ Synodi Nicænæ \* inviolabilibus <sup>al. \* In Syno-</sup>  
 sunt fixa decretis, observantiam vestræ sanctitatis ad mo- <sup>do Nicæna.</sup>  
 neo, ut jura Ecclesiarum sicut ab illis trecentis octode-  
 cim Patribus divinitus inspiratis sunt ordinata perma-  
 neant, nihil alienum improbus ambitus concupiscat,  
 nec per alterius imminutionem suum aliquis quærat  
 augmentum. Quantumlibet enim exortis assentationibus  
 se instruat vanitatis elatio, & appetitus suos Concilio-  
 rum æstimet nomine roborandos, infirmum atque irri-  
 tumerit, quidquid à prædictorum Patrum Canonibus  
 discreparit.

GREGORIUS Iohanni Episcopo Syracusano:

Veniens quidam de Sicilia dixit mihi, quòd aliqui  
 amici ejus vel Græci vel Latini, nescio, quasi sub zelo  
 sanctæ Romanæ Ecclesiæ de meis disputationibus murmu-  
 rarent dicentes: Quomodò \* Ecclesiam Constantinopo- <sup>al. \* Quoniam</sup>  
 litanam disponit comprimere, qui ejus consuetudines  
 per omnia sequimur\* ? Cui cum dicerem: Quas sequi- <sup>al. \* sequitur.</sup>  
 mur ? Respondit. Quia *Halleluia* dici ad Missas extra  
 Pentecostes tempora fecistis: quia Subdiaconos spolia-  
 tos procedere: quia *Kyrie eleyson* dici; quia orationem  
 Dominicam mox post Canonem dici statuistis. Cui ego  
 respondi: Quia in nullo eorum aliam Ecclesiam secuti su-

Capitulum  
 CCXVIII.  
 Lib. 7. Epist.  
 64.

mus. Nam ut *halleluia* hîc diceretur, de Hierosolymorum Ecclesia ex beati Hieronymi traditione, tempore beatæ memoriæ Damasi Papæ traditur tractum. Et ideo magis in hac sede illam consuetudinem amputavimus, quæ hîc à Græcis fuerat tradita. Subdiaconos autem spoliatos ut procedere facerem, antiqua consuetudo Ecclesiæ fuit. Sed quod placuit cuidam nostro Pontifici, nescio cui, eos vestitos procedere præcepit. Nam vestræ Ecclesiæ nunquid traditionem à Græcis acceperunt? Vnde habent ergo hodie, ut Subdiaconi in tunicis procedant, nisi quia hoc à matre sua Romana Ecclesia perceperunt. *Kyrie eleyson* autem nos neque diximus \* sicut à Græcis dicitur, quia in Græcis omnes simul dicunt: apud nos autem à Clericis dicitur, à populo respondetur, & totidem vicibus etiam *Christe eleyson* dicitur, quod apud Græcos nullo modo dicitur. In quotidianis autem Missis alia quæ dici solent tacemus: tantummodò *Kyrie eleyson* & *Christe eleyson* dicimus, ut in his deprecationis vocibus paulò diutiùs occupemur. Orationem verò Dominicā idcirco mox post precem dicimus; quia mos Apostolorum fuit, ut ad ipsam solummodò orationem oblationis hostiam consecrarent. Et valde mihi inconueniens visum est, ut precem quam Scholasticus composuerat super oblationem diceremus, & ipsam traditionem quam Redemptor noster composuit, super ejus corpus & sanguinem non taceremus. Sed & Dominica oratio apud Græcos ab omni populo dicitur, apud nos verò à solo Sacerdote. In quo ergo Græcorum consuetudines secuti sumus, qui aut veteres nostras reparavimus, aut novas & utiles constituimus, in quibus tamen alios non probamur imitari? Ergo vestra caritas cùm occasio dederit, ut ad Catenensem civitatem pergat, vel in Syracusana Ecclesia, eos quos credit aut intelligit quia de hac re murmurare potuerunt, facta colloquutione doceat, & quasi alia occasione eos instruere non desistat. Nam de Constantinopolitana Ecclesia quod dicunt, quis eam dubitet & sedi Apostolicæ esse subjectam. Quod & piissimus dominus Imperator, & frater noster ejusdem civitatis Episcopus assidue pro-

in edit. ad.  
neque dici-  
m. 15

fitetur. Tamen si qui boni vel ipsa vel altera Ecclesia habet, ego & minores meos quos ab illicitis prohibeo, in bono imitari paratus sum. Stultus est enim qui in eo se primum existimat, ut bona quæ viderit discere contemnat.

De privilegio principatus Apostolicæ Sedis pauca ex multis & diversis auctoritatibus Canonū & Romanorum Pontificum collecta sunt, in quo omnia Concilia sanctorum Patrum unanimiter concordare videntur, nec in aliquo aberrare dinoscuntur. Postquàm enim Constantinus Imperator Monarchiam mundani sæculi tenens, Dei inspirante clementia Christianitatis suscepit signaculum, & pro Dei amore & Principis Apostolorum honore sua sponte thronum Romanæ urbis reliquit, dicens non esse competendum\* duos Imperatores in una civitate simul tractare commune imperium, cùm alter foret terre, alter Ecclesiæ Princeps, tandem ut cunctis legentibus liquet Bizantium adiit, ubi ex suo nomine Constantinopolim construens Regiam sedem fecit. Proficiscens verò Romanam ditionem Apostolicæ Sedi subjugavit, necnon etiam maximam partem diversarum provinciarum eidem subjecit. Denique subrogata potestate, & solemniter regia auctoritate Romano Pontifici contradita, loco cessit, & ob capeſcendum cœleſte imperium Deo sanctoque Petro honorem regni in posterum ampliandum reliquit. Itaque singulare privilegium & mirabile testamentum toto tunc orbe vulgatum Apostolicæ Sedi conscribi iussit, eidemque obsequendum diversa regnorum prædia perpetualiter delegavit, sacræque leges in diversis ordinibus & cultibus, ac Ecclesiasticorum indumentorum ornatibus innumerabilia superaddens donaria, nobilissimè ac splendidè augmentavit, in quibus etiam inter alia specialiter continere voluit, ut apicem omnis principatus Romanus Papa super omnem Ecclesiam ejusque Pontifices perenniter velut jure regio retineret. Hæc & alia quamplurima, & ad computandum copiosissima, in eodem releguntur privilegio, cujus exemplaribus Ecclesiarum in Gallia consistentium armaria ex integro potiuntur.

Auctor loquitur.

f. competens.

Ista cū ita sint, oppidò mirandum, quare Constantinopolitani Præfules ab initio non sua usurpare audeant, præsertim cū in nullo Conciliorum eadem urbs inter principales connumeretur Sedes, Constantinopolitano excepto, cui regius ejusdem civitatis semper arrisit favor. Repugnante ergo totius æquitatis ratione huic stolidæ præsumptioni vires tantum conanti, latenter innuens consentanea Regum voluntas indebitè subministrat, ex quo inibi imperium statuit habere caput. Plerique siquidem hoc fastigium Apostolicæ dignitati debitum Constantinopolitani appetentes, totiens ignominiosè cum dedecore sunt devicti, quotiens tumore extollentiæ inflati id agere adorsi. Nam relegatur Epistola B. Gregorii Papæ ad Iohannem Constantinopolitanum Antistitem, pro satis irridendo ambitu, qui se in Synodo ubi ipse præsidebat universalem Papam appellari & conscribi fecit, ibique qui legerit clariùs perspicere poterit, cum quanta severitate eum Apostolica auctoritas protervum comprobans in tantum condemnaverit, ut eundem Apostatæ Angelo æquiparans infelicitè compararet, qui per superbiam latera distendens, sic foetido eructavit anhelitu: *In cælum conscendam, super astra cæli exaltabo solium meum; sedebo in monte testamenti in lateribus Aquilonis, ascendam super altitudinem nubium, similis ero Altissimo.* Cujus etiam tumor per omnem epistolam honestissimè rexitur, & nisi ab illicitis resipisceret, eundem damnationi submittere promittit. Proinde etiam Constantinæ Augustæ epistolam dirigit, ut in talibus tam ipsa quàm Imperator nunquam assensum præbeant, ne forrè aliquis in fidorum beati Petri privilegia infringere quoquomodo pertenter. Si harum plenitudo epistolarum revolvatur, melius sollicitè addiscentes satis abundèque perdocere quibit. Etenim in descriptionibus Romanorum Pontificum, hæc eadem præsumptio crebriùs ac districtiùs coërcita reperitur.

Lib. 4. ep. 31.

Isai. 14. 6.

In lib. 4. ep. 34. & ad Mauris. August. ep. 32. ibid.

Causa schismatis Græcorum hæc tempestate exorti.

Igitur quòd IGNATIUS Constantinopolitanæ Sedis Episcopus nuper Apostolicam Sedem juxta statuta Patrum canonicè reclamans, indignè dicitur damnatus; &

PHOTIUS



PHOTIUS Neophytus in loco ejus contra regulam Ecclesiasticam constitutus, non Episcopus dicendus, sed potiùs inuasor, à conjugio illico solutus & tonsoratus, quantum à ratione aberrat, apertè cognoscere valet, qui synodaliū definitionum inscitia caret. Pro simili invasione olim miserabilis dispendii exitium passa est Romana Ecclesia, veluti sub temporibus VIGILII Pontificis contigit, qui SILVERII venerabilis Papæ sedem ipso adhuc vivente & exsilio deportato turpissimè vi arripuit, necnon etiam sub beato Stephano Papa, à sancto Petro nonagesimo sexto evenit, quando Dux quidam vocabulo Toto fratrem suum Constantinum subitò tonsorari fecit, & alia die contra statuta Canonum idem in Diaconum consecratus, & proximiori Dominicâ non dignè Pontifex acclamatus, sed potiùs inuasor Apostolicæ Sedis judicandus, Romanam Ecclesiam discordiæ cladibus & cruentis homicidiis fœdavit: qui ob tantæ cupiditatis voraginem ad hoc usque pervenit, ut ex sede arrepta turpissimè dejiceretur, & carcere reclusus, tandem à filiis nequitiae oculorum lumine privaretur. Ista itaque cùm natio Græcorum cognoverit, aut fortè si non antè, vel nunc discere poterit, instantiùs stupendum, cur Neophytum extemplò uxoria copula solutum sine aliquo intervallo & probatione temporum in sedem falsò damnati Ignatii subrogaverit. Vix à muliebri amplexu avulsus, & à pollutione corporea necdum perfectè mundatus, etiam in Pontificem totius munditiæ erigitur & veneratur sublimatus. His & aliis tempestatum procellis sancta centupliciter concussa Ecclesia horret nefandissima non solum opere perfecta, verumetiam voto peragendi cogitatu concepta. Hæc de privilegio Apostolici primatus breviter perstricta sufficiant.





• QVÆSTIO,

SIVE

OBIECTIO VII.

Capitulum  
CCXIX.  
Quam ob  
causam Dia-  
coni quodam  
saltu Episco-  
pi consecren-  
tur.



f. \* intelle-  
ctus.  
f. \* creden-  
dum.

E HOC autem quod quæritur, quare apud Ro-  
mam plerumque Diaconus quodam saltu non  
percepta presbyterali benedictione in Episco-  
pum subito consecratur, dicendum simplicita-  
tis affectu, quia deperit rationalis responsio hujuscemodi  
adstipulationibus subnixæ, cum illa quæ ignorat depro-  
mere sermo veridicus pudicè refugiat, maximè si in pro-  
patulo lingua distendatur eloquio, & nequaquam susten-  
tari possit sanctarum Scripturarum auxilio. Vultu tamen  
suppresso sub arbitrio intellectui\* verecundè cedendum\*,  
quod fortè illi qui istiusce ordinationi assentiunt, hoc in-  
telligi velint, quia qui benedictione pontificali perfun-  
gitur, reliquarum benedictionum honore decoretur, sive  
quia in consecratione corporis Christi & sanguinis offi-  
cium Præsulis ac Presbyteri mysticè uniatur. Sicut enim  
in terrarum Rege diversæ dignitates adscribuntur: nam  
Imperatores ex Consulibus creati, propter regale com-  
mercium quondam non omittebant, nec mutabant Con-  
sulis & Patricii nomen: ita credi potest quod in sublimi-  
tate majoris Pontificis consistat etiam honor minoris Sa-  
cerdotis. Forsitan autem illi qui de Diacono ordinant E-  
piscopum, prætermissa benedictione presbyterali, asser-  
tioni B. Hieronymi in epistola loquentis ad Titum ex  
parte concedere videntur, qui officium Presbyteri in  
aliquo participari affirmat ministerio episcopali. Sed  
ne fortè aliquantula in nobis excitetur motio majorum  
Dominorum, nostram omitrentes in hujus negotii quan-  
titate\* diffinitionem, ipsius sancti Hieronymi verba sine

al. \* qualitate

nostrorum intermixtione verborum fideliter ponamus. Sunt enim talia in supradicta epistola, ubi hanc eleganter exponit sententiam.

*Et constituas per civitates Presbyteros, sicut ego tibi disposui.* Audiant Episcopi qui habent constituendi Presbyteros per urbes singulas potestatem, sub quali lege Ecclesiasticæ constitutionis ordo teneatur: nec putent Apostoli verba esse, sed Christi, qui ad discipulos ait: *Qui vos spernit, me spernit. Qui autem me spernit, spernit eum qui me misit. Sic & qui vos audit, me audit. Qui autem me audit, audit eum qui me misit.* Ex quo manifestum est eos qui Apostoli lege contemptâ, Ecclesiasticum gradum non merito voluerint alicui deferre, sed gratiâ, contra Christum facere, qui qualis in Ecclesia Presbyter constituendus sit per Apostolum suum in sequentibus exsecutus est. Moyses amicus Dei, cui facie ad faciem Deus locutus est, potuit utique successores principatus filios suos facere, & posteris propriam relinquere dignitatem; sed extraneus de alia Tribu eligitur Iesus, ut sciremus principatum in populos non sanguini deferendum esse, sed vitæ. At nunc cernimus plurimos honorem\* beneficium facere, ut non quærant eos qui possunt Ecclesiæ plus prodesse & Ecclesiæ erigere columnas\*; sed quos vel ipsi amant, vel quorum sunt obsequiis deliniti, vel pro quibus malorum\* quispiam rogaverit, & ut deteriora taceam, qui ut Clerici fierent, muneribus impetrarunt. Diligenter Apostoli attendamus verba dicentis: *Vt constituas per civitates Presbyteros, sicut ego tibi disposui.* Qui qualis Presbyter debeat ordinari, in consequentibus differens, hoc est, *Si quis est sine crimine unius uxoris vir, &c.* Postea intulit: *Oportet enim Episcopum sine crimine esse, tanquam Dei dispensatorem.* Idem est ergo Presbyter qui Episcopus, & antequam Diaboli instinctu studia in religione fierent, & diceretur in populis: *Ego sum Pauli, ego Apollo, ego autem Cephæ:* communi Presbyterorum consilio Ecclesiæ gubernabantur: Postquàm verò unusquisque eos quos baptizaverat putabat suos, non

S. Hieronymus lib. 1. 12.  
Epist. ad Tit.  
cap. 1. 5.

Luc. 10.

al. \* hanc rem

al. \* ut non quærant eos in Ecclesia columnas erigere.

al. \* majorum  
Tit. 1. 5.

ibid. 6.

1. Cor. 12.

Christi, in toto orbe decretum est, ut unus de Presbyteris electus superponeretur cæteris, ad quem omnis cura Ecclesiæ pertineret, & schismatum semina tollerentur.

al. \* Putet

Philipp. 1. 1.

al. \* ut nuncupantur.

Act. 20. 17.

Ibid. 28.

Heb. 13. 17.  
Varia est  
lectio.

1. Pet. 5. 1.  
Varia quoque

Putat\* aliquis non Scripturarum, sed nostram esse sententiam, Episcopum & Presbyterum unum esse, & aliud ætatis, aliud esse nomen officii, relegat Apostoli ad Philippenses verba dicentis: *Paulus & Timotheus servi Christi Iesu, omnibus Sanctis in Christo Iesu qui sunt Philippis cum Episcopis & Diaconis, gratia vobis & pax.* Et reliqua. Philippi una est urbs Macedoniæ, & certè in una civitate plures, ut nunc putantur\* Episcopi esse non poterant. Sed quia eosdem Episcopos illo in tempore quos Presbyteros appellabant, propterea indifferenter de Episcopis quasi Presbyteris est locutus. Adhuc alicui hoc videatur ambiguum, nisi altero testimonio comprobetur.

In Actibus Apostolorum scriptum est, quòd cum venisset Apostolus Paulus Miletum miserit Ephesum, & vocaverit Presbyteros ejusdem Ecclesiæ, quibus postea inter cetera sit locutus: *Attendite vobis, & omni gregi, in quo vos Spiritus sanctus posuit Episcopos pascere Ecclesiam Dei, quam acquisivit sanguine suo.* Et hinc diligentius observate, quomodò unius civitatis Ephesi Presbyteros vocans, postea eosdem Episcopos dixerit. Si quis vult recipere epistolam, quæ sub nomine Pauli ad Hebræos scripta est, & ibi æqualiter inter plures Ecclesiæ cura dividitur. Siquidem ad plebem scribit: *Parete Principibus vestris & subjecli estote: Ipsi enim sunt qui vigilant pro animabus vestris, quasi rationem reddentes, ne suspirantes hoc faciant: siquidem hoc utile vobis est.* Et Petrus qui ex fidei firmitate accepit nomen, in epistola sua loquitur dicens: *Presbyteros ergo in vobis obsecro Compresbyter, & testis Christi passionum, qui & ejus gloriæ, quæ in futurum revelanda est, socinus sum: Pascite eum qui in vobis est gregem Domini, non quasi cum necessitate, sed voluntariè.*

Hæc propterea, ut ostenderemus apud veteres eosdem fuisse Presbyteros quos Episcopos. Paulatim verò ut dissensionum plantaria evellerentur, ad unum omnem sollicitudinem esse delatam. Scut ergo Presbyteri sciunt

se ex Ecclesiæ consuetudine ei qui sibi præpositus fuerit esse subjectos ; ita Episcopi noverint se magis consuetudine quàm dispositionis Dominicæ veritate Presbyteris esse majores , & in commune debere Ecclesiam regere , imitantes Moysen , qui cùm haberet in potestate solus præesse populo Israël , septuaginta elegit cum quibus populum judicaret. Videamus igitur qualis Presbyter sive Episcopus ordinandus sit. *Si quis est sine crimine , unius Tit. 1. 6. uxoris vir , filios habens fideles ; non in accusatione luxuriæ , aut non subditos. Oportet enim Episcopum sine crimine esse , tanquam Dei dispensatorem. Et reliqua.*

Si autem controversiæ fortunâ\* istæ alicui displicuerint, non supercilium tumoris Christi impûtetur vernaculis , quia non evidentior in præfata propositione potuit inveniri responsio rationalis , quæ videlicet præstantior esset auctoritate docentis. f. \* fortè



FRAGMENTVM SERMONIS  
SANCTI FAUSTINI  
EPISCOPI.

*Duo extant FAUSTINI Sermones de Quadragesima in MS. codice Corbeïensi, qui in San-Germana Bibliotheca asservatur, cum hac epigrapha : ADMONITIO S. FAUSTINI EPISCOPI DOMINICA ANTE QUADRAGESIMAM. Prior quidem editus atque ascriptus S. Casarso Arelatensi Episcopo reperitur, estque Homilia 2. in Bibliotheca Patrum. Sic incipit: Rogo vos & admoneo, Fratres charissimi, ut in isto legitimo, &c. Sed ille, cujus priorem partem suo adversus Gracos libro inseruit Encas Parisensis sup. pag. 86. cum hactenus latuerit, opera pretium existimaui reliquum hęc attexere, quò integer habeatur.*

**A**DMONEMUS ergo nunc, sicut jam antea diximus, nostri temporis homines, ut ab hujus mundi turbinibus ad domum Dei certatim unusquisque confugiat, sicut & sui temporis homines Noë justus admonuit. Admonuit enim illos, & futurum diluvium prædicare non destitit. Et licet vox prædicationis non sit audita, tamen etsi tacebat linguâ, opere loquebatur: Et si silebat voce, Arcâ personabat: cum enim ædificabat tam grande opus arcę, illius causam cur fieret, ipso opere testabatur. Testabatur enim ipso apparatu nova tabernacula novis periculis profutura. Sapiens enim quisque intelligere poterat naufragii nescio quid imminere, cum domus talis fieret, quę non hæreret in terra, sed nataret in gurgite. Cum hospitium hujusmodi pararetur, quod nec pavimentum solo defigeret, nec fluctibus unda submergeret. Quis, inquam, sapiens non intelligeret adesse diluvium, cum videret tale domicilium fieri, quod susceptos intra se non tam clauderet, quàm portaret, quod non tam pluviarum imbres repelleret, quàm nau-

*Sermo de Quadragesima.* 119

fragii procellas arceret. Quis, inquam, ex hospitio non adverteret periculum hominum, in quo hospitio non habitandum esset, sed potius exulandum in qualibet parte mundi futurum esset, cum ipsis habitaculis peregrinum. Ipso ergo sanctus Noë opere populis prædicabat, & dicebat illud evangelicum Domini dictum: *Si mihi non credi-* Iohan. 16. 38.  
*tis, operibus credite.*





# S. PETRI DAMIANI

S. R. E. CARDINALIS,

EPISCOPI OSTIENSIS,

SERMONES V.

*Incipit Sermo Primus PETRI DAMIANI  
De Oratione Dominica.*



Valdè mirum  
& stupendum  
quòd homo  
sit Filius Dei  
& cohæres  
Christi,

**A**CCEPISTIS auditum fidei, Fratres Charissimi, formam Dominicæ orationis audite: Christus breviter orare docet, qui citò vult postulata præstare: aut quid petentibus se non dabit, qui seipsum non petentibus dedit? aut in respondendo quam facit moram, qui in dictandis precibus vota supplicum sic prævenit? Hodie quod audituri estis stupent Angeli, miratur cælum, pavet terra, caro non fert, auditus non capit, non attingit mens, tota sustinere non potest creatura, ego dicere non audeo, tacere non possum. Deus det ut vos & audire possitis & dicere. Quid est magis tremendum, quòd se dedit terris Deus, aut quòd vos dat cælo: Quòd societatem carnis intrat ipse, aut quòd vos facit consortium divinitatis intrare: quòd mortem sumpsit ipse, aut quòd vos resumit ex morte: quòd ipse in vestra nascitur servitute, aut quòd vos sibi gignit in liberos, quòd suscipit paupertatem vestram, aut quòd vos facit heredes suos, sui Vnici cohæres? Est utrique terribilius, quòd terra transfertur in cælum, homo deirate mutatur, servitutis fors dominationis jura sortitur. Sed hoc quamvis metuendum sit, tamen quia



quia causa non dicentem respicit sed jubentem; accedamus filioli, quo vocat caritas, trahit amor, invitat affectio, Deum Patrem viscera sentiant, vox personet, loquatur lingua, spiritus clamet. Totum quod in vobis est respondeat gratiæ, non timori; quia judicem mutavit in patrem; amari voluit, non timeri.

*Pater noster qui es in cælis.* Hoc cum dicis non sic habes, quasi non sit in terris; non sic accipias, quasi sit loco clausus qui claudit omnia; sed intellige esse tibi genus à cælo, cujus pater habetur in cælo. Et age, ut vivendo sanctè sancto respondeas Patri. Dei filium ille se probat, qui vitiis non obscuratur humanis, qui divinis virtutibus elucescit.

Matt. 6. 9.  
Luc. 11. 2.

*Sanctificetur nomen tuum.* Cujus genus sumus, ejus censemur & nomine. Rogamus ergo ut nomen ejus quod in se & per se sanctum est, sanctificetur in nobis. Nomen enim Dei aut honoratur ex nostro actu, aut nostris actibus blasphematur. Audi Apostolum dicentem: *Nomen Dei per vos blasphematur in Gentibus.*

Quomodo filium se probat homo.

Rom. 2. 24.

*Veniat regnum tuum.* Et quando non regnavit Deus? Petimus ergo ut qui sibi regnavit semper, modò regnet in nobis, ut & nos in illo regnare possimus. Regnavit Diabolus, regnavit peccatum, regnavit mors, & fuit diu captiva mortalitas. Petimus ergo ut regnante Deo pereat Diabolus, deficiat peccatum, moriatur mors, captivitas captivetur, ut nos liberi perpetuam regnemus in vitam.

*Fiat voluntas tua sicut in cælo & in terra.* Hoc est regnum Dei, quando in cælo & in terra Dei voluntas est sola, quando in omnibus hominibus est. Deus vivit, Deus agit, Deus regnat, Deus est totus; juxta illud Apostoli: *Ut sit Deus omnia, & in omnibus nobis.*

1. Cor. 15.

*Panem nostrum quotidianum da nobis hodie.* Qui patrem se nobis dedit, qui sibi nos adoptavit in filios, qui secum nos fecit heredes, qui nos nomine sublimavit, qui nos suo & honori donavit & regno, ipse nos ut panem quotidianum postulemus addixit. In regno cæli inter munera divina quid quærit paupertas humana? tam bonus, tam pius, tam largus pater panem filiis non tamen postulatus indul-

Mat. 6. 31.

get. Et ubi est illud: *Nolite solliciti esse quid manducetis, aut quid bibatis, aut vistiamini?* Hoc Pater jubet quod prohibet cogitare: quid tenemus? Cœlestis Pater cœlestem panem, cœlestis Filij ut postulemus hortatur: ipse dixit: *Ego sum panis qui de cœlo descendi.* Ipse est panis, qui satus in virgine, fermentatus in carne, in passione confectus, fornace coctus sepulcri, in Ecclesiis conditus, illatus altaribus, cœlestem cibum quotidie subministrat fidelibus.

*Et dimitte nobis debita nostra, sicut & nos dimittimus debitoribus nostris.* Homo sine peccato esse non potes, & vis semper dimitti tibi, totum dimitte semper: quantum vis dimitti tibi dimitte tantum. Quotiens vis dimitti tibi, totiens tu dimitte, immo quia vis totum dimitti tibi, totum dimitte. Homo intellige quia remittendo alij, tibi veniam tu dedisti.

1ob. 7. 1.

*Et ne nos inducas in tentationem.* Quia in hoc sæculo est ipsa vita tentatio. *Tentatio*, inquit, *est vita hominis.* Rogamus ut nos nostro arbitrio non relinquat, sed in omni actu paterna nos pietate constringat, & in vitæ tramite, cœlesti moderatione confirmet.

*Sed libera nos à malo.* A quo malo? à Diabolo quippe ex quo est omne malum. Rogamus nos liberari à malo, quia malo qui non caruerit, frui non potest bono. Si adhuc non nati, si adhuc in utero constituti panem petunt, expectunt regnum, quare fit quæstio, quòd semper Dei Filius in Dei Patris mysterium, & quòd in Patre Deo Dei filius fuerit. Quomodò humana ratione tractatur? Non est, non est humano modo divinitas æstimanda. Audisti Deum, nihil terrenum cogites, nihil humanum. Audisti Patrem Christi, hoc per substantiam crede: Audisti Patrem tuum, hoc crede per gratiam: ille esse Filius habuit semper, te esse filium dedit modò. Sic ergo te filium scito, & servum te esse non nescias. Sic audi ad Christi similitudinem te reductum, ut semper Christo te cognoscas esse subjectum.





ITEM SERMO

VNDE SUPRA SECVNDVS.

**C**ONDITIONO mortalis, terrena compago, limosa substantia, ad vitæ pensæ ac mortis in certo labore attrita, consumpta pœnis, putredini pulveris subiecta natura capere non valet, credere pertimescit, quod hodie cogitur confiteri. Tantam donorum gratiam Dei, proximorum magnitudinem, munerum largitatem, fragilitas humana, unde promereri valeat, non potest invenire. Hoc, reor, ambiguum Prophetam mentis intuitu prævidisse, dum tanto pavore concussus, & huius auditus taliter exagitationis tremore dicit: *Domine audiui auditum tuum & timui*; Hab. c. 2. 2. secund. 70. *consideravi opera tua, & expavi.* Auditum timuit, non quia tunc Propheta tantus audierat Dominum, sed quia tunc servus Dominum suum sibi conversum reperit. Et audit in partem, vel quia mundi huius fabricam, elementis ita sibi dissonis consonantem, contemplatus expavit: Sed quia pietatis erga se tanta considerans tunc opera, admirationis tremore concussus est & pavore: *Consideravi*, inquit, *opera tua & expavi.* Adoptatum se tunc expavit in filium, quando perdiderat ipsius fiduciam servitutis. Denique ut sciatis huius orationis, quam vobis hodie divinitas insinuat & infundit, affectum Prophetam tunc auditu cœlitus percepisse, huius muneris quodammodò pavore solutum, quid iterum dixerit pervidete: *Custodivi me*, inquit, *& expavit venter meus*; Ibid. 16. *à voce obsecrationis labiorum meorum.*

Posteaquàm divini muneris tantam senserat largitatem custodivit se, ne se hostem, ne inimicum, ne latronem se iterum in paradiso sustineret, fit vigilantior, fit sollicitior sui custos, qui se post tantæ rei jacturam, cœlestem thesaurum senserat reperisse dicente Paulo: *Portamus hunc thesaurum in vasculis fictilibus.* 1. Cor. 7. Habac. 3. 16. *Custodivi me, &*

P ij

*expavit venter meus.* Ventrem cordis interna nominat hic Propheta; quia sicut cibus ita cor sensibus pascitur & repletur. *Et expavit venter meus à voce obsecrationis labiorum meorum.* Si intellectus cordis fuderat ori vocem, labiis dederat verba, cur vota sua, cur desideria sua, cur ex hoc est exhortaturus? Expavit, quia non suggestionem sui cordis, sed divini Spiritus loquebatur affatu. Audi Paulum dicentem: *Misit Deus Spiritum Filij sui in corda nostra, clamantem Abba Pater.* Quod cum auditum ad interna transmitteret, tantum se meruisse mirabatur, & interna tota hominis pavebant, merito adjecit; *& intravit tremor in ossa mea.* Quia ipsius Prophetæ viscera vexabantur. *Et subtus me*, inquit, *com-*  
*al\*habitus* *mota est virtus\* mea.* Quid subtus me? quia unus ipse idemque homo, rursus per gratiam jam levatus, jacebat subtus pristinam\* per naturam, nec virtutem coelestem virtus poterat sustinere terrena. Iam firmavit mons Sina, cum daturus legem Deus descendit in montem.

Galat. 4. 6.

Habac. 3. 16.

al\*habitus

s.\*pistrinam

Psalm. 80. 11.  
al,\*dilatata

Quid caro faceret cum descendit Deus in carnem? carnis gratiam collaturus venit Pater, quia homo Deum, servus Dominum non ferebat. Et quia fidelis est in verbis suis, qui dixit: *Aperi\* os tuum, & implebo illud.* Aperite nunc ora vestra, ut ipse ea tali prece tali repleat & clamore. Vbi sunt qui de Dei promissione diffidunt? Ecce quam citò est fidei remunerata confessio, mox ut Deum unici Filij confessus es Patrem; tu ipse es Dei Patris adoptatus in filium, ut esses cæli heres, quia paradisi exul habebaris, & terræ. Et ideo nunc vocas: *Pater noster qui es in cælis.* Quia fuit tibi quondam pater, qui te resolvit in limum, qui te ad claustra duxit & pertraxit inferni. Terram nesciat, amorem carnis ignoret, patrem pulveris non requirat, nihil in se vitij licere permittat, qui à Deo patre coelestem reperit ad naturam, ut qui se Dei filium credit, actu, vita, moribus, honestate tanto generi respondeat, ne iterum ad terrena descendens, ad ipsam tanti genitoris tendat injuriam.

*Sanctificetur nomen tuum.* Si nomen Christi cæcis visum, cursum claudis, defessis vario languore sanitatem, mor-

tuis vitam, tēque ipsum, homo, totāque sanctificat creaturam. Quemadmodum tu ipse nominis oras & expostulas sanctitatem, quia à Christo vocatus es Christianus, & ideo supplicas, ut prærogativa tanti nominis, meritis in te subsequētib; roboretur.

*Adveniat regnum tuum.* Devotionem mandat, exigit desideria, vota perquirat ipse, qui adventus sui vitam in sua continet potestate. Fidelis est ille miles, qui Regis sui præsentiā sitit, & tot regni expetit, & concupiscit triumphos. Sed hīc petis ut tibi & in te adveniat regnaturus, in quo Diabolus arcem, mors imperium, diu infernus cessit & tenuit potestatem. Oremus ergo, Charissimi, ut Christus semper suo regnet in milite, ut miles semper suo triumphet in Rege.

*Fiat voluntas tua sicut in celo & in terra.* Beatus dies ille qui terrenorum jungit, sociat, & exæquat cœlestibus voluntatem, ut inter dispares substantias una eadēque fiat voluntas. Hæc est fida pax, inconcussa concordia, gratia perseverans, quia unius Domini ordinem, naturam, familia per diversa voluntatem sita, una eadēque reperitur & sensu.

*Panem nostrum quotidianum da nobis hodie.* Post cœleste regnum, panem quis postulet temporalem? sed quotidianum. Et inde vult nos in sacramento sui corporis, panis viaticum postulare: Vnde & hoc ad perpetuum diem, & ipsam Christi perveniamus ad mensam, ut unde hīc gustum sumpsimus, inde plenitudinem ibi totasque sarietates capiamus.


*Et dimitte nobis debita nostra, sicut & nos dimittimus debita debitoribus nostris.* Qui sic petit debita, non relaxat; iste se etiam per quod orat accusat, qui sibi tantum donari postulat, remitti tantum, quantum ipse remittit & donat ad placitum, Deum taliter invitat ad pactum; quantum ipse præstiterit alteri, tantum sibi exigat & ipse præstari. Dimittenda sunt autem, fratres, debita, non pecuniæ solum, sed omnium causarum, culparum, criminum, quicquid homo incurrere potest. In his tibi cū

incurrerit alter, ignosce: fidus peccati sui petit veniam quia peccanti libenter ignoscit.

*Et ne inducas nos in tentationem.* Hoc petere multis modis cogimur, fratres, ne fragilitas plus ausa, & de se temerè præsumens, nihil virium suarum colligens, in conflictum \* malè cauta succumbat; deinde offensus Deus tradat tentationibus quos relinquit.

in enoffi-  
qu

*Sed libera nos à malo.* Satis de se humiliter sentit, nec salvari per se præsumit, quia ut à malo per Deum liberetur, implorat. Signate vos. Intelligite, filii, quanta perfectorum, quanta fortium gloria sit & potestas, quando tanta virtus in ipso conceptu, tanta majestas aperitur in partu. Nondum natus Patrem vocat, sanctitatem postulat, regnum petit. Dat jura terris, terrenas celestibus exæquat voluntates, & laboribus pro futuris exigit jam devotus annonam. *Pancem*, inquit, *quotidianum da nobis hodie.* Beati estis qui cœpistis ante pugnam vincere, antè triumphare, quàm vivere; antè ad Patris gremium, antè ad Patris promptuarium, quàm matris ad gremium pervenire; antè partum gregis, quàm succum lactis invadere totum; antè victoriarum sonare júbilo, vagitu respondere, quàm cunarum. Verè ut dixit Apostolus; *Infirmum Dei fortius est hominibus.* Aut quis poterit tanti conceptus referre sacramentum, ubi Virgo mater parit orbem quotidie, nec relinquit posteros ad laborem, sed à terreno germine præmittit ad gloriam.





# SERMO CIVIS SVpra

## DE EODEM TERTIVS.

**O**MNIA quæ divinitus dicta factaque referuntur, sunt miraculo, sunt stupori, sunt pavenda mortalibus, ipsis etiam sunt cœlestibus tremenda. Sed nihil ita stupet cœlum, pavet terra, expavescit univerſa creatura, quàm quòd vos estis hodie nobis dicentibus audituri. Servus Dominum Patrem vocare audet, judicem suum reus nuncupat genitorem; conditio terrena suâ se voce adoptat in filiû, qui terrena perdidit, æstimat se divinitatis heredem. Sed audemus, quia præsumptio dicentis non est, ubi auctoritas est jubentis. Ipse enim vos hodie dicere voluit, qui nos docuit sic orare. Et quid mirum si tunc homines Dei consecravit in filios, quando se hominis dedit & aptavit in filium; carnis tunc naturam tranſtulit in divinam, quando deitatem humanam detulit ad naturam. Tunc hominem sibi in cœlestibus præstitit coheredem, quando se participem reddidit terrenorum; aut homini negare quid amoris potuit, quid muneris, quid honoris, qui totum quod erat hominis, & peccatum suscepit & mortem? Aut quomodo hominem in suis prosperis non habebit, qui in adversis homini se fecit esse consortem? Homo redi ad Deum sic amatus à Deo, & ad illius gloriam da totum te, qui se totum propter te ad tuam deduxit injuriam, & voca Patrem fidens, quem tanto amore tum probas, sentis, intellegis esse genitorem.

*Pater noster qui es in cœlis.* Quod nondum natus Patrem vocat, nemo miretur. Deo nata sunt nascitura, futura facta sunt Deo: *Fecit, inquit, quæ futura sunt.* Hinc est Eccl. 6. 10. quod in utero suum Iohannes sensit auctorem, & extat nūncius matri, qui erat nescius vitæ. Hinc est quod Iacob antè legitur bellasse, quàm nasci; cœpit antè triumphare, quàm vivere. Hinc est quòd jam sunt Deo, qui sibi adhuc

non sunt; quoniam electi estis ante constitutionem mundi. *Pater noster qui es in calis.* Non quòd ille non sit in terra sed ut tu per hoc germen esse noveris te cæleste. Et si te, Dei filium tu fateris, vive quasi Dei filius, ut actu, vita, virtutibus tanto possis respondere genitori.

*Sanctificetur nomen tuum.* Quia à Christo vocatus es Christianus, petis ut prærogativa tanti nominis sanctificetur in te, quia nomen Dei quod per se & sanctum sibi est, aut sanctificatur in nobis nostro actu, aut nostro actu blasphematur in Gentibus.

*Luc. 17. 21.* *Adveniat regnum tuum.* Ipse dicit: *Regnum Dei intra vos est.* Si intra vos est, veniat quid oramus? Est in fide, est in spe, est in expectatione, sed ut veniat jam precamur. Veniat autem nobis, non illi qui semper conregnat Patri suo, semper regnat in Patre, sed veniat nobis: *Venite benedicti Patris mei, percipite regnum quod vobis paratum est ab origine mundi.* Dicimus *veniat regnum tuum*, ut sic Deus regnet in nobis, quatinus in nobis desinat mors regnare, desinat regnare peccatum. *Rom. 6. 14.* *Regnavit, inquit, mors ab Adam usque ad Moysen.* Et *ibid. 15.* alibi: *Non regnet peccatum in vestro mortali corpore.*

*Fiat voluntas tua sicut in cælo & in terra.* Nunc in terra multa sunt pro Diaboli voluntate, pro seculi nequitia, pro desiderio carnis. In cælo verò sit nihil præter Domini voluntatem. Petimus ergo ut interempto Diabolo, ut novo sæculo, ut mutato corpore, destructo mortis imperio, ut abolita dominatione peccati, in cælo & in terra, in Deo & hominibus una Dei, & eadem sit voluntas.

*Panem nostrum quotidianum da nobis hodie.* Post regnum cæleste, terrenum panem petere non jubemur, prohibente ipso cùm dicit: *Nolite solliciti esse quid manducetis, aut quid bibatis.* Sed quia ipse est *panis qui de cælo descendit*, petimus & precamur, ut ipsum panem quem quotidie, id est jugiter sumimus, in æternitate ad victum corporis mentisque capiamus.

*Et dimitte nobis debita nostra sicut & nos dimittimus debitoribus nostris.* Sic dicendo homo indulgentiæ modum, mensuram veniæ statuit, & ut tibi dedisti? qui à

Domino



Domino tantum tibi petis dimitti quantum dimiseris ipse conseruo. Dimitte ergo delinquenti in te totum, suis ipse de tuis nihil Domino debere delictis. In altero dimitte tibi, si vis ipse vindicem vitare sententiam.

*Et ne nos inducas in tentationem. Deus neminem tentat,* <sup>1<sup>aa</sup>, 1. 13.</sup> sicut scriptum est, sed tentare dicitur, cum contumaciter euntes ad tentationum laqueos delinquit. Sic Adam tentatoris incurrit insidias, dum sui precepta deserit Conditoris. Vnde autem & à quo tentatur homo prodidit sic dicendo: *Sed libera nos à malo*: hoc est à Diabolo, qui totius mali & auctor est & origo. Diabolus natura fuit caelestis, nunc est nequitia spiritualis, ætate major sæculo, nocendi usu tritus, lædendi arte peritissimus. Vnde non jam malus sed malum dicitur, à quo est omne quod malum est. Hinc est quod propriis viribus homo liberari non potest carnalibus vinculis illigatus. Petendum est ergo nobis, ut Deus nos à Diabolo liberet, qui Christum terris ut Diabolum vinceret commodavit. Clamet, clamet homo ad Deum, clamet *libera nos à malo*, ut à tanto malo solo Christo vincente liberemur.

*Pater noster qui es in caelis*, orandi thema, materiam petendi, supplicandi normam paucissimis in verbis ipse tibi, qui tibi est, exorandus indulsit, ut ex hoc tu petendi sumas sensum, ut intellectum postulandi capias, mensuram colligas impetrandi, & brevi magisterio orandi latissimam capias disciplinam, simul quia ad amoris iudicium Rex ipse officio functus est advocati, ut precibus quibus respondurus erat ipse dictaret. Cunctatio ablata est tota promerendi, quando ipsum se legit in precibus qui rogatur. Metus locum non habet, ubi à Patre Filius interprete \* <sup>f. \* interpreta</sup> desiderat quæ sancta sunt impetrare.



SERMO CVIUS SVpra  
DE EODEM QVARTVS.



RATRES Charissimi, qui vos donavit credere, ipse vos docuit & orare, & totam petendi formam paucis apravit in verbis; quia cum Patrem postulat, multa prece Filius non laborat. Sicut enim petere cogit necessitas genitum, ita urget caritas dare genitorem. Pater ergo qui sponte præstat, non tam ut petatur, quantum quod petatur ostendit, ut filius petendo iusta placeat, qui potest stulta postulans displicere. Audite Patrem, & vos filios esse jam credite, ut quæ petieritis incunctanter impetrare possitis. Quid valeat fides, credulitas quid possit, sit quanta confessio hodie monstratur in vobis. Ecce Trinitatis trina confessio in cælestem sobolem de terrena vos sustulit servitute: ecce fides quæ Deum locuta est Patrem, Patrem vobis Deum hodie conquistavit, ecce vox quæ confessa est Dei filium, vos Dei adoptavit in filios, ecce credulitas quæ Deum spiritum proclamavit, de carnis substantia mortali in vitalem spiritûs substantiam vos mutavit. Quis pietatis tantæ dignus invenietur assertor? Deus Pater homines dignatur heredes, Deus filius non dedignatur servulos coheredes: Deus Spiritus carnem consortem divinitati juris ditione suscipit in supernis, Apo-  
stolo probante cum dicit: *Aut nescitis quia Angelos iudicabimus?* Vocat ergo Dominum Patrem, vósque & si nondum natos, jam tamen designatos filios esse: jam credite, & date operam quatinus sit vobis cælestis vita, sint vobis divini mores, & forma deitatis tota vestra præferatur in filium; qui cælestis Pater respondentes generi filios muneribus dicit divinis, degenerantes ad pœnalem revocat servitutem.

1. Cor. 6.3.

*Pater noster qui es in cælis.* Succumberet conscientia

servulis, terrena conditio solveretur, nisi nos ad hunc clamorem ipsius Patris auctoritas, ipsius Filij Spiritus excitaret: *Misit*, ait, *Deus Spiritum filij sui in corda nostra clamantem Abba Pater*. Lassefcit mens, caro deficit ad divina, nisi Deus quæ fieri jubet impleat ipse qui jubet. *Galat. 4. 6.* Quando ausa est mortalitas Deum vocare Patrem, nisi modò, quando superna virtute homines animātur in terrarum *Pater noster qui es in cælis*. Homo quid commune cum terris tibi, qui confiteris tibi genus esse in cælis? Ergo cælestem vitam monstra in habitatione terrena, quia si quid in te gesserit terrena, cogitatio cælo maculam, cælesti generi intulisti injuriam.

*Sanctificetur nomen tuum.* Nos petimus ut sanctificet nomen suum Deus, quod sanctitate sua totam salvat & sanctificat creaturam. Fratres hoc nomen est supernæ potestatis, pavent quod tremenda suscipiunt servitute: hoc nomen est, quod fugat Dæmones: hoc solum nomen est, quod absolvit animas Diaboli feritate captivas: hoc nomen est, quod mundo perduto dat salutem. Sed petimus ut nomen Dei actu nostro sanctificetur in nobis. Nobis enim bene agentibus benedicatur nomen Dei; nobis malè agentibus blasphematur. Audi Apostolum dicentem: *Nomen Dei blasphematur in Gentibus.* *1. Cor. 12. 14.* Petimus ergo, petimus ut quantum nomen Dei sanctum est tantum nos ejus mereamur in nostris moribus sanctitatem.

*Veniat regnum tuum.* Quasi non semper fuerit; accessit sic regnum Christi ut veniat nunc rogamus. Et ubi est illud regnum Dei? Intra nos est. Intra nos est fides: Sed ut re veniat supplicamus. Fratres, quandiu Diabolus vario nequitiarum genere, multimoda arte fallendi, rerum faciem turbat, sensus hominum morèsque confundit, sævit idolis, sacrilegis furit, fallit auguriis, divinatione mentitur, signis decipit, illudit arcis\*, spectaculis occupat, obsidet vitiis, peccatis \* arcibus vulnerat, criminibus fauciat, desperatione prostermit, Christi regnum prolongat & absenrat à nobis. Petimus ergo ut veniat tempus, quo mali tanti auctore pereunte

mundus totus, creatura tota, totam solius Christi regnet, triumphet ad gloriam: & fiat quod sequitur:

*Vt sicut in cælo ita & in terra una Domini voluntas*, fit terra cælum, vita Deus, tempus æternitas, patria requies, census innocentia, honor immortalitas, furia castitas, Deus totum.

Addidit, *Panem nostrum quotidianum da nobis hodie*. Post paternitatem Dei, post divini nominis sanctitatem, post cæli regnum, quotidianum panem jubemur exposcere. Christus oblivioni non subjacet, Christus mandatis suis contraria non demandat. Ipse dicit: *Nolite solliciti esse quid manducetis, aut quid bibatis*. Sed quia ipse est panis qui de cælo descendit, qui legis & gratiæ molatus est in forma, qui crucis confectus est in farina, qui crucis confectus est passione, qui magno pietatis fermentatus est sacramento, qui conspersionis levamentum sustulit de sepulcro, qui divinitatis suæ calore coqueretur ipse clibanum decoxit inferni, qui ad cœlestem cibum quotidianis Ecclesiæ defertur ad mensam, qui in remissione frangitur peccatorum, qui edentes se perpetuam pascit & enutrit ad vitam. Hunc panem quotidie nobis dari petimus, donec illo in die perpetuo perfruamur.


*Et dimitte nobis debita nostra sicut & nos dimittimus debitoribus nostris*. Homo penes te est potestas veniæ, in te est indulgentia ejus, tu tibi remissionis auctor es constitutus, gratis petis veniam, qui tibi in alio indulgere contemnis. Homo tu tibi misericordiæ factus es ipse mensura: quantum quæris misericordiam fac tantum.

*Et ne nos inducas in tentationem*. Tentatio est, Fratres, species fallens, quæ prosperat in adversis, adversa occultat in prosperis, humanamque ignorantiam dolosos deducit in lapsos. Petimus ergo ne peccatis impellentibus in tentationum foveas incidamus. Inducere autem Deus dicitur currentes ad crimina, cum relinquit.

*Sed libera nos à malo*. Hic malum mali designat auctorem, hoc est Diabolum. Petimus ergo unum ut munere hoc malis omnibus cum malo careamus auctore.

*Pater noster qui es in cælis*. Nemo cum se filium clamat,

manere se miretur in habitu servitutis. Ad divinum germen hodie designatus es, non promptus, spem non rem te noveris consecutum. Audi Apostolum. *Spe salvi essis*: Rom. 8. 24. *spes autem quæ videtur non est spes: quod enim videt quis quid sperat? Si autem quod non videmus speramus, per patientiam expectamus.* Hodie adoptionis est dies, hodie promissionis tempus est. Audi, crede, expecta: crede creditori tuo, qui tibi credidit debitori: expecta parumper ut veniat, qui te diu sustinuit ut venires. Da illi inducias, sed promissori, qui tibi quicquid erat debiti jam donavit: ut quid tu fatigaris spe Dei? fide vivat. Agricola nunquam sereret anhelus, si fructum laboris sui de tempore non speraret; viator labori prolixi itineris non subiret, nisi se ad destinata crederet pervenire: Nauta maris non intraret incerta, si lucris sequentibus compensaturum discrimina non pensaret: miles tota juventutis tempora non ageret in periculis, si senectutis honores copiosissimos non speraret: filius paternæ dominationis tempora non duraret, si se substantiæ paternæ non speraret heredem. Et tu si te jam filium Dei credis, juxta Prophetam: *Expecta, viriliter age, & confortetur cor tuum, sustine Dominum.* Psal. 26. 20. Expecta ut heredem\* Dei de expectationis fide, & f. \* hereditatem. Iohan. 3. 2. de virtute patientiæ consequaris. Audi Apostolum: *Filii Dei sumus; sed nondum paret quid sumus.* al. erimus Coloss. 3. 31 Cum apparuerit similes ei erimus. Et iterum: *Vita vestra absconsa est cum Christo, cum apparuerit Christus vita vestra, tunc & vos apparebitis in gloria.* Fratres, beati sunt filii Dei, quia & hereditatem omnium rerum possidebunt, & de excessu Patris luctûs tempora non videbunt.



## SERMO CVIVS SVpra

## DE EODEM QVINTVS.



VOD ego modò cum magnò tremore dictu-  
 rus sum, quod vos estis nunc terribiliter au-  
 dituri, immo terribiliter vocaturi. Stupent  
 Angeli, pavescunt supernæ Virtutes, cæl-  
 um non capit, sol non videt, terra non sustinet, tota  
 non assequitur creatura. Quid ad hæc mortale pe-  
 ctus? quid ad hæc mens hominis imbecilla? quid ad  
 istud humani sensus angustia? quid ad hæc humanæ  
 vocis aura? quid ad istud humana lingua citò tacitu-  
 ra? Hoc Paulus invisibiliter cùm vidisset, prodidit non  
 prodendo, dicens: *Nec oculus vidit, nec auris audi-  
 vit, nec in cor hominis ascendit, quæ preparavit Deus dili-  
 gentibus se.* Hoc Isaias, cum suo vix cepisset auditu, ad-  
 huc hominum pervenire posse debet ad auditum dicens:  
*Domine quis credidit auditui vestro?* Hoc Ieremias cùm  
 divino concepisset auditu, partus supernorum sensuum  
 sustinebat clamans: *Ventrem meum doleo, & sensus cordis  
 mei perturbati sunt.* Hoc Abacuc divini Spiritus perora-  
 bat afflatu, cùm dicit: *Custodivi me, & expavit venter  
 meus à voce obsecrationis labiorum meorum, & intravit tre-  
 mor in ossa mea; & subtus me commota est virtus.* Elevatus  
 virtute Dei, sensit suam sub se succubuisse virtutem.  
 Longum est super hoc sacramentum pavores prosequi &  
 dinumerare Sanctorum, tempus non sinis diu me in hoc  
 timore dinumerari\*, cœlestis partus impetus non potest  
 tardare nascentium. Dico ergo & vos in utero adhuc pe-  
 netrali voce compello, providâ exhortatione præmo-  
 neo, ut antequam videatis matrem voceris istius patrem;  
 ante blandimenta matris, patris tendatis & festineris ad  
 regnum, ante patris perveniat ad panem, quàm matris  
 ad ubera pendeat. Nec in vos quicquam sibi aut matris  
 necessitas, aut ætatis tempora vendicent, sed in vobis

1. Cor. 1. 9.

Isai. 55. 1.

Jerem. 4. 19

Habac. 1. 16.  
secund. 70.al. \* habitu-  
do

f. \* immorari

totum divino , patris totum cœlestis respondeat & occurrat auctorem.

*Pater noster qui es in cœlis.* Hoc est quod pavebam dicere, hoc est quod tremebam proferre, hoc est quod neque cœlestium neque terrestrium quemquam sinebat servitutis propriæ conditio suspicari, cœli & terræ, carnis & Dei, repentè tantum posse provenire commercium, ut Deus in hominem, homo in Deum, Dominus in servum, servus verteretur in filium, fieretque divinitatis & humanitatis ineffabili modo una & sempiterna cognatio, ac divinitatis erga nos dignatio; tanta est ut scire nequeat quid potissimum mirari debeat creatura, utrum quod se Deus ad nostram deposuit servitutem, an quod nos ad suæ divinitatis rapuit dignitatem. Hinc est quod homo quod & divinitus adoratus, tanto nunc tuo amore flammatur, quod adhuc in utero voce tua te Deus adoptat in filium, . . . . . O vos beatos quibus dominari datum est antequam nasci, ante regnare quam vivere, ante ad Dei Patris gloriam pervenire, quam proficiam propriæ vilitatis agnoscere. Ecclesia felix mater, quæ vos tales respicit, quæ cum virgo permanet, genuisse tantos vos & taliter se miratur.

Olim partus iste præcedentibus designabatur exemplis. Hinc est quod Iacob & Esau gemini in utero de primatûs honore præliantur, retardant partus, nec antè lucem cupiunt videre quam vincere. Hinc est quod Iohanne exultante, & antè suo occurrit auctori genitricis ex utero, quam procedat. Et humana pignora sic antè Deo militant, quam noscantur parentibus, quam vivant sæculo. Quid mirum, si Ecclesiæ divina germina, si Deus sua sobole in utero adhuc quod sit superni generminis jam fatetur: *Pater noster qui es in cœlis.* Stupor insurgit, Christus Dei Patris de pectore matrem vocat & fatetur in terra, & homo de matris utero Patrem vocat & confiterur in cœlis: *Pater noster qui es in cœlis.* Quod te homo repente provexit gratia, quod te rapuit cœlestis natura, ut in carne & in terra positus adhuc, & carnem jam

nescires & terram dicendo : *Pater noster qui es in cælis.* Qui ergo tanti Patris filium confitetur & credit , respondeat vita generi , moribus patri , & mente atque actu asserat quod cælestem consecutus est per naturam.

*Sanctificetur nomen tuum.* Cujus utique genus esse cœpimus , ejus utique censemur & nomine Et ideo petimus ut in nobis illius nominis sanctificatio perseveret , honor & prærogativa nominis , quod sublimavit sic tanti genitoris celsitudo.

*Adveniat regnum tuum.* Non illi petimus cui nunquam deest , nec defuit regnum , immo qui est ipse sibi regnum , totamque in se regni continet potestatem. Sed qui nos vult ad promissam regni sui gloriam pervenire , monet nos expetere omnibus hoc votis , in hoc vult nos totis mentibus inhiare. Quantum namque est temerarius , qui discutit de genere , ignarus est qui non audeat , æstuat , anhelat , cum promissum intendit & pertendit ad regnum.

*Fiat voluntas tua sicut in cælo & in terra.* Tunc jam totum est cælum : tunc autem Dei mens una omnibus , tunc in Christo omnes & in omnibus Christus , quando omnes solius Dei sapiunt & faciunt voluntates ; tunc omnes unum , immo unus omnes , quando Dei Spiritus in omnibus vivit unus.


*Panem nostrum quotidianum da nobis hodie* , sicut in Psal. 67. 22. *Psalmo : Benedictus Dominus die quotidie.* Ita hîc *panem nostrum quotidianum da nobis hodie.* Quotidianum jugem dicimus. Iugis panis ille est qui de cælo descendit : *Ego sum panis qui de cælo descendi.* Perfectæ ergo beatitudinis est ille panis. *Hodie* hoc est in præsentî illius panis jam cibo vivere , cujus perpetuitate , quod est quotidie , saginabimur in futurum.

*Et dimitte nobis debita nostra , sicut & nos dimittimus debitoribus nostris.* De supplicantis pectore veniæ fons emanat , & ad veniam refluet quicquid pietatis exuberat , & effundet in alterum , quando indulget sibi tantum , quantum alteri condonarit. *Dimitte nobis debita nostra , sicut*



*sicut & nos dimittimus debitoribus nostris.* Satis potest homo misericors, qui cum Deo de pietate configit, cum tantum sibi dari quantum dederit, quantum donaverit, tantum desiderat & donari. Homo semper in pectore tuo venia si vis crimina non timere.

*Et ne nos inducas in tentationem.* Hæc interpretatione non indigent, quia tentatio Diaboli prævia & amara ministra est. Quamdiu verò hoc fragili continetur in corpore, necessario precatur, ut in nos nec tentationi pateat aditus, ne Diabolo tribuatur accessus. *Sed libera nos à malo:* ipse autem Dominus noster Iesus Christus liberet nos à malo, & perducatur ad omne bonum, qui vivit & regnat Deus modò & semper, & per infinita sæcula sæculorum, Amen.



LIBER  
DE STUDIO THEOLOGICO  
NICOLAI DE CLAMENGIIS.

Ad IOHANNEM de Pedemontio Baccalarium in Theologia, eruditum ac discretum virum.

al. \* Diserte

**N**ON fuit animus, Vir Discrete\*, quando ad tuam ante aliquanta tempora charitatem, quæ me suis prioribus litteris ad calami invitaverat officium, rescripsi, te à Libri, quem Sententiarum dicunt, publica lectione graduûmve aspiratione detertere. Neque enim noveram ea de re aut tecum amicos aut te cum amicis egisse, téque eatenus jam proventum quod tibi feliciter cedat ignorabam: absit enim ut homines generosæ indolis, ingenio acutos, politos eloquio, spiritu ferventes, affectu sinceros, bonam de futuro in Ecclesia Dei profectu spem præferentes, qualē te fore prima specie ex tuis ipse conjicio scriptis à labore velim studii revocare. Scio in illo tyrocinio futuros Christi milites probari, exerceri, armis instrui. Ibi boni coloni agrum Dominicum colere discunt, inde semina accipiunt, quæ postea uberius spargant. Illic operarii vineæ Dominicæ putare, fodere, propagare docentur: illos tantummodò perfunctoriè ac transeunter, tunc meus sermo notâ aliquantulâ perstrinxit, qui titulos magis affectant quàm scientiam, florem quàm frugem; nomen vanum, quàm dogma sanum, non ipsos quidem gradus arguens, sed inanem ostentationem, sed otium, sed inertiam, sed pompam, sed ambitionem. Non enim in culpa est gradus, sed mens vitiosa quæ illo non rectè utitur: quemad.

modum nec in culpa est Episcopatus, si quis illum adeptus illo abutitur, quem *si quis*, ut ait Apostolus, *desiderat, bonum opus desiderat*. Vbi attende quòd Episcopatum non dignitatem, non auctoritatem, non primatum aut præsidentiam vocavit, sed opus bonum; ut sciat qui ad Episcopatum assumitur; non tam se ad præsidentiae dignitatem, quàm ad bene operandum vocari, de gradu Magisterii vel Doctoratûs eâdem licet ratione sentire.

Audimus Apostolum dicentem quosdam Dominum in Ecclesia dedisse Apostolos, quosdam Prophetas, alios Evangelistas, alios Pastores & Doctores. Quis audeat malum dicere quod Dominus in Ecclesia sua Apostolico testimonio instituit. Et vide quòd duo novissima signanter invicem conjunxit cùm superiora singula posuisset, ut intelligant qui Pastores sunt Doctores se esse debere; quoniam quidem & pascere nihil aliud est nisi vitâ, verbo, exemplo bene ad salutem docere. Non sunt ergo Pastores nisi qui Doctores, nec Doctores vicissim habendi, nisi iidem Pastores sint. Ad quid autem instituti sunt in Christi Ecclesia Pastores & Doctores nisi ad pascendum & docendum? Quis tam ignarus, ut nesciat verbalia ista, Pastor & Doctor nomina esse officiorum & actuum? Nec solum ut Pastor aliquis sit aut doctor verbi actus exigitur, sed ars simul usus & habitus. Neque enim continub textor est qui semel texuit, nec confestim pictor qui semel pinxit. Dicunt Grammatici, & propriè dicunt verbalia ista activis à verbis exorta actum significare in habitum conversum; quod, meâ quidem opinione, nihil aliud est, nisi quòd illi qui tales dicuntur, frequentia & assiduitate operandi habitum debent illius actionis quæ suo nomini congruit induisse, ut aptè, promptè, faciliter ubi & quotiens opus est illam exequi possint: quemadmodum in omni artificio facilè operatur, qui ex habitu operatur. Est itaque Pastor qui pascendi arte peritus, habitu exercitatus, usu assuetus, affectu voluntarius, facilè, paratè, congruè, delectabiliter pascit. Et ad eundem modum de Doctore & Oratore cæterisque similibus possumus dicere.

1. Tim. 3. 11

Ep'los. 4. 11.  
Qui verè Pastores in Ecclesia dici debent.

Quæ si vera sunt, qua impudentia Pastorum nomina sibi vendicant, qui nec prima quidem rudimenta pastoriæ artis audierunt, nec ullum unquam ejus actum exercere studuerunt, qui artem ipsam oderunt, vilémque & indignissimam judicant, qui loca pascuorum, quæ sunt aménissima vireta Scripturarum, nec visu habent, nec auditu comperta, qui denique salutaria gramina à noxiis ac venenatis discernere nesciunt. Quale ergo est quàm absurdum si textorem se dicat qui nunquam texuit, nunquam texere didicit, nunquam studuit, nunquam tentavit nec tētare proponit, qui nunquam ad textrinum sedit, nec staminis & subregminis distantiam novit? Quid magis à rerum natura alienū quàm de cœco speculatorem facere, de muto & elingui Doctorem, de lupo vel fure Pastorem? Quomodò illos Pastores possumus appellare, qui non oves quidem ipsas, sed de ovium succo ac sanguine seiplos lupino more lautè pascunt: qui nihil sua interesse putant, utrum oves fame vel macie, morbo vel peste pereant, dum vel pellem habeant; qui non feras ab ovili arcent, non lupos cornibus, sed gregem ventilant, & quasi pacto cum lupis inito hunc ipsum gregem lacerant, inde lupos pro arbitrio lacerare permittunt? Quis illos Pastores dixerit, qui nec saltem mercenariorum nomen merētur, cum nec pro temporali etiam mercede gregē pascant? Lupos nimirū vel fures non pastores dixerim, qui luporum vel furum non Pastorū opera sectantur. Quid agit lupo in ovili? Non nostra sed Salvatoris verba respondeant: *Lupus*, inquit, *rapit & dispergit oves*. Si luporum est dispergere, quid aliud quàm lupi erant de quibus Dominus per Ieremiam imprecando loquitur: *Vae Pastoribus qui dispergunt & dilacerant gregem pascuæ meæ*. Porro quæ sint furis opera idem quoque Salvator exprimere curavit, cum de eo ait: *Fur non venit nisi ut furetur & mactet, & perdat*. Quales erant quos per Ezechielem Dominus increpat: *Vae pastoribus Israël, qui pascebant semetipsos: lac comdebatis & lanis operiebamini, & quod crassum erat occidebatis*. Quales præterea singulos esse qui aliunde quàm per ostium, quod est Christus, ingrediuntur, teste rursus

Johan. 10. 12.

Jerem. 23. 1.

Johan. 10. 10.

Ezech. 34. 2.

Evangelio didicimus. Pauca ista non tam ex proposito, quàm ex oblata occasione de Pastoribus breviter dixerim, quæ uberiorem longè poscunt tractatum, & quæ mihi tamen in responsione ad tua postulata suffragari poterunt.

Quæris enim per me patefieri, quid tibi ad salutem congruentius existimem, ad gradumne tendere, an sine gradu agere; magisterium amplecti, an respuere. Legisti, ut credo, apud Terentium, quæ esse in homine bona dicuntur, parentes, patriam incolumem, amicos, genus, cognatos, divitias perinde esse, ut illius animus est qui ea possidet. Qui uti scit, ei bona; illi qui non utitur rectè, mala. Quæ sententia veritatis certitudine pulcherri-  
ma non solum illa complectitur, quæ ille exempli gratiâ enumeravit, sed juxta formam verborum suorum cuncta propemodum quæ in homine dicuntur esse bona. Inter bona autem hominis unum ex præcipuis & maximè commendabilibus, est salubriter docere, quoniam ad Christi imitationem illa potissimum re acceditur, cujus tota vita in docendo acta est. Modò namque discipulos docuit, modò turbas, modò Phariseos interdum in Synagoga, aliquando in templo, nunc in terra, nunc in mari, nunc in monte, nunc in planitie sæpè plurimos; nonnunquam singulos plerumque verbis, semper autem factis laudabiliùmque operum exemplis. Quis ergo illud non fateatur esse optimum quod Christus omnis boni forma in mortali carne vivens incessabiliter operari curavit? Quid autem est Doctorem esse, nisi arte, usu, exercitio, salutis æternæ affectu alios docere? Non cappa quippe Doctorem facit, non birreti magistralis impositio, non cathedra sublimior aut locus superior. Signa ista extrinsecus adhibita, quòd\* quis vita, moribus, fidei in-  
f. \* quibus  
regritate, copiâ eruditionis alios docere idoneus sit demonstrant; sed nemo verè Doctor censendus est (sicut  
Quis Doctor  
censendus  
est.  
licet ex superioribus agnoscere) nisi ad artem docendi actus pariter & habitus accesserint.

Quare si quæris utrum te Doctorem esse expediat, facile & incunctanter respondeo omnino expedire, nec

Quo animo  
quis Doctor  
effici debeat.

ullum posse tibi statum perfectiorem inter mortales contingere. Si verò quæris utrum ad apicem vel gradum magisterii signis illis exterioribus designari soliti te provehi tibi conducatur, non me super ea re debes interrogare, sed te ipsum. Id enim est ex bonis mediis quibus & bene uti licet & abuti, quæ unicuique juxta Comicum talia sunt qualis est animus. Tuum itaque super hoc consule animum, tuam mentem, tuum propositum tecum ipse diligentius investiga. Quibus ex causis ad hoc impellaris, quibus moribus attraharis, latebras ac penetralia tui cordis evolvendo tecum spectata ac considera. In qua tua consideratione si affectum ad mundanam pompam & vanos sæculi honores, ad ambitionem prætereà amplificandæ rei familiaris tibi vehementiores ad hoc stimulosingere senseris, tu tibi potes testis esse, quia non tam docere quæris, quàm ditari & honorari in sæculo: sicque non tam spiritualem tuæ & aliorum salutis, quàm temporalis abundantia aut excellentia tibi finem præstituis. Si verò ratio vel exuta tali affectu, vel quia illum prorsus exuere perdifficile est, non illo magnopere vel principaliter adducta se illo potissimum gradu ad propriam & proximorum salutem persollicitæ prædicationis officium uti velle responderit, eaque de causa ad id conari atque aspirare: quis hanc sanctam & cælitus immissam voluntatem non jure debeat laudibus attollere?

Et quia tu sacræ Theologiæ studium sæcularibus & quæstuosis omiſſis professionibus, ad quas hodierna tempestate omnes penè convolant, cœlesti, ut credo, ductu expetendum duxisti, satis, ni fallor, intelligis quàm turpe, quàmque indignum sit hanc spiritualem & sacro-sanctam sapientiam non humanitus inventam, sed ad Dei cognitionem æternamque beatitudinem capeſſendam divinitus ordinatam ac revelatam, ad quæstum vel ad vanitatem convertere, & non aliter quàm de manuali aliquo artificio inde lucrum quærere, opes cumulare, insatiabilique cupiditatis æstu temporalia aucupari. Magna sanè spiritualis intentionis sinceritate debet hujus nobilissimæ scientiæ studium suscipi, quæ tantò cæteris præstat scien-

tiis, quantò Creator creaturis, cælum terris, æterna & incommutabilia caducis ac mutabilibus. Non ad illam debent cupidi accedere aut ambitiosi, ut illam suarum ambitionũ ministram faciant; sed potiùs ut per illam edoc̃i mundum & omnia quæ in eo sunt contemnere discant, æternæque felicitatis desiderium amplecti. Ex ceteris licet scientiis, quæ circa terrena versantur, quantum equitas & recta conscientia permittunt, terrena emolumenta adipisci; ex ista autem talia captare, tam absurdum est, tam vile ac fœdum, quàm Deum propter stercora diligere: sic enim temporalia commoda appellat Apostolus. Nec debet hujus salutiferæ doctrinæ professor timere, ne dum ad patriam se ac cæteros per illam dirigit, terrena sibi subsidia in via deficiant: *Primum*, inquit, *quærite regnum Dei & justitiam ejus, & hæc omnia adjicientur vobis.* Non temporalia quæri mandat viatica, sed de esca & tegumento, cæterisque vitæ mortali necessariis sollicitudinem adimit, in Dominicique agri cultura diligenter laborantibus hæc ultrò adjicienda promittit. Ergo ne ille qui super injustos & peccatores, & suis contumaciter mandatis obistentes tantam bonorum copiam sæpè pluit, super justos & obedientes nubes suspendet, operariosque vineæ suæ pondus diei & æstus sufferentes nullo imbre gratiæ suæ irrigabit? Audi verba Psalmi: *Ecce oculi Domini super metuentes eum, & in eis qui sperant super misericordia ejus: ut eruat à morte animas eorum, & alat eos in fame.* Quare sint de vitæ necessariis solliciti, super quos indeclinato aspectu ne fame pereant Deus assiduè respicit? Tantùm firmam in ipsum fidem habeamus, spemque inconcussam in eo figamus, & superflua non desideremus, & tunc certi esse poterimus, quòd nobis necessaria non deerunt.

Quàm perfecti & sancti esse debent Doctores,

Mat. 6. 33.  
Luc. 12. 31.

Psal. 32. 12.

Sed nos sub prætextu necessariorum sinum nostræ cupiditatis ad ambienda superflua nimium laxamus, quibus inflati & suffarcinati nec jam ad Deum ipsi contendimus, nec alios trahere curamus; verùm desidioso potiùs otio corrupti recedimus: levem siquidem & valde expeditum illum esse oportet qui ad Deum properat, quoniam &

# 144 Nicolai de Clamengijs

*Matt. 7. 14.* arcta est via quæ ducit ad vitam, & porta angusta qua ad eam intratur. Quis autem ingentibus sarcinis onustus aut per arctam viam transire, aut per angustam potest portam nisi onera deposuerit intrare? Hinc est quod præconibus verbi cælestis in prædicationem missis Salvator præcipit, ut nihil in via secum ferant.

*Matth. 10. 10. Marc. 6. 8. Luca 9. 3. & 10. 4.*

Sciebat quippe vitæ necessaria illis nequaquam defutura, sed ab his quos erudirent, quosque ad fidem adduerent statim præbenda; unde & propter expeditum levemque discursum nubes illos Propheta vocat: *Qui sunt isti qui ut nubes volant?* Si autem apud Ethnicos & infideles prædicaturi de alimentorum penuria non timere jubentur, quo pacto fidelis Prædicator fidelibus prædicaturus debet de necessariorum ministracione diffidere? Quæ res majorem homini gratiam, majorem amorem apud populum conciliat, quam bonâ vita, bona doctrina, & zelus fervens salutis animarum? quæ si in aliquo esse cernantur, ita colitur & diligitur ut felicem se is existimet de cujus ille dignatur bonis accipere. Invitatur ille, undique trahitur, undique urgetur, undique fortunata indicatur domus quæ talem meretur hospitem excipere, nunquid tali magnum imminet periculum ne fame laboret?

*Qui recta docet & malè vivit magnū sibi & Ecclesiæ adfert detrimentum.*

*Matth. 1. 1.*

Ad Theologum igitur sive Prædicatorem ( hæc enim pro eodem habeo ) in primis pertinet bene secundum Deum vivere, in mandatorumque ejus observacione; morumque compositione formam ceteris ac speculum se præbere, ut ad Christi imitationem, qui, ut legimus, *cæpit facere & docere*, non à doctrina sed ab opere incipiat, quæque alios agere monet, prior ipse agat, ne dum recta docet, & perversa facit, operum exempla, quæ plus verbis excitant, vim suæ prædicationis evacuent. Si quis claudicans formam doceat rectè ambulandi, nonne risum omnibus movet potius quàm attentionem? Quis fornicatorem aut adulterum de castitare prædicantem non contemnat. Quis sui tenacem, alieni rapacem, si ad dandas liberaliter eleemosynas exhortetur non rideat? Nequit animis audientium contemptum vanitatis homovanus & pompaticus ingerere. Si ad pacem contentiosus



ac discordiosus admonet, ad mansuetudinem iracundus, ignavus ad strenuitatem, nonne quisque eorum merito audiat, *Medice cura teipsum?* Non magnam potest efficaciam persuasionis illa oratio habere, quam ipse etiam auctor rebus impugnat. Posset aliquis auditorum audacior frontem talis Prædicatoris magno his verbis rubore perfundere: te qui nobis in via morum & laudabiliter agendæ vitæ ducem profiteris, in ipsa quam doces & nosti via præcedere oportuerat, nos sequi qui nescimus, quid tanta nobis de pudicitia præceptor impudicus verba facis? Si ea ad paradysum via est quam prædicas, cur illam non tenes, sed per contrariam incedis? Non boni ductoris est ad Orientem quos ducendos suscepit mittere, & ipsum ad Occidentem proficisci, pedes Ducis non linguam attingere convenit, gressus non verba sequi. Quid nobis prodest ductorem habere egregiè de recta via disputantem, & suo erroneo ducatu non nos ad patriam, sed ad hostilia potius regna ducentem? Quis ejus verbis credat quem re videt fallere? Quis fidem de via illi habeat quem videt errare? Aut igitur per viam ambula quam monstras si bonam nosti, aut nos circumvenire desine si ut malam abhorres.

Vide quid ad hæc ille confusus posset respondere. Ergo reprehensorem vitiorum maxime à vitiis decet alienum esse, ne Apostolicam illam sustineat exprobrationem: *Qui ergo alium doces, teipsum non doces. Qui prædicas non furandum, furaris. Qui dicis non mæchandum, mæcharis.* Quid turpius quam contra semetipsum testimonium de aliquo gravi crimine in publico dicere. Qui autem id committit quod palam arguit, quid aliud quam publicum contra se perhibet testimonium? Quantò meliora dixerit, tantò gravior sui ipsius accusator erit. Sicut maximum pondus habet illa doctrina, quam virtus & vita confirmant; ita illa quæ horum caret commendatione perdit fidem, perdit pretium, perdit pondus & auctoritatem: levis quippe solet & parvi momenti haberi oratio, quæ non ex loquentis animo procedere creditur. Quis autem illam credat ex animo venire, cui

apertè videt opera repugnare ? Signa sunt animorum  
 verba, signa sunt & opera, sed ista illis longè certiora mi-  
 nusque fallacia. Propterea Christus ad Phariseos verba  
 sua calumniantes : *Opera quæ ego facio ipsa testimonium*  
*perhibent de me.* Et iterum : *Si verbis non creditis, saltem*  
*operibus credite.* Vtinam omnes prædicatores suum pos-  
 sent hoc Christi argumento confirmare sermonem ; sed  
 infinitos hodie videmus quibus illud aptari potest : *Vox*  
*quidem vox Iacob est, sed manus manus sunt Esau.* Illud quo-  
 que Evangelicum de Phariseis : *Omnia quaecumque di-*  
*xerint vobis servate & facite. Secundum verò opera illorum*  
*nolite facere. Dicunt enim & non faciunt.* Plenus est  
 mundus Sacerdotibus , plenus est Doctoribus & Præ-  
 dicatoribus , & quare tantam abundantiam iniquita-  
 tis ubique cernimus , nisi quia inanis est prædicatio,  
 quam charitas quæ nescit esse otiosa non adjuvat ? Quo-  
 modò corda accendet qui sine igne est ? Quomodò sur-  
 sum ducet qui in imis jacet ? Quo pacto vocem virtutis  
 habebit qui sine spiritu & virtute est ? Virtutem voci  
 Prædicatoris Spiritus sanctus tribuit, cor ejus zelo cari-  
 tatis inflammans. Illa est quæ corda penetrat & transfi-  
 git, intimisque facit hæere verba præcordiis, sine qua  
 etiam si linguis hominum loquatur quis & Angelorum  
 factus est velut æs sonans aut cymbalum tinniens.

Quibus stu-  
 dere debeant  
 Doctor ac  
 Prædicator.  
*Psal. 67. 10.*

*Id. 35.*

Quæris forsan testimonium ? Audi abundè ex verbis  
 Psalmi qui de Spiritu sancto canitur : *Pluviam volunta-*  
*riam segregabit Deus hereditati suæ, & infirmata est ;*  
*tu verò perfecisti eam.* Quid sunt nubes nisi prædicatores,  
 de quibus in eodem Psalmo : *Magnificentia ejus & virtus*  
*ejus in nubibus ?* Quid pluvia voluntaria quam segregat  
 Deus hereditati suæ , nisi sancta & sibi placita spiritua-  
 lium prædicatio quam per eos populo suo ministrat ?  
 Quid enim quod ait ; *Infirmata est & tu perfecisti eam,*  
 nisi quod hominum prædicatio ad fructum spiritualem  
 ex seipsis invalida & infirma , sed aspiratione Spiritus  
 sancti perficitur & foecundatur ? Plantet Paulus , rigeat  
 Apollo , spargat sator , pluant nubes, *neque qui plantat*  
*est aliquid, neque qui rigat : sed qui incrementum dat Deus.*  
 Quod apertè ejusdem Psalmi sequentia manifestant : uno

*1. Cor. 3. 7.*

enim interjecto versiculo apertius subditur: *Dominus dabit verbum Evangelizantibus virtute multa.* Et in fine Psalmi: *Ecce dabit voci suæ vocem virtutis.* Dat Spiritus voci suæ vocem virtutis, quia illi voci aspirat, & virtutem quæ ex charitate procedit, non ex pulvere cupiditatis vel vento inanis gloriæ, illamque suam non loquentis vocem deputat, quam charitas emittit, non terrenæ ambitionis alicujus occasio elicit, juxta verbum Christi. *Non enim vos estis qui loquimini, sed Spiritus Patris uestri qui loquitur in vobis.*

*Psal. 67. 12.*

*Mat. 10. 20.*

*Psal. 38. 4.*

*Psal. 93. 19.*

*Isaia 6. 7.*

*Ibid. 1.*

*Ierem. 1. 2.*

Summopere igitur studeat Prædicator quando ad verbū Dei dispensandū accedit, ut in charitate & gratia sit, quatinus ex radice charitatis sua surgat prædicatio; & non tam ipse quàm Spiritus sanctus suo ore loquatur, suam verbis ejus flammatis virtutem largiter influens ad transfigenda velut igneis quibusdam sagittis corda audientium, ut possit quilibet auditorum illis sagittis ardentibus ad cordis intima percussus dicere: *Concaluit cor meum intra me, & in meditatione mea exardescit ignis.* Illæ enim sagittæ potentis acutæ sunt, & valido nimium feriunt ictu quæ sunt cum carbonibus desolatoriis, id est, quæ ex igne & cum igne veniunt charitatis, desolationem in peccatore consolabiliter agente juxta vocem Psalmi: *Secundum multitudinem dolorum meorum in corde meo consolationes tuæ letificaverunt animam meam.* Nec tantā debet vigilantia verbi seminator ad cultum aut ad formam sermonis curiosumve artificium attendere, quàm ut sana & incorrupta sit radix illa. Quem enim possunt radice viciata rami fructum producere? Non antè Isaïas ad prædicandum se ingessit, quàm Seraphin, qui interpretatur incendium, calculo de altari sublato os ejus & labia tetigit ac mundavit. Supra quippe causam taciturnitatis ostendens dixerat: *Væ mihi quia tacui, quia vir pollutus labiis ego sum.* Ieremias ex matris utero sanctificatus ad increpanda populi vitia directus, trepidus atque cunctabundus se excusat, & antequam onus aggrediatur hæc verba præmittit: *Et misit Dominus manam suam & tetigit os meum, & dixit ad me: Ecce dedi verba mea in ore tuo.*

Quid est autem os Prædicatoris à Domino tangi nisi cor mundari, rubiginemque ab eo non sinceræ intentionis igne charitatis excoqui & abstergi? Os nempe in Scripturis sacris sæpe non pro organo exteriori, sed pro corde ponitur, sicut etiam verbum frequenter non pro linguæ sermone, sed pro mentis accipitur conceptu. Inde est illud de Psalmo: *Os iusti meditabitur sapientiam*. Constat autem non vocalis organi sed cordis esse meditari. Cor autem est quod in homine purificari opus habet, quia illud est quod verè polluitur & hominem polluit. *De corde siquidem*, ut ait Salvator, *exeunt cogitationes malæ, & cuncta quæ coinquant hominem, quo mundo omnia munda sunt, & quo polluto nihil est mundum, quantumcumque foris nitidum aut cultum appareat*. Denique ad Isaiam missus ait Seraphin: *Ecce tetigit hoc labia tua, & auferetur iniquitas tua, & peccatum tuum mundabitur*. Certum est autem non labiorum tactu sed cordis peccata mundari.

Concionato-  
rem sæpius  
meditari in  
lege Dei  
oportet.

Vt autem charitas Dei copiosius in corde Doctoris per Spiritum sanctum diffundatur, & per ejus vocem, quæ verbi ejus & charitatis velut quoddam vehiculum est, in cordibus etiam figatur auditoris, necesse est ut in lege Dei vigilanter & assidue meditetur. Illa etenim lex sancta & spiritalis & immaculata convertens animas, si attenta investigatione ac meditatione ruminetur munda animalia facit, & digna Domino offerri, spirituales quoque in omnibus maximè parit affectus, ut pote à Spiritu sancto instituta. Hos autem inducendo carnales educit, mundanos expellit, vagos & curiosos exturbat. Gaudet admodum Spiritus sanctus dum ex ore Prædicatoris sua audit verba sonare, illis adest, illa dirigit, illa sequitur & comitatur, & in cordibus impressa audientium fructificare facit. Aliena verò non ita fovet & complectitur, nec spiritalis incrementi tantam illis largitur virtutem, quare illa facilius tollit atque eradicat inunicus. *Omnis plantatio quam non plantavit Pater meus celestis eradicabitur*. Quæ autè doctrina ita est Patris plantatio, sicut scriptura quam Pater sanctificavit & misit in mundum? Audimus in

parabola seminantis semen quod secus viam cecidit conculcatum esse à viatoribus, à volucrisque cæli comestum, quod interpretans Christus ita dicit: *Qui secus viam hi sunt qui audiunt, deinde venit Diabolus & tollit verbum de ore eorum, ne credentes salvi fiant.* Totum itaque Theologi viri studium Canonis sacri debet invigilare lectioni, & in illius intelligentia non de viribus ingenii quantumlibet acutus fuerit præsumere, sed ut profunda ejus mysteria possit agnoscere ex illustratione Spiritus sibi tribui oportere persuasum habeat, qui testimonio Apostoli, *Omnia scrutatur, etiam profunda Dei.* Vnde & post verba ista protinus adjungit idem Apostolus: *Quis enim scit hominum quæ sunt hominis, nisi Spiritus hominis qui in ipso est; ita & quæ Dei sunt nemo cognovit nisi Spiritus Dei?* Si autem nemo cognovit nisi Spiritus Dei, quis alius potest nota facere nisi ille, vel cui ille revelaverit? Proinde legat diligenter Theologus sanctorum Patrum libros ac commentarios qui Spiritu sancto illustrante edocti conscripserunt, cælestiaque illarum sacramenta literarum enodaverunt. Illi fuerunt viri verè spirituales, spiritu humiles, virtute sublimes, sensu fecundi, affectu fervidi, sermone clari, fructu copiosi. Illi sunt velut rivuli quidam ex fonte sacrorum eloquiorum decurrentes, & sicut rivus ad fontis notitiam atque conspectum retrorsum ascendendo perducit, ita aqua, id est, doctrinâ horum rivulorum homines potati paulatim mundanorum contemptu ascensiones in corde suo disponunt, & ad haustum cælestis sapientiæ, cujus fons in excelsis manat, per Scripturarum intelligentiam perveniunt; de quo fonte legimus dictum: *Fons sapientiæ verbum Dei in excelsis.*

Sacra Scripturæ intelligentiam non ex ingenij subtilitate, sed à Spiritu sancto assidue exposcat.  
1. Cor. 2. 10.

Ibid. 11.

Legat SS. Patrum libros,

Ecli. 1. 5.

1. Tim. 6. 4.

Quocirca miror Theologos nostri temporis paginas divinatorum Testamentorum ita negligenter legere, & nescio quarum satis steriliū subtilitatum indagine sua ingenia conterere, utque verbis utar Apostolicis, *Languere circa quæstiones & pugnas verborum*, quod Sophistarum est non Theologorum. Quid est autem languere circa quæstiones ac pugnas verborum; & quid sibi volunt illa verba Apostolica? Illos procul dubio reprehendere vo-

lunt, qui omiffa fertili & fructuofa arbore facrarum Scripturarum in fylvaticis & fterilibus pabulum doctrinæ requirunt, inter quas languere dicuntur, id eft, fame & jejunio, nullo ibi reperto fructu, tabefcere, & fi quem fortè in illis fructum invenire contingat, fimilis eft pomis Sodomorum, quæ exteriori quidem fpecie pulchra & decora videntur, ubi verò ea manu carpes in pulverem ac fumum folvuntur. Pulchra namque primo confpectu videntur fophifmata, ingeniofa, acuta, fubtilia, fed fi verborum foluta intricatione fructum ibi requiras velut fumus evanefcunt, quia intus inania fuerunt. Propterea

*Eccle. 37. 23.* scriptum eft: *Qui fophifticè loquitur odibilis eft; omni enim fapientia defraudatus eft.* Non tam fubtilia vult nos Deus, quàm utilia & difcere fimul & docere, qui per Ifaïam dicit: *Ego fum Deus tuus docens te utilia.* Et iterum per eundem: *Confundantur peffentes & texentes fubtilia, & erunt irrigua ejus flaccientia. Omnes qui faciebant lacunas ad capiendos pifces.* Solebant antiqui Patres & Theologi, quorum per Ecclefiam funt approbata fcripta, nihil dicere vel aftruere, nifi quod Scripturarû testimonio poffet confirmari. Vnde & Hieronymus ait: *Quod de Scripturis facris non habet auctoritatem, eadem facilitate contemnitur qua probatur.* Rectiffimè planè illi quidem, quoniam in his quæ divina funt nihil debemus temerè definire, nifi ex cæleftibus poffit oraculis approbari: quæ divinitus enunciata de his quæ fcitu de Deo funt neceffaria, aut ad falutem oportuna, fi diligenter investigarentur nos fufficienter inftituunt.

*Iohan. 15. 15.* *Omnia*, inquit Chriftus ad difcipulos, *quæ audivi à Patre meo nota feci vobis:* fubaudi ad falutem veftram & illorum quos docturi eftis expedientia, aut de mea cum eodem Patre fempiterna divinitate per vos fciri neceffaria. Neque enim omnia divinitatis arcana, quæ à Patre & cum Patre æternaliter cognoscebat nota illis fecerat, cùm de tempore adventus fui & die Iudicij, quod utique compertum habebat, vehementer rogatus indicare recufaverat, fciens non ad falutem conferre id aperiri.

Error Theologorum  
Scholasticæ

Nunc autem plerofque videmus fcholaflicos facrarum

inconcussa testimonia literarum tam tenuis æstimare momenti, ut ratiocinationem ab auctoritate ductam velut inertem & minimè acutam sibilo ac subsannatione irrideant, quasi sint majoris ponderis quæ phantasia humana imaginationis adinvenit, quàm quæ divinitas cælitus aperuit, cùm, teste Apostolo, *Omnis Scriptura divinitus inspirata utilis sit ad docendum, ad arguendum, ad corripiendum & erudiendum in iustitia: Ut perfectus sit homo Dei ad omne opus bonum instructus, ad quæ illa sunt parum utilia in quibus hodie plurimi exercentur, quæ licet intellectum utcumque acuant, nullo tamen igne succendunt affectum, nullo motu excitant, nullo alimento pacunt, sed frigidum, torpentem, aridum relinquunt. Inde est quod ad prædicandum tardiadeò & ignavi sunt, quia scientiam ad hoc utilem minimè didicerunt, supervacuisque occupati utilia & necessaria omiserunt. Illa est vera scientia quæ Theologum decet, quàmque omnis debet Theologus expetere, quæ non modò intellectum instruat, sed intundat simul atque imbuat affectum. Per hanc & sibi homo proficit, & aliis per hanc placere Deo in primis studet, & illud opere exequi: *Miserere animæ tuæ placens Deo: Et cùm Deo placere animam suam bene vivendo docuerit, ceteros certat ex charitate ad illum bene prædicando attrahere, juxta illud viri sapientis: Si sapiens fueris, tibi & aliis eris, si verò stultus\* solus portabis malum.* Ad quod pertinet illud Iohannis in Apocalypsi: *Qui audit, dicat veni: hoc est qui cœlestibus obedi- dire didicit præceptis, proximum ad viam Domini vocando secum venire hortatur. Paulus quoque ad Timothæum loquens hunc ordinem servandum præscribit: Attende, inquit, tibi, & doctrinæ, insta in illis.**

Isti sunt fines quorum gratiâ omnis debet Theologus studere, & ad quos suum totum conferre studium. In his assiduè versari, jugiter exerceri: quoniam in his tota legis pendet perfectio, totaque summa Scripturarum, imò vitæ humanæ ad hæc referenda est. *Plenitudo namque legis, sicut Apostolica nos docet auctoritas, est dilectio. Quomodò autem diligit Deum, qui fratris salutem negligit?*

1. Tim. 3. 16.

Ecclesi. 30. 24.

Prov. 9. 12.

a. \* illusor

Apoc. 22. 17.

1. Tim. 16.

Rom. 13. 10.

I. Ioh. 3. 10.

*Qui non diligit fratrem suum quem videt, Deum quem non videt quomodo potest diligere?* Verba sunt beati Iohannis in epistola. Quomodo autem fratrem diligit, qui illius pro viribus saluti subvenire negligit, maxime si artem docendi habet, locum & officium tenet. Neque enim illa censenda est vera dilectio nobis illo præcepto divino indicta, si hominem ad temporales divitias, aut mundanos honores, aut sæculi auctoritatem diligamus, cum nosmetipsos magis ad salutem quam ad talia debeamus diligere, qui proximum tanquam nos ipsos diligere iubemur. Quid aliud est scientia, quæ omni pio exuta affectu solam intelligentiam instruit, nisi fomentum vanæ gloriæ, & lampas sine oleo, quæ à regni cælorum ingressu fatuæ virgines laudibus hominū delectatæ excluduntur? Illa Luciferum luce cognitionis adeò sublimiter insignitum in illā insanissimam extulit superbiam, quæ à summis cælorum ad ima inferorum præcipitatus est. Illam signavit Apostolus quando dixit: *Scientia inflat*. A quo hydropico tumore sanari non potest nisi per charitatem, de qua subdit: *Charitas verò ædificat*. Ista est oleum quod lampadem cognitionis extinguere non sinit, quodque omnes sapientes virgines, id est, omnes doctæ animæ veræque & cælesti sapientia institutæ secum in vasis suis semper portare debent; quo lampas, seu lucerna doctrinæ vacuata quando ante conspectum Sponsi interno conscientie splendore nimis lucere potest, tantò magis exterius ante homines, quibusdam quasi crebris scintillis cum atra quadam fumi caligine foras emicantibus, lucere videri affectat; sed lux illa solido pabulo quo alatur & conservetur destituta facile cum fumo ipso evanescit.

I. Cor. 8. 1.

Ibidem.

Quis scopus  
illius qui  
Theologiæ  
studium im-  
pendit.

Summa igitur illius qui theologicum recta intentione amplectitur studium ea sit, ut formam se virtutis ad imitandum ceteris præbeat: nisi enim amicus Dei sit, sua sibi secreta non manifestabit; nisi foris luce virtutis effulgeat, alios opportunè ad virtutem edificare non poterit. Ut præterea ad intelligentiam Scripturarum totis virium conatibus elaboraret, assidua lectione, sedula meditatione, frequenti oratione, quæ illam maxime impetrat intelligen-

tiam,



tiam, ut ad illas totum suum conferat studium, & quæcumque extra illas viderit aut legerit, illarum gratia videat; ut doctrinas supervacuas, plûsque curiositatis quàm utilitatis habentes effugiat, quæ contemptum & fastidium sacrarum litterarum in animis pariunt, curamque vanæ ostentationis, & consequenter ambitionis solent immittere: ut diligenter, libenter, frequenter prædicet, quæque de celesti sapientia sibi fuerint communicata aliis etiam impertiendo communicet, quo ad majora & ampliora capeffenda magis idoneus sit; ut virtutes doceat, vitia dedoceat, à malis suppliciorum comminatione deterreat, ad bona spe mercedis ac præmiorum alliciat: nunc arguat, increpet, objurget, & quasi duro verbi gladio asperè vulneret, nunc erigat & consoletur, fomentisque suavioribus saucios animos recreet; ut non tam subtilia quàm utilia dicat (quem enim fructum afferre poterunt quæ capacitatem audientium non intellecta transgrediuntur? ut non palpet, non assentetur, non placere sed prodesse contendat. *Si hominibus placerem,* Galat. 1. 10. inquit Apostolus, *Christi servus non essem.* Sic quippe *laxatur peccator in desiderii animæ suæ,* Psal. 10. *et in majoris erroris præcipitium inducitur.* Vnde cum in persona quorundam dixisset Isaias, *Dicite nobis placentia,* protinus addidit: *Videte nobis errores.* 1/ai. 30. 10. al. \* loquimini.

Non ergo Theologico det eo fine operam studio ut Theologiam sciat, hoc enim quædam curiositas est; non ut vulgi favorem aut plausum populi sibi per hoc acquirat, quia ventus inanis est; non ut famâ celeberrimus & clarus habeatur, quia cassa & sterilis gloriatio est; non ut opes & divitias per eam assequatur, quia cupiditas est; non ut ad honores & dignitates perinde promoveatur, quia ambitio est; non ut Rabbi vocetur, ceteris præcellat, primus honoretur, quia superbia est; non ut in quiete & otio studii speculetur, quia torpor & remissio quædam animi est, de qua servus piger reprehenditur, quòd pecuniam Domini sui in sudario repositam apud se servaverit, nec de illa negotiando lucrum fecerit, sed ea mente ac proposito Theologiæ agrediatur studium, ut de talento doctrinæ

1. Tim. 1. 5.

sibi divinitus commissio, fideliter Deo serviendo, secum ad salutem æternam quoscumque poterit perducatur ac lucrificat. Hoc enim vera charitas est, quæ ut definit Apostolus, *Finis est præcepti, de corde puro, & conscientia bona, & fide non ficta*. Illi namque superiores fines temporales sunt vani & vitiosi. Cælestem autem sapientiam tales sibi fines constituere, taliumque fieri instrumentum valde absurdum est atque iniquissimum, quæ toto pene suo decursu vana suadet & vitiosa, tantâ instantiâ contemni, ad supernæque felicitatis gaudia immarcescibilia suspirare.

Pravorum  
Doctorum  
vitia descri-  
buntur.

Quam ob causam summopere caveat Theologus ( qui quanto gradu & doctrina meritisque sublimior est, tanto majori debet humilitate ceteris præstare ) ne gradum magisterii cæcæ faciat ambitionis occasionem, quales licet hodie per multos cernere, qui ad alta titulorum nomina festinant, non ut doceant, sed ut habeant & amplius habeant; qui postea quàm magisterium assecuti fuerint, ejusque adeptione non suum modò patrimonium consumpserunt, sed amicorum quoque loculos sumptuoso conviviorum apparatu exhausserunt, maximòque obstrinxerint ære alieno, totam reliquam vitam in angustiis degunt. Magistralem cupiunt magnificentiam in cultu, victu, vestitu ne aliis inferiores sint ostentare. Crescit cum statu & gradu impensa, domi egestas est atque inopia, urgentur à creditoribus, non est unde ulterius argentum tantis jam debitis onerati mutuuntur. Vide quantis inter hæc curis, quantis ærumnis ac miseriis afficiuntur. Vide quantum sibi cumulum sollicitudinum, quantum aggerem ambitionum struxerunt. Coguntur mendicare, coguntur servire, coguntur potentiorum limina frequentare, illorumque quomodolibet gratiam captare. Blandiuntur Prælati & Pontificibus, ad Ecclesiasticas promotiones mira importunitate, mira atque inexplicabili aviditate ardescunt, & nihil est quod non pro illis extorquendis agant; quas postquam tandem obtinuerint quomodò his utantur mea meritò debet oratio ubi res loquitur silere. Talibusne, quæso, utilius fuerat titulum

nunquam ambiisse magisterii, quàm ex illa ambitione in tot tantâsque alias ambitiones, tantos angores & cruciatus incidisse, à quibus vix & rarò illi evadunt, qui non pura & sincera mente ad gradus accedunt, & qui ex gradibus præsertim theologicis temporalem sibi pro fine quæstum non fructum spirituales constituunt? Vna enim inordinata affectio alias innumerabiles parit, quibus nunquam satisfieri possit. Inde est illa inexplebilis sitis beneficiorum, qua hodie ita incredibiliter homines æstuant. Ad honores quippe & opulentiam & magnificos status omnes propemodum aspirant, eoque velut ad signum sagittæ suas curas, sua studia, suos conatus & opera dirigunt. Quid autem ita insatiabile sicut ignis cupiditatis, in quem quò plura congesseris, eò semper vehementius accenditur.

Cùm itaque finis theologici studii secundum præmissa sit sciatque alios ad vitam æternam convenienter instruere, videamus quid præstabilius salubriusque existimandum sit, utrumne zelo salutis animarum, officium sedulæ prædicationis apud populum exercere, an jugiter in loco studii post gradum magisterii adeptum legendo disputandoque, & scholasticos instruendo residere. In qua quidem questione, sicuti in tuis scriptis commemorasti, Doctor quidam, quem vulgato nomine schola Solemnem nuncupat, asserit perfectius esse & salubrius hominem bonæ spei in studio remanere, quàm se ad prædicationis officium ingerendo salutem animarum procurare. Quibus autem ex causis ad ita sentiendum inducatur, nec in tuis ipse expressisti scriptis, nec me aliàs aut legisse aut audisse memini, ut suis possim rationibus ad secum opinandum trahi. Pace autem tanti Doctoris mihi prima facie videtur contraria probabilior opinio. Nam primum quæro cujus rei gratia in studio residere optimum contendat; Si ut legat quis & disputet & Theologiam doceat, quæro rursus quare hæc facere optimum judicet; & meâ quidem sententiâ nullam potest verisimilem assignare causam, nisi quia Theologiam alios docendo illos homo erudit, quorum possit eruditio ad salutem & vitam æter-

An præstabilius sit in Scholis docere, quàm salutem animarum concionibus procurare,

nam alios erudire. Cùm ergo finis gratia cujus cetera aguntur in uno quoque genere rationem optimi perfectissimique sortiatur; si bonum est Theologiam propter salutem animarum alios docere, nōne melius est salutem ipsam prædicando & ædificando procurare, quàm illos instruere qui hæc facere valeant, & forsitan nunquam faciant. Sicut enim fini congruit esse optimum, ita quantò aliquid eorum per quæ finis habetur finem ipsum magis è proximo immediatòque attingit, tantò melius censendum est. Id quoque irrefragabiliter melius esse necesse est, cujus causa aliud bonum existit. Constat præterea ubi simili æqualitate cetera constant, bonum certum incerto jure præferendum atque fortuito.

Porro quid attinet me gloriari, mihi que laudem vindicare de alienis laboribus ac meritis, meque de summa perfectione extollere, quòd illos ego auditores discipulosque habuerim, qui alios noverint & possint ad salutis æternæ iter me quæta otia agente adducere? Coronam in stadio non meretur qui agonistam in arte certandi instruxit, sed qui superatis aliis in certamine victor evasit.

2. Tim. 2. 5. *Non coronabitur, inquit Paulus, nisi qui legitime certaverit.* Non palmæ gloriam reportat qui pugillatorem armavit; sed qui hostem in arena prostravit. Si peritus aliquis medicus ac fidelis sua me diligenti operâ ex acerba aliqua ægritudine liberaverit, cui mercedem reddere debeo, aut grates agere, illi ne suo præceptorum qui Hippocratis eum docuit aphorismos, aut Avicennæ antidota, an illi qui meo corpori opem, curam, medicamenta adhibuit? Quid quòd plerumque in studiis non tam spiritualis animarum scientia discitur, quàm superba & curiosa plena ostentationis, quæ illam humilem doctrinam quæ sauciatis medetur animabus, quàmque Deus, scientiarum Dominus parvulis suis largitur non alta sapientibus, alta & rugosa fronte dedignatur. Denique de quo licet homine spem ampliorem ac meliorem concipere, quàm de illo qui fervore accensus charitatis alios per exemplarem vitam, sollicitæque prædicationis instantiam ad Deum attrahere satagit? Nonne anteponenda

est charitas scientiæ, cùm hac abuti multis modis homines cernamus; illa verò unquam abuti nemini liceat: cùm præterea secundum Apostolum *charitas nunquam excidat*, scientia autem magna ex parte velut bonum imperfectum sit evacuanda: quæ si sine charitate comite obvenerit, plurimum solet esse malorum quàm bonorum alumna, non ex se quidem sed ex perversitate malè utentium. Quæ enim major ad nocendum pernicies quàm ingenio, scientiâ, eloquentiâ armata iniquitas; studij autem finis fere est scientia, charitas verò prædicationis. Horratur Paulus Ephesios scire supereminentem scientiæ charitatem Christi: quo apertè præminencia charitatis ad scientiam ostenditur: quoniam, ut ait Hugo, ubi charitas intrat, scientia etiam foris stat: neque enim eò solent homines notos quosque suos admittere, quò charos atque dilectos introducunt. Porro Christi attestazione instruimur non Theologiam nosse beatum efficere, sed secundum Theologiam operari. Cùm enim multa salutaria veræ perfectionis instituta discipulis dedisset, ad ultimum adjecit: *Si hæc scitis, beati eritis, si feceritis ea.* Iohan. 13. 17. Sicut enim *intellectus bonus est omnibus facientibus eum*, Psal. 100. 10. ita scientia aut intelligentia operis executione destituta gravior & culpæ & poenæ sarcina est. *Scienti enim bonum, & non facienti, peccatum est illi.* Iacob. 4. 17. *Servus quoque sciens voluntatem Domini sui & non faciens vapulabit multis;* Lucæ. 12. 47. *nesciens autè vapulabit paucis:* quia sua eum ignorantia, nisi desidiofa aut voluntaria fuerit, aliquatenus excusabit.

Frustra igitur inertes homines otio in studiis marcentes, sibi de studij residentia blandiuntur tanquam illa suam excuset ignaviam, & hi præsertim qui regendarum animarum curam susceperunt, qui nisi super gregem suum diligenter vigilaverint, de sanguine pereuntium ovium suarum rationem tandem exactissimam reddituri sunt. Quot enim Pastorum negligentia perire putamus animas, aut quæ temporalia possunt commoda pereuntis animæ jacturam compensare? Conterunt infiniti ovium Rectores totam in studiis ætatem, *semper discentes*, ut de quibusdam ait Apostolus, *& nunquam ad scientiam veri-* 2. Tim. 3. 7.

Pravos Pastores infectantur.

Contra bene-  
ficioꝝ mul-  
tiplicitatem  
appetentes.

*tatis pervenientes.* Quæ est autē scientia veritatis nisi scientiā qua ad Christum qui veritas est pervenitur ? Nec tam procul dubio discere cupiunt , quā sub titulo & umbra studij multiplicandis Ecclesiasticis beneficiis atque promotionibus sine ulla unquā satietate inhiare. Quem mihi dabis qui sua sit sorte aut vocatione contentus , cui non protinus habita vilescant , qui non insana cupiditate ampliorum beneficiorum jugiter ardeat ? Jejuntant interea oves impastæ , & lupis fortassis aut furibus pro cura atque regimine commendatæ. Didicisse debent & docti esse qui metuendam illam sarcinam humeris subeunt , non tunc præpostera rerum conversione studia sectari. Sed , ô fors iniqua temporum , immo rerum ! cū suis quisque pecudibus pastorem peritum & diligentem magna curret attentione providere , Christi ovibus absque delectu , absque cura & prospectu homines ignari & inutiles , moribꝫque corruptissimi temere & passim præficiuntur , qui non oves verbo pascant , exemplo doceant , subsidio foveant , sed vitiis potiꝫ suis inficiant , rapinis opprimant , lacte exhauriant , lana dispolient , qui absentia an præsentia plus noceāt non faciliè judicaverim , & quam poterunt infelicissimi in districti judicis examine de perdito grege reddere rationem ? an se purant excusandos esse quod studio & litteris operam dederunt , qui non ea re studuerunt ut ovibus prodesse , sed ut titulo gradꝫ & doctrinæ rem suam augerent , armaque uberius promotionis litteras haberent. Si enim ut ovibus prodesse studia secuti essent , saltem post graduum adeptionem ad illas deberent pascendas accedere , quas tamdiu esurientes maciēque confectas omiserunt ; sed tunc nimirum illas ex toto à se abdicare satagunt , pinguioraque ovilia quæ nihilo magis pascant suscipere.

Qualis igitur erit excusatio absentia hauriendis in studio litteris propter suas explendas concupiscentias infudasse ? Non fictis tunc licet verbis judicem fallere , dolis eludere , mendaciis circumvenire , quibus sæpe solent artibus judices humani decipi. Nihil illic palliatus sermo , nihil fraudibus adoptata proderit duplicitas.

Omni sublato velamine nudæ erunt conscientiæ, patebunt cordium latebræ, cuncta animorū revelabuntur occulta, quæ tanta nunc arte ac studio teguntur hominibus.

Sed forè dicent secum fuisse ne cum ovibus residerent per Pontificem superiorem dispensatum. Cur dispensationem petebas inquiet Iudex? Quare importunè licentiam non id agendi, ad quod te teneri sciebas, extorquebas? Quam ob causam nomen tenebas officij, si officiari nolebas? Ad hoc Rector eras factus ut regeres, ideò Pastor ut pasceres: tantine erant tua studia, ut propter illa meas perire oves oporteret, pro quarum volui redemptione meum sanguinem fundere? Quare idonei locum pastoris occupare voluisti & opus minimè exequi? Pavisset alius gregem meum, servasset, curasset, minasset, assiduus cum eo fuisset, lucrum mihi de illo profectumque retulisset. Idcircone te pastorem factum arbitrabare, ut, grege meo neglecto in desertoque derelicto, per oppida, urbes & compita cum lascivis & otiosis, dum lupi meum gregem dissipant, vagareris? Nunquid solent opiliones, qui greges divitū pascendos suscipiunt, in agris absque custodia oves deferere, aut alienis mercenariis illas committere? An nesciebas te meum servum esse qui ex denario diurno mecum conveneras? Quare ergo calce abjecisti servitium meum ad quod te vocaveram, alienumque quæstisti dispensatione non serviendi famulatum? Nesciebas in persona Petri tibi dictum: *Si diligis me pascere oves meas*? Quid tibi apud me defuit? Nunquid cibo eguisti aut vestimento? Nunquid pacta mercede fraudatus es? Mulisti, torondisti, lac habuisti, lanam cepisti, peculium omne in tuam sortem cedere permisi, lautus & pinguis ovium succo vixisti. Quare ergo, perfidissime, non pavisti? Nesciebas lege communi periculo pastorum fieri si una eorum negligentia periret ovicula, totumque reddere debere quidquid contingeret illorum culpâ interire? Aut igitur meum mihi numerum restituere, aut tot ovium tuâ absentiam incuriamque perditarum tuo sanguine sanguinem lue, acerbissimòque compensa cruciatu. Dura nimium & gravissima

*Iohan. 21, 15 i*  
7.

hæc erit sententia, quæ tam levi inimo nullo metu-  
formidatur, à qua tamen nulla poterit relevare pro-  
vocatio.

Sed ad rem redeamus. Quæ potest vita perfectior esse  
quàm Apostolorum: & nunquid in publico studio legere  
iussi sunt? Nusquam prorsus hoc legimus, sed in omni-  
bus Evangeliiis illos ad prædicandum missos invenimus.  
Quis nisi insanus dixerit tantum fructum Doctorem  
Gentium in aliquo Studio legendo facere potuisse,  
quantum in tot orbis partibus evangelizando profuit;  
qui ab Ierusalem per circuitum usque ad Illyricum  
Christi Evangelium replevit? Non Dialectici argumen-  
tatores in acutis Syllogisimis, non suaviloquiatores  
in persuasibilibus humanæ sapientiæ verbis, non tumidi  
Philosophi in sectarum atque opinionum varietatibus  
fidem Christi Gentium pectoribus infuderunt; ne sa-  
pientiâ verbi evacuaretur crux Christi, sed simplices &  
illiterati piscatores propter suam humilitatem & simpli-  
citatem cælitus edocti. Dominus enim sua secreta mundi  
sapientibus & prudentibus magna de se præsumentibus  
plerumque abscondit, & revelat ea parvulis: *Cum sim-*  
*plicibus quoque, ut scriptum est, graditur ac sermocinatur\*.*

Matth. 11. 25.

Prov. 3. 23.  
al. \* Cum  
simplicibus.  
sermocinatio  
vjus.

Sed, inquires, propter hæreses extirpandas, errorés-  
que eliminandos necessarios esse Magistros ac Doctores,  
qui talia suis scriptis ac disputationibus impugnent. Non  
inficior utiles esse & necessarios, non tantum ad mala &  
falsa dedocenda, sed primùm quidem ac principaliter ad  
vera & utilia docenda, ne ex defectu atque inopia fru-  
ctuosa prædicationis homines ignari in errorem laban-  
tur. Bonum quidem est insurgentes errores falce argu-  
mentationum resecare; sed melius & salubrius esset non  
esse errores quos refellere oporteret, qui ex negligentia  
fructuosa prædicationis sæpe solent oriri: necessarij  
sunt medici in republica, sed melius esset homini bene  
valere, quàm propter plagam aut febrem necessarium  
habere medicum. Acute adversus hæreticos, errorum-  
que seminatores in scholis disputatur, sed de simpli-  
cium cordibus populorum negligenter errores ipsi per-  
niciosiùs



piciosius inolit evelluntur. Quis non intelligat utilius esse errores de cordibus expelli, quàm de codicibus? Malè & perfidè penè ubique in plerisque rebus sentit hodie vulgus, magicis utitur artibus, superstitionibus variis implicatur, divinos & pythones consulit, sortilegiis delectatur, in principalibus præterea graviter claudicat fidei articulis. Si contra hæc subtiliter in scholâ differitur quid ad illos qui longè positi non audiunt nec novērunt, ad quos nulli accedunt Theologi, qui eos instruant? Nonne utilior est medicus, qui postquam artem didicerit ægrotos visitat, & medendo sanat, quàm qui de morbis ac vulneribus nunquam artem experiendo semper in schola disputat? Scripsit contra quosdam hæreticos Iohannes Apostolus suum Evangelium ab Asianis efflagitatus Episcopis, de Verbiq̃ue æternitate subtilissimè disseruit. Scripsit contra Psudoapostolos diversas ad diversos Paulus epistolas, nunquid idcirco cum aliis Apostolis & Discipulis ad prædicandum non missi sunt? Immo q̃ni alij ad hoc officium secūdū antiquum ritum Ecclesiæ sunt destinandi, quàm qui insigni eruditione polentes ad alios sunt instituendos idonei? Qui alij celsiorem gradum perfectionis in Ecclesia obtinent, quàm Pontifices, quorum maximè est creditos sibi greges doctrina pascere, quod ut facere valeant ex doctissimis sunt hominibus assumendi?

Itaque nihil est aliud studium Theologicum, nisi quædam, ut ita dicam, Pastorum ac Prædicatorum officina, ex qua evocandi sunt atque eligendi qui artem norunt pastoriæ, ut vacuis per scientiam præfiantur ovilibus.

At Doct̃oribus, inquires, pro labore & sollicitudine docendi in justorum retributione singulari prærogativa dabitur aureola. Vide ne non tam de illis hoc intelligendum sit qui in locis studiorum torpuerint, quàm de his qui de suo talento plebem Christianam erudiendo vigilantè & strenuè negotiati fuerint (Negotiosis quippe illa dabitur non otiosis) qui animas sua doctrina & prædicatione plurimas Deo acquisierint, secūmque ad cælestem

Quid studium Theologicum

Quibus aureola dabitur in cælo.

Ierusalem Angelorumque consortium pariter adduxerint; qui denique illi mandato obedierint, *Negotiamini dum venio*. Quis enim ita desipiat, ut gradui & bireto, non profectui atque operibus illam deberi existimet? Quod si qui pertinaciter certare voluerint de scholasticis id intelligendum esse Doctoribus, non de his qui in Ecclesia epulis sacri eloquii populos pascunt, audiant tamen Apostolum spirituales plebium ædificatores talibus anteferentem: *Quosdam*, inquit, *posuit Deus in Ecclesia, primum Apostolos; secundò Prophetas; tertio Doctores*: ubi aperte liquet Prophetas prælatos esse Doctoribus, sicut Prophetis Apostolos. Qui autem sint Prophetæ paulò post exponit inferens: *Qui prophetat hominibus loquitur ad ædificationem, & exhortationem & consolationem*. Nullis potuit verbis manifestius spirituales sanctæ Ecclesiæ Prædicatores explicare, quos idcirco, ut puto, Prophetas appellat; quia per divinas Scripturas, quas insatiabili aviditate discutiunt edocti, ingruentia solent populo pericula pronunciare, flagellâque Dei & judicia ex peccatis hominum surgere solita, Spiritu intus illustrante prædicere.

Sed ne scholas videar omni modo velle vacuare, possunt illi in studio legere, liberèque residere, qui non ad majus aliquod officium erudiendarum vocati sunt animarum; qui verò oneri illi cervices supposuerunt non ausim leviter credere mentem fuisse hujus Doctoris, qui salubrius in studio præsertim convenienter imbuti demorentur, quàm in sua consistendo Ecclesia suum gregem pascere. Et utinam tales opiniones non dederint occasionem permultis suas caulas & ovilia relinquendi, in studiisque exiguo fructu ætatem conterendi. Prona satis est ad negligentiam natura humana, opusque debitum segnitè exequendum; nec indiget ad id induci aut armari; quoniam paucos hodie conspiciamus ad magistrales in studiis gradus provectos in suis Ecclesiis aut parrochiis, quarum pastorem sunt curam sortiti, residere. Cuncti propè in studiis versantur quanto tempore vivunt, suâque idiotis mercenariis regendas oviculas committunt

qui utinam verba Christi de hujusmodi mercenariis studiiosa secum meditatione revolverent, suâque & gregum suorum ex Propheticis pariter & Evangelicis sententiis vellent considerare pericula. Et quid mirum si errores pullulent in laïcorum sæculariûmque hominum pectoribus, pabulo & doctrina carentium, quibus extirpandis quid utilitatis afferre possunt Rectorum in studiis agentium determinationes, quorum nunquam sit ad illos aura famæ tenuissima perventura? Sanè non modò illos qui doctorale jam sunt fastigium affecuti plebes suas gubernare debere, verùm eos quoque qui ad illum gradum necdum pervenerunt, si modò competenter ad prædicandum imbuti sunt, pastoraléque sunt officium adepti, probabilius esse crediderim, quàm quod Doctor ille, quod cum ipsius bona venia dictum velim, agendum opinatur atque persuadet. Si autem pascere & docere non sint habiles, viderint ipsi quâ audaciâ ad animarum se gubernacula ingesserunt. Viderint præterea Prælati qui hanc curam sibi mandarunt, quare onus illud gravissimum periculique plenissimum, invalidis illorum humeris imponendum putaverint. Ex his satis te puto posse colligere, quæ mea sit de tuis quæsitis sententia; quæ si votis animi tui nequaquam valeant satisfacere veniam meæ dabis ignorantix, à peritioribûsque exquires quod per me tenuiter doctum minus fuerit explicatum.



MISCELLANEA  
EPISTOLARVM.

An. Christi  
827.


AMALARI II EPISCOPI

HIEREMIÆ

SENONENSI ARCHIEPISCOPO.

De Nomine IESV\*.

\* Caput est  
45. lib. 3. de  
Off. Ecc. quod  
in omnibus  
desideratur  
editionibus.

I.  HARISSIMO Patri & accuratissimo Rhetori  
IHEREMIÆ Vati in nostra Ierusalem AMALA-  
RIUS. Scribunt nostri Salvatoris IHESU nomen  
per aspirationem: cujus rationis experts sum.

Scio autem vobis ignotam non esse si alicujus rationis  
causa postponatur post I aspirationem in nomine IHESU, quam  
intimate filio vestro si affit. Scio si est affore in promptua-  
rio mentis vestræ quod fluat ad me. Antequam pergeret  
domnus CAROLUS Romam novissimè audiui Secerdotes  
Gallix nostræ sonare GISUS, quod neque cum Hebræis  
neque cum Græcis conveniebat. Ab illo tempore audio  
Iesus, ut opinor, quod convenit cum Hebræis, quo-  
rum Ducis nomen legimus Iesus. Qui Iesus nomine suo  
præfigurabat nostrum IHESUM ut Sedulius:

--- Iam tunc famulata videbant

Sydera venturnm præmissis nomine Iesu.

Nam Græci his notis I. C. scribunt illud nomen, & le-  
gunt Iesus. Vnde mihi videtur, si tamen vobis non aliàs,  
oportere scribi per I. & H. & C. sive S. quod legimus  
Ihesus. Quibus notis memoratum nomen scribere de-  
beam oro ut mandetis.

RESPONSIO

HEREMIE Archiepiscopi.

II. **P**ORPHIRIUS Philosophus nomen Iesu in anacrostica sua latinè scribit hoc modo IESUS, quem novimus utriusque linguæ peritissimum fuisse, usus videlicet H græca littera. Porro H longam quam græci in lingua propria pro I longa semper sonant. Latini verò pro E longa. Alia verò ratione imitantes Hebræos IHSUM pronunciamus, non per aspirationem, sed per H græcum scribentes.

AMALARIUS

Fragmenta  
epistolarum  
Amalarii, &  
Ionn̄s Augel.  
Episcopi.

IONÆ venerabili Episcopo.

III. **P**ATER intimate quibus notis inferiùs figuratis rectiùs videatur vobis pingi nomen Iesu IHC an IHS.

At ille, inquit, sicut X & P græcis litteris, & alia qualicumque latina convenienti superioribus scribitur Christi nomen, ita I & H addita convenienti latina scribitur IHS.

AMALARIUS

AdRANTGARIUM Episcopum Noviomensẽ.

IV. **A**MALARIUS RANTGARIO Episcopo Reverentissimo civitatis Noviomensis.

Memini me interrogatum à vestra Paternitate quomodò intelligerem quod scriptum est in Dominica institutione\*: *Hic est calix sanguinis mei novi & æterni Testamenti, mysterium fidei.* Quia comperi vos velle scire quomodò intelligerem illud, ideòque scriptis paucis litteris intimo quomodò sentiam. Fuit enim calix veteris Testamenti de quo in Exodo scriptum est, Cap. XCVIII\*.

\* In Canone.  
Ms. 2.

Sic olim  
nunc verò  
cap. 24. 6a.

V iij

ibid. 8.

Luc. 22. 17.

ibid. 20.

Johan. 6. 54.

Tulit itaque Moyses dimidiam partem sanguinis & misit in crateras : partem autem residuam fudit super altare. Et paulò post : *Hic est*, inquit, *sanguis fœderis quod pepigit Dominus vobiscum super cunctis sermonibus his.* Hunc calicem consummavit Dominus in cœna sua secundùm Lucam dicentem : *Et accepto calice gratias egit & dixit : Accipite & dividite inter vos. Dico enim vobis, quòd non bibam de generatione vitis, donec regnum Dei veniat.* Calix veteris Testamenti sanguine animalium irrationabilium redundabat. Ille sanguis figura fuit veri sanguinis Christi. Quem calicem, id est, in quo bibimus sanguinem Christi, initiavit nobis ipse in memorata cœna post consummatum priorem calicem, ut idem Lucas memorat in sequentibus : *Similiter & calicem postquam cœnavit, dicens : Hic est calix novi Testamenti in sanguine meo, qui pro vobis fundetur.* Hic calix est in figura corporis mei in quo est sanguis qui manabit de latere meo ad complendam legem veterem, quo effuso deinceps erit novum Testamentum ; quoniam novus sanguis & innocens, id est, hominis absque peccato effunderetur pro redemptione humana, quod antea non est factum sanguine alicujus animalis. Iste sanguis novus est, qui effusus est pro salute nostra, quia non est animalis alicujus irrationabilis, sed hominis rationalis, propterea dicitur *novi Testamenti*, quoniam illo effuso vetera transierunt, & facta sunt nova. Ipse vocatur *æterni Testamenti*, quia novum Testamentum non mutabitur ad aliud Testamentum, sicut mutatum est vetus in novum. Ipse vocatur *mysterium fidei*, quoniam qui credit se redemptum ab eo sanguine, & imitator fit passionis ipsius, ei proficit ad salutem & ad vitam æternam. Vnde ipse Dominus dicit : *Nisi manducaveritis carnem filii hominis, & biberitis ejus sanguinem, non habebitis vitam in vobismetipsis.* Hoc est, nisi participes fueritis meæ passionis, & credideritis me mortuum pro vestra salute, non habebitis vitam in vobis. Mysterium græcè, latinè secretum, quia fides ista latet in cordibus Electorum, propterea vocatur secretum fidei. Mysterium fides est, ut Augustinus in epistola ad Bonifacium Episcopum : Sicut ergo secundum

quendam modum sacramentum corporis Christi, corpus Christi est, Sacramentum sanguinis Christi, sanguis Christi est, ita sacramentum fidei, fides est. Simili modo possumus dicere: *hic est calix sanguinis mei novi & æterni Testamenti*; ac si dicat: hic est sanguis meus qui pro vobis datur, unde deinceps novum & æternum Testamentum à me accipiatur & teneatur. Sequitur, *mysterium fidei* hoc credere debetis, id est, hanc fidem habere debetis, ut per illum remissio vobis sit omnium peccatorum.

Epist. 29.  
sub finem.

AD HETTONEM\*

Monachum.

\* Is fœderum  
Hæro fœd  
Hæro: qui  
Abbas fuit  
Episcopus  
Episcopus  
Trevirensis.

V. **D**IGNATA est Fraternitas vestra nobis mandare, ut auctorem illum vobis nominarem, qui distinctionem facit inter Seraphin, quando neutri generis est, & quando masculini. Non omnia mihi in promptu possunt occurrere, quæ de illis agminibus legistis & legi. Tamen illum auctorem modò promam qui discernit inter Cherubin neutri generis & masculini, necnon & illum qui Seraphim per *m*, masculini generis dicit, & neutri per *n*. Opinor quod eisdem finalibus terminetur apud Græcos Cherubin & Seraphin. Dicit Hieronymus in tractatu Ezechielis tertii libri: Quanquam plerique Cherubin neutrali genere numeroque plurali dici putent, nos scire debemus singulari numero esse Cherub generis masculini, & plurali ejusdem generis Cherubim, non quo sexus in ministris Dei sit, sed quòd\* unumquodque juxta linguæ suæ proprietatem diversis appelletur generibus. Angeli vocantur numero plurali Malachim, & Cherubim & Seraphim ejusdem generis & numeri. Vbi sanctus Hieronymus dicit: Nos scire debemus quòd latinus latinis fuit locutus. Ipse erat latinus, Paula & filia ejus Eustochium latinæ erant. Ex hoc intelligere possumus, quòd nos latinè debemus illorum ministrorum nomina masculino genere tenere juxta hebraicam auctoritatem, quam Hieronymus interpretatus est, ubi dicit: Non quo sexus

» in ministris Dei sit, sed quòd unumquodque juxta linguæ  
 » suæ proprietatem diversis appelleretur generibus.

Ex hoc intelligimus quòd alterius generis sunt mini-  
 stri memorati in peregrina lingua. Dicit Beda in libro pri-  
 » mo de tabernaculo & vasis ejus: Et quidem numero sin-  
 » gulari Cherub, plurali autem Cherubin dicitur, &  
 » est nomen generis masculini; sed græca consuetudo neu-  
 » tro genere posuit Cherubin, *m* litterâ in *n* mutatâ. Ve-  
 » rum noster interpres hebræum secutus idioma, masculi-  
 » no genere posuit,

Cap. 6.  
 post init.

Monstrabo iterum ubi idem interpres Hieronymus  
 ponat Seraphin neutro genere. Scribit in libro, quem fe-  
 » cit de Seraphin, quæ leguntur in Isaiâ inter cetera: Nul-  
 » lum Prophetarum extra Isaiâ vidisse Seraphin circa  
 » Deum stantia, & ne ipsa quidem Seraphin alibi lectitari.  
 Novit Caritas vestra quando dixit stantia, & ipsa neutro  
 genere ea protulisse. Habemus & non minimam auctori-  
 tatem ex consuetudine Ecclesiæ, quæ solet quotidie in  
 oratione quæ fit super mensam proferre, *Beata Seraphin.*

## AMALARIUS GVNTARDO

*Filio in disciplina Christi.*

Ex hac Epi-  
 stola Amala-  
 rius probatur  
 sacerdos.

VI. **F**ILI MÎ recordatus sum percunctatum esse pollens  
 ingenium tuum, quare non me cum majori cau-  
 tela custodirem, ne illicò post consumptum sacrificium  
 spuerem. Addidisti, quod non videres ceteros Sacerdo-  
 res hoc facere, id est statim spueri post comessam Eu-  
 charistiam. Quando hoc audiui à te nec multum tibi dixi,  
 nec cogitavi ex hoc tibi respondere. Nausiam duxi talem  
 percunctationem, jam in itinere degens aporiatum sum  
 tua dilectione, ne aliqua suspicio remaneret tibi falsa in  
 pectore. Quasi ergo protervè hoc agerem contra nostram  
 religionem, & ne remaneres in aliquo errore ignorantie,  
 iccirco potissimum quoniam sensi te sensisse me agere  
 contra consuetudinem religiosorum Presbyterorum, ma-  
 lui ex itinere formare tibi animum meum, quàm diutiùs  
 remanere



remanere ardens ingenium tuum in suspitione iutili. Attendite primò, Fili mi, sententiæ Pauli dicentis: *Spiritualis iudicat omnia; ipse autem à nemine iudicatur.* Si quod circa spiritum est in suo ordine manet, ea quæ per corpus geruntur recta deputantur, dicente eodem Apostolo: *Omnia munda mundis.* Multi sunt qui munditiam corporis observant secundum usum Phariseorum, ex quorum tamen mentibus immunda procedunt, quæ Dominus computat in Evangelio dicens: *De corde enim exeunt cogitationes malæ, homicidia, adulteria, fornicationes, furta, falsa testimonia, blasphemiae: hæc sunt quæ coinquinant hominem.* Inter ista non deputatur sputum, nec procedit ex mala cogitatione quæ coinquinat hominem. Sputum naturale est nobis, sine peccato procedit ex nobis, sanitati nostræ proficit ejus processio, sine vituperatione religiosorum hominum agimus quod Christus egit pro salute nostra, docente Evangelio: *Lutum fecit Dominus ex sputo, & linivit oculos cæci nati.* Et iterum secundum Marcum: *Misit digitos suos in auriculas, & expuens tetigit linguam ejus.* Corpus Domini saluti hominum consecratum est in æternum. Ejectio sputi salutem præstat temporalem. Ad hoc deprecamur sanitarem temporalem, ut potius occurramus æternæ saluti. Quod est officium æternæ salutis, non est contra institutionem Domini. Quamvis Apostolus dixisset: *Quando infirmor tunc fortior sum & potens.* Tamen sanitati studebat, ut novimus ex admonitione facta ad Timothæum cum dicat: *Noli aquam bibere, sed modico vino utere propter stomachum & frequentes tuas infirmitates.*

Tu Fili in redargutione tua non propter aliud ostendisti mihi tali displicere me sputo, nisi quia ceteros Sacerdotes perspexisti à sputo diutius se abstinere post sacrificium. Tu adhuc puerulus non vidisti multos Sacerdotes; forsitan quos sæpissime vidisti venatoribus iuncti sunt, qui solent manus lavare à recenti sanguine bubalorum suorum & hircorum, sicut & populares faciunt quando ad communem mensam accedunt? Non hoc dico, quod non debeamus venerari Corpus Domini præ omnibus

sumptibus, sed quòd si veneratum fuerit ab interiore homine, quicquid naturaliter ab exteriori agitur, Domini-  
co honori deputatur. Quamvis sagacitas infantiae tuæ nobilissima mihi quod displiceret non ostenderet, tamen, ut reor, video quòd tibi displiceat meo sputo, hoc est, quasi sumptum corpus simul cum sputo projiciam. Fili non ita retur animus patris tui: illum precor cui dicit Psalmista: *Fortitudinem meam ad te custodiam.* Flegmaticus homo si studuerit sanitati suæ, sæpius curabit flegma ejicere. Non est prohibitus flegmaticus à promotione sacrorum Ordinum. Non enim ignoravit Paulus humores nocivos, & nimium abundantes, sæpius fore necesse exire ab homine: tamen quando abnegavit Episcopum superbum, iracundum, vinolentum, percussorem, turpis lucri cupidum, non abnegavit flegmaticum. Fortè tui animales inflati munditia corporis possunt videre vitia nociva in secreto figmento suo, quæ Paulus Apostolus non potuit parte \* videre in Spiritu sancto. Absit Fili mi.

Si potuissem me abstinere tamdiu à sputo quamdiu satisfacerem tuis, ut non haberent quod reprehenderent in me, hoc ultrò curarem, præcipiente Apostolo: *Providentes bona non tantum coram Deo, sed etiam coram omnibus hominibus.* Sed quia hoc mihi difficile est, tamen confido in Domino, si mens mea pura fuerit & humilis in conspectu ejus, ut faciat intrare corpus ad animam meam vivificandam, & quod exeundum est propter sanitatem corporis, faciat exire sine dispendio animæ. Si quis hoc non credit eum posse si voluerit, non credit eum omnipotentem esse. Et qui non sperat eum hoc velle, non recipit sententiam Pauli dicentis: *Qui omnes homines vult salvos fieri:* id est illos qui salvationi deputati sunt. Fili mi recordare quod sæpissimè solebas mihi proferre: *Nisi Dominus custodierit civitatem, frustra vigilat qui custodit eam.* Si aliquod scrupulum tuæ menti adhuc hæret de re prælibata, vita comite noli patri tuo abscondere. Tene quod tenes, Dominus tibi multiplicet sensus prælibatos, ultro quàm petere scias\*.

f. \* ultra  
petere quàm  
scias.

De Corpore Domini quod sumimns est mihi dicen-

dum : quamvis sit dispar exemplum præfenti rei, quod Valentinianus Imperator dixit militibus, qui ei socium adsciscere voluerunt : Vestrum fuit, inquit, quod me constituistis Imperatorem, meum est socium eligere quem voluero. Ita verò vestrum est velle & precari Dominum cor mundum, suum est corpus suum per artus & venas diffundere ad salutem nobis æternam. Ipse enim dixit quando panem tradidit Apostolis : *Hoc est Corpus meum quod pro vobis tradetur.* Luca. 22. 19. Suum corpus quando voluit, & quando vult in terra versatur. Etiam post Ascensionem suam non dedignatus se Paulo Apostolo monstrare in templo Hierosolymis quod erat in terra : *Domini est terra & plenitudo ejus.* Psal. 29. Omnis terra in sua conditione consistens benedicit Domino. Sola mala voluntas facit vas suum pollutum ad suscipiendum Dominum. Hæc propterea dico, ut si fortè me ignorante, aut non consentiente exierit de ore meo\* ex corpore Domini, non me putes alienum à religione Christiana, quasi contemptui habeam corpus Domini mei ; aut ipsum illuc dirigatur quo non voluit, seu non vult venire. Per hoc corpus anima nostra vivit, dicente eodem Domino : *Nisi manducaveritis carnem filii hominis, & biberitis ejus sanguinem, non habebitis vitam in vobismetipsis.* Iohan. 4. 14. Si enim ipsum corpus vita nobis est, non ei aufertur propter nostram separationem ubicumque fuerit quod ex se habet, & nobis ex se tribuit.

Filii mihi Presbyteris tuis, ut caveant ne unum verbum ex his quæ Dominus locutus est in Evangelio excedat de corde eorum, quoniam & ipsum vita nobis est, sicut panis consecratus. Dicit Dominus in Evangelio : *Verba quæ ego locutus sum vobis, spiritus & vita sunt.* Iohan. 6. 64. Præceptum est mihi in lege : *Si aliquid remanserit de agno, ut igne comburam illud.* Exod. 29. 34. Ille agnus Christi carnem præfigurabat. Reliquiæ Agni quæ igne comburi videbantur, mysteria sunt divinitatis, quæ capi non possunt à nobis, sed Domini præcepto igne caritatis assumenda sunt in cælesti oblatione. Illi, id est igni caritatis, omnia commendo mea, ut & illo vitia consumantur, & boni affectus assumantur.

Ita verò sumptum corpus Domini bona intentione, non est mihi disputandum, utrum invisibiliter assumatur in cælum, an reservetur in corpore nostro usque in diem sepulturæ, aut exhaletur in auras, aut exeat de corpore cum sanguine, aut per poros emittatur, dicente *Matt. 13. 17.* Domino: *Omne quod intrat in os in ventrem vadit, & in secessum emittitur.* Hoc solum cavendum est, ne Iudæ corde sumam illud, & ne contemptui habeatur, sed discernatur saluberrimè à communibus cibis.

De altero unde redarguisti patrē, non modò respondeo per omnia: fortè dederit Dominus, ut te aliquando aliquo modo adhuc videā, & loquar de eo ore ad os. Interim dico: Dic, fili, quare non cecinisti patri tuo virgilianū istud:

*Frigidus, o pueri, fugite hinc latet anguis in herba.*

Can 9. Apost.  
ex interpret.  
Dionysij  
Exigui  
Concil. An-  
tioch, 1. can.  
2.

Præcipitur in Canonibus: ut omnes ingredientes Ecclesiam communicent, quod si non communicaverint, dicant causam quare non communicent, & si rationabilis extiterit indulgeatur illis, sin autem, excommunicentur. Comperi te anchoram mentis tuæ fixisse in pelago & non in portu; fixisti illam in Gennadio Massiliensi Episcopo. Hortor ut potius figas illam in portu tutissimo Augustino, scilicet testificato per universas Ecclesias. Horratus est te Gennadius ut præcipuè per dies Dominicos communices; fortè non erat consuetudo illius ut per singulos dies Missam celebraret. Si enim esset, non hortaretur per solos Dominicos dies potissimum communicare: Græcorum aliquorum Presbyterorum consuetudo est, ut à quinta feria se præparent & sanctificent ad Missam celebrandam; potest evenire ut in tertia feria sive quarta peccatum committamus, quod non abluatur usque post finitum diem Dominicum. Quapropter non ritè communicamus per singulos dies Dominicos: & potest fieri ut Deo placeamus per singulos dies unius hebdomadis, in quibus gustare & videre fas est quàm dulcis sit Dominus. A tam dilecto hospite non oportet dilectores diu abesse, quem compulerunt secum hospitari in die Resurrectionis ejus duo ex discipulis in Emmaus.

Fuge, fili mi, à pelago ad tutum portum Augustinum,

ipse enim tibi dicit ad Ianuarium: Rectius inter eos fortasse quispiam dirimit litem, qui monet ut<sup>a</sup> in Christi pace permaneat<sup>b</sup>. Faciat unusquisque quod secundum suam fidem pie credit faciendum esse: Neuter eorum exhorreat<sup>c</sup> corpus & sanguinem Domini, sed<sup>d</sup> saluberimū sacramentum certatim honorare contendat<sup>e</sup>: neque enim litigaverunt inter se, aut quisquam eorum se alteri praposuit Zacheus & ille Centurio, cum alter eorum gaudens in domum suam suscepit Dominum, alter dixerit: *Non sum dignus ut intres sub tectum meum*. Fili mi, si te cognoscis peccatorem, oportet ut à te non repellas Dominum, sed satis ei fac per poenitentiam, & in Spiritu contrito & humiliato suscipe illum; si justus es, gaudens suscipe illum; si infirmus, precare ab illo sanitatem, & cade in faciem ante pedes ejus, sicut unus de decem leprosis gratias age, ut dicat tibi: *Surge & vade, quia fides tua te salvum fecit*. Et ne differas de die in diem converti ad illum, quia quocumque die conversus ingemueris salvus eris. Iuxta Augustinum, quando videbis pium affectum esse in te, sume corpus Domini, ut tibi vitam sempiternam præstet. Noli differre ad diem Dominicum, quia nescis si contingas illum.

cc Epist. 118.  
cc al. a monet  
ut præci-  
puè  
al. b per-  
maneat.  
cc al. c Neu-  
ter enim  
eorum ex-  
honorat.  
cc al. d si  
al. e con-  
tendunt.  
cc Luca. 19.  
cc Matt. 8. 8.

Luca. 17. 19.

## DE OBSERVATIONE

### Quadragesima.

VII. **C**A V E N D U S quoque est usus multorum. Solent enim plures qui se jejunare putant, mox ut signum audierint ad horam nonam manducare; qui nullatenus jejunasse credendi sunt, si ante manducaverint quam vespertinum celebretur officium. Concurrendum enim est ad Missas, & postea auditis Missarum solemnibus, sive vespertino officio, largitis prius elemosynis, ad cibum accedendum est. Si verò aliqua necessitate constriktus quis fuerit, ut ad Missam venire non valeat, æstimata vespertina hora & completa oratione sua, jejunium solvere debet.

Sic finem im-  
ponit lib. 3.  
Amalar.  
in Mf. cod.

Sciendum quoque est, quòd in singulis diebus Domi-

nicis in Quadragesima præter hos qui excommunicati sunt, sacramenta corporis & sanguinis Christi ab omnibus fidelibus sumenda sunt, & in Cœna Domini, & in vigiliis Paschæ, & in die Resurrectionis Domini penitus ab omnibus fidelibus communicandum est: & ipsi dies Paschalis hebdomadæ omnes æquali religione colendi sunt. Admonendus est igitur populus ut ad sacro-sanctum Sacramentum corporis & sanguinis Domini nequaquam indifferenter accedat, nec ab hoc nimium abstineat, sed cum omni diligentia atque prudentia eligat tempus quando ab opere conjugali abstineat, & vitiiis purget, & virtutibus exornet, elæmosynis & orationibus insistat, & sic ad tantum sacramentum accedat.





## VIII APOLOGETICVM

An Ch. 840.

**E**BONIS Remensis Archiepiscopi, sanctæ Se-  
dis Apostolicæ Legati. Pro convocatione\* Paga-  
norum, redemptioneque Captivorum, ex consensu  
HILDOVICI Cæsaris, totiûsque Palatinæ di-  
gnitatis ejus directi, posteaque\* persecutionis tem-  
pore plurimorum Episcoporum ceterorûmque no-  
bilium Laïcorum exsilia passorum, Remensi ab  
Ecclesia pulsus, septennique custodia pressus, hinc suc-  
cedente Hlotario Augusto revocatus, publicaque ac  
auctoritate Ecclesiastica restitutus, assistentibus vel de-  
cernentibus magnis Consulibus pariter cum sanctis his\*  
subscriptis Catholicis Præsulibus, DROGONE Archipala-  
tino Præsule, sanctaque unanimitate illi omnes isti con-  
cordes, AUTGARIUS Archiepiscopus; AMALWINUS  
Archiepiscopus, AUDAX Archiepiscopus, HETTI  
Archiepiscopus, IOSEPH Episcopus, ADALULFUS Epif-  
copus, DAVID Episcopus, HRODINGUS Episcopus,  
GISLEBERTUS Episcopus, HERMINUS Episcopus,  
FROTHARIUS Episcopus, BADARATUS Episcopus, HA-  
GANO Episcopus, HROTGARIUS Episcopus, ADO Epif-  
copus, SAMUHEL Episcopus, PROVOCATUS Episcopus,  
HRAMBERHTUS Episcopus, RATALDUS\* .....  
AMALRICUS vocatus Episcopus, cum ceteris plurimis  
Presbyteris ac Diaconibus, in Ingelenheim palatio pu-  
blico assistentibus. His namque explicitis canonicæ re-  
stitutionis, Palatinis summis negotiis, comprovincialium  
receptionis solemniter roborata\* VIII. Idus Decembris  
extitit principali in Ecclesia & sancta sede Remensi, ob-  
viam ibi occurrentibus cunctis Diœceseos Præsulibus aut  
Missis, cum concivibus inclytis, Ecclesiastica aut publica  
necessitate vel utilitate promotis, quibus veniendi im-  
possibilitas sola non restitit, \* generali conventu con-

f. \* Conver-  
sione.

f. \* postea qui

f. \* hic

al. \* Ratulfus

f. \* & Palati-  
nis summis  
negotiis, cõ-  
provincialiũ  
receptionis  
solemnitas  
roborata.

Deest. \* qui

gratulantes, hanc subscriptionem publicam concordi unanimitate celebrata, priscorum Patrum exemplis edocti rationabiliter ediderunt:

Hæc ita scribendo omnes subternotati Antistites unanimiter præfigentes sanxerunt.

\* Hæc edita  
sunt Tom. 2.  
Hist. Franc.  
Andree Chf-  
ni in Nar-  
vae. de desof.  
Ebbonis, us-  
que d. gestis  
legi.

Mat. 5. 13.

Dum non habetur incognitum, quod à pluribus videtur esse compertū, qualiter Ecclesia hæc maxima Galliarum sub regimine Francorum diversis perturbationibus, ac discordiis Principum indignatione violenta, his temporibus agitata vexatur; unde & plurimi Episcoporum vi propriis à sedibus expulsi, aut timore derelictis gregibus, diversis in partibus exulantur. Inter quos etiam EBO Archiepiscopus Remensis Ecclesiæ, raptus à propria sede, Principum indignatione violenti exilio ductus est. Vnde & reductus sub custodia, ut periculum evaderet, & furores persequentium mitigaret, redimendo tempus, ut meliori tempori se reservaret, cum consensu Episcoporum Pontificali secessit à ministerio, dum inter terrores & discordias ratio non finit immolare victimas, dicente Domino: *Si offers munus tuum ad altare, & recordatus fueris, quia frater tuus habet aliquid adversum te relinque ibi munus tuum, &c.* Postquam verò Deus Ecclesiæ suæ tranquilliora reddidit tempora, placuit Principibus & Magistratibus Ecclesiasticis, ut isdem Pastor ad debitum ovile reverteretur, & oves quas compulsus reliquerat, tuendas reciperet iterum.

Quibus & Ecclesiasticis debitis negotiis ego THEODERICUS Cameracensis Episcopus assensum canonicè præbens: sicut prius de illius discessu compatiendo dolui, ita & modò de illius reversione congaudens Constitutiones has Seniorum vel Fratrum roborando subscripsi, quia talia sæpe contigisse & in aliis Ecclesiasticis gestis legi.

HRODHADUS Sueffionensis Episcopus hæc ita similiter roboravi.

HILDEMANNS Belvacensis similiter.

SYMEON Laudunensis similiter.

ERPWINUS



ERPWINUS Silvanectensis similiter.

RAGINHARIUS Ambianensis similiter.

EMMO Noviomacensis similiter.

FOLCWINUS Taravanensis similiter.

al\* Erpoinus

In nomine Domini nostri IESU-CHRISTI Dei summi:  
Glorioso imperante HLUDOVICO Cæsare, cujus prima  
tempora Regni quanquam valde coruscarent prospera,  
ultima tamen ejus concussa nimia adversitate divinam  
quasi indignationem illam passa, quam de novissimis  
temporibus vis semper terret Evangelica, dicens: *Tradet* Matt. 10. 21.  
*autem frater fratrem in mortem, & pater filium, & insur-*  
*gent filij in parentes.* Multi denique hinc potentes expulsi  
sunt à patria; Episcopi quoque Dei, aliive Ministri cu-  
stodias & exilia passi; quidam etiam utriusque sexus no-  
biles laici ad monasticum habitum compulsi, ut saltem  
his flagellis celeri castigatione compuncti, remedia salu-  
tis reciperent; quia quos blanda vitiaverat prosperitas,  
necesse erat ut dira purgaret adversitas, ne ad tartaream  
vindictam divina ultro læviret Majestas.

His etenim manifestis cognitis periculis, Ego Re-  
mensis EBO indignus Episcopus inter ceteros anxios tri-  
bus affictus pressuris, id est, sublatiis rebus omnibus,  
in ira vel custodia oppressus Principis, insuper & fessus  
ægritudine corporis, sancto cum Psalmista dicere non  
erubui: *Iniquitatem meam adnunciabo, & cogitabo pro* Psalm. 37. 19.  
*peccato meo;* divinis flagellis monitus si in prosperis legem  
Domini neglexi, ad ipsam in adversis confugere debui;  
ita ut si quem per potentiam quondam injustè læsi, hinc  
in angustiis me lædentem ferre patienter devovi. Si cui  
etiam aliquid indebitè abstuli, ablatiis mihi omnibus non  
contradixi, sed auferenti tunicam, etiam & pallium reli-  
qui. Si enim quandoque unicum\* neglexi inimicum dilige- f. \* meum.  
re, hinc & pro persecutoribus orare didici. Sicque humili  
satisfactione memetipsum accusans, furores persequentium  
mitigare plusquam litigare decrevi; sancto instruento  
Abraham, qui inter pericula à prælatione uxoris se  
exuens, vim facientibus humiliter cedere magis quàm  
damnabiliter resistere elegit. Sanctus utique Apostolus

- R. m.* 11. 19. non minus eadem docuit, cùm dixit: *Non vosmetipsos defendentes, carissimi, sed date locum iræ.* Inter divina siquidem verbera Beatus Iob non murmurare sed orare atque confiteri peccata maluit, cùm anxius inter cetera multa lamenta dixit: *Peccavi: Quid faciam tibi ò custos hominum?* Quibus multimodis Patrum animatus exemplis, ductus eodem mundano impetu, compulsus ad tribunal Palatinum, non ad synodalem Sanctorum conventum, quò violenter non licet trahi, sed magis liberum canonicè convocari Episcopum. Contigit tamen me in media multitudine Sanctorum adstitisse fratrum hiemali vexatione diutina ibi afflictorum, quorum consolatione pia recreatus, illa mihi divinitus inspirata sententia caritatis præsto apparuit condolentium, sicut
- 1. Cor.* 12. 26. scriptum est: *Cùm patitur unum membrum, compatiuntur omnia membra;* quorum consilio adjutus tres mihi ex ipsis elegi secretissimos adjutores, **AIULFUM** videlicet Archiepiscopum, **BADARADUM**\*, **MODONUMQUE** Episcopos, cum quibus de Salvatoris nostri institutione, peccatorumque remissione diligenter contuli, memor
- Matth.* 5. 23. Evangelici præcepti dicentis: *Si offers munus tuum ad altare, & ibi recordatus fueris quia frater tuus habet aliquid adversum te, relinque ibi munus tuum ante altare.* Hac igitur auctoritate cernens, quia frater, quanto magis quia Princeps meus commotus adversum me erat, reliqui munus oblationis meæ ante altare, & summa satisfactione jam dictorum consensu Confessorum vel fratrum succumbens propter recuperandi concordiam, illatas omnes patienter suscepi injurias, & puritate confessionis remissionem peccatorum veniamque, & non condemnationem percipere credidi, quia superbiam, in me judicavi ut necem diabolicam, vanam gloriam, ruinam perpetuam: mundi hujus (quod est amatorum mundi) noxiam amicitiam, quæ divino testimonio ad Dei pertinet inimicitiam, in me damnavi ut poenam tartareā, sacra dicente Scriptura: *Qui hujus sæculi amicus fuerit, inimicus Dei deputabitur.* Fratris convicium, ut fatuè dictum, lege Evangelica deputavi ut gehennale supplicium: menda-
- Jacobi* 4. 4.

cium quoque vel odium non minus quàm homicidium execrari, testante Apostolo: *Qui odit fratrem suum, homicida est.* Eodem modo mendacium respui, ut scelus pessimum, de quo divinitus habetur præfixum: *Perdes omnes qui loquuntur mendacium:* quo scelere offenditur Deus, decipitur proximus, perit & ipse propria necessitate dolosus. Quibus quidem aliisque similibus formidolosissimis pestibus territus atque compunctus, non fide, sed devotè corripiente me Domino ingemui, qui *quos amat, arguit. Flagellat omnem filium, quem recipit,* sancto clamante Apostolo: *Cum judicamur, à Domino corripimur, ut non cum hoc mundo damnemur.*

Iohan. 3. 15.

Psal. 5. 7.

Heb. 12. 6.

1. Cor. 11. 32.

Ne igitur sævientes in me ampliùs peccarent, Salvatoris nostri evadendi usus sum argumento, qui inter manus persequentium se abscondit, & exivit de templo, neque periculis imminentibus distuli exire de Templo, & secedere à Pontificali officio, qui violenter triennio jam exclusus eram à debito sacrificandi loco. Nam & Apostoli tempore passionis territi, non ritum sacrificandi, sed provida circumspectione abdita tantùm loco orationis quærebant latitandi: quia metus fraterna cum discordia divina ritè non celebrat charismata, etiam & tempus lugendi non exposcit solemnia, sed potiùs evadendi remedia, dicendo: *Confitebor adversum me injustitias meas; & tu remisisti impietatem peccati mei: Pro hac orabit ad tè omnis Sanctus in tempore opportuno.* In hoc ergo tempore opportuno si sancti pro remissione peccatorum laborant, peccatores utique ad confessionis remedia currere non differant necesse est. Vnde & nequaquam noxia, sed potiùs saluberrima habenda est illa confessionis meæ publica inscriptio, per quam perhibetur certa peccatorum posse fieri remissio, dum lex poenitentium, quæ à mæore incipit, ad gaudia meritò consurgit; divina dicente sententia: *Qui seminant in lacrymis, in gaudio metent:* neque enim Dominus despicere aut damnare, sed potiùs sanare atque erigere contritos corde legitur. Subscriptionem ergo mihi in angustiis, nequaquam damnationis sed potiùs ereptionis titulo edidi, quam non convictus, sed

Psal. 31. 6.

Psal. 125. 6.

f. \* testimonium

valde constrictus pertuli, melius hinc inferendam annotatione publica praevidi in testimonio \* veritatis, ne aucta aut minuta maculetur alicujus æmuli quandoque mendaciis, ut & quod tunc gestum est secreto ereptionis argumento, hinc jam publico ubique discutiatur ab omnibus veræ caritatis studio, & dum nullum ibi certum damnationis præfigitur crimen, nullatenus ullum possit ultra pati confusionis discrimen. Non noxia ergo, sed valde proficua habenda est talis subscriptio, quæ furores persequentium mitigavit, hiemales anxias vexationes fratrum porrecta levigavit, me etiam ab ira persequentium eripuit, insuper & secundum sanctarum Scripturarum auctoritatem mihi confitenti remissionem porrigit peccatorum, si perseveravero divinitus castigatus certa in emendatione morum. Scripsi utique in quo apud Deum non corruui, sed potius humili satisfactione convalui, & hæc ita vim facientibus edita obruli, quia certus sum, & scio cui credidi dicens:

\* *Videsis ista apud Christum non supra, usque ad: firmavi*

al. \* testes & confellores

al. \* in quibus.  
al. \* sunt

\* Ego EBO indignus Episcopus recognoscens fragilitatem meam & pondera peccatorum meorum, testes confessores \* meos AIULFUM videlicet Archiepiscopum, BADARADUM quoque, necnon & MODOINUM Episcopos constitui mihi iudices delictorum meorum, puramque ipsis dedi confessionem, quærens remedium pœnitendi & salutem animæ meæ, ut recederem ab officio & ministerio Pontificali, quo me recognosco etiam indignum, alienumque me reddens pro reatibus meis, quibus \* me peccasse secreto ipsis confessus sum, eo scilicet modo, ut ipsi sint \* testes, alium succedendi & consecrandi subrogandique in loco meo qui dignè præesse & prodesse possit Ecclesiæ, cui hactenus indignus præfui. Et ut nullam inde repetitionem aut interpellationem auctoritate canonica facere valeam, manu propria subscribens firmavi\*. Si quis vero per salutarem hanc in pressuris repertam conscriptionis formulam me damnandum decreverit, similiter & in omnibus scriptis meis me opprimere poterit, in quibus nunquam me justifico, sed semper indignum Episcopum subscribens ubique denuntio.

Nec tamen me in hac eadem subscriptione ullus violatorem aut mendacem deprehendere poterit : quia nemo ibi postea utilior præfuit , sed septenni fermè sub poenitentia spatio , quo in sancta Ecclesia peccatorum poenitentibus fieri solet remissio , patienter exspectans , nemini consecrationis ibi dignitatem impedivi. *Nolite ergo , dicente Domino Deo nostro , condemnare , & non condemnabimini : in quo enim iudicio judicaveritis , judicabimini.* Luca. 6. 37.

Conscriptio itaque hæc diversis necessitatibus , id est , delictorum vel persequentium occasione confecta , si adhuc scandalizanti alicui scrupulum generat , universorum ibi quæso verborum rationem discutiatur , in qua certo crimine invento , unde canonica ritè sequatur damnatio justè , precor , & non lividè judicet proximum , dumque se æstimat stare , videat ne cadat , quia lividus iudex festucam in alterius quærens trabem in suo nequaquam sentit oculo. Luce clarius namque Canonica fulget auctoritas , quòd sicut sine certo crimine canonicè nunquam dejicitur Episcopus , ita nec absolutione spontanea , quanto minùs violenta alterius sub custodia non licet recedere Episcopum sine concordia præsentia , vel consensu civium subditorum.

Prævalet ergo meritò in omnibus his Ecclesiastica repetitio supra quascumque alias ad inventiones violentas aut libitas , sua magis quàm I E S U - C H R I S T I quærentium. Iustè ergo judicantur omnia irrita quæcumque non fuerant auctoritate canonica undique fulta. Fidissimus denique tot talibùsque præfidiis Ecclesiasticis ac statutis præsentia & æterna quæsi remedia , dum nimis tacendo in tempore loquendi , nimis loquendo in tempore tacendi , inter cetera memetipsum noxia reprehendi contagia , divinam Majestatem implorans , ut ponat ultra *custodiam ori meo , & ostium circumstantie labiis meis.* Psalm. 140. 3. *Ne declinet cor meum in verba malitiæ ad excusandas excusationes in peccatis : sed corripiat me justus semper in misericordia.* Ibid. 6. Cum enim nec justum nisi in misericordia sinat corripere divina potentia : quomodo peccator peccatorem damnare licitè poterit divina


*Iohan. 8. 3.**osce. 6. 6.**Lucæ, 18. 13.**Luc. 14. 11.**Luc. 10. 38.*

sine vindicta? Dominus utique dominantium meretricem legalibus pœnis dignam nonnisi sine peccato quemquam damnare adquevit: quo pietatis exemplo compunctum corde non mortificare, sed misericordiam magis quàm sacrificium se velle monstravit. Publicanum siquidem seipsum accusantem non condemnavit, sed magis justificavit, nec oppressit, sed extulit, cum non dixit: *Qui se humiliat* condemnabitur, sed *exaltabitur*. Semivivum similiter prostratum non respuit, sed procurandum sanctis stabulariis ligandi solvendique potestatem habentibus commisit, & super divina accepta denariorum reparandi munera compassione propria condolere pro æternæ mercedis lucro commonuit, dicens: *Quodcumque supererogaveris, ego cum rediero reddā tibi*. Davidica quippe compunctio momentanea non dejectionem sed recuperationem meruit. Sancti quoque Apostoli de promissa ac mentita in passione perseverantia, post resurrectionem verò de stultitia & incredulitate vel cordis duritia increpati: Petri etiam negatio contritione cordis purgata. Nequaquam damnatos hos verum etiam correctos pristinisque dignitatibus restitutos non solum celebrat, sed potius de reparatione lapsorum imitando gloriatur ubique gavisâ sancta dei Ecclesia. Moderna equidem auctoritate palatina compulsos in angustiis ad Monasticum pœnitentis habitum utriusque sexus laicos, itemque pace reddita redisse ad statum sæculi pristinum manifestum est; quo etiam ritu nullum esse dedecus constar, si offensus Clericus post humilem satisfactionem sui debitum clericatum recuperat.

Igitur tam manifestis novi ac veteris Testamenti divinis nobis ostensis beneficiorum exemplis, ad jam dictam vulgo notam satisfactionem humilem me devotus obtuli, eo quod recuperationem magis quàm damnationem unquam ab initio semper humilis meruit satisfactio. Postquam verò persecutionem succedente offensi Principis glorioso herede HLOTARIO Cæsare, mox mihi Ecclesiastica restituta est concordia, & vacantem Ecclesiam, quam quondam violenter amiseram inveniens, non

præsumptivè, sed reperentibus ibi sanctis Ordinibus debitè septennem ferè post satisfactionem recepi, assistentibus cum Principe magnificis Præsulibus plurimis, quorum auctoritate omnium revocatus, hanc annotationem futuris temporibus recitandam, scriptis his memorabilibus in universa Ecclesia Dei Catholica manifestam fieri placuit, & sinistras opiniones falsorum Fratrum hac certa veritate prolata delere, sanctis verisque fratribus in his omnibus satisfacere decuit, & plus de gratia recuperationis congaudere, quàm de nequitia damnationis dolere, suggerens ( sicut oportuit ) festiva hæc restitutio Deo dignis posteris procurabit.



An.Ch. 849. **LOTHARII IMPERATORIS****CONFIRMATIO***Foundationis Abbatiae Grandis-vallis.\**

\*Vulg. Munf.  
 erthal, O.B.  
 in discessi  
 Basi. cor. si.

f. \* rei

**X.** **I**N nomine Domini IESU Christi Dei æterni. **LOTHARIUS** divinâ providentiâ Imperator Augustus. Imperiali sententiâ vobis innotescat, ut noverit omnium Fidelium sanctæ Dei Ecclesiæ, præsentium videlicet & futurorum industria, quia **LUTFRIDUS** illustris Comes dominusque Monasterii, cujus vocabulum est Grandis-vallis, quod est situm in Ducatu Helisacensi, & constructum in honore Beatæ Dei Genitricis sempérq; Virginis **MARIÆ**, detulit obtutibus nostris auctoritatem domini & genitoris nostri **LUDWICI** Augusti, in quibus erat insertum, quatenus ipse & antecessores ejus priores patres præfatum Monasterium in cellulis sibi subjectis, una scilicet quæ nuncupatur Cella, & est constructa in honore S. Vrsicini Confessoris; & alia quæ vocatur Vertuna, & est dicata in honore S. Pauli Apostoli; ob divini cultus honorem & reverentiam ipsius sancti loci, sub plenissima defensione habuissim: sed pro regni\* firmitate postulavit nobis prædictus Lutfridus Comes & dominus memorati Monasterii, ut parentes ejus voluntati ob amorem Dei & reverentiam prædictorum Sanctorum nostra confirmaremus auctoritate: cujus petitionibus acquievimus, & ita in omnibus concessimus, & in perpetuum secundum nostrum præceptum confirmavimus. Quapropter præcipientes jubemus, ut nullus alius Rex, aut aliqua persona, inde habeat potestatem aliquid faciendi, sed liceat memorato Lutfrido, suisque successoribus res prædicti Monasterii sub immunitatis nostræ defensione quieto ordine possidere. Et quicquid fiscus exinde sperare poterit, totum nos pro æterna remuneratione eidem Monasterio conce-



concedimus , ut in alimonia pauperum , & stipendia servorum ibidem Deo famulantium perpetuò proficiat in augmentis. Et ideò volumus ut hæc concessionis nostræ autoritas firmior in posterum habeatur, scripto manu nostra confirmavimus , & annuli nostri impressione signavimus. Datum viii. Kal. Septembris, anno Christo propitio Imperii domini Lotharii xii. Imperatoris in Italia xxx. & in Francia x. Indictione xii. Actum Romarici-monte\* in palatio publico in Dei nomine feliciter, Amen.

*Gal. \* Remi-remont.*

*CAROLVS CRASSVS*

An. Chr. 884.

*IMPERATOR*

*Confirmat Præceptum LOTHARII Imperatoris.*

XI. **I**N nomine sanctæ & individuæ Trinitatis. CAROLUS divina favente gratia Imperator Augustus. Notum sit igitur cunctis sanctæ Dei Ecclesiæ Fidelibus, præsentibus scilicet & futuris. Quia quoddam præceptum LOTHARII Imperatoris nobis ostensum est, in quo continebatur qualiter ipse specialiter in usus fratrum, ad Monasterium quod dicitur Grandis-vallis servientium, loca subtus nominata per suam autoritatem concessit atque confirmavit : id est, Cellam S. Pauli quæ Vertuna dicitur ; villam quæ in Pippiniensi Comitatu Nogerolis dicitur, cum Capella sibi subjecta, Vlliwinc nomine ; in eodem Comitatu villam Summa-vallis cum Capella sibi subjecta, Theisvenam nomine ; villamque in pago Sornegaudiensi ; Rondelena-curtem cum Capella sibi subjecta ; Vicum cum Capella in eodem Comitatu ; sed & villam Saleundis in eodem Comitatu ; curtemque Quinetiam in Alsaugensi Comitatu ; Colonicamque unam in pago Alsacensi, in monte Sigoldo, cum sex arpentis ex vinea.

Nos quoque rogatu LUTFREDI Comitis hoc idem præceptum per nostræ autoritatis scriptum roboramus.

Tom. VII.

Z

Insuper etiam rogatu Fratrum ibidem servientium addidimus tria loca, id est, Cellam sancti Imerii cum suis adjacentiis, & villam Bidericam cum capella, atque Rechovis-villare cum adjacentiis suis: & iussimus inde hoc nostræ authoritatis præceptum fieri; per quod decernimus atque iubemus, ut omnia superius denotata ad usus Fratrum specialiter deserviant, nullusque habeat potestatem aliquid inde subtrahere aut minuire, sed perpetua firmitate Fratribus & usibus eorum deserviant, potestatiq[ue] illorum subjaceant. Et ut hæc nostræ authoritas concessionis per futura tempora veriùs credatur, diligentiusq[ue] observetur, annulo nostro iussimus sigillari. Datum xii. Kal. Octobris, anno ab Incarnatione Domini octingentesimo octuagesimo quarto, Indictione iiii. Anno verò regni domini Caroli Augusti viii. Imperii iv. Actum Ratisbonæ civitate feliciter.

An. Chr. 884.

\* Regni quod  
ab ipso Reg-  
num Lotharii  
dictum est.

*LOTHARII REGIS\***CONFIRMATIO BONORVM**Grandis-villæ Monasterio collatorum.*

XII. **I**N nomine omnipotentis Dei & Salvatoris nostri Iesu Christi. HLOTHARIUS divinâ præveniente clementiâ Rex. Dum utilitatibus Ecclesiarum de pio favore consulimus, morem prædecessorum nostrorum exequimur Regum; idque ad emolumenta totius regni à Deo nobis commissi congruere liquidò credimus. Proinde noverit omnium sanctæ Dei Ecclesiæ, nostrorumque fidelium, præsentium scilicet & futurorum industria, quia\* HUGO Comes illustri avunculi nostri LUTFRIDI filius deprecatus esset mansuetudinem nostram, ut quasdam res seu villas ex Cœnobio S. Mariæ & S. Germani, cujus vocabulum est Grandis-vallis, per nostram auctoritatem in stipendiis Fratrum ibidem famulantium confirmaremus. Itaque divino tacti amore hos regiæ dignitatis decernimus apices fieri, per quos sancimus atque de-

ad. \* cum

cernimus, ut illud quod in ipso Monasterio conjacere dignoscitur; sed & Cellam in honore S. Pauli constructam quæ Vertuna dicitur, &c. *ut supra.* Pro absolutione Domini genitoris ac genitricis, nostræque incolumitate, luminaribus ipsius Ecclesiæ seu stipendiis Fratrum, hæc omnia cum Fratre EBRUINO nomine superius prælibato, absque ullius detractioe seu inquietudine, omni tempore perseverent. Et ut hæc nostræ concessionis autoritas firmior in posterum habeatur, subter manu nostra confirmavimus, & annuli nostri impressione signavimus. Data iv. Kal. Aprilis, anno Christo propitio regni domini LOTHARII gloriosi Regis undecimo, Indictione xiv. Actum in Arlegia palatio regio, in Dei nomine feliciter, Amen.

CONRADI IVRENSIS An. Chr. 957.

*Burgundiæ Regis, Fratris D. ADELEIDIS,*

*Instauratio Monasterij Grandis-vallis.*

XIII. **I**N nomine Dei omnipotentis & Salvatoris nostri Iesu Christi, CONRADUS Dei clementiâ Rex. Dum utilitatibus Ecclesiarum cum pio favore consequimur, morem prædecessorum exequimur Regum; atque id in emolumentum totius regni à Deo nobis commissi congruere liquidò credimus. Noverit itaque sanctæ Dei Ecclesiæ, nostrorumque fidelium præsentium ac futurorum industria, quòd auribus nostris allatum est de quodam Monasterio quod Grandis-vallis nuncupatur, hoc quoque secundum antiquam constitutionem Regum, per conscriptionem præstructum, & sub ipso privilegio usque ad tempus genitoris nostri in Dei servitio, Sanctorumque ejus constitit bene. Ipsi vero patris nostri culpis exigentibus, cuidam LUTFRIDO nomine prædictum Monasterium concessum est in beneficium: sed non post longa tempora non per beneficium sed per proprietatem in posteram ejus progeniem divisum,

Z ij

quæ crescens multiplicata , præfatum Monasterium & ejus adjacentia destruxit. Tunc enim inventa est conventio OTHONIS Imperatoris , & filii sui Regis & nostra , Ducibus ibidem præsentibus, Episcopis, Comitibus multis, cæterisque compluribus. Illic nos percunctantes si Monasterium quod per privilegia constructum est , per manum regiam in proprietatem dari liceret. Illis cunctis communiter judicantibus , quòd nullatenus licitum esset, consilium dederunt nobis , ut prædicti Lutfridi filium legaliter ad palatium nostrum vocaremus , & per judicium fidelium nostrorum ipsam Abbatiam per privilegium acquireremus. Quo ita peracto , judicante populo , ipsam Abbatiam & privilegium secundum legem nobis reddidit. Et nunc verò nos considerantes prædictum Monasterium restaurare , & omnia illi ab antiqua constitutione data per hoc nostrum præceptum reddimus.

Hæc sunt loca & villæ ad eundem locum pertinentes. In ipsa valle Capellæ duæ in honore S. Stephani & S. Martini ; villa in Burgenfi Comitatu , quæ Nugerolis dicitur , cum Capella S. Vrsicini , & Capella Apostoli Petri , cum villa Vluigen nomine , in eodem Comitatu ; villa Summa-vallis , quæ censetur , cum Capella sibi subjecta , & alia Capella cum villa Thesvenna nomine ; Capella S. Imerii & curtis Alerici , cum Capella Reconvillare : & alia plura quæ partim in originali prima littera conscripta sunt, immo & partim pro senio & ruptura ejusdem litteræ evanuerunt. Hæc omnia superinserta ad prædictum locum & Monasterium , in usus & stipendia Fratrum ibidem Deo deservientium tradimus atque transfundimus , ut nullus successorum nostrorum , nec Rex , nec Imperator , nec Dux , nec Episcopus , neque Comes , nec ulla persona , neque in beneficium dare , neque in precariam , neque alienare potestatem habeat , sed sub omni integritate ad prædictum locum permaneat. Ut autem hæc nostri Præcepti autoritas firmiorem obrineat vigorem , manu nostra confirmando subscripsimus , & de sigillo nostro subtus sigillare mandavimus. Data VII. Idus Martii , anno à nativitate Domini Iesu Christi DCCCCLVII.

## CONSTITUTIO

*Domini PHILIPPI Regis Francorum de jure  
patronatus Ecclesiarum.*

An. Christi  
circiter  
1180.  
*Communicavit D. d. Her-  
renval.*

XIV. **P**HILIPPUS Dei gratia Rex Franciæ, Fidelibus suis R. Rotomagensi Archiepiscopo, & Universis Episcopis Normanniæ ejus Suffraganeis salutem & dilectionē. Noveritis quod recognitionibus Ecclesiarum per quatuor Presbyteros & iv. Milites, præsentibus Archiepiscopo vel Episcopo loci vel personâ loco eorum, per litteras patentes sufficienter transmissâ, & Baillivo nostro, ad certum locum de communi assensu electum ad assisiâ, de qua inter eos convenerit, ubi intervenerit contentio inter Ecclesiasticas & laïcas personas, vel inter Ecclesiasticas & Ecclesiasticas personas de Ecclesia vacante vel non vacante. Si Archiepiscopus vel Episcopus lite mota Ecclesiâ illam alicui contulisset, hæc est voluntas nostra, quod videlicet partibus ad certum locum convocatis, & quatuor Presbyteris ab Archiepiscopo, vel Episcopo, vel eorum assignato, sicut præmissum est, & quatuor Militibus à Baillivo nostro ad recognitionem datis, & illis diligenter examinatis ab ipsis & aliis quos secum viderint evocandos, parti illi remaneat præsentatio Ecclesiæ, in quam plures illorum octo concordabunt.

Nulla autem excusatio locum habebit cùm Archiepiscopus, vel Episcopus per se veniat, vel personam per litteras suas patentes loco suo, ut dictum est, ad assisiâ transmittat.

Item si tres illorum octo vel plures de visu concordabunt, similiter penes illum juri patronatus possessio remaneat.

Item si plures illorum octo qui loquuntur de auditu vel credulitate legitimè super sacramenta sua dixerint, quia firmiter credunt quod ille cui attribuunt patronatum illum, eum habuerit & possederit pacificè usque ad tempus illud, penes eum remaneat possessio.

Z. iij.

Præterea volumus quòd nisi ille cui dicitur esse patronus, vel qui ad se patronatum Ecclesiæ asserit pertinere, à die vacationis infra sex menses continuos super hoc non moverit quæstionem, Archiepiscopus vel Episcopus illam Ecclesiam cui voluerit liberam conferendi habeat potestatem: quod non habebit si ille, qui dicit se esse patronum, contra Archiepiscopum vel Episcopum infra sex menses moverit quæstionem. Et si inter eos quæstio oriat, quòd mora fuerit controversia super jure patronatûs de Ecclesia vacante infra sex menses prænominatos, per quatuor Presbyteros & quatuor Milites, sicut prædictum est, examinatos veritas inquiretur.

Volumus etiam ut si fortuito casu contingat quòd Archiepiscopus vel Episcopus patronatum clamet in Ecclesia, Archiepiscopus ille qui clamat, vel Episcopus ille qui clamat, & est auctor, non sit elector quatuor Presbyterorum qui jurabunt, nec inquisitor, sed vicinus Episcopus statuatur loco Episcopi qui clamat, vel Archiepiscopus tanquam superior, si ipse Archiepiscopus non sit de querela.

## H E L I Æ

An. Christi  
circiter  
1092.  
Gal. \* la  
Coulture.

### CENOMANENSIS COMITIS DONATIO

*Facta Monasterio de Cultura\* in gratiam  
fratris sui qui Monachum induit.*

XV. **N**OTITIÆ tam præsentium quàm futurorum intimare curavimus, quòd ego HELIAS Comes Cenomanensis divinæ pietatis intuitu, pro salute etiam & remedio animæ meæ & antecessorum meorum, necnon & pro manachatu Enoch fratris mei, Deo & Monachis S. Petri de Cultura in perpetuum dedi & concessi medietariam de Boifart in eleëmofynam, cum pratis, & terram de Liminario, in præsentia HOELLI tunc temporis Cenomanensis Episcopi, in præsentia Iuhelli tunc temporis Abbatis Culturensis, qui quasi in materno gre-

mio fratrem meum prædictum cum summo honore & jocunditate in Abbazia suscepit. Et ne hujus rei memoria, ut solet, in irritum revocetur, ad hanc paginam recordationis, quam munimento sigilli mei confirmavi, recurrendum. Testes IosBERTUS tunc temporis bajulus Abbatis Iuhelli, LANDRICUS Golgothas, IOHANNES Bellimontis.

# ANSELMI DE RIBODIMONTE

*Ad MANASSEM Archiepiscopum Remensem.*

*In nomine Domini. Incipit Epistola quam transmisserunt sancti Peregrini qui amore Dei perrexerunt Hierosolymam, anno ab incarnatione Domini Mxcviii. Tempore Urbani Papæ, Indictione septima.*

An. Ch 1099.  
Anselmi &  
ejus ad Ma-  
nassem epi-  
stolæ memi-  
nit Guibert.  
de Nog. in  
fine Lib. 6.  
Geit. Dei per  
Franc. Et  
lib. 8. cap.  
9. sub med.

XVI. **D**OMINO suo & Patri M. Dei gratiâ Remorum venerando Archiepiscopo, A. de Ribodimonte, suus fidelis homo & humilis servus, salutem. Sciatis Sublimitas vestra, Reverende Pater & Domine, quia etsi non præsentialiter, tamē absentes, in cordibus nostris à vobis auxilium cotidie postulamus; nec solum à vobis, sed etiam ab omnibus sanctæ matris Ecclesiæ Remensis filiis, in quibus sanè maximam fiduciam habemus. Quia etiam Dominus noster estis, & totius regni Francorum maximè à vobis pendet consilium; notificamus paternitati vestræ aliqua de his prosperis & adversis quæ nobis evenerunt. Ceteris verò per vos notificetur; ut pariter in adversis nobis compatiamini, & in prosperis nobiscum gaudeatis.

Mandavimus vobis obsidentes atque capientes Nicæam, & inde recedentes, totam Romaniam atque Armeniam peragantes quomodò nos habuimus. Nunc autem restat ut de obsidione Antiochiæ, de multi-

modis periculis illic prælibatis , de innumeris præliis contra Regem Galapiæ , contra Damascum , contra illum ad ultimum Hierosolymitanum perpetratis , aliquantulum loquamur.

Oblessa est igitur Antiochia ab exercitu Domini nimis viriliter , & audaciùs quàm dici potest. Quàm inauditos conflictus ibi ad quandam occidentalem portam cerne- res ! Quàm mirabiliter illos per sex portas prosilientes cotidie , si præsens adesses , videres ! Vtrisque , illis videlicet & nostris , pro libertate & vita certantibus. In illis diebus nostri Principes cupientes civitatem magis ac magis artare , orientalem portam tunc primùm obsedimus ; castellóque ibi firmato , Boamundus in illo posuit partem sui exercitus. Principibus autem nostris tunc temporis aliquantulum intumescantibus , Deus , qui flagellat omnem filium quem diligit , adeo nos castigavit , ut vix invenirentur DCC. equites in nostro exercitu , & non ideo quia homines probi & audaces nobis deessent ; sed quia equi , aut inopia victus , aut nimietate frigoris , ferè omnes perierunt. Turci verò equis & omnibus necessariis abundantes castra nostra cotidie circuibant , fluvio quodam interposito , qui pro muro nobis habebatur. Aberat & castellum Turcorum ferè VIII. millibus ; qui ingredientes & egredientes , de nostro exercitu cotidie occidebant. Contra quos nostri Principes exeuntes , Deo adjutore illos in fugam verterunt , & multos eorum occiderunt. Videns ergo Antiochenensis se læsum , Damascum in auxilium advocavit : qui , providentia Dei , Boamundum & Flandrensem Comitem , qui ad quærendas escas ierant cum parte nostri exercitus , obvios habuit , & Dei auxilio præeunte , victus fugatúsque est ab eis. Adhuc Antiochenensis cogitans de salute misit ad Regem Galapiæ ; pecuniáque maximâ promissâ , ad hoc ut veniret cum omnibus copiis suis , illum excitavit. Quo adveniente , nostri Principes castra egressi sunt , & Deo adjutore , illa die cum DCC. equitibus & paucis peditibus , xv. millia Turcorum cum suo Rege devicerunt , & in fugam verterunt , & multos eorum occiderunt. In illo  
igitur



igitur prælio nostri, non paucis equis recuperatis, cum victoria gaudentes reversi sunt.

Ex illa ergo die magis ac magis convalescentes, viribus receptis, consilium inierunt quomodo occidentalem portam, quæ nobis portum maris, ligna, & herbam aufererat, obsiderent. Communi verò consilio Boamundus & Comes sancti Ægidii portum adierunt, illos \* ad-<sup>f.\* adiunxi.</sup> dicturi qui illic morabantur. Interim qui remanserant ad sarcinas, cupientes sibi adquirere nomen, quadam die post prandium incautè illam occidentalem portam adierunt, unde turpiter repulsi atque fugati sunt. Tertiâ post hæc die Boamundus & Comes sancti Ægidij revertentes, miserunt ad Principes exercitus ut illis occurrerent, & sic pariter portam obsiderent. Illis autem parumper morantibus, Boamundus & Comes sancti Ægidij à Turcis victi atque fugati sunt. Itaque nostri homines dolentes, atque suum dedecus pariter gementes (Nam illa die nostris mille corruerant) ac rebus ordinatis Turcos\* <sup>multum</sup> militum repugnantes, ac retinentes, vicerunt & in fugam verterunt. Perierunt autem illa die de inimicis ferè mille & cccc. tam armis, quam fluvio, qui hyemalibus pluviis abundabat.

His ita patrat, nostri firmare castellum aggrediuntur; illòque multiplici vallo, muro firmissimo, necnon & duas turribus munito, Comitum sancti Ægidii cum ballistariis & sagittariis illic collocant. O cum quanto periculo, cum quanto labore, illum firmavimus! Pars quædam nostri exercitus castellum orientale, alia pars castra servabat, cum omnes castellum firmabant. Ex illis, ballistarii & sagittarii portam custodiebant. Reliqui, & ipsi Principes, aggerem jacere, lapides portare, murum struere non cessabant. Quidam numerare multimodas tribulationes; quæ tacitæ etiam satis per se patent, videlicet fames, æris intemperies, timidorum militum fugas; quæ quantò asperiores, tantò alacriores nostri in sustinendo fuerunt. Veruntamen illud silendum minimè putamus, quòd quadam die Turci se civitatem reddituros simulaverunt, & in tantum nos deceperunt, ut de nostris

ad illos exciperent, & de suis ad nos plurimi exirent.

Dum hæc ita agerentur, ut pote nihil habentes fidei, insidias nostris posuerunt, ubi occisus est Wallo Conestabiles. Et alii, tam de suis, quàm de nostris, plures corruerunt. Post hæc autem transactis paucis diebus, nuntiatum est nobis Corbaran principem militiæ Regis Persarum in nostram mortem conjurasse, & cum innumerabili exercitu magnum flumen Eufratem jam præterisse. Deus autem, qui semper sperantes in se non deserit, non dereliquit suos, sed civitatem Antiochiam tribus civibus eam tradentibus in Nonis Iunii misericorditer nobis dedit. Depopulata autem civitate, ipsa die omnes paganos in ea occidimus; exceptis quibusdam in castello civitatis se tuentibus.

Sequenti ergo die adveniens Corboran cum Rege Damasci, & Duce Baldach, & cum Rege Herosolymitano, & aliis quàm plurimis, civitatem obsedit. Nos igitur obsessi ab illis, & obsidentes prædictos paucos in castello civitatis, ad edendas carnes equorum & asinorum compulsi sumus. Secunda die adventus illorum, Rogerium de Barnonisvilla nobis occiderunt. Tertia die castellum, quod contra Antiocheneses firmavimus, aggrediuntur. Sed nil profecerunt. Rogerium tamen Castellatum Insulæ vulneraverunt, unde mortuus est. Videntes quia ex illa parte nihil proficerent montana ascenderunt. Nos autem contra illos egressi, victi sumus ab illis atque fugati. Ipsi verò nobiscum muros ingressi, illum diem & noctem sequentem insimul fuimus, distantes ab invicem quasi uno lapidis jactu. Sequenti die aurora apparente, altis vocibus Baphometh invocaverunt; & nos Deum nostrum in cordibus nostris deprecantes, impetum facientes in eos, de muris civitatis omnes expulimus. Ibi mortuus est Rogerius de Bithiniacavilla. Ipsi verò castra moventes, totas civitatis portas obsederunt, ad redditionem cupientes nos compellere inopiâ victûs.

Positis ergo in tanta tribulatione servis suis Deus auxiliatricem dexteram suam porrexit, & divina revelatione lanceam, qua perforatum est corpus Christi, mise-

ricorditer revelavit. Latebat autem in Ecclesia beati Petri sub pavimento quasi duas staturas hominis. Inventâ ergo istâ pretiosâ margaritâ, cor omnium nostrorum revixit; & vigiliâ Apostolorum Petri & Pauli accepto inter se consilio, miserunt nuncios ad Corbaran, qui dicerent: Hæc dicit exercitus Domini: Recede à nobis, & ab hereditate beati Petri: alioquin armis fugaberis. Quo audito, Corbaran evaginato gladio juravit per regnum & thronum suum quòd defenderet se de omnibus Francis, & dixit se terram possidere & semper possessurum justè vel injustè. Mandavit enim quòd nec verbum ab illo audirent, donec derelicta Antochia Christum denegarent & legem Persarum profiterentur.

His auditis, Christiani confessione mundati, perceptione Corporis & Sanguinis Christi firmiter armati, parati ad prælium, portam egressi sunt. Egressus est primus omnium Vgo Magnus cum suis Francis. Deinde Comes Normannorum atque Flandrensis. Post istos venerandus Episcopus Podiensis, & acies Comitis S. Ægidii. Post illum Tancredus. Ultimus omnium Boamundus invictissimus. Aciebus ergo ordinatis, lancea Domini præeunte & ligno Dominico, cum fiducia maxima cœperunt præliari, Deoque juvante prædictos Principes Turcorum confusos & omnino victos in fugam verterunt, & innumeros eorum occiderunt. Revertentes igitur cum victoria, grates Domino egimus, & solemnitatem Apostolorum cum lætitia maxima celebravimus. Ipsa die redditum est nobis castellum, filio Regis Antiochenis cum Corbaran in fugam verso. Ipse Rex, die qua reddita est civitas, fugiens à rusticis interemptus fuerat in montanis.

Hæc idcirco mandavimus vestræ Paternitati, ut de ereptione Christianorum & de libertate Antiochenis matris Ecclesiæ gaudeatis, & pro nobis omnibus Deum devotius exoretis. Confidimus enim multum in vestris orationibus; & quicquid proficimus, non nostris meritis, sed vestris precibus reputamus. Nunc ergo precamur ut terram nostram in pace custodiatis, & Ecclesias & pauperes de manibus tyrannorum defendatis. Precamur

etiam ut de falsis peregrinis consilium capiat, quatinus aut signum salutiferæ crucis iterum cum poenitentia assumant, & iter Domini peragant, aut periculo excommunicationis subiaceant. Sciatis pro certo quia janua terræ aperta est nobis; & inter alios bonos nostros eventus, Rex Babylonie missis ad nos nuntiis, dixit se obedire nostræ voluntati. Valere. Obsecramus in Domino Iesu, ut omnes ad quos hæc epistola pervenerit, pro nobis & pro mortuis nostris Deum exorent.

An. Christi  
1009.

## BALDRICVS

### DOLENSIS ARCHIEPISCOPVS

*Approbat omnia bona Monasterii sancti  
Florentij qua sita sunt in sua diœcesi.*

XVII. **O**VONIAM antiquorum bene gesta à modernis multoties depravantur, nec sæcularia tantum sed etiam ecclesiastica jura ignorantium seria sæpe perturbat cupiditas: non incongruum hinc arbitror juxta rerum necessitudinem, & temporum rationem, præcedentium instituta succedentium consensu quasi quibusdam fulcire sustentamentis, atque quibusdam munire præsidiiis, ut quæ manum inferre possit alieni cupidus appetitor, nihil reperiat. Hac quidem consideratione à Monachis S. Florentii res quædam ita gesta est. Dum Domnus BALDRICUS Dolensis Archiepiscopus Romæ rediens in secundo ordinationis suæ anno pallium, sui scilicet ordinis perfectionem, secum deferret, pridie Nonas Martii Salmuro apud sanctum Florentium hospitatus est, qui in crastina die, quæ tunc Dominica evenit, Capitulum ingressus, cum sermonem cum Fratribus habuisset, ab ipsis rogatus est ut ea omnia quæ in suo Episcopio possidebant, & suæ dignitatis consensui pertinebant, firmissimè eis concederetur, & sua autoritate protegeret: quibus ipse se facturum spondit. Post triduum ergo, die scilicet quo discessurus erat, summo mane tabulam \* pulsare fecit, &

\* Signum ad  
convocandos  
Fratres,

Fratribus congregatis Capitulum ingressus est, & eis omnia sicut poposcerant concessit, salvâ tamen querelâ Canonorum S. Sansonis, & Ecclesiæ sanctæ Mariæ, quæ in castro Dolis sita est. Hujus concessionis testes sunt IOHANNES Episcopus S. Briochi qui cum eo venerat & præsens aderat; Dominus Abbas GUILLELMUS ejusdem Cœnobii, ORGERIUS Prior, & omnes alii Fratres qui tum in Conventu S. Florentii aderant, quos longum est enumerare. Ipse quoque Iohannes Episcopus concessit nobis & quidquid in Episcopio suo habebamus, & quidquid exinde acquirere possemus. Actum est hoc anno ab Incarnatione Domini MCIX. Indictione Romanorum II. Cyclo lunari VIII. Terminò Paschali XIV. Calendas Maii: die ipsius Paschæ. VII. Calendas Maii: Lunâ ipsius diei vigesimâ primâ.

**DO NATIO HILDEBERTI** An. Christi 1006.

**EPISCOPI AVENIONENSIS,**

**& ROSTAGNI viri nobilissimi  
ac uxoris ejus.**

18. **I**N nomine IESU CHRISTI veri æterni Dei. Conferuntur Monasterio S. Andreæ Ecclesiæ & omnia quæ sunt in Allieraco minore.  
HELDEBERTUS Avenionensis Ecclesiæ humilis Episcopus ejusdem IESU CHRISTI servus, & ROSTAGNUS nobilissimus vir cum uxore sua BELETRUDE, & filiis PETRONE Clerico & BERTRANNO, & ROSTAGNO seu EMENONE: veteris ac novi conclamat series Testamenti eos qui terrena dona pauperibus tribuunt, atque de suis opibus in Ecclesia Dei militantes sustentant, ab eo æterna præmia recepturos, qui in judicium veniens suis dilectis dicturus erit: *Venite benedicti Patris mei, percipite regnum quod vobis paratum est ab origine mundi.* Matth. 25. 14. Quod verum esse non ambigit, qui subtili indagatione mente pertractat, quod in Evangelio veritas jubet: *Date, inquit, eleemosynam, & ecce omnia munda sunt vobis.* Luce, II. 41. Et iterum:

Aa iij

*Matt. 6. 10. Thesaurizate vobis thesauros in cælo, ubi nec ærugo, neque tinea demolitur; & ubi fures non effodiunt, nec furantur.*

*Job. 12. 9. Et quod bonus pater prudenti filio intulit dicens: Eleemosyna à morte liberat, & non permittit hominem ire in tenebras.*

*Prov. 11. 8. Et quod quidam Sapiens dicit: Redemptio animæ viri, propriæ divitiæ. His igitur animadversis, ut arbiter totius Orbis nostris animabus in die tremendi examinis dignetur misereri, atque per intercessionem servorum Dei in illa mansione, qua Regis Regum conspectu perfruitur, suorum efficiat consortes fidelium.*

Donamus Monachis qui in Cœnobio sancti Andreæ & sancti Martini, quod esse constat infra nostram diocesim in monte Andaone super flumen Rodani, modò famulantur Deo, & futuris temporibus illic divinum egerint ministerium, aliquid ex rebus nobis commissæ Ecclesiæ, id est, Ecclesiam sancti Petri quæ est in comitatu Avenionense in Alieraco minore, cum omnibus quæ ipsi Ecclesiæ & ipsi villulæ attinere seu pertinere videntur, damus eis potestatem semota omni inquietudine tenendi & possidendi. Præcipio enim ut Abbas & Monachi, qui sub eo in eo Monasterio manserint, prædictam Ecclesiam cum superscriptis rebus obtineant, & per singulos annos in festivitate sancti Petri, Pontifici Avenionensis Ecclesiæ tres solidos fideliter in censum persolvant. Si igitur evenierit, ut aliquis ex successoribus nostris, seu quislibet homo, aut ulla opposita persona hanc donationem nostram surgat ad inrumpendum, quod tentaverit non vindicet, sed omnipotentis Dei iram, & maledictionem percipiat, & cum Iuda traditore, & Dathan & Abiron, quos terra absorbit, in inferno demergatur, & sit anathema maranata; & insuper sciat se excommunicatum, & à liminibus sanctæ Ecclesiæ separatum à beatis Apostolis Petro & Paulo, & à beato Andrea, cujus donationem irritare præsumpsit. Et ut hoc testamentum in futuris temporibus inconvulsam obtineat vigorem, manibus Canonicorum meorum insigniri jussi. Actum publicè Avenione undecimo Calendas Octobris, Anno

Dominicæ Incarnationis millesimo sexto , Indictione quarta.

Signum **HELDEBERTI** humilis Episcopi , &  
**ROSTAGNI** , qui hoc testamentum scribi & firmari  
jusserunt.

Signum **DURANDI** Presbyteri.

Signum **RANULFI** Levitæ.

Signum **ANNONI** Presbyteri,

Signum **BARANGARII** Presbyteri.

Signum **RADFREDI** Presbyteri.

Signum **ANNONI** Presbyteri.

Signum **PONTII** Presbyteri.

Signum **GERONIMI** Presbyteri.

Signum **AMBLARDI** Presbyteri.

Signum **SANTONI** Presbyteri.

Signum **ADEMARI** Presbyteri.

Signum **DANIELIS** Presbyteri.

Signum **VUARNERII** Levitæ.

Signum **AICARDI** Levitæ.

Signum **PONCIONI** Levitæ.

Signum **PETRI** Clerici.

Signum **BERTRANNI**.

Signum **ROSTAGNI**.

Signum **EMENONI**.

Subscripsit **PONCIUS** Comes.

Subscripsit **ROSTAGNUS** filius **Emenoni**.

**RAYMUNDUS** subscripsit.

Donavit atque firmavit **LAUTALDUS**.

Subscripsit **VMBERTUS** filius **Bertranni** , donavit at-  
que firmavit.



An. Christi  
1006,

**TESTAMENTVM GIRVINI  
ET VXORIS EIVS  
CONSTANTIAE.**

Erogat Mo-  
nasterio S.  
Andree om-  
nia quæ pos-  
sdebant in  
villa Marma-  
nicæ,

19.

**A** VCTORITAS etenim jubet Ecclesiastica & lex consistit Romana, ut quicumque rem suam in qualicumque potestate transfundere voluerit, per paginam testamenti eam infundat, ut prolixis temporibus secura & quieta permaneat. Quapropter ego GIRVINUS & uxor mea CONSTANTIA, quo filio nostro nomine Acardo donamus ad Monasterium constructum in honore sancti Andree atque beati Martini in monte Andaone super fluvium Rodani, ubi domnus MARTINUS Abbas præesse videtur, sive ad Monachos qui ibi Deo famulantur, omnem hereditatem nostram quam visi fuimus habere aut possidere in pago Advenico in villa Marmanicas, &c.

Facta carta ista in Monasterio sancti Andree in mense Novembris die Dominico, Anno incarnati Verbi millesimo sexto, Indictione quarta.

Signum GIRVINI qui hanc donationis cartam fieri & firmari rogavit.

Signum CONSTANTIAE uxoris ejus, quæ voluit & consentit.

Signum ALARDI filii ejus firmavit.





*DOS facta in consecratione Ecclesie sancti  
Martini in monte Andaone , à STE-  
PHANO & uxore ejus GARSINNE, &  
à Comitissa Tolosa EMMA, ac filio ipsius  
PONTIO.*

An. Christi:  
1014.

20. **A**LMIFLUI Architecti sapientia cuncta adin-  
venit suâ prudentiâ cum primum caduci or-  
bis poneret fundamenta , creans omnia diversibiliter in  
speciebus suis subsistentia , ut condito homine ei trade-  
ret dominanda , eum rectitudine sui moderaminis arbi-  
trioque suo constituens , ut amœna paradisi novus habi-  
tator possidens , perpetuæ inviolabilisque beatitudinis  
jura teneret , si præceptis sui Conditoris obediret. At  
contrà Adversarius præceptis Dei semper inimicus &  
contrarius ob invidiam hominis sui loco positi , jussis Re-  
ctoris parere cupienti , per collegæ virulentû consensum ,  
delectabili pomi dulcedine transgredi suasit Omnipoten-  
tis præceptum. Quia ergo mors dominanda erat , surda  
aure transgressus est qui jam perierat , atque ut meruerat  
expulsus est extra januas paradisi , & cœpit possidere tri-  
bulationes & ærumnas hujus regni. Mors namque quæ  
jam cœperat dominari in eum retorfa & in suis sequaci-  
bus amplificavit sua jura supra cunctis mortalibus , atque  
dominata per longa tempora boni malive rapiebantur ad  
pœnam. Omnipotens autem ejus creatura deperierat  
& sponte se morti tradiderat , adinvenit qua arte recu-  
peraret , & non jam mors sed vita quæ est Christus domi-  
naretur , in similitudine sui plasmæ factus est verus homo ,  
ut pereuntes animas redderet Deo patri suo , multa passus  
redemit omnes à jugo diaboli , & qui antè filii inimici ,  
nunc vocarentur filii Dei. Regrediens verò ad supera re-  
gna misit suos Doctores in universam terram , ut cunctis  
amuntiarent remissionem veram , & qui primo parenti  
dedit legem , ipse per ora docet qualiter recuperari de-

Tom. VII.

Bb

beat amissa delectatio regni. Abeuntes ergo per cuncta loca prædicationis impenderunt doctrinam cum virtute signorum, atque cum verbis opera miscentes, idola diabolica destruentes, atque ut dignum erat loco illorum Ecclesias ædificantes; quia necesse erat ut expulsis demonibus, dominus inibi habitator haberetur. Per auditores verò & sequaces Apostolorum doctrina ædificandarum Ecclesiarum replevit mundum.

Igitur quia imitatio eorum docuit nos construere Ecclesias, & constructas necesse est benedici, utique nos in consecratione sanctissimi Confessoris Martini Ecclesiæ fundatæ in monte Andaone, in Monasterio sancti Andree, sicuti mos est in consecrandis Ecclesiis, † Ego STEPHANUS & uxor mea GARSINNIS & filii mei ROSTAGNUS, BERTRANNUS, BERALDUS, STEPHANUS pro amore & dilectione Dei omnipotentis, & remedium animæ meæ & animarum TETBALDI & ERMENGARDÆ; ut Deus omnipotens per intercessionem Sanctorum dignetur misereri, dono in dotem ad Ecclesiam sancti Martini, quæ est fundata in monte Andaone super fluvium Rodani aliquid de alode meo, quod est in comitatu Nemosense, in valle Anaga in villa quam vocant Cavairaco mansum unum quem tenet Guibaldus, cum curte & exago suo, & cum ipsis arboribus, & cum omnibus quæ ipsi manso pertinent vel pertinere debent, & faciant ipsi Monachi vel Advocati suprataxatorum Sanctorum liberam ac firmam in omnibus habentes potestatem. Si verò, quod absit, evenerit ut ego, aut quilibet in mea progenie, seu cujuscumque dignitatis homo hoc donum molestare quolibet modo præsumpserit, quod petit, non suæ potestati subjiciat, sed iram Omnipotentis incurrat, anathematizetur à beato Martino cui hoc donum confertur nisi ad emendationem venerit; insuper verò componat in vinculo tantum & alium tantum, & deinceps hæc donatio valeat..

Factum hoc dotalitium in mense Novemb. Anno Dominicæ Incarnationis millesimo vicesimo quarto, Indictione septima.

Signum, Ego STEPHANUS, & uxor sua GARSINNIS,  
& filii sui ROSTAGNUS, BERTRANNUS, BERALDUS,  
STEPHANUS, qui facientes hoc donum testibus firmare  
fecerunt firmum illorum manu.

EMENONE subscripsit.

EMENONE rursus subscripsit.

GONTERIUS subscripsit.

Ego EMMA Comitissa & filius meus PONTIUS pro  
amore & timore Dei, & remedio animæ meæ dono in  
dotalitium ad Ecclesiam sancti Martini mansum unum  
in Avenione civitate, quem tenet Petrus filius Bri-  
ceionis.

EMMA Comitissa subscripsit.

Signum PONTII.

Signum BERTRANNI.

BARANGERIUS subscripsit.

AMICUS subscripsit.

• RICHARDI

NORMANNORVM DVCIS III.

*Donatio propter nuptias ADELÆ facta.*

An. Christi  
1016.

Communicas  
vix Dominus  
d' Herouval.

21. **I**NEFFABILIS Dei Omnipotentis clementia non  
patiens manere imperfectum numerum Ange-  
lorum, apostatæ Angeli prævaricatione imminutum,  
hominem ad imaginem & similitudinem suam factum  
disposuit tenere in superna felicitate locum, quem An-  
gelus per superbiam lapsus reliquerat vacuum; cui homi-  
ni ad propagandam posteritatis prolem sociam ex pro-  
prio latere formavit mulierem, quò & unitas in utroque  
maneret conditionis, & duo in carne una jungerentur in  
progeniem posteritatis. Hoc enim sic approbatur verbis  
divinæ legis: *Propter hoc relinquet homo patrē & matrem*  
*& adheret uxori suæ; & erunt duo in carne una:* Vnde  
patenter datur intelligi non quocumque modo vel for-

B b ij

ritu , quasi ex libero animi arbitrio mulierem sociandam esse viro , cùm constet hoc ut semper legitimè fiat multiplici Scripturarum divinarum approbatum & stabilitum testimonio. Nam ut Christus mundo manifestaret sacrum & sibi placitum esse legitimum conjugium nuptiarum , suâ personâ\* dignatus est sacrare convivium , & miraculo potentiae suae animos lætificare convivantium. Cujus etiam conjugii copulam indissolubiliter volens utrisque viventibus permanere , ipse aliàs dixit : *Matth. 19. 6. Quod Deus conjunxit , homo non separet.* Nisi fortè quòd evangelicis verbis traditur , occurrat rationabilis causa. *Ephes. 5. 25.* Denique super hoc sic Apostolus ait : *Viri diligite uxores vestras , sicut & Christus Ecclesiam.* Iis ergo & multis alijs Dominicis præceptis habetur fixum , viri & mulieris conjugium legitimè in Domino semper celebrandum.

Quibus ego RICHARDUS Nortmannorum Dux obtemperare contendens , accipio te D. ADELA in conjugem legalis desponsationis anulo mihi in carnis unitate jungendam , non voluptatis exercendae causâ , sed generandæ in obsequium Christi , prout ipse disposuerit , proli gratiâ : quod ut obtineam votis omnibus exopto divinitate propitia.

*Sive Atala  
& Ala , filia  
Roberti Regis Franc.*

Concedo ergo tibi jure dotali de rebus proprietatis meae civitatem , quæ appellatur Constantia cum Comitatu , exceptâ terra R.\* Archiepiscopi.

\* Roberti.

Concedo etiam castella quæ ibi habentur ; videlicet Carusburc cum eo quod dicitur Holmus , & eo quod dicitur Bruoto , cum his quæ ad hæc aspicere videntur.

Concedo quoque curtem quæ dicitur Ver super fluvium Senæ , cum sylvis & terris cultis & incultis ; & super eundem fluvium curtem quæ appellatur Cerencis.

Concedo denique curtem supra mare , quæ dicitur Agons ; & eam quæ appellatur Valangias , cum sylvis , pratis , molendinis , & omnibus appendiciis : Abbatiam necnon quæ appellatur Porthail , quæ sita est super aquam Ior-fluctum cum portu , & pagum qui dicitur Sarnes cum aquis & portu maris : & pagum qui dicitur Haga cum sylvis & portu maris.


Concedo etiam pagum qui appellatur Balteis , cum aquis , terris cultis & incultis; & eum qui dicitur Egglandes , cum aquis , piscatoriis , & curte quæ dicitur Percei cum appendiciis suis: curtem denique quæ dicitur Moion, cum appendiciis suis quæ ad eam pertinent.

Et in Comitatu Bajocacensi concedo villam quæ dicitur Cathim super fluvium Olnæ , circumquaque cum Ecclesiis , vineis , pratis , molendinis , cum foro , telonio , & portu & omnibus appendiciis suis.

Hæc omnia tibi habenda sub nomine & lege dotis , subnixa adstipulatione de rebus meis transfundo , ut juxta nobilitatis tuæ lineam dotata indissolubili mihi jungaris amore conjugii , & gaudeas nostræ consors donationis iis rebus suo jure tibi bene concessis , cujus cessionis dotalitio , vt sibi convenientem firmitatis teneat vigorem , manu propria subscripsi , addita auctoritate mei nominis.

Ego RICHARDUS hoc dotalitium fieri iussi , & confirmo.

Datum mense Ianuario , Anno Incarnationis Domini millesimo vigesimo sexto , Indictione ix.



*GREGORII PAPÆ VII.*

An. Christi

1075.

Ex Mss. D.

d'Herouval.

Vt obinju-

rias &amp; dāna

illata Lehu-

nenſibus Mo-

nachis ſatīſ-

faciant do-

mini Nigell-

æ &amp; Bovæ.

22. **G**REGORIUS Episcopus servus servorum Dei. Dilectis filiis nobilibus viris I. de Nigella & R. de Bova Noviomensis & Ambianensis diœcesis, salutem & Apostolicam benedictionem. Quàm graviter in persecutione suorum offendatur Dominus; in quibus honorari se asserit atque sperni, vos debita volumus meditatione pensare, ut sic dilectos filios Priorem & Conventum Lehunensem Ambianensis diœcesis, qui hujus sæculi vanitatibus abnegatis obtulerunt Domino laudis sacrificium semetipsos, non solum non graveris, verum etiam ipsos studeatis propensius honorare. Ad nostram siquidem audientiam eisdem conquerentibus noveritis pervenisse, quod vos nescimus quorum seducti consilii minimè sicut convenit attendentes, quod laïcis super Ecclesiis, personis & rebus Ecclesiasticis nulla est attributa potestas, ipsos ac homines eorundem tam per vos quàm per Balivos vestros indebitis exactionibus multipliciter aggravatis & affligitis, extortiones & indebitas exactiones exigendo contra justitiam ab eisdem & libertates & immunitates ipsorum infringere moliendo.

Cùm itaque gravamen ipsorum Monasterii nolimus clausis oculis pertransire, nobilitatem vestram rogandam duximus attentius & hortandam, per Apostolica vobis scripta mandantes, quatinus ob reverentiam B. Petri & nostram à prædictorum Prioris & Conventus, necnon & hominum eorundem molestiis & gravaminibus desistentes, & desistere facientes Balivos eosdem, satisfaciatis de damnis illatis & injuriis competenter. Alioquin dilectis filiis Abbati & Priori S. Cornelii Compendiensis, Sueffionensis diœcesis, nostris damus litteris in mandatis, ut tam vos quàm Balivos vestros ad id monitione præmissa per censuram ecclesiasticam, appellatione remota, cognita veritate compellant.

Datum Perusii iv. Idus Decembris, Pontificatûs nostri anno tertio.

*G A V F R E D I**Avenionensis Episcopi Arbitrium.*An Christi  
1154.

XVIII. **A**NNO Incarnationis Domini MCLIV. Ego GAUFREDUS Avenionensis Ecclesiæ Episcopus querimoniam Cabillonensis Ecclesiæ adversus Monasterium S. Andreæ factam auctore Deo ita terminavi. Communi siquidem utriusque partis assensu nostri arbitrii diffinitione electa, venerabilis præfata Ecclesiæ Episcopus ALFANDUS cum Clericis suis, & venerandus prænominati Monasterii Abbas PONTIUS cum Monachis suis, ob dirimendam susceptæ litis dispendiosam controversiam ante nostram præsentiam convenerunt. Ecclesia itaque adversus Monasterium intendente, quòd Ecclesia B. MARIE, & Ecclesia sancti Phileæ suæ proprietatis fuissent antiquitus, & à præfato Monasterio per manum laicam sibi violenter ablata, & hoc antiquorum & Clericorum & laicorum testimonio approbare nitente, Monasterium canonicam præfatarum Ecclesiarum donationem, à bonæ memoriæ primùm RADULFO, demum DESIDERIO Cabillonensis Ecclesiæ Episcopis, magnarum & religiosarum personarum consilio sibi factam Scripturæ attestatione asseruit; & eandem donationem felicitis memoriæ Romanorum Pontificum Urbani, Innocentii, Eugenii privilegiis munitam & roboratam, eorundem privilegiorum attestatione demonstravit.

Nos verò beneficiorum & privilegiorum jura temere formidantes, & quieti Monasteriorum prompto studio intendentes, ita arbitrium nostrum temperavimus, ut Monasterium canonica donatione & privilegiorum munimento gauderet, & intentæ querimoniam amicabili de cetero compositione sopita cessaret.

Dominum itaque Episcopum & Clericos ejus supplicando rogavimus, ut omni quæstione & querimonia præfatarum Ecclesiarum pietatis intuitu de medio sublata, easdem Ecclesias jamdicto Monasterio perpetuo beneficii jure tenendas concederent. Abbatem verò & Monachos

Lis mora inter Episcop. Cavallionensem & Monachos S. Andreæ Avenion. de Ecclesiis nonnullis dirimitur.

commonuimus ut intuitu conservandæ pacis & quietis monasticæ desiderio debitam, & si opus esset plusquam debitam matri Ecclesiæ reverentiam dependentes, duos solidos veteris Mergoriensis moneræ, nomine censualis canonis pro sæpeditis Ecclesiis singulis annis Canonicis persolverent. Quod & in nostra & multorum tam nobis assistentium quàm utrique parti faventium, omnibus volentibus & hoc fieri postulantibus, præsentia factum est.

Præterea idem Episcopus omnes Ecclesias & alias res quas præfatum Monasterium in Cabillonensi Episcopatu longis retro temporibus habuit, Abbati & Monachis Clericorum suorum assensu laudavit, & habendas sicut habuit hætenus perpetuò confirmavit, salvo tantum matricis Ecclesiæ jure synodali

Testes sunt hi & qui inferiùs scripti sunt :

PETRUS Arelatensis Monachus.

RAIMUNDUS Garnerii Clericus.

GUILLELMUS Grammaticus.

RAIMUNDUS Rostagnus Moltanarius.

De illis, FULCHERTUS.

RAINULFUS Canonicus.

GUILLELMUS Gaufredi Monachus.

De Militibus, GUILLELMUS de Bolbone.

BERTRANNUS Romeus.

RAIMUNDUS Giraldi.

ABFANDUS de Fosso.

PETRUS Vgonis.

RAIMUNDUS Bottini.

RAIMBALDUS Siluri

ALPHANDUS Agarnus.

RAIMUNDUS Guillelmi.

AIGARDUS Atanolf.

BERTRANNUS Bermundi.

PETRUS Ebrardi Sacrista.

PETRUS de Affivel Decanus.

PONTIUS Siluri.

ROSTAGNUS de Lastelladas.

PETRUS Lunardi.

ROSTAGNUS



ROSTANGNUS Lamberti.  
PETRUS Alfanti.  
GUILLEMUS Adalberti.  
PONTIUS de Vallejovina.  
FRANCO. [ ODILUS.  
PONTIUS Rostagni.  
PETRUS Conils.  
AMADUS Cavallons Caims.  
ROSTAGNUS Capitis scholæ.  
Monachi verò S. Andreæ fuerunt testes PONTIUS Abbas.  
ROBERTUS Sacrista. [ ROLANDUS.  
BERTINUS de Cruerio.  
PETRUS de Rostagni.  
De Militibus testes fuerunt RAIMUNDUS de Bolbone.  
PETRUS Bermundi de Avelloneges.  
RAIMUNDUS de Langnas.  
ROSTANGNUS Scherpa. [ MILO de Avellonege.  
PLTRUS Botini de Cabillone.  
PETRUS Bermundi de Lauduno.  
BERTRANNUS de Insula & ROSTAGNUS frater ejus.

*NARRATIVNCVLA*An. Christi  
1115.*De Concilio Lateranensi IV.*

XIX. **A**NNO ab Incarnatione Verbi millesimo ducentesimo decimo quinto celebrata est sancta universalis Synodus Romæ in Ecclesia sancti Salvatoris, quæ Constantiniana vocatur, mense Novembris, presidente Domino Papa INNOCENTIO III. Pontificatus ejus octavodecimo anno. In qua fuerunt Episcopi quadringenti duodecim; inter quos extiterunt duo de præcipuis Patriarchis, videlicet Constantinopolitanus, & Ierosolymitanus: Antiochenus verò gravi languore detentus venire non potuit, sed misit pro se Vicarium Anterandensem Episcopum: Alexandrinus verò sub Sarracenorum dominio constitutus fecit quod potuit, mittens pro se Archidiaconum suum. Primates autem & Metropoli-

Tom. VII.

Cc

## 210 *Miscellanea Epistolarum.*

tani septuaginta unus. Ceterum Abbates & Priores ultra octingentos. Procuratores verò Archiepiscoporum, Episcoporum, Abbatum, Priorum & Capitulorum absentium, non fuit certus numerus comprehensus. In ea Synodo fuerunt hæc instituta quæ sequuntur: *Videlicet Canones ejusdem Concilii: & sub finem post orationem Innocentii Papæ: Sententia de terra Albigenfi.*

an. Christi  
1215.

## CONCILII LATERANENSIS IV.

### *Sententia de Terra Albigenfi.*

XX. **Q**UANTUM Ecclesia laboravit per Prædicatores & Cruce-signatos ad exterminandum hæreticos & ruptarios de provincia Narbonensi, & partibus sibi vicinis, totus pene Orbis agnoscit. Et quidem per Dei gratiam & sollicitudinem nostram valde profecit, cum exterminatis utrisque terra ipsa in fide Catholica & pace fraterna nunc salubriter gubernetur. Quia verò novella plantatio adhuc indiget irrigari, sacro consulto Concilio ita duximus providendum, ut Reimundus Tolosanus Comes qui culpabilis repertus est in utroque, nec unquam sub ejus regimine terra possit in fidei statu servari, sicut à longo tempore certis indiciis est compertum, ab ejus dominio, quod utique grave gessit, perpetuo sit exclusus, extra terram illam in loco idoneo moraturus, ut dignam agat poenitentiam de peccatis. Verumtamen de proventibus terræ pro sustentatione sua quadringentas marchas percipiat annuatim, quandiu curaverit humiliter obedire. Vxor verò ipsius Comitis, soror quondam Regis Arragonum, cui ab omnibus laudabile testimonium perhibetur, quòd sit mulier honesta & catholica, terras ad suum dotalitium pertinentes integrè habeat & quietè. Ita tamen ut sic eas ad mandatum Ecclesiæ faciat custodiri, quòd per ipsas negotium pacis & fidei non valeat perturbari; vel pro illis secundum Apostolicæ Sedis arbitrium recompensationem accipiat competentem. Tota verò terra quam obtinuerunt Cruce-signati adversus hæ-

reticos, credentes, & fautores ac receptores eorum, cum Monte Albano atque Tolosa, quæ magis hæretica labe corrupta, dimittatur & concedatur (salvo per omnia Catholicorum jure virorum, mulierum, & Ecclesiarum) Comiti Montis-fortis viro strenuo & catholico, qui plus cæteris in hoc negotio laboravit, ut eam teneat ab his à quibus de jure tenenda est. Residua autem terra, quæ non fuit à Cruce-signatis obtenta, custodiatur ad mandatum Ecclesiæ per viros idoneos, qui negotium pacis & fidei manuteneant & defendant, ut provideri possit unico adolescenti filio præfati Comitis Tolosæ, postquam ad legitimam ætatem pervenerit, si talem se studuerit exhibere, quòd in toto vel in parte ipsi meritò debeat provideri, prout magis videbitur expedire.

## TRANSLATIO FACTA

### DE ELECTIONE EPISCOPI

#### *De Majoricis.*

An. Christi  
1230.  
Ex membra-  
nis Domini  
d. Herouval.

XXI. **I**N Dei nomine, & ex divina gratia, manifestum sit cunctis præsentibus atque futuris, quòd cùm inter IACOBUM illustrem Regem Aragonum & regni Majoricarum, Comitem Barchinonensem & Dominum Montispeffulani ex una parte, & venerabilem patrem Berengarium Episcopum & Capitulum Barchinonense ex altera, quæstio mota esset super Ecclesia Cathedrali de Majoricis, & ibidem Episcopo eligendo, quæ omnia dictus Episcopus & Capitulum ad se de jure spectare dicebant ratione cujusdam donationis, quam quidam Saracenùs olim dominus Deniæ & insulæ supradictæ fecerat Episcopo & Ecclesiæ Barchinonensi, cui donationi consenserant olim Comites Barchinon. Archiepiscopi & Episcopi plures, & etiam prædicta omnia Sedes Apostolica confirmavit. Quæ nitebantur probare per publica instrumenta. Tandem dicti Episcopus & Capitulum attendentes, quòd dicta civitas & regnum Majoricarum

Cc ij

Episcopum exigebant, quem dominus Rex IACOBUS supradictus ibi creare volebat, animatus ad dotandam Ecclesiam supradictam, quæ tanquam novella plantatio pullulabat, voluntati regię in parte liberaliter adhæserunt, ita quòd mediantribus Populeti & sanctarum Crucum Abbatibus, & aliis bonis viris super præmissis, ad hanc concordiam sive compositionem amicabiliter pervenerunt, videlicet quòd creetur Episcopus in Majoricis, & fiat ibi Ecclesia Cathedralis, & ista prima vice solummodò sit Episcopus civitatis illa persona quam Dominus Rex voluerit nominare, & quòd dicti Episcopus & Capitulum illi nominationi non possint resistere, imò annuant regię voluntati, & eam charitatis brachiis amplectantur: & si fortè persona nominata à domino Rege ante consecrationem decederet, vel ejus consecratio impediretur electionis vitio vel electi, idem dominus Rex aliam nominet personam, & sic de singulis, quousque talem dominus Rex personam nominet, quæ ad consecrationem perveniat licitè cum effectu. Mortuo autem isto primo Episcopo consecrato, postea perpetuò fiat electio per Episcopum & Capitulum Barchenonæ cum assensu Regis Aragonum qui tunc regnabit, & de gremio Ecclesiæ Barchenonæ, si ibi potuerit idoneus reperiri, si autem ibi inveniri non posset, de ipsa eadem Ecclesia Majoricarum, vel de alia, per eundem Episcopum & Capitulum Barchenonæ, consentiente tamen semper Rege, Episcopus assumatur ad Ecclesiam supradictam; & sic perpetuò res procedat. Verumtamen voluntas Regia ultra duos menses nullatenus exspectetur.

Iste idem ordo servetur si in Minoricis vel Eviça fieret Ecclesia Cathedralis, salva in omnibus portione civitatis & terræ assignata & assignanda Episcopo Barchenonæ, ratione militum & hominum armatorum, quos secum duxit & habuit in captione civitatis & insulæ supradictæ, & salvo in omnibus Apostolicæ Sedis mandato.

Datum apud Populerum octavo Idus Novembris, Anno Domini millesimo ducentesimo tricesimo.

Signum IACOBI Dei gratiâ Regis Aragonum, & Re-

gni Majoricarum, Comitibus Barchenonenſis, & domini Montispeſſulani.

Hujus rei teſtes ſunt, Frater A. Gallart Abbas Populeti.

Frater B. Calvo Abbas Sanctarum-Crucum.

Frater G. de Cervaria.

P. de Sentillis Sacriſta Barchinonenſis.

P. Ierrandi de Albarazino.

P. Cornelii.

PELEGRINUS de Caſtroacello.

Signum PETRI de ſancto Melione Scriptoris, qui hoc mandato domini Regis ſcripſi pro G. Rabacia Notario ſuo, loco, die, & anno præfixis.

## ODONIS

An.Ch.1149

### EPISCOPI TVSCVLANI

#### *Ad INNOCENTIIUM IV. Papam.*

XXII. **S**ANCTISSIMO Patri ac Domino INNOCENTIO Dei gratiâ Summo Pontifici, ODO miſeratione divîna Tuſculanus Episcopus, devota pedum oscula beatorum, cum omnimoda obedientia & reverentia & honore. Inter alia quæ exercitui Chriſtiano in Cypro commoranti acciderunt, poſtquàm Sanctitati veſtræ litteras deſtinavi, hæc vobis ſcribere dignum duxi.

Sextâ feriâ poſt feſtum beati Lucæ, Vicecomes Caſtridunenſis & alii quamplures Milites Cypro applicuerunt. Et poſt aliquot dies, diabolo inſtigante, orta eſt diſcordia inter dictum Vicecomitem & Marinarios ſuos. Abaliſtariis Vicecomitis interfecti ſunt duo ex parte Ianvenſium, quorum unus erat magnus homo & nobilis. Idem etiam Vicecomes, neſcio quo ductus ſpiritu, habito tractatu cum Comite Montis-fortis, voluit & multi Milites cum eo ad partes Aconenſium transfretare. Quo cognito, Rex Franciæ inhibuit ei & aliis Militibus ne hoc facerent: quia hac occasione poſſet totus diſſolvi exercitus,

C c iij

& Christianitatis negotium impediri. Quia verò idem Vicecomes volebat quoquo modo quod proposuerat adimplere, fecit Rex armari gualcas suas, & inhibuit dominis navium, ne dominum Vicecomitem vel suos complices ferre aliquatenus attentarent. Tunc idem Vicecomes ad aliud se convertit; & saisivit navem & omnia quæ in navi erant, asserens quòd secundùm conventiones habitas inter ipsos & dominos navis, tam navis quàm omnia quæ erant in navi sua esse debebant. Tandem mediante Rege Franciæ tractatum fuit, ut compromitterent dictæ partes in duos bonos viros, & Rex poneret tertium. Sed non consenserunt partes. Et ideo dicta discordia non potuit tunc sedari.

His diebus, dominus Willelmus de Merleto senior, dominus Willelmus de Barro, Comes Montis-fortis, dominus de Duech, Castellanus de Burgues, & alii quamplures Milites viam universæ carnis ingressi sunt.

Per idem tempus, Magister Militum Templi & Marescallus Hospitalis scripserunt Regi, quòd Soldanus Babyloniz cum magno exercitu ad partes Gazæ venerat ad conciliandum sibi Soldanos Halapiæ & Damasci; & timebant ne fortè Ioppen vel Cæsaream intenderet obsidere. Postea etiam scripsit Regi idem Magister, quòd quidam Admiraldus Soldani Babyloniz ad ipsum venerat, nec tamen ex parte Soldani veniebat, ut dicebat, nec litteras ejus habebat; sed venerat ad inquirendum voluntatem Regis Franciæ, quia dominus suus libenter cum eo pacem haberet: & ut dicitur à quibusdam, ad requisitionem dicti Magistri Soldanus ad ipsum miserat dictum Admiraldum: quod factum valde Regi displicuit & omnibus Baronibus. Et incontinenti Rex per litteras suas inhibuit dicto Magistro, ne de cetero tales nuncios recipiat, vel cum eis colloquium habere præsumat sine mandato speciali ipsius. Dicebatur enim ab omnibus qui factum Syriæ noverant, quòd quantumcunque oppressi erant Christiani, nunquam primi verbum faciebant de treugis faciendis, sed tunc primò quando à Turcis super hoc erant cum magna instantia requisiti: & ideo quod

dictus Magister primò verbum moverat de treugis, conditio Christianorum facta erat deterior; & maximè, quia ex hoc Turci credere poterant quòd Rex estimans se Turcis inferiorem viribus, festinavit, quacunq; treuga inita, ad propria remeare.

Per idem tempus venerunt nuncii ad Regem Franciæ Principis Antiocheni; & similiter Regis Armeniæ ex parte dominorum suorum Regi exennia deferentes. Patriarcha etiam Antiochenus & dictus Princeps quosdam nuncios ad Regem & ad me miserunt, per suas litteras intimantes quòd Turchoniani paulò ante cum nimia multitudine partes Antiochiæ aggressi fuerant, & Christianitati tam in rebus quàm in personis intulerant magnum damnum. Vnde supplicabant Regi ut eis quàm citius ministraret auxilium. Rex verò misit eis sexcentos balistarios. Militiam mittere noluit, timens dissolutionem exercitus, & quia tempore statuto non posset exercitus congregari.

Circa verò festum beati Nicolai facta est rixa in Famagusta inter marinarios gualearum Regis & servientes ipsius; & quidam de dictis servientibus interfecti fuerunt. Quòd Rex properans, plures ex utraque parte fecit capi, ut sic posset sciri qui erant auctores flagitii antedicti.

Hiis diebus Rex & Regina moram trahebant in Nicossia. Militia verò dispersa erat per casalia totius Insulæ. Et Regina ab ægritudine quam passa fuerat restituta est sanitati.

Per idem tempus Rex solennes nuncios misit ad Principem Antiochenum, & ad Regem Armeniæ, pro pace inter ipsos reformanda, vel saltem treugis faciendis.

Eodem etiam tempore Marescallus Hospitalis intimavit Regi, quòd Soldanus Babylonæ & Soldanus Halapiæ cum indignatione recesserant ab invicem sine treugis: & quòd Soldanus Halapiæ in proximo ad Regem nuncios mittere intendebat pro treuga facienda.

Die verò lunæ post festum Beatæ Luciæ, nuncii Regis Tartarorum Castrocherniis, quod distat à Nicossia sex leugis, applicuerunt. Die verò Sabbati ante Natale Do-

mini, Nicossiam intraverunt. Die verò crastina se Regi præsentaverunt, & ei hujusmodi litteras porrexerunt scriptas linguâ Persicâ & litteris Arabicis, quas Rex interpretari fecit de verbo ad verbum: quarum tenor talis est:

*Epistola Regi Tarsorum ad S. Ludovicum Regem Franciæ, in Tomo V. Duchesii. p. 348.*

» PER potentiam Dei excelsi, missi à Rege terræ Gan,  
 » verba Erchalchai, Regi magno provinciarum multa-  
 » rum, strenuo propugnatori orbis, gladio Christianita-  
 » tis, victoriæ religionis baptismalis, defensori legis evan-  
 » gelicæ, filio Regi Franciæ. Augeat Deus dominium  
 » suum, & conservet ei regnum suum annis plurimis, &  
 » impleat voluntates suas in lege & in mundo, nunc & in  
 » futurum, per veritatem divinæ conductricis hominum &  
 » omnium Prophetarum & Apostolorum, Amen. Centum  
 » millia salutum & benedictionum. Ex hoc rogo quodd reci-  
 » piat salutationes istas, ut sint gratæ apud ipsum. Faciat  
 » Deus ut videam hunc Regem magnificum qui applicuit.  
 » Creator autem excelsus causet occursum nostrum in ca-  
 » ritate, & facile faciat ut congregemur in unum.  
 » Post hanc autem salutationem noverit quodd in hac  
 » epistola non est intentio nostra nisi utilitas Christianita-  
 » tis, & corroboratio manus Regum Christianorum, Do-  
 » mino concedente. Et peto à Deo ut det victoriam exer-  
 » citibus Regum Christianitatis, & triumphet eos de ad-  
 » versariis suis contemnentibus crucem. Ex parte autem  
 » Regis sublimis sublimet eum Deus, videlicet de præsen-  
 » tia Kiokai. Augeat Deus magnificentiam suam. Venimus  
 » cum potestate & mandato, ut omnes Christiani sint li-  
 » beri à servitute & tributo & angaria & pedagiis & consi-  
 » milibus, & sint in honore & reverentia, & nullus tangat  
 » possessiones eorum. Et Ecclesiæ destructæ reædificentur,  
 » & pulsentur tabulæ, & non audeat aliquis prohibere ut  
 » orent corde quieto & libenti pro regno nostro. Ista au-  
 » tem hora venimus ad hoc pro utilitate Christianorum &  
 » custodia, Deo dante excelsio. Misimus autem hoc per  
 » nuncium fidelem nostrum virum venerabilem Sabeldin,  
 » Monfac, David, & per Marchum, ut annuncient istos  
 » bonos



bonos rumores, & quæ sunt circa nos, dicant ore ad os. «  
Filius autem recipiat verba eorum, & credat eis, & in lit- «  
teris suis Rex terræ augeatur magnificentiâ suâ. Ita præ- «  
cipuè quòd in lege Dei non sit differentia inter Latinum, «  
& Græcum & Armenicum, Nestorinum, & Iacobinum, «  
& omnes qui adorant crucem. Omnes enim sunt unum «  
apud nos. Et sic petimus ut Rex magnificus non dividat «  
inter ipsos, sed sit ejus pietas & clementia super omnes «  
Christianos. Duret ejus pietas & clementia. Datum in «  
finibus Muharram. Et erit bonum, concedente Deo «  
excellso.

Noverit etiam Sanctitas vestra, quòd à tempore quo  
ego & Rex primò intravimus Cyprum, Rex Cypri &  
Comes Ioppenis Regi præsentaverunt litteras talia  
continentes:

Excellenti & potenti viro Domino H. Dei gratia Re- «  
gi Cypri, & nobilissimæ & potentissimæ Dominæ sorori «  
suæ E. eadem Dei gratia Reginæ Cypri, & nobili viro «  
Domino I. de Ibelin carissimo fratri meo, & nobili Do- «  
minæ carissimæ sorori meæ Mariæ Rembach, Constabu- «  
larius Armeniæ salutem & mandatis vestris paratam di- «  
lectionem. Notum facio quòd ego sum sanus & inco- «  
lumis, illud idem desiderans audire & scire de vobis. «  
Sciatis, Domini mei, quòd sicut ad iter agendum pro «  
Deo & utilitate Christianitatis me specialiter exposui, sic «  
conduxit me Iesus Christus usque ad quandam villam «  
quæ vocatur Sauretrar. Verùm quid dicerem vel scri- «  
berem vobis, tot terras quas vidimus, quoniam dimisimus «  
Indiam retrò nos ad Pontem, & transivimus Bandach, & «  
totam terram ejus duobus mensibus arrepti itineris? Et «  
quid dicerem tot civitates quas vidi desertas, quas Tarta- «  
ri vastaverunt, quarum nullus hominum posset opulen- «  
tiam vel amplitudinem æstimare? Vidimus enim tres vil- «  
las, quarum quælibet erat itineris trium dierum magna. «  
Et vidimus plusquam centum mille aggeres magnos & «  
mirabiles ossium interfectorum, quos Tartari interfece- «  
runt. Et bene videtur nobis quia si Deus prope Tartaros «  
non adduxisset, qui Paganos sic destruxerunt, suffice- «

« Editæ quæ  
« que ubi su-  
« præ : sed  
« mende.

„ rent ad implendum & adquirendum totam terram cisma-  
 „ rinam. Et transivimus unum de fluminibus Paradisi, quod  
 „ Scriptura Gion appellat, majus quod unquam vidimus,  
 „ quia arena ejus durat undiquaque per unam magnam  
 „ dietam.

„ De Tartaris verò sciatis quòd sunt ita innumerabiles  
 „ quòd nullus posset eos æstimare, & justissimi & boni ar-  
 „ cherij, terribiles forma, & plurium facierum; & per litte-  
 „ ras non possemus describere ritus eorum. Sed si Deus  
 „ præstiterit mihi vitam ut possim vos videre cum adjutorio  
 „ divino sanos & incolumes, omnia vobis ore ad os enarra-  
 „ bo. Nunc verò sunt octo menses quòd de die & de nocte  
 „ ambulavimus. Et modò dicitur nobis quòd sumus ad  
 „ medium arrepti itineris terræ nostræ & terræ Chan, hoc  
 „ est, majoris domini Tartarorum. Super negotio autem  
 „ nostro, omnes qui obviant nobis & Tartari & alij dicunt  
 „ nobis quòd bene & egregiè faciemus, & nos intellexi-  
 „ mus pro vero quòd jam quinque anni transierunt ex quo  
 „ mortuus est Chan pater istius qui nunc est; & Barones  
 „ & Milites Tartarorum ita per terras se effuderant, quòd  
 „ infra dictos quinque annos vix potuerunt congregari in  
 „ unum locum, ut dictum Chan inthronizarent. Quidam  
 „ enim eorum erant in India, alij verò in terra de Chata,  
 „ alij in terra Rossæ, & alij in terra de Caschat & de Tang-  
 „ hat. Hæc est terra de qua tres Reges venerunt in Be-  
 „ thleem adorare Dominum IESUM natum. Et sciatis po-  
 „ tentiam Christi fuisse magnam & adhuc esse, quòd gen-  
 „ tes illius terræ sunt Christiani; & tota terra de Chata  
 „ credunt illos tres Reges. Et ego ipse fui in Ecclesiis eo-  
 „ rum; & vidi IESUM Christum depictum, & tres Re-  
 „ ges, quorum unus offert aurum, & alius thus, & alius  
 „ myrrham. Et per illos tres Reges credunt in Chri-  
 „ stum, & per illos Chan & omnes sui modò facti sunt  
 „ Christiani. Et ante portas suas habent Ecclesias suas,  
 „ pulsant campanas suas, & percutiunt tabulas. Ita quòd  
 „ euntes ad dominum eorum Chan, oportet primò ire  
 „ ad Ecclesiam, & salutare Dominum IESUM Christum,  
 „ & post ire & salutare dominum eorum Chan, sive

sit Saracenus, sive Christianus, velint nolint quibus ista « non placent. »

Et notum vobis facio quòd invenimus multos Chri- « stianos per terram Orientis effusos, & multas Ecclesias « pulchras, altas & antiquas & bene ædificatas, quas Turci « devastaverunt; ita quòd Christiani illius terræ in præsen- « tia avi istius Kan venerunt; quos ille cum magno hono- « re suscepit, & libertati donavit, & fecit prohiberi ne quis « faceret vel diceret de quo vel ad modicum possent meri- « tò contristari. Ita quòd Saraceni, qui priùs eis verecun- « diam faciebant, nunc illud quod faciebant recipiunt in « duplum. Et quia propter inopiam prædicationis, pecca- « tis nostris exigentibus, non habebat Christus qui pro « ipso in illis regionibus sanctissimum nomen suum prædi- « carent, ipsemet sanctissimis suis virtutibus pro se ipso præ- « dicat & prædicavit, sicut apertiùs scire potestis, ita quòd « gentes regionum illarum credunt in ipsum. Et sciatis « quòd illi qui tenentur prædicare, secundum iudicium « meum digni sunt recipere magnam pœnam. Sciatis præ- « terea quòd in terra Indiæ, quam sanctus Thomas Apосто- « lus convertit, est quidam Rex Christianus, qui erat in « magna anxietate positus inter alios Reges Saracenos. Fa- « ciebant enim ei violentiam undique usque ad illam horam « qua Tartari venerunt in illam terram, & ipse factus est « homo illorum. Et accepit exercitum suum & exercitum « Tartarorum, & invasit Saracenos; ita quòd tantum lu- « cratus est infra terram Indiæ, quòd tota terra Orientis « plena est sclavis Indicis; quorum plusquàm quinquagin- « ta millia vidi, quos dictus Rex ceperat, & mandaverat « venundari. Et non possem vobis dicere de vicesima « parte unde quod vidimus. Sed per minus potestis intel- « ligere majus. »

Sciatis quòd Dominus Papa misit nuncium suum præ- « dicto Kan, & mandavit ei dicere utrum esset Christianus « ánnon, & quare miserat gentem suam ad conculcandum « mundum, & quare faciebat interfici pauperes. Cui res- « pondit Kan, quòd Deus mandaverat avis suis & sibi quòd « mitteret gentes suas ad gentes pessimas interficiendas. «

D d ij

» Super hoc quòd mandavit utrum esset Christianus, ref-  
 » pondit quòd Deus sciebat; & si Dominus Papa veller  
 » scire, veniret, & videret, & sciret\*. Carissimi, ita sunt ru-  
 » mores certi quos scripsi, quòd ego rogo Dominum quòd  
 » carta mea sanos & incolumes vos inveniatur. Salutate, &c,  
 » & rogetis Deum pro me, &c. Datum in civitate magna  
 » Saurequant VII. die Februarij.

\* Hinc us-  
 que in edit.

Receptis autem litteris ex parte dicti Archelchai, di-  
 cto die interrogavit Rex in præsentia mea, & Consilij  
 sui, & quorundam Prælatorum, qua occasione dominus  
 eorum adventum Regis audierat, & unde isti Tartari ve-  
 nerant, & quæ fuit causa motiva ut venirent, & quare ap-  
 pellantur Tartari, & quam terram modò inhabitant, &  
 utrum ille Rex magnus magnum exercitum habeat, &  
 qua occasione & quomodò fidem susceperat, & quot sunt  
 anni ex quo Baptismum perceperat, & utrum plures fue-  
 rint baptizati cum eo. Quæsit etiam Rex de dicto Er-  
 chalchai, à quo tempore baptismi susceperat sacramen-  
 tum, & ubi esset modò. Item, quare Bachon ita malè re-  
 cepit nuncios nostros. Similiter quæsit de Soldano  
 Mussulæ, quæ antiquitus Ninive vocabatur, an esset  
 Christianus. Similiter de ipsis nunciis, de qua regione  
 oriundi essent, & quot anni erant ex quo fuerunt  
 Christiani.

Ad prædicta sic responderunt, quòd à Soldano Mussu-  
 læ missæ fuerunt quædam litteræ ad magnum Regem  
 Chan, quas receperat à Soldano Babylonæ; in quibus  
 Soldanus Babylonæ mentionem de applicatione & ad-  
 ventu Regis Franciæ faciebat, mendaciter asserendo  
 quòd sexaginta naves Regis Franciæ per violentiam ce-  
 perat & deduxerat in Ægyptum, per hoc volens ostende-  
 re quòd Soldanus Mussulæ in adventu Regis Franciæ  
 confidere non debebat. Hac occasione dictus Erchal-  
 chai, audito Regis Franciæ adventu, misit ad eum nun-  
 cios cum litteris antedictis; qui denunciaverunt ei esse  
 Tartarorum propositum, in hac æstate proxima obsidere  
 Calipham de Baldak; & rogabant Regem ut Ægyptum  
 aggrediretur, ne prædictus Caliphas ab Ægyptiis posset

in aliquo adjuvari. Dixerunt etiam nuncij, quòd isti qui nunc Tartari appellantur, modò sunt XL. anni quòd exierunt de terra sua, quæ non habet civitates vel oppida seu villas, abundat autem pascuis, & ideo homines regionis illius tantummodò in alendis pecoribus sunt intenti, & distat per XL. dietas à terra quam modò inhabitat ille magnus Rex Chan, & in qua posuit sedem suam. Et hæc terra Trahetar appellatur. Vnde & modò Tartari appellantur. Causam autem commotionis eorum dixerunt prædicti nuncij se nescire. Et dicebant quòd dicti Tartari primò debellaverunt filium Presbyteri Iohannis, & ipsum & exercitum ejus in ore gladij peremerunt. Isti autem Tartari sine lege erant.

Dixerunt etiam quòd Rex ille magnus Tartarorum secum habet omnes ferè Capitaneos, cum innumera multitudine equitum & hominum & animalium; & semper sunt in tentoriis, quia nulla civitas posset eos capere. Equi autem eorum semper in pascuis & animalia commorantur, quia non possunt invenire hordeum & paleam quæ possent sufficere equis suis. Capitanei autem præmittunt homines suos in exercitibus, qui mittuntur ad subjiciendum sibi regiones. Ipsi autem remanent cum magno Rege. In potestate autem & in voluntate magni Regis est, ut quando moritur quis, instituat aliquem de filiis suis vel nepotibus Regem. Dixerunt etiam nuncij, quòd iste qui nunc agit in sceptris, Kiokai nomine, matrem habuit Christianam, filiam Regis qui vocatur Presbyter Iohannes, & ad exhortationem ejus & cujusdam sanctissimi Episcopi, qui Malassias vocatur, baptismi sacramentum suscepit in die Epiphaniæ cum decem & octo filiis Regum, & plures alij, maximè Capitanei. Tamen multi sunt adhuc inter eos, qui nondum fidei sacramentum susceperunt. Erchelchai verò, qui istos nuncios misit, Christianus est, jam sunt plures anni, & non est de semine regio. Tamen magnus est & potens; & modò agit in finibus Persidis, à parte Orientis. Bachon verò, homo paganus est, & habet Saracenos Consiliarios, & ideo malè recepit nuncios vestros. Sed jam non habet tantam

potestatem. Modò enim constitutus est sub potestate Elchelcai. De Soldano verò Moyssac sive Mussulæ, dicunt quòd fuit filius cuiusdam Christianæ, & ex corde diligit Christianos, & festa eorum observat, nec in aliquo obedit legi Mahemet; & creditur quòd si haberet tempus & oportunitatem, libenter fieret Christianus. Dicti autem nuncij dixerunt quòd oriundi erant de quadam civitate quæ distat à Mussula, quæ quondam Ninive vocabatur, per duas dietas, & quòd Christiani erant à progenitoribus suis. Dicebant etiam quòd nomen Summi Pontificis modò celebre erat apud Tartaros, & quòd intentio Elchelcai domini sui & propositum erat impugnare in hac æstate proxima Calipham de Baldak, & vindicare injuriam à Corosminis illatam Domino Iesu Christo.

Octavo verò Kal. Februarij, dicti nuncij à Rege Franciæ licentiam receperunt; & vi. Kal. dicti mensis Nichossiam exierunt, & cum eis fratres Prædicatores, Andreas, Iohannes & Willelmus, quos Rex mittit ad dictum Regem Tartarorum cum exenniis, videlicet quadam cruce de ligno vivificæ crucis, & tentorio de scarleto, cui affixæ sunt bordaturæ, in quibus ea quæ Dominus Iesus Christus gessit pro nobis in corpore suo sunt honestissimè exarata, & quibusdam aliis spectantibus ad cultum divinum, & ad id invitantibus dictum Regem.

Ego verò eidem Regi Chan, & materteræ suæ, & Elchelcai, & Prælati eorum litteras destinavi, eis denunciando quòd sacrosancta Romana Ecclesia conversionem eorundem ad fidem Catholicam gratulabunda audiet, & eos libenter recipiet ut filios carissimos, dum tamen fidem tenere voluerint orthodoxam, & confiteri eam esse matrem omnium Ecclesiarum, & præsentem ei esse Vicarium Iesu Christi, & quòd huic Vicario omnes qui Christiana professione censentur meritò debeant obedire. Prælati autem ad idem invitantur in eis litteris, & ut ipsum sapiant omnes, & non sint in eis schismata; sed permaneant in veritate fidei, in primis generalibus Conciliis editæ, & à Sede Apostolica approbatæ.

Die verò Epiphaniæ catechizavi quinquaginta VII. Saracenos captivos: qui licet deberent nullam libertatem assequi, prout illis expressè dictum est, tamen instanter pergebant fidei sacramentum. Et postquam ex illis triginta manu propria baptizavi, perrexi ad processionem Græcorum super quendam fluvium: qui in præsentia Regis Franciæ, & Regis Cypri, & mea, recognoverunt quòd erat unus Deus, una fides, unum baptisma, & quòd illud quod faciebant, faciebant in rememoratione quòd Dominus Iesus fuit tali die à Iohanne aquis Iordanicis baptizatus. Et confessi sunt quando tinxerunt crucem in aqua; nec aliquid dixerunt nisi hoc, *Lumen Pater, Lumen Filius, Lumen Spiritus sanctus*. Et fecerunt ibidem supplicationes pro Sanctitate Vestra. Pro Vastachio autem orare noluerunt, quia excommunicatus erat à vobis.

Sextâ verò feriâ post Octavas Epiphaniæ, Dominus Archambaudus de Borbonio viam universæ carnis ingressus est.

Dominicâ verò in Quinquagesima, cùm nuncij Regis venissent in Achon pro conducendis vasis, nulla ratione flectere potuerunt Ianuenses & Venetos ad hoc, ut rationale pretium ponere vellent in vasis suis; sed potius videbant ad hoc tendere, ut negotium destrueretur, vel quòd eis naulum daretur secundum voluntatem suam.

Hiis diebus exorta est grandis seditio in Achon, diabolo instigante, inter Ianuenses ex una parte, & indigenas & Pisanos ex altera, & unus Consul Ianuensis telo percussus interiit.

Per eosdem dies pax reformata est inter Soldanos Babylonæ & Halapiæ, mediantibus nunciis Caliphæ de Baldak; & recesserunt Babylonij ab obsidione Camelæ.

Sextâ verò feriâ ante Dominicam in Passione misit Rex & ego iterum in Achon venerabiles Patres, Patriarcham Ierosolymitanum, Episcopum Sueffionensem, Comitem Ioppensem, Constabularium Franciæ, & Dominum Galfridum de Seignes, pro negotio vasorum, &


pro seditione exorta sedanda. Quid autem fecerint, nescio.

Comes verò Vindocinensis sabbato ante Ramos palmarum perrexit ad Dominum, & ut dicitur, postquam intravit exercitus Cyprum, ducenti & sexaginta Milites diem clauferunt ultimum. In omnibus hiis benedictus Deus.

Rex verò disposuit circa medium Aprilem intrare fines Ægypti, Domino annuente. Pater sancte, orate Deum pro suo exercitu, qui promptus est & voluntarius se opponere, & omnia adversa æquanimiter sustinere pro honore & nomine Iesu Christi. Provideat ergo vestra sancta circumspectio quæ huic tam sancto & pio negotio viderit expedire; & habeat pro certo, quòd de legatis & redemptionibus votorum Cruce-signatorum de transmarinis partibus non pervenerunt ad manus meas centum libræ Turonenses. De redemptionibus verò votorum transmarinorum summa non pervenit ad valorem trecentarum librarum.

Conserveret Deus Sanctitatem vestram Ecclesiæ suæ sanam & incolumem per tempora longiora.

Datum in Cypro feriâ quartâ ante Resurrectionem Domini.





*H. EPISCOPI MASSILIENSIS*An. Christi  
1149.*Ad INNOCENTIIUM Papam IV.*

XXIII. **S**ANCTISSIMO Patri ac Domino reverentissimo I. divinâ providentiâ Pontifici summo, frater H. Dei permissione dictus Episcopus Marsellia, cum summa devotione reverentiam & obedientiam, pedum oscula beatorum. Sicut cavere volumus ne aures Sanctitatis vestræ mendaciis aggravemus; sic cum læta & certa, quæ ad honorem Dei & Ecclesiæ pertinent, intelligimus, cum gaudio intimamus. Licet autem frequentes rumores audivimus, quod ad exaltationem Christianitatis Castrum de Cadro redditum fuerit domino Regi Franciæ divina gratia procurante; quod cum tamen per diversos diversimodè dicebatur, supersedimus scribere, donec certitudinem haberemus. Sed nocte præterita Præceptor sancti Iohannis Marsellia misit nobis litteras, in quibus continetur quod ante Purificationem per octo dies illustris Rex Franciæ cum exercitu suo ad Castrum de Cadro venit, & fuit sibi traditum per quosdam Saracenos qui insurrexerant contra Soldanum, & per Magistrum Hospitalis & alios Christianos qui ibi sola vi detenti fuerant. Et post duos dies Soldanus venit cum centum millibus in equis, & peditibus innumerabilibus. Dominus verò Rex, Deo disponente, direxit quatuor acies. In prima fuit Comes Flandriæ, cum Templariis: in secunda Comes Britannia, & Comes sancti Pauli: in tertia ipse Rex, & Comes Pictaviæ, & Andegaviæ, & Provinciæ, & Dux Burgundiæ, & plures alii Barones: in quarta dominus ROBERTUS Comes Attrebatensis, & \* Hospitalium, & plures alii Barones. Duæ verò aliæ \* Magister scalæ Baronum & militum fuerunt hinc inde ab utroque cornu. Et sic ordinato exercitu, in ortu solis congressi sunt: & à tertia usque ad noctem duravit bellum, & fuit strages Saracenorum innumerabilis, & Soldanus abfugit, & nesciebatur quò ierat. Ex parte verò Christianorum

Tom. VII.

E e

1eb. 12. 6.

dicuntur esse mortui usque ad mille inter milites, balistarios, & armigeros. Dominus autem Rex & sui fratres sani sunt. Licet tamen Comes Attrebatensis in campo per diem & noctem jacuisset quasi mortuus. Cadrum & Babylonem habet dominus Rex. Et Alexandria, ut dicitur, est eis derelicta. Ergo, Pater sanctissime, *benedicite Deum caeli, & coram omnibus viventibus confitemini illi, quia fecit nobiscum misericordiam suam*, sub vestro regimine Christianitatem exaltando. Datum Marselliae quinto Kalendas Iunii.

An. Ch. 1251.  
Ex Ms. codi-  
ci Domini  
d. Herouval.

## IVRAMENTVM

## VNIVERSITATIS PARISIENSIS,

*Factum Regina An. MCCLI. quod publicari & renovari debet per Scholas bis in anno.*

XXIV. **V**NIVERSITAS Magistrorum Parisiensium eisdem die & anno fecit legi coram Domina Regina huiusmodi Scriptum; & promiserunt quod iuramenta, de quibus in eo fit mentio, à Magistris & Scholaribus facerent renovari & jurari, quod servarent pacem villæ bona fide pro posse suo de omnibus gentibus, quantum ad omnes gentes tam Clericos quàm laicos; quod factum fuit eadem septimana: quod Scriptum sic incipit:

Promissum est pro communi utilitate totius Studii Parisiensis, quod universi studentes Parisius tam Magistri quàm Scholares in Theologia, Decretis, Medicina, Artibus & Grammatica, per sacramentum obligabuntur, quod omnes tam Clericos quàm Laicos, tam viros quàm feminas, ex quorum mala vita pax & studium Studentium in prædictis Facultatibus impeditur, revelabunt in secreto Parisiensi Episcopo, vel ejus Officiali, seu Cancellario infra octo dies, si potuerint, postquàm sciverint. Qui Episcopus, Officialis, Cancellarius bona fide promittent, quod nulli personam nominantes vel denun-

tiantes, revelabunt seu manifestabunt.

Item provisum est, quòd quilibet Regens in prædictis Facultatibus sit per prædictum sacramentum obligatus, quòd nullum diffamatum de meillia\* frequenti, raptorem mulierum, fractorem hospitiorum, de nocte errabundum, furem, raptorem, latronem, publicum homicidam, peter tanquam Scholarem liberari, si contigerit eum capi à Præposito Parisiensi, ejus mandato, vel ab Episcopo, nisi bona fide credat eum, modo quo petit liberari, esse liberandum.

\* Mendum  
hic videtur.

Si quis verò Magister vel Scholaris ad prædicta per juramentum in publico se noluerit obligare, non reputabitur esse de Vniversitate, nec beneficiis Vniversitatis gaudet. Bachalarii verò Decretales, & leges Legentes, se speciali juramento obligabunt, quòd sacramentum recipient ab illis qui eos audient secundum formam superius annotatam. Et quicumque jurare noluerit, non recipietur ab eis in scholis, super hoc ab eisdem Bachalariis de ipsis non recipiendis præstito juramento. Qui & auditores Legum vel Decretalium, necnon etiam alii, nisi alicujus Magistri actu regentis bis ad minus in septimana scholas intraverint, scholares nullatenus reputentur; & si eos capi contigerit, nec per aliquem Magistrum, nec per Vniversitatem repetentur. Ad hæc autem facienda obligabuntur Bedelli tam communes quàm speciales, cujuscumque fuerint Facultatis, proprio juramento.

Modus autem repetendi Scholares captos talis erit apud Magistros Artium: qui Magister scholaris capti cum duobus Magistris regentibus, quibus constet quòd sit scholaris, accedit ad Præpositum & scholarem suum repetit: qui si reddere denegaverit, dictus Magister significabit hoc Rectori Vniversitatis, & tunc Rector cum nomine Vniversitatis repetet; & si Præpositus eum reddere noluerit Rectori, tunc recurret Rector ad Cancellarium, & postremò ad Episcopum vel Officialem ejusdem. In aliis autem Facultatibus unusquisque Magister scholarem suum repetet pro se, si necesse fuerit. Et publicabitur & renovabitur forma ista per Scholas ad minus

Ee ij

bis in anno, videlicet circa festum Omnium Sanctorum,  
& circa Carnisprivium.

An. Chr.  
1160.  
Ex eodem  
Ms.

## LITTE R A S E Q U E N S

*Est de Eleemosyna argenti, bladi, & halecum olim  
à Rege præscripta, ut fiat tempore  
Quadagesimæ.*

XXV. **I**N nomine sanctæ & individuæ Trinitatis,  
Amen. LUDOVICUS Dei gratiâ Francorum  
Rex. Noverint universi præsentēs & futuri; quòd cùm  
olim temporibus prædecessorum nostrorum pia liberali-  
tate donata fuerit & hætenus observata talis eleēmosy-  
na, videlicet annis singulis tempore Quadagesimali de  
bursa Regis usque ad duo millia centum decem & novem  
librarum Parisiensium, & sexaginta tres modii bladi, ac  
insuper sexaginta octo millia halecum: quæ omnia per  
manus Eleēmosynarii & Baillivorum Regis distribui  
consueverunt pauperibus, Monasteriis, Domibus Dei,  
Leprosariis, & aliis piis locis ac personis miserabilibus &  
egenis. In augmentum etiam eleēmosynarum, quæ quo-  
tidie per manum Eleēmosynarii prædicti injunctis paupe-  
ribus erogantur tempore prædicto Quadagesimali, ob  
devotionem sacri temporis, diebus singulis videlicet  
centum solidi Parisienses per manum ejusdem Eleēmo-  
synarii injunctis pauperibus consueverint à prædecesso-  
rum nostrorum temporibus erogari. Nos pro illius sum-  
mi Largitoris amore, de cujus manu bona suscepimus uni-  
versa, & pro remedio animæ nostræ, & inclytæ recorda-  
tionis Regis Ludovici genitoris nostri, & Reginæ Blan-  
chiæ genitricis nostræ, & aliorum antecessorum nostro-  
rum volumus & statuimus, & etiam ordinamus, ut præ-  
dicta eleemosyna tam in pecunia quàm in blado, & aliis  
supradictis, in posterum à nostris successoribus Regibus  
Franciæ firmiter & inviolabiliter observetur, & sine di-  
minutione vel contradictione quacumque de proprio  
Regis ærario singulis annis in posterum exsolvatur, here-

des nostros Reges Franciæ ad id in perpetuum obligantes.

Præsentes autem litteras per Magistrum & Fratres domus Dei Parisiensis in eadem domo custodiri volumus, & heredi nostro, ceterisque successoribus nostris Regibus Franciæ quoties opus fuerit exhiberi. Et nos intuitu divini amoris, & pro remedio animæ nostræ & antecessorum nostrorum prædictorum, & ut diligentius & studiosius præsentēs litteræ custodiantur, ibidem donamus & concedimus eidem domui & pauperibus in ea degentibus decem libras Parisienses annui redditus, percipiendas in perpetuum ab eisdem apud Templum Parisiense de denariis Regiis in initio Quadragesimæ, pro quærendis . . ., & aliis necessariis ad usus pauperum in Quadragesima antedicta. Quod ut perpetuæ stabilitatis robur obtineat, præsentem paginam sigilli nostri auctoritate ac Regii nominis charactere inferius annotato fecimus communiri.

Actum Parisiis anno Incarnationis dominicæ millesimo ducentesimo sexagesimo, mense Septembris, Regni verò nostri anno tricesimo quarto, adstantibus in palatio nostro quorum nomina supposita sunt & signa. Dapifero nullo. Signum IOHANNIS Buticularii, S. ALFONSI Camerarii, S. EGIDII Constabularii. Datum vacante Cancellaria.

## CLEMENTIS PAPÆ IV.

IACOBO *Aragonum Regis filio.*

An. Christi  
1166.  
Ex ejusdem  
Mss.


XXVI. CLEMENS Episcopus servus servorum Dei. Dilecto filio nobili viro IACOBO carissimi in Christo filii nostri Regis Aragonum illustris filio, salutem & Apostolicam benedictionem. Si Nobilitati tuæ placet in arduis Apostolicam Sedem consulere, tuam in hoc prudentiam plurimum commendamus. Per illam enim quæ te sincerè diligit plenius dirigeris, nec errare poteris in iudicio, quod ejus fuerit assensu firmatum. Sanè super

Respondet  
non tantum  
posse sed &  
debere ma-  
trimonium  
contrahere  
cum filia Co-  
mitis Sabau-  
diæ ob ipsius  
antiquam no-  
bilitatem,  
&c.

E e iij

matrimonio de quo consulis inter te & dilectam in Christo filiam B. natam bonæ memoriæ Comitis Sabaudia contrahendo, nihil aliud tibi possumus respondere, nisi quòd si conditio personæ attenditur, domus Sabaudia nobilis & antiqua mulieres produxit electas, quæ diversis jam Regibus placuerunt, & si ad hoc tuos verteris oculos, nihil invenies, si persona placuerit, quod tibi debeat displicere. Genus enim illud viros etiam habuit strenuos & nunc habet, & ad terras finitimas & remotas suos palmites jam extendit. Verùm si requiris consilium an jus habeat in Comitatu puella, scire vel dicere præcisè non possumus, cum jura feudorum partim ex Imperialibus, legibus partim ex terrarum consuetudine in locis diversis à successionem hujusmodi mulieres excludant: sed ut factum attendamus ad verum, securè dicimus quòd & si jus habeat, nisi forsàn ex pacto ingressus tibi daretur pacificus, longus esset tractus judicii, & executio difficilior: quam si manu velles armata prosequi, duos expenderes Comitatus & finem non attingeres peroptatum. Hoc ergo videat, hoc discutiatur tam tua quàm carissimi in Christo filii nostri illustris Regis Aragonum patris tui circumspectio, an circumscripto penitus Comitatu si pacificè obtineri non possit, dos tibi placeat quæ offertur, quam si ambo duxeritis acceptandam, & persona conveniens invenitur, non occurrit in ceteris quod debeat reprobari. Quòd si dos non placuerit, nosti satis quòd ex causa hujusmodi incompleta conjugia pluries remanserunt.

Datum Viterbii III. Idus Augusti, Pontificatus nostri anno secundo.



*INNOCENTII PAPÆ IV.**Episcopo, Clero, &c. Insula Majoricarum.*

An. Christi  
1167.  
Ex verbo Mf.  
antiquarum  
legum a D.  
d' Herouval  
communicato.  
Civibus In-  
sulæ Majoric.  
ne inposse-  
rum ad lites  
dirimendas  
loca remota  
petere cogan-  
tur.

XXVII. **I**NNOCENTIUS Episcopus servus servorum Dei. Venerabili Fratri Episcopo, ac dilectis filiis Clero, Consulibus, Iuratis, & Vniversitati Insulæ Majoricarum, salutem & Apostolicam benedictionem. Propter maris pericula Insulam vestram undique circumdantis, ac frequentes piratarum ac paganorum incursus, ad terram firmam distantem ab Insula ipsa ferè per ducenta milliaria, prout asseritis, pervenire sine gravi dispendio non potestis. Cùm itaque nonnulli, sicut accepimus, ad loca remota sæpe vos citari procurent, & propter impedimenta præmissa litibus cedere, seu cum adversariis damnosas inire cogamini pactiones. Nos obrentu carissimi in Christo filii nostri illustris Regis Aragonum, qui favente divinæ virtutis auxilio dictam insulam de manibus paganorum eripuit, & pro vobis Apostolicam gratiam per speciales litteras imploravit, dispendiis vestris in hac parte occurrere sollicitudine paterna volentes auctoritate vobis præsentium indulgemus, ut per litteras Apostolicæ Sedis, aut Legatorum ejus, quæ de ipsa insula, & indulgentia hujusmodi plenam & expressam non fecerint mentionem, extra eandem insulam super bonis quæ infra ipsam habebitis vos, vel aliquis vestrûm, non possitis de cetero ab aliquibus conveniri, dummodò parati sitis ibidem coram competenti iudice de vobis conquerentibus justitiæ plenitudinem exhibere. Nulli ergo omnino hominum liceat hanc paginam nostræ concessionis infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei & beatorum Petri & Pauli Apostolorum ejus se noverit incursum.

Datum Lugduno pridie Idus Maii, Pontificatus nostri anno septimo.

An Christi  
1167.**INNOCENTII PAPÆ IV.***Abbati Monasterii Regalis.*Ejusdem ar-  
gumenti.

**XXVIII.** INNOCENTIUS Episcopus servus servorum Dei, dilectis filiis Abbati, Priori dicto Regali, Cisterciensis Ordinis, Majoricarum diocesis, salutem & apostolicam benedictionem. Propter maris pericula Majoricarum insulam &c. *ut supra.*

Quocirca discretioni vestræ per Apostolica scripta mandamus, quatinus ipsos non permittatis super his contra concessionis nostræ tenorem ab aliquibus indebitè molestari. Molestatores hujusmodi per censuram Ecclesiasticam appellatione postposita compescendo. Quòd si non ambo his exequendis potueritis interesse, alter vestrum ea nihilominus exequatur. Datum Lugduno pridie Kal. Maii, Pontificatus nostri anno septimo.

An. Christi  
1194.  
*Ex authenti-  
co Domini  
d' Hericval.***BONIFACII PAPÆ VIII.***Regi Majoricarum.*Nuntiat Regi  
se in Sum-  
mum Ponti-  
ficem ele-  
ctum.

**XXIX.** BONIFACIUS Episcopus servus servorum Dei, Carissimo in Christo filio Regi Majoricarum illustri salutem & Apostolicam benedictionem. Gloriosus & mirabilis in operibus suis Deus, qui cum sit in misericordia copiosus, in hujus orbis orbita plena malis, conferta dissidiis innumeras miserationes exercet, Ecclesiam, quam ipse summus Opifex rerum instituit, ac supra fidei firmam petram altâ & solidâ fabricâ stabilivit, opportunis favoribus prosequi non desistit; assistit enim illi miserator & propitiator assiduus, non obdormiens nec dormitans in suarum opportunitatum eventibus pervigil custos ejus. Ipse siquidem sibi est in turbatione pacatio, in tribulatione solamen, in necessitate succursus. Tuncque maximè in adjutorium ejus sua pietas larga diffunditur, cum adversus illam mundi nubi-  
la tem-



la tempore caligante levantur, quæ inter molestias & afflictiones intrepida colligens in vexatione vigorem, in ipsa malorum instantia convalescit. Nam divino semper munita præsidio, nec comminationum strepitu deterretur, nec adversitatum superatur incurfu, sed in terroribus tutior & constantior, in adversis pressa prævalet, passa triumphat. Hæc est arca quæ per confluentias & multiplicationes aquarum elevatur in altum, & subactis culminibus montium libera & secura profundas impetuosi diluvij calcatur undas. Hæc est utique navis, quæ vento contrario irruente strepentis maris furibundis motibus agitur, firma tamen & solida fragoribus non dissipatur, æquoreis, nec marini furoris rapiditate sorbetur, sed elatas procellas obruens, ac spumosa & tumida freta sternens, triumphanter exsequitur suæ navigationis incessum, quæ ad vitalem crucis salvificæ arborem rectæ intentionis alis totaliter elevatis, in cælum semper intenta procellosum intrepidè mundi pelagus peragrat, eo quod secum habet seduli gubernatoris auxilium, marium præceptoris: unde regente illo & dirigente salubriter, ac Spiritu sancto flante, adversitatum quarumlibet nebulis dissipatis, victoriosa peregrinationis suæ liberum agit iter ad patriæ cœlestis portum supernis nutibus feliciter perducenda.

Cumque sic adversis innumeris prematur & turbetur Ecclesia illa, in intimis ipsam acerbius sauciat duriusque ferit adversitas, cum Pastore utili & provido viduatur. Sed licet sæpius Ecclesia eadem Pastoris regimine destituta longæ viduitatis lamenta protraxerit, expectando gemebunda diutius consolationem plenariam successoris, in hujusmodi tamen mœroris nubilo dignanter illi clementia divinæ pietatis illuxit, doloribus & necessitatibus suis opportunè subveniens per substitutionem optatam & delectabilem novi sponsi, ac eam de amissione prioris interdum inutilis per promotionem mulcebrem \*accommodi successoris instaurans.

\*Mulcebris a  
mulcendo.

Sanè vacante Romana Ecclesia per liberam & spontaneam dilecti filij fratris PETRI de Murron olim Romani Pontificis cessionem coram venerabilibus fratribus Episc-

copis, & dilectis filiis nostris Presbyteris & Diaconis Cardinalibus, de quorum numero tunc eramus, ex certis rationabilibus & legitimis causis factam ab ipso in festo beatæ Lucie Virginis proximè præterito & à Cardinalibus prædictis admissam, cum illam posse sic legitimè fieri, & priorum gesta Pontificum & constitutio declarent apertius; & ad eam etiam faciendam expressus accesserit Cardinalium prædictorum assensus: Cardinales ipsi considerantes attentius quàm sit onusta dispendiis, quàm gravia malorum incommoda secum trahat proluxa Ecclesiæ memoratæ vacatio; & propterea votis ardentibus cupientes per efficacia & accelerata remedia hujusmodi periculis obviare, die Iovis decimo Kal. Ianuarij post festum subsequentem prædictum, Missarum solemnibus ad honorem sancti Spiritus celebratis hymnóque solito cum devotione cantato, se in quodam Conclavi apud Castrum-Novum Civitati Neapolitanæ contiguum, ubi tunc idem frater cum sua residebat familia, incluserunt, ut per mutui commoditatem colloquij Ecclesiæ prædictæ provisio, superna cooperante virtute, celerius proveniret. Die verò veneris immediatè sequente præfati Cardinales mentis oculis erectis ad Dominum, pia desideria benignius prosequentem, in electionis negotio per viam scrutinij ferventibus studiis ut prædicta vitarentur incommoda procedentes, & tandem cum divina clementia Ecclesiæ prælibatæ compatiens eam noller ulterius vacationis periculis subiacere, ad personam nostram licet immeritam intentum animum dirigentes (quanquam inter eos quamplures magis idonei & digniores etiam haberentur) Nos tunc tituli sancti Martini Presbyterum Cardinalem, in summum Pontificem canonicè elegerunt, gravis oneris sarcinam nostris debilibus humeris imponendo.

Nos autem profunda & sedula meditatione pensantes difficultatem officij pastoralis, continui laboris angustias, & præcellentiam Apostolicæ dignitatis, quæ sicut honoris ritulis altioris attollit, sic magnitudine ponderis deprimat gravioris. Attendentes insuper nostræ multiplicis imperfectionis insufficientiam expavimus & hæsitavimus

vehementer, nimioque concussum extitit stupore cor nostrum. Nam cum ad tolerandas particulares vigiliis vix nobis possibilitas nostra sufficiat, ad universalis speculæ sollicitudinem vocabamur, & intolerabile Apostolici ministerij jugum inferebatur instanter, debilitatis nostræ cervici jugiter supportandum, ac meritorum non suffulti præsidio, ad suscipiendas Apostolorum Principis Petri claves, & gerendum super omnes ligandi & solvendi pontificium urgebamur. Verumtamen ne divinæ providentiæ opus impedire forsitan videremur, aut nolle nostræ voluntatis arbitrium suo beneplacito conformare, ac etiam ne corda electorum concordia per nostræ dissensionis objectum ad discordiam verteremus, voluntatibus tandem acquievimus eorumdem ad subeundum jugum hujusmodi nostros impotentes humeros submittendo; non quòd de aliqua nostræ probitatis virtute fiduciam habeamus, sed quia in eius speramus clementia, qui confidentes in se non deserit, sed eis propitius opportunis auxiliis semper adest; quique de sublimi polorum solidè Ecclesiam sponsam suam intuetur misericorditer & tuetur, suæque illam exaltare non desinit copiosis beneficiis pietatis.

Ideoque Celsitudinem Regiam rogamus & hortamur attentè & obsecramus in Domino IESU CHRISTO, quatinus diligenti meditatione considerans quòd judicium diligit Regis honor, metas justitiæ curiosus observes, illamque sincerè diligere studeas, æquitatem non deferens, clementiam non obmittens, ut subiectus tibi populus copiosus in pacis pulcritudine sedeat, & in requie opulenta quiescat Ecclesiam insuper matrem tuam & ipsius Prælatos, nostri utique Salvatoris ministros, ceterasque personas Ecclesiasticas ejus obsequiis dedicaras, quin potiùs in illis Regem Cælorum & Dominum, per quem regnas & regeris, incessanter & solerter honorans, ipsos regij favoris ope confoveas, & in plenitudine libertatum, aliorumque suorum jurium efficaciter protegere studeas & tueri; sicque in his tamquam filius benedictionis & gratiæ te geras & dirigas, quòd claræ memoriæ progenito-

res tuos, qui erga præfatam Ecclesiam summæ devotionis & reverentiæ titulis dum viverent claruerunt, non solum imitari sollicitè, sed etiam evidenter excedere dignoscaris ad laudem & gloriam Dei Patris, & celebre magnùmque tui honoris & nominis incrementum. De nobis autem utpote patre benivolo & sincero, qui personam Regiam in minori etiam officio constituti affectuosè dileximus & diligere non cessamus, spem certam & fiduciam firmam gerens; in tuis & ejusdem Regni negotiis & opportunitatibus quæ occurrent, ad nos recurrere non postponas. Nam in his super quibus ex parte Regia fuerimus requisiti, libenter quantum cum Deo poterimus votis regiis annuemus, tuam & ejusdem Regni prosperitatem omnimodam non solum studiis conservare sollicitis, sed etiam plenè augmentare favoribus intendentes. Datum Laterani nono Kal. Februarij, Pontificatûs nostri anno primo.

An. Chr.  
1306.

## CLEMENTIS PAPÆ V.

*VOLADISLAO nobili viro.*

*Ex aldicate  
habitu Mo-  
nastico Polo-  
niam, Regnū  
adepturus,  
petat.*

XXX. **C**LEMENS Episcopus, servus servorum Dei dilecto filio nobili viro VOLADISLAO, quondam CASIMIRI ducis Evynacensis nato, Militi Voladislavienensis Diocesis, Salutem & Apostolicam benedictionem. Sedes Apostolica pia mater animarum salutem desideranter affectans personis sibi devotis generosi sanguinis claritate fulgentibus, libenter suæ benignitatis gratiam impertitur, in illis præsertim per quæ salus hujusmodi verisimiliter creditur proventura. Sanè petitio pro parte tua nobis nuper exhibita continebat, quòd in Regno Poloniæ de antiqua & approbata & hæctenus pacificè observata consuetudine est obtentum, quòd aliqua mulier non succedit in eo, id quod fuit ibidem pacificè observatum à tempore cujus contrarij memoria non existit, quodque tu claræ memoriæ Casimiro Regi Poloniæ tertio consanguinitatis gradu per lineam masculinam

conjunctus & proximior masculus per hujusmodi existebas, & quòd idem Rex qui nullum superstitem filium sed filiam tantum habebat, attendens quòd sibi propterea in dicto Regno deberes succedere, dictæque filiae excluderentur ab illo, coepit te prosequi odio capitali, & quæ duobus ducatibus quos in eodem Regno pacificè possidebas nequiter spoliavit, totque insidias vitæ tuæ posuit, quòd te oportuit de partibus illis recedere & cum in Alamania te non reputares securum, ad Regnum Franciæ transmissisti. Et quia non habebas unde posses secundum priorem statum tuum vivere, decrevisti quòd velut Conversus in Monasterio Cisterciensi Cabilonensis Diocesis habitares. Sed Abbas dicti Monasterij qui tunc erat recipere te noluit, nisi promitteres quòd in Cisterciensi Ordine perpetuò remaneres, & quamvis regularis ordinis totaliter inexpertus existeres, tamen repente regularem professionem in eo fecisti. Post medium autem annum vel circiter cum ipsius asperitatem Ordinis pati non posses, ad Monasterium S. Benigni de Divione Ord. S. Benedicti Lingonensis Diocesis de licentia prædicti Abbatis accedens, in eo tanquam Conversus per annos aliquos moram traxisti.

Tandem verò prædicto Rege sublato de medio, cum dictum Regnum tibi legitimè deberetur, ac ipsius habitatores & incolæ te affectarent in eorum Regem habere, & Lodovicus Rex Vngariæ Regnum ipsum contra justitiam occupasset, guerram sibi movisti, sed demum dubitans ejus potentiam, & quòd te interfici faceret, metu mortis ac necessitate cogente de consilio aliquorum parentum & amicorum tuorum ad dictum Monasterium S. Benigni rediisti, & ibidem per aliquos annos ut Conversus mansisti, nulla tamen inibi per te regulari professione emissâ. Quare pro parte tua nobis fuit humiliter supplicatum, ut cum nunquam firmum propositum habueris in aliquo regulari Ordine remanere, ac præfati habitatores & incolæ te in eorum Regem habere desiderent, si & in quantum indiges, à quacumque regulari observantia te absolvere, tibi que concedere quòd Comitatus & Du-

catus, & quæcumque alia temporalia dominia, ac ipsum Regnum obtinere & regere valeas, de benignitate Apostolica dignaremur.

Nos igitur attendentes sinceræ devotionis affectum quo Nos & Romanam Ecclesiam revereris, ac sperantes quòd illius, per quem Reges regnant, & Principes dominantur, tibi suffragante clementia, prædictos habitantes & incolas, qui Ludovico faciente prædicto contra nos & Romanam Ecclesiam in schismatis devium damnabiliter sunt collapsi, ad viam salutis & justitiæ revocabis: ac considerantes quòd olim præfatus Ludovicus felicitis recordationis GREGORIO Papæ XI. prædecessori nostro super hoc humiliter supplicavit, præmissis & aliis rationabilibus causis moti, hujusmodi tuis in hac parte supplicationibus inclinati, te à quacumque regulari observantia ad quam ex professione prædicta, aut mora quam in præfatis Monasteriis, ut præmittitur, fecisse dignosceris, quomodolibet adstrictus ex istis, ex Apostolicæ potestatis plenitudine per præsentem absolvimus. Tibi nihilominus concedentes quòd Comitatus, Ducatus & quæcumque alia temporalia dominia quæ ex successione, vel aliàs justo titulo ad te pertinent & pertinebunt in posterum, ac regnum ipsum, si tibi legitimè debeatur, recipere, obtinere, regere ac etiam gubernare perinde libere & licitè valeas, ac si in dicto Cisterciensi Ordine professionem regularē minimè emisisses, nullamque in eisdem Monasteriis vel eorum altero moram traxisses. Constitutionibus Apostolicis, necnon statutis & consuetudinibus Monasteriorum & Ordinum prædictorum juramento, confirmatione apostolica, vel quacumque firmitate alia roboratis, contrariis non obstantibus quibuscumque. Nulli ergo omnino hominum liceat hanc paginam nostræ absolutionis & concessionis infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei & beatorum Petri & Pauli Apostolorum ejus se noverit incursum.

Datum Avinionii xvii. Octob. Pontificatus nostri anno quarto.

*Crescentius.*

*EIVSDEM PONTIFICIS*

*E I D E M.*

XXXI. **C**LEMENS Episcopus servus servorum Dei, dilecto filio VOLADISLAO de Polonia, Monacho S. Benigni de Divione Ord. S. Benedicti, Lingonensis diœcesis, salutem & apostolicam benedictionem. Cum pro nonnullis nostris & Romanæ Ecclesiæ negotiis tua præsentia sit nobis plurimum opportuna, præsentium tibi tenore mandamus, quatenus receptis præsentibus ad præsentiam nostram personaliter te transferre procures, etiamsi dilectus filius Abbas Monasterii S. Benigni de Divione, Ordinis S. Benedicti, Lingonensis diœcesis, aut aliquis alius Superior tuus licentiam super hoc tibi duxerit denegandam.

Adeat Papam Vladislaus iubetur.

Datum Avinio. secundo Nonas Iulii, pontificatus nostri anno quarto.

*De Curia.*

*B. Salvetti.*

*IOHANNIS PAPÆ XXII.*

An Christi  
1317.  
*Ex eodem.*

*SANCIO Regi Majoricarum.*

XXXII. **I**OHANNES Episcopus servus servorum Dei carissimo in Christo filio SANCIO Regi Majoricarum illustri, salutem & apostolicam benedictionem. Habes, fili carissime, unde Domino Deo tuo in vocem exultationis & confessionis erumpas, exultes in eo, & fartearis humiliter tibi & domui tuæ de immenso ipsius dono concessum, quod inclyta domus Siciliæ, cui & consanguinea propinquitate & affinitate propinqua conjungaris, virum produxit angelicum, consortem gloriæ Angelorum, cujus sperare potes in cælis patrociniis, favore apud homines, & apud Deum intercessionibus communi. Etenim magnitudini tuæ ad gaudium intimamus,

Ludovicum Tolosanum Episcop. Catalogo Sanctorum adscriptum mandat.

quòd adveniente nuper Paschalis temporis puritate, die Iovis videlicet, post festum Resurrectionis Dominicæ, venerandæ memoriæ beatissimum Ludovicum Episcopum Tolosanum, tuæ germanum conjugis, quem omnipotens Dominus propter illius merita gloriosa concivem Sanctorum, domesticum suum, & æternæ beatitudinis possessorem effecit: de Fratrum nostrorum, & Prælatorum omnium tunc apud Sedem apostolicam existentium consilio & consensu, canonisatione solemni Sanctorum catalogo duximus adscribendum. Tu ergo, Fili, gratias agens Altissimo, qui in sublimatione Confessoris ejusdem tam immensis benedictionibus te prævenit in odore unguentorum suorum currere propera, sicque ad exemplar Confessoris ipsius bonis operibus vacare procura, quòd tandem unà cum eo sidereas mansiones incolere merearis. Ceterum, Fili, Regias de credentia litteras per dilectos filios Arnaldum Traverii Cancellarium, & Dalmarium Milites, familiares tuos, nobis novissimè præsentatas gratè suscepimus.

Et quæ super quibusdam auditis rumoribus, veluti sollicitus de nostra salute, & zelator fervidus prosperi statûs nostri, per eosdem Milites juxta commissam eis per te credentiam nobis offerre curasti, placido percepimus intellectu. Tuæ itaque Celsitudini de oblatione hujusmodi grates uberes referentes gratanter accepimus oblatum, ad te si casus exigeret recursum eò confidentiùs habituri, quòd certiùs credimus te in sinceritate spiritus & animi promptitudine ad oblationem processisse præactam. Denique noveris quòd carissimo in Christo filio nostro PHILIPPO Regi Franciæ & Navarræ illustri, efficaciter scribimus super illatorum tibi revocatione gravaminum ad id per vias quas expedire vidimus inducentes eundem. Tu verò, Fili, circa ipsa gravamina petitiones tuas sic decenter, sic justè, sic ordinatè ac moderatè facere studeas dicto Regi, quòd nulla sibi supersit rationabiliter illas obaudiendi materia, quæ, quod absit, in scandalum utriusque redundet, quin potiùs tua cogente modestia ipsas admittere ad exauditionis gratiam inducatur, per quod



quod, ut cupimus, inter vos inconcussa vigeat animorum identitas, & concordia voluntatum.

Datum Avinioni sexto Idus Aprilis, Pontificatûs nostri anno primo.

*CAROLI IV. REGIS  
FRANCORVM.*

An. Christi  
1322.  
Ex schedis D.  
d' Harouval.

XXXIII. **A** Tous ceux qui ces lettres verront IEHAN Loncle Garde de la Prevosté de Paris salut. Sachent tous que Nous l'an de grace mil trois cens vint & deus, le lundy apres la Chandeleur, veismes unes lettres scelées en cire vert & en soye, du scel nostre Seigneur le Roy, contenans ceste fourme.

CAROLUS Dei gratiâ Francorum & Navarræ Rex : Reliquiæ sc.  
Notum facimus universis tam præsentibus quàm futuris, quòd cum inter nos seu gentes nostras pro nobis ex una cræ Cappellæ  
parte, & Magistrum, Fratres & Sorores domûs Dei Parisiensis ex altera, dilectorum nostrorum Decani & Capituli Parisiensis Ecclesiæ assensu ad hoc interveniente, Paris. dum  
fuerit concordatum, nostrâ dictæque domûs Dei utilitate Rex iter facit, expensis  
pensata, quòd præfati Magister, Fratres & Sorores ex Domûs Dei  
nunc singulis annis in perpetuum, in quatuor festis annualibus teneantur cum quatuor equis suis, & duobus famulis propriis, cum sumptibus regiis & expensis, Reliquias Cappellæ Regiæ Parisiensis ducere seu deferre, vel  
duci aut deferri facere à civitate Parisiensi ad quemcumque locum, quo personam Regiam in prædictis quatuor  
festis annualibus personaliter contigerit interesse, intra  
tamen triginta quatuor leucarum spatium à civitate prædicta, & non ultrà.

Quòdque propter hoc, necnon & intuitu pietatis, habeant & percipiant dicti Magister, Fratres & Sorores ex largitione nostra ex nunc in perpetuum anno quolibet  
centum quadrigatas lignorum, qualibet quadrigata quatuor modulos\* continente, in foresta nostra Cuisiæ, vel  
in aliis forestis nostris ad dictæ Domûs majorem aisen-

Gal.\* Moules,  
inde Mon-  
teurs de bois  
dicti seu mo-  
dulateurs li-  
gnores, mensores.

Gal.<sup>us</sup> Chartr.  
sées.

tiam, & cum nostro minori incommodo; una cum ducentis quadrigatis \* lignorum quantitatis prædictæ, quas ex largitione prædecessorum nostrorum & nostra habent & percipiunt ab antiquo. Nos prædicta rata habentes & grata, damus præsentibus in mandatis Magistris forestarum nostrarum præsentibus & modernis, ac eorum cuilibet, quatenus præfatis Magistris, Fratribus & Sororibus, vel ipsorum certo mandato, ex nunc in antea singulis annis in perpetuum, dictas centum quadrigatas lignorum in dicta foresta, vel in aliis forestis, una cum aliis dictis ducentis quadrigatis, faciant sine difficultate & dilatione quibuscumque liberari. Quod ut ratum & stabile permaneat in futurum, præsentibus Litteris nostrum fecimus apponi sigillum. Actum Parisius anno Domini millesimo trecentesimo vicesimo secundo, mense Ianuarii.

Et nous ce Transcript avons scelé du scel de la Prevosté de Paris l'an & le lundy premier diz.

An. Christi  
1347.  
Communica.  
vit D. d'He-  
rouval.

## CLEMENTIS PAPÆ VI.

*Venerabili fratri IOHANNI Archiepiscopo  
Rotomagensi.*

XXXIV. CLEMENS Episcopus servus servorum Dei venerabili fratri IOHANNI Archiepiscopo Rotomagensi, salutem & apostolicam benedictionem. Intellecto nuper quod carissimus in Christo filius noster PHILIPPUS Rex Franciæ illustris, occasione novitatis factæ per carissimum in Christo filium nostrum IACOBUM Regem Majoricarum illustrem in Comitatu Rossilionis, villam & Baroniam Montispesulani ad manum regiam poni, & nihilominus contra ipsum Regem Majoricarum ac subditos & servitores suos, qui ei super hoc astiterant, procedi mandavit speciali ad hoc commissario destinato. Nos eundem Regem Franciæ per nostras litteras deprecamur, ut præfato Regi Majoricarum piè compatiens, velit erga eum benignè agere, ac omnem poenam, si quam pro præteritis culpis meruit, ei gratiosè remittere, ac

manum regiam à Villa & Baronia prædictis, cùm aliunde præfatus Rex Majoricarum non habeat unde se ac filios, licet pauperes regali tamen profapia genitos, sustentare valeat, amovere. Quocirca Fraternitatem tuam attentè rogamus, quatinus apud eundem Regem Franciæ quòd nostris in hac parte precibus annuat pro nostra & Apostolica Sedis reverentia interponas efficaciter partes tuas.

Datum Avenioni undecimo Kalendas Septembris, Pontificatûs nostri anno sexto.

*VRBANI PAPÆ VI.*

*Archiepiscopo Mediolanensi.*

An. Christi  
1380.  
*Ex authenticis*  
*D. d' Herou-*  
*val.*

XXXV. **V**RBANUS Episcopus servus servorum Dei, Venerabili fratri Archiepiscopo Mediolanensi salutem & Apostolicam benedictionem. Oblatæ nobis pro parte dilecti filij nobilis viri Galeas de Vicecomitibus Comitum Virtutum, & dilectæ in Christo filiæ & nobilis mulieris Catherinæ, dilecti filij nobilis viri Barnabovis de Vicecomitibus Militis natæ domicellæ Mediolanensis, petitionis series continebat, quòd ipsi Galeas & Catherina pro pacifico statu partium Lumbardiæ melius conservando, & ex certis aliis causis rationabilibus, cupiunt invicem matrimonialiter copulari, sed quia secundo consanguinitatis gradu in linea æquali invicem se contingunt, desiderium ipsorum hujusmodi adimplere nequeunt, dispensatione super hoc apostolicâ non obtentâ. Quare pro parte ipsorum Galeas & Catherinæ fuit nobis humiliter supplicatum, ut providere ipsis super hoc de opportuni dispensationis gratia de speciali gratia dignaremur. Nos igitur qui cunctorum Christi fidelium quietem & pacem intensis desideriis affectamus, ex præmissis & certis aliis causis nobis expositis, hujusmodi supplicationibus inclinati, Fraternitati tuæ, de qua in hiis & aliis specialem in Domino fiduciam obtinemus, per Apostolica scripta committimus & mandamus, quatinus si est ita, & dicta Catherina propter hoc capta non fuerit,

G g ij

ut impedimento quod ex consanguinitate huiusmodi provenit, & inhibitione per felicitis recordationis Gregorium Papam XI. vel quosvis alios Romanos Pontifices prædecessores nostros facta, per quam forsan interdictum esset ne Galeas & Catherina prædicti insimul, vel cum aliis personis possent matrimonium contrahere, & si contraherent, contractum dirimeretur, nequaquam obstantibus, matrimonium invicem liberè contrahere, & in eo postquam contractum fuerit licitè remanere valeant, auctoritate Apostolica dispenses. Prolem ex huiusmodi matrimonio suscipiendam legitimam nuntiando.

Datum Romæ apud sanctum Petrum secundo Nonas Septembris, Pontificatûs nostri anno tertio.

An. Christi  
1380.  
Ex eodem,

## DISPENSATIO

*Domini Comitis virtutum, & Domine Catharine  
de contrahendo matrimonio auctoritate Domini  
Urbani Papæ.*

XXXVI. **V**NIVERSIS & singulis præsentibus litteras, seu præsens instrumentum publicum inspecturis, ANTONIUS Dei & Apostolicæ sedis gratiâ S. Mediolanensis Ecclesiæ Archiepiscopus, delegatus seu Commissarius ad infra scripta per sedem Apostolicam specialiter deputatus, salutem & sinceram in Domino caritatem. Litteras sanctissimi in Christo Patris & Domini, Domini VRBANI divinâ providentiâ Papæ sexti, ejus verâ bullâ plumbeâ in filo canapis more solito Romanæ curiæ bullatas, non vitiatas, non cancellatas, non abolitas, nec in aliqua sui parte suspectas, sed omni prorsus vitio & suspitione carentes, præsentatas nobis pro parte magnifici, & Illustris domini domini GALEAS Vicecomitis, Comitis Virtutum Mediolani, &c. Domini Generalis, & inclytæ dominæ, dominæ CATHERINÆ natæ magnifici & excelâ domini Bernabovis Vicecomitis Mediolanen-

sis, &c. Domini generalis, coram Notario & testibus infrascriptis, Nos cum ea quę decuit reverentia noveritis recepisse: quarum tenor sequitur in hæc verba:

VRBANUS Episcopus servus servorum Dei venerabili Fratri Archiepiscopo Mediolanensi, &c. *ut supra*.

Post quarum litterarum Apostolicarum præsentationem, ut præmittitur, nobis factam, pro parte dictorum dominorum Galeas & Catherinæ fuimus cum instantia debita requisiti, ut ad executionem dictarum litterarum Apostolicarum procedere deberemus juxta traditam seu directam à sede Apostolica nobis formam. Nos igitur ANTONIUS Archiepiscopus delegatus seu Commissarius antedictus, volentes mandatis Apostolicis supradictis ut renemur efficaciter obedire, auctoritate dicti domini nostri Papæ nobis, ut præmittitur, in hac parte commissa de causis & rationibus, ac aliis in Apostolicis litteris antedictis contentis, inquisivimus diligenter, & quia diligenti inquisitione & examinatione ac cogitatione præhabita, præmissa omnia & singula in suprascriptis Apostolicis litteris enarrata, dictamque dominam Catherinam raptam propterea non fuisse, reperimus veritate fulciri, tam ex præmissis quàm ex aliis iustis & rationabilibus causis, de quibus informationem plenariam habuimus, auctoritate præfati domini nostri Papæ qua fungimur in hac parte, cum eisdem dominis Galeas, & Catherina præsentibus & consentientibus, ut impedimento quod ex consanguinitate hujusmodi provenit, de qua in suprascriptis litteris Apostolicis mentio fit expressa, ac inhibitione per felicitis recordationis dominum Gregorium Papam undecimum, vel quosvis alios Romanos Pontifices, ipsius domini nostri domini Urbani Papæ sexti prædecessores facta; per quam forsân interdictum esset, ne dicti domini Galeas & Catherina insimul, vel cum aliis personis possent matrimonium contrahere, & si contraherent, contractum dirimeretur, nequaquam obstantibus, matrimonium invicem contrahere, & in eo postquam contractum fuerit licitè remanere valeant, tenore præsentium dispensamus, prolemque ex hujusmodi matrimonio

fufcipiendam legitimam nuntiamus, pronuntiamus, decernimus, & etiam declaramus.

In quorum omnium testimonium præfentes litteras in formam publici documenti per Iohannolum de Colduariis, & Bellinum de Merlino, Notarios Mediolanenses, & utrumque ipsorum fieri iussimus, & nostri sigilli munimine roborari. Datum & actum in choro Ecclesiæ sancti Iohannis ad Concham Mediolanensem, anno nativitatis Domini millesimo trecentesimo octuagesimo, die Martis secundo mensis Octobris, Indictione quarta secundum stylum civitatis & diocesis Mediolanensis; præsentibus Reverendo in Christo Patre & domino, domino-fratre IACOBO, Dei & Apostolicæ sedis gratia Episcopo Lunensi, ac venerabilibus viris dominis Fratre CHRISTOPHORO de Terzago Clarævallis, Mediolanensis diocesis, Fratre GUILLELMO de Lampugano sancti Ambrosij Mediolanensis Monasteriorum Abbatibus, fratre BERTRANDO Bonifacij Præceptore Domus sancti Antonij Mediolanensis, PHILIPPO & PAGAMNO de Besozero Ordinariis Ecclesiæ Mediolanensis, ac nobilibus & egregiis viris dominis ABELLONIO Milite Comite de Cochonate, GERARDO de Lagruella nato quondam domini Ambrosij, ADOARDO de Caraneis de Ianua, ANTONIO de Pegiis, ANTONIO & AZONE Fratribus de Vicecomitibus, & BARTHOLOMÆO de Placentinis, FAUSTINO de Lantanis, ac BELTRAMOLO de Ferrariis legum doctoribus, & VASSALINO de Bossiis filio quondam domini Iacobi procuratore Mediolanensi, & multis aliis in multitudine copiosa omnibus ad præmissa vocatis testibus & rogatis.

Ego IOHANNOLUS natus quondam domini Francisci de Coldurariis publicus imperiali auctoritate Notarius Mediolanensis portæ Honensis, parrochiæ sancti Salvatoris in Xenodochio, prædictarum Litterarum Apostolicarum præsentationi, & earum receptioni, necnon superscriptis petitioni, requisitioni, inquisitioni, examinationi, & summarie informationi, dispensationi, declarationi, pronuntiationi & nuntiationi, omnibusque aliis & singulis superscriptis, dum per præfatum dominum Ar-

chiepiscopum delegatum & Commissarium antedictum, dictosque dominos Galeas & Catherinam, ut præmittitur, agerentur & fierent, una cum supra scriptis testibus præsens fui, eaque omnia & singula de ipsius domini Archiepiscopi mandato, dictorumque dominorum Galeas & Catherinæ rogatu, fideliter scripsi, & de his hoc publicum Instrumentum confeci, & in hanc publicam formam redegi, meoque consueto signo signavi in testimonium omnium præmissorum.

Ego BELLINUS de Merlino natus quondam domini Iohannis, publicus imperiali auctoritate Notarius Mediolanensis, & nunc Cancellarius præfati domini Archiepiscopi Mediolanensis, prædictarum litterarum Apostolicarum præsentationi, &c. *ut supra.*

## *I N S T R U M E N T U M*

*Dispensationis domine CATHARINÆ auctoritate  
Domini VRBANI Papæ factæ.*

An. Christi  
1380.  
die 1. Octob.  
Ex eodem.

XXXVII. **I**N NOMINE DOMINI. Pateat Vniverfis & singulis præsens Instrumentum publicum inspecturis, quod anno Nativitatis domini millesimo trecentesimo octuagesimo, Indictione quarta secundum stylum civitatis Mediolani, die Martis secundo mensis Octobris, in præsentia mei Notarij, & testium subscriptorum ad hæc vocatorum & specialiter rogatorum, Magnus & Illustris dominus, dominus GALEAS Vicecomes, Comes Virtutum, Mediolani, &c, dominus generalis; & inclyta domina, domina CATHERINA, nata Magnifici & Excelsi domini, domini Bernabovis Vicecomitis Mediolani, &c. Domini generalis, in secundo consanguinitatis gradu in æquali linea sibi invicem attinentes, mox absque alicujus temporis intervallo post dispensationem hodie per Reverendissimum in Christo Patrem & dominum, dominum ANTONIUM Dei & Apostolicæ sedis gratiâ sanctæ Mediolanensis Ecclesiæ Archiepiscopum, ex veris, justis, & rationabilibus causis intervenien-

tibus & expressis, auctoritate Apostolica sibi in hac parte commissa factam, debitum solemnitatibus observatis juxta traditam seu directam à sede Apostolica sibi formam, ad interrogationem præfati domini Archiepiscopi ipsos dominos Galeas & Catherinam præsentis interrogantis, matrimonium per verba de præfenti palam, publicè, atque sponte, & ex certa scientia in simul contraxerunt; videlicet ipso domino Galeas ad ipsius domini Archiepiscopi interrogationem, ut præmittitur, sibi factam, dicente quod placebat accipere, & accipiebat, & accepit ipsam dominam Catherinam suam legitimam in uxorem, ac in eam expresso consensu per verba de præfenti matrimonialiter consensit & consentit; ipsaque domina Catherina interrogatione per eundem dominum Archiepiscopum super hoc confestim & continuo sibi facta, dicente quod sibi placebat accipere, & accipiebat, & accepit dictum dominum Galeas in suum legitimum conjugem & maritum, & in eum tanquam in suum maritum legitimum consentiebat, consensit, & consentit: ac deinde dictus dominus Galeas eam dominam Catherinam continuo & confestim in ejus dominæ Catherinæ digito anulari suæ manus dexteræ anulo subarravit, ipsa domina Catherina permittendo se sponte in signum matrimonialis consensus & veri matrimonij basurrari.

Et de prædictis rogatum fuit debere per me Iohannolum de Coldurariis, ac Bellinum de Merlino Notarios infra scriptos, hoc publicum fieri documentum. Actum in choro Ecclesiæ sancti Iohannis ad Concham Mediolanensem, præsentibus Reverendo in Christo Patre & domino domino Fratre IACOBO, Dei & Apostolicæ sedis gratiâ Episcopo Lunensi, ac venerabilibus viris dominis Fratre CHRISTOPHORO de Terrago Claravallis Mediolanensis diocesis, Fratre GUILLELMO de Lampugiano sancti Ambrosij Mediolanensis Monasteriorum Abbatibus, Fratre BERTRANDO Bonifacij Præceptore domus sancti Antonij Mediolanensis, FILIPOLO & PERAGRINO de Besozero Ordinariis Ecclesiæ Mediolanensis, ac nobilibus



libus & egregiis dominis ABELLONIO Milite Comite de Cochonate, GERARDO de Laquiella nato quondam domini Ambrosij, ADOARDO de Cataneis de Ianua, ANTONIO de Poggiis, ANTONIO & Azone Fratribus de Vicecomitibus, & BARTHOLOMÆO de Placentinis, FAUSTINO de Lantanis, ac BELTRAMO de Ferrariis legum Doctoribus, & VASSALINO de Bossiis filio quondam Domini Iacobi Procuratore Mediolani, & multis aliis in multitudine copiosa, omnibus ad præmissa vocatis testibus & rogatis.

Ego IOHANNOLUS natus quondam domini Francisci de Colduariis, publicus imperiali auctoritate Notarius Mediolanensis, unâ cum infra scripto Bellino de Merlino Notario, & testibus subsignatis, præmissis omnibus & singulis præsens fui, & rogatus, unâ cum dicto Bellino hoc publicum instrumentum confeci, & per alium scribi feci aliis negotiis occupatus, in eoque consueto signo signavi in testimonium omnium præmissorum.

Ego BELLINUS de Merlino, natus quondam domini Iohannis, publicus Imperiali auctoritate Notarius Mediolanensis, unâ cum superscripto Iohannolo de Colduariis Notario, & testibus superscriptis præmissis, omnibus & singulis præsens fui & rogatus, unâ cum dicto Iohannolo hoc publicum instrumentum confeci, & per alium scribi feci, aliis negotiis occupatus, in eoque consueto signo signavi in testimonium omnium præmissorum.

*NICOLAVS PAPA V.*

An. Christi  
1447.  
Ex eodem.

*Dilecto filio nobili viro GUILLELMO Francie  
Cancellario.*

XXXVIII. **D**ILECTE fili salutem & Apostolicam benedictionem. Cupiens Ecclesiam Dei, quam perspicimus in corruptos mores ex magna parte collapsam, recuperare decorem suum, quod minimè fieri potest nisi in ipsa Ecclesia Dei unitas perseveret, qua stante omnia membra corporis mystici in uno corpore

Rogat ut ad  
pacem Eccle-  
siaz concilian-  
dam, omnem  
adhibear cu-  
ram.

connectuntur: rogamus nobilitatem tuam, ut in tam sancto opere dexteram porrigas, & apud regiam Celsitudinem, & aliàs ubi expedire prospexeris, ita ut cooperantibus & auxiliantibus multis Ecclesia ipsa Dei desiderata pace & unitate lætetur. Venerabilem autem fratrem nostrum ALANUM Episcopum Avinionensem, quem nobis tuis litteris commendasti atque honorem suum, commendatum habuimus & habemus, ac habebimus in futurum. Latori autem præsentium dilecto filio IOHANNI Herberti Secretario regio nonnulla injunximus super his nobilitati tuæ nostro nomine referenda, cui velis adhibere plenam credentiæ fidem. Datum Romæ apud sanctum Petrum sub annulo Piscatoris die tertia Octobris, anno Domini millesimo quadringentesimo quadragesimo septimo. Pontificatûs nostri anno primo.

*P. de Noxeto.*

### *CAROLI FRANCORVM REGIS.*

*Ex eodem  
MS. D. & H.  
rouval.*

*Carissimo ac specialissimo amico nostro NICÆNO  
Sanctorum XII. Apostolorum Cardinali  
Græco.*

XXXIX. **C**AROLUS &c. Carissime ac specialissime amice. Quæ ad nos superioribus diebus de Serenissimo Principe fratre nostro carissimo Romanorum Rege scripsistis fuere nobis omnia jocundissima, ac non parvâ nos alacritatē referat sincerus ipsius Imperatoris affectus, qui tanto à nobis intervallo terrarumque tractu sejunctus, tanto nobiscum potuerit amore conjungi: sed & nos certum est par pari referre, recipereque talem affectum, ut quidquid ad Imperatoriam dignitatem, vel Græcorum utilitatem respexerit, id omne pro viribus exsequi cupiamus. Quòd si detur hostes arcere pacemque Regni componere, nihil nec prius nec libentius faciemus, quàm opem Græciæ ferre, liberareque Christianum imperium dominatu nefario Barbarorum. Quis non Græciæ faveat genti clarissimæ, quæ omni ge-

nere laudis excellens, tanta humano generi peperit ornamenta? Nec memoria excidit patronum Franciæ, beatum videlicet Dionysium è Græcia emeruisse, qui divino usus eloquio ejusdem panis verbo quo vivunt. Angeli repletum se perhibens, fidem nobis attulit, Dei cultum edocuit, & sublati tenebris lucem ex abdito in medium protulit: sed de hoc aliàs. Reliquum est ut vos certiorem faciamus, si quo modo in Galliam venire contigerit, futurum ut à nobis suscipiamini perbenignè. Est enim animus vester erga nos gratus, ut jam vos in eorum numero reponamus, quos gratos magis acceptosque habemus.

Datum Turonis.

*ADVISATA*

*Et deliberata in Dieta Asseshamburgensi in die sanctæ Margarete Virginis, quæ fuit decimo tertio Julij, anno domini millesimo quadringentesimo quadragesimo septimo.*

An. Christi  
1447.  
Ex eodem  
MS.

XL. **P**LACUIT omnibus nemine discrepante obedientiam felicitis recordationis domino Eugenio præstitam in personam Sanctiss. nostri moderni domini Nicolai Papæ V. continuari, & Sanctitati suæ tanquam indubitato Romanorum Pontifici obedire. Publicabitur hoc in singulis locis quantociùs cum gratiarum actione, Missis & processionibus, prout in talibus fieri est consuetum.

Item pro declaratione jam facta, & obedientia dicti domini nostri moderni manutenenda, ad obviandum similiter adversitatibus & involutionibus si quæ contra declaratos, & qui cum ipsis in posterum concurrerint, aut aliquos ex eis fortassis evenerint, pluribusque aliis in natione nostra tam in spiritualibus, quàm in temporalibus necessariò disponendis, Serenissimus dominus noster Romanorum Rex indicat dietam ad Nurembergam: providet ut ibi sit Papalis auctoritas, convocabitque tam Ec-

Hh ij

clesiasticos quàm sæculares Principes, & alios solitos convocari pro hujusmodi, ut præfertur, prout melius fieri poterit, componendis, & tantò omnium conditio convenientius & utiliùs, quantò id citius fieri poterit.

Item dabit Sanctiss. dominus noster modernus litteras Sanctitatis suæ in ea forma, qua prædecessor suus pro commo & quiete nationis nostræ concessit, ratum & gratum habendo in plena forma.

Item providebitur contra illos qui possessores beneficiorum contra concordata cum Sanctiss. D. N. molesta-verint, cum pænarum adjectione per Serenissimum dominum nostrum Regem, & Serenitati suæ adhærentes, prout factum fuit in observatione protestationis.

Item concludetur ibi provisio sanctissimo D. N. & Sedi Apostolicæ facienda, si tempore medio cum Legato non fuerit concordatum.

Item dabit Sanctissimus Dominus noster facultatem Diocesanas, dummodò & rationabiliter visum fuerit, tollendi censuras propter præsentiam vel communionem adversariorum principaliter non culpabilium, quomodolibet inflictas; ne propter communionem, vel præsentiam, quæ casualiter sæpe eveniunt, & prohiberi difficulter possunt, cultus divinus diminuatur, & scandala in populo nascantur.

HENRICUS *Lupi Cancellarius Reverendissimi domini Maguntinensis, &c.*

An. Christi  
1448.  
*Ex eodem.*

**CAROLI FRANCORVM REGIS,**


*Sigismundo Duci Austrie.*

Pergratum se  
habere matrimonium cum  
filia Regis  
Scotorum  
contrahendū.

**XLI. CAROLUS, &c. Illustri Principi SIGISMUNDO Duci Austriæ carissimo filio, ac dilectissimo Consanguineo nostro salutem, zelique filialis dilectionem. Illustris Princeps, filique carissime, directos jamdiu ad nostram præsentiam caros ac nobis dilectos LUDOVICUM Beuse Militem, Præceptorem Comitatus de**

Tyreul\*, & HAVEZE Pachel Consiliarios ac Ambaxiatores vestros advenisse benignè, litterasque per ipsos vestri ex parte nobis præsentatas, lato animo suscepimus, eoque ad plenum super credentia earundem tractatum matrimonii inter vos, carissime Fili, ac illustrem sororem consanguineamque nostram ALIENOR filiam serenissimorum quondam Regis, necnon sororem Regis presentis Scotorum, nostrorum carissimorum fratrum, tangente, placidis auribus audivimus. Qua in re post quamplures præsentati in materia dilationes, tum quia consensus dicti carissimi fratris nostri Scotorum Regis erat necessarius, ad cujus præsentiam quosdam nobis fidos destinavimus, qui ( prout nobis nuntiaverunt ) rem gratam acceptamque habuit: tum etiam id carissimis consanguineis nostris Britannia & Sabaudia Ducibus, quibus sorores ejusdem carissimæ nostræ Alienor junctæ sunt, notificavimus: quod laudaverunt, & huic operi ob ferventem animum quem ad vestram personam gerimus, ejus successus tanquam pro filio proprio prosperè optantes, tantam adhiberi diligentiam fecimus, quod sponsalia per verba de futuro inter vos & præfatam quam-carissimam Consanguineam nostram, sub certis conditionibus & modificationibus contracta fuere. Verum quia intra quatuor mensium spatium vestram ratihabitionem, secundum ea quæ agitata sunt, ad consummationem hujus matrimonii mittere tenemini, vestris Ambaxiatoribus utilius visum fuit impræsentiarum præfatum Haveze Pachel vestram ad personam fore transmittendum, per quem latius super omnibus poteritis informari, quam multo longior scriptura contineret.

Datum in Monte-aureo prope Laverdini.



An. Christi  
1448.  
Communica-  
vit D. d' He-  
rouval.

*NICOLAI PAPÆ V.**CAROLO VII. Regi Francorum.*


Rogat Regem  
ut Antonio  
Crepin è Pa-  
ris. Cathedra  
ad Laudunen-  
sem translato  
saveat.

**XLII.** **N**ICOLAUS Episcopus servus servorum Dei,  
Carissimo in Christo filio CAROLO Regi  
Franciæ illustri, salutem & Apostolicam benedictionem.  
Gratiæ divinæ præmium acquiritur, si per sæculares Prin-  
cipes Prælati præsertim Ecclesiarum Cathedralium regi-  
mini præsidentibus opportuni favoris præsidium & ho-  
nor debitus impendantur. Sanè Ecclesiâ Laudunensi ex  
eo Pastoris solatio destitutâ, quòd nos hodie venerabilem  
fratrem nostrum IOHANNEM Episcopum olim Laudu-  
nensem in Archiepiscopum Remensem electum à vincu-  
lo, quo ipsi Laudunensi Ecclesiæ cui tunc præerat tene-  
batur, de fratrum nostrorum consilio & Apostolicæ po-  
testatis plenitudine absolventes, eum ad Ecclesiam Re-  
mensensem tunc Pastore carentem duximus auctoritate  
apostolica transferendum, præficiendo eum illi in Ar-  
chiepiscopum & Pastorem. Nos ad provisionem ipsius  
Laudunensis Ecclesiæ celerem & felicem, ne illa longæ  
vacationis exponeretur incommodis, paternis & sollicitis  
studiis intendentes, post deliberationem quam super his  
cum eisdem fratribus habuimus diligentem. Demum ad  
dilectum filium ANTONIUM Crepin nunc Laudunensem,  
tunc Parisiensem electum, consideratis grandium virtu-  
tum meritis, quibus personam suam Altissimus insignivit,  
& quòd ipse Antonius electus illis sibi suffragantibus præ-  
fatam Laudunensem Ecclesiam sciet & poterit auctore  
Domino utiliter regere & feliciter gubernare, converti-  
mus oculos nostræ mentis. Intendentes igitur tam dictæ  
Laudunensi Ecclesiæ, quàm ejus gregi dominico salubri-  
ter providere, ipsum Antonium Electum à vinculo quo  
tenebatur dictæ Parisiensi Ecclesiæ, (per eundem Anto-  
nium Electum, illius regiminis & administrationis bono-  
rum possessione non adepta, nec consecrationis munere  
suscepto) de fratrum consilio, & potestatis plenitudine hu-

jusmodi absolventes, præfatum Antoniũ Electum ad eandem Laudunensem Ecclesiam de dictorum fratrum consilio eadem auctoritate transtulimus, ipsũque illi præfecimus in Episcopum & Pastorem, curam & administrationem ipsius Laudunensis Ecclesiæ eidem Antonio Electo in spiritualibus & temporalibus plenariè committendo, liberamque sibi tribuendo licentiam ad præfatam Laudunensem Ecclesiam transeundi, firma spe fiduciaque conceptis, quòd dirigente Domino actus suos, dicta Laudunensis Ecclesia per ipsius Antonij Electi circumspeditionis industriam & studium fructuosum regetur utiliter, & prosperè dirigetur, gratæque in eisdem spiritualibus & temporalibus suscipiet incrementa.

Cùm itaque, Fili Carissime, sit virtutis opus Dei Ministros benigno favore prosequi, ac eos verbis & operibus pro Regis æterni gloria venerari, Serenitatem regiam rogamus & hortamur attentè, quatinus Antonium Electum, & suæ curæ commissam Laudunensem Ecclesiam, prædictos habens pro nostra & Apostolicæ sedis reverentia propensius commendatos, sic eos in ampliandis juri-  
bus suis tui favoris præsidio prosequaris: quòd ipse Antonius Electus in commissæ sibi dictæ Laudunensis Ecclesiæ regimine possit Deo propitio prosperari, ac tibi exinde à Deo perennis viræ præmium, & à nobis condigna proveniant actio gratiarum.

Datum Romæ apud sanctum Petrum, Anno Incarnationis dominicæ millesimo quadringentesimo quadregesimo octavo, quinto Nonas Martij, Pontificatũs nostri anno secundo.



An. Chr.  
1448. 3. Iul.  
Ex eodem.

**MAGISTRI HOSPITALARII***Ierusalem CAROLO Regi Francorum.*

Nunciat vi-  
ctoriam de  
Turcis repor-  
tatam à Mili-  
tibus Rhod-  
di.

**XLIII.** **S**ERENISSIME & Christianissime Francorum Rex, debita recommendatione præmissa. Consueverunt semper lato animo Principes audire ea quæ in exteris regionibus geruntur, & præsertim si quid est quod ad detrimentum infidelium intercesserit. Nuperrimè siquidem ex litteris ex Constantinopoli, Pera & Chio huc Rhodum missis nobis innotuit, magnum Teucrorum sive Turchorum Regem classem ingentem paravisse, exercitumque coadunasse, ut terrâ marique ipsam Constantini urbem oppugnaret, quæ classis cum in Danubium flumen esset ingressa, descendissentque Teucri plurimi ex ea in terram, repente classis Blanchi longè ea inferior numero ex superiore ad nos parte insiluit, & ferè infidelium totam classem combussit. Illi verò qui terram petierant à Blanchi gentibus trucidati sunt. Hoc infortunio & clade Teucris data, & Imperatoria ipsa civitas, & omnes insulæ Ægæi pelagi à formidine magna, Deo victoriam Christianis dante, liberati sunt.

Insuper Presbyter IOHANNES Indorum Imperator, ut quidam Sacerdotes Indiani huc Rhodum devecti, per veros interpretes dixerunt, magnam stragem & occisionem Saracenis suis finitimis, & his maximè qui ex stirpe Machometi se ortos prædicant, intulit, ut vix credatur: nam per trium dierum iter passim cadavera occisorum conspiciebantur. Destinavit præterea Oratorem is Indorum Rex Soldano Babyloniz cum muneribus, sicut mos Orientalium est, ei denuntians nisi ab affligendo Christianos desierit, se bellum pestiferum civitati Mechæ, ubi sepulchrum Machometi esse dicitur, Ægypto, Arabiæ, & Syriæ, quæ ditioni ipsius Soldani subiectæ sunt, illaturum: flumenque Nili totum, qui Ægyptum irrigat, & sine quo nullus illic vivere posset, surrepturum, & iter aliud illi daturum simili pacto minitans. Orator ipse primò bene admissus



ne admissus & visus fuit : datâque ei copia ut sanctum sepulcrum Domini nostri videret , qui cùm reversus ad Cayrum fuisset , ab ipso Soldano carceri traditus est , hac intentione illum non relaxaturum , nisi Orator suus ad Indiam missus & detentus non redierit. Hæc pauca sunt memoratu digna , & Serenitati vestræ dignissima , quam semper valere optamus.

Datum Rhodi in nostro Conventu die tertia Iulii anno Domini millesimo quadringentesimo quadragésimo octavo.

*Serenitatis vestræ,*

*Magister Hospitalis  
Ierusalem.*

*CAROLI VII.  
REGIS FRANCORVM  
NICOLAO Papa V.*

An. Christi  
1449.  
Ex ejusdem  
MS.

XLIV. **B**EATISSIME Pater, &c. Cùm nuper Prælatos Bregni nostri in civitate nostra Rotomagensi congregari mandassemus, ut super quibusdam differentiis inter vestram Sanctitatem & Ecclesiam nostram Gallicanam concordandis bona & votiva caperetur conclusio, nostris tamen obstantibus guerris in hac reductione nostri Ducatus Normaniæ ad nostram obedientiam plurimum occupati, in ea congregatione personaliter adesse nequivimus, propter quod re ipsa non perfecta juxta votum nostrum, Prælati, qui tunc in eo loco convenerant, absque finali conclusione discesserunt. Quia verbò totis

Tom. VII. I i

Congregatos  
Rotomagi  
Prælatos regi  
ad bonum Eccle-  
siæ mandat.

nostræ mentis desideriis bonam super his concordiam adipisci percupimus, iterum Prælatos Regni nostri & Delphinatûs in magno numero infra paucos dies congregari mandavimus, ut more nostro solito, & pro tanta re debita solemnitate servatis, in his quæ cum dilecto nostro Minturnensi Episcopo vestræ Sanctitatis Oratore, in præfata Rotomagensi civitate prolocuta & advisata extiterunt, fixa & permanens & desiderata per nos conclusio subsequatur; quod annuente pacis Auctore fieri firmiter speramus, qua ratione ducti præfatum Episcopum Minturnensem apud nos remanere fecimus; quod pro tanto fructu consequendo gratum vestræ Sanctitati fore non dubitamus. Quam feliciter conservet Altissimus ad felix regimen Ecclesiæ suæ sanctæ.

Scriptum in oppido de Berneio nono die Martii, anno Domini millesimo quadringentesimo quadregesimo nono.

An. Christi  
1451.  
Ex eodem.

NICOLAI PAPÆ V.

CAROLO SEPTIMO


*Regi Francorum.*

Rogat Regem ut Cardinali Rotomagensi Archiep. qui fidelitatem & homagium nondum præstiterat annum saltem redditum percipere sinat.

**XLV.** NICOLAUS Episcopus servus servorum Dei, charissimo in Christo filio CAROLO Francorum Regi illustri, salutem & Apostolicam benedictionem. Accepimus superioribus diebus dilectum filium nostrum GUILLELMUM tituli sancti Martini in Montibus Presbyterum Cardinalem, & Archiepiscopum Rotomagensem, possessionem liberam Ecclesiæ suæ Rotomagensis cum gratia & benevolentia tuæ Serenitatis affectum fuisse: quæ res grata admodum nobis fuit, ita ut exinde gratias tuæ Celsitudini referamus: nam in ea re voluntati & dispositioni nostræ ac tuo erga ipsum Cardinalem, qui negotiorum tuorum omnium curam habet

immenſam, officio & benivolentiæ ſatiſfecisti. Sed quia nuper intelleximus annuam temporalitatem ipſius Eccleſiæ eidem Cardinali denegari, cū juramentum ſolitum fidelitatis & homagii non præſtiterit, rogare decrevimus enixius & ex corde tuam Excellentiam, ut pro tua erga nos & Apoſtolicam Sedem ſinceritate, ad ſingularem noſtram complacentiam, temporalitatem pro uno anno eidem Cardinali concedas, quæ ſub nomine vulgari *de ſouffrance* ſeu *reſpit*, ut audivimus, dari ſolet, & quam ſcimus perſonis aliis quæ tuæ Serenitati nulla erant parentela conjunctæ, conceſſam fuiſſe. Cū autem ipſum Cardinalem impreſentiarum permittere non poſſimus ad tuam præſentiam prout optaret perſonaliter accedere, quia ejus aſſiſtentia in magnis & arduis fidei Catholicæ quæ nunc occurrunt negotiis nobis plurimū neceſſaria exiſtit, noſtra intereſſe videtur, ut nos ipſi ejus anni temporalitatem ſuo nomine impetremus. In qua re nobis præmaximè complacere debet tua Excellentia, cū de communi Chriſtianæ religionis ſtatu nunc agatur. Velit igitur Celſitudo tua in hoc brevi temporis ſpatio noſtræ annuere petitioni, & per Nuntium præſentem, quem hac de cauſa deſtinamus, gratum & acceptum dare reſponſum, quemadmodum de tua devotione plurimū conſidimus & ſperamus.

Datum Romæ apud ſanctum Petrum, Anno Incarnationis Dominicæ milleſimo quadringenteſimo quinquageſimo tertio, tertio Idus Octobris Pontificatus noſtri anno ſeptimo.



An. Christi

1437.

Ex Mss. codice

Domini

d' Herouval.

## SACRATISSIMÆ

*Ac Christianissima Regis Francorum Ma-*  
*jestati, IANUS de Camposfregoso*  
*Dux Januensium.*

Orat Regem  
 ut Regno Cy-  
 prico pericli-  
 tanti subli-  
 dium confe-  
 rat.

\* Mendum  
 hic.

**XLVI.** **E**T si jamdiu, Serenissime ac Christianissime Princeps, manifestam regni Cyprici calamitatem ante oculos habuerimus, idque civitas nostra apud Christianos tum Principes, tum populos denuntiando ac exclamando sæpius deploraverit, nunc eo minus continere rursus non possumus, quo recens terror excrevit regni illius internecionis ac pænè Christiani nominis interitus ad nos defertur: cum Soldanus Christianæ fidei hostis teterrimus, post tentatam totiens illius regni servitutem nuperrimè ac publicè Christianorum omni metu posthabito ingentem classem ad perniciem Regni illius parare videatur. Quod profectò etsi in communi calamitate præter privatam portiunculam liceat non accipere\*, vel primi at saltem non postremi esse volumus, qui taciti tantam tempestatem, pudorémque vel ferre vel præstolari videamur. Olim solebant esse in Christiano populo tum Reges, tum Principes, quibus nulla major cura inerat, quàm Christiani nominis cultum ac fidem ab omni injuria tuendi; nunc autem ita crevit auctaque est omnibus suarum cuique rerum cura & libido, ut nihil communi calamitati dignitatique christianæ ampliùs consu- latur.

Decrevimus ob id, Christianissime Princeps, consilia quæ nos in hac re capere decrevimus, etiam aliis Principibus suadere, maximè quidem Serenitati vestræ, cui ali- quod præcipuum hujuscemodi rerum onus videtur incumbere, orando ac adhortando Majestatem vestram, ut futuræ huic tantæ cladi prospiciat, nec solum per seipsam, sed consilio suo ceteros impellat ad ea omnia agenda, per

quæ Christiani nominis & dignitati & saluti consulatur. In quo ne videamur verbis solum remedia memorare, hoc non factò, offerimus quibuscumque volentibus subsidia illi regno conferre, tot triremium biremiumque corpora quot necessaria fuerint ad protectionem salutemque illius regni, quemadmodum Legati Cyprii, qui pro re hac apud nos fuere, Majestati vestræ enarrabunt. Quòd modo superest, Sublimitatem vestram & rogamus & hortamur, ut non aliena à moribus clarissimorum priorum suorum hujusce rei principalem curam suscipiat, auctoremque se præbeat, tam sancto, tamque pio operi; quo & saluti regni illius, ac Christiani nominis dignitati M. vestra videri possit, ut solita est, consuluisse. In quo etsi toti Christiano populo Serenitas vestra gratum efficiet, Deo primum, cui maximè aspiciendum est, satisfecisse videbitur. Nos enim nec alieni esse volumus ab omni sumptu, & Orientis ac Syriæ loca nostra ac portus & receptacula huic communi bello, si ceteri Principes ac Christiani populi convenient, liberè ac latè offerimus, parati semper in omnia jussa vestræ Majestati.

Data Ianuæ in nostro Ducali Palatio, anno millesimo quadringentesimo trigésimo septimo, die vigésimo quinto Augusti.

*CAROLI VII.*

*REGIS FRANCORVM*

*FRIDERICO Romanorum Regi.*

An. Christi  
circiter  
1438.  
Ex authenticis  
D. d'Herou-  
val.

**XLVI.** SERENISSIMO Principi FRIDERICO Dei gratiâ Regi Romanorum carissimo fratri ac consanguineo nostro carissimo, CAROLUS eadem gratiâ Rex Francorum, salutem & virtuosos atque celebres actus jugiter amplecti. Serenissime Princeps, carissime frater & consanguinee, miramur admodum molestissimèque ferimus, quòd licet totiens à nobis rogatus liberaliter nobis polliceri fueritis carissimum filium nostrum

Ut Ducem  
Bavariæ diu-  
tius deten-  
tum libera-  
te donet.

Sigismundum Ducem Austriæ ad suas ditiones & gentes permittere liberè & gratiosè reverti ; & præsertim infra certum terminum , jam diu elapsum : tamen ( ut intelleximus ) hætenus eum detinuistis , & adhuc detinetis. Et quia sicut solebamus , & quemadmodum decens exstat & rationi consentaneum , ei sincerè & ex intimis afficimur , vos enixiùs rogitamus quatinus eum modò sine pluri dilatione velit expedire , sinerèque quòd ad loca sua regrediatur , ipsas ditiones & gentes suas in libertate sua ( ut censetur operæpretium pro quiete pacèque , & communi bono reipublicæ ) earundem & aliarum prædictarum sibi adjacentium recturus & gubernaturus.

Potestis etiam per tot conscriptiones nostras perpendere , quantam nobis cedit in displicentiam tam longa detentio carissimi avunculi nostri LUDOVICI Ducis Baviariæ ; & ideò vos majori deprecamur affectu , quatinus quantumcumque nobis velletis complacere , hac vice velit eum facere per consanguineum nostrum ejus filium penitus liberari , permittique terris , & dominiis suis quibuscumque plenariè & pacificè perfungi pariter & gaudere , sicut debet , & ante detentionem suam consueverat. Nobis in his gratitudinis integritatem confecturus , nos ad mutæ vicissitudinis pro vobis & vestris explendas repensiones reddendo semper affectiores , prout hæc & alia super his amplè reservavimus dilectis & fidelibus Consiliariis & Ambaxiatoribus nostris domino de Fenestranges & Henrico Bayere Militibus , vobis per eos opportunè referenda. Quibus in eis , quæ super ipsis materiis hac vice nostri pro parte vobis explicuerint , credulam fidem velit , quæsumus , adhibere , & per eos nobis remittere grati habendas ut confidenter præstolamur vestras utique rescriptiones.

Datum Cainone.




*B E R T R A N D I*An. Christi  
1314.*Episcopi Cavellicensis.*

XLVII. **A**NNO Domini MCCXIV. v. Cal. Ianuarii. Geraldus peccatis apud Episc. depositis quendam a se usurpata Monasterio S. Andreæ Avinion. restituit,  
Norum sit omnibus quòd nos B. Dei gratiæ Cavellicensis Episcopus ad Castrum-novum de mandato GERALDI Amici, qui ibi infirmabatur, accessimus, & audita ipsius confessione ei innotuimus quòd Monachi sancti Andreæ nobis de ipso conquerebantur, quia paulò antè illis diebus ad Tedonem cum viginti equitaturis & pluribus hominibus venerat, & ibi per duos dies & noctes moram fecerat, contra promissionem quam eis promiserat, sicut in instrumento confecto super his continetur. Ipse verò respondit pro suis necessitatibus hoc fecisse, adjiciens quòd si malum fecerat, & quòd non . . . . . veniret bajulus Abbatis, & computaretur quidquid expenderat, & totum se promisit ex integro redditurum. Ibique coram nobis recognovit præsente domno BERMUNDO Abbate S. Andreæ, & quibusdam aliis inferius subscriptis, quòd apud Tedonem nec herbergium, nec aliquam exactionem habebat, nec habere debebat.

Vnde nos mandato ipsius G. in hujus rei testimonium præsentem chartulam fecimus fieri, & sigilli nostri munimine roborari. Actum est hoc anno & die quo supra apud Castrum-novum in camera ipsius Geraldii Amici.

Interfuerunt etenim huic facto domnus B. S. Andreæ Abbas, IOHANNES de Andusia Prior de Toro, HUGO Richardi & GUILLELMUS Monachi S. Andreæ, PONTIUS de Valeaquaria Canonicus Ecclesiæ Insulanæ.



An. Christi  
2. 81.

**I**AUSERANNA de Medullione vidua spre-  
to mundo sese Deo consecrat, ac subijcit  
Abbati S. Andrea Avenionensi, con-  
fertque bona aliqua in castro de Barreto.

**XLVIII.** **S**CIANT præsentēs & discant posterī, quòd  
anno Incarnationis Dominicæ millesimo  
ducentesimo vigesimo tertio, mense Maii, XII. Calend.  
Iunii, ego IAUERANNA filia quondam domini Guillel-  
mi de Medullione, uxor quondam Bernardi de sancto  
Saturnino, dedico meipsam Deo & Monasterio sancti  
Andree & Ecclesiæ B. Laurentii de Barrero, & pro sa-  
lute animæ meæ & parentum meorum dono & offero ei-  
dem Monasterio, & eidem Ecclesiæ sancti Laurentii qua-  
dam de bonis meis paternis positis in castro de Barreto  
inferiori intus & extra; cetera filiis meis relinquens B. &  
W. & B. sponte, non coacta, non suasionibus alicujus  
vel aliquorum seducta, purè & sine conventionē & con-  
ditione aliqua in perpetuum donatione irrevocabili facta.  
Dono, inquam VII. mansiones hominum & eorum suc-  
cessorum, & ipsos homines, & jus & quasi jus & actio-  
nem & emptionem, quod vel quam in ipsis hominibus &  
in eorum successoribus, vel in rebus eorum mobilibus &  
immobilibus cultis & incultis habeo, &c. ita ut prædicta  
Ecclesia sine impedimento, sine inquietatione alicujus  
vel aliquorum prædictos homines & eorum successores,  
& res eorum liberè in perpetuum possideat; & Ecclesiæ  
prædictæ prædicti homines & eorum successores em-  
ptionem\* & servitium facere teneantur, & juxta sanctum  
Laurentium domos suas ædificent.

Gal. \* Droit  
de Courvée.

Item dono & offero in perpetuum prædicto Mona-  
sterio & prædictæ Ecclesiæ illam partem taschæ, quam  
habeo vel habere debeo in prædiis cultis vel incultis, &  
jus & dominationem, quod vel quam habeo in ipsis præ-  
diis, vel adversus possessores prædiorum ratione taschæ:  
quæ prædia sunt infra taschariam, &c.

Item



Item dono prædictæ Ecclesiæ, ut domus sancti Laurentii prædicta in perpetuum in molendino quod situm est super aquam quæ vocatur Meuga, quod molendinum filii mei infra scripti possident, sine moltura liberè possit molere omne bladum suum.

Item dono in perpetuum prædictæ Ecclesiæ quinquaginta scutellas & viginti quinque grāsaleros censuales annuatim, &c.

Item dono prædictæ Ecclesiæ decimam partem fructuum omnium vinearum quæ sunt in castro de Barrero, vel inantè plantatæ erunt in territorio seu tenemento castri de Barreto, promittens quòd omnes homines castri prædicti, exceptis Militibus, jurare faciant pro se & pro suis successoribus, quòd ipsi & eorum successores decimam partem fructuum omnium vinearum suarum pro decima prædictæ Ecclesiæ sancti Laurentii, & Priori ejusdem loci, in perpetuum singulis annis reddant, & sine vitio & sine diminutione persolvant, &c.

Et volo & mando quòd B. de S. Saturnino, & W. de Medullione, & B. de sancto Saturnino filii mei sub juramento promittant, quòd prædictam Ecclesiam & domum, & res omnes prædictæ Ecclesiæ, & homines prædictæ Ecclesiæ superscriptos, & res eorum pro posse suo custodiant & defendant, & libertatem Ecclesiæ teneant & observent: & quòd in eadem Ecclesia vel in hominibus Ecclesiæ quistiam, vel vim aliquam, vel violentiam in rebus eorum mobilibus vel immobilibus non inferant vel faciant, vel inferri faciant, & quòd contra donationem vel oblationem quam prædicto Monasterio & prædictæ Ecclesiæ feci, per se vel per alios non veniant.

Reliqua omnia bona mea paterna filiis meis dono, & ultra legitimam dedi, ut meliori animo & bona voluntate ea quæ Ecclesiæ dedicavi, observent & defendant. Quæ omnia superius dicta & nominata prædicti fratres filii prædictæ Iauferannæ promiserunt ita attendere, servare, & contra ullo tempore non venire domno Bermundo Abbati sancti Andreæ, & Priori Ecclesiæ di-

et sancti Laurentii, & tactis sacro-sanctis Evangeliiis juraverunt.

Et insuper ego IAUERANNA prædicta professionem emitto, & me imperio & mandato domni Bermundi Abbatis, & ejus successoribus subjicio, & in manu Calverii de mandato ipsius domni Abbatis me absque proprio vivere.

Ab. Christi  
1334.

## INSTITVTIO

*Monasterii Puellaris sanctæ Crucis  
in Aptensi Diœcesi,*

S E V

*Donatio ejusdem Monasterii facta ab  
Abbate & Monachis Cœnobii  
sancti Andrea.*

49. **I**N nomine Domini nostri IESU-CHRISTI.  
Anno ab Incarnatione ejusdem MCCXXXIII.  
videlicet VII. Idus Augusti. Nos CALVERIA Abbas Monasterii sancti Andreæ Avinionensis diœcesis, pro utilitate Monasterii prædicti, de voluntate & consensu expresso totius Capituli ejusdem Monasterii, concedimus & donamus vobis Cæcilie sanctimoniali Christi ad exstruendum Monasterium Monacharum, quamdam Ecclesiam nostram desertam cum omnibus juribus, rationibus & pertinentiis suis, quæ Ecclesia vocatur Ecclesia S. Crucis, & est sita in Episcopatu Aptensi, videlicet in territorio de Rossillono.

Damus siquidem vobis prædictam Ecclesiam & successoribus vestris, retento tamen nobis & Monasterio S. Andreæ censu antiquo, quem prædicta Ecclesia præteritis temporibus nobis solvere consuevit, videlicet septem saumatas frumenti censuales singulis annis in festo B. MARIE de Augusto, à vobis & ab aliis locum ve-

strum successivè tenentibus, apud Avinionem sumptibus vestris Monasterio prædicto S. Andreæ ad mensuram civitatis Aptensis solvendas, & salvo & retento Monasterio sancti Andreæ, quod vos & Ecclesia prædicta, & aliæ quæ pro vobis successivè in Ecclesia prædicta manserint, nos & Monachos nostros præsentés & futuros, cum eos ad dictam Ecclesiam venire contigerit, teneamini honestè recipere & decenter tanquam dominos secundum facultates ipsius Ecclesiæ procurare.

Concedimus etiam vobis Cæciliæ sanctimoniali Christi jamdictæ de consensu Capituli nostri, quòd Collegium quod in prædicta Ecclesia fuerit, habeat liberam potestatem eligendi Abbatisam, recipiendi Monachas, & omnia vobis & per vos omnibus in prædicta Ecclesia seu Monasterio succedentibus absolute concedimus, quæ Conventui seu Capitulo de jure communi pertinere noscuntur.

Omnia autem prædicta vobis concedimus salvo nobis & Monasterio sancti Andreæ eo jure, quod si in Ecclesia prædicta Monacha aliqua non maneret, Abbas sancti Andreæ omnia ad prædictam Ecclesiam pertinentia cum omnibus incrementis & ædificiis ibidem factis, auctoritate sua per se vel per nuntium suum valeat occupare, & si bi tanquam proprietatem Monasterii sancti Andreæ in perpetuum retinere, & ibidem pro voluntate sua Priorem instituere possit, prout facere consuevit, & quòd quælibet Monialis quancumque professa fuerit, jurabit quòd observet omnia supradicta. Et hæc omnia prædicta vobis concedimus salvo jure & honore domni Episcopi Aptensis, in obedientiis, correctionibus, visitationibus & procurationibus, & omnibus quæ ad jurisdictionem diocesanam pertinere noscuntur.

Et nos prædicta Cæcilia sanctimonialis Christi nomine nostro & succedentium nobis prædictam Ecclesiam sanctæ Crucis cum omnibus juribus & pertinentiis suis recipimus, & cum omnibus libertatibus & honoribus, sicut superius est expressum, concedentes vobis, domne Ab-

K k ij

bas prædicte, & per vos successoribus vestris, quòd nos & omnes nobis succedentes in Ecclesia seu Monasterio supradicto fideliter observabimus omnia supradicta; & quòd nos & Abbatissæ seu personæ nobis succedentes, quæ pro ipsis in Ecclesia seu Monasterio memorato fuerint institutæ, quælibet in sua creatione veniemus in propria persona ad Monasterium sancti Andreæ prædicta omnia recognituræ; & quòd ita ut scriptum est observemus integrè per interpositam personam juraturæ; quod juramentum quælibet Monialis, quàm citò professæ fuerit, præstabit se observaturam præsentem Conventu & domno Abbate, sicut superius est expressum.

Factum fuit hoc in Capitulo Monasterii sancti Andreæ in præsentia W. RAIMUNDI Operarii dicti Monasterii, B. RUFFI, P. RUFFI, IOHANNIS Bajuli, CALVERIÆ, W. de COIRANO, B. de MESOAGA, W. PELETI, W. de ANGULIS Prioris Claustralis, ROST. LUMBARDI, B. LAUGERII, ROST. REBULLI, P. de AUGUSTRINIS, B. AUGERII, B. GUIRAUDI, B. de AVINIONE Monachorum; qui omnia prædicta laudaverunt & confirmaverunt. Testes alii interfuerunt, &c.

Post hæc concessit eidem domno Abbati & ejus Conventui per se & successores suas dicta C. Abbatissa, ut quandocumque & quotiescumque mortua Abbatissa, vel certa alia de causa destituta, spontanea voluntate Monasterii prælibati contingeret electionem fieri, sive eligi Abbatissam, electionem Moniales prædicti Monasterii de consilio & assensu domni Abbatis & successorum suorum facient, & eligent Abbatissam. Item promisit & concessit per se & successores suas, quòd si inter Moniales ejusdem Monasterii aliqua questio vel discordia oriretur, sine strepitu judicii illud per dictum domnum Abbatem vel successores ipsius voluit & concessit quòd debeat terminari: & si aliqua correctione indigeant in Monasterio prædicto tam in persona ejusdem Abbatissæ vel successorum ipsius, vel Monialium ejusdem Monasterii, correctio ad Abbatem Monasterii sancti Andreæ debeat pertinere.

Item promisit & concessit per se & successores suas, ut supra velum album quod deferunt crucem nigram deferrent in signum subjectionis Ordini Monasterii prædicti S. Andreæ.

Quia verò nos prædictus CALVERIA Abbas Monasterii supradicti, videntes devotionem tam Abbatissæ quàm Monialium dicti Monasterii sanctæ Crucis, ut prædictæ Moniales liberiùs possint in dicto Monasterio Domino famulari, & ne propter penuriam necessariorum compellantur desistere ab incepto : de voluntate & assensu Fratrum nostrorum tunc nobiscum existentium, quorum nomina infrà scribuntur, conferimus vobis dictæ Abbatissæ & successoribus vestris, & dicto Monasterio sanctæ Crucis, Ecclesias sancti Andreæ de Arnavis, & sancti Martini de Crosanis Aquensis diœcesis, cum omnibus juribus & pertinentiis suis in perpetuum tenendas & possidendas, retento tamen nobis & Monasterio sancti Andreæ antiquo censu, quem prædictæ Ecclesiæ præteritis temporibus nobis solvere consueverunt, videlicet Ecclesia sancti Martini VII. sol. & Ecclesia sancti Andreæ I. summatam annonæ, singulis annis solvendo & solvendam in festo Beatæ Mariæ de Augusto, prædictam annonam & denarios vestris sumptibus ad nostrum Monasterium deferendo, salvo jure domni Aptensis Episcopi. Concedimus, inquam, vobis prædictas Ecclesias hoc salvo & retento : quòd si in prædicto Monasterio sanctæ Crucis Monacha aliqua non maneret, Abbas sancti Andreæ omnes prædictas Ecclesias & pertinentia cum omnibus incrementis & ædificiis ibidem factis, auctoritate sua per se vel per nuntium suum valeat occupare, & sibi tanquam proprietatem Monasterii sancti Andreæ in perpetuum retinere, & in eisdem Ecclesiis pro voluntate sua Priorem Monachum, vel alium instituere possit, prout facere consuevit, sicut de Monasterio sanctæ Crucis superiùs est concessum.

Et nos dicta Abbatissa sanctimonialis Christi nomine nostro & succedentium nobis prædictas Ecclesias sancti

K k iij

Andree de Arnavis, & sancti Martini de Corsanis cum omnibus juribus & pertinentiis suis recipimus, & cum omnibus libertatibus & honoribus, sicut superius est expressum: concedentes vobis, Domne Abbas prædictæ, quòd fideliter observabimus & faciemus prædicta universa & singula: & quòd prædicta omnia & singula rata habebit Conventus prædicti Monasterii sanctæ Crucis, & quòd de novo concedet universa & singula vobis, vel alii cui super hoc commiseritis vices vestras. Etsi prædictus Conventus ea quæ dicta sunt, vel aliquid prædictorum nollit concedere quæ nobis à vobis concessa sunt, pro infectis & irritis habeantur.

Factum fuit hoc in Capitulo Monasterii sancti Andree præsentibus Monachis infra scriptis, scilicet:

B. de CADAROSSA Priore Claustali:

C. Decano:

R. AUGERII Operario:

C. de SOS Eleëmofynario:

B. Camerario:

R. Sacrista:

B. COMARCO Priore de Garambodio:

R. STEPHANO:


P. MARTINI:

R. MILO:

P. AUDEBERTO:

IACOBO AIME:

R. de ARAMONE, &c.



CHARTA INSTITUTIONIS An. Christi  
1139.

*Monasterii Beate MARIE de Furnis,  
per Calveriam Abbatem S. Andrea  
secus Avenionem.*

80. **N**OTUM sit omnibus hanc præsentem chartam legentibus, quòd anno ab Incarnatione Domini MCCXXXIX. videlicet XVII. Cal. Maii, nos CALVERIA Dei gratiâ Abbas Monasterii sancti Andreæ per nos & per omnes Abbates successores nostros, & nomine dicti Monasterii, & pro ipso de consensu & voluntate expressa totius Capituli dicti Monasterii, conferimus vobis domnæ MABILIE, obediendi, donatæ & professæ nostræ, filiæ quondam domni PETRI de Albarone, Ecclesiam & Prioratum Beate MARIE de Furnis, quæ est sita in tenemento, quod Valerga vulgariter nuncupatur, cum omnibus juribus, pertinentiis & appendiciis suis, quæ in Instrumento de possessionibus ad Ecclesiam prædictam pertinentibus confecto plenius continentur. Ita tamen quòd in dicta Ecclesia seu Prioratu sit & construetur nostri Ordinis Monasterium Monacharum.

Conferimus inquam vobis, ut dictum est, & per vos aliis Priorissis & Monachabus, quæ in dicto Monasterio ingredientur & ibi habitabunt, dictam Ecclesiam, ita quòd perpetuo muramine inclusæ maneant, & nullatenus ab ea hora qua ingressæ semel fuerint propter Deum, exeant ad vagandum per mundum, nisi fuerit necessitas: & tunc de speciali licentia Priorissæ vel locum tenentis ejusdem. Excipientes ex hoc Priorissam & Cellerariam, quæ curam habebunt temporalem, quæ propter diversa Prioratus negotia cum honestis sociis quandoque poterunt extraire.

Conferimus inquam vobis domnæ Mabilie memoratæ, & per vos aliis Priorissis vobis succedentibus, & Mo-

nialibus dicti Monasterii Ecclesiam supradictam cum dictis suis appendiciis : ita scilicet quòd vos & aliæ Priorissæ, quæ in dicta Ecclesia seu Prioratu pro tempore fuerint, nobis & aliis Abbatibus nostri Cœnobii nobis succedentibus canonicè obedientiam promittatis, salvâ obedientiâ & reverentiâ debitâ domino Avinionensi Episcopo, sicut habet in Monachis nostri Monasterii. Concedentes vobis dictæ domnæ Mabilie Priorissæ dictæ Ecclesiæ, & per vos aliis Priorissis quæ post vos fuerint, liberam & plenariam potestatem recipiendi Moniales tam Conversas quàm Clericas, & Fratres & Donatos & Donatas, tam Clericos quàm laicos, qui vel quæ intrare voluerint Ecclesiam supradictam, hoc adhibito moderamine, ut omnes habitantes ibidem possint de bonis Ecclesiæ commodè sustentari : ita quòd omnes qui intrare voluerint, vobis obedientiam promittant, & vivere juxta Regulam Beati Benedicti, & Constitutiones quas dabimus vobis observent.

Item concedimus vobis & aliis Priorissis, quòd Monialibus & Conversis possitis velum conversionis imponere, & Fratribus & Donatis dare habitum regularem, quando vobis videbitur expedire, juxta tamen formam Ecclesiæ nostrę religionis.

Item concedimus vobis, & per vos aliis Priorissis plenam & liberam potestatem ordinandi dictum Prioratum, & faciendi Subpriorissam & destituendi eam justa de causa, & Sacristanam & Cellerariam & alias Officialias, secundum quod Dominus vobis inspiraverit, & dicto Prioratui videbitur expedire. Correctionem etiam omnium Monial. & Frat. & habitantium in dicto Prioratu vobis concedimus, ita quòd nulli liceat à vestra correctione ullatenus appellare, nec correctiones vestras regulariter factas possimus aliquatenus annullare, nec quod justè statueritis destituere.

Conferimus etiam vobis dictæ Priorissæ, & per vos aliis Priorissis quæ pro tempore fuerint & Monialibus dicti Prioratûs, quòd secundum quod vobis vel successoribus



bus vestris videbitur, Moniales dicti Prioratûs possint à domino Avinionensi Episcopo, de nostro & successorum nostrorum consilio & assensu à Priorissâ requisito, consecrari. Et si super hoc Abbas malitiosè differret dare consilium & assensum, nihilominus dominus Avinionensis Episcopus dictas possit Moniales liberè consecrare. Priorissâ verò defunctâ, vel certa alia de causâ destitutâ, vel quotiescumque opus fuerit, Moniales quæ ibidem pro tempore fuerint canonicè eligant Priorissam, de nostro & successorum nostrorum consilio & assensu: Cujus confirmationem nobis & nostris successoribus reservamus. Correctionem verò & visitationem, & moderatam procurationem cum quinque vel sex bestiis\* semel in anno nobis similiter in dictâ Ecclesia retinemus: salva nihilominus dicto domino Avinionensi Episcopo visitatione, procuratione & judiciaria correctione: hoc excepto, quòd Priorissam destituere non poterimus, nisi causa evidens fuerit, secundum quod in nostra regula continetur, reservatâ specialiter domino Avinionensi Episcopo destitutione ordinaria, in judicio ordinario ventilatâ.

*Id est, \*equis,  
vel asinis.*

Retinemus etiam censum debitum & annualem nobis & domino Avinionensi Episcopo suis temporibus persolvendum, scilicet nobis & dicto Monasterio duodecim . . . annonæ, & dicto domino Avinionensi Episcopo unam saumatam annonæ, & aliam sumatam ordeï, & duas saumatas vini. Quæ servitia in messibus, scilicet annona & ordeum, & in vindemiis vinum annuatim censualiter servietis.

Concedimus etiam vobis de consensu Capituli, & per vos Prioratui supradicto, & Monialibus quæ in prædicto Prioratu inantea recepræ fuerint, libertatem, & vos & per vos dictum Prioratum à collectis, talliis & exactionibus in perpetuum absolvimus, & à prædictis dictum Prioratum esse volumus de consensu Capituli in perpetuum liberum & immunem, observatis tamen omnibus superius nominatis. Si verò inter Moniales & Priorissam aliqua quæstio vel discordia sine strepitu judicii orirerur,

illud per nos vel successores nostros volumus quòd debeat terminari, judiciali quæstione domino Avinionensi Episcopo reservata.

Et nos BERTRANDUS de sancto Martino Decanus: PETRUS Duranti Prior Claustralis & Sacrista, PETRUS Guillelmi Eleëmofynarius, PETRUS de Augustrinis Operarius, GUILLELMUS Raimundi, GUILLELMUS Rostagni, GUILLELMUS de Sos, CALVERIA, BERTRANDUS Augerii, GUILLELMUS de Coirano, R. ROTBERTUS, ARNAUDUS de Guargaia, PONTIUS Chabauti, P. Armandi, G. Pandulfi, P. de Arboribus, BERTRANDUS Guiraudi, B. Lombardi, ROSTAGNUS Augerius, PETRUS Bermundi, & BERTRANDUS de Cadarossa Monachi Monasterii S. Andreæ supradicti, super prædictis omnibus & singulis deliberatione habita diligenti & pleno denique tractatu cum viris prudentibus & discretis, recognoscentes & in veritate confitentes prædicta omnia & singula, de expresso assensu & voluntate nostrorum omnium & singulorum in nostro Capitulo per dictum dominum Abbatem esse facta & plenius approbata; nobis omnibus & singulis propter hoc in nostro Capitulo convocatis, per nos & per omnes Monachos nostros nobis in prædicto Monasterio succedentes; & nomine nostro & Monasterii supradicti, vobis prædictæ domnæ MABILIAE præfatæ Ecclesiæ Priorissæ præsentī & recipienti, & per vos omnibus aliis Priorissis & Monachabus deinceps in dicto Prioratu degentibus, prædicta omnia & singula approbamus, laudamus in perpetuum & etiam confirmamus.

Et nos prædictus Abbas & Monachi superius memorati ad maiorem hujus rei memoriam & robur inantea valiturum, hanc præsentem chartam sigilli nostri & Capituli munimine iussimus roborari.

Acta sunt hæc in Capitulo Monasterii sancti Andreæ. Testes fuerunt præsentēs, &c.



ROSTAGNI DE PODIO-ALTO An Christi  
1265.

*Codicillus.*

SI. **N**OTUM sit cunctis, quòd anno ab Incarnatione Domini millesimo ducentesimo sexagesimo quinto, videlicet quinto Calendas Februarii, regnante domino PHILIPPO illustrissimo Rege Francorum, ego ROSTAGNUS de Podio alto Senior, considerans quòd immolatio hostiæ salutaris est summum remedium animarum post exitum hujus vitæ, cùm processerim in diebus, in bona tamen dispositione mentis & corporis, ordino & constituo pro remedio animæ meæ & parentum meorum, ut in Monasterio S. Andreæ, in cujus cimiterio elegi sepulturam, fiant quolibet anno duo anniversaria, & in quolibet celebrent decem vel duodecim Sacerdotes ad minus.

Constituere  
duo anniversaria quolibet  
anno celebrari in  
Monasterio  
S. Andreæ  
Avinion.  
&c.

Quorum anniversariorum unum fiat in die qua bonæ memoriæ filius meus Petrus de Podio-alto decessit, scilicet pro ipso & pro MARIA matre ejus quondam uxore mea, & pro aliis de genere nostro: Alterum verò fiat in die qua Dominus me migrare jusserit ab hac luce, pro me & meis antecessoribus & amicis. Et volo quòd Prior Ecclesiæ S. Veredimii, qui nunc est vel qui pro tempore fuerit, habeat & possideat ferraginem meam, quæ est prope Sanctum Veredimium. Quæ dicta ferrago confrontatur ab Oriente cum quadam via publica per quam itur ab Avinione versus Rupemmauram, &c. Et quod dictus Prior de proventibus dictæ ferraginis, quam ad usum dictorum anniversariorum deputo & assigno, procuret Conventum Monasterii sancti Andreæ prædicti, & alios qui celebrabunt in diebus anniversariorum, sicut est supradictum. Si verò Prior Ecclesiæ sancti Veredimii qui nunc est vel qui pro tempore fuerit, erit negligens circa prædicta per me hîc assignata, tunc volo quòd aliquis de propinquis meis cum voluntate & consi-

lio domini Episcopi Avinionensis, qui pro tempore fuerit, possit recuperare dictam ferraginem, & de ejus proventibus teneatur complere & facere supradicta.

Per hanc autem ordinationem nolo quòd in testamento meo aliquid immutetur, sed ratum maneat atque firmum, prout in quodam instrumento publico confecto per manum magistri Bertrandi Auri publici domini Regis Notarii continetur.

Factum fuit apud castrum de Podio alto in camera dicti domini ROSTAGNI de Podio alto Senioris.

Hujus rei testes fuerunt domnus GUILLELMUS de Remolinis Monachus sancti Andreæ, domnus GUILLELMUS Rostagni Prior Ecclesiæ S. Veredimii, &c.

Et ego BERTRANDUS Aurus de Rupeforti publicus domini Regis Notarius, &c.

\* Benedicti  
Dorig vul-  
gò dicti.  
An. Christi  
1446.  
Ex Ms. D.  
d'Herouval.

## *BENEDICTI DE AVREA\**

*Classis Francorum Regis Capitanei,  
honorandis dominis Protectoribus  
sancti Georgii.*

Genuenses ut  
se Regi Fran-  
subdant ex-  
hortatur.

**XLVII.** ET ex Corsica & ex Hispania litteris meis semper vos hortatus sum, viri magnifici, ut vobis cura esset publicas res & meas componere, nec unquam responsum ullum à vobis habui; non desistamus tamen has etiam hac de causa ad vos dare. Accidisse enim hoc non culpâ vestrâ, sed propter longinquitatem & absentiam meam existimo, quæ vos incertos quòd literas vestras dirigeretis, faciebat. Quapropter & ad exequenda etiam nonnulla negotia quæ nobis agenda erant huc in Provinciam accessimus, admiratîque vehementer sumus nullam à vobis post nostrum accessum in his locis mentionem his de rebus factam. His igitur de causis cùm videretur nobis vos nullam curam hac de re habere, cùmque intelligeremus multorum, eorûmque optimorum ci-

vium voluntatem ab hoc haud alienam esse: ad compositionem cum sacratissimo Francorum Rege devenimus, quòd ut suam patrimoniam rem, civitatem nostram recuperare omninò decrevit. Quamobrem tamquam eos, ad quos quies ac status publicus haud mediocriter attinet, vos vehementer exhortor ac moneo, Patres optimi, ne crescere aut multiplicare in dies adeò hoc vulnus sinatis, ut aliquando ad putrefactionem deveniat. Est enim huic Principi omninò assentiendum cum pro pace publica quam, nullâ aliâ viâ adipisci possumus tum etiam, ad evitandam ejus iram, quæ & multa pericula & ingentes impensas urbi nostræ inferre posset. Habebitur præterea si voluntati suæ assenseritis tertia hæc utilitas; nam cum ipse inclytus Princeps sua benignitate satisfacere impensis per nos factis promiserit, non erit ea vobis eroganda pecunia quæ mihi tradebatur, eruntque ij quibus illata à nobis damna sunt & largiis, & certius satisfacti.

Non possum, viri dignissimi, ullo pacto desistere, quin vos ad ea quæ ad æquitatem & statum publicum attinent exhorter, quanquam Domino Duci vestro non ita videatur quod nos his verbis uti præ timore existimat, quod etiam in suis litteris, quæ nuper in manus meas devenêre, vidimus: potiùs enim ac libentiùs ingentes pecunias ad corrumpendos hujus provinciæ Magistratuum animos impendere decrevit, quàm eas quæ à me petebantur ut satis facerem eos, quibus à me damna illata sunt. Nominat præterea ipse Dux nos omnes rebelles; quòd si rectè consideraverit ipse, omnesque ceteri, qui Regiæ voluntati contradicent, justè ac legitimè rebelles appellari possunt, habebunturque ab ipso Rege haud secus quàm rebelles. Ex felicibus navibus nostris die septimo Novembris 1446. in Portuagii.

BENEDICTUS de *Aurea classis Francorum*  
*Regis Capitaneus.*

An. Christi  
1447.  
Ex ejusdem  
MS.

*FRIDERICI IMPERATORIS*

*Illustri Principi & Consanguineo nostro  
L. Duci Sabaudia.*


Adhortatur  
Ducem ut  
patri suadeat  
Pontificatum  
abdicare,

**XLVIII.** ILLUSTRIS, &c. Et si Catholica veritate edocti manifestum noscamus, quòd unica & immaculata sponsa Christi, sancta mater Ecclesia, in sua integritate tam solida & firma subsistit, ut nulla unquam ratione vel causa neque dividi valeat neque scindi. Quia tamen ex eo quòd genitor tuus se de administrando Romano Pontificatu intromiserat, vulgaris assertio Ecclesiam ipsam deplanxit extitisse concisam. Nos pro tollenda scissura hujusmodi sollerti studio laborantes, sacri Romani Imperii Electores, & alios tam Ecclesiasticos quàm sæculares nostræ Germaniæ nationis Principes & Prælatos, non sine magno expensarum profluvio sæpiùs congregavimus, & etiam pluries personaliter convenimus cum eisdem: Ambaxiatos quoque & Oratores nostros multiplices hinc ad Apostolicam sedem, hinc ad genitorem tuum, necnon & ad illos qui eum in Apostolatus apicem erigere conati sunt; ad diversos quoque Catholicos Reges & Principes duximus transmittendos. Cùm autem in ea re omnem sollicitudinem nostram nihil sentiremus proficere, tandem maturè desuper præhabitis deliberationibus atque consiliis, ab animorum suspensione, quam antea cum præfatis nostris Principibus bonis respectibus eramus amplexi, recedendo, declaravimus mentem nostram, & felicitis recordationis tunc Eugenio Papæ quarto quem communiter ceteri Catholici Reges & Principes pro Romano coluere Pontifice, obedientiam plenariam exhibuimus, quam & in personam Successoris ejus sanctissimi videlicet in Christo patris & domini nostri Reverendissimi domini Nicolai Papæ quinti, decrevimus continuandam, ipsúmque pro vero Christi

Vicario in Petri sede locatum colimus & veneramur.

Sanè quoniam sicut accepimus Serenissimus Francorum Rex frater noster carissimus, inter præfatum Papam Eugenium dum adhuc viveret, & ipsum genitorem tuum cerram tractavit concordiam, per quam si ad conclusionem perducta fuisset, & pax dabatur Ecclesiæ, & ejusdem genitoris tui statui ac honori decenter erat provissum: dilectionem tuam attentè rogamus & horramur in Domino, tibi que sincera puritate consulimus & suademus, quatinus memoratum genitorem tuum diligenter & cum effectu inducas, ut pro Dei laude, pace Ecclesiæ, & populi Christiani salute, conservandóque tam suo, quàm tuo, ac totius domus vestræ, cui singulariter afficimur, honore atque statu laudabilibus, similiter ut præfertur, vel aliam quam obtinere potuerit convenientem concordiam etiam cum prædicto domino Papa Nicolao non recuset amplecti, nec hæsitet transitoriam mundi gloriam, pro qua contendit sub dubio, libenter spernere, ut æternam immarcessibilis gloriæ coronam, quam pacificis paratam habebit, lætanter valeat adipisci. Et enim quasi in manu sua est & pacem dare Ecclesiæ, & populo ejus desideratam præparare quietem. Nos verò si ad hæc diligentia nostra in aliquo suffragari poterit, illam summo studio impendere cordialiter exoptamus,

Datum Wiennæ, &c.



An. Christi  
1455.  
Ex coem.

*CALIXTI PAPÆ III.*

C A R O L O V I I.

*Regi Francorum.*

Certior  
facit Regem  
se in sedem  
Apostolicam  
elevatum.

XLIX. **C**ALIXTUS Episcopus servus servorum Dei, Carissimo in Christo filio C A R O L O Francorum Regi illustri salutem & Apostolicam benedictionem. Immensa summi Dei bonitas & ineffabilis providentia volens mundum primi parentis prævaricatione damnatum, per suam infinitam caritatem ab æterna morte redimere, Filium unigenitum nostræ mortalitatis carnem suscipere voluit, ut per ejus sacratissimam passionem depulsa priorum caligine delictorum, nos ad Regna cœlestia evocaret; qui cùm esset in terris prædicans regnum Dei, Apostolos sibi elegit, ut suorum imitatores operum Ecclesiam sanctam suam post ejus ad cœlos gloriosissimam Ascensionem regerent, & acceptam ab eo gratiam inter homines diffundentes, illam multiplicato fructu redderent ampliorem. Inter ipsos autem Petrum Apostolorum Principem & caput Ecclesiæ constituit, data sibi & suis successoribus solvendi & ligandi plenaria potestate. Necesse enim fuit, cùm sit unicuique huic vitæ finis constitutus, ut Petri auctoritas, dignitas & potestas traduceretur ad ejus in Romana Ecclesia successores, ut esset usque ad sæculi consummationem, qui Christum repræsentans caput esset Ecclesiæ suæ, & solvendi & ligandi potestatem vicariam obtineret.

Cùm igitur per hanc ab ipso Petro continuatam Romanorum Pontificum successionem felicitis recordationis NICOLAUS Papa quintus prædecessor noster, qui Summus Romanæ Ecclesiæ Pontifex, & verus Christi Iesu Vicarius in sede Petri hætenus præfuit, in hac alma urbe suum diem claudens extremum animam Deo reddiderit, ipsius



ipsius funeris in Basilica Principis Apostolorum exsequiarum celebratione solemni de more, & juxta observatam consuetudinem subsequuta. Nos unà cum venerabilibus Fratribus nostris sanctæ Romanæ Ecclesiæ Cardinalibus, de quorum numero tunc eramus, Romæ in palatio Apostolico apud Basilicam Beati Petri Apostolorum Principis, in quo idem prædecessor dum viveret habitabat, & cursum præsentis vitæ finierat, convenientes in unum, modo & tempore congruis Conclave ingressi sumus pro Summi Pontificis electione; ubi facta celebratione Missæ in honorem sancti Spiritûs, & post diligentem tractatum, prout tantæ rei dignitas postulabat, prædicti Fratres, ejus qui invocatus fuerat gratiâ cordibus ipsorum infusâ, nos tunc tituli sanctorum quatuor Coronatorum Presbyterum Cardinalem & Episcopum Valentinum, in Summum Pontificem elegerunt, grave onus & nostris viribus impar nostris humeris imponendo.

Nos igitur licet humilitatem nostram & imbecillitatem ad tanti ponderis sarcinam sustinendam cognoscemus, tamen confisi quòd is qui elegit humiles ut fortia confunderet vota nostra adjuvando prosequetur, nec deferet in se sperantes, suscepimus onus impositum nobis: ea etiam spe nos hortante, quòd tuæ & aliorum Christi fidelium pro nobis ad Altissimum porrectæ orationes & preces, auxilium ad regendum suam Ecclesiam apud Salvatorem nostrum uberiùs impetrabunt, & fortiozem reddent ad tantum regimen infirmitatem nostram. Idcirco hortamur in Domino tuam Serenitatem, ut indicere velis, ut solemnes processiones cum celebratione Missæ sancti Spiritûs fiant in Regnis tuis, & simul precibus omnium fidelium Altissimo supplicetur, ut nobis gratiâ suâ assistat & dirigat actus nostros, ut possimus condignè regere Ecclesiam sanctam suam, & ea agere quæ spectent ad salutem animarum fidelium, extirpationem hæresum, & pacem populi Christiani. Inter cetera autem intendimus circa oppressionem Turcorum & aliorum infidelium omnes vires & conatus nostros adhibere, ut illi immanissimi hostes Christiani nominis non solum à civitate Constan-

tinopolitana, quam nuperrimè occupârunt, sed à finibus Europæ penitùs expellantur: dispositi quoque sumus omnia agere, quantum cum Deo poterimus, quæ spectent ad honorem & statum tuum. Ceterùm bullam plumbeam sine impressione nostri nominis esse præsentibus appensam tua Sublimitas non miretur, sed potiùs gratuletur eo maximè quia ejusdem tuæ Sublimitatis desiderio occurrentes, ipsas litteras ante accepta coronationis nostræ insignia duximus transmittendas, infra quod tempus perfectæ bullæ usus cum Pontificii impressione nominis de consuetudine non habetur.

Datum Romæ apud sanctum Petrum sexto Idûs Apr.  
An. millesimo quadringentesimo quinquagesimo quinto.

*Sic signatum, C. de Porris.*

*Ex MS. D.  
a' Herouval.*

## *CAROLI REGIS FRANCORVM,*

*Carissimis Consanguineis nostris Archiepiscopo Maguntinensi Electori Romani Imperii, Alberto Marchioni Brandenburgensi, Iacobo Marchioni Badensi Comiti, & Ulrico Comiti de Vuirtemberg, Capitaneis &c.*

*Communitates jura Ecclef. & Nobil. instingere conantes, expugnandas esse.*

**L.** CAROLUS &c. Carissimi Consanguinei, litteras vestras credentiales datas in Heydelli, die penultima Ianuarii novissimè præteriti, in oppido præsentis Alenconii vigesima prima hujus mensis Martii nobis per IOHANNEM de Lisura Præpositum Ecclesiæ Maguntinensis, & IOHANNEM de Walderade Militem, Consiliarios & Oratores vestros præsentatas recepimus, earumque credentiam per ipsos expositam ad plenum audivimus, in effectu continentes, qualiter Communitates patriæ illius clandestinis confœderationibus cum aliquibus Commu-

nitatibus eis vicinis conjunctis, animo elevato ad libertates & privilegia Ecclesiæ Ecclesiasticarumque personarum abolendas, ac auctoritatem Nobilium omnino prosternendam arma sumpserunt, & nisi properè provideatur patriam pessundabunt: vestri ex parte requirentes si contrarium nobis exponeretur, minimè credere velle. Verùm si necesse foret ad libertates Eccl. auctoritatèmq; Nobilium conservandas auxiliari, ac nostris subditis favore ipsius Communicatibus inhibere. Grave enim nobis est audire, Ecclesiam in suis libertatibus pati, ad quam pacificandam tantum laboravimus, quod eam, Deo concedente, reddidimus unitam, & ipsius libertatem conservari, ac auctoritatem vestram & ceterorum Nobilium ab injuriis præservari, vestigia prædecessorum nostrorum insequendo vellemus, ut latius dictis vestris Consiliariis & Oratoribus responderi fecimus, per quos poteritis ad plenum informari.

Datum in oppido Alenconii vigesimo quarto Martii.

*EIVSDEM REGIS,*

*Ex eodem MS.*

*ALFONSO Aragonum Regi.*

LI. **C**AROLUS, &c. Serenissimo Principi ALFONSO Aragonum Regi consanguineo nostro carissimo salutem, & fraternæ dilectionis augmentum. Serenissime Princeps atque consanguinee carissime, Regum Catholicorum pietatem decet summi Pontificatus dignitatem sublimissimam, & sanctam Romanam Ecclesiam sincera devotione venerari pariter & defendere, quemadmodum majores vestri exactis fecere temporibus, & vestram Celsitudinem piorum vestigiorum eorundem prædecessorum imitatricem egisse accepimus, Beatissimi Patris nostri Summi Pontificis moderni, & ipsius sanctæ Romanæ Ecclesiæ decus ac statum plurimis favoribus prosequendo, favendo & tuendo, unde Serenitati vestræ congratulamur, rogantes attentius in hoc ferventibus

*Commendat Summum Pontificem, quo ipsum honore præsequatur.*

M m ij

animis perseverare, & dilecto ac fideli Consiliario nostro Magistro GUILLELMO Destampis Eccles. Montis Albanensis Electo super his credentiis plenam fidem adhibere.

Datum Turonis prima Aprilis.

## EIVSDEM

FREDERICO *Romanorum Regi.*

Ejusdem  
argumenti.

LII. **S**ERENISSIMO Principi FREDERICO Dei gratiâ Romanorum Regi, fratri & consanguineo nostro carissimo, CAROLUS, &c. Salutem & fraternæ dilectionis incrementum. Serenissime Princeps, atque frater carissime, etsi cunctis fidelibus pax Ecclesiæ optata esse debeat, singulariter tamen Principibus Orthodoxis cura hæc ex ordine divinæ providentiæ indita est, ut Ecclesiam ipsam diebus suis pacatam videant, & in tranquillo statu tueantur ac deffendant. Placuit autem divinæ pietati, ut vestram Celsitudinem non later, graves ejusdem Ecclesiæ dissensiones sedare, & ad concordiam gratissimam reducere, pro quo quidem pacis munere salutari assequendo Beatissimus Pater Summus Pontifex modernus zelo domûs Dei accensus, ante suam assumptionem ad summi Apostolarûs apicem, etiam & postmodum grandes nescitur labores pertulisse, & ad hæc ac alia pacificum statum sanctæ Romanæ Ecclesiæ, & totius orbis Christiani concernentia perbenignum ac exorabilem semper se præbuisse. Ex quo persona sua sanctissima, quæ jam provectæ ætatis existit, à cunctis fidelibus, præsertim Principibus Catholicis, ex præcordiorum medullis revereri, diligere, & summæ commendationis cultu complecti perpetuò promeruit. Quas ob res Serenitatem vestram propensius rogamus, ut id ipsum more Majorum vestrorum inclytæ recordationis cum effectu faciat, & dilecto ac fideli Consiliario nostro magistro GUILLELMO Destampis, Electo Ecclesiæ Montis-albanensis, fidem creditivam super his ex parte nostra adhibere velit perbeni-

gnè. Postremò Serenitatis vestræ prosperis successibus congratulamur, quorum votivum incrementum sæpiùs audire nobis erit perjocundum.

Datum Monte-Basonis.

*EVGENIO PAPÆ IV.*

An. Christi  
1446.

LIII. **B**EATISSIME Pater & sanctissime Domine, humillima usque ad pedum oscula beatorum recommendatione præmissa. Novi, Pater Beatissime, dominum nostrum Regem pro promotione magistri IOHANNIS Cordis, filii IACOBI Cordis Consilarii & Argentarii sui, ad Archiepiscopum Bituricensem, jamque pluries scripsisse, alterumque suorum Consiliariorum pro dicto negotio prosequendo misisse, quoniam ipse dominus Rex rem ipsam sibi gratissimam compleri plurimum desiderat, non solum patris sui Consilarii & filii prædictorū favore, quin potius pro desolationis dicti beneficii consideratione: maxime cum sit conveniens immò necessariū ad tales dignitates gratos ipsi domino atque fideles, & non alios constituere, propter obedientiam populorum & fortaltiorum tutam custodiam. Sanctitati igitur vestræ beatissimæ humilius supplico, ut dictum Magistrum Iohannem ad ipsum Archiepiscopatum præficere dignetur, preces domini mei Regis exaudiendo; sicque rem prædicto domino & suo Consilio vestram Sanctitatem faciet gratissimam, & ipsum dominum ad ejusdem negotia repperiet paratissimum. Quam sanam & incolumem conservet Altissimus ad felix & pacificum regimen Ecclesiæ suæ sanctæ, præceptis & mandatis ejusdem vestræ Sanctitatis humiliter me submittendo.

Scriptum, &c.



*Ex ejusdem  
Ms.**EIDEM SUMMO PONTIFICI**CAROLUS Rex Francorum.*


Prælati om-  
nes Regni  
Franc. fide-  
litas jura-  
mentum  
Regi præstare  
debent. Quas  
ob causas.

LIV. **B**EATISSIME Pater, credimus Sanctitatem ve-  
stram non ignorare, quod Prælati Regni nostri  
in præfectionis suæ primordio nobis præstant & præstare  
tenentur ligium plerique homagium, & omnes alii fide-  
litas juramentum, pro suarum temporalitatibus Ecclesia-  
rum, etiam illarum quæ nostrorum quorumcunque cir-  
cundantur à terris subditorum, aut quæ sitæ sunt infra  
dominia ipsorum, sive sint Duces, sive Comites, aut alii  
domini temporales in ipso nostro Regno quovis honore  
seu titulo fungentes: sumus enim unicus Prælatorum &  
Ecclesiarum hujusmodi Princeps, protector & conserva-  
tor sæcularis; nec subditi sunt ipsi Prælati & eorum Eccle-  
siæ aliis temporalibus aut secularibus dominis, quàm no-  
bis, omnesque in & sub regalia continentur. Et propter ea  
& alia, dum auctoritate Apostolica per electionum con-  
firmationes aut aliàs canonicè præficiuntur talibus Eccle-  
siis Prælati debent tam de jure quàm de consuetudi-  
ne legitima, & maximè propter bonum ipsarum Eccle-  
siarum ac personarum Ecclesiasticarum, etiamque ob de-  
cus & rationem dignitatis & auctoritatis nostræ coronæ  
& Majestatis Regiæ, de his provisionibus ab Apostolica  
sancta Sede rescripta vel expressæ bullæ nobis, & non  
aliis dominis temporalibus dirigi & destinari: & ita diri-  
gere consueverunt summi Pontifices vestri Prædecesso-  
res nostris prædecessoribus & nobis. Etsi contigerit in-  
terdum & de aliquibus Ecclesiis similibus aliter usum fuisse,  
hoc forsitan acciderit occasione divisionum quæ in ip-  
so nostro Regno vigeabant; quibus profectò causantibus,  
nonnulli ipsorum dominorum & aliorum nobis subdito-  
rum à nobis dissidebant, & nimis auctoritatis usurpativè  
sibi attribuentes, tunc temporis litteris & mandatis no-  
stris obedientiam ut debebant his in rebus non exhibuif-

tent. Vbi autem modò, favente Deo, penitus sunt illæ divisiones extinctæ, ipsorūque nostrorum erga nos reu-  
nio paxq; confectæ subditorum, & ab eis nobis & justitiæ  
nostræ nunc obeditur, extat operæpretium attendere, ut  
in his & aliis decēter dignitati & auctoritati nostræ Regiæ  
deferatur, nec amplius sinatur deprimi, neque ei, neque  
ullis juribus nostris detrahi: nam, sicut tenemur, ad eo-  
rum conservationem, sollicitudinem, & operam proti-  
nus daturi sumus accuratiorem.

Eas igitur ob res Sanctitatem vestram enixius perora-  
mus, quatinus quantumcumque nobis plus exoptat com-  
placere, & sincerioris affectus & amoris signum præstan-  
tius nobis ostendere, dignetur super his æquanimiter ad-  
vertere, & amodò nobis & nulli alii domino temporali  
de omnium & singularum quarumcumque Ecclesiarum  
ubicumque & sub cujuscumque terra seu dominio in no-  
stro Regno sitarum, provisionibus præactis Apostolica  
rescripta seu bullas, vestrorum more prædecessorum se-  
cundum ipsa jura nostra dirigere atque destinare. In hoc  
pastorale debitum, Coronæ verò nostræ quam tanto pe-  
rè & totiens apud Apostolicam sanctam sedem, & Ec-  
clesiam Romanam satis promeruisse dignoscitur, ratio-  
nem & nobis acceptissimam gratitudinem confectura  
Sanctitas eadem: quam votiva felicitate pervalere con-  
cupimus ad saluberrimam sanctæ Dei Ecclesiæ dire-  
ctionem.

Scriptum, &c. *Nihil prætereā in MS. codice.*



Ex Ms. D.  
d'Herouval.

*I D E M R E X*

*Ad Summum Pontificem.*

De eodem fi-  
delitatis jura-  
mento,

**LV.** BEATISSIME Pater Sanctitatem Vestram latere non credimus, infra metas Regni nostri cōsistentes Archiepiscopos & Episcopos de jure consuetudinēque retrolapsis inconcussē temporibus observatis quosdam ad homagium ratione temporalitatum quas obtinent, cæteros autem omnes ad fidelitatis juramentum nobis ob causam coronæ nostræ Magestatisque Regiæ præstandum teneri. Fulciti nempe nostræ specialis protectionis præsidio, nullis aliis nostri Regni Principibus, etiam prætextu prædictarum suarum temporalitatum, obsequi vel parere tenentur; quod ad non modicum eorum Ecclesiarumque suarum decus & utilitatem redundat. Et ob hoc Apostolica rescripta, seu bullæ super eorum promotionibus nobis solito, & non aliis cujuscumque præeminentiæ seu status præactis Principibus, sicut ante novissimas ipsius Regni nostri divisiones & differentias solitum semper extitit, dirigi debent.

Quia verò, prout intelleximus, dictis divisionibus & differentiis durantibus aliter quandoque in Coronæ nostræ ac Ecclesiarum ipsarum grande præjudicium directæ feruntur, Beatitudinem Vestram attentius exoramus quatinus amplius in præmissis nostræ Regiæ Majestati detrahi non sinat, & à modo super promotionibus prædictis Apostolica Scripta sive bullas prædecessorum suorum more nobis dirigi faciat. In hoc enim jus Coronæ nostræ servabit, pastorale debitum & nobis acceptissimam gratitudinem perficiet eadem Beatitudo sanctissima. Quam ad felix regimen Ecclesiæ suæ conservare dignetur Altissimus salubriter & votivè.

Scriptum, &c.



*CAROLI*



*CAROLI VII.**REGIS FRANCORVM.**Summo Pontifici.*

An Christi:  
circiter  
1455.  
Ex *Mj* cod.  
D d' *hierou-*  
*val.*

**LVI** **B**EATISSIME Pater. Licet Prælati Regni nostri suæ præfectionis in primordio pro suarum temporalibus Ecclesiarum, in ipso Regno nostro constitutarum ligium, quidam homagium, cæteri fidelitatis nobis (cùm unicus Prælatorum & Ecclesiarum hujusmodi Princeps, protector simus & conservator) præstare teneantur juramentum: eaque ratione propter nostrum interesse, ac bonum earundem Ecclesiarum & personarum Ecclesiasticarum, tam de jure, quàm consuetudine, dum per electionum confirmationes auctoritate Apostolica seu aliàs canonica, in illis aliqui præficiuntur Ecclesiis, obdecus & honorem dignitatis & auctoritatis nostræ Coronæ Majestatisque Regiæ, rescripta & bullæ super his emanatæ nobis primò dirigi debeant & destinari.

Litteræ seu  
Rescripta Pa-  
pæ in Galilæa  
missa debent  
primò Regi  
offerri & ab  
ipso recipi,  
&c.

Iraque S. V. Prædecessores Summi Pontifices dirigere consueverunt: quod si aliquotiens aliter usum fuisse contigerit, forsitan divisionum & dissensionum quæ in regno nostro tunc vigeabant causa fuit. Quibus profectò causantibus nonnulli dominorum inferiorum temporalium nobis subditorum à nobis dissidebant, & auctoritatis nostræ sibi nomen attribuentes tunc temporis litteris & mandatis nostris, sicut debebant, obedientiam his in rebus non exhibebant. Vbi tamen modò, favente Deo, penitus sunt ipsæ divisiones extinctæ, ipsorumque nostrorum omnium subditorum pax & reformatio factæ sunt, ut in his & aliis decenter dignitati auctoritatique nostræ Regiæ deferatur, nec amplius deprimi neque ei nec ullis nostris juribus detrahi; cùm inter ceteras Regni nostri prædicti sollicitudines præcipuè nobis curasit, honores & libertates Coronæ nostræ conservare, semperque illibatas permanere. Sanctitatem igitur vestram

Tom. VII.

Nn.

enixius peroramus, quatenus nobis complacentes sinceritatis & amoris signum reciprocum præstantius ostendere, veluti nostri antecessores Francorum Reges pro tuitione rerum & jurium Ecclesiæ Romanæ viriliter insudarunt, nosque met quotidie prædecessorum more posse nostro favorabiliter eadem prosequimur, dignetur super his æquanimiter providendo, necnon à cetero nobis tanquam principali & unico summo domino temporali, nullique alteri de omnium & singularum quarumcumque Ecclesiarum ubicumque, & sub cujuscumque terra seu dominio prædicto in nostro regno sitarum, præactis provisionibus Apostolica scripta sive bullas vestrorum more prædecessorum dirigere atque destinari. In hoc pastorale debitum, Coronæ verò nostræ rationem, & nobis acceptissimam gratitudinem faciet eadem Sanctitas Vestra, quam &c.

*Ex eodem.  
Ms.*

*EIDEM SUMMO PONTIFICI*

*Idem Rex Francorum.*

*Electiorem  
Abbatem Gor-  
zienis confir-  
met Rex,  
exorat,*

**LVI.** **B**EATISSIME Pater, pridem Sanctitati vestræ scripsisse recolimus dilectum ac fidelem Confiliarium nostrum IACOBUM Wisse in Abbatem Monasterij de Gorzia Ordinis S. Benedicti, Merensis Diocesis, canonicè ritèque electum extitisse. Cui quidem electioni personaliter interfui GERARDUS de Luddes Prior S. Nicolai de Varengevilla à prædicto cœnobio dependente, ad hujusmodi Abbatialem dignitatem aspirans. Qui siquidem Gerardus sua intentione frustratum se conspiciens, voluit nihilominus hanc electionem canonicam impugnare, & præfatum electum à suo jure, suæque legitima possessione dejicere, prætextu quarundam literarum commendatitiarum Vestræ Sanctitati directarum, quas tacita electione prædicta, & Monasterij sæpèdicti quod Regiæ ditionis existit fundatione suppressa, à vobis obrinuit. Postmodum verò informati debitè extitimus, ipsum Monasterium à prædecessoribus

nostris inclytæ recordationis fundatum & dotatum, ac sub eorumdem ditione protectioneque speciali semper fuisse. Quod evidenter ostendit iustitiæ superioris recognitio. Quamvis, ut accepimus per BRANCARDIUM de Bethutis de Perutio Oratorem & Nuntium vestrum dudum ad nos destinatum, Vestræ Sanctitati relatam fuerit Monasterium prænominatum in Regno nostro situatum non esse. Satius enim foret illi silentium habuisse, quàm de non veris Sanctitatem vestram informasse, & cujus suggestionem talia relata sint profectò nos non lateret.

Cæterùm quin ingens nostrum Regni que nostri versetur interesse, ut eidem Monasterio præficiatur Pastor idoneus, probus, nobis fidus & Religiosis acceptus, quem admodum is est antedictus electus, res ipsa satis indicat.

Qua de re Sanctitatis Vestræ providentiam exoramus, quatinus prætensam ipsius Gerardi provisionem revocare, sibi que silentium perpetuum imponere, ac ipsius electi canonicam electionem approbare & confirmare, carissimi fratris nostri RENATI Siciliæ Regis, & cum suis alternis minime suasionibus exauditis, etiam nostræ tam afficientis intercessionis contemplatione, benignè dignetur. Rem quippe Deo gratam, ipsi Monasterio perutilem, nobis vero acceptissimam confectura Sanctitas prælibata. Beatitudinem Vestram tueatur Altissimus ad felix regimen Ecclesiæ Dei sanctæ.

Scriptum, &c.



*Ex cod. Ms.**CAROLI VII.**Summo Pontifici.*


Vt Papa Ab-  
batem S.  
Mauri Fossat.  
electum ob  
præclaras  
virtutes Epif-  
copum Mel-  
denf. appro-  
bet.

**LVIII** **B**EATISSIME Pater, vacat Ecclesia Meldensis per ejus Episcopi novissimi decessum. Civitas verò nostra Meldensis est situata in loco tam forti & inexpugnabili, quod ingens exercitus noster vix eam potuit obsidione longa crebrâque ab hostili manu, per quam diu nimis occupata fuerat, nobis opportunè recuperare. Cujus occupationis tempore, & occasione dissidiorum & bellorum, qui diutiùs illorùm, proh dolor: vixerunt, Ecclesiæ præfatæ ædificia in ruinam collapsa, prædiâque & rura inculta & deserta, ac aliæ possessiones, res & bona attrita, destructa & diminuta sunt; aded quod totæ prædicti ultimi Episcopi facultates & obventiones, etsi libenter ad hoc operam dederit, non suffecerunt ad ipsam Ecclesiam in statum decentem restaurandum. Non autem distat illa civitas nostra Meldensis à civitate nostra Parisiensi nisi decem leucis, cujus est ab anteriori parte fluviorum in eam descendentium potissimum propugnaculum & munimentum, ac adjacentis ei patriæ nostræ, cui terra subest admodum frugifera, & alimonix opportuna, ac commodum receptaculum, & securus utique retractus fuit, & olim quibusdam prædecessoribus nostris in adversitatibus suis refugium & tutamen validissimum: unde majus habemus interesse, & ad nos magis attinet curare ac totis nisibus persistere pro securitate & conservatione hujusmodi loci & patriæ nostræ circumvicinæ: sicut est operæpretium in obedientia nostra, & pro bono & promptiori ipsius Ecclesiæ relevamine & reparatione, ut ei præsit & præficiatur Pastor & Episcopus nobis cognitus, fidus, securus, gratus & aptus, ac etiam potens & valens, sicut exstat dilectus & fidelis Consiliarius noster Abbas Monasterii sancti Mauri de Fossatis

prope Parisius, integerrima fidelitate utilissimus, plurimisque obsequiis, maximâ prudentiâ, optimo regimine, administratione adaugentissima, potentia convenientissima, & valetudine perflorenti nobis comprobatissimus, notitiæque, familiaritati, gratiæ & confidentiæ nostris satiùs ascitus & conjunctus; ad quem propterea quamprimum scivimus præactam vacationem, nostri totius affectus aciem convertimus, hujus personæ idoneitatem illius rei necessitati coaptari concupientes & perquirentes. Et ided jam scripsimus ad ipsius Ecclesiæ Capitulum, ut præ cæteris in Episcopum eligatur, ubi firmiter eum speramus sic eligendum.

Vestram igitur Sanctitatem totis ex intimis peroramus, quatinus præmissorum consideratione, & præsertim ipsius Ecclesiæ favore; nostrique contemplatione, & tot hujus Consilarii nostri meritorum intuitu, nullatenus in contrarium disponere velit, quinimmo dignetur celebrandam de eo sic ut præmittitur electionem sinere suum penitus effectum sortiri paterna caritate, sæpeditæ Ecclesiæ scandalo & deprædationi si secus fieret, generandis obviando, & eundem Consiliarium nostrum, quem per alias nostras litteras ad Ecclesiam extunc ad dispositionem vestram vacaturam, satis affectuosè recommendaveramus, specialius habendo recommissum. In hoc Ecclesiæ memoratæ prosperitati salubriter consultura, & nobis singularissimam perfectissimamque complacentiam collatura Sanctitas eadem, quam votiva felicitate desideramus pervalere ad Ecclesiæ Dei sanctæ fructuosissimam directionem.

Scriptum, &c.



*Ex Ms. D.  
d'Herouval.*

*CAROLI VII.**FRANCORVM REGIS.**NICOLAŌ Papæ V.*

*Queritur  
Rex quodd  
contraria juri  
suo & nationi  
Gallicanæ in  
Capitulo Ge-  
nerali Ordi-  
nis S. Iohan-  
Rhodi acta  
fuerint.*

LIX. **B**EATISSIME Pater, &c. Non sine ve-  
hementi admiratione auribus nostris no-  
viter nunciatum est, operâ & directione quorundam  
Gallicanæ nationis titulis & honoribus detrahentium jura  
& privilegia nationi præfatæ, suis virtutibus, suis clare-  
factis, magnis quidem periculis magnaque sanguinis effu-  
sione, à longis temporum curriculis in Religione ac Ordi-  
ne Beati Iohannis in Ierusalem Rhodi immenso caritatis  
& devotionis ardore laudabiliter acquisita, sibi que in vir-  
tutis & meritorum præmium præ cæteris nationibus legi-  
timè competentia; in ultimo Religionis præfatæ apud  
Senas congregato Capitulo adeò Sanctitatis vestræ decla-  
rationibus promulgatis diminuta, & in nihilum ferè re-  
ducta fuisse, ut si hujusmodi declarationes executioni da-  
rentur, Religioni præfatæ scandalum atque damnum, no-  
bis quoque & toti nationi nostræ injuriam & ludibrium  
merito parturirent. Sed eo vehementius in admiratio-  
nem ducimur, quodd cum de prædicta celebratione præter  
solitum, nonnullorum suggestionem Senis tunc fienda ad-  
visaremur, & in eadem coloratis eorumdem adinventio-  
nibus sub caritatis velamine, multa in præjudicium natio-  
nis præfatæ, & antiquæ observationis tractari debere: ne  
talium astutia tenebrosis figmentis rei veritatem offusca-  
ret, Sanctitati Vestræ scripsimus, nationem ipsam, suâ-  
que jura obnixius recommissa faciendo: à qua quidem  
Sanctitate tunc responsionem suscepimus, se nil in præju-  
diciū Magistri attentare, nec Baillivorum officia quovis  
modo mutare; sed ad quandam reformationem laudi &  
honori Religionis congruentem procedere disposuisse.

Quodd autem Sanctitas ipsa ad declarationes præfatas;  
jura & prærogativas Gallicanæ nationis penitus absor-  
bentes, & quæ soli Gallicanæ debentur nationi, ad uni-

verfas communicantes præter & ultra litterarum suarum seriem, absentibus præfatæ nationis Fratribus, nobis ac procuratore nostro inauditis, sic festinè processerit: non ex mente S. V. sed potius (ut credimus) oblita serie litterarum vestrarum nobis directarum quadam inadvertentiâ, ac impulsione & importunitatibus quorundam contigisse arbitramur. Quid enim absurdius, ac nobis dictæque nationi nostræ vituperabilius accidere potuisset, quàm prædecessorum nostrorum tantis sudoribus, tantisque laboribus in exteris regiones parta & acquisita merita, nostro in tempore nonnullorum conjuratione, ut ita dixerimus, denigrari? Quid præjudicabilius, quàm Coadjutorem Magistro tanquam insufficienti dedisse, & Baillivorum officia nationi nostræ duntaxat suis meritis deputata mutasse; & in ceteras nationes, ac si nationis nostræ Fratres inhabiles forent, propagasse? Nec quemquam tam iniquum rerum æstimatorem fore ambigimus, qui si prædicta senserit, Sanctitatem Vestram, Nos, nationemque nostram ubi res sine reparatione sic abirent, magnis & intolerabilibus injuriis atque damnis affecisse nos judicet.

Resipiant ergo qui talia procurarunt, vestraque Sanctitas pulsus illorum affectionibus, nostrum, & nationis nostræ maximum interesse degustans, querelam nostram justam & legitimè fundatam suarum declarationum revocatione sopire dignetur; & scandalis ac divisionibus, quæ exinde suboriri possent, paterna caritate occurrere, & nedum privilegia nationis nostræ à beatissimis prædecessoribus vestris benignè confirmata diminuere velle, sed etiam tempore nostro, qui continuis vigiliis unionem Ecclesiæ procuramus, illa curet adaugere. Quod si Sanctitas ipsa fecerit, rem nobis admodum gratam, Religioni salubrem efficiet, honorique suo ac juri & justitiæ subserviet: sin aliter (quod vix credere possemus) Sanctitas ipsa proponeret, ne nostri & dictæ nationis honoris, quem maximè cordi gerimus, jacturam patiamur, talia silentes per dissimulationes sic abire ferre nequiremus, tantam dedecoris labem temporibus nostris nationi præfatæ &

per consequens nobis irrogari molestè gerentes: sed longè gratus atque acceptius fuerit Sanctitatem ipsam, à qua declarationes ipsæ processisse dicuntur, congruum remedium per revocationem declarationum apposuisse. Super quibusejusdem Sanctitatis responsionem affectuosè postulamus, & dilecto nostro Magistro Iohanni Pidieu Secretario nostro, quem propterea expresse destinamus, plenariam fidem adhiberi. Sanctitatem Vestram conservet Altissimus, &c.

Scriptum, &c. Turonis.

*Ex eodem.*

*CAROLI VII. REGIS FRANCORVM*

*Summo Pontifici.*

Pecunias in  
suo Regno  
percipi nisi  
per deputa-  
tos à se viros  
venit.

LX. **B**EATISSIME Pater, Sanctitatis vestræ litteras per Militem egregium PHOEBUM de Lusinia, & HUGONEM Podecator Legum Doctorem, serenissimi Principis fratris & consanguinei nostri carissimi IOHANNIS Cypri Regis Oratores & Nuntios, ad nos destinatos nuper suscepimus: eorumque etiam inunctam ex parte Regis ipsius credentiam ad plenum audivimus, per quas quidem litteras, & ipsorum Oratorum relationem, accepimus Infideles eisdem Regi & Insulæ atroces minas intulisse, atque occasionem quærere ipsius Insulæ opprimendæ ac omninò devastandæ, etiam & desolandæ in Regis prædicti detrimentum irreparabile. Adjicientes ulterius Oratores illi indulgentiarum subsidium, quod in Regno nostro colligi & levare ex concessione vestræ Sanctitatis ob idipsum deposcebant, absque nostro consensu præfatæ Sanctitati per nos expresse notificato nequaquam concedere voluisse. Nos verò qui ad fidei Christianæ defensionem, & ipsorum infidelium repressionem, ac Regis & Insulæ prædictæ tuitionem pia semper impendia præstari vellemus, etiam ob fidei favorem, vestræ Sanctitatis honorem, & Regis prædicti contemplationem, contenti sumus ipsarum indulgentiarum per vestram Sanctitatem concessarum seu concedendarum emolu-  
mentum.



mentum nostro in Regno per deputatos ad hoc levare & percipi. Quod quidem vestræ Beatitudini ad ipsorum Ambaxiatorum instantiam harum serie notificamus. Quoad cetera verò auxilii ferendi hortamenta, nostram super hoc intentionem Oratoribus nostris plenè patefecimus. Sanctitatem vestram tueatur Altissimus ad longissimum regimen Ecclesiæ Dei sanctæ.

Scriptum Bituris 18. Octobris.

*CAROLI VII. REGIS FRANC.* *Ex eodem.*

*Eidem.*

LXI. **B**EATISSIME Pater, cùm his diebus ad nos venisset venerabilis Doctor Décanus Toletanus Orator & Nuntius vestræ Sanctitatis, ipsum gratè suscepimus, & placidè audivimus; visisque Apostolicis litteris, quas ipse secum derulit, apertè intelleximus singularem confidentiam, quam eadem vestra Sanctitas de nobis gerere dignatur; unde plurimum regratiamur, parati semper favores & auxilia sanctæ Sedi Apostolicæ & Sanctitati vestræ pro viribus impendere, sicuti hætenus facere studuimus, & ea jugiter agere quæ sunt ad honorem & complacentiam ejusdem vestræ Sanctitatis. Habitis autem pluribus colloctionibus per Consiliarios nostros cum præfato Oratore super materiis pro quibus venerat: tandem visum est omnibus communi sententia necessarium fore, ut Ambassiatores nostros ad præsentiam vestræ Sanctitatis destinaremus, singula quæ huc usque ad pacem Ecclesiæ agitata sunt relatueros, ut per ipsius vestræ Sanctitatis bonam providentiam in finem prosperum & votivos exitus deducantur: qui etiam (sicuti antea disposueramus) devotam & filialem reverentiam & obedientiam vestræ Beatitudini exhibituri essent.

Oratorem Summi Pont. benignè suscepisse, missisque à se nuntiat, quibus fiduciam omnem adhibendam esse affirmat.

Mittimus igitur ex nostris præcipuis Consiliariis & servitoribus dilectissimum, & dilectos ac fideles nostros, Archiepiscopum Remensem, IOHANNEM Comitem Durensem & de Longavilla consanguineum nostrum, Ele-

Tom. VII.

O o

atum confirmatum Ecclesiæ Electensis, Magistros GURDONEM Bernardi Archidiaconum Turonensem, THOMAM de Courcellis sacrae Theologiæ Professore, & IACOBUM Cordis Argentarium nostrum. Quibus vestra Beatitudo plenam credentiæ fidem tanquam nobis ipsis exhibere dignetur. Hi enim, ut non necesse sit multa de ipsis dicere, tales sunt qui intima mentis nostræ arcana noverunt, & nobis sunt confidentissimi. Poteritque vestra Sanctitas per eos sicut per quoscumque, quos ad hæc mittere possemus, de omnibus quæ acta sunt, & universa intentione nostra plenissimè informari, necnon & per eosdem intimare nobis cum omni fiducia quæque beneplacita ipsius V. S. quam feliciter conservare dignetur Altissimus ad prosperum regimen Ecclesiæ suæ sanctæ.

Scriptum, &c.

*Ex Ms. D.  
& Herouval.*

*CAROLI VII. REGIS FRANC.*

*S. R. E. Cardinalibus.*

Oratores suos  
Summ. Pont.  
missos cum  
benevolentia  
excipiant,  
sogat.

LXII. **C**AROLUS, &c. Carissimis & specialissimis Camicis, Sanctæ Romanæ Ecclesiæ Cardinalibus, salutem & sinceram devotionem. Pro nonnullis arduis rebus honorem sanctæ Sedis Apostolicæ & bonum universæ Ecclesiæ concernentibus, mittimus ad præsentiam Beatissimi Patris nostri Summi Pontificis aliquos ex præcipuis Consiliariis & servitoribus nostris, dilectissimum & dilectos ac fideles Archiepiscopum, &c. *ut supra.* Ambassiatores nostros, quos in agendis dirigere & benignis favoribus atque auxiliis sedulo juvare velint amicitia vestra, dicendis per eos plenam credentiæ fidem tanquam nobis ipsis adhibendo. De his enim plenissimam confidentiam gerimus, qui & intima mentis nostræ noverunt, poteruntque vobiscum universa agere, sicut quicumque quos transmitteremus, quinimmo velut nosmet personaliter faceremus.

Datum Turonis xi. mensis Martii.

*CAROLI VII. REGIS FRANC.* Ex cod. Mj.*NICOLAO Papa V.*

LXIII. **B**EATISSIME Pater, ac Domine clementissi-  
 me, humillima semper usque ad pedum of-  
 cula beatorum recommendatione præmissâ. Si status bo-  
 næ memoriæ domini Eugenii Papæ prædecessoris vestri  
 immediati, ac antiquæ dignitatis sanctæ Sedis Apostoli-  
 cæ, & post assumptionem vestram prædignissimam ad  
 summum Apostolarûs apicem, honoris suæ Sanctitatis  
 ubilibet observantissimus, posse tenuis exsisterim, satis  
 agnoverunt, qui hæc oculata fide viderunt, præsertim  
 reverendissimus in Christo Pater dominus Aquisgranensis Ar-  
 chiepiscopus, ejusdem Sanctitatis Orator & Nuntius.  
 Nec id ad exprobrationem rememoro, Pater sanctissime,  
 sed ut in his quæ ad me attingere noverit, vestræ Sanctita-  
 tis ingenita clementia exorabilem se præbere velit atque  
 perbenignam.

Vt Ecclesiæ  
 Collegiæ in  
 Baronia de  
 Trignello  
 annexi per-  
 mittat Eccle-  
 sias paro-  
 chiales.

Est autem in Belgica Campania baronia quædam  
 nuncupata de Treignello hereditario jure mihi perti-  
 nens. Quæ siquidem inter ceteras illius patriæ inclytas  
 baronias prioritatis obtinet prærogativam: in hac enim  
 à vetustis temporibus fundata extitit solennis quædam  
 Ecclesia collegiata, cujus redditus & proventus belli Gal-  
 lici vastitate ad tantam exilitatem, proh dolor! devenêre,  
 ut ex ipsis alimentum tenue vix possint habere Canonici  
 ac Ministri Ecclesiæ sæpefatæ, quamquam inibi minimè  
 intermissus fuerit cultus divinus. Eget præterea, Pater  
 Beatissime, Ecclesia prælibata reparatione non parva,  
 tum propter ejus structuram vetustissimam, proximam  
 minantem ruinam, tum propter belli prædicti diutur-  
 nam calamitatem; ad cujus Ecclesiæ debitam instauratio-  
 nem nullatenus suppetere ejusdem aut populi ibidem  
 degentis, his malis incommodisque pressi, facultates te-  
 nuissimæ. Quare pietatis vestræ paternam providentiam  
 supplex imploro, quatinus hujusmodi desolata Ecclesiæ

O o ij

subveniendo certas parochiales Ecclesias in Baronia præ-nominata consistentes, debiti obsequii Ecclesiastici propter incolarum penuriam expertes, eidem Ecclesiæ Collegiata in perpetuum unire ac annexere, & gratiæ suæ uberiori largitate de thesauro Christi mystico quandam notabilem indulgentiam misericorditer largiri, ac personas reverendorum Patrum dominorum Remensis ac Laudunensis Præfulum, meamque etiam vestræ Beatitudinis obsequiis paratissimam singulariter recommissas suscipere. Et super his prælibatum dominum Aquensem Archiepiscopum audire mansuetè dignetur. Sic enim, Pater Beatissime, Ecclesia illa suum decus pristinum, suamque amissam sustentationem honestam recuperabit, & me servitorem suum perhumilem ad suæ Sanctitatis obsequia beneplacitæque peramplius obligabit: quam Sanctitatem ad Ecclesiæ suæ salubre ministerium dirigat & conservet Altissimus in longævum.

Scriptum Bituris die vigesima tertia Augusti.

Ex ed. Mf.

*EIVSDEM,*

*Carissimo Consanguineo nostro Duci  
Clevensi.*

LXIV. **C**AROLUS, &c. Carissime Consanguinee. Litteras habuimus iteratas à carissimo Consanguineo nostro Archiepiscopo Coloniensi, quòd licet aliàs vobis scripsissemus vos caritative & amicabiliter adhortando, rogitandoque ut pro faciliùs sedando bello inter ipsum & vos exorto, & comperienda invicem bona pace, ab illationibus damnorum & aliis expletis\* belli adversus eum & ejus Ecclesiam, terram & gentes abstineretis: Nihilominus gravioribus injuriis & molestiis eum & suos laceßere non destitistis, quod nobis in maximam cedit admirationem pariter & displicentiam. Et quia sicut ex suarum tenore litterarum concepimus, vobis obtulit ad omnem rationem super controversiis & querelis vestris hinc inde se fore paratum exhibere &

Gal. \* Ex-  
ploits.

convenire, seque sua de parte nostræ & nostri Consilii ordinationi submittere & acquiescere velle, si pari modo vos id facere velletis. Nos qui ob Dei & Ecclesiæ reverentiam & honorem, ac etiam sanguinis & affinitatis hinc inde vinculum, ad componendam inter vos invicem bonam concordiam libenter operam daremus. Vos iterum attentius rogamus quatinus ad hujusmodi pacem intendere velitis, & à pluri laceritudine adversus eum & suos omninò cessare; de intentione vestra super hoc nos certiorando, ut eam valeamus oportunè ipsi Archiepiscopo notificare. Sciturus quòd attentis confederationibus inter nos & ipsum initis & confectis, si & dum nos de præbendo sibi auxilio & succursu requireret, non possemus hoc commodè sibi negare, nec nos ullatenus excusare. Non igitur omittatis vestram super hoc nobis modò scribere voluntatem. Datum, &c.

*CAROLI VII REGIS FRANC.* *Ex eod. Ms.*

*Carissimo Consanguineo nostro Archiepiscopo Colonienfi.*

LXV. **C**AROLUS, &c. Carissime Consanguinee recepimus litteras vestras credentiales, & audivimus earum credentiam nobis expositam per carum consanguineum nostrum Comitem de Blankhen. Cui super expositis per eum nobis statim respondimus, offerentes in auxilium vestrum quadringentos armigeros & mille ducentos sagittarios, eorum armis bellicosis decenter communitos, vobis obsecuturos per annum, vel saltem per novem vel octo menses, cum stipendiis per mensem pro quolibet armigero quatuor francorum, & pro quolibet sagittario duorum francorum: necnon ultra contemplatione vestri, capitaneis prout per ipsam dictarum gentium certam pecuniæ summam, ut quantocius iter arriperant, distribui ordinaveramus, consanguineum nostrum poteritis plenius informari.

Milites & pecuniam ipsi præstiturum pollicetur.

Datum Caynone.

*EIVSDEM,*

*ex eodem. Quàmcaro ac dilectissimo amico nostro IOHANNI Hiongad Vuaynede Transsilvano Themestienſe Comiti, necnon Duci ac Capitaneo generali militie exercitûs armorum inclyti Hungarorum Regni.*

*Promittit ſe  
opem, pace  
prius in Re-  
gno firmata,  
laturum.*

LXVI. **C**AROLUS Dei gratiâ Rex Francorum. Carissime ac dilectissime amice, vestræ benivolentiae litteras per VINCENTIUM de Bala de Bathia Militem, Cancellarium vestrum & Nuntium benignè recepimus, ac ejus credentiâ luculenter explicatâ Regni Hungariae turbationibus & afflictionibus per inimicos Christi ingruentibus intimè condoluimus, virtutem vestram in ejusdem defensione fideique Christianae propugnatione laude dignissimam extollentes. Desiderabilius autem quicquam à divina clementia consequi nequiremus, quàm contra orthodoxam Religionem infestantes in finibus regni prædicti, maximè cui naturaliter afficimur, progenitorum nostrorum more nostras & militiae nostrae vires experiri. Sed proh dolor! si firma pace non sopiatur, finienda breviter cum hostibus nostris antiquis inita treuga, bellum ingruens nos non finit bellatores nostros alibi divertere. Quapropter non possumus vestris precibus super Regni præfati succursu pro nunc intendere. Si tamen, ut speramus divina favente gratia, pacem cum ipsis nostris hostibus firmemus, fiduciam habete quòd ad Regni præfati Hungariae succursum pro viribus intendemus, quemadmodum prælibatus Miles vester & Nuntius super his & aliis nobis intimatis nostram latius intentionem referabit.

Datum Caynone.



*E I V S D E M,**Ex Ms D.  
d' Herouval.*

*Carissimis ac dilectissimis amicis nostris* DIONYSIO  
*Cardinali Archiepiscopo Strigoniensi*, LAUREN-  
TIO *de Hidrehirara Palatino Hungar.* NICO-  
LAO *de Vuoylak Vuayvoda Transsilvano Comiti*,  
GEORGIO *de Rosgon Iudici Curiae Regiae*, ac  
LANDISLAO *de Garabanno Marchionensi.*

LXVII. **C**AROLUS Dei gratiâ Rex Francorum. *Ca-*  
*rissimi ac dilectissimi amici nostri.* Susceptis  
benivolè per manus VINCENTII Bala de Bathia Militis  
nobis vestri ex parte directis litteris, ac per ipsum expli-  
catis seriosè, cognitis vestri regni turbationibus & affli-  
ctionibus, quas quasi proprias reputamus, meritò com-  
patimur, per vos exhibitam ad ejusdem defensionem &  
orthodoxæ fidei fulcimentum providentiam quampluri-  
mum collaudantes; optatîsque fruemur si disponat divi-  
na pietas Regni nostri negotia taliter, quòd ad impen-  
dendum inimicorum Christi Regnum vestrum inquie-  
tantium impugnationi robur omne nostrum, & nostræ  
militiæ vires, nostrorum progenitorum inhærendo vesti-  
giis, facultas se offerat. Verùm nondum firma pace data,  
Regni nostri cunctis mundi nationibus cognita tam diu-  
turna turbatio, pro nunc bellatores nostros non patitur à  
nostris finibus elongari. Quamobrem quod tam orthodo-  
xæ fidei zelo, quàm singulari qua continuata nostrorum  
prædecessorum trahimur ad regni vestri præacti com-  
moditates affectione, dolenter explicamus, non possu-  
mus pro præsentî vestris obtemperare precibus. Confidi-  
te tamen quòd si pacem firmam habuerimus, prout an-  
nuente Dei clementia brevi speramus, ad succursum in-  
clyti Regni vestri prædicti, prout casus exegerit, operam  
dabimus efficacem, quemadmodum vobis explicare po-  
terit præactus Miles, cui nostram super hoc latius in-  
tentionem declarari fecimus.

*Auxiliares  
copias pro-  
mittit, sta-  
timatque Re-  
gnum pace  
fruerur.*

Datum in oppido S. Martini de Cande.

An. Christi  
1450.  
Ex eodem.

**CAROLI VII. REGIS FRANC.**

*Diploma commeatus ARNOLDO Duci Romam ire  
cupienti concessum.*

LXVIII. **C**AROLUS, &c. Vniuersis Regibus, Principibus, Ducibus, Marchionibus, Comitibus, Vicecomitibus, Gubernatoribus, Rectoribus, Praesidibus, Potestatibus, Constabulariis, Marecallis, Admiraldis, ac Custodibus & Capitaneis civitatum, villarum, oppidorum, castrorum, portuum, pontium, districtuum, aliorumque locorum, bellatorum Ducibus & Capitaneis, Vexilliferis, Burgimagistris, Consulibus, Majoribus, Scabinis, Ancianis, Iusticiariis, Officiariis & subditis, amicis confederatis & benivolis nostris, aut eorum loca tenentibus, salutem & complacentiae similis oblationem. Honestis poscentium precibus annuere congruit. Hinc est quod nos attendentes pium propositum carissimi ac dilecti consanguinei nostri Arnoldi Guelrensis & Iuliacensis Ducis, qui, ut fertur, pro indulgentia hujus anni Iubilei, favente Deo, assequenda Romam peregrè proficisci dispositus est, & desiderat propter itineris sui prosperitatem nostrarum fulciri praesidio litterarum. Vobis Officiariis & subditis nostris praedictis districtè mandamus: Vos verò amicos confederatos & benivolos nostros attentè rogamus, quatinus praefatum Ducem & consanguineum nostrum unà cum universa familia sua usque ad numerum quinquaginta personarum, aut pauciorum, & totidem equorum, ac bahutis, valisiis, salmis, indumentis, auro, argento, jocalibus in quavis forma aut specie existant; libris Ecclesiasticis aut diversarum scientiarum & artium approbatarum litteris, rebus & bonis suis quibuscumque, per loca praenominata etiam & maritima aut aquatica die noctique ire, transire, morari, perendinare, redire & reverti liberè, franchè & quietè faciatis & permittatis; non inferentes eisdem aut ipsarum alicui arrestum, disturbium, nocumentum,



tum, damnum, injuriam aut molestiam occasione solutionis vectigalis, telonei, pedagii, dacii, nauli, fundi navis, aut cujuscunque alterius tributi, quin immo acta in contrarium debitè reparare studeatis indilate.

Providentes sibi sumptibus eorum moderatis de salvo conductu, scorta\* hospitiiis, victualis, & aliis rebus necessariis. Eosdem juxta statum & conditionis qualitatem, nostri etiam favore benigniter humanitèrque admittentes & tractantes. Tantum inde facientes vos officarii & subditi nostri quòd de obedientiæ promptitudine apud nos debeatis commendari. Et vos amici confœderati & benivoli nostri quantum velletis pro vobis pariformiter effici. Præsentibus post annum à data præsentium computandum minimè valituris.

Datum apud Montem Bafonis die xxvi. Octobris, anno Domini millesimo quadringentesimo quinquagesimo, & Regni nostri vicesimo nono. Per Regem: Episcopo Agatensi, domino de Villequier, Iacobo Cordis, & pluribus aliis præsentibus.

THIERRY.

*ÆNEAS SILVIUS*

An. Christi  
circiter  
1450.

*Dilecto HIPPOLYTO Mediolanensi salutem plurimam dicit.*

LXIX. **Q**VEREBARIS mecum nocte præterita quòd amori operam dares, nec delibatum ac victum animum solvere posses. Dixisti te nec virginem nec nuptam amare, sed viduam quamvis pulchram meretricem cum quibuscunque viris precii causa se substernentem postergare. Id tibi molestum esse aiebas, libentèrque amorem hunc te velle postergare; sed viam modumque nescire quo fieri liber & amore vacuus posses. Nam etsi plures Sacerdotes consulueris, neminem tamen re-

Contra for-  
nicationem  
Æneas moni-  
ta submuni-  
strat.

Tom. VII.

P p

media quæ tibi viderentur efficacia protulisse dicebas. Rogasti igitur me magnisque precibus flagitasti, ægritudini tuæ ut aliquam afferam medelam, ac iter ostendere tibi, quo possis ardentis amoris flammâs effugare. Parebo desiderio tuo, salubriâque tibi præbebo remedia, etsi etiam plecti nolueris. Nec verebor medici culpam mihi ascribere, si tu obedientis ægroti personam susceperis, quamvis arbitror quos consulisti Sacerdotes tibi satisfecisse, si præcepta fecisses quæ tibi illi dederunt; sed tibi visa fuerunt fortasse gravia. Nam cum dicerent: Fuge illam, nihil sibi loquaris, nihil de ea audias, durum tibi visum est. At febricitans quoque animus invitus audie frigida pocula sibi negari, si tamen sanari vult, quod mandat medicus diligenter observet.

*f. \* prope*

Tu ergo, mi Hippolyte, si vis mortem evadere, liberque fieri, præpara\* quæ præcipiam facias. Noscito ægrotum te fore, maximâque infirmitate detentum, & propter sanitatem dura tibi & aspera plurima subeunda. Nempe ægrotus est omnis qui amat, ac nedum ægrotus, sed & mente captus atque insanus & amens, de amore, inquam, illicito. Nam Deum colere, amare parentes, virtutis est non vitii, sanitatisque non ægritudinis. At tu amorem illicitum sequeris. Quid tu esse amorem de quo jam loquimur credis? Veteres putaverunt illum ex Venere Vulcanoque natum puerum alatum, secum sagittas in manibus habentem, quibus viros & mulieres feriens ardorem dilectionis infunderet. Apud Virgilium legimus:

*Egloga 9.*

*Nunc scio quid sit amor; duris in cotibus illum  
Ismarus, aut Rodope, aut extremi Garamentes,  
Nec nostri generis puerum, nec sanguinis edunt.*

*Trag. Oedav.  
Act. 2.*

Sed error hic mortalis populi fuit, qui veritatem attingere non potuit. Amor in tragædiis, inquit Seneca, nihil aliud est, nisi vis quædam magna mentis, blandusque animi calor, inventâ, gignitur; luxu, otio inter lætæ bona fortunæ nutritur. Hic mentem hominis eripit, iudicium omne pervertit, sensum hebetat & animum extinguit, nam cum mulierem diligis, non in te sed in illa vivis. Quid igitur pejus est quàm viventem non vivere,

quàm sensum habentem non sentire , quàm oculo præditum non videre ? Hic quidem qui amat in alium mutatur virum , nec loquitur nec facit quæ antea solebat.

Hinc Parmeno apud Terentium :

Dii boni quid hoc morbi est adeò homines mutarier

*Ænuch. A. 7.  
2. sc. 1.*

Ex amore , ut cognoscas non eundem esse?

Putat Comicus morbum esse amorem , nec malè putat. Nam & si apud Macrobius luxuria , sive mater amoris vel filia terribilissimi morbi partem esse dicit , hic morbus plerumque juvenes aggreditur ; sed viros quoque & senes vexat , tantòque periculosior & risu dignior , quantò persona quæ capta est ætate aut scientia censeretur præstantior. Cùm ergò Hippolyte captus sis , amorique servias , scias te morbosum esse : si morbosus es , liberari stude. Nam quis morbum patitur , qui curari non vult. Sanè ut morbus gravior est , acerbior , periculosior. Eo morbo si <sup>f. \*. sic</sup> major de sanitate cura. Tua infirmitas magna est , sic & cura diligentia magnâ. Cogita , mi Hippolyte , quo in statu es. Tu nihil æstimas. Quicquid tibi eveniat leve est. Solùm super amica anxius es : non parentes , non necessarios , non benefactores magnificas ; solùm tuus animus in amica est , illam amas , illam promotes , illam somnias , de illa loqueris , de illa suspiras , nihil facis quin memoriam ejus habeas. Si stultitia ; amentia , morbusque terribilissimus est , an non est petenda cura ? Quis non sanari hoc morbo velit ?

Ceterùm ad salutem tuam hæc sunt necessaria , Hippolyte , quæ si feceris sanus eris , si neglexeris , sepelieris in morbo. Cogita primùm quàm remotè à præceptis Dei recessisti , qui deberes Deum ex toto corde diligere , sed creaturam amasti , & in ea totam tuam delectationem & oblectationem posuisti. Sic enim factus es idolorum cultor : nam qui creaturam Deo præponit idolatra est. Negabis te idololatram esse quasi non præponas Creatori creaturam. At si verum fateri vis , plus etiam amicam diligis quàm Deum. Nam quæ Deus mandat negligis , postergas , contemnis ; quæ vult amica summa cum diligentia curas adimplere : & hoc nempe est præferre mulierem

Deo. Heu ! quàm magnum est malum , quàm periculofum , quàm detestabile , creaturam fic amare ut Creatorem parvifacias. Deus cùm non effes & nihil , te aliquid effe fecit , nec te lapidem , nec feram , nec Gentilem , nec Iudæum , fed hominem Christianum te fecit , ut possis fcire divina sacramenta , & viam qua itur ad cælum. Ipse quoque Deus ob culpam primi parentis cùm tu & ceteri homines paradifum amiffifceris nafci pro te voluit , homo fieri , capi , cædi , vituperari , crucifigi , mori , ac fuo te pretiofo redimere fanguine. En quàm magna ingratitude est iniquitas , inhumanitas , feritas , hunc qui tanta pro te fecerit propter vilem relinquere mulierem.

Hoc fatis te ceterofque Christianos movere deberet , ut omiffis illicitis Deo foli ferviretis. Sed cogita ulterius. Quid agis , Hippolyte ? pulchra tibi videtur amica tua , credifne fic femp pulchra erit ? Res eft forma fugax , ut inquit , Tragædus. Mulier quæ hodie formofa eft , cras difformis erit. Quid tu bona perpetua & immutabilia pro caducis mutabilibufque permutas ? Sit ut putas fpectabili forma mulier , leve hoc bonum eft , nihil eft forma mulieris nifi moribus adjuta. Caftitas eft quæ feminas laudat , non forma. Tu non caftitatem fequeris , formam tantùm amas , forma uti flos agri decidit ; rofa mane rubet , fero languefcit. Nihil eft formofius virtute atque honeftate ; hanc fi intueris multò formofior tibi videretur , quàm tua fit amica. Etenim nec lucifer nec hefperrus tam decorus eft , quàm ipfa facies honeftatis ; quam qui relinquit propter mulierem , æftima , oro , quàm fit delirus & amens.

Ceterũ ut tecũ non jam multis utar , hæc quam amas mulier non tua fola eft , fed quamplures eam habent , nec ipfa re folum amat , fed alios quoque amat. Quid tu in turba vis facere ? Cogita te jam effe in vefpero , fenem jam morti proximum ; vifne cum juvenibus contendere ? Vis cum robustis pugnare ? Quid tibi in illo prælio quæris contendere , in quo victor succumbes ? Magna res eft virum fenem à juvenibus extorquere mulierem. Sis tamen potens ut extorqueas ; quid vicifti cùm prælium hujufmodi con-

vincens succumbar. Quid est, oro, mulier nisi juventutis expilatrix, virorum rapina: senum mors, patrimonii devoratrix, honorum pernicies, pabulum diaboli, janua mortis, inferni supplementum. Cogita, Hippolyte, quot mala cum Salomon, cum Holofernes, cum Samson per mulieres decepti sunt. Non te credas sic fortem esse, ut non illudaris; sed quantò tu illis debilior es, incautior, imprudentior, tantò te ab eo loco semove in quo poteris decipi. Nihil est mulieris amor qui cum peccato est. Non est in muliere stabilitas, quæ te nunc amat, cras alium amabit, aut unà tecum amabit alios. Quid tu hunc amorem æstimas, qui in plures divisus est? Nulla mulier tam fixè aliquem amat, quæ veniente novo proco, novisque vel precibus vel muneribus non mutaverit amorem. Mulier est animal imperfectum, varium, fallax, multis morbis passionibusque subjectum; sine fide, sine timore, sine pietate. De his loquor mulieribus quæ turpes admittunt amores: nunquam hæ stabiles sunt: namque ut à recto tramite semel recesserunt, jam se libera arbitrantur, ut quocumque velint vagentur, nec ampliùs vel mariti vel amici timorem habent.

Credo equidem illam coeundi foetidam voluptatem tibi, qui senio exhaustus es, placere parum. Quid nedum tibi antiquo & arido, sed juveni humecto illa mœsta & spurcida voluptas conferre potest, quam mox pœnitudo consequitur? An non magna res est admonitio quædam, quæ post peccatum è vestigio statim hominis mentem cruciat? Quàm iniquus est homo qui totiens admonitus non quiescit, qui penitus non emendatur, qui correctus non efficitur melior. Quid ille actus carnalis operatur, nisi carnis interitum? utinam solam carnem interimeret & non occideret animam. At duo insimul cum uno coeunt viratque femina, quasi duo vasa testea mihi videntur, quæ inter se confricentur donec rumpantur, & ad nihilum redigantur.

Tu tamen non in coitu forsan, sed in visu & sermone oblectaris. Quid obsecro in visu est tam pulchrum ut non invenias aliud pulchrius? Pulchritudo quam debemus

querere in cælis est, cui nulla potest res mundana comparari; in illis omnis perfectio mundana semper diminuta est: illa perpetua, hæc caduca; illa fixa, hæc fluxa. Hanc quam tu miraris formam paululum quid febris eripiet; at si morbus abfuerit, senectus non deerit quæ illam teneram succique plenam, faciémque rugosam crispamque reddet. Fient illa quæ nunc miraris membra decursu temporis arida, nigra, fœtore & spurcitia plena: non oculi splendorem servabunt; fœtebit os, collum curvabitur, corpus undique sicco trunco fiet simile. Cogita hæc & averte priusquam fugæ spem posueris. Melius enim est rem contemnere quàm perdere.

Iam verò de sermone suavi, dulci ac placido & mellifluo, quo te dicis oblectari, admodum mireris. Quid enim sermo mulieris in se dulce habet? Quid tibi dicet amica? Nempe aut queritur, aut plorat, aut minatur, aut munera postulat, aut tibi inanes fabulas refert. Dicit quidcum vicina fecerit, quid somniaverit, quot ova gallina peperit, quibus floribus festa componantur. Omnis sermo mulieris de re vana & levi est, in quo qui oblectatur, & ipsum levem esse oportet. Narrat tibi nonnunquam quo pacto cum alio amatore jacuerit, quid doni receperit, quam cœnam habuerit, quibus voluptatibus usa fuerit; quæ res non gaudium sed cruciatum afferunt. Sed accipe quæ velis gaudia in sermone amicæ, et sine tam amens rationeque inops, ut non magis in alicujus viri docti verbis sermonibusque lateris? Resume omnia simul quæ in amore sunt gaudia; rursus quæ tædia, multa ista, pauca illa reperiēs, veramque sententiam dices illius, qui parum mellis in multo felle mersum inquit amorem esse.

Cùm ergo, Hippolyte, totus amor de quo loquimur vanus, asper, amarus, damnosusque sit, & hominem morbo sævissimo teneat, curandum est ut ab eo libereris. Cura autem hæc est, ut menti tuæ persuadeas malum esse amorem: post hæc declines amicæ sermonem, otium fugias, in negotio semper sis: viros bonos qui te instruant sequaris: nulli ludo, nulli convivio intersis. Si quid largi-

ta est amica abs te abjicias, nihil penes te sit quod illius fuerit. Sint in memoria Christi beneficia quæ tibi impendit; cogita quot benefacienti præmia in cælestibus, & quot malefacienti supplicia apud inferos præparata sint. Cogita dies tuos assidue fieri breviores, instaræque semper ultimum. Cogita quia irrisui est qui amat præsertim vir ævo maturo. Cogita instabilem mulieris animum: cogita dissipationem temporis, qua nihil est perniciosius: cogita perditionem bonorum: cogita vitam qua vivis brevissimam in hoc sæculo, quamvis voluptatibus deditam, & in altero mundo quem inquirimus nullum esse vitæ finem. Hæc si sedulo cogitaveris, præceptaque ista tenueris, amorem quo cruciaris à te brevi tempore relegabis, virumque alium te præstabis Deo gratum, cælóque dignum. Vale. Hæc habui tecum quæ nunc raptim contra amorem dicerem, aliàs ubi otium fuerit pluribus te admonebo. Iterum vale. Quod tibi damno est avertere stude.

*PII PAPÆ II.*

*Carissimo in Christo filio nostro CAROLO  
Francorum Regi illustri.*

An. Christi  
1458.  
die 13. Octob.  
Ex authentico  
Dimitri  
d'Herouval.

LXX. **C**ARISSIME in Christo fili salutem & Apostolicam benedictionem. Intelleximus dilectum filium Guillelmum de Torreta votum emisisse societatem sub vocabulo Iesu nuncupatam, ad Dei honorem, & infidelium oppugnationem noviter institutâ ingrediendi, & in ea una cum aliis pro defensione fidei Christianæ contra Turchos persistere velle. Verùm cum is impræsentiarum in civitate Astensi in tuis servitiis permanere asseratur, & votum suum hujusmodi ac desiderium adimplere nequeat nisi tuæ Seren. licentiâ obtineat. Exhortamur idcirco Celsitudinem tuâ ac rogamus, ut tu, qui Christianissimum nomen à proavis & prædecessoribus tuis clarissimis Regibus per longissimam temporum seriem ductum amplioribus tuis virtutibus roborasti, in hac pia causa non defi-

cias, & præfato Guillermo, quem propter suas eximias virtutes ac merita promotorem dictæ Societatis deputavimus, liberam licentiam concedere placeat, ut cum bona gratia tuæ Sublimitatis recedere, & ad serviendum præfate Societati accedere valeat. In quo rem Deo imprimis acceptam, fidei utilem & necessariam, & honori tuæ Regiæ Amplitudinis convenientem efficies.

Datum Mantuæ sub annulo Piscatoris die decima tertia Octobris, millesimo quadringentesimo quinquagesimo nono, Pontificatûs verò nostri anno secundo.

MARCELLUS.

An. Christi  
1461.

*PII PAPÆ II. EPISTOLA*

*Missa Episcopo Atrebatensi Apostolica  
Sedis Legato.*


LXXI. **V**ENERABILIS Frater salutem & Apostolicam benedictionem. Veniens ad nos proximis diebus dilectus filius PROSPER de Cumulio Orator Ducalis, multa nobis exposuit quæ jocunda cordi nostro fuerunt. Rediit enim proximè ex Galliis, ubi cum carissimo in Christo filio LUDOVICO illustri Francorum Rege familiariter est conversatus. Fuit secum cum in minoribus ageret, fuit & postquam in regnum paternum successit. Minutatim de Serenitate sua volumus cuncta audire, ipse libentissimè omnia retulit. Memorat Celsitudinem suam esse justî & honesti cultricem, devotionem plurimam ad Romanam Ecclesiam gerere, de nobis quoque eum filii caritate sentire & loqui, in omnibus dictis & factis Catholici Principis documentum præstare. Magnum hoc duximus donum, magnum lucrum Apostolicæ Sedis, quæ veræ religionis cultores in tam præclaro Regno posuerit, ut nota nobis hæc fierent. Misit ad nos eundem Prosperum dilectus filius nobilis vir FRANCISCUS Forcia Mediolanensis Dux, pariter & ipse ejus Regis benivo-



benivolentia gaudens. Non dubitamus, bonam mentem suam continua exhortatione augebis, implebísque veri Prælati officium.

Nos ideo hæc ad te scribimus ut spem & consolationem nostram cognoscas, sciásque cœpisse nos mirum in modum suam Serenitatem diligere velle. Quem in omnibus quæ sine offensione Dei poterimus præ ceteris Regibus amplectemur, & appositis gratiis exaltabimus, sperantes eodem erga nos animo ipsum quoque semper futurum. Quam nostram mentem volumus Celsitudini suæ crebrò inculces. Exultavi autem his diebus litteris tuis, quas de intentione sua ad tollendum pragmaticam miseras. Eidem propria manu litteras dedimus, quarum exemplum credimus ad te pervenisse. Itaque hortamur ut omnium quæ diximus frequentem illi memoriam facias. Sunt enim vero corde cogitata & scripta, & in se continent quod non minus ad gloriam suam, quàm ad desiderium nostrum pertineat. Audivimus Cancellarios nonnullos istuc ex regno Neapolitano venisse, à turbulentis quibusdam transmissos: eorum consuetudinem nosti, mendaces sunt & dolosi, semper ad incendendos animos parati. Si aures habebunt nitentur persuadere quamplura quæ forsitan credita non invenientur ita esse ut dicent. Ei rei diligenter intende, & Regiam Celsitudinem doce quales hi homines sunt, & quàm à se repellendi.

Datum Romæ apud sanctum Petrum sub annulo piscatoris die undecima Novembris, anno Domini millesimo quadringentesimo sexagesimo primo, Pontificatus nostri anno quarto.



An Christi  
1468.  
vulg. \* Gco-  
froy.

## IOHANNIS GOFREDI\*

## S. R. E. CARDINALIS ORATIO.

*Harenga facta per Reverendissimum Cardinalem  
Albiensem in Ecclesia Parisiensi anno 1468. qua  
die Cardinalatus dignitatem recepit dominus  
Cardinalis Andegavensis\*.*

\* Iohannes  
Baluz.

LXXII. **S**ATIS, ut opinor, ex litteris quæ recitatæ sunt vobis apertum est ( Reverendi Patres, Principes excellentissimi, viri doctrina & dignitate fulgentes) quàm ardenti studio & exquisitis honoribus Pontifex Maximus Maximo Regum omnium LUDOVICO Regi nostro indulgit, favitque voluntari ipsius & gloriæ. Nam cùm in Ecclesiastica hierarchia tantùm sit Romanæ Ecclesiæ Cardinalibus auctoritatis, quantum noster (ut Canon. Omnis. xxxviii. distinctione loquitur) magnus Dionysius Seraphicis spiritibus, qui rubras flammas effundunt, asserit in cælesti hierarchia esse tributum, atque tantum prærogativæ, quantum Moyses detulit Cherub quæ Arcæ fœderis affixit lege qua possent communem sculptilium legem contemnere: denique tantum amplitudinis quantum Ezechiel Levitis porrigit, qui Summo Sacerdoti sunt assessores, atque in parte interiori templi versantur; intelligere profectò licet maximi fieri à Patre omnium Christianorum Christianissimum Regem nostrum, cujus precibus & testimonio splendorem Cardinalatus ignoto alioquin huic Reverendissimo domino Andegavensi porrexit. Haud secus enim quàm tertii Regum capitulo 7. Salomoni à Rege Tyri datus est Hiram artifex plenus intelligentiâ ad omne opus. Immo verò ut ipse Salomon, quò templum maxima venustate fulciret, voluit editioribus columnis earumque capitellis imprimi lilium; sic non vulgaris, neque humilis, neque insuavis est erga Regem nomen dignitatis; ac benivolentiæ san-

Altissimi Pauli Papæ II. significatio, dum Reverendissimum hunc Patrem Cardinalatu, altissimisque columnis actotius Ecclesiæ sublimioribus coaptavit atque inauravit; vel eo solo quod Rex, qui liliferi Regni personam sustinet, & Aula tota illi testimonium summæ prudentiæ fideique dederunt.

Nam quamvis isti Patri tantum laudis impartior, quantum vigilantissimo viro & sapientissimo homini & callenti usu rerum multarum debetur; quamvis ipsi non adimo scientiam, non illam sophisticam atque volatilem, sed quæ bonis litteris erudita prudentiâ magnâ conditur; quamvis & facillè concesserim, quod Romam secum profectus vidi, ingenium ad cuncta versatile, miram sollicitudinem, summam sollertiam: hæc tamen omnia communia, fortè in multis aliis sæpè jactata non suffecissent. Totum hoc culmen honoris sibi vindicat noster Rex, Regum omnium primus, cujus religioni, sapientiæ, fidei, Christi Vicarius divinam suam auctoritatem non dubitavit adjungere, dum istius quem cernitis capitello lilium sculpsit atque impressit. In quo tamen profectò vix tam peperit Rex huic Rever. Patri hoc honestamentum honoris, quàm iter aperuit ceteris honorum acquirendorū. Iam nempe id verum constat, quod Apius in carminibus scripsit: Vnumquemque fabrum esse suæ fortunæ: dum vident homines hunc Reverendissimum Patrem non desidem obtorpuisse, non inertem timuisse adscendere, ne fortè rueret, instar eorum qui semper jacent, sed generoso animo præscripsisse cunctis exemplum, quo labor Hercules Acheronta perfringit; quo *egestatem operatur* Prov. 10. 4; *manus remissa: manus autem fortium*, ut ait Salomon, *parat divitias*: atque Quintiliano auctore: Qui ad summa nituntur, in cacumina vadunt.

Iam rursus ad dignitates rectus adscensus apertus est, quò Ecclesiastici viri condiscant altrici Ecclesiarum Sedi Romanæ non contumaces fore, sed supplices, dum intuentur quanta severitate ipsa insolentiam aliquorum perstrinxit: contrà verò quanta liberalitate, indulgentiâ, celeritate fidem & studia ipsius reverendissimi Patris

erga se, ad eum qui honorum Ecclesiæ finis est speciosissimum cardinalatus & altissimum gradum provexit. Ipsa enim est ipsa Sedes Romana, quæ illud Proverbiorum octavo clamat: *Ego diligentes me diligo. Mecum sunt divitiæ & gloria, & opes superbæ. In viis justitiæ ambulo, ut diligentes me ditem, & thesauros eorum repleam.* Denique jam palam est, quod in Proverbiis Salomon ait: Quo pacto *Acceptus est Regi minister intelligens.* Et quo modo *Qui diligit cordis munditiam, propter gratiam labiorum suorum habebit amicum Regem.* Atque quantopere Regius honor judicium diligit, dum cuncti cernunt sic honorari, quem Rex voluit honorare. Neque injuriâ. Si enim vel divinis oraculis & lege civili testatum est: *Cor Regis est in manu Domini; & quocumque voluerit inclinabit illud:* nemini certè sine afflatu quodam divini numinis Rex cuiquam diu magnos favores adspirat.

Prov. 8. 17.

Ibid. 20.

Prov. 14. 35.

Prov. 21. 1.

Quanta sit  
Regia dignitas.

Sic se res habet, Patres & Principes, divinam quamdam vim, divinam dignitatem, divinam quamdam religionem possidet Regius honor. Nam & ille, quem Cicero nuncupat Deum Philosophorum Plato in legibus ait, naturâ fieri quod Rex virtute sit universitas: ut durus videretur Deus ac ferreus, si non Regibus peculiari curâ prospiceret, dirigendisque Regum animis inflammato benivolentiæ studio non raperetur. Illud præterea ingenii cæleste fulmen Augustinus in libro Quæstionum veteris ac novi Testamenti: Rex, inquit, quisque etiam gentilis præ se fert imaginem Dei, sicut & Episcopus Christi. Estque in Regibus ordo secretior, cujus merito etiam idololatræ Reges resplenduerunt, cum Pharaô futuram famem præviderit: Nabuchodonosor, ceteris non videntibus, vidit Filium Dei intra caminum ignis ardentis: Salomon quamquam aberrans infusam prius sapientiam sibi retinuit, non suo quidem sed regalis ordinis merito. Quod si Regius ordo etiam Gentiles atque idololatræ divinitatis quadam lucidissima luce collustrat: quid est quod ab Antistite sacrorum impetrare non debuerit Rex religione Christianissimus, Rex solus quem cælestis liquor sacrauit, Rex indole optimus Ludovicus, cælo simillimus Princeps?

In append.

Tom. 4. 35.

sensum potius  
quam verba  
refert Auctor.

\* Lib. iste  
falsè tribui-  
tur Augusti-  
no.

Equidem, Inclyti Principes, non sum nescius homines in theatris ita de quacumque re & sentire & loqui, ut ipsorum simultas atque factio fertur. Atqui si invidi putant huic Reverendissimo Patri eò dignitatis florem dignissimum potuisse pertingere, quò non suapte virtute, sed Regis precibus & commendatione ascenderit: ostendam tanto præclariùs ipsum evectum, quanto veluti luce adjuncta luci, suffragatio, indulgentia, gratia regia divinæ auctoritati Summi Pontificis ad dignitatem istius Patris accessit. *Quomodò, inquit Salomon, probatur in conflatorio argentum, & in fornace aurum: sic probatur homo ore laudantium.* Et quæ magnificentior vel præclavior laus eâ, quæ proficiscitur à laudatissimo Rege? Ea siquidem est, ( ut Aristippus Diogeni succenset ) non solum laus maxima, sed mater omnium virtutum posse & bene scire Regibus uti. Cur ita? Quia ut Plato scribit ad Hieronem, unica tantum est virtus, quam stabilitatem animi nuncupat. Nam reliquæ illæ, quæ dicuntur virtutes, non sunt virtutes, sed ornamenta istius. Atqui ut montium vertex variis ventis circumflari videmus, isthîcque arbores altas atque robustas evelli stirpitùs: sic aula Regum pariunt dissensionum procellas asperrimas, quas perferre diu non potest, nisi vir fortis ac propositi tenax. Quo pacto? Quia ( ut Cicero in Verrem oratione quinta dixit ) videmus quanto in odio apud quosdam nobiles homines sit novorum hominum virtus & industria. Si tantulum oculos dejecerimus, præsto esse insidias: Si locum aperuerimus suspicioni vel crimini, accipiendū esse statim vulnus: esse nobis semper vigilandum, semper laborandum: inimiciæ oportet subeantur, pericula suscipiantur. Etenim tacitæ magis & occultæ inimiciæ vitandæ sunt, quàm indictæ & apertæ. Non hominum nobilium ferè quisquam industriæ novorum favet: nullis officiis allicere illorū benivolentiam possunt quasi natura & genere disjuncti sint, ita dissident à novis hominibus animo & voluntate. Quare quid non habent inimiciæ in aula Regum periculi, cum amicos jam habiturus sis inimicos & invidos, antequam ulla inimicitias susceperis?

Hiccinē igitur Reverendissimus Pater dominus Andegavensis vobis videtur constans & fortis, qui suapte virtute totius aulæ vicit invidiam, & velut arbor in immensum succrevit magis semper & floruit? Quo uno quid mirabilius? Non Charybdim tam infestam nec Scyllam navibus Cicero putat, quàm aulæ Regiæ motus. Habet nempe, ut Quintilianus loquitur, natura animi sublime aliquid & impatiens superioris. Ex quo etiam inter Angelos, ut Hieronymus ait, regnavit invidia. Livius quoque ob id Scipionem etiam à Catone allatrari solitum refert. Ipse quoque Plato Græcorum sapientissimus in aula Dionysii Regis Syracusani: Callisthenes quoque in aula Regis Alexandri Magni: Demetrius Philosophus nobilis sub Phalereo Demetrio Regiæ aulæ pericula non effugerunt, cùm alter bonis excussus, alter ab Alexandro Rege occisus, tertius aspide admota corpori necatus sit. Hiccinē ergo Reverendissimus Pater vigilans vobis fuisse videtur ac temperatus, qui velut Vlysses Calypsonis atque Circes præcepto tot annis inter fumum & flammam navem rectè adegit?

Adde quod prudentiam spectat, cùm tot sint latebræ in animis hominum, tamque alti recessus, cùm aulam sæpe immergitet obfucata malitia, fallax, condita artificio simulationis: cùm velut maximum mare, fretum aut euripum nunquam quiescere, sed semper agitari cernamus regias aulas: cùm totam aulæ de homine opinionem parva nonnunquam commutet aura rumoris. Nonne necessitas est ut prudentissimus sit, turbari qui nesciat, & tot variis rebus induci in laqueum? Ita profectò. Magnaque & admirabilis laus prudentiæ ornat hunc Reverendissimum Patrem, qui semper gravior Regi non retinuit solum sed auxit in tam variis rebus auctoritatem.

f. \* ars  
Plautus.

Sed hæc quoque pars\* justitiæ specimen flagitat. Astutum, inquit Comicus, versutum, callidum hominem aula deposcit, qui vultum è vultu comparer, bonus sit bonis, malus sit malis, harpaget pluribus, utcumque res sunt, ita animum habeat, multa simulabit invitus, & dissimulabit cum dolore, placebit multis simul & Regi.

Quæro quæ justitia libratior existimabitur inter eos, qui sibi fortè parum consentiunt, cùm alter alteri diversa dicat, quàm ut statuas vel dicas aliquid, quod utrique partium prosit aut placeat, & non in mendacio vel cupiditate nocendi deprehendaris, tibi quæ retineas famam justitiæ, atque istius virtutis inter tot ignes viriditatem? Si quidem ex icotibus\* argumentabimur. *Vidisti*, inquit Scriptura, *virum velocem in opere suo: coram Regibus stabit. Unguento*, inquit Salomon, *& variis odoribus delatur cor; & bonis amici consiliis anima dulcoratur*. Quapropter magni consilii sit, magnæ diligentiae, magnæ justitiæ, admirabilis temperantiæ, divinæ constantiæ & fortitudinis, quisquis Regibus assidet primus vel inter primos. Nam & jure Gentium stabilita Regia dignitas non allicitur repugnante Minervâ. Atque (ut Cicero pro Lege Manilia dixit) Regale omnibus gentibus nomen magnum & sanctum esse videtur.

\* A verisimili.  
Prov. 22. 29.  
Prov. 27. 9.

Debuit igitur futurus Cardinalis, locandusque inter Ecclesiæ Principes, antea in aula Regis, veluti aurum igne purgatum, liberatus existimationis metu, defunctus honoribus, designatus Consiliarius, tamquam in palæstra rerum variarum formari, indeque detrahi; quia ita ad consulendum Ecclesiæ quisque rectè movetur, ut est experimento rerum variarum antè formatus. Id nempe video in more Sedis Romanæ positum, non modò nostræ ætatis, verùm etiam superioris instituto servatum, ut Cardinales arcefferentur qui videbantur in aula Regum florere. Nam ut omittam Reverendissimum dominum Constantiensem, Consiliarium Caroli VII. Ut illum magni nominis Cardinalem Ambianensem prætermittam, qui omnia pro nutu atque renutu sub Carolo V. moderabatur: Ut fileam VRBANUM V. atque Clementem VI. arcessitos ex consilio Regum nostrorum, evectosque ad fastigium Cardinalatus. INNOCENTIUS IV. ex primo Consilio primi FREDERICI Imperatoris hanc dignitatem conscendit. CALIXTUS etiam nostri temporis optimus Pontifex quam habuit laudem, quæ ipsum ad Cardinalatus culmen extolleret? Itidem Pontifex Pius pro-

Errat Aug.  
Gor. Etenim  
Urbanus V.  
nunquam  
fuit Cardinalis.

Hic deest  
nonnulli.

vetus est in Consilio ALFONSI Regis Aragonum ac FREDERICI nunc imperantis. Neque id mirum: tanti nempe est elucere in Consilio cujusquam Regis, quanti lex sacra æstimat Ioseph Consiliarium Regis Ægypti; aut Danielem Regis Balthasar, aut leges civiles Silentianos: Denique quanti vetustas, quæ Promethæum Diis consecravit, veluti Iovis Cretenfis Regis Consiliarium, & Tiresiam Apollinis, Solonem Croesi, & Homericum Phœnicem Achillis, aut Æneæ Virgilianum Achatem, aut Mæcenatem Octaviani, aut illum, quem Aristoteles in Politicis optandum docet, Nestorem Agamemnonis Consiliarium.

Quis est hic Nestor? Me certè stimulat Regis Regum Agamemnonis, & invictissimi Regis nostri LUDOVICI similitudo, atque divina laus, quæ me ad se rapit velut flumen, quod occurrenti fossæ infunditur. Iste est Nestor, *cujus lingua placabilis*, ut Scriptura loquitur, *lignum vitæ* victoriâque Græcis peperit, dum Achillis avertit violentum furorem. Iste est cujus consilio non Diomedem, non Ajacem, non Achillem, sed multiformi pectoris virum Vlysses Rex Agamemnon sentit ac prædicat finitorem bellorum istius suasionibus. Ipse Rex Agamemnon omnium Græcorum sine controversia Princeps, Achillis sibi subditi mollivit iras donis & precibus, cum illum posset & coercere armis, & comprimere robore militum ac multitudine. Sic nempe ut apud Sicula\* scripsit, Nestor Agamemnoni persuadebat, sic hortabatur: Non tibi Achillem vincere, sed Troiam delere studium sit.

\* Id est Homerus.

O Rex Agamemnon, tunc te ipsum ferro attinges? Tunc Græcorum exercitui subsidia belli Achillem; tunc robur tuum tibi eripies? Tuâne vim & manus tibi ligabis? Civitatûne deprædatorem Achillem, castrum infrangibilis defensionis à Græcis abjicies? Vtrum pulchrius vincere putas vel verbo, vel vi: cum illud proprium Deorum & hominum sit; istud verò sibi bellæ arrogant, à quibus constat homines robore ac celeritate vinci? Victor victorum eluces, si animum potius viceris, quam animus



animuste. Non in omnia in quæ poteris impetum facias, sed in id quod principaliter est expugnandum : pars tui exercitûs, pars tui roboris Achilles est. Tuum est, ô Rex, dum ista Trojanorum tempestate jactamur & fluctibus, allicere tuorum Procerum voluntates alienas, partas retinere, placare turbatas. Hoc miror, hoc queror quemquàm hominum Regi persuadere, ut navim perforet in qua ipse naviget. Navis est Regnum Græcorum, ô Rex Agamemnon, in qua tu prœreta & gubernator. Navem si dimittis, neque tu neque Achilles eam habebitis, cum tota sit interitura qualibet divisione. Hæc Nestor Agamemnoni. Dicite obsecro, Principes, putatisne fuisse divo LUDOVICO Regi nostro in divinis suis Consiliis aliquem Nestorem? Putatisne ipsum memorem fuisse dicti, quo sapiens: *Melior, inquit, est patiens viro forti: & qui* PROV. 16. 32.  
*dominatur animo suo, expugnatore urbium. Melius est* ibid. 19.  
*humiliari cum mitibus, quàm dividere spolia cum superbis.* Quippe qui scitus & moderatissimus Princeps ex periculis plurimis & insidiis non ad gloriam inanem, sed ad sui regni salutem reservatum se sciens, omnium consiliorum suorum rationes ad utilitatem regni sui convertit.

• Duo quidem lumina & ornamenta Regni Francorum, Duces Burgundiæ atque Britanniæ falsis suspitionibus incitati, ut filii à parentibus sæpe dissentiant, secedere à suo Rege videbantur : undique bella fremebant<sup>s.</sup> f.\* fervebant. Illis teterrimis bellorum principiis, cum quid tanti Principes sentirent nesciretur, objecit magnanimus Rex tres exercitus durissima fronte collectos, & qui cælum ipsum poterant irrumpere : sed, ô dulce invicti Principis ingenium ! ô sapientiam divinam optimi maximi Regis, qui hominum utrimque suorum cædem in societatem, furorem belli in foedus arctissimum, altercationem irarum in benevolentiam certamen ita convertit, ut quomodo Hectoris & Ajacis post acerrimum conflictum, aut David Ionathæ; sic Regis & bellicosissimi Burgundionum Ducis anima animæ conglutinata cernatur. Nam Brittonum Ducem cum exercitus Regius illius terras & munitissi-

mas arces vi irrupisset, cum posset omnia, tam molli articulo tractavit Rex sapientissimus, ut inter ipsos non hostilem contentionem, sed familiare dissidium diceres incidisse. Cognoscite Francorum populi, cognoscite Regem memorem vestri, oblitum sui. Ecce enim Rex Ludovicus idem ipse, qui (velut veteres scribunt) Delphinem super tergum Arionem quemdam per medios maris fluctus tulisse, in obsidione Pontifaræ castra paterna puer tutatus est. Iste, qui ocior fulminis alis, erumpentem conspiracy periculosam in Aquitania armis, astu, celeritate prorsus obtrivit. Iste, qui tunc formidatos omnibus gentibus Anglicos pone oppidum Diepes, cum militum numero, & arce inexpugnabili cuncta contemnerent, irrupit, vicit, occidit, patrique peperit armorum felicitatem. Iste insuper, qui Helvetios & Suiceros à tempore Cæsaris semper victores prope Basileam fudit & vicit. Denique iste idem Ludovicus est, qui supergressus ceteros Franciæ Reges, ereptos ab Hispanis & Celtiberis Galliæ fines Perpinianum munitissimam urbem, Empurias, Rossilionem, & ferè trecentas arces, iuga Pyrenæi montis, ut olim Cyrus Medos regno Persarum, regno Francorum armis restituit.

Lucanus.

\* Suppositia hæc epistola Cai Cæsaris, de Bruto,

Numquid ergo nunc ipsi magnitudinem animi, consilium, potentiam, exercitationem bellicæ artis defuisse putatis? Minimè. At illam ipsam vehementem aciem, quam sibi tunc & tempus, & pater, & regni dignitas imposuit, nunc certè regia dignitas & sanguinis sui dulcedo, & Nestoris sui consilium sacrum detraxit. Quid ita? Profectò quia divinus Homerus Regem pastorem populorum appellat. Plato verò in politia scribit divinitus, bonum pastorem & medicum non quod se deleat inquirere, sed quod gregi profit vel ægrotanti. Et Cæsar quidem tametsi furens in arma nisi sanguine fuso nullas gaudebat vias habere; aliam tamen personam adversus externos hostes, aliam bello civili sumpsit. Nam & in Pharsalica pugna illacrymavit, & cum ad amicos scriberet, nullam mentionem fecit tantæ victoriæ. Sic nempe in una epistolarum\* suarum loquitur: Non est ingenii mei, Bruti injurias

meminisse in nostros cives : quas ego si ulcisci possem, tamen oblivisci mallem. Alio transferenda arma mea : donis qui sanari non potuerunt, bellum geram cum tumidis, amicis ignoscam, proditores vix vindicabo.

Videte igitur, Patres & Principes, ut in illo Salomonis iudicio, cum inter duas mulieres disceptaretur, commota sunt viscera matris, quæ malebat etiam alteri dare infantem integrum, quam dissipari. Videte verissimi Regis sacros instinctus, qui florens opibus, viribus insuperabilis, maluit animi & voluntatis suæ flexu retinere subditorum pacem, salutem, otium, bona, fortunas, quam periculosa alex tractare opus, qui utcumque victor suas vires proprias attrivisset, suum robur dissipavisset. Videte, ut spretâ interdum gloriâ, cumulator redit. Atque ut, Salomone auctore, humilem suscipiet gloria. Quod enim victoriae genus Regi accidere potuisse putatis illustrius, quam exercitus hostiles, cum opibus, armis, viribus plurimum possent, sibi adjungere? adjunxit; illis præesse? præfuit; imperare eisdem? imperavit; quorum Dux studet nunc Regi tanto ardentius, quanto ferocius antea visus est dissidere. Iactent Romani suos Reges, Duces, Imperatores. Iactent & Græci, si libet. Epaminondas quidem docuit, ut in navigando cedere tempestati esset summæ artis ac sapientiæ, si modò navem ad portum tutum deducas: sic feliciorum atque illustriorem esse victoriam, illam si flexu animi & ingenio pares, quam cruore vel ferro. Illam præterea Trojanam victoriam Minerva peperit; tutor verò Trojanorum Mars violentus illi concessit; plurisque fuit ligneus equus, quam secures & enses. Omnium Ducum profectò præcellentissimus, atque flos illibatus victoris gentium Romani populi Scipio sanxit: nullum victoriae genus altius & dignius, quam ut res ad id quod velis efficere perveniat; aut eò deducere hostem, ut tuus sit; atque ut illi quasi non invito quod velis extorqueas. Qua ratione adductus Scipio ipse speciosissimum sibi victoriae culmen putavit, vincere Celtiberos muneribus & donis & temperantiâ, non cruore & ferro. Laudat Livius Latinum Regem, quòd contra

Æneam Trojanorum ducem cum armatus progredere-  
tur, aciesque struxisset, ad Æneam tamen hostem suum  
processit; cuius admiratus nobilitatem, maluit advenas  
sibi conciliare donis, fœdere, affinitate, eisdemque fa-  
cere Latinos & sibi subditos, quàm victoriâ vincere ple-  
nâ discriminis.

Si mansuetudo & sapientia illius Regis in advenas lau-  
datur: quid Ludovico Rege divinius, qui Principes, quos  
communis sanguis, quos Regiæ domûs dignitas, quos  
amor Franciæ dulcissimus abstractos non revocabat, pa-  
tientiam suâ lenivit, & lingua molli fregit durissimam dis-  
fensionem. Laudatur Romulus, qui inter acies dimican-  
tēs cum esset longè superior, Melium \* Ducem Sabino-  
rum allicere quàm vincere maluit, nec pacem modò sed  
civitatem unam ex duabus effecit, Regnum consociavit,  
Imperium contulit: ita (inquit Livius) geminata urbe,  
ut non modò commune, sed consors etiam regnum Prin-  
cipibus duobus fieret; quo fœdere factus est Romanus  
populus domitor orbis. Mittò Menenium Agrippam,  
qui Porsenæ hosti Romanorum, ut hospes ex hoste fieret,  
partem agri Romani contulit: idque illius Plutarchus ad  
summam gloriam trahit. Si in exteros illius viri prudentia  
& liberalitas laudibus in cælum fertur, cur non Ludovici  
Regis in suos; quando, Salomone auctore, *Munus abs-  
conditum extinguit iras; & donum in sinu indignationem  
maximam.* Quando ut vidimus, tumentes nostra dissen-  
sione Britanni\* quâ solâ fortes sunt, erexerant animos,  
struxerant classem infaustam, quam sapientia Regis no-  
stri repressit. Quando præterea Turcus orbis archipirata  
omnia vexat, omnibus imminet. At testimonio Caii Cæ-  
saris, Totius Galliæ consensui ne orbis quidem terrarum  
possit obsistere. Denique si bene Ennius Quintum Fa-  
bium & Maximum nuncupat & laudat his versibus:

*Vnus enim nobis cunctando restituit rem;*

*Non ponebat enim rumores ante salutem.*

Nónne vobis videtur Rex noster Ludovicus eo subli-  
mior, quo auram vulgi contemnens, non inanem rumo-  
rem est aucupatus, non falsæ laudis & gloriæ umbras est

f. \* Tatium

Prov. 21. 14.

Id est. \* An-  
gli.

Verba sunt  
Vercingeto-  
rigis apud  
Cæsarem in  
lib. 7. de bel.  
Gal.

consecratus : Sed ita salutis regni prospexit , ut cum nuper omnia direptionibus & miseranda præda agricolarum infesta essent , subito urbes pacatæ , agri Francorum Principum statûs integri floeant. Ergo Ludovicus Rex fundator pacis , restitutor quietis dono quodam providentiæ genitus , in quo Regia dignitas totas sapientiæ , fortitudinis , temperantiæ , mansuetudinis vires experirerur , velut Agamemnon sui Nestoris sacro consilio , belli plusquam civilis tempestatem felicissima facilitate discussit : ut vos , carissimi Principes , scitis & testes estis , Reverendissimo domino Cardinali Andegavensi affectatore , interventore , consiliario. Iustè igitur celsissimam istam Cardinalatûs sedem reverendissimus Pater ipse conscendit , cum ut sapientes advertunt , furorem iræ resedârit Præses impulsus sapientiâ istius Patris.

Atque juvat & certè decet , Reverendissime Pater , ut dignitatis Cardinalatûs flosculos quosdam carpam atque delibem , quatinus mente memori , & gratissimo animo quantum Pontifici Regique debeas , recorderis , quotiens adspicies tantos honores tibi Regis precibus condonatos. Fontem equidem gloriæ , & segetem honoris arbitrator in ipso Cardinalatu , qui Christi Vicario , etsi vinciri vel uniri non posse dixeris , alligatur. Neque enim est nova & recens hæc dignitas , ut blaterantes quidam halucinantur. At ita garriunt , quia putantur esse multa nova , quæ perverusta sunt , sed inaudita indoctis.

Quamvis autem apud veteres in limine templorum picta Angerona Dea , digito admoto labellis jubebat viros sacra cernentes fore conticuos\* ; quia hominum religiones longè maximis atque occultissimis cerimoniis continentur , proindeque satis esse deberet observantia totius Ecclesiæ , quâ Cardinales , velut illa quæ dixi Cherub , quæ Moyses arcæ fœderis impressit , eminent Principes in tabernaculo Dei. Si tamen vetustas Cardinalium desideratur , ( cum omnium Philosophorum consensu denominativa illis à quibus exoriuntur coætanea sint ) dum primi Regum 2. Capitulo , *Domini sunt cardines terræ , & ipse posuit super eos orbem* ; profectò & cardo & Cardinalis sub

*Id est \* tacitos.*

ipso mundi nascentis ictu nomen accepit. Iulius quidam Maternus, elegans auctor & nobilis, in libro suæ matheos quasdam stellas præcipuas omnium siderum affert affixas Soli, quas cardinales appellat. Infirmitatem verò virtutes omnium virtutum primas, nuncupari cardinales virtutes, omnium Philosophorum greges urgerent. Sed quid ista confector, cum Clemens in Stromatibus suis Iohannem, Iacobum, Paulum, Linum, Anacletum, sese, item Silvanum, decem præterea viros sanctissimos asserat beatissimi Petri coadjutores & Cardinales? Textus præterea Decret. lxxix. Decretorum distinctione: Oportebat, inquit, ut hæc sacro sancta domina nostra Romana Ecclesia ritè ordinaretur, sicut à beato Petro statutum est, & unus de Cardinalibus Presbyteris, aut Diaconibus in ea præficeretur. Verùm equidem in his non magnopere nitor, cum ut emineant fastigia turrium, latent fundamenta: estque semper in rebus altissimis origo suppressior. Si verò flagitatur Cardinalium dignitas & altitudo, hanc ab Apostolis adscitam & acceptam, Imperator & Reges, nisi insulsi sunt, tanta religione publicè & privatim tuentur, ut Cardinalibus Regum nullus se præferat. Atque ne longè petam exempla, constat ex actis celebratissimi Concilii Constantiensis, primùm Cardinalibus, deinde Sigismundo Imperatori, tum Patriarchis sententiæ dicendæ locum datum fuisse: isthïcque constitit (quod canon Hieronymi causâ decima-sextà, quæstione prima. Cap. Ecclesia instruit) Cardinales existere Senatores totius Ecclesiæ, legum sacrarum, iudiciorum, juris auctores. Vultis hîc comparem civilium dignitatum omnia culmina? Vultis Senatores quibus per legem jus Senatorum de dignitatibus libro xii. Codicis, Imperator se lubens annumerat? Hos certè xvi. distinctione, canon, Constantinus: Non supergredi Cardinales ostendit. Sed à Cardinalibus vinci, quos & Clerum Romanæ Sedis Senatorum dignitate illustrat.

Vultis Consules? per legem secundam ff. de origine juris, suffectos atque suppare Regibus: & quibus lex antiquitus de Consulibus libro xii. nihil altius putat;

Imperatorius ille Canon quidquid dignitatis, nominis, ornamentorum Consulibus unquam tributum est, Cardinalibus porrigit, celsioribusque insignibus Consules à Cardinalibus ostendit vinci. Vultis denique illud culmen dignitatis, quod ( ut textus capituli Hadrianus. LXIII. distinctione docet ) Concilium Lateranense putavit dignum Christianæ religionis propugnatore Carolo Magno, dignum præmio pulcherrimorum factorum ipsius, dignum regno Franciæ atque ista arce Christianæ religionis, dignum quod supergrederetur regiam altitudinem ac dignitatem, ab Hadriano Papa dicatum Carolo Magno veluti præcellentissimum honestamentum omnis honoris, dignitatem dico patriciatus? cardinales esse Patricios, indèque Regibus nusquam inferiores Imperatorius ille Canon declarat.

Equidem Episcopis non aufero & Patriarchis locum & typum Apostolorum qui Actuum xx. capitulo scriptus est. Atque etiam xxxv. distinctione Decret. Hieronymus Presbyter & Cardinalis, Cap. Ecclesiæ Principes. Nos, inquit, in Apostolorum loco sumus. Illi Dispersorum, ac Cardinales Collectorum in Summo Pastore Apostolorum figuram sustinent: illi tanquam in arca Noë <sup>f. \* distinctis.</sup> tristegis districtis\* limitati sunt ac diocesis certis & finibus: Cardinales verò ut univèrso prospiciant sunt instituti. Ergo ut in Philippicis Lucius Flaccus Flaminem Præsuli præfert, eo Episcopis & Archiepiscopis usitatus honos & pervulgatus Cardinales vult antecellere, quo omnis uni parti totum, speciei genus. Etenim omnium sacrorum Ordinum vertices omnes sacro collegio sunt illigati: atque, nisi refragari voluerimus Dionysio Magno in Hierarchia Ecclesiastica, illi primi sustinent locum, qui Summo Præsuli majori connexionе junguntur. Itaq; ut in structura Rationalis Aaron duodecim lapides simul junguntur, omniàque coagmentata, & fortiora sunt: & venustiora, quàm dissipata & distantibus locis posita, elucere cernuntur: ex quibus oritur mira sublimitas, quæ Pontifici maximo proxima supra cunctos Ecclesiasticos status sine arrogantia notis attollitur.

Multa profectò divinitùs in hanc sententiam liceret scripta producere, sed nihil præclarius arbitror eo, quo xxii. Decret. distinctione, capitulo Sacro-sancta, Ecclesia Romana omnium Ecclesiarum caput & cardo est. Quid enim dignius capitis & cardinis conformitate? Quid capite altius? Quid ipso cardine robustius, qui ostium sustinet, per quod, nisi latrones sint, omnes ingrediuntur sanctum ovile? Ista est, ista capitis & cardinis sacra conformitas, ut *Archidiaconus* LXIII. distinctione, capitulo, *Tibi Domino*, scripsit: quâ juramentum fidelitatis à multis Regibus & ab ipso Imperatore præstitum Pontifici, & Cardinalibus scitis ab ipsis porrigi legibus. Ista est unitas, quâ non modo in Iliade splendet cum Iove Deorum sacer concessus; sed attestante Propheta, Deus stat

*Psal. 82. 1.* *in synagoga Deorum, & in medio Deos dijudicat*; dum Ecclesiæ vir maximus Pontifex elucere putatur, *Quando* (ut Proverbiorum ultimo scriptum est) *sederit cum Senatoribus terræ*. Ista est insuper capitis & cardinis unitas, quam consecratus sanctus Silvester, quasi cælo tantum Cardinales ferre innocentiam debeant, perstrinxit illam (secunda, quæstione v. Capitulo *Præsul*;) convincendorum Cardinalium difficultatem. Quid dixi difficultatem? Immo verò præter casum hæresis aut schismatis, quibus Decretalis, *ad succindendos*. de Schismaticis libro 6. prospexit (nisi refragabimur aquilæ juris Innocentio IV. in Capitulo 2. de Clericis non residentibus) ista unitas etiam Romano Pontifici Cardinalium deponendorum nisi per Concilium universale sustulit auctoritatem. Denique ista unitas est capitis & cardinis, propter quam omnium Iurisperitorum doctissimus Ostiensis in Capitulo *per venerabilem*. Qui filii sint legitimi, Cardinales in plenitudinem potestatis assumptos dicere audet, & rectè audet. Confringat quisquam sanè in sua doctrina Conciliorum Decreta; opiniones omnium Doctorum perumpat; evolet acumine sui ingenii & argumentorum subtilitate; mihi credite, indissolubilibus laqueis implicatur, quotiens Hilarium de Sede Romana nostròque sacro Senatu asseverantem audiet illud ab Isaïa dictum:

*Erit*



*Erit in novissimis diebus præparatus mons in vertice montium; ad quem confluent omnes Gentes. Credentne ipsi Cardinali Hieronymo, qui licet ferarum scorpionumque socius omnem pompam vitaret, dixit tamen super Isaiam ipsius Prophetæ de Ecclesia præsentis temporis & Sede Romana dici divinitus: *Ædificabunt filii peregrinorum muros tuos; & Reges eorum ministrabunt tibi. Gens enim & regnam quod non servierit tibi, peribit; & Gentes solitudine vastabuntur. Venient ad te curvi filii eorum, qui humiliaverunt te, & adorabunt vestigia pedum tuorum omnes, qui detrahebant tibi, & vocabunt te civitatem Domini, Sion sancti Israël. Pro eo quod fuisti derelicta & odio habita, ponam te in superbiam seculorum, gaudium in generationem & generationem: suges lac Gentium, & mammillâ Regum lactaberis: & scies quia ego Dominus salvans te, & redemptor tuus fortis Iacob.* Hic est, ô Principes, summi Pontificis & Cardinalium defixa dignitas: hic ejus; cui nunc cooperatur iste Reverendissimus Pater, dignitas Senatûs nostri: hic Apostolicæ Sedis illa majestas, quam vester heres Carolus Magnus tanti putavit, ut ante acceptas imperiales infulas isto titulo gloriaretur: CAROLUS MAGNUS FRANCORUM REX, URBIS ROMANÆ PATRICIUS, HUMILIS ECCLESIAE ROMANÆ DEFENSOR.*

Non potes igitur, Reverendissime Pater, propius, ut aiunt, cælo pedem conferre, aut volare altius, quam cerni quasi provectus atque statutus inter custodes arcis, capitis, cardinis omnium Ecclesiarum.

Itaque, Patres, Principes, si Moyses potestate accepta circumfuso nitore ad populorum concionem processit: si afflatus ipse Legislator divinus & Princeps populi divino Spiritu, ne Sacerdotii dignitas fortè vilesceret, omne genus pretiosi cultûs Aaron detulit, & Exodi 39. columnas templi colore rubro ornavit, ceteras verò partes suppressiore colore. Si, Parabolarum ultimo, mulier fortis, & ipsa Ecclesia victrix & retinens semper laureæ viriditatem, bysso & purpurâ ornatur. Egredimini & videte non Regem, sed cui Reges non insulsi concedunt. Vide-

te si non Salomonem, confectatorem Salomonis: qui pacificus docuit, quomodò lingua placibilis est lignum vitæ: in tempore iracundiæ factus est reconciliatio. Videte in diademate suo, quo coronavit illum mater Romana Sedes in die lætitiæ cordis ejus.

Multas quidem res pretiosas diligentia Romanorum Principum Senatoribus & Consulibus ducibus suis ornandis pervestigavit, fasces, secures, sellam curulem, togam prætextam, trabeam, equos candidos, tubas, listores, militaria signa, aquilas, & fulgentia per aërem vexilla. Atqui pileus & diadema tamquam sphaera omni contagione carens Diis sacrabatur, Flaminibus, ac Pontificibus. Quid est hoc? quo jure dices, qua lege, quo exemplo, qua potestate exoritur pilei tanta majestas? Equidem non infitias eo, quædam in pileis gratia significationis, quædam decoris assumi. Atque si Juris Canonici auctoritas desideratur, ut Canon, Cleros, xxi. Decretorum distinctione, affirmat, pileus ad eminentiam summæ dignitatis inventus est. Si Lex Civilis spectatur, videolegem, *Temperent*. Et legem, *Valeria*. Codice de vestibus olobêris, libro undecimo, quæ vetant conchylii, muricis, purpuræque colores, præterquàm Imperatorio culmini tribui. Video legem, *Nemini*, de Consulibus libro Codicis xii. sanxisse, ut ipsâ quam sine controversia Imperatorius Constantini Canon Cardinalibus, more majorum tribuit, purpurâ adornaretur. Si lex divina spectatur, ut Iosue secundo capitulo, funiculus ille coccineus salvat domum Raab in direptione Hiericontina. Iste color pilei nostri, ne quisquam personam Cardinalis attingat, ita deterret. Quædam decretalis Felicis de pœnis. lib. 6. 36. c. pœnas illi vixdum audito sacrilegio fixit atque infixit. Immo verò ut meretricis Raab domum salvavit color similis colori quem gerimus, asserit Baldus acutissimus Doctorum omnium, in lege addictos, Codice de episcopali audientia, Liberandum à morte illum qui adjudicatus sit ultimo supplicio, si fortè obviaverit Cardinali. Quam quidem pilei nostri dignitatem

quanta severitate, quantâque diligentia populi servant, vidi ego Senis, vidi Colonia, isto Pontifice Paulo tunc Cardinale sancti Marci, & Nicolao Cardinale sancti Petri ad Vincula, interventoribus & liberantibus addictos morti.

Sed ut revertar ad Ius Canonicum atque Ecclesiasticum, pileus Flaminibus & Archiflaminibus, ( ut ille Canon *Cleros* declarat ) erat specimen honoris altissimi. Tertullianus autem in libro quem de pallio scripsit, id tractum docet ab eo ritu, quo Diis omnibus vetustas pileum consecrat, pari quidem figura, dispari gloria: ceteris nempe Diis pullus & niger pileus tribuebatur: at soli Iovi & Mercurio flammeus & rubeus, ut insigne cæleste summa potentia & sapientia sibi conjungeret. Et Episcopis quidem ac Patriarchis pileus ornatus est, ac eo suppressior, quo sidera in sole desinunt cerni, noster autem fulget ut ignis, splendet ut carbunculus preciosissimus, coruscat ut sol. Atque ut Hieronymus ad Fabiolam de vestibus sacerdotalibus scripsit, pilei species media sphaera est, quâ Cardinales Pontifici excubant, qui orbem potestate complexus, quod Deuteron. 17. quod Decretali *per venerabilem*, qui filii sunt legitimi, scribitur; simulque Cardinales tanquam cum Moyse Levitici generis Sacerdotes judicant orbem; sive ut Rabanus interpretatur, quod velut boves duodecim in templo Salomonis orbem, ac fusile illud miræ pulchritudinis mare sustentant. Sic cervicibus, fidei, sapientiæ, religioni Cardinalium totius orbis cura atque pondus impendet, haud secus quàm apud Veteres Atlantis & Herculis capitibus fertur sustineri cælum ne ruat.


Epist. 128.  
ante med.

Pileo insuper sic omnis Ecclesiasticæ Hierarchiæ vertices alligantur, quomodo Auctore Dionysio figura & virtus ignis illuminat, purgat & perficit, inferiorumque graduum omnem vim allicit & trahit ad se cuncta communicans eis, quæ summa supremo præsidi propinquiora sunt attributa, ne fiat Hierarchiæ Ecclesiasticæ ordo similis agmini, eosdem lixas habenti quos Duces & sum-

S f ij

mos milites. Denique pileum tibi, Reverendissime Pater, largitur Pontifex obsidem fidei tuæ, qui etiam tuum sanguinem pro fide & Ecclesiæ Romanæ dignitate reposit. Non satis autem honorem iudicii cælestis intelliges, nisi ex hoc oneris quoque magnitudinem metiaris. Quod enim præsentius putas tuæ fidei pignus, quam cocci-neum colorem adjectum pileo, ut tuum sanguinem quasi depositum sacrum dignitas Sedis Romanæ & Religio Christiana reposit, ut nullas contentiones, nullas inimicitias, nulla pericula, nullam vitæ dimicationem pro fide atque Sede Romana umquam declines, cui te redimiculis pilei chordonibusque illigabit Reverendissimus dominus meus Avinionensis senior noster, qui tuo capiti purpuram regiam, qui diadema imponet, qui tibi verticem tribuet omnis generis omnium ornamentorum.

*Finit Harenga per Reverendissimum Cardinalem Albiensem, Abbatem quoque sancti Dionysii in Francia composita, propositaque in laudabili Ecclesia Parisiensi Dominicâ primâ Adventus, Anno Domini millesimo quadringentesimo sexagesimo octavo, quâ die Cardinalatus dignitatem recepit Reverendissimus dominus Cardinalis Andegavensis per manum Reverendissimi domini Cardinalis Avinionensis.*



SIXTI PAPÆ IV.

*Carissimo in Christo filio nostro LUDOVICO  
Francorum Regi Christianissimo.*

An. Christi  
1474.  
Ex Ms. cod.  
D. d. Heron-  
val.

LXXIII. **C**ARISSIME in Christo Fili noster salutem,  
& Apostolicam benedictionem. Quoti-  
die ad nos perfertur ex querelis multorum, concordata  
inter nos & te non observari, sed provisiones Apostoli-  
cas deferentes capi, & contumeliis & injuriis affici, quod  
est nobis & molestum, & de Majestate tua, quæ Chri-  
stianissima est & Apostolicæ Sedis observantissima, sem-  
per fuit creditu admodum difficile: quamquam existima-  
mus tuorum potius quam Celitudinis tuæ culpâ id fieri.  
Hæc cum apertè tendant in diminutionem honoris tui,  
& Sedis Apostolicæ contemptum, non debes pro singu-  
lari sapientia tua id ullo modo tolerare. Non enim te la-  
tet, quanta cum difficultate venerabiles Fratres nostros  
adduxerimus, ut hujusmodi concordatis & conventio-  
nibus assentirentur: quod libenter quidem fecimus; pri-  
mò ne tanta animarum multitudo, quæ in inclyto tuo  
Regno est, hujusmodi Pragmaticæ labe amplius involve-  
retur & periclitaretur: tum etiam ut & honori tuo, qui  
Christianissimus es, & quem singulari caritate prosequi-  
mur, & honori Sanctæ Romanæ Ecclesiæ pariter consu-  
leretur: quod secus evenire intelligimus, & plurimum  
admiramur; nam postquam hujusmodi concordata Ora-  
tores tui ad te detulerunt, ratificationem quamdam  
transmisisti per dilectum filium Ludovicum de Amboi-  
sia Procuratorem tuum, quam ad te remisimus, propter  
quod insufficiens erat, petentes ut plenior ad nos re-  
mitteres, quæ nunquam postea missa est, neque aliquid  
amplius audivimus in tanto temporis spatio, non sine  
magna omnium admiratione. Quamobrem hortamur &  
rogamus Celitudinem tuam, ut aut ratificationem ple-  
nam ad nos mittat, & concordata faciat inviolabiliter

Conqueritur  
quoddam Con-  
cordata Rex  
non observet.  
Ea Concor-  
data extant  
inter Extrav.  
commun. Cap.  
Ad universa-  
lii. De Treu-  
ga & Pace.

S f iij

observari, aut Bullam ipsam concordatorum remittat. Aliter enim non videmus quomodò & honori tuo consuli possit & Sedi Apostolicæ, quæ dum in dies promissa adimpleri expectat, magno afficitur detrimento: quod te pro singulari religione animi tui & devotione, quâ nos & Sedem hanc sanctam prosequeris, diligenter consideraturum & adimpleturum esse non dubitamus. Hac in re latius ipsam tuam Majestatem alloquetur dilectus filius **ANDREAS** de Spiritibus Nuntius noster, cui fidem indubiam hortamur adhibeas.

Datum Romæ apud sanctum Petrum sub annulo Piscatoris die trigesimo Decembris, anno millesimo quadringentesimo septuagesimo quarto, Pontificatûs nostri anno tertio.

L. GRIFUS.



\*\*\*\*\*

# CHRONICON

EPISCOPORVM ALBIGENSIVM,

ET ABBATVM CASTRENSIVM.

\* *Anno Domini sexcentesimo quadragésimo séptimo* \*Hec in margine Cod. Mss. alia manu scripta erant.  
 ROBERTUS, ANSELINUS, & DANIEL tres viri  
 pii & nobiles, relicto cingulo militie secularis,  
 in pago Albigenfi juxta fluvium Agouti sub Re-  
 gula S. BENEDICTI Deo militantes castra metati  
 sunt: & inde nomen loco inditum Castra. Tres  
 Cellas manibus propriis sibi construxerunt ex li-  
 gnis silvaticis terrâ & foliis: vacabant orationi,  
 jejuniis, vigiliis, & operationi manuali. Tantæ  
 pietatis fama spargitur circumquaque: plurimo-  
 rum fit concursus; multiplicantur Cella usque ad  
 numerum viginti novem. Advenit FAUSTINUS  
 Miles strenuus, opibus abundans: Deus tetigit  
 cor ejus, fit Monachus, Ecclesiam S. Benedicti à  
 fundamentis magno sumptu edificat, & per mor-  
 tem Roberti fit secundus hujus Monasterii Abbas.

SUBSEQUVNTVR NOMINA  
 Episcoporum Albigenfium, & Abbatum  
 Castrenfium, à primordio & origine Mo-  
 nasterii de Castris usque ad an. MCCXI.

**A**NNO Domini Sexcentesimo quadragési-  
 mo séptimo CONSTANTIVS in Albigenfio  
 Episcopabat: 647.

336 *Chronicon Episcoporum Albigenf.*

ROBERTUS eodem anno abbatiabat apud Monasterium de Castris.

Anno Sexcentesimo septuagesimo tertio RICARDUS episcopabat:

FAUSTINUS abbatiabat.

Anno 692. CITRUINUS episcopabat:

BERTRANDUS abbatiabat.

Anno 722. HUGO episcopabat:

BERTRANDUS abbatiabat.

Anno 734. IOHANNES episcopabat:

ALFONSUS abbatiabat.

Anno 812. VERDATUS episcopabat:

GRIMOALDUS abbatiabat.

Anno 825. GUILLELMUS episcopabat:

ADELMUS abbatiabat.

Anno 844. BALDOINUS episcopabat:

ADALBERTUS abbatiabat.

Anno 854. PANDERIUS episcopabat:

\* *Gilbertus*  
*Aimoino c. 7.*  
*l. 1. de Trans-*  
*lat. S. Vincentii.*  
GILBERTUS\* abbatiabat.

Anno 869. LUPUS episcopabat:

SALOMON abbatiabat.

Anno 870. LUPUS episcopabat:

\* *Berno*  
*Aimoino in epist.*  
*dedic. Trans-*  
*lat. S. Vincentii.*  
BERNON\* abbatiabat.

Anno 879. LUPUS episcopabat:

RIGAUDUS abbatiabat.

Anno 921. PATERNUS episcopabat:

GUILLELMUS abbatiabat.

Anno 972. FROTHERIUS episcopabat:

DURANDUS abbatiabat.

Anno 992. HONORATUS episcopabat:

SANCIUS abbatiabat.

Anno




- Anno 1020. AMELIUS episcopabat:  
SANCIUS abbatiabat.
- Anno 1030. AMELIUS episcopabat:  
ARNALDUS abbatiabat.
- Anno 1043. GUILLELMUS episcopabat:  
GEREBARDUS abbatiabat.
- Anno 1052. ALDEGARIUS episcopabat:  
GEREBARDUS abbatiabat.
- Anno 1066. FROTARDUS episcopabat:  
GEREBARDUS abbatiabat.
- Anno 1087. GUILLELMUS episcopabat:  
GERALDUS abbatiabat.
- Anno 1096. GAUTERIUS episcopabat:  
GERALDUS abbatiabat.
- Anno 1099. HUGO episcopabat:  
GERALDUS abbatiabat.
- Anno 1110. ALDEGARIUS episcopabat:  
GODOFREDUS de Mureto abbatiabat.
- Anno 1115. BERTRANDUS episcopabat:  
GODOFREDUS abbatiabat.
- Anno 1126. HUMBERTUS episcopabat:  
REGINALDUS abbatiabat.
- Anno 1141. RIGALDUS episcopabat:  
ROGERIUS abbatiabat.
- Anno 1154. ARNALDUS episcopabat:  
ROGERIUS abbatiabat.
- Anno 1165. GUILLELMUS episcopabat:  
ROGERIUS abbatiabat.
- Anno 1176. GERALDUS episcopabat:  
GUILBERTUS abbatiabat.
- Anno 1190. GERALDUS episcopabat:

PETRUS Ifarni abbatiabat.

Anno 1193. GUILLELMUS episcopabat:

PETRUS Ifarni abbatiabat, qui obiit anno 1211.  
Idibus Iunii.



V E R S V S

FRONTI MAIORIS IANVÆ ECCLESIAE

S. BENEDICTI CASTRENSIS  
*inscripti.*

**F**AUSTINUS lapsis à Mauri morte decem octo  
Lustris, has S. BENEDICTO dedicat aras;  
Impensisque suis tota est structura peracta,  
Aptavitque suis humeris de more cucullam.  
Religionis amans, Cellis se devovet istis,  
Atque Abbas factus, mira pietate refulsit.

ROBERTUS I. *Abbas an. 647.*

ADDUXIT socios secum in deserta ROBERTUS  
Binos, spernentes delicias hominum.  
Construxere sibi Cellas à cespite parvo:  
Hæc est Castrensis fons & origo Domûs.  
Virtus illorum facta est contagio sancta:  
Turba exhinc Fratrum multiplicata viger.

FAUSTINUS II. *Abbas an. 673.*

DIVITIIS pollens multis FAUSTINUS & altâ  
Militiâ, Albigæ gloria lausque fuit.  
Corde retractato meditans ventura, caducas  
Sprevit divitias, tactus amore poli.  
Fit Monachus, struxit Templum Benedicti in honorem;  
Et baculo Abbatis rexit ovile Dei.

CITRUINUS *an.* 680.

HESPERIAS rigidus cenfor pervenit ad oras :  
Ritúsque antiquos restituisse ferunt.  
In Tolerano\* cœtu CITRUINUS obivit  
Carcassonenſis munus Episcopii.  
Cúmque cathedra ſuo Albigæ ſeſſore careret,  
Aniſtes factus iudicio eſt populi.

\*Toloſano.

BERTRANDUS III. *Abbas an.* 692. & 722.

DULCE jugum Chriſti teneris portavit ab annis,  
Evitans cautè Dæmonis inſidias.  
Centum térque duos vitam produxit in annos  
BERTRANDUS, ſummi plenus amore Dei.  
Hanc tandem ſubita at præviſa morte precando  
Ejicit, æterna ut luce frui valeat.

ALFONSUS IV. *Abbas an.* 734.

NOBILIUM ut reparet Martellus damna virorum,  
Injecit dominas in ſacra feuda manus :  
Caſtrenſi gazæ parcens Abbatis amore,  
Cujus conſilio eſt uſus & auxilio.  
Proximus eſt morti princeps : hunc excitat Abbas,  
Et tinctum Chriſti ſanguine monſtrat iter.

GRIMOALDUS V. *Abbas an.* 812. & 815.

BELLUM atrox, urgensque fames, peſtiſque cruenta  
Cuncta vorant, Trini terna flagella Dei. |  
O ſera corda hominum, quæ tantis acta procellis,  
Accumulant ſemper crimina criminibus !  
Inter tot clades ſine damno Caſtra fuère,  
Virtute Abbatis conciliante Deum.



340 *Chronicon Episcoporum Albigenf.*

ADELMUS VI. *Abb. an. 825.*

Quæ ventura forent tentavit prodere ADELMUS,  
Astrorum vanis lusus imaginibus.  
Ex libro Moſis vitæ ſecreta futuræ  
Novit, & hoc ſacro lumine vera videt  
Aſtrorumque loco ſunt illi vulnera Chriſti.  
Non ſunt majora hiſ ſidera vulneribus.

ADALBERTUS VII. *Abbas an. 844.*

*Carolus Cal.  
vus an. 844.  
Toloſam ob-  
ſedit.*

DUM Carolus valida premit obſidione Toloſam,  
Caſtrenſem firmat regia charta domum.  
In ſilvam Vauri ſtipatus milite multo  
Hoſtiles Hugo provocat enſe acies  
Victor ovat, tranſitque vadum, populòſque ruinis  
Implens, quas dederat cogitur ipſe pati.

*Omiſſus ſupra*

ELISACHAR VIII. *Abbas an. 854.*

GILIBERTUS IX. *Abbas an. 858.*

SALOMON X. *Abbas an. 864.*

Servorum inſidiis potuítne reſiſtere quiſquam,  
Queis condere cibos tradita cura fuit?  
Infecta horrendo Monachis datur eſca veneno.  
Bis ſeptem Fratres hoc periére cibo.  
Sex ſervi flammis uſti: ſcelus igne piatum eſt:  
Libertas reliquis eſt data mancipiis.

BERNO XI. *Abbas an. 870.*

RIGAUDUS XII. *Abbas an. 879. 884. 888.*

Vincenti ædificat templum Rigaudus, opúſque  
Perficit oblatiſ à Patre muneribus.

*Et Abbatum Castrensiū.*

341

Transfert Reliquias , populi comitante caterva:  
Tunc audit surdus , mutus & alloquitur.  
Tres comites feretrum portant , Rigaudus & alter  
Lætatur pondus sustinuisse sacrum.

**GUILHEM\* XIII.** *Abbas an. 921.*

*Id est, Guil-  
lelmus (in-  
guā Gothicā,*

Ascendit cathedram nulli sermone secundus  
Guilhem : Pastores arguit esse lupos.  
Innocuo trahitur collo , populique tumultu  
Exiit immunis carceris è laqueo.  
Sponte sua Albigam reperito carcere venit,  
Fit nolens liber seditione pari.

**DURANDUS XIV.** *Abbas an. 953.*

Quæ via sit Domini mea lingua docebit iniquos,  
Cordéque converso corruet impietas.  
Valfredus \* spargit doctrinæ semina falsæ,  
Corpus & unā animam morte perire docet.  
Insurgit contra vero sermone Durandus,  
Et gladio linguæ dogmata falsa secat.

*\* De quo  
nihil hactenus  
Scriptores,*

**SANCIUS XV.** *Abbas ann. 992. 1020.*

Sancius inculcat Domini præcepta , viasque  
Ipsius monitans , dissipat omne scelus.  
Castigat corpus , menti retinacula tradit,  
Commissumque gregem dirigit arque fovet.  
Oblitos voti Monachos meretricio amor  
Subripit : hunc meretrix Paula dolone petit.

**ARNALDUS XVI.** *Abbas ann. 1030.*

Deliciis hominum Arnaldus satiatus iniquis,  
Intrat Castrensis Claustra Monasterii.  
Pœnitet adversus Dominum peccasse , sui que  
Peccati veniam postulat : illa datur.

T t iij

342 *Chronicon Episcoporum Albigenf.*

Infirmos sanat tactu, mutosque loquaces  
Reddit: contrito hæc gratia facta viro est.

GEREBARDUS XVII. *Abbas an. 1043. 1052. 1066.*

Dum loca sancta petit Gerebardus noster, obortum est  
Rupto inter fratres fœdere dissidium.  
Sedari poruit monitu discordia nullo,  
Abbatris reditus pacis origo fuit.  
Grex illi commissus erat, non cura videndi  
Iudæam: officio defuit ipse suo.

GERALDUS XVIII. *Abbas ann. 1081. 1096. 1099.*

Fulgure tacta domus reliquas incendit, & imber  
Miscetur flammis: ignis & unda furit  
Incaustum Fratres tentant extinguere flammæ.  
Namque ardentem ignis provocat unda sitim.  
Iamque Monasterium furibunda incendia volvit:  
Cum Christi oblato corpore flamma cadit.

GODOFREDUS de Mureto XIX. *Ab. an. 1110. 1115.*

Adstricti satanæ qui sunt anathemate diro,  
Noluntque absolvi restituique Deo:  
Post annum hos Præsul voluit compellere duro  
Carcere, sic artans corpus & una animam.  
Vincula ferre duo populo renuente, querela  
Nascitur hinc ingens inter utrumque forum.

REGINALDUS XX. *Abbas an. 1124. 1126.*

Nocte Dioscorius Benedicti altaria nudat,  
Infandoque onerat colla latrocinio.  
Porta adapertha fuit: tamen illi clausa videtur:  
Et frustra templum circuit ut fugiat.  
Dum matutino Reginaldus tempore surgit,  
Sub scamno furem & furta simul reperit.

ROGERIUS XXI. *Abbas ann. 1141. 1154. 1165.*

Istas se confert Iuvenis Ludovicus \* ad ædes,  
Vincenti ut Sancti pignora honore beer.  
De Cane suspenso \* Miles carus Ludovico,  
Principis ante fores ense trium cecidit.  
Sapius exorant veniam : at conceditur illis,  
Vt sit supplicii sumpta cuculla loco.

\* Ludovicus  
Iunior, sen  
VII.

\* Cane Susp.  
loci nomen est,

GUILABERTUS XXII. *Abbas an. 1176.*

Inter Raimundum Comitem concordia facta est  
Et Regem Anglorum connubio stabili.  
Tuncque Tolosani Legati munere functus  
Est Abbas, nomen cui Guillabertus erat.  
Fitque Iohanna uxor Comitis\* : pro dote Cadurcum  
Dat. Regi Comitis sic stabilita fides.

\* Tolosa Rai-  
mundi VI.  
an. 1195. Jo-  
han. Henrici  
II. Regis  
Angl. filiam  
duxit, & pro  
dote Cadur-  
cos accipit &  
Aginenfes  
sub hominū  
conditiōe.

PETRUS Isarni XXIII. *Abbas anno 1190.*

1193. 1211.





## G E S T A

\* Abbatia  
S. Trudonis,  
vulgò S.  
Tron.

ABBATVM TRVDONENSIVM\*

ORDINIS S. BENEDICTI.

\* Floreat hic  
Auctor an.  
1117.

*Anctore RODULPHO\* Abbate ejusdem  
Monasterij.*

**N**OTUM est omnibus quibus gratifica manus fortunæ experiendi copiam dedit, quia vetera vina gelidis promptuariis toto anni circulo liquata autumnī tempore ad tempus seponantur; & nova musta naturali motu adhuc calentia & necdum prorsus defæcata avidius sumantur. Ut quid hoc? utique non ut nova & turbida veteribus & defæcatis quasi meliora præponantur, sed quia novæ res delicatos hominum animos irruente passione desideriorum oblectabilius afficere soleant, donec satiata passione desideriorum cum alacriori aviditate ad veterum usum revertantur. Vnde quidem physicæ non ignarus ait: Alternis uti delectabile est; ipsaque alternitas saporēs, licet impares, æquē tamen interdum gratificat.

Secundum hujus dictæ rei similitudinem, dilecte mi & diligende Præposite sancti Dionysii N..... mitto tibi historiam nova incude formatam de his quæ acciderunt antiquo & moderno tempore erga Ecclesiam nostram: ut qui veterum & novarum rerum usu delectaris, vetera nostra & nova per eam sapias, per quam cupidum animum ad condignam passionem afficias: in qua licet ad eruditionem parum proficias, scire tamen poteris quæ nova scire cum veteribus quæris, qualis quondam Ecclesia nostra fuerit, de quam sublimitate ad quas abyssi voragines



voragine frequenter corruerit, & quantum laboris super vix extantem adhuc veteris ruinæ favillam, contra malignorum flatuum importunitatem quotidie irruentem, ne prorsus avolet ægerrimè sustineant: quod te scire idè mihi proderit, quia solent plerumque miseri homines referendo æquanimiùs sustinere dolores, cùm invenerint qui eos audiant familiariter & compatiantur.

## INCIPIUNT GESTA ABBATVM

### S. TRVDONIS.

**R**ODULFUS gratiâ Dei, sanctorumque TRUDONIS & Eucherii, Abbas eorum Cænobii, omnibus posteris meis tam Abbatibus quàm Monachis, qui in hoc eodem Monasterio Deo sunt militaturi, id fore quod profitemini, & peccatricis animæ meæ interdum reminisci. Sæpe necnon & sæpissime, Fratres charissimi, totam armarii mei revolvens suppellectilem, dum adhuc in carne quâ nunc agonizatis positus essem, ardebam vehementer me posse reperire qui & quot & cujus professionis omnes monachicæ, an canonicæ aliqui fuissent prædecessores mei, & cujus quisque vocabuli, & quot annis præfuerit; quod ad desiderium meum fateor me nunquam potuisse reperire, sed neque quisquam erat antiquis de Fratribus qui se unquam hoc legendo reperisse, vel unquam audiendo didicisse diceret. Vt ego scire quærebam hoc utrùmne contigerit familiari super nostris negligentia notariorum, an inter frequentissimas loci desolationes amissione forsitan librorum, certum similiter habere nullo modo potui.

Dum autem nostrum & piissimæ memoriæ sanctum TRUDONEM Clericum fuisse & Sacerdotem, & Cænobii nostri primum Ædificatorem, vita ipsius docet, necnon & B. REMACLI Tungrorum Episcopi, ubi aliqui leguntur de Principibus Regnorum, & Rectoribus Ecclesiarum, quorum temporibus hoc nostrum sanctissimæ puri-

tatis lilium effloruit, sed hoc manifestè neque ibi neque aliàs usquam datur intelligi, utrum per eum ipsum regeretur primò ædificatum Cœnobium nostrum, sive per alium. Clerici quoque sive Monachi fuerint quos in eo constituerit, & quando Monachi in eo esse cœperint. Talia, quæ quidem dignissima essent sincera annotatione, dum lectione aut vera relatione sæpe, ut dixi, sæpissime vehementer arderem cognoscere, inveni Libellum quemdam ubi vita S. Silvestri habebatur, atque Translatio S. Benedicti, necnon & Sermo de Assumptione S. Mariæ semper Virginis; in eo quantum repererim hoc annotare curavi.

Vnde excusatum me rogo habere me lectores hujus mei Opusculi, si minus quàm velletis certos vos reddidero ex his de quibus ipse certior esse non potui. Hæc mea in hoc Opusculo est intentio, ut quod aliorum negligentia fermè oblitteratum reperi, nostrâ salvum diligentiam puriusque eliquatum futuræ conservem posteritati. Abbates & Monachos post me futuros in hoc Cœnobio volò sollicitos inde reddere, quatenus in anteriorum suorum negligentiam ulteriùs non incidant, sed suis quoque posteris de prædecessoribus suis plenum fidei monimentum scripto relinquant, in quo dum probitas seu improbitas singulorum frequenter legi poterit, probi priorum exemplo accensi in melius & melius semper proficiant; improbi imaginatâ vitâ suâ confusi à malis operibus suis vel sic saltem resipiscant.

Accipite ergo posteri mei nomina quædam Abbatum, sine annis quibus præfuerint & absque annis Domini, quædam cum ipsorum tantum annis, quædam cum ipsorum annis & cum annis Domini. Cetera verò fidelium virorum qui hæc viderint, aut eos qui hæc viderant relatu didici; ipse quoque de quibusdam, quæ me præsentem aut me jam juvenem adhuc existente acta sunt, aliquantula fidelissimè quidem memoriæ mandabo: plurima pudore nostri Ordinis & nimio tædio longæ relationis præteribo.

Igitur nomina Abbatum Cœnobium quondam S. Trudonis regentium sunt hæc: GRIMO Abbas, REIRAMNUS

Series Abbatum Trudonensium.

Abbas, HARDEBENUS Abbas, COLUMBANUS Abbas, ANGELRAMNUS Abbas, AMBROSIUS Abbas, GISLEBERTUS Abbas, ADELBODUS Abbas, HILDRADUS Abbas, SABBATINUS Abbas, ERMENARUS Abbas, RADULFUS Abbas, LUDOVICUS Abbas, RADBERTUS Abbas, RODEGANGUS Abbas. Huc usque reperi sine numero annorum quibus præsuerunt: REINERUS Abbas præsuit annis quinque, THEUDEFRIDUS Abbas præsuit annis triginta, ERENOFRIDUS Abbas præsuit annis quatuor. Huc usque reperi quot annis præsuerint, sed tamen sine annis Domini.

ADELARDUS Abbas, memoriâ dignissimus, præsuit annis triginta quinque, scilicet usque ad annum millesimum trigesimum nonum Incarnationis Domini. GUNTRAMNUS Abbas præsuit annis viginti, ab anno millesimo trigesimo nono Incarnationis Domini usque ad millesimum quinquagesimum quintum. ADELARDUS Abbas præsuit annis viginti septem, ab anno millesimo quinquagesimo quinto usque ad centesimum octogesimum secundum Incarnationis Domini. Hucusque & ita in supradicto libello reperi. Post hunc autem Adelardum illorum tantum nomina ponam, qui vel Abbates fuerunt vel Abbates se esse voluerunt, usque ad nostrum introitum, quoniam tantam confusionem annorum inter se contententes fecerunt, quia de singulis nullum certum tempus habere potuimus præter unum, sicut in consequenti Opere explanabimus. Nomina autem eorum fuerunt LANZO, LUYPO, HERIMANNUS, & alter HERIMANNUS, & prædecessor noster domnus Abbas THEODORICUS. De tribus verò supradictis Abbatibus, scilicet Adelardo, Guntramno, & Adelardo secundo, quod fidelium narratione didici referam. Nam de supradictis ceteris nihil accipi quod fide certa proferre audeam: à secundo autem Adelardo usque ad me quidquid referam aut ipse vidi aut videre potui, & quæ non vidi eorum relatione qui hæc viderant didici.



INCIPIT TEXTVS OPERIS.

LIBER PRIMVS.

999.

**I**GITUR primus ADELARDUS factus Abbas hujus loci anno Domini DCCCCXCIX. nativam linguam non habuit Teutonicam, sed quam corruptè nominant Romanam, Teutonicè Walloniam: familiam Ecclesiæ nostræ viscerabiliter dicitur dilexissè, unde & usque in hodiernam diem de eo à plerisque solet tale quid memoriale referri. Cùm ex sterilitate terræ, ut aiunt, fames aliquando ejus tempore accidisset, concurrebat ad elëemolynam Fratrum omnis sexus & ætas importunè & miserabiliter, quorum aliquibus interdum ad se vocatis quærere dicebatur joculariter: Cujus servus tu ille? tunc illa, cujus ancilla es? respondentibus illis, verbi gratiâ, S. Lamberti aut S. Petri, sive S. Servatii, sive S. Remacii, postremò cujusslibet Sancti: aiebat; Quid igitur tibi & familiæ S. Trudonis? Pascat te tuus dominus cujus tu es servus: Qui sancti Trudonis se esse profitebatur, paternè ab eo audiebat: Pascet ergo te hodie S. Trudo dominus noster, conservus enim noster es. Primis enim annis Ecclesia nostra necessariis illi deficientibus anxie nimis (ut referri audivi) laboravit.

At unde hoc potissimùm accidisset fide plena relatione non didici: quorundam Fratrum suorum inquietatione Theodericus Metensis Episcopus in eum adeò commotus extitit, quòd eum aliquandiu quasi exulem abductum Meti teneret, & per Præpositos interim res nostras curaret; sed Episcopo Leodiensi, cujus diocesis erat, jus suum eo defendente tandem honorificè revocatus est: quem revertentem tanta comitata est gratia, ut Ecclesiam suam non modò necessariis faceret abundare, verùm interiùs & exteriùs vario cultu, diversisque utensilibus gloriosè corruscare; quorum perpauca, pretiosissima ta-

men, vidimus: nam cetera, sicut & alia plurima, furor debacchantium Symoniacorum, & de nostra Abbazia inter se decertantium, varijs modis diversisque vicibus damnosè nimis distraxerat, perditionisque perpetuæ sepepiverat. Et ne quis hodie videns paupertatem Ecclesiæ nostræ & in substantia & in thesauro, existimet eam semper tam tenuem tamque nudam fuisse, videtur mihi non ingratum illi debere fieri neque nostris verecundum, si hæc ei retulero quod in quodam alio Libro inveni de thesauro quondam nostro, & de substantia præbendæ Fratrum ita annotatum.

ANNO ab incarnatione domini nostri IESU CHRISTI septingentesimo septuagesimo, Indictione tertia, & anno decimo tertio sedis domini ADVENTII gloriosi Præsulis, sub die decima octava Kalendarum Septembris, facta est descriptio per iussionem ipsius ex Abbazia sancti Trudonis per suos Legatos, videlicet FREDELONEM, & HERIGANDUM. Hinc etiam, sicut ex aliis multis, nostrorum negligentia debet meritò reprehendi, qui hîc neglexerunt annotare nomen Abbatis sui qui tunc temporis præerat, cùm non tantùm Mettensis Episcopi nomen hîc inveniaturs annotatum, sed etiam nomina Legatorum ejus qui hanc descriptionem fecerint.

Menda hîc  
Librarij:  
nam 3. Indi-  
ctio in hunc  
an. non inci-  
dit. sed 2.  
Nec conc. videt  
annus temporis  
Adventij Ep.  
Met. illa enim  
tempestate  
Mettensi Ca-  
thedra sedebat  
Chrodegang.

Reperimus de thesauro sancti Trudonis rebam\* ipsius <sup>sive \* repam</sup> corporis auro argentoque fabricatam; item rebam sancti Eucherij argento nobilitatam; item in dextera parte sancti Trudonis similiter; item altare in honore sanctæ MARIE & sancti Petri auro argentoque imaginatum, cum cyborio desuper, in medio cyborio pendentem coronam æream deauratam. Item altare in honore sancti Stephani argento paratum. Capsam gemmis auroque insignitam. Item capsas argento tectas XXI. cruces inter majores & minores argento paratas decem: capsas evangelicas argento paratas tres: malagranata argentea duo, calices argenteos cum patenis inter majores & minores novemdecim. Item patenæ sex; item calicem aureum cum patena etiam argentea unde debentur de argento libræ octo & dimidia: altaria parva argento parata quin-

f. + cupas

que. Item cruciculas aureas tres argenteas sex, ex cupro 22  
thuribula argentea tria, & unum ex cupro. Candelabra  
argentea septem: suxtas\* argenteas duas ad ferendum in-  
censum. Offertoria argentea septemdecim: cyphos ar-  
genteos quatuor, & duos ex cupro: suxtilem unum ar-  
genteum. Vitam S. Trudonis cum imaginibus decora-  
tam, lampades argenteas quinque & septem ex stanno;  
coronas argenteas duas. Item clavicellam ex auro: lam-  
bittas duas argento rectas; vexilla quatuor; cappæ tri-  
ginta tres pretiosæ de pallio; casulæ duodecim pretiosæ  
de pallio; dalmaticas novem cum tunicis subdiaconali-  
bus. Cussinos sericos tres; pallia quatuor majora, & mi-  
nora quadraginta quatuor. Item pallium unum cum friso  
& margaritis. Item palleas lineas serico coopertas decem.  
Item pallas lineas sine serico nonaginta octo. Fuscinulas  
aureas parvas de auro pensas denariorum quinque; cul-  
tellum auro paratum; situlas duas ex cupro, &c.

Habent ipsi Fratres ad proprium usum deputatam  
speltam ad panem faciendum, corbos centum & viginti  
quod colligitur ad modios mille sextentos: ad cerevisiam  
faciendam ordeï corbos cxcii. quod colligitur ad modios  
mille dccccxx. Sunt simul inter speltam & ordeū corbi  
treceñi & duodecim, quod colligitur ad modios tria millia  
quingentos viginti: porcos saginatos quindecim: legu-  
minis modios sexaginta: salis modios viginti quatuor.

Talem quondam fuisse thesaurum nostrum, & Fra-  
trum præbendam recta annotatione legatorum Metten-  
sis Episcopi reperimus: diu tamen ante istum Adelardum  
majorem partem permansisse usque ad ipsum, ipsūque  
nihilominus nonnulla perdita reparasse, quædam illius  
studio acquisita usque ad nostra tempora, non tamen us-  
que ad nostram prælationem perdurasse. Nam, ut supe-  
rius diximus, & in subsequentibus suo aptè loco pone-  
mus, furor pertinacissimus debacchantium Symoniaco-  
rum, & de nostra Abbacia inter se collidentium, variis  
modis diversisque vicibus miserabiliter nimis pretiosissi-  
mum Ecclesiæ nostræ thesaurum distraxit, sepultoque  
irrevocabiler inæstimabili illo decore sedere eam usque

hodie facit lugubrem & miserabilem plenamque extrema confusione suæ nuditatis. De Adelardo præter obitum ejus non plura didicimus. Nunc ad successorem ejus convertamur.

Post primum Adelardum successit GUNTRAMNUS natus de Hasbania liberorum prosapia, innutritus Cœnobio nostro ab adolescentia, ibidemque Ecclesiasticis apprime eruditus officiis & regularibus disciplinis. Tempore autem quo prædecessor ejus, Abbas scilicet Adelardus, à Mettensi Episcopo Theoderico exul tenebatur accidisse cognovimus; sed quo ordine non didicimus, Cœnobii nostri curam agere primum Popponem Stabulensem Abbatem, interea nonnulli de Fratribus nostris relicto loco nostro diversis exulabant Cœnobiis, amissi Pastoris gravissimo dolore exacerbati; inter quos præcipui & religiosissimi magnifici viri Gauzelinus & Godeto servi Dei, carne quidem germani, sed spiritu uno in Deo coanimati, qui reverso tandem pastore ad ovile sunt reversi, & apud nos conscripti. Interea cum pro ordinanda re utrique homini nostro necessaria primus Poppo Stabulensis Abbas (ut pote qui exulantis Abbatis vices agebat) ad Cœnobium nostrum descendisset, Capitulum Fratrum, ut audivimus, ingressus est, & de culpis coepit agere pastoraliter: cumque ad istum GONTRAMNUM devenisset, elegantissimæ formæ juvenis qualitate perspecta, coepit de eo sagaci mēte pium aliquid humilēque prælagire, atque in lucem velle producere, si ut sibi de eo videbatur ita experiri posset in re. Oblatam igitur sibi ordinis negligentiam coepit in eum ex industria vehementius aggravare, & piæ caritatis stimulis pectus humilitatis terebrare: tandem quasi in contumeliam præceptum dat ei per obedientiam, ut ad agendam ibi negligentię suæ poenitentiam, pedes eum sequeretur usque ad Stabulensem Ecclesiam. Erat ille primæva pube vernans, forma elegantissima, statura ultra nostræ ætatis homines procera, grossitudine proceritati congrua, vocalitas in eo instar rubæ altissima, prædulcis tamen, & mole corporis non indigna (claris eum natalibus ortum superius di-

*Sancta Gont-  
ramni Mo-  
nachii acta  
describuntur.*

ximus) & apprimè eruditum officiis Ecclesiasticis & regularibus disciplinis; hæcque plerisque vagis juvenibus superbiendi solent esse multa materies: pulcherrimus juvenis tanto in se existimabat venustiora fore, quanto humiliori excercentur obedientia: vicino igitur jubentis pede obediētiæ iter Stabulaus alacriter pedesque aggressus est, nec pudore insueti peditis motus, nec difficultate itineris exterritus. Vbi cum lassus quassusque tenerum corpus delicatus juvenis pervenisset, ex præcepto Abbatris, cui portarius eum jam adesse nunciaverat, ad portam atrii ad quam suscipiuntur hospites, scilicet extra Conventum Fratrum, nocte ea manere iussus est. Agebat pius Pater ex industria qualiter ejus comprobata exaltaretur humilitas. Portarius igitur pia humilitate & hilaris vultus obedientia in tam pretioso nobilisque juvene sagaciter consideratâ, atque tam Fratribus quàm Priori Ecclesiæ, necnon & ipsi tandem Abbati in admiratione celebri facta, facile per ipsos obtinuit ut à Conventu Fratrum non differretur tam honestus tamque præclare obediens juvenis. Itaque in Conventu admissus est atque loco optimo positus, totis scapulis celsior quoque majoribus habebatur. Nocte illa Conversio S. Pauli annualis de more solemniter celebrabatur; quia ille ad Invitatorium, Hymnos, Psalmos, Antiphonas, Responsoria dulciter iugiterque instar amplissimæ tubæ reboans, attonitas aures fixosque in eum omnium Fratrum animos absque invidia delectabat. Cùmque ad illud Responsorium quod cantandum Abbati ab Armario deferretur, significavit Abbas Armario, ut memorato juveni pro se cantandum deferret, eo loco quo stabat in ultimo. GONTRAMNUS suscepta cum humilitate cantandi Responsorii obedientia tam mirabili tubæ vocis suæ novitate, atque organica fistulati gutturiis dulcedine totum chorum, ipsumque maximè Abbatem permulsi, ut finito Versu & Gloria Patri, eadem hora Abbas significaret ei ad se venire, & de eo quo ultimo stabat loco eum à se secundum stare.

Itaque aliquanto ibi mansit tempore majori semper cunctis habitus admirationi & reverentiæ. Quomodo  
verò



verò inde transferit Hersfeldiam nescimus, sed quòd eò transferit didicimus; quia factum eum ibi Camerarium Abbatis cognovimus. Locus-regius studiis liberalium artium, mundanarumque rerum gloriâ egregiè præcipuus. Mansimus quoque & nos aliquamdiu apud loci illius Abbatem FREDERICUM, & exuberantium divitiarum ejus jugem inundantiâ, & liberalium artium apud Fratres studiosam efficaciam quotidie tanquam de novo expavimus. Camerarius autem Abbatis non idem qui & Fratrum, est honor magnus; nam & pluribus abūdat domesticis, imperans eis; quæ debentur Abbati quasi tertius participat. Vbi dum moraretur, corporis pulchritudine, morumque probitate & nobilitate, in brevi factus est celebris aulae Regiæ, ipsi religiosæ Imperatrici maximè.

Interea primus Adelardus Abbas loco nostro & honori suo jamdudum restitutus, defungitur triginta quinque annis Ecclesiæ prælatus; famâque volante Hersfeldiæ ipsique Imperatrici nuntiatur; nec mora apud utrosque fit deliberatio qualiter Gontramno daretur nativi soli sui honor & proprii loci prælatio, sed parvum quid esse hoc reputabant, nisi quod inter suos eum sublimandum majus multum illi peregrino honore gratiùsque posse fore asserebant. De provehendo eo Hersfeldia Imperatrixque gratulabantur, sed quòd tanto talique viro carerent, mœstificabantur. Magnis igitur muneribus ab Abbate Hersfeldiensi, maximè verò ab ipsa Imperatrice honoratum cum litteris imperialibus & commendatitiis, honestoque comitatu Metis transmittunt, ut Episcopo annuente Abbas loci nostri, quinimmo sui, sine contradictione constitueretur. THEODORICUS qui tunc erat Metensis Episcopus, frater Imperatricis secundum carnem habebatur; atque Deo ordinante contigit ut simul una die venirent ante Episcopum & Imperatricis nuntii cum Gontramno & Fratrum loci nostri missa legatio: utrorumque audita Episcopus legatione distulit rem usque in crastinum, sed seorsum utrisque recedentibus, cum jam profundior esset vespera, jubet Episcopus duos de obsequio suo famulos ire ante Gontramnum cum aureis suis

candelabris, necnon & flammantibus super ea cereis, usque ad illud hospitium, simulque candelabra illa dono jubet ei relinqui, servitióque ejus & honori, quæque illi sunt suisque necessaria transmittuntur largè de episcopali curia: quo viso Fratres rem ut erat futura intelligunt, & factó mane unanimiter hilarique vultu consentiunt Episcopo de præferendo sibi Confratre suo viro venerabili Gontramno.

Gontramnus  
fit Abbas S.  
Trudonis.

Factus igitur Abbas GONTRAMNUS Metis, & consecratus Leodii, multam paupertatem in loco nostro invenit, parúmque in ordine nostro religionis: maturiús utrumque correxit, paupertatem ex eis quæ ab Imperatrice dono acceperat & à Regio-loco secum detulerat, ordinem ex disciplina maxima quam Harsfeldiæ didicerat. Mox qui dispersi fuerant Monachis redeuntibus, nonnullisque ex sæculo apud nos habitum vitamque mutantibus, florebat locus odorificentissimè religiosorum senum canitie, obedientiúmque juvenum officiosa multitudo: per viginti & unum annum, quibus eum præfuisse comperimus, Ecclesia nostra & temporalibus & famosissimè crescebat spiritualibus. Hujus vitæ ultimis annis domini nostri Trudonis sepulcrum frequentissimè cœpit coruscare miraculis, quæ ille studiosissimè satagebat occultare; sagaci enim pectore concipiens quod futurum erat, *signa data esse infidelibus non fidelibus* dicebat: quod non longè post illum nonnulli de nostris experti sunt, qui inter ipsa quoque miracula Deum offendere non timerint. Nos autem qui adhuc supersumus sicut flagella iræ Dei & indignationis super locum nostrum non vidimus incepisse, ita quoque gravissima anxietate ingemiscimus adhuc quotidie necdum desisse.

1. Cor. 14. 22.

Tempore domni hujus Abbatis Gontramni usque ad modum producta est maxima pars turris nostræ cum utriusque testudinibus suis: quia verò, ut superiús in juventute ejus restificati sumus, forma erat elegantissima, corporis proceritate convenientique grossitudine, delectabilis hominum aspectibus, ex eoque sonora valde modulatione dulce canorum, hunc ei contulerat honorem Eccle-

sia Leodiensis, ut summis ejus solemnitatibus indutus honorificentissimè chorum medius cantorum regeret, pulchritudine magni corporis pascens visus astantium, & dulcedine vocis tubæ aures delectans audientium. Quid plura? talis ante eum in loco nostro non surrexit, nescio utrumne post illum futurus sit. Obiit tandem anno millesimo quinquagesimo quinto confessus & unctus; adhucque vigēte in eo toto sensu animi, disposita sapienter super stratum doloris sui re familiari, & consolata multimodis domo sua spirituali, multa dona in argento, equis, annona, ceteraque suppellectili famulantibus sibi familiaribusque reliquit, & victum & vestitum abundantissimè usque in alterum annum ulteriusque Fratribus suis. Sepultusque in Ecclesia nostra jacet nunc juxta exteriorē partem templi versus aquilonem, medio parietis qui jungitur Fratrum Conventui.

An. 1055:  
obiit Gon-  
tramnus.

Huic successit ADELARDUS secundus, liberis ortus parentibus de Brabantia, de vico qui dicitur Lovinium, juxta Lovanium, atque inde diminutivato. Hic à puero innutritus est Coenobio nostro sub Adelardo primo & Gontramno Abbatibus, honestè litteratus, neque ignarus de sculpendis pingendisque imaginibus. Post alios nonnullos Ecclesiasticos honores de majore Præposito electus est Abbas & consecratus. Magnæ gloriæ apud mundales in Abbazia habitus est, multis affluens divitiis & expensis utens sumptuosus, ut pote qui dominum habebat fortem & religiosum Alberonem, secundum videlicet Metensem Episcopum, fratrem Ducis Frederici, cui in omnibus quæ erant ipsius Episcopi nullus Principum sive Advocatorum audebat quicquam damni inferre, sed pro ejus sanctitatis reverentia & ejus timore, quia tota pendebat ab eo Imperialis curia, necnon quia toto utriusque Franciæ regno diffusa erat per nobiliores ejus parentela; ubique peccata exercebantur, & multiplicabantur bona exteriora nostra; sed & venerabilis Abbas Gontramnus ditatam Abbatiam bonisque omnibus refertam illi reliquerat, pacèque vigente & rebus affluente securus eam gloriosèque possidebat. Accedebat quoque ad au.

Adalardus  
II, Abbas.

gendam illi divitiarum multitudinem sepulcrum beati Trudonis frequentissimis quotidie mirabilibusque coruscans miraculis, quæ tanta toto orbe terrarum fama resperferat, ut multitudinem peregrinorum non solum templi ambitus, sed & ipse quoque totus oppidi nostri locus ferre minimè posset.

Ab oppido namque nostro pene usque ad dimidium milliare per omnes in circuitu populares vias ad nos se dirigentes, necnon & per campos atque per prata tantus peregrinorum coetus, nobilium videlicet liberorumque atque popularium sexûs utriusque pene quotidie, maxime verò diebus solemnibus confluebat, ut in papilionibus tabernaculisque frondeis cortinatisque habitantes totum ipsum oppidum circumsedisse obsidionis specie viderentur, quo pro multitudine ipsæ oppidanorum domus aliis refertæ capere non poterant: tum mercatorum copia, qui vix in equis & curribus, plaustris & animalibus tanta poterant advehere quæ sufficerent multitudini peregrinæ. De oblationibus altaris quid dicam? taceam animalia, palefridos, boves & vaccas, verres, arietes, oves quæ incredibili multitudine offerebantur. Sed & limum & cera, panes & casei, nullo pondere, nullo numero, nullo æstimabantur pretio fila argentea: & vix in Claustro vesperi olympo exhaustus denariorum acervus quamplurimos recipiendo & recondendo custodes fatigabant, & præter id nihil penitus quotidie agere sinebant. Erat igitur non tam incomputabilis quàm re vera inæstimabilis peregrinorum semper venientium ad altare oblatio, & nomen beati Trudonis frequentissimis mirabilibusque miraculis, Cœnobiûmque nostrum exuberans divitiis diffamatum plusquam toto Romani orbis Imperio. Nam si licet vera referre etiam credere nolitibus, major longè altiùs si res existimaretur erat per totum annum integrum altaris fructus, quàm omnes vel modò vel tunc Abbatiae redditus, atque non uno aut duobus annis, sed per totum vitæ tempus hujus Abbatis Adelardi.

Pace igitur & abundantia securus gloriosè vivebat,

• cunctisque de Regno nobis & nostris reverentiam exhibentibus. Hinc gloriosi sancti Patroni miraculis, hinc domini nostri Episcopi Metensis virtute & nobilitate ejus utriusque hominis quantacumque . . . . . in propria quantacumque discordia in regno securus ambulabat, securus terram suam inhabitabat quicumque sancti Trudonis sive servum sive ancillam se esse dicebat. Milites vero qui de circumjacentibus villis ob infestationem inimicorum suorum oppidum nostrum incolebant, cum adhuc esset sine omni vallo & munitione, tanta tamen pacis securitate in eo manebant, ut si fortè contigisset aliquando eos hostes suos longius processisse, & fugientes ut plerumque assoler, redire, hanc præstantis beneficii gratiam ex meritis & reverentia beati Trudonis haberent, quatenus ex eo loco cessarent eos inimici eorum insequi, quò primum poterat altior pars turris Monasterii nostri videri.

Interea Abbas Adelardus II. sollicitè agens, ne tantus eleëmofynarum fructus otio totus cederet & luxui, Monasterium quod neque vetustate, neque ruinis aliquam ruinâ videbatur minari, non sanè passus est præsumptuorum hominum tam Monachorum quàm laïcorum temeritate dirui, sed amplitudine latitudinèque majus satis ordinatum muro firmissimo, columnisque spectabilibus pulcherrimo tandem opere, sed expensis inæstimabilibus reparari. Videre erat mirabile & relatu erit incredibile, de quàm longè quanta hominum multitudo, quantòque studio & lætitiâ lapides, calcem, sabulum, ligna, & quæcumque operi erant necessaria nocte ac die plaustris ac curribus grâtiis propriisque expensis non cessarent advehere. Ipsi quoque materiales atque in fundamento grandes atque gravissimi positi, fideliter hoc posunt attestari, qui in tota Hasbania cum non possint reperiri, de alienis partibus comprobantur asportari. Columnas autem de Gourmatia per Renum Coloniam usque navigio deductas, atque aliunde alias plaustrisque invectas tanquam à Colonia usque ad nos per terram vehendas, populus vicatim funibus plaustris injectis arden-


tissimo studio rapiebat, & sine omni boum jumentorum. que adminiculo, per ipsum quoque fundum Mosæ sine ponte trajectas catervatim ad nos hymnisonis vocibus perducebat? Quid plura? muro vidit consummatum & recto totum penè obumbratum, excepta parte aliqua, quæ inter majorem turrim & arcum grandem antepositum continetur.

Nec minus interea in ædificandis per Abbatiam Ecclesiis, & emendis Ecclesiæ nostræ nobilium villis & prædiis, de oblationibus ad altare, fideliter operam dabat: nam dimidium quod habemus in Villario, & totum quod habemus in Moscha à Comite BRUNONE de Hengebac, Ecclesiæ nostræ acquisivit, emptum septingentis marcis. Similiter & totam villam de Stades empram centum marcis à Duce FREDERICO: & quidquid habemus in Harches à Comite de Musal ALBERTO: necnon & partem illius quod possidemus in Sarchinio. Pro his tamen plurima de thesauro Ecclesiæ distraxit; inter cetera quidem calicem aureum magni ponderis, & frontem auream de feretro sancti Trudonis, aliqua etiam molendina in vadio posita morte præventus redimere non potuit. Ecclesiæ quas per Abbatiam novas edificavit, seu quas reædificari maxima ex parte juxta sunt hæ tam numero quàm nomine. Prima major nostra Ecclesia; secunda sanctæ MARIÆ semper Virginis in oppido nostro; tertia sancti Gengulfi Martyris in eodem; quarta in Alburg; quinta in Guimala; sexta in Pore; septima in Srafe; octava in Guebechem; nona in Dauch; decima in Strades; undecima in Mere; duodecima in Beninges; decima tertia in Horel; decima quarta in Gemapia. Domum etiam nostram, quæ est Leodii, à fundamento fecit renovari.

Cùmque tot & tantis operibus (quæ ipsum quoque Imperatoris ærarium possent attenuare) libens sollicitaretur, sollicitus occuparetur, tamen à dominis nostræ Ecclesiæ, & à tyrannis Principibus terræ non minus vexabatur frequentibus obsoniis & gravissimis precariis: & licet oblationum altaris fructus per hebdomadam centum posset æstimari libris, præter quod hac illacque

distraxerat audax custodum fraus, & damnosa manuum magistrorum rapacitas, tamen inter has illasque sollicitudines & expensas frequenter egere videbatur & egebat, eoque intolerabilius quia à nemine sibi credebatur. Iam enim sanctæ memoriæ ADALBERO secundus Metensis Episcopus, frater, ut dixi, Ducis FREDERICI, murus & arma paxque post Deum & Sanctos, & læta abundantia Cœnobii nostri obierat, cui succedens HERIMANNUS, pro dissensione quam contra Henricum quartum Imperatorem moverat, eum videlicet qui sub filii sui persecutione longè post istis penè omnibus jam defunctis, Leodii profugus obiit, gravissimis exactionibus Abbatem quotidie, ut ita dicam, exossabat, Ecclesiâsque & censum suis beneficiari majoris damni damnatione cogebar, quem usque Metis ex violentia præcepti sui pertractum, tanto mœrore gravatum remisit, ut inibi beatum Protomartyrem suppliciter exoraret, quatenus prius somno mortis domi quiesceret, quàm Metis ampliùs reversus recideret iterum in violentas iudicii ejus manus. Sed & HENRICUS Leodiensis Episcopus hujus Herimanni contemporaneus frequentissimè ad audientiam sibi vocatum anxie nimis terrebat eum, & in pace esse sine gravissimo damno minimè tandem permittebat. Nam licet canus toto albicaret capite, & in senium vergens omnem æmulis videretur tollere suspicionem familiaris vitæ suæ; tamen apud eum non penitus habebatur acceptus; quod verisne an falsis hominum fieret suggestionibus, hoc Domino Deo nemo novit melius: sic de Abbazia multa suis beneficio dedit, & fiducia oblationis altaris nihil vel reliquit vel constituit quod luminaribus vel ceteris necessariis serviret Monasterii. Iamque eum tædebat vivere cum neque oblatio altaris, nec multus fructus pinguisimæ tunc Abbatiz valerent gravi sollicitudini ejus satisfacere, cessissetque loco Sigebærgæ intentus animo, si eum non retinisset Præpositi ejus Gerardi nomine cura & devotio, quievit tandem in pace anno millesimo octogesimo secundo Incarnationis Domini, prælatus Ecclesiæ nostræ viginti septem annis.

Abbas obiit  
An. 1802.  
Adelardus



# INCIPIT LIBER SECVNDVS.

**P**OST obitum Adelardi II. mala gravissima & dolores super dolorem mulieris parturientis apprehenderunt Ecclesiam nostram, qualia non sunt audita in toto unquam mundo ab illo famoso domino Tito & Vespasiano Hierosolymorum excidio, quæ in hoc secundo Libro altiori reperenda dignum duxi principio, ut directa per ordinem veritatis semita viantem gravatum longo plano releveret vestigio. Siquidem pius multum & patientissimus longanimitatis Dominus Deus non præcipiti ira, neque subito furoris sui turbine statum evertit Ecclesiæ nostræ, sed qui tunc erant temporis patientia Dei abutebantur in contumeliam, vitam suam magis magisque distendentes in luxum & desidiam. Itaque cæcitate sua & contemptu miserationis Dei, vim tandem fecerunt patientiæ ejus & longanimitati: nam quod periculosissimum est atque iræ Dei maximum incitamentum, nolabant intelligere suis peccatis accedere Dei super se flagellum, sed eorum tantum hominum per quos Deus puniebat sui contemptum: unde factum est, ut agitati tandem intolerabili judiciorum Dei turbine dispergerentur diversis partibus orbis terræ, longiusque multo ipsis corporibus exiliarentur, quam infami nomine post ventilerentur.

Igitur, ut superius dixi, miracula ad sepulcrum beati Trudonis quantum licuit, quantumque humana industria facere potuit, occultata fuerunt usque ad paucos annos obitus domini Gontramni Abbatis. Intelligebat enim tanquam vir prudens non evenire ea suis neque suorum meritis, sed admonitiones ea esse de vitæ & morum sui suorumque correctione, quoniam signa data esse infidelibus non fidelibus legerat. Satagebat ergo quamplurimum Fratrum numerum augere & meritum; quapropter ea liberalissima manu Omnipotentis largitoris hanc obtinuit



obtinuit benedictionem, ut omnibus diebus vitæ pax & abundantia comitarentur ejus studiosam religionem: defuncto autem eo, & succedente Adelardo II. coeperunt haberi miracula & virtutes sepulcri sancti Trudonis non tam timori & reuerentiæ, quàm ostentui & populari gloriæ. Frequentabat enim sepulcrum ejus infinitus peregrinorum numerus, neque diebus tantum singulis sed singulorum dierum horis superveniebat multitudo multitudini atque noctis medio grandifona faciebat venientium & abeuntium inquietatio. Vellent nollent Fratres per omnes claustri irrumpebant partes; maximè quia aqua nostri qui adhuc superest putei dicebatur potata in nomine sancti Trudonis fieri medela, atque fiebat accedentibus ad eam languidis. Sed & leprosi ibidem de ea loti referuntur nonnunquam fuisse curati. Quid multa? Oratorium, chorus, templum, claustrum, pratum nocte dieque non inveniebatur à multitudine vacuum, quarum perstreptentium continua inquietatio magnæ fiebat molestiæ, & ordinis impedimento senioribus solitis & volentibus Deo servire in quiete & silentio. Iuniores verò, quibus tædio erat Religio, & disciplina odio, gratulabantur priùs occultè hac quasi necessitate se magistræ Regulæ mandata præterire. Accessu verò temporis, & frequentissimo usu peregrinæ multitudinis, tandem inverecunda fronte coeperunt ad libitum cuncta agere, locorum indifferenter abutebantur qualitatibus, & horarum tam incompetentium quàm competentium vicissitudinibus, seniorum increpationes indignanti supercilio respuere; in ipsum quoque Abbatem interdum indecenter protervire; quòdque primum inanima Monachi est totius perditionis radicale seminarium, & supremum exterminandi Ordinis vixque evadendum excidium.

Interea illicitis proprietatibus ardentè studere, & à sæcularium personarum accessibus vel mediocriter non abstinere, audere quod non expediebat. Hinc quosdam superbi sanguinis effrenabat rumida recordatio, hinc quibusdam lenocinantibus modò sub murmuratu, modò palam objecta accendebat ejusdem fastûs suggestio: quo-

rum impunitas alios animo & sanguine degeneres audaciores reddebat ad similia aut majora committenda, & impatientiores efficiebat si fortè decepti dignè plecterentur regularis disciplinæ sententiâ. Ad hoc ruinosum perituræ Ecclesiæ præcipitium accedebat, ut ita dicam, lubricamentum, videlicet quia de hac vita subtrahebantur quotidie sancti & religiosi viri, qui nutriti fuerant sub disciplina Abbatis Gontramni, quantoque eorum imminuebatur numerus tantò præsumptio & indisciplina inualefcebat ampliùs. Qui verò de illis supererant admodum pauci sibi soli cum dolore vivere, & de juvenum insolentia nec audere mutire. Quid pudore & reverentiâ nostri Ordinis teneor? Quantò longiùs ferebatur relatione peregrinorum gloriola celebritas miraculorum sancti Trudonis, tantò & nostrorum reprehendebatur sæcularitas ex levitate morum & abusione indiscipline. Erat enim summa opportunitas quibusque nostri Ordinis perire volentibus ex peregrina, ut dixi, veniente & abeunte multitudine, tum ex confracti Monasterii vasta reparandaque amplitudine.

Et quia quidquid à discipulis delinquitur ad Abbatem respicere beatus Benedictus testificatur, extendit pius & tantus salutis nostræ monitor manum suam ad percuriendum Abbatem Adelardum, quia remissiùs multò agens quàm necesse esset animabus non opponebat se ad tantum animarum periculum, & ad avertendum imminentis furoris Dei exterminium. Percussit igitur eum Dominus, & sensu alienavit, ut etiam inter signa & miracula, quibus per beatum Trudonem, vitam nostrorum emendandam quotidie admonebat, ex hoc admonitos Fratres terreret, territos animadvertere faceret, quia eorum peccatis facientibus ille sensu esset alienatus, cujus ducatu regi deberent imitantes eorum gressus. Ductus itaque est Leodium ad Monasterium beati Laurentii, ibique freneticorum more factis multis diebus in crypta beatę MARIE semper Virginis, curari tandem meruit ejus intercessione ad sepulcrum Wolbodonis Episcopi. Sed neque sic sentire voluit nostrorum mala cæcitas,

quàm piè, quàm cautè manum misericordiæ porrigeret eis divina misericordia, in flagello sui capitis periculum admonens totius corporis, quin magis impetu irrevocabili ferebantur ad omne quod erat eis desiderio & voluptati, captâ, ut dixi superiùs, opportunitate ex circumstrepenti peregrinorum multitudine, atque ex vasta fracti Monasterii amplitudine, tum quia si quid fortè concupiscentiæ cujusque deerat, supplebat singulis ad placitum suæ pruriginis effusissima oblatio sepulcri beati Trudonis, non enim noxias manus à tanto sacrilegio continere curabant.

Latere ipsa omninò non poterant dominos nostros, scilicet Merensem & Leodiensem Episcopos, quinimmo invidorum delatione majora satis veritate cœperunt credere, Abbatemque gravissimis exactionibus & frequentibus audientis super posse gravare. Nam Clerici, quos in exitiale malum suum parvulos educarat inter scholares pueros nostros stulta Abbatis Seniorumque indulgentia, rem sibi ex prima familiaritate nimis notam cum augmento deteriore per multorum ora spargebant, ipsosque Episcopos modò litterarum transmissione, modò præsentis suggestionis in nostrorum omnium ejectionem, & aliorum Monachorum introductionem vehementissimè accendebant; quorum impudentes linguæ atque impudentiores litteræ plus ceteris omnibus delatoribus, plûsque ipsa fama rem semper augmentante, nostris qui eos educaverant exitiales, ut dixi, fuère. Vnde factum est ut duo supradicti Episcopi Merensis scilicet Herimannus & Leodiensis Henricus, pari in unum conspirarent consilio, quatenus si superstes adhuc defungeretur Abbas Adeldardus secundus, nunquam nostris ex nostris Abbas daretur, sed ad evacuandam irreligiositatem eorum alius aliquis Religiosus eis introduceretur. Bonum siquidem & utile consilium si magistra directione & non ira vindice esset consummatum.

Quid plura? Octavo Idus Decembris Abbas Adeldardus secundus defungitur, Fratrum electio Metis respuitur, decimo tertio Idus Augusti in Capitulo nostro ab

Y y ij

nullique Episcopia cum Religiosis tam Clericis quàm  
 Monachis convenitur: affuit & Abbas sancti Laurentii  
 Berengarius, & magnę vitę & nominis Franco Magister  
 scholarum sancti Lamberti religiosus. Recitantur sub om-  
 nium audientia delatrices litterę ab iniquis Clericis ma-  
 lęque nobis familiaribus datę: ascribuntur illis & illis de  
 nostris alię atque alię criminatorem infamissimę notę;  
 deinde omnibus pro hac infamia in commune Fratribus  
 præcipitur, ut exilio longè latęque per diversa Cœnobiaz  
 ferantur. Totum pondus Capituli die illa in nostros con-  
 vertitur: non enim erat qui miseretur quibus jamdudum  
 cæcitate sua obduratis longanimis Dominus tandem in-  
 veniebatur iratus. Tamen petitã vixque impetratã au-  
 dientiã unus ita responderet pro omnibus: Licet peccata  
 nostra, ô Domini nostri & Episcopi, vósque sanctus tam  
 Clericorum quàm religiosus Abbatum & Monachorum  
 Conventus, alienent pia corda vestra à nostri miseratione,  
 tamen debita justitię pięque judicii regula nunquam  
 debet vacare ab universali matre virtutum sancta discre-  
 tione. Si à Regula sancti Benedicti, quam professi sumus,  
 hæcenus utcumque deviamus, idcirco regulam datam  
 esse credimus Monachis, ut Regulę prævaricatio ipsius  
 autoritate & sententia emenderetur: ita tamen secundum  
 eandem Regulam, ut rubigo vasis sic abradatur, ne testa  
 humanę fragilitatis comminuetur. Peccatis quidem no-  
 stris exigentibus licet sero tamen recognoscimus factos  
 nos esse opprobrium omnibus per circuitum nostrum,  
 non tamen cuncta esse vera quę loquuntur adversum nos  
 malignę linguę odio nos habentium; quapropter si ca-  
 nonicum hoc est, si Regulę nostrę consentaneum, si ve-  
 strę religioni debitum, si usibus Ecclesiasticis usitatissi-  
 mum, date oramus, pronisquę tam mentibus quàm cor-  
 poribus imploramus, date supplicamus, date piissimi  
 Domini nobis Abbatem, quoniam noster defunctus est,  
 cùm datus nobis ille fuerit de omnibus quibus infamati  
 sumus, quibúque hodie accusamur tam falsis quàm ve-  
 ris vocibus, magistra Regula ipsa ordinante, vobis etiam,  
 si placet, præsentibus satisfacere & emendare parati su-

mus, qui si prius cuique inde respondere debemus, sanctus iste vester decernat Conventus. Electus noster cum non tantum careat crimine, sed omni quoque suspitione mala, isque nulla possit auctoritate respui, si nostris tamen falsis reprobarur criminibus, detur nobis quicumque vobis placuerit alius, non contradicimus, quin libenter annuimus, dammodo habentes caput purgari & emendari sub oculis ejus ex his possimus, quibus vel praesentes vel absentes arguimur.

Et quidem erat Electus ille vir peroptimus, prudens & religiosus Monachus, humana divinaque pagina apprime eruditus, diuque loci nostri Praepositus, nomine GERARDUS, ex discipulis Gontramni Abbatis superstitem adhuc unus. Sed tanta fuerat, Proh dolor! infamia eligentium, ut praepudians praevaleret adversus Electi meritum, quamque Dei benignitate & patientia abutentem, aurem cordis à clamore ejus diu averterant, effectum petitionis suae licet iustae . . . . . iusto tamen Dei judicio assequi non poterant. Quid plura? Solvitur tandem die illa Capitulum cum ira magna & indignatione Episcoporum, ratione & regulari auctoritate se premi dissimulantes, tamen occultè ingemiscebant; sed tanquam ministri irae, & virga furoris Domini in nostros, etiam volentes assentiri non poterant. Satagebant ergo tota die illa simul, ut qui ferri in auxilium reluctarentur viribus & ignominiosè sequenti die de Monasterio & oppido ejicerentur, utque ejecti miseratione humana à nullo reciperentur vel in hospitio. Progressus in publicum Episcopus Leodiensis Henricus stolatus auctoritate Episcopali per bannum omnibus in Episcopio suo praepit, ut & hospitium eis non indulgerent, ut quidquid habere invenirentur primò illis obviantes impunè distraherent. Res miserabiliter miseranda, & nisi Dei judicio accidisset, nullo Dei & hominum judicio suscipienda. Sed ne forè in judicio duorum istorum Episcoporum occultum Dei judicium videamur reprehendere, sinamus cum reverentia justum judicem Deum peccata nostrorum per istos punire, hoc tantum ad miseriam eorum veraciter referamus,

quod etiam non indulgentes ministros iræ Dei & virgam furoris Domini se esse, esse tamen meruerunt & pro peccatis suis peccata aliorum punire, atque ita ut non modò hoc fieret sine reverentia Monachici Ordinis, sed etiam sine compassione in homines saltem extremæ necessitatis. Quæ enim Regula, quis Canon, quis Ordo, quæ leges hoc authorizant, ut defuncto suo Abbate Monachi Abbatem regulariter petentes, & quidquid de eis vel fama mentitur, vel veritas perhibet secundum Regulam suam vel purgare vel emendare volentes, ire ante datum Abbatem ab Episcopo in exilium compellantur, & nisi assentiant, stola & banno omnes in Episcopio Christiani ab eorum hospitalitate interdican- tur? Sed cum reverentia, ut diximus, justum Dei judicium in istorum judicio suscipiamus, proximiorémque Dei clementiam indubitanter credamus esse erga illos quos dignatur corripiendo flagellare, quam quos voluit ministros iræ suæ & virgam furoris sui esse, si tamen in humilitate conscientia suæ sciunt correctionem Dei suscipere. Episcopi nec justæ petitioni nostrorum acquiescentes, nec Deum in se nostros persequi pro peccatis tam suis quàm nostris intelligentes, spre- ta nostrorum digna electione & quæ reprobari non pote- rat aliqua regulari objectione, sicut jamdudum delibera- verant, sequenti die stupentibus oculis Monachorum in- troduxerunt in Monasterium nostrum LANZONEM quemdam de Cœnobio sancti Vincentii Meris Abbatem, virum quidem religiosum & inter Religiosos nominatissimum; at nihil religioni ejus detraxissent, si tamdiu à regimine Cœnobii nostri abstinuissent, donec canonica auctoritas etiam repugnantes eum ad id pertraxisset. Nam nisi me fallunt auctoritates Sedis Apostolicæ, scilicet Cælestino Papa præcipiente, necnon & illud idem Nicolao Papa ad Carolum Francorum Regem & Egil- nem Episcopum Senonensem, multipliciter iterante:

„ Illicitum est in aliena stipendia quemque obrepere, &  
 „ ex transverso venientem in castra inter quæ non militavit  
 „ ducatum arripere: Tunc\* tandem alter de altera eligen-  
 „ dus est Ecclesia, si de civitatis ipsius Clericis vel Mona-

*Nicol. 1.  
 ep. 21. sub  
 viit.*

*\* Cælestin.  
 1. ep. 2.  
 cap. 5.*

chis nullus dignus inveniri potuerit qui ordinandus sit. <sup>et al. \* illi re-  
probandi  
sunt ut</sup> Primum enim illi requirendi sunt quàm \* aliqui de alienis Ecclesiis præferantur. Habeat unusquisque fructum suæ militiæ in Ecclesia in qua suam super omnia officia transegit ætatem in aliena stipendia minimè alter obrepat; nec alii debitam alter sibi audeat vendicare mercedem. Hæ sunt auctoritates Sedis Apostolicæ.

Quòd si quis dominum istum & religiosum quidem virum Lanzoem Abbatem ex eo conatur deffendere, quia faciente ipsius famosa religione consenserint in eum duo Episcopi isti de violenta ejus in nostros prælatione, audiat se inde redargui hac ejusdem Nicolai Papæ ad eundem Egilonem auctoritate. Quid autem, inquit, suffragatur consensus Episcoporum ubi non pro Regulis sed contra Regulas adunatur. Et paulò post, Cujuscumque itaque sit sanctitatis dono quolibet præditus, alienos non debet labores præripere; quippe cùm jubet nihil eorum quæ proximi sunt aliquo modo concupiscere: eo ipso enim quo quisquam alteri pertinentia jura surripit, sanctitatis gratiam perdit. Nam quæ sanctitas vendicat mercedem alteri debitam? Quæ sanctitas alterius sibimet fructus usurpat? Contra has ecclesiasticas auctoritates & Sedis Apostolicæ interdictiones, licet sanctus, licet justus, licet religiosus, licet suffragante illi duorum Episcoporum consensu peccatis nostrorum ita merentibus, dominus Lanzo Abbas est super nostros introductus. Donum tamen rerum temporalium & cura committendarum ei animarum delatum est ab Episcopis usque ix. Calendas Septembris.

Die verò Capituli convenerunt in Chorum ad Vesperas omnes Confratres nostri vestientes chorum formosis viris magnarum personarum, & eruditis apprimè in omnibus officiis Ecclesiasticarum institutionum. Felix quidem Ecclesia tot & talibus & tantis viris, si non iratum habuisset Deum Patrem, si pro peccatis suis vel iram ejus scivisset portare in humilitate cordis & contritione carnis. Sed quid moror? Eadem nocte intelligentes ab amicis quòd sequenti die violenter & contumeliosè contru-

derentur in exilium si in Claustro essent uniti, pavore dissoluti (ut est humana natura, & maximè formidolosa simplicitas Monachorum) fugâ sibi consuluerunt: unus tantùm eorum, Luipo nomine, exilio sibi magis quàm fuga electo transmissus est Leodium sub BERENGARIO Abbate apud sanctum Laurentium: paucissimi verò cum Abbate Lanzone remanserunt, GERARDUS scilicet Præpositus ille nostrorum electus, necnon & Blingerus, Herimannus quoque senior cum alio Herimanno nepote suo, atque Eugo paulò post missus est Metis in exilium; cæterorum plurimis per Flandriam & Angliam, Daciam & Saxoniam, Regnum quoque Theutonicorum dispersis: pars minima habitu sibi retento per diversa Cœnobia hospirabantur, pars maxima nihil sibi de Monacho retento Presbyterorum more per diversas parochias vagando ferebantur: sed & Leodii & Coloniae postiræ Dei super locum nostrum poenitentiam, & redditam nostris miserationis suæ gratiam, vidimus nonnullos eorum inter Clericos sub Clericorum habitu consenuisse in ordine Canonicorum Leodii in Monasterio sanctæ Crucis, necnon sancti Iohannis Coloniae in Monasterio sancti Georgii.

Interea LANZO Abbas fultus duorum auctoritate Episcoporum coepit strenuè de temporalibus & spiritualibus apud nos agere, advocata sibi de Metensium partibus religiosorum Monachorum multitudine; sed nescimus quo occulto Dei iudicio gravissima contritus est divinitus adversitate, dum humana forsitan nimium elevaretur prosperitate. Nam anno tertio prælationis ejus super nostros septimo Idus Martii combustum corruit mirificum illud & pulcherrimum opus Monasterium nostrum, quod incomparabilibus in hac nostra terra columnis & rectura irrecuperabili penè cōsummaverat pia sollicitudo Abb. Adelardi II. tantùmque fuit, non dicam infortunium, sed, ut dixi, occultum Dei iudicium, ut de una domuncula, longè quidem posita, in toto oppido nostro solùm nostrum combureretur Monasterium; globus namque ardentis straminis altissimè se attollens ab incendio flammivomentis



mivomentis domunculæ, dicitur visibiliter tandem cor-  
ruisse supernidum ciconiæ in una duarum turrium, quæ  
est juxta orientales absides in australi latere, & oppidanis  
ad clausum ostium Monasterii concurrentibus, sed Fra-  
tribus causam nescientibus, tamdiu protelatum illis esse  
introitum, donec vis ignea inexpugnabile sibi præoccu-  
passet totius domus imperium. Cecidit igitur tandem,  
cecidit illud Monasterium, cujus simile amplius nostrum  
non habebit Cœnobium, illæque mirabiles columnæ su-  
per quibus labor, expensæ, studium, opus, pulchritu-  
do, magnitudo referri dignè vix potest, ita funditus igne  
resolutæ corruerunt, ut de duodecim reformari non pos-  
set una similis prædictarum. Sed à tam luctuosa descri-  
ptione paululùm hîc jam respirare oportet, & secundi li-  
bri fine terminato ad tertium inchoandum molestum ani-  
mum recreare clementiori otio.

\*\*\*\*\*

### LIBER TERTIUS.

**Q**VAM gravi sollicitudinum mearum pressura ur-  
geor, tenue nimis vilitérque scissum ipse reprehen-  
do quidquid in hac ordita tela texuisse videor. Sed quid?  
Si talis non fuerit res peracta, vel digna sit ita permanere,  
tantùm saltem conferet ex sua vilitate, quam quandoque  
coget erubescens se in melius stylum commutare. In-  
terim Lector animadvertat quod scribitur, non quàm  
bene scribitur.

Anno igitur Dominicæ Incarnationis millesimo octo-  
gesimo secundo obiit Abbas Adelardus II. octavo Idus  
Decembris; tertio verò Idus Aug. Capitulum actum est  
super Confratres nostros à duobus Episcopis, HERI-  
MANNO scilicet Metensi & HENRICO Leodiensi, qua no-  
cte dispersi sunt omnes Confratres nostri præter paucos  
quos superiùs nòminavimus. Nono autem Calendas De-  
cembris LANZO Abbas sancti Vincentii Metis ordine me-  
morato in secundo libro Abbatiam nostram regendam

---

 1082.

1085.

suscepit : tertio verò anno introitus ejus combustum est Monasterium nostrum , scilicet septimo Idus Martii anno millesimo octogesimo quinto.

HILDEBRANDUS Papa , qui & GREGORIUS VII. est appellatus , & HENRICUS IV. Romanorum Imperator , qui Leodii obiit filii persecutionem fugiens , gravissimis dissidiis Regnum & Sacerdotium hac illacq; miserabiliter distrahebant ; quare Imperator faventium sibi Episcoporum Mogontiae Concilio habito , suisque Papae CLEMENTIS appellati , Ravennensium scilicet Archiepiscopi , auctoritate ut sibi videbatur roborato ; HERIMANNUM Merensem Episcopum , hostem imperii publicum adjudicari fecit in eodem Concilio , totoque alienari Metensium dominio , Abbate quodam sancti ARNULFI Metis , Gualone dicto , Episcopo pro eo supposito.

Interea LUIPO unus de Fratribus nostris , ille , inquam , qui Leodii apud sanctum Laurentium exilii sententiam susceperat , fuga exilium evadit , necessitate quidem eâ quia Leodiensium Episcopum longius eum velle in exilium mittere sensit : qui cum per omnes quos utiles sibi fore existimabat , per ipsum quoque Imperatorem apud Abbatem Lanzonem omni humilitate ageret , ut receptus in Claustro suo , quo nutritus fuerat , ordine quo & alii venire posset , nullo modo impetrare valuit. At ille cum parentibus suis Lovanii , interdum verò Salechem , aliasque nonnunquam ( nobiliter enim natus fuerat ) de patrimonio suo tristis & mœrens vivebat. Sed auditis inimiciis quæ inter Imperatorem & Herimannum Merensem obortæ fuerant , & quia abjudicatum illi Episcopatum , Imperator cum omnibus appendiciis ejus , simul etiam & Abbatiam nostram eadem lege habebat in manu sua , locutus Fratribus suis qui Gandæ in Monasterio sancti Bavonis exulabant , necnon & quibusdam qui Abbatem Lanzonem aliquantum cum eo morati tandem effugerant , simul etiam aliquibus qui cum eo adhuc erant. Ut multa interea hac illacque acta præteream , ab Imperatore tandem obtinuit ut suscepto dono Abbatiae nostræ de manu Imperatoris , per duos Comites ejus in eam in-

roduceret, GERARDUM scilicet de Castello quod dicitur Guassenberge, & Gosuinum avunculum ejus de Castello quod vocatur Heinesberge. Hæc autem ea geri videbantur ratione, quia absque electione dominus Lanzo introierat Fratrum electioni suppositus, Episcopatusque Metensium, qui Herimanno abjudicatus videbatur, in manu Imperatoris habebatur, cujus capiti inhæret nostra Abbatia: quare Imperator Lanzonem tanquam invasorem remove posse sibi videbatur, & Fratribus nostris suum electum dare. Nostro tamen judicio non videtur cohærere hæc ratio, cum si quid contra Canones actum esset ab Episcopis in nostros de Lanzone, Apostolica potius coercendum esset auctoritate, quam illicita Imperatoris potestate. Sed apud mortales per mortales nihil justè rationabiliterque agitur, cum rationis justitiæque regula Deus judex justus victâ patientiâ insurrexerit iratus. Hac tamen ratione & ordine Luipo Abbatiam nostram primùm visus est intrasse, qui situm & postmodum gratis & per ostium introierit restabuntur sequentia ipsius opera.

Intravit igitur septimo Calendas Junii in pompa magna militum, qua die secunda feria fuit Rogationum, cujus tyrannidem Lanzo veritus intra parietes se continuit, turrinque præoccupans cum paucis Monachis vitæ sibi eam solatium fecit. Primus quidem ipse fuit, qui turrin nostram sibi vitæ præsidium fecit; quæ res perniciosissimum postea exemplum nostris fuit fiducia tanti præsidii factis rebellibus in excidium totius loci nostri: non tamen vir religiosus ita intellexit, cum eam ascenderet, qui nihil ex ea nisi vitam sibi servandam cogitabat, donec Episcopi auxilio salvus evadere posset. Sed seditiosus populus noster, & ad omne quod est turbæ & dissidii levissimus, hujus viri necessitatis leviter in malo potuit meminisse, oblata sibi rebellandi & calumnias faciendi occasione. Vnde ipsi aliquando meminimus & post præsentem vidimus, non solum oppidum nostrum incendio prorsus conflagrasse, verum turris hujus occasione plurima miseraabilia in eo accidisse cum humani sanguinis largæ effusione.

Z z ij

Igitur quidam de Fratribus nostris, qui prælationem Lanzonis Abbatis ferebant inviti, ad Luiponem statim se convertunt, beneficiari Ecclesiæ præter paucissimos, necnon & oppidani fidelitatem ei faciunt: Lanzo interea Letanias Rogationum intra parietes templi agebat cum paucis Monachis. Luipo per campos, ut mos est, cum multis de Fratribus nostris, & turba laicali. Homines nostros ad hujusmodi seditiones facillimos, & modò hac, modò illac levissimè devios usque ad nostra quoque tempora invenimus; quod & interdum gravissimè experti sumus quamdiu de Monachis supersit vel unus, qui contendere de Abbatia nostra moliretur. Quid moror? franguntur tandem ab hominibus Luiponis fores Monasterii versus Claustrum, & Abbatem Lanzonem intra turrim coactum ostium exire non permittunt. Tandem eum in ea necessitatem audivimus sustinuisse, ut aliquot diebus à pauperibus mulierculis per fenestrulas aleretur grosso & arido pane, vasculóque parvissimæ refocillaretur aquæ. Sic & sic & hæc & illa per quindecim dies sunt inter eos acta. Quinto decimo demum die in qua misit Episcopus Leodiensis Abbatem Berengarium de Cœnobio sancti Laurentii Leodii, & astu simplici ereptum Abbatem Lanzonem de nostra turri, cum eodem Abbate manere fecit Leodii in Monasterio sancti Laurentii. Fecit etiam ibidem ei servire quidquid habere videmur in Sisuin, & in Iemapia, & in Villario, & in Olere; deliberans interea quid de Luipone ageret. Post hæc nihil moratus Luipo. Meris proficiscitur, & redditum Gualoni baculum, qui super Herimannum Episcopus ibi dicebatur, ab eodem recipit, præsentibus ibi de Fratribus nostris multis, & de oppidanis melioribus. Episcopus Leodiensis de hac præsumptione Luiponis contemptuque Ecclesiæ sancti Lamberti, suis tam Abbatibus quàm Archidiaconibus totique simul Ecclesiæ conquestus, eorum judicio Luiponem excommunicat decimo septimo Calendas Iulii, Octavis scilicet Pentecostes, omnesque adhærentes ei.

Sed heu! nunc, nunc invalescit materia de miseriarum nostrarum miserrima relatione, sub cujus pondere mens

collisa hebetudine sua stylum quoque hebetem facit, horroreque informis monstri & enormis materiae timet in lucem prodire. Dicendum enim hîc erit post primam & miserabilem illam mirabili flamma faciente templi nostri ruinam, secundo vix anno & quasi calidis adhuc templi cineribus quomodò totum oppidum nostrum in una quasi favilla corruerit, & humanus sanguis non modò perustus femirutòsque templi parietes foedaverit, verum altiùs largèque super ipsas altariorum crepidines roraverit.

Igitur Luipo quid faceret? Episcopum HENRICUM inexorabilem prorsùs sibi videt: rem igitur ad Imperatorem iterum atque iterum refert. Imperator turbato sibi Regno & Sacerdotio ægrè occupatus rem ejus usque in Curia Aquisgranensi differt: fit Curia in Natali Domini, assunt Episcopus & Luipo, longè inter utrosque post & ante Imperatorem verborum conflictus. Cedit tandem Episcopus victus terrore Imperatoris magis quàm legibus. Solvitur cum suis omnibus ab excommunicatione Luipo. Sed interim Fratribus nostris omnibus divino interdicto officio, donec dato sibi conductu veniens ad audientiam pacificè Leodii discuteretur Luipo, si quo modo posset de eo petitio Imperatoris fieri. Luipo instante die licet conductum sibi videret deesse, CONRADUM scilicet. Ulterioris Trajecti Episcopum, qui sibi permissus fuerat coram Imperatore, tamen ad diem tendit, quem ministri Leodiensis Episcopi excipientes insidiis, juxta villam Iupiliam Leodio proximam graviter verberatum spoliant; neque tamen sic à proposito itinere prorsus deterrent. Sedit Concilium. Iubetur Luipo intrare. Ille non abnuit dummodò spoliato sibi res suæ restituerentur, & qui eum introduceret promissus ei adesset conductus. Iterum atque iterum & usque tertio vocatus, cum superiùs dicta ratione venire nollit, tandem excommunicatur: sicque tristis ad Claustrum reversus, res domesticas disponit, & statim ad Imperatorem redit. Nec mora, fautores ejus consilio similiter habito de munienda turri nostra deliberant, & quidquid munitioni & obsidioni videbatur esse necessarium parant. Eliguntur ad tale

negotium juvenes audacissimi multarum in corpore & parentela virium, sed paucissimi consilii, ut si Episcopus Leodiensis Lanzonem reducere vellet, timor turris ab illis occupata eum à reditu arceret, donec dominus eorum Luipo ab Imperatore pace habita rediret. Tantaque erat cæcitas judicio Dei eorum qui videbantur in oppido nostro sapientiores & natu majores, ut non attendere vellent quàm pessimum furem haberent, quia domus Dei illis cooperantibus aut consentientibus, sive non resistentibus fiebat militum præsidium, quinimmo spelunca latronum, & sacrilegorum refugium.

Cœperunt interea novi illi castellani ædificatam sibi munitionem possidere multo Dei contemptu, & rerum Ecclesiasticarum abusione: nam cortinis & tapetibus, quibus tunc multis & pretiosis abundat nostra Ecclesia, velabant undique exterius novæ ædificationis suæ circa turrim ambulatoria, sub illis & circa ea protegentes se ab æstivalis solis ardore; & bibentes & manducantes luxuriosè: nam spatium Monasterii, quod est à turri usque ad arcum primum ante ipsam turrim, munitioni suæ quasi antemurale conjunxerant, & per fenestras trium simul positarum turrium trabibus ingentibus longè porrectis in giro extra turre placidum aspectu composuerant ambulatorium. Ibi, ut dixi, cortinis & tapetibus ceterisque ecclesiasticis utensilibus luxuriosè nimis abutebantur. Censum quoque & annonam, quæ pertinebat ad Fratrum præbendam, gulæ suæ & libidini prodigè nimis servire faciebant. Nam inter magnos & parvos vix octo Fratres tunc habebantur apud nos: qui enim Deum timebant, Leodiensis Episcopi dispositione per alia Cœnobia hospitabantur, & quidam vestibis abjectis Monachicis Clericali habitu exules abutebantur. Quidam verò illorum, qui cum Luipone remanserant, horum omnium malorum non tam incentores quàm etiàm cooperatores existebant, & simul cum seditiosorum furore quasi oleum in igne rebellionum insaniâ effervebant. Quorum scilicet turrensium insolentiam cum majores oppidanorum tardè quidem nimium cohibere vellent,

nullo modo jam poterant : quia parentelâ & armis , insuperque forti , benèque stipendiata munitione confidentes , admodum quem excefferant redire jam nisi invitè nolebant ; unde frequenter inter eos est rixa exorta , inque fori medio & intra ipsum atrium cruentè pugnatum . Tunc demum peregrinorum multitudo cœpit cessare , quæ ut superius descripsi quotidiana concertatione ad sepulcrum beati Trudonis solebat oblationem offerre . Nam hinc illos dehortabatur horror bellicæ , immo diabolicæ faciei , quam ex armata turre impresserant latrones illi domui Dei ; hinc Episcopalis terrebat interdictio , quæ sacrilegos illos præconabatur ex oblatione fidelium non debere stipendiari .

Quid longius moror ? his & aliis innumerabilibus nostrorum præsumptionibus provocatus Leodiensis Episcopus , movit tandem exercitum ad expugnandam non jam turrem Ecclesiæ , sed speluncam latronum . Igitur Nonas Iulii feriâ secundâ obsessum est ab eo oppidum nostrum , ipseque resedit ante portam illam qua exit Sarchinium . Erat tunc temporis totum oppidum nostrum vallo fortissimo munitum , atque desuper postibus fortissimis magnisque trabulis\* coronatum : super singulas portas tures ligneæ eminentius ædificatæ , strataque per medium , & vestitæ per circuitum cratibus firmissimis , & nullis sagittarum acuminibus perviis . Præterea turris Monasterii fortissima quasi arx excelsa in medio oppidi instar montis eminebat , qualem non deceret tunc temporis habere Monasterium , sed civitatem bellicosissimam aut castellum Regium . Tum fortissimus Monasterii murus , qui in anteriore anno concrematis tectis adhuc totus stabat nudus , longo suo exterius gyro & amplo interiùs spatio , amplissimos & plenos securitatis præbens illis qui in turre mirabantur recessus . His namque freti munitionibus , tum multitudine maxima bellicosorum , magnæque audaciæ virorum , quibus semper abundasse oppidum nostrum scitur , prima die obsidionis frequentes temerariosque nimis faciebant in exercitum excursus , ita ut Episcopum loco moveri facerent , & majorem suorum revocare mul-

f. \* tribulis,  
vel crabibus

titudinē , potuissentque non multum timere illam obsidionem nisi propter injustam eorum causam & domus Dei prophanationem, Deum vindicem habuissent expugnatorem. Orta igitur sequenti statim die inter eos est seditio, aliis de deditione murmurantibus, aliis de repugnatione conclamantibus. Itaque invitis qui turrim occupaverant, alii quos jam pœnitebat incepti, obsides Episcopo tradunt, ut sanis rebus suis & corporum concessa sibi incolumitate Episcopus cederet ab obsidione, oppidani à rebellionē. Sed quæ prudentia, quod consilium effugere tandem potest iudicis iræ Dei iudicium? Nam & ipsa pœnitentia interdum esse potest infructuosa cū facti mali pœnitent nos, magis ne de rebus temporalibus aliquid perdamus, quàm ut Deum quem offendimus satisfactione placare studeamus.

Erat tunc temporis adhuc inter Brustenienses & Trudonenses gravissimum & antiquum belli jure dissidium, quorum alterutros nunc lancea, nunc sagitta, plerumque & gladius usque ad quamplurimos & de melioribus viris voraverat. Itaque Brustenienses intelligentes de pace faciēda inter nostros & Episcopum, gravissimè ferunt, & quidquid illud sit audent moliri ad nostrorum excidium. Postposita igitur fide qua Episcopus obsides nostros susceperat, eadem hora qua ante eum venerant per quosdam recessus ultra vallum in oppidum nostrum transiunt, nostris nihil minus quàm id suspicantibus, pro pace laudata & datis jam obsidibus, & immò remisissè positisque armis se continentibus. Prius ergo silent igne injecto, deinde pedestri populo clamoribus in idipsum concitato, deinde igne & ferro totum invadit exercitus oppidum nostrum spe prædæ, captivandorumque cupiditate, non respicientes ad reclamantem fermèque solum relictum Episcopum, qui nihil Brusteniensium insidiarum sibi conscius agrè nimis ferebat pro acceptis obsidibus, lacrymasque & grave suspirium dicitur fuisse, cū victricem flammam videret Ecclesiam beatæ *MARIÆ* semper Virginis corripuisse. Nostris licet serò ad arma tamen audenter convolantibus per plateas, per compita, per notos sibi



sibi melius quam illis viarum recessus, multus hostium sanguis effunditur. Hinc tamen eos igne, hinc armis circumvallantibus, inque fori medio gravissimum commissum est praelium, armorum collisione, & gemituosa humani sanguinis effusione tetra & miserabilis facta est diei illius facies, horribilis quoque & cruenta tota fori planities. Prævaluit tandem multitudo, & nostros in atrium retrogrado cogunt vestigio. Heu quantum sanguinis effusum fuit priusquam possent nostri compelli intra portas Monasterii! Nam qui supra turrim erant omni defensionis genere hostes miserrimè procul & propè conterebant, etiam quibusdam ex Monachis, qui diu postea nobiscum vixerunt, acerrimè accinctis ad hujus defensionem necessitatis. Miserabile erat videre à fenestris turris sanctam imaginem Domini, sanctum scilicet Crucifixum pendere, & in expositum sancti Eucherii feretrum congradientem multitudinem sagittas mittere. Cùmque recepti intra templi parietes qui fugæ aut neci superfuerant de nostris portas clausissent, multo hostium dolore gravissimo suorum moti occisorum, spèque illecta majoris prædæ, coepit diligentissimè explorare per gyrum Monasterii parietem, si quem ad nostros possent habere accessum, & fracto tandem muro ad austrum contra cryptæ introitum, necnon & per fenestras coeperunt irrumperè in Monasterium. Interea nostri timorem & sollicitudinem intus silentio simulantes, quantos volunt de hostibus intrare permittunt, subitæque in eos facta irruptione non tantùm trucidant, quantum super ipsa quoque altaria insilientes horribiliter immolant. Fit, proh dolor! in domo Domini cædes cruentissima ita ut membratim concisorum hostium hac illacque plura facta eongerie, visceribusque effusis forte insatiabili furentis gladii mucrone, non solum parietes & pavimenta humano aspergerentur sanguine, sed ipsa quoque altaria sancti Trudonis & Eucherii sepulcra avulsorum intestinorum heu, heu polluerentur stercore, nec satis hoc erat huic tam miserè victæ nostrorum victoriæ; nam artus exanimis igni circumfurenti injectos hic ibi prunarum ex incendio ferven-

tissimus factus acervus, pestiferi nidoris profluente sanie miserabiliter urebat.

Hóccine portendebant, sancte Trudo, tua miracula quæ tantis prius temporibus fiebant ad sepulcrum tuum, tot tam crebra, tam stupenda, tam gloriosa portendebant quidem, quia dum blanda commotione miraculorum tuorum non corrigeretur negligentia vitæ nostrorum, quin magis inconsideratè elati in luxu & desidia abuterentur fructu inæstimabili ad altare oblationum, meruerunt tandem experiri tam terrificam, tam gemituosam sententiam in se iræ Dei iudiciorum? Intellexerat hoc longè ante prudentia sagacis mentis religiosi Abbatis Gontramni, qui quando suo primùm tempore inciperent fieri hæc signa, dicebat ex auctoritate divinæ scripturæ, *In fidelibus non fidelibus signa data primùm fuisse*: & quasi ad divinam commonitionem per ea signa melior factus & timidus, satagebat prius multùm de occultandis quæ fiebant suo tempore miraculis, deinde de vitæ suæ & Fratrum correctione, quam prædicabat quotidie ea miracula commonere; quod quoniam nostri noluerunt animadvertere; involuti sunt tandem hac quam descripsimus miserrima vultûs sui confusione.

Quid tandem? Tota die pugnatum est, noctis supervenientis beneficio cessaverunt utrinque hostes. In toto oppido nostro nec minima domuncula die illa superfuit incendio. Nocte illa qui supererant de nostris fugâ dilabuntur, quippe qui nihil congregaverant sibi unde in Monasterio sustentarentur. Pauci qui erant in turre, & qui tantorum malorum maxima pars fuerant, licet ambigui necdum tamen illa nocte recesserunt, sed missis nuntiis ad Comitum Arnulfum de Los turrim ei tradiderunt.

Heu heu! quibus gemitibus, quibus lacrymis referam gloriosam adhuc tunc thesauri Ecclesiæ nostræ suppellectilem, quæ in ea turri comportata fuerat, à reddentibus & recipientibus turrim quibus quantisque modis distracta fuerit, quo ludibrio habita non tam viris aut matronis, quàm ipsis quoque mœchis aut mulierculis. Nudata est illa die Ecclesia nostra omni interiore sua & exteriori

gloria. Pauci de Monachis qui in ipsa obsidione gravi senecta corporis locum relinquere non poterant, miserabilem loci faciem interiùs & exteriùs aspicientes, & nihil aliud præter ruinam, nisi horribilem solitudinem, utcunque exire conantur, viámque Margueles arripientes, à nostris quoque perfidissimis, & nullo unquam Dei iudicio castigatis corripuntur, percutiuntur, spoliantur, Episcopoque Leodiensi, plectendi transmittuntur. Erant in his duo magnarum & pulcherrimarum personarum viri, litterarum artibus, & usu Ecclesiæ nostræ apprime eruditi. Alter LIEBERTUS, cujus studio multi & optimi adhuc hodie habentur in bibliotheca nostra libri, & qui multa thesauro Ecclesiæ nostræ addiderat, quæ illo exterminio cum ceteris aliis quamplurimis bonis, non tam prædonum quàm nostrorum quoque manus sacrilegæ diripuerunt. Alter verò STEPELINUS cujus nos diu post sepulturæ interfuimus. Ceteri utcunque miserrimè evaserunt. At Episcopus illos præter nostrorum perfidissimorum spem illos impunitos abire permisit, episcopium tamen suum interdixit.

Acta sunt hæc octavo Idus Iulii. Interea Comes ARNULFUS de Los turrim nostri Monasterii pro præsidio habebat. Cúmque in Monasterio nostro nec puer, nec juvenis, nec senex, nec quisquam Monachorum tandem remansisset, nudósque semirutósque Monasterii & Claustrii parietes solitudo cum nimio horrore nocte & die inhabitaret, erat nimis miserabile & gemituosum etiam inimicis de tam gloriosa quondam domo faciem tam tristem, tam lugubrem, tamque horribilem aspicere; vespertinisque horis, necnon & nocturnis & matutinalibus pro dulci quondam psallentum Monachorum choro, stridores tantum in ea audire vespertilionum & malè ominatos cantus ulularum. Tunc de ea dici illud aptè nimis quidem poterat, quod Dominus per Isaiam Prophetam minatur de Babylonia: *Et erit, inquit, Babylon illa gloriosa* Isai. 13. 19. *in regnis, incluta in superbia Caldæorum, sicut subvertit Deus Sodomam & Gomorram.* Atque illud Hieremiæ: *Præcipitavit Dominus nec pepercit, omnia speciosa Iacob* Thren. 2. 24.

ibid. 3.

ibid. 1. &  
seqq.

c. p. 1. 10.

*destruxit : destruxit in furore suo munitiones. Et infra : Succendit in Iacob quasi ignem flammæ devorantis in gyro. Et paulò post : Factus est Dominus velut inimicus : præcipitavit Israël , præcipitavit omnia mœnia ejus : dissipavit munitiones ejus , & replevit in filia Iuda humiliatum & humiliatam. Et dissipavit quasi hortum tentorium suum , demolitus est tabernaculum suum : oblivioni tradidit Dominus in Sion festivitatem & sabbatum ; & in opprobrium in indignationem furoris sui Regem & Sacerdotem. Repulit Dominus altare suum , maledixit sanctificationi suæ ; tradidit in manu inimici muros turrium ejus. Et paulò superiùs : Manum suam misit hostis ad omnia desiderabilia ejus. Possem currere penè per omnem lamentationem Hieremie super Hierusalem , & etiam ad litteram invenire possem aptissimè convenire eam ad Ecclesiæ nostræ lamentabilem miseriam ; qui enim etiam nunc hodie eam aspicit intus & foris , cum tamen multo & incredibili dolore & sumptibus pars aliqua murorum , immò multa sit refarcita , ædificiorum restructa , substantia reacquisita , Fratrum numerus major , ordo & vita eorum melior ; & post cùm adhuc florens staret Ecclesia videre eam potuit in pulchritudine sua & divitiarum gloria ; parvissimum quidem est unde consoletur suam mœstitiam , cùm vix umbra sit hæc ad priorem ejus gloriam. Sed de his satis hîc dictum est.*

Igitur hâc miserîâ , & majore quàm sciarnus dicere , hocque Monasterio in solitudinis horrore jugiter permanente , præter quod milites Comitum ARNULFI de præsidio turris prophanatica præsumptione frequentabant ingressum & egressum Monasterii : tandem Episcopus Leodiensis misertus miserîæ loci , tam quondam gloriosi quàm nunc ignominiosi , eodem anno parum sicut ante Augustum remisit ad locum nostrum Præpositum Gerardum , illum scilicet quem superiùs diximus fuisse ad Abbatem electum. His enim malis super locum nostrum irruentibus , & Abbate Lanzone apud sanctum Laurentium Leodii morante , posuerat eum Episcopus apud sanctum Iacobum in eadem civitate , diligens & honorans eum tan-

quam virum prudentem & religiosum. Remisit igitur eum, ut dixi, ante Augustum, ut horrea construeret, fruges colligeret, & circa exustos Monasterii parietes aliquas utcunque domunculas repararet, sepulcrumque sanctorum Trudonis & Eucherii qualicunque cappellula circumdans prępararet, ut aliqui de Fratribus redeuntē possent incipere Deo servire, & habitaculum manendi invenire. Quā re pro tempore & loci facultate peracta, cœperunt Fratres bini & bini redire, sed illi tantum qui Luiponem execrantes Lanzonem noluerunt deserere. Lanzo autem Abbas novissimus suorum omnium rediit, decimo scilicet Calendas Martii die natalis sancti Eucherii. Et ut dixi pro tempore & loci facultate agere strenuē cœpit, nihil tamen unquam remissiū agere promittens de his quę sunt nostri Ordinis. Sed erat odibilis supra modum penē omnibus oppidanis, dicentibus eum causam fuisse malorum quę acciderant eis. Tunc tandem milites Comitis Arnulfi recesserunt de pręsidio turris, & oppidum nostrum cœpit licentiū inhabitari. Interea dum hæc alięque perplurima mala geruntur apud nos, & non tam volubili fortunę rota quā iusta in nostros vindicis Dei ira, nihil firmum, nihil certum, nihil prosperum nostris esse permittitur. Metensis quoque Ecclesię, cuius nos membrum sumus, tantō aliorum fluctuum gravissima quatiebatur collisione, quantō caput cetera quęlibet membra solet supereminere.

Itaque GUALO, quem superiū diximus Episcopo Metensium HERIMANNO suppositum, videns quia nihil proficeret, quinimmo veraciter cognoscens quia se graviter apud homines infamasset, apud Deum condemnasset, quia scilicet illicita ascensione viventis adhuc patris sui cubile maculasset, pœnitentia ductus ad humillimam satisfactionem Herimanno venit coram omnibus maioribus & religiosioribus Episcopis; proque emendatione tam illiciti facinoris positus in Cœnobio Gorziensi sub disciplina, factus est custos puerorum, qui antea dicebatur Episcopus Metensium. Postea tamen vidimus eum Abbatiam suam recepisse scilicet sancti Arnulfi Metis, com-

pulso ad miserationem ejus Herimanno Episcopo super pœnitentiam humillimè pœnitentis. Veruntamen Imperator Herimannum nec sic esse quietum sinebat; statim enim contra eum & super eum Merensibus alium figuravit Episcopum, BRUNONEM videlicet Comitis de Caluch, hominem quidem nobilem sed levissimum, inque solo mendacio gravissimum, cujus frater GODEFRIDUS postea extitit Comes Palatinus. Bruno ergo per missaticos suos ea quæ apud nos habere videtur beatus Protomartyr Stephanus sibi usurpans, frequentibus & humillimis litteris Lanzonem Abbatem ad se venire rogat, suamque invasionem hujus viri auctoritate palliare volebat; sed viri religiosi constantia nullo modo acquiescebat, solum habens eum pro suo & Merensium Episcopo, quo vivente videbat adhuc vacare sedem illam absque canonico iudicio. Quid tamen faceret? Permanente itaque invasore illo, aut Abbatia sancti Vincentii Metis, quam cum nostra tenebat, erat illi carendum, aut ad illum quoquo modo respiciendum. De nostra quoque non bona multum spe diutiùs præsumebat, cum illum super se irruere quotidie metueret, & plurimis oppidanorum nostrorum propter templi incendium se intolerabiliter exosum videret. Nam cum nocte ad matutinorum hymnos surgeret, procedere nunquam ad chorum audebat nisi stipatus armatorum manu, neque aliter inde egredi.

Pertæsus igitur tandem tantorum malorum, & jam quasi desperans ulteriùs de pace, versus Hierosolymam cœpit ordinare peregrinationem suam: toto tamen illo anno, & usque dum Leodium veniret, ita occultè quòd nullus nostrorum omnium illud unquam potuit subintelligere. Itaque contra vitæ suæ propositum, & inviolatæ in eo religionis habitum, cœpit in argentum æquè & iniquè cōflare quidquid per totam Abbatiam de sua & Fratrum præbenda potuit corradere. Inter quæ constat eum tunc gravi damno Ecclesiæ nostræ dedisse quidquid nunc de Remhrode videntur extra dominicalia nostra esse: qui etiam silvas quæ Mere & Burlo pertinebant fecit extirpari, sumptum inde pretium servans suæ pere-

grinationi; censum verò molendini de Moisc juxta Villarum ad quinque solidos redegit, quod multis longisque reclamationibus longè post dirutum & destructum, de fortioribus quorundam manibus labor prædecessoris nostri domini Abbatis Theodorici, Gerardi tunc Præpositi nostro tandem tempore, Follardo maximè allaborante, nostra quoque sollicitudo maximis dispendiis ad dominicalia nostra retraxit, totumque ex novo reedificatum vix contra renitentes plurimo damno redimere potuit. Quidquid in villa Halle habere videmur eodem tempore cuidam forti tyranno, scilicet EVERARDO de Nadelbet, culpatur beneficiasse, sumpto ab eo mulo ipsa professionis suæ die. Sic & sic multo collecto argento æquè ut dixi & iniquè exivit de oppido nostro, nemine quò proficisceretur hoc sciente: veniensque Leodium in crypta sancti Laurentii stupentibus nobis & omnibus qui aderant, reddidit Episcopo Leodiensi curam Abbatiae nostræ & baculum; cappas tamen & casulas, & quidquid de Reliquiis thesauri nostri tulerat per manus Præpositi sui Gerardi ad nos remisit, sed uno tantum die se reliquisse Fratribus unde viverent Præposito confessus discessit.



## LIBER QVARTVS.

**H**Eu, heu, heu Domine Deus, qui Lanzone recedente purabamus naufragi perditis mercibus nudi saltem portum tenere, ecce videmus nos iterum in altissimum sævientis maris profundum gravi revolvi turbine. Perpauci ergo Fratres de nostris qui jam redierant (nam præmiserat suos Lanzo Abbas qui secum venerant Metis) mittunt relationem de Abbate Lanzone quomodo discesserat, petuntque humiliter primam sibi adhuc concedi electionem, saltem post tantam loci nostri desolationem. Annuit eis BRUNO, qui Herimanno suppositus post Gualonem Metis invaserat Episcopatum: mandat

tamen se prius ad nos venturum. Interea Præpositus Gerardus consulit Episcopum HENRICUM de secunda sua electione, & Fratrum de eo unanimitate : alter namque alteri familiarissimè sibi credebat, & quis alterum potiùs diligeret non facilè poterat intelligi. Dissuadet Episcopus, prætenta sicut & superiùs indomabili inquietudine Fratrum ; tum quia videbat Brunonem illum, à quo accepturus erat baculum, super canonicum adhucque viventem Episcopum invasisse Episcopatum ; per quem si intraret canonicam ei benedictionem dare non posset. O Henrice, Henrice, verum quidem & pium est per manus inuasoris religiosus vir intrare non debet, sed cur non permisisti hunc intrare cùm priùs posset canonicè, scilicet cùm Herimannus pacificè adhuc maneret in sua Sede. O quanta mala debabet hodie nostra Ecclesia quæ tibi imputantur omnia, dum illum nobis prohibes promoveri, quo possent hæc & alia futura nobis mala utcunque arceri.

Itaque BRUNO paucis iterum diebus interlapsis ad nos descendit nullum habens secum de honorabilibus Metensium ; audiensque Gerardum Præpositum nolle accipere de manu sua baculum, nullo modo eum coëgit, quin magis gavisus cuidam Fratrum nostrorum, HERIMANNO scilicet qui Calvus & Senior cognominabatur, pecunia gravissima Abbatiam vendidit. Habebat iste Herimannus germanum quemdam, virum quidem ram genere nobilem quàm prædiis à parentibus suis prædivitem, nomine Engeramnum, cujus inter cetera dicitur fuisse villa de Harfasse, & Furt : hic de suo proprio totum dedit, quod de vendita Abbatia nostra Bruno accepit. Quod audiens factum Episcopus Henricus indignatus de præsumptione voluit Herimannum excommunicare, sed obstitit instantissima supplicatio familiaris sui & amici Præpositi Gerardi, proponentis & commonentis simili re primam desolationem Ecclesiæ nostræ sub Lanzone & Luipone accidisse ; timentisque adhuc gravius quoque multum posse accidere, cùm jam populus non haberet quid sicut primò perderet, & in vindictam præteritorum dolorum facillimè



facillimè commoveri posset. Episcopus audita ratione consideratâque tempestuosorum temporum necessitate acquievit, & Herimanno neque maledixit, neque benedixit. Verùm quidem ille Herimannus non satis erat ad hunc honorem idoneus, ut pote in quo de aliquibus virtutibus nihil didicimus quod dignum alicujus memoriæ videatur, neque de sæculari neque de scientia litterali.

Interea Bruno sævissimus quidã turbo in superextantes cinerum nostrorum favillas, quæcunque nostra & ejus apud nos erant ventilata diligentissimè cœpit in omnem ventum dispergere: utque hîc taceam de plurimis tanquam minimis, inter cetera villas nostras vendidit viro cuidam forti & nobili Ottoni videlicet de Distē, patri Arnulfi scilicet Gebechen Paltehaletret Gruvali, acceptisque ab eo centum marcis traditione quali potuit ei firmavit. Inde Aquisgrani ad Curiam profectus ultro ad nos non est reversus: Nam Metenses cùm insolentiam ejus ferre non possent, stultâque ejus suorumque superbiâ, Deo ita volente, provocarentur, armis tandem in eum irruerunt, & intra Monasterium beati Protomartyris inclusum obsederunt: sed foribus tandem super eum fractis, milites ejus hac illâque per Monasterium gladiis lanceisque confoderunt, quosdam super ipsa altaria immolâtes, quosdam ipsis altariis contortis spiculis affigentes. Itaque Bruno vix elapsus tam honore quàm nomine Episcopi ea ipsa die penitus est privatus à Metensibus. Quid ergo misera nostra Ecclesia poterat facere? Post ignem & gladium gravius ferebat hoc damnum sibi contigisse, maxime cùm nemo esset etiamsi posset qui nostri misereri vellet: Mettis turbatio, Leodii super nos & nostra, Dei & hominum indignatio. Abbas quasi nullus, quippe cui neque pulchrum responsum pro aliqua nostra necessitate daretur.

Accidit quoque eodem tempore ad cumulum malorum nostrorum, dum in his aliisque perturbationibus nostris negligeretur Ecclesia nostra de Alboro, ut clausa diutissimè caderet tandem judicio in manibus Episcopi Trajectensis CUNRADI gravissimi & potentissimi hominis:

neque priùs inde posset eximi donec ampliùs quàm quadraginta libras constaret nobis : pro quali tunc necessitate venditus est calix magnus aureus multò pretiosior hac quantitate pecuniæ , auri valentissimi pondere , & mirabilium gemmarum operisq̃ue mirifici in æstimatione. In quo negotio multam fraudem audivimus fecisse nobis (sicut & sæpiùs fecerunt hujus rei venditores & argenti portitores ) maximè verò Presbyteros nostros , semper & usque hodie Ecclesiæ Fratrùmque nostrorum insidiatores damnosos. Quid ampliùs ? undique concluderat nos Dei indignatio , multorum hominum maximèque domesticorum compassio applicabat se nostræ miseriæ ; quin ipsa nostra familia erubescibat se fateri nostræ esse Ecclesiæ.

Cùm his tantis malis aliisque multis quæ prætermittimus , non tam quateremur quàm funditùs erueremur , retigit Dominus Deus cor HENRICI Episcopi , non nostris meritis , sed ipsius , & reminiscens quanta mala nobis ac nostris accidissent in brevi suo tempore , ipsùmque maximam partem inde fuisse tactus intrinsecus cordis dolore ( erat enim homo pii cordis ) atque graviter se peccasse in clamans in nostram Ecclesiam , accinxit se ad succurrendum ei in quibus laborabat , & ad parcendum in quibus ulteriùs peccaret humanitas. Primùm igitur decem marcas de proprio misit ad reparandam Ecclesiam sanctæ **MARIÆ** semper Virginis , quæ combusta fuerat tempore nostræ obsidionis.

Deinde OTTONI viro illi forti & nobili , qui villas nostras à BRUNONE emerat minaciter interdixit , ut de bonis Ecclesiæ nostræ nullo modo se intromitteret , alioquin eum excommunicaret : non enim poterat esse ratum quod contra Dei & hominum leges inde fuerat factum. At ille non acquievit. Mandante ergo Episcopo nobis , Fratres & multa familia Ecclesiæ tam militum quàm peditum cum feretro & reliquiis sancti Trudonis Hales ad eum veniunt ; qui verò ad Gnebechen & alias villas nostras pertinebant , quas Otto sibi usurpaverat , nudati pedes , laneisque induti miserabili cultu , maximòque ululatu ex

altera parte fluminis Sanctis nostris occurrerunt, ita ut etiam ipsum Episcopum conpungerent ad lamentationem. Itaque cum grandi suorum nostrorumque processione introduxit Episcopus sanctos nostros in Gnebechen, celebratoque ibi in Ecclesia divino sacramento, interdixit ante altare Ottoni Episcopali auctoritate villas nostras, satisfaciens omnibus qui astabant ratione quia non posset stare illa venditio, quam fecisset non Episcopus sed fur & latro: habuitque de presenti sermonem ad populum nuntians ibi, *Vae homini illi per quem scandalum venit*: Sicque nostris in pace & lætitia magna dimissis Episcopus ipse ibi prope ad sua pernoctaturus pertransiit.

At OTTO nec sic quievit; nam recedente Episcopo ut prius illa omnia sacramento sibi mancipavit. Contigit autem Deo ita ordinante pacis die illo illum præsumpsisse; quod audiens Episcopus, ut erat vir valde potens, nec minus nobilis indignè admodum tulit, veniensque Leodium paribus illius majoribusque sui Episcopii conquestus est acriter contemptum suum & pacis violamentum: quorum iudicio tamdiu persecutus est Ottonem, ut reus adjudicatus ad satisfactionem tandem venire compelleretur, & non solum villas nostras sine ulla nostra exfestucaret redemptione, verum Episcopo per gratiam ipsius centum marcas persolveret. Sic Deo miserante, sanctoque Trudone intercedente, Episcopo verò miro studio allaborante recepit Ecclesia nostra bona sua & tenet usque hodie.

Interea auctore huius mali BRUNONE ab urbe Metensi & Episcopio irremeabiliter, ut superius dixi, expulso, Herimannus Episcopus ad suam rediit sedem, non tamen adhuc satis securus propter Imperatorem, qui mandans se citò venturum ad nos præcepit non Herimanno à Brunone Abbati posito, sed Gerardo Præposito, ut pararet ei servitium suum, Herimannumque nunquam adducerent ante conspectum suum. Dúmque Leodium venisset, volebat ei jurare super sacramenta cum undecim secum adductis liberis. ENGERAMNUS germanus Herimanni quòd de bonis Ecclesiæ nihil datum fuisset pro fratre suo

Abbate posito, sed de suo totum, nihilque amplius inde vellet exigere. Quod Episcopus benignè audiens rem distulit usque in loco nostro, ubi cum venisset nulla voluit nos communione suscipere, donèc absolveret nos à banno quo dicebat nos teneri pro excommunicato illo Brunone. Cùmque altero die sedens in cella Abbatris de negotiis suis strenuè ageret, prandiùmque illi ingens ex damno nostro paratum interea expectaret, inter plures oppidanorum nostrorum, qui ante eum ad placitum vocati fuerant, unus eorum ita protervo ore, indignanti supercilio præfatus est: Hiccinè est, viri optimi, Episcopus qui facta in Ecclesia ista & oppido nostro tanta seditione de suis Abbatibus, nostra omnia incendio fecit cremari, & parentes nostros nobis vix elapsis gladio cruento jugulari? Et ecce nunc in conspectu filiorum cum miseris incendii nostris reliquiis contendit iudicio, cui non deberet rependi, nisi mors pro tanto nostro nostrorùmque excidio. Subintelligens hæc verba Episcopus rem diligentius interrogatam alto silentio dissimulat, secretèque sibi parari equum suis secretariis mandat, habensque in verba quòd foris super campum nepote suo se Leodiensi Episcopo deberet occurrere, Hoium statim citissimè tetendit, neque ultra ad nos aut nostra est reversus. Excepto autem damno quod de magnificè sibi parato servitio afflictae Ecclesiæ nostræ, duos ei Herimannus equos transmisit, pro quibus molendinum de Stades in vadio positum fuit. Sic & sic inter Episcopos & Abbates quotidie ibat in deterius Ecclesia nostra, Herimannus verò ita remansit in Abbatia.

Dum hæc & illa aguntur per annos aliquot Luipo jamdudum sine spe auxilii ab Imperatore redierat, adhucque cum parentibus suis Lovanii hac illacque manebat, ubi gravissima, ut visum est, infirmitate correptus; fuerunt enim qui eam simulatam fuisse dicerent, ut taliter absolvi ab Episc. posset, & ad Claustrum suum redire, cum quasi de vita desperare videretur per parentes suos; nobiliter enim natus fuerat: hoc effecit ut absolutus ad Claustrum suum si fortè vivere posset referretur: sed citò convaluit, &

cùm reversus, redeuntibus quoque Fratribus nostris, pri-  
vatus manere cœpit. Reversi autem majori parte Fratres  
cùm diutina longaque nimis Dei animadversione extriti  
& emendati esse possent, obliti sunt citius & prætentarum  
culparum suarum, pœnarum pro his subsecutarum,  
de vita sua, de religione magis, ut ita dicam, deterioran-  
tes quàm emendantes; & cùm experti fuissent quanta per  
altercationes passi essent, haberentque ex seipsis modò  
Prælatum per quem nullo modo gravarentur si vivere  
vellent quietè: ita agere noluerunt, sed verbis & factis  
suis miserrimè illum quotidie affligentes, ut ranæ bacel-  
lum conculcabant de substantia Ecclesiæ penè annullata,  
de combusto reædificando Monasterio, de reparandis à  
fundamento officinis & clauistro, nulla eis aut minima cu-  
ra erat; sed ventri tantùm & eis quæ sunt ventris servire,  
portionésque grandes piscis & mensuras vini exigere.  
Hinc lites horis & locis incompetentibus & competentibus  
quotidie, hinc maledicta, hinc convitia in miserum  
illum Herimannum sine ulla miseratione.

Parvo interea præterlabente tempore ambo Episcopi  
moriuntur, Herimannus Metensis, Henricus Leodien-  
sis. Imperator autem in Longobardia morabatur. Sicque  
factum est ut quisque terræ nostræ potentium quantum  
veller usurparet sibi quæ suis adjacebant vel interjace-  
bant partibus. Igitur Comes HENRICUS Lovaniensis,  
cujus defuncti frater GODEFRIDUS Comitatum tenuit,  
qui etiam primus Lovanensium postea Dux extitit. Iste  
quidem Henricus potentior tunc habebatur in nostris  
partibus. Et quoniam mortuo Henrico Episcopo, nullò-  
que ei alio substituto non erat qui Ecclesiasticæ rei resi-  
steret, viribus etiam sæcularibus, neque ipse etiam Dux  
eum offendere auderet, Luiponem in Abbatiam nostram  
restituit, Fratribus ita volentibus, laicisque partim assen-  
tientibus, partim contradicere non audentibus. Sic ita-  
que Herimannus de Abbatibus honore & nomine irrecu-  
perabiliter ejectus, in clauistro nostro mansit quietus qui-  
dem, & nullum unquam inde scandalum movens: qui  
nobiscum tandem gravissimo languore & longo multum

consumptus, atque prius in paupertate propter loci desolationem magnam, & multa angustia cruciatus, præter ossa & nervos tensamque desuper cutem pallidam nihil habens vigoris, penè hominem vivens exutus, tandem confessus unctus & communicatus præsentibus nobis obiit, atque in Fratrum cimiterio sepultus est. Dies verò qua hoc Herimanno ejecto Luipo intravit, fuit translatio sanctorum Trudonis & Eucherii 3. Idus Augusti, defuncto eodem anno in diebus Pentecostes Episcopo Henrico; qua etiam die sub Herimanno Episcopo, & Henrico supradicto Capitulum illud ante actum est, quo Fratribus nostris expulsis Lanzo Abbas sancti Vincentii Metis apud nos quoque Abbas constitutus est. Nunc verò quidam Canonicus sancti Lamberti, OLBERTUS nomine, Præpositus in eadem civitate in Monasterio sanctæ Crucis, jamdudum ad Imperatorem in Longobardiam profectus fuerat spe adipiscendi Episcopatum Leodiensem, sicut & adeptus est. Videns ergo Luipo opportunitatem temporis ad confirmandum se in Abbatia nostra circumtumnum & ipse ad Imp. in Longobardiam profectus est.

Nemo me mordeat, nemo mihi detrahat, si veritatem loqui ipsa veritas me compellat, ipse animæ meæ terror demendacio, ipsa Dei per sanctam Scripturam comminatio: nam *omne mendacium à diabolo est*. Et, *Os quod mentitur occidit animam*. Historiographi debitum est nec assentatione, nec amore, nec odio, nec terrore à veritatis tramite declinare. Scribam ergo Deo teste sicut à multis didici, & ut veraciter exquirere à Fratribus quoque potui qui erant apud nos tunc temporis, qui mecum postea inde ore ad os ista sunt locuti. Sed quid rem prophanam verbis juvat multiplicare? Gravissima pecunia, LUPO, hoc ibi effecit apud Imperatorem, ut OLBERTUS factus Episcopus, Leodiūque reversus & consecratus, secundum jussionem Imperatoris eum consecraret in Abbatem sancti Trudonis, de qua persolvenda illis quibus constituerat Imperator, & aliis quibus ipsemet promiserat, multa fœda & illicita placita visa sunt ipsa etiam die quo inductus fuerat ut consecraretur. De quibus honestius est

*Iohan. 8. 44.  
Sap. 1. 17.*

filere quàm loqui : hoc tantùm sufficiat , & nimium sit dixisse, quia neque priùs neque tunc intelligere potuimus eum secundùm Deum intrasse , qui paulò post gravissimè ingemiscens de malis quæ per eum apud nos acciderant , & conscientiam suam infirmam crebris prodens suspiriis accingere se videbatur ad diluenda peccata sua per multas eleëmofynas , & per suscipiendos pauperes & peregrinos , & interdum etiam leprosos lavandos , tergendos , manibúsq; propriis ungendos.

Acer quidem erat constansque & intrepidus ad resistendum violentiæ Advocatorum, tanquam generosè natus de libertate & familia Lovaniensium. Parentibus verò suis & curâ domesticâ profluus nimis & gulosus , plura victus & vestitus effundebat quàm in Fratribus , & quæ interdum tolerare non poterant Abbatiae redditus , unde & ruricolæ in precariis frequenter nimis aggravabat. Cultor tamen agrorum & nutritor pecorum habebatur strenuus. Quædam temporalia quidem in manibus ejus prosperabantur, sed de tenenda aut emendanda religione pristináq; morum Fratrum qualitate neq; terror, neq; respectus aliquis apud eos habebatur. De reparando Monasterio & clauastro quædam incipienti illi parum succedebant ; nam quod memoria dignum sit nihil inde egit : quartam tamen illam partem claustri , hoc est domum tantùm quæ est ad occidentem inceptam per Lanzonem Abbatem , ipsam consummatam texit , & interius sursum & deorsum sine omni cultu reliquit , in qua postea tantas fieri commutationes officinarum vidimus , ut nesciamus quo magis nomine eam appellemus.

Quodam tempore diebus messis valde æstuans , lassusque de agro reversus , cùm vespere multùm bibisset cum domesticis suis , multum lætatus stratóque sanus repositus , media nocte inventus est membris penè omnibus in eum emortuis , ita ut neque loqui , neque movere se posset , deteriusque semper & deterius ageret , vixque utcumque usque ad Primam vivens , diluculo tandem expiravit , neque confessus , neque unctus , neque communicatus. Obiit autem Calendas Augusti vix post consecra-

tionem suam vivens in Abbatia duobus annis , sepultus-  
que est in Monasterio nostro. Quo etiam anno Præposi-  
tus Gerardus mortuus est prius confessus , unctus & com-  
municatus ; sicque in bona memoria ad patres suos in  
Monasterio nostro est appositus.



## *LIBER QUINTVS.*

**C**ONSIDERATO lugubris miserabilisque operis in-  
stanti pondere qui superius heri ter exclamaveram ,  
nunc septies atque multo crebrius illud idem exclamare  
in assumenda mihi materia opus haberem , nam quo al-  
tius provehor terribiliores fluctus in faciem mihi confur-  
gere video. Igitur defuncto Luipone per quem ante  
Abbatiam , & in Abbatia navis Ecclesiæ nostræ onerosa  
peccatis nostris in gravissimas syrtes deflexerat , & inex-  
pleta charybdis voraverat , quidquid fructus & decoris in  
domo Dei intus & foris apud nos fuerat. Dux Godefri-  
dus qui postea Hierosolymam profectus est , totam Abba-  
tiam nostrā suo mancipat servitio. Necdum reparata erant  
templi & claustrī nostri ædificia , sed Fratres quasi in tu-  
guriis circa exustos parietes hac illacque habitabant , pa-  
rum apud eos religionis , minusque consilii , inter quos  
erat quidam Herimannus nepos superius dicti Heriman-  
ni , nobiliter natus , & à puero claustro nostro innutritus ,  
simplēxque sine prudentia , tacitus & patiens ad suffe-  
rendas injurias , sed obstinatus ad occultè ulciscendas ,  
facillimus ad quodvis præsumendum , sed pertinacissimus  
ad non dimittendum. De liberali scientia insulsus , usu  
Ecclesiæ nostræ tantum exercitatus. Hic laïcorum sug-  
gestionē corruptus , & partim eorum qui propter Luipo-  
nem turrim olim occupaverant , ex dono Ducis GODE-  
FRIDI superius dicti providentiam invadit totius Abba-  
tiæ nostræ , sperans sic tandem ipsum & nomen & fru-  
ctum obtinere posse.

Huic damno Fratres vehementissimè reclamabant , tum  
quia



quia ad talem curam eum inutilem esse omninò sciebant, tum quia metuebant, ut evenit, de promissa ab eo Duci pecunia, pro eo dono totam vastandam Abbatiam. Vicit tamen dulcis violentia corrasaque est illi modò hinc, modò illinc cum maximo damno Ecclesiæ gravis nimis pecunia: nam soli nostri homines de Testrebant usque ad sexaginta marcas inde persolventes, mendicare tandem compulsi sunt, qui priùs fuerant divites. Quid singula enumerem? undecunque fuerit corrasa, centum marcas nescio quantum excessit summa. Sic & sic, & sic & sic pauci etiam qui apud nos tunc erant Fratres summâ vivebant inopiâ, nudi turpiter & famelici intolerabiliter. Quidam verò ab intrantibus Monasterium, ut ipsos ore proprio audiri conferre, stipem interdum petebant, aliqui eorum qui à parentibus suis, cognatis & amicis aliquid accipiebant, inde aliquandiu tenuiter nimis victitabant, aliqui si quid in libris aut vestimentis haberent quo patientiùs carere possent vendentes, panem inde emebant.

Herimannus autem laïcorum consiliis similiter additus, eorum etiam qui habebantur de stultioribus nunc apud Episcopum Olbertum, qui Henrico successerat Leodii, nunc apud Archidiaconos, ceterosque aulicos promittendo, dando, mentiendo voces Fratrum pro necessitatibus suis clamantium ad effectum aliquem pervenire non sinebat. Audiens autem quia prævalente apud Imperatorem Ecclesia Herimanno Poppo successerat, magno laïcorum stipatus agmine, sed nullo omninò de Fratribus nostris sibi comitante, ad eum tetendit, & quibuscunque pravis modis solet illud fieri, donum ab eo Abbatiae ambire cœpit. Aderant ibi aliqui de nostris Fratribus missi à ceteris, legationemque Ecclesiæ nostræ, necnon & Leodiensi Episcopo canonicam offerebant, simulque & Trevirenses litteras, quibus Herimannum inter minas quidem & verbera, direptionemque cabalorum suorum & vestimentorum, quod Abbatiam sibi non debere dari constantissimè rationabiliterque confutabant. Sed quid? prævaluit pecunia, prævaluit adversus

Fratres laïcorum malitia. Data est Herimanno hac auctoritate Abbatis. Fratres inde reversi, laceri, spoliati, & pedites per tam longum pèrque tam difficile iter, rem per ordinem Ecclesiæ beati Lamberti, Episcopóque lacrymabiliter conquesti sunt, & damna Ecclesiæ quæ nunc eam pressuram meruebant, sui que victus & vestitus extremam inopiam: Victi tandem sui contemptu, & nostrorum miseria etiam illi quos transversos aliquando agebat Herimanni pecunia, accedunt Episcopum ut ad audientiam faciat venire Monachos & Herimannum. Vocatur semel & iterum ac tertio Herimannus, tandemque venire nolens canonica persecutione excommunicatur & damnatur. At veritus Episcopum ne sicut disponebat manu militari ejiceret eum, oppidum nostrum exivit, & apud villam nostram Hales aliquandiu multo damno Ecclesiæ commoratus, transivit ad Comitem de Lemburg, HENRICUM nomine, majorem tunc temporis Advocatum Ecclesiæ nostræ: sperabat enim per eum se posse recuperare quandoque Abbatiam aut se afflicturum eam, sicut fecit frequentibus damnis & multis irruptionibus.

Interea necdum cessante dissidio, quod erat inter Metensem Episcopum & Imperatorem Henricum, Imperator partem illam dominicalem, quam Metensis Episcopus apud nos habere videbatur, tradidit in beneficio Comiti ARNULFO de Los: quod indignè ferens HENRICUS Comes de Lemburg, quoniam major apud nos erat Advocatus, introivit oppidum nostrum cum aliquantisequitibus, usurpans sibi quod Comes Arnulfus in eo habere videbatur. Adduxerat etiam secum tunc Herimannum, ut in Abbatia vi restitueret eum. At Fratres tanta unanimitate & constantia spreverunt eum, ut neque signum facere, nec divinum officium facere vellent, quamdiu eum sciebant intra septa Monasterii nostri aut atrii esse. Terroribus, minis, blanditiis per homines Henrici Comitis frequenter pulsati, nullo modo movebantur. Ille verò interim in angulo unius nostri spicarii, ad quem accedentes fautores ejus homines levissimi, & nullius boni inter nostros testimonii sive consilii animabant eum ad

perseverandum in proposito, & contra Henricum etiam conviriis inflammabant ad vindicandum terribiliter in nos contemptum suum de Abbate suo. Interea Comes Arnulfus collecta suorum ingenti multitudine Comitem Henricum aut in oppido nostro occidisset, aut dedecorose ejecisset, nisi orantem ita suppliciter per nuntios suos Comes GODEFRIDUS de Lovanio, qui postea Dux extitit, interponendo se illum eripuisset, cujus conductu sanus evadens abduxit quoque secum Abbatem: statimque apud nos & signum horæ tertiæ sonuit, & divinum officium quod propter eum dimittebatur fieri cœpit.

Vtraque ergo repulsa Comes HENRICUS gravissime efferatus Herimanno apud se collocato, quæcumque de nostris poterat invadit, dissipat, affligit, suisque ut similiter faciant præcipiendo præcipit. Quis referre totum queat quibus quantisque malis distracta tunc temporibus bona Ecclesiæ nostræ, aut prorsus in perpetuum sunt nobis sublata, aut nimia longaque afflictione nobis penè amplius inutilia reddita? Nam Dux GODEFRIDUS qui postea Rex Hierosolymorum ibidem obiit, nostra sibi quæque erant in Hisbania in Testrebant servire ad libitum faciebat; Comes Henricus quæ erant circa & ultra Mosam, & in Rupuaria & circa Renum; Comes HENRICUS Palatinus quæ habere videmur super Mosellam. Ab illa die invasam nobis Ecclesiam de Fonce non longè à Mergensturbe, nunquam postea rehabere potuimus, quæ adhuc Lanzonis Abbatis tempore, & longè post adhuc ut nostra possidebatur. Præterea villici nostri, & quidam de beneficiatis hominibus Ecclesiæ nostræ quidquid eis placuit, quidquid melius eis tunc visum fuit suis attraxerunt villicationibus, suisque feudis, nobis modò volentibus ea recipere afferentes jura sua fuisse antiqua, legalique beneficii aut villicationis possessione. Vlli ergo mirum sit si in gloria & divitiis attenuati hodie humiliter vivimus, cum magis mirandum diligenter attendentibus possit videri quomodò inter tot loci nostri desolationes vel tantum relictum est, quia congregatio apud nos esse & Abbacia appellari possit. Itaque paucissimi tunc tem-

poris apud nos Fratres remanserant, nullus apud eos ordo, nulla religio, ut potè qui victus & vestitus necessitate afflictis fame & frigore penè interibant, & qui neque claustrales officinas habebant quibus suas necessitates occultarent, tantàque fuerat miseria, tanta desolatio, tanta rerum distractio, ut desperantes plerique vel ipsum nomen Abbatia loco posse remanere satagere viderentur, ut Clericorum præpositura fieret, & sex aut septem sub se Clericos haberent.

Inter hæc & cetera innumerable mala cum penè annullata esset nobilissima illa & famosa quondam Abbatia nostra, tandem miseratio divina tetigit corda Leodiensium, habitòque simul frequenti colloquio, coeperunt viscerabiliter tractare quomodò desolatæ & penè annihilatæ Abbatia subvenire possent. Sed quoniam temporale bonum nostrum ad Metenses pertinet, curaque animarum tantum ad Leodienses erat, aliqui inter eos, ut plerumque fit qui ad subveniendum nobis non multum erant attenti, dicentes hoc tantum ad eos pertinere cui debebatur annualis redditus nostræ Ecclesiæ, Leodiensesque non debere nobis Abbatem donare, sed tantum ordinare: è contra sapientiores & religiosi asserabant canonicè hoc posse facere Leodiensem Ecclesiam, utque cura animarum & consecratio Abbatis ad eam pertinebat, & Metensis Eccles. nobis subvenire non poterat propter tribulationem suam, Leodiensis Ecclesia Abbatem Ecclesiæ curæ suæ provideret atque ordinaret, ita ut nihil ex his quæ debebat Metensi detraheret: non enim esset leve ferendum tantum locum, tantum nomen, tantum quondam honorem negligentia Metensium annullandum esse ab Ecclesia Leodiensium.

Quærebatur ergo diligentissimè si quis superesset de filiis nostræ Ecclesiæ cui idoneè committi posset cura subveniendi matri suæ. Aiunt Fratres nostri necnon Clerici & laici qui eum cognoverant qui Gandæ in Monasterio sancti Petri moraretur unus de nostris Fratribus, nomine THEODERICUS, qui à loco nostro recesserat sub contentione Abbatum Lanzonis & Luiponis. Hic si

posset extrahi inde idoneus illis videtur ad regendam Abbatiam, quoniam theutonicâ & gualicanâ\* linguâ expeditus, liberalibus artibus egregiè eruditus in prosa & versu nulli esset suo tempore secundus, dulci & altissima sonorus vocalitate brevis sed pulchra persona, mediâque ætate, qui etiam Fratrum suorum infirmitatibus meliùs sciret compati tanquam à puero illis connutritus, & qui viderat & audierat mala quæ passi erant in suis tribulationibus. Quid plura? Gavissus est inde Episcopus OLBERTUS & Ecclesia Leodiensis.

f. \* Vualonf. ca.

Electum igitur à Fratribus eum necnon Clericis & laicis vix tandem de cœnobio S. Petri Gandæ litteris & missaticis suis abstrahit, & ducit eum Aquisgrani, facit eum accipere donum Abbatiae nostræ de manu Imperatoris, sicut mos erat tunc temporis. Hoc idcirco per manum illius factum est, quia Imperator quidquid beatus Protomartyr in partibus nostris habere videtur, suo juri mancipaverat, propter Popponem Episcopum Metensem, qui Episcopatum absque dono & consensu Imperatoris obtinebat. Adhuc enim Imperator hoc in toto regno suo jure antiquo possidebat, ut absque dono ejus nullus in eo constitueretur Episcopus. Nunc autem quia, ut dixi, Poppo absque dono & voluntate Imperatoris Episcopatum Metensem intraverat, & hac de causa Imperator quæ sunt apud nos Protomartyris suo juri mancipaverat, necessitas hoc fecit, ut de manu Imperatoris baculum de Abbatia nostra reciperet, ne longa inter Imperatorem & Episcopum decertatione locus noster miserabiliter desolatus interiret. Quandiu ergo Aquisgrani erat eunti illac & moranti ibi Episcopus obsonium illi dabat, quique suis expensis reducens eum Leodium tamdiu ibi secum tenuit donec ordinatum ad Abbatem per semetipsum ad nos adduceret, & loco Abbatis posito, Fratribusque & populo commendato, omnibus diebus vitæ suæ consilium & auxilium suum ei in auribus omnium præsto fore promitteret, dummodò strenuè agens de loci recuperatione propter nimiam ejus desolationem non desperaret. Datus est ei baculus 3. Calendas Februarii Aquis-

Abbas eligitur Theodericus.

1099.

grani, consecratus est in Abbatem & Sacerdotem Nonas Martii Leodii, anno ab Incarnatione Domini millesimo nonagesimo nono.

## LIBER SEXTVS.

**P**OST varias Abbatum commutationes, post obitum Abbatis Adelardi II. ut retulimus, certam annorum seriem propter violentias eorum, & frequentes ejectiones & regressiones singulorum nequaquam tenere potuimus. Nam ibi nullus legitimus ordo succedentium sibi Abbatum servabatur, sed quàm citiùs quisque poterat æmulum suum ejiciebat, istèque quàm minus poterat illum præesse sinebat, observari facillè certus annorum numerus non potuit, de singulis maximè, etiam si posset cum familiari semper nostris negligentia nemo erat qui operam impenderet. Superiùs igitur repetens, ab obitu scilicet Adelardi secundi usque ad introitum Abbatis Theoderici in Abbatiam annos continuabo, & quod aliorum interpositorum schisma dirupit, per duos istos renodare studebo, notatis ex obitu alterius & alterius introitu annis Incarnationis Domini. Abbas Adelardus secundus obiit anno MEXXXII. Incarnat. Domini: Abbas Theodericus intravit Abbatiam anno MXCIX. ejusdem Incarnat. fuerunt igitur ab obitu Adelardi secundi usque ad introitum in Abbatiam Theoderici Abbatis XVII. anni, quos inter se compleverunt, iste plus ille minus, Lanzo, Luipo, Herimannus & alter Herimannus de Abbatia contendentes, & nullum certum tempus invicem habere permittentes.

Anno igitur ab Incarnatione Domini MXCIX. post longas & diuturnas mortes quibus à domno Abbate Adelardo secundo usque ad ea tempora de Ecclesia S. Trudonis omnis vicinia desperaverat, quidam THEODERICUS ejusdem loci antea nutritus ad eandem Ecclesiam regendam à domno OLBERTO Episcopo & primis Leo:

diensum, tertiis jam missis litteris à Flandria Monasterio S. Petri Gandæ tandem est revocatus, nescio magis an coactus, & Nonas Martii Presbyter & Abbas loci nostri consecratus. Quantam desolationem intus & foris invenerit, crede omnis mihi qui hæc legis, quia nulla vi ingenii possum exprimere, nullaque facultate exponere sicut veritas se habuit: nam de toto Monasterio præter turrim nihil rectum habebatur, quin interioribus parietibus collapsis exteriores vastissime patebant, continentes in medio villissimam capellam super sanctorum Trudonis & Eucherii sepulcrum. Nostri autem post combustionem templi, cum sanctuarium stante adhuc firmissime muro fortissimo facili sumptu possent cooperuisse, totum potius funditus dirperant, & majus stulta temeritate orditum voluta jam crypta usque ad fenestras cancelli illud produxerant. Ad quod opus ferventissime accinctus dominus Abbas Theodericus brevi tempore quidquid etiam superius à fenestris cancelli pulcherrimo opere consummavit, duobusque pilariis cum superstantibus illis parietibus juxta chorum ædificatis, totam illam partem Monasterii quæ est ab arcu super sepulcrum S. Trudonis ad partem Orientis cæmento plasmavit, calce dealbavit, fenestris vitreis decoravit, cælatura continuavit, rectamque superius pavimento linivit inferius, similiter & cryptam quam volutam tantum invenit, ceteris omnibus quæ deerant consummavit, atque in honore B. Proto-martyris Stephani principale in ea altare dedicari fecit.

Anno Domini millesimo centesimo secundo dedicata est crypta nostra à domino OLBERTO Episcopo Leodiensiad instantiam domni Theoderici, qui de villissima capella supra sepulcra Beatorum Trudonis & Eucherii introduxit nos in eam cryptam Cantardi, quæ dies visa est nobis & fuit immensa lætitiæ, cum in ea jam inciperemus secundum ordinem & orationes facere, & in choro stare, & ad altare procedere, quod nullo modo poterant prius Fratres per multos annos in angustia capellæ. Nam ab ea die quæ vêtus Monasterium dirutum fuerat, & no-

1102.

rum combustum atque discissum, inter ceteras desolationes & calamitates quas Fratribus accidisse superius retulimus, ordo & disciplina prorsus abolita fuerant, maxime loci positura deficiente in qua teneri possent. Quæsitus est unus de antiquioribus Fratribus vix præ senectute seipsum valens regere, Custos puerorum, qui stante adhuc veteri Monasterio viderat disciplinam eorum & ordinem Fratrum. Itaque paulatim cœperunt reviviscere quæ erant Religionis, & frequenti in Capitulo collatione abundantius proficere.

Postquàm verò eduxit nos de crypra in chdum pulcherrimum, & in partem illam Monasterii quam partim ædificaverat, partim reformaverat, & sepulcro beatorum Trudonis & Eucherii usque in finem operis versus Orientem, cum augmento lætitiæ cœpit & religio augmentari, & Fratrum numerus aliquantulum crescere. Hoc autem vehementissimè impediēbat, quia officinas claustrī Fratres paucissimas atque illas vilissimas habebant, partibus illis quæ sunt ad orientem & aquilonem non habentibus nisi tantum sepem nudam & vilissimam, quæ non modò hominibus sed & canibus & porcis indifferenter pervia erat. Pars illa claustrī in qua sedentes Fratres ad lectionem Conventum suum silendo vel legendo modò tenent, medio intertextæ pariete tantum coopertura habebat, sub qua Fratres Capitulum suum faciebant, dimidiumque superextantis dimidii necdum coopertum, ex varia æris intemperie Fratribus ibi sedere volentibus multam molestiam tam æstate quàm hyeme faciebat. Refectōrium Fratrum ac dormitorium domus illa una erat, quæ ad occidentem pars quarta claustrī esse debebat, intertexto nihilominus pariete habens subtus scholam puerorum, cellarium, domum infirmorum.

Sed ut superius dixi, sine aliquo cultu erant omnia tectura nulla ante officinarum istarum ostia, jugèque lumen hyeme, & molestia grandis intus pluvie, nivis, grandinis, & boreæ, nihilque obstaculi quo prohiberetur quodvis animal accedere. Domus infirmorum neque die habebat ignem, neque nocte lumen, nisi Fratres in ea jacentes,



centes, undecunque sibi interdum etiam ex victu & vestitu suo ea sibi procurarent: sed neque in dormitorio lumen erat, Fratribus tota nocte in tenebris manentibus, & per tenebras ad matutinos euntibus, quod quidem erat gravissimum eis, quia de illa parte domus in qua dormiebant oportebat eos per tenebras transire partem aliam, in qua resiciebant, atque inde exeuntes sub tectura partim lignea, partim straminea, utraque verò semiruta juxta murum Monasterii palando, frequentérque ruendo aut offendendo ire omni nocte ad Matutinos, ut de Matutinis similiter per tenebras redire. Infra Matutinos si quis Fratrum aut puerorum volebat aliquando exire ad necessaria naturæ, dum timebat tenebrarum horrorem, magnam interdum sustinebat naturalis necessitatis injuriam. Hyemali tempore lecta Fratrum aspergebantur nive densissima, surgentésque ad Matutinos sicut se albicantes nive super vestimenta sua inveniebant, ita & revertentes tota lectisternia sua, propter quorumlibet accedere volentium importunitatem, nihil tunc servare poterant de lectisterniis suis in dormitorio, nihilque de his quibus serviebatur mensæ eorum in refectorio, qua necessitate habebatur, qui habere poterant pro lectis ligneis arcas seratas, in quibus surgentes lectisternia sua obfirmabant. Qui verò habere non poterant frequentes molestias de vestimentis suis à Fratribus sustinebant. In refectorio autem post se in muro fenestras diligenter seratas habebant, recondentes in eis mappulas suas, cultellos, scyphos, & quæ supererant eis de mensa, quia non habebant quibus necessitatibus suis succurrerent, nisi ex ea substantia quæ aut supererat, aut quam ori suo subtrahebant. Ad eleëmofinam nihil inde aut permodicum dabatur.

Transitus tritus utriusque sexus erat. Plurimum verò ad Missas mane per eum locum quem tunc appellabamus & nunc habemus conventum, & frequens in eo cum Fratribus fabulosumque laïcorum & Clericorum usque ad noctem colloquium. Si qua potens persona, ut frequentissimè affolet, hospitari apud nos voluisset, Fratri-

bus hac illacque miserè panem suum manducantibus, ipsa in refectorio ad mensam Fratrum discumbebat, aut si purior clementiorque aer in medio prati: milites usque ad ostium refectorii sive ad medium Conventus equitantes, ibi descendebant, nullamque reverentiam non dicam Monachis, sed ipsis quoque Sanctis loci exhibere usque ad noctis medium curabāt. Testor Deum quia dignè non possum os meum stylumque miseræ applicare, quo tantam majorémque miseriam Fratrum secundum quod audivimus, maximaque ex parte ipse vidi, fideliter valeam referre.

Vir autem bonus, scilicet dominus Abbas THEODERICUS, noviter hanc Hierosolymiticam nescio, magis an Babylonicam desolationem ingressus, cum omnia simul corruisse invenisset, omnia simul & de repente non poterat erigere, verum ut superius retuli ad Monasterium reparandum & animo incendebat, & studio infatigabili accingebatur, qui dum facundi oris gratia concionaretur diebus Paschæ, sive Pentecostes in Ecclesia Beatæ MARIÆ ad populum, frequenter eis eliciebat decem aut duodecim plúsve minúsve marcarum ad Monasterii reparandí auxilium, ubi occupatus minus intendebat ad claustrum. Tamen quantocius potuit in domo infirmorum, in dormitorio, in cella Abbatis, in crypta ante altare beati Protomartyris lumen constituit de Ecclesia de Corbecce disponendum per manus Custodis Ecclesiæ. De marca & dimidia census ejus cōstituens Custodi marcam ad luminare, Præposito verò dimidiam ad præbendam Fratrum quæ prius non persolvebat, nisi quinque tantum solidos. Similiter de censu Ecclesiæ de Stades constituit Custodi quinque solidos ad luminare quod amplius non persolvit. Eleëmofynæ pauperum prorsus abolitæ sex quotidie constituit siligineos panes dandos de decima de Brustinia, quam redemit positam in vadio pro decem marcis. Molendinum de Moisc cum auferre prorsus non posset viro potenti, qui dicebat se illud acquisivisse pro censu quinque solidorum singulis annis, & quod plus valebat accepisse in beneficio de manu Abbatis

Lanzonis multis sumptibus, multis laboribus eo perduxit, ut ferro inde sublato paulatim decidendo avelleretur, & præter aquam & ripam nec vestigium molendini ibi relinqueretur. Quod usque ad nos ita permanfit. Alia plura molendina redemit, quæ gravissimâ pecuniâ invadiata aut beneficiata dicebat sibi fraus malignorum foeneratorum.

Ad Missæ suæ ornamentum reponendum scriniola duotali operi convenientia fecit, suoque studio amictum magno aurifrigio & longo ornatum, albamque laqueum à colli aurifrigio factum, & nodum unde affigebatur ex auro, & margaritæ pulchræ habentem compactum in eis acquisivit. Similiter & cingulos duos, unum de nigro bonoque pallio latum satis, aurifrigio latitudinis trium digitorum in fine decoratum, alium de pallio varii coloris valde bonum à nodo ante ventrem cingentis cum filis aureis usque ad summitatem, operosè multum crassèque undique contextum. Sed & balteum, & calicem cum patena argenteum intus & circa oras deauratum, pixidem argenteam similiter & argenteam acerram, vâque argenteum ad vinum trium firtonum pondus habens: thuribulum quoque de cupro deauratum, catenulas argenteas habens, pelliculam simulacro bestiolæ caudatam de cupro factam ad suscipiendam aquam manuum lavandarum, intus habentem imaginiolas argenteas fusili opere cælatas, trêque tuellas, unam sternendam super altare, aliam sub libro, tertiam ad tergendas manus. Crucem quoque cum crucifixo, & pede quatuor Evangelistarum imaginibus operoso, utrumque de cupro sed deauratum. Columbam etiam cupream auro tamen superiùs argentoque variatam, continentem aquam ad opus manuum. Casulam de nigro pallio circa collum, & à collo vsque ad pedes ante ventrem aurifrigio lato ornatam: cappam similiter de nigro pallio pene eodem circa collum, & super cristam capitii aurifrigio ornatam, ante pectus habentem plusquam palmæ unius longitudinis æqua longiudine & latitudine aurifrigium, neque tantum aurifrigium quàm rem filis aureis desuper solidissimè contextam, in medio

habentem gemmulam bullulâ circumclusam. Hæc omnia ad officium Missæ suæ & ad ornamentum Ecclesiæ proprio studio & novo acquisivit. Redemit quoque cap-pam unam albi pallii valde bonam, thuribulum quoque argenteum appendens septem marcas, quod cum postea præstitisset Archidiacono cuidam nomine Alexandro, cum pallio uno optimo, quod ipse quoque emerat, & calice argenteo, nunquam rehabere potuit, quæ ita usque hodie nostra Ecclesia perdidit. Pallium quoque unum quod sufficit ad majus altare cooperiendum emit totum novum, & de spisso pallio purpurei coloris pallentis tamen in grandiusculis rotis imaginibus bestiarum varietum. Hoc hodie quoque penes nos est.

Fratres quos invenit benignè fovit, & quot & quos potuit addidit, multa perpeßus ab his quos necessitate minoris sibi numeri de aliis claustris exeuntes suscipere cogebatur, invehentibus in illum frequenter malignè semper loquacibus nostris oppidanis, quod tantæ fructum Abbatix octo aut decem tantum Fratres consumerent, non attendentibus, neque veteri malitia cæcitatibus suæ considerare volentibus, ad quantam paupertatem devolvissent Abbatiam, furor mobilitatis eorum, & contentio inter se Abbatum factione eorum, & quanta consummanda essent in reparando Monasterio, claustro & appenditiis eorum. Hac, inquam, malè loquacium & malignè detrahentium necessitate compulsus, cum plures de suis Fratres non haberet, & aliunde venientes Monachos ignotos susciperet, multa & damna & injurias sustinuit frequenter, talibus nullum ordinem servare volentibus, & cum de nuditate sua revestiri, & de famelitate sua refocillati essent, aut molestissimè nobiscum commanentibus, aut cum damno & injuria & detractioe nostri, tandem à nobis effugientibus vidi ipse intra quinque aut sex annos de talibus xvii. à nobis recessisse revestitos apud nos à planta pedis usque ad verticem integra veste. Studium & laborem ejus circa emenandam Ecclesiam nostram intus & foris, & quantum sub eo profecerit, longissimum esset enarrare, cum tamen nunquam

defuissent interim ei tribulationes & persecutiones ab eis, de quibus aliquid hâc modò volo referre.

Primo tempore introitus ejus in Abbatiam gravissimus persecutor fuit ei Comes GISEBERTUS de Duram Advocatus noster, quem nunquam potuit placare nisi dam-nosa Ecclesiæ pecunia pro eo intercurret. Præterea HENRICUS de Lemburg major noster Advocatus supra dictum illum Herimannum, qui per violentiam non potens Abbatiam nostram quam invaserat tenere, ad eum patrociniî causâ confugerat, frequenter super dñm Abbatem Theodericum in oppidum & usque in cellam Abbatis introducebat, volens libentissimè in Abbazia eum confirmare, si & Fratrum consensum inde priùs habere potuisset, & fidelibus Ecclesiæ fidelitatem extor-quere suo Herimanno. Sed Fratribus constantissimè illi pro domno Abbate Theoderico in faciem resistentibus, atque adeò ex auctoritate Leodiensis Episcopi, ut quamdiu Herimannus aut in cella Abbatis, aut quoquam in toto oppido nostro esset, divinum officium in Ecclesia nostra non fieret, & nulla campana sonaret, cum multa tandem confusione & in nos & nostra indignatione rece-debat, suumque iterum Herimannum in malum nostrum recipiens custodiebat. O Iesu bone quando totum dicerem, aut quomodò totum dicere possem malum & damnum, quod per hos duos sustinuit Ecclesia nostra?

Quas pas-sus est per-secutiones Abbas Theoderi-cus refe-runtur,

Accidit interea turbato vehementissimè Regno & Sa-cerdotio, ut HENRICUS tertius Romanorum Imperator Augustus traditis filio æquè Henrico vocato Imperiali-bus insignibus, abjectusque à regno iterum regnare mo-liretur, cujus maxima spes tunc temporis esse videbatur iste Henricus Comes de Lemburg Dux modicò jam ante creatus. Quæ res propè exterminium debuit esse Ecclesiæ nostræ, quia cum tunc temporis non tam dux quàm Rex esse videretur, ut pote qui Regis erat factus patronus, non erat Rex, non erat Episcopus, non amicorum quîs-piam qui auderet nos contra tantum tyrannum juvare, maximè pravissimis quibusdam de oppidanis nostris & hominibus de factione Luiponis & Herimannorum fa-

Henricus III. Imp.

etiosissimis, ad hoc quotidie illum instigantibus, & in fornacem ardentissimam illius malæ suggestionis suæ oleum, picem, resinam, & omnia instigatorum fomenta congerentibus, ut suum Herimannum in Abbatiam nostram restitueret, & Theodericum ejiceret: modò utilissimum tempus adesse, in quo hoc liberrimè facere posset, faceretque eum benedici, cum non auderet unquam Episcopus contradicere ei, quem & introduxit; sed Fratres non amplius quàm antea inflectere ad suam voluntatem potuit. Relicto tamen eo cum custodibus sibi familiaribus in cella Abbatis abiit, multa vastatione facta in curia nostra, & in clauistro de rebus victui & vestitui nostro præparatis.

Interim domnus Abbas THEODERICUS secesserat ad Castellum Comitis GISLEBERTI Duram, timens sibi si tyrannum illum expectasset de vita, quo una parte oppidum nostrum egrediente, ipse alia ingressus est. Testor Deum omnipotentem quia nisi oculis vidissem, & præ magnitudine lætitiæ gemitum eorum, querelosæque suspiria auribus hausissem, non facile mihi, sed neque ipsi cui fiebat posset persuaderi tantus affectus, tanta erga eum populi devotio sexus utriusque diversæ ætatis. Ipse è converso quàm acclivi vultu, quàm modesto ore humiliari, quàm profusis lacrymis, quàm humectis genis tota facie irrorari, flebant illi præ nimia qua in eum ardebant caritate, flebat ipse præ maxima qua seipsum metiebatur humilitate. Tam triumphali applausu, tam favorabili populi devotione exceptus usque ad cellæ suæ januam est perductus. At illi interiùs eum observaverant, & strepitu indignationeque populi perculsi nihil sibi certius quàm eorum perfodi gladiis expectabant, qua observatione populo magis magisque in iram indignationemque concitato, cum tamen quidam dubitare viderentur, utrùmve vi in eum irruerent; quidam verò ad irruptionem cum clamore se accingerent, unus eorum, cujus sapientiæ & consilio totum inniti videbatur oppidum, vultu flammeo & ore grandisono prorupit in medium: Eia, inquit, eia viri si tamen viri, quid hîc tam ignaviter excubatis? quid

ad postes hujus domicilii observatis, cur statim fracto repagulo, vel ipsis postibus radicitus evulsis aperto ostio, micante gladio non irrumpitis? Quasi non voluntate neque judicio Dei, sed fortuito hîc conclusi teneantur rei illi, & gladiis nostris hodie decapitandi, quorum venenata delatione, pestilenti consilio, domûs vestræ damnofo olim flagrarunt incendio, matres legitimo destitutæ sunt conjugio, nepotes vestri sine parentibus, vos ipsi heu heu sine liberis estis hodie & nepotibus; & ecce nunc iterum ad nostram & nominis generisque nostri ignominiam in oculos nostros importuni contumaces, ignobiles lenones se ingerunt, ut quorum patres, filios, fratres, nepotes, affines, amicos & servos peremerunt, quosque igne & rapina, de divitiis in inopiam, de gloria in ignominiam detruserunt, eorum nunc dominum inermes, ignavi, pauci, scelerati ejiciunt, ut quæ ferro flammæque eorum cum periculo capitum eripuimus, libidinosi deglutiant seditionem, intestinum bellum in oppido nostro plectendi parricidæ ut olim ut sæpius nunc etiam commoveant. Si viri essemus filii virorum, nunquid hæc in capita eorum nunc de præsentis non redundarent?

Talia Gontramnus: erat hic Gontramnus servus Ecclesiæ nostræ, homo gratissimæ grandisque facundiæ, statura procerus, grossitudine corporis ejus decentissime respondente proceritati, acerrimus in bello, audax animo, prudens consilio, formosus tam venusto corpore quàm pleno vultu & elegantissima facie. Hunc talem qualis apud nos de nostris nemo surget amplius. Oppidani nostri flagrant in eum odio maligno & iniquissima invidia, pro probitate ejus casu volantis sagittæ in frontem ejus incerto auctore occiderunt, dum quadam die proditione ejus sic tandem patefacta adversus eum sic nec opinantem consurrexissent armati; quem si casus eo minus se gladio defendere non vetuisset, ô quot quantamque dedisset stragem antequam occumbere posset. Sepultus jacet inter turrim & ostium quod aperitur versus cimiterium Fratrum & meridiem, juxta murum statim ut exitur de ostio ad dexteram manum.

Hoc tali viro ita , ut superius dixi , perorante ad populum , statim versus in furorem præteritorum malorum recordatione populus , & tanquam ursus cruentis prægu-  
statis carnibus in eos efferatus , stricto mucrone in eos conclamat ostia confringere , postes evellere perentat , ut omnes tam Monachos quàm milites , minores quàm majores in ore gladii interficiat. Sed statim pieras & benignitas domni Abbatis Theoderici perituris scelestis tutissimum scutum se opposuit , vehementerque inclamans Gisleberti Comiti , necnon singulos eorum proprio ex nomine revocans , vix tandem ne in funestos illos irruerent multis precibus obtinuit : quibus sedatis hoc modo Fratres suos ante populum alloqui cœpit : Absit à me , Fratres carissimi , absit inquam , dulcissimi filii , hoc peccatum in Domino , hoc scandalum in populo , ut regressus meus ad vos , & pia in me vestra populique devotio maculetur , obfucetur sanguine cujusvis aut homicidio. Non his armis decertandum nobis , non hoc gladio trucidandus est impius hostis , cujus nos sumus milites , ipse armatura nostra Christus est. Hujus signifer beatus Paulus suis ita conclamat comilitonibus : *State* , inquit , *præcincti lumbos vestros in veritate , & induite lorica[m] justitiæ ; & calcate pedes in præparationem Evangelij pacis. Super omnia accipientes scutum fidei , in quo possitis universa tela maligni ignita extinguere ; & galeam salutis accipite , & gladium spiritus quod est verbum Dei.* His armis ad similitudinem boni Regis David muniti hunc superbissimum spurium & incircumcisum fiducialiter poterimus aggredi , ut cùm tantus blasphemus percussus in fronte , & in corporis parte vulneratus , in qua præsumptor Sacerdotii Ozias lepra incanduit , lepra corruerit , capite ei proprio mucrone truncato , armisque omnibus expoliato *conspiceamur Domino quoniam in seculum misericordia ejus. Qui facit mirabilia magna solus.* Atque iterum cum nostro David dicamus : *Benedictus Dominus Deus meus qui docet manus meas ad prælium , & digitos meos ad bellum. Misericordia mea & refugium meum ; susceptor meus & liberator meus.* Hæc cùm dixisset , populus ad propria rediit ; ipse verò

*2<sup>a</sup> Thim. 6. 14.*

*2<sup>a</sup> Sol. 35. 1. 4.*

*2<sup>a</sup> Sol. 43. 1.*



verò nobiscum in clauſtro habitavit. Qui autem concluſi erant in cella Abbatis, ne à noſtris qui turrim eis præri. puerant deberent interfici, nocte illa penè omnes effugerunt, & præter unum qui cum Herimanno venerat de Malmundaria Monachum, quaſi nulli cum illo remaſerunt. Quidam tamen ex oppido noſtro impuriſſimi nebulones ventricolæ, apud quos data cruſtula hiſpidi panis cujuſvis dignitatis nomen facile mercari, eadèmq; ſubtracta patibulo reus poſſes adjudicari, frequenter ad eum concluſum in cella introibant, lethargicùmque cerebrum ejus foetido adulationis ſuæ oleo impinguentes interius leccatriæ ſuæ ſic cum eo ſatisfaciebant. Tota autem Abbatia & maximè Monachi ad domnum Abbatem Theodericum humili fidelitatis obſequio, & piæ obedientiæ oculo reſpiciebant, ejusque anxiatum amaro ſatis animo deſlebant.

Sequenti igitur die cùm domnus Abbas THEODERICUS vocante eum OLBERTO Episcopo Leodium veniſſet, injuriam ſuam, perſecutionem, redivivi Simonis ſuperbiam, invaſionem in auribus Episcopi Eccleſiæque beati Lamberti expoſuiſſet, non eos tantùm mœſta compaſſione ſauciavit, ſed & ipſam totam civitatem mœrore quidem maximo obnubilavit. Erat enim tam Clero quàm populo & Monachis gratiſſimus, multa litterarum ſcientia, & egregiæ vocis júbilo acceptiſſimus, tum placidiſſimus moribus, & vultûs hilaritate ſereniſſimus. Sed tamen prout deceret dignitatem diſciplinæ & nominis Leodiens. citò non vindictum fuit tam grave facinus in præſumptorem impium. Sed nec mirum, bona eis venia indulgemus dum neceſſitatem temporis & eorum anguſtiam reſpicimus. Erat enim tunc non parva turbatio, non in ea tantùm Eccleſia, ſed & in toto Episcopio, & unumquemque non modò reipublicæ ſed familiaris quoque ſollicita urgebat occupatio, ſicut ſuperiùs tetigimus, pro recuperando extorti ſibi regni ſtatu Imperator Henricus ibi anxie inſudabat, & quia crudeli odio & graviſſimis diſſidebant inimicitiis Episcopus & HENRICUS Dux, ſimiliter quoque Namurcenſis Comes GODEFRIDUS, & idem

Dux, eos priùs ad pacem & concordiam revocare Imperator maximè laborabat, ut postea robur pacis eorum & concordia esset ei spes & causa victoriae. Quatiebantur etiam muri totius civitatis & Ecclesiae undosa imminens belli formidine, quia ferebatur, verumque erat, filium Imperatoris Henricum nomine, in manu robusta & indignatione maxima ad civitatem obtinendam properare.

His malis concurrentibus, quò publicæ familiarique rei suæ unusquisque prout necesse sibi videbat cōsulit artētiùs, eò de nostra disponitur satis quàm expediret negligentius. Semel tamen atque iterum vocatum eum Episcopus tandem excommunicat, omnesque ejus complices, præcipiens Archidiacono suo Alexandro, ut eum de caminata Abbatis, atriòque suo eliminet, sed ille omninò neglexit; quā causā, quo animo ipse viderit. At Dux non immemor injuriæ contemptusque sui in Herimannum arma copiasque suas in furore & indignatione magna adversum nos colligit, ut die data quoscumque de nostris ad dedicationem sui Baalis compellere non posset, eorum carnes in ejus sacrificio victimas propitiabiles faceret. Sed Comes GISLEBERTUS, qui reconciliati sibi fidelis tunc adjutor existerat domni Abbatis Theoderici, conducto sibi Comite Lovaniense GODEFRIDO, qui non multo post Dux extitit, viriliter ei resistit, omnemque conatum Henrici licet domini sui dum accedere non auderet irritum fecit.

Nec multò post domnus Abbas Theodericus reversus est de Leodio ad Cœnobium nostrum grandi ferens patientia conclusum in cella sua æmulum suum. Iamque dies eminebat qua Comes Flandrensis Imperatori occurrere Andegueri\* debebat, quo dum Imperator proficisceretur, contigit eum habere per locum nostrum transitum, atque in cella Abbatis, in qua non sani consilii Frater ille habitabat, nocte una hospitium, qui dum cellam omninò non auderet Imperatori contradicere; si verò ab ea egrederetur, nullum sibi ulteriùs patere regressum formidaret, in cellarium sub caminata descendit, ibique tota illa nocte mansit, ut factò mane cùm Imperator viam

\* Andeguerp.

suam proficisceretur, ipse ex inferioribus abditis prodians ad obtinendam cellam regrederetur. Sed quidam de pueris nostris, qui nocte illa Imperatori ministraverunt, Fratrum nostrorum consilio præstruentes ei aditum, in cellam regredi non permiserunt, nihil tamen contumeliæ aut virium ei ejusque satellitibus intulerunt. Cùmque sibi interceptam introeundi facultatem intelligeret, & se quasi in sepulcro in cellario illo scilicet à pueris nostris suffocandum omninò formidaret, de lacu in quo seipsum malè damnaverat novus quasi terrigena ad invisam sibi lucem per aliud ostiolum tandem erupit, & magnum spectaculum populo factus, platearumque pueris, ad unam forensium domum homo sine honore, Monachus sine pudore se proripuit; aliquotque dies ibi faciens sabbatho sancto Dominicæ, iterum ad Ducem transivit, qua peste eliminata, sentinæque ejecta de navi nostræ Ecclesiæ, mox quia erat hora tertia sonuit, & post torluctuosos dies quibus chorus noster siluerat, nos jam posse licenter divinis ora laudibus aperire grandis læticia fuit: nam nostrum Monasterium & parochia foris tamdiu ab Episcopo in banno posita erat, ut in eis nemo cantaret, donec de cella Abbatis, & de tota curia & atrio Herimannus exiret.

Quod cùm nunciatum fuisset Duci HENRICO, fortè enim ipse eadè hora per forum nostrum transibat, ira incredibili exarsit, dolore intolerabili infremuit, & nisi hanc suam in exemplum omnibus injuriam vindicaverit, cum obtestatione & horribili quadam anathematizatione se suæque omnia diræ morti exterminioque crudeli devovit. Ira igitur vehementi, furorèque ingenti, necnon & indignatione non minima in nos & nostra exardescens, contemptum sui Abbatis cordi graviùs apposuit, totumque se statim in nostrum nostrorumque vitæ periculum, tam substantiæ quàm membrorum quoque detrimentum dissolutè nimis accinxit. Iamque nulli nostrum parcere inter Monachum & Clericum, clerum & laicum, neque quidquam discernere, crudeliter persequi, bestiali furore in nostros & nostra sævire, ut nullius nostrum mise-

reantur suos omnes suppliciter orare , obsecrare , terribiliter præcipiendo præcipere. Tum si illos vel illos de nostris possent arripere , quosdam sine compassione decernebat suspendere , quibusdam oculos effodere , istis nares truncare , illis manus amputare , aliis pedes abscidere , nonnullis crura comminuere. Quibus verò misericordem & humaniorem se exhibere volebat videri , eos diu carceratos , tandem præcipiebat gravissimo argenti pondere debere redimi , & certè longè se beatiore ceteris reputabant , qui nihil aliud se perdere quàm pecuniam metuebant. Erat igitur omnibus grandis formido , pavor & tribulatio , mentis hebetudo , membrorum dissolutio , genus collisio , cùm nulli nostrum extra oppidum pateret aliqua via sine vitæ periculo , membrorum ac substantiæ detrimento. Sed & Comitem GISLEBERTUM quia pro nobis se illi opposuerat , in tantum odio habebat , quòd eum de infidelitate palam arguere , & hereditario propter hoc privare beneficio fidenter laborabat. Erant etiam tunc nobis adhuc Coloniae plures carettae vini , quas statim fecit suis usibus obfirmari.

Hæc aliæque plurima quæ nobis quotidie ingerebat mala , nam & villicis nostris omnibus interminatus terribiliter fuerat , ne in quovis nobis responderent domni Abbatis Theoderici animum graviter afficiebant , & illud multo amarius , quia audiebat eum velle beneficiare suis satellitibus quæ nobis juxta Mosellam , necnon in Testebrant obaudiebant : quòd si semel in tam tempestuosa tempestate contingeret , aut vix aut nunquam ea amplius Ecclesia nostra reciperet , & vinum & pisces ulterius Abbatia nostra non possideret. Immenso igitur dolore & metu afficiebatur , metuens etiam & nimium sollicitus ne in tanta turba quisquam propter eum occideretur , carceraretur , spoliaretur. Sed cùm sub hoc curarum sollicitudinumque onere importabiliter premeretur , fuerunt quidam ex amicis ejus cum Duce , qui videntes ejus angustiam , oppidanorum periculum , Ecclesiæ intolerabile & irrecuperabile damnum , mediante pecunia conabantur adhuc eum ab his malis quæ in nos cogitabat , revo-

care. Vix tandem argenteo malleo emolita est nigri filicis duritia, exceptoque Comite Gisleberto annuit, ut pacem habeant Abbas noster & tota ejus Ecclesia. Sed re perlata tandem ad domnum Abbatem Theodericum, nam novit Dominus se nesciente hoc prius ab amicis agitabatur, nulla ratione, nullo consilio, nulla persuasione, nullo timore adduci potuit ut acquiesceret, nisi res Ecclesiæ quas impediærat prius ab omni impedimento Dux enodaret, & Comitem Gislebertum oppidanósque omnes, quibus propter eum molestus fuerat, in firmam pacem, gratiámque suam revocaret quod miro indicibilique labore ab utraque parte tandem concessum est.

Ipse præsens istis interfui, & pro explendis feriâ sextâ Parascevæ Domini die una Leodium equitavi, & multum ibi moratus pro hoc negotio ipsa redii, & statim reascendens cum domno Abbate iterum Leodium abii. Persoluta est ibi peracta prius pecunia, Comiti Gisleberto redita est Ducis gratia, oppidani liberati sunt à timore, res Ecclesiæ eo jubente prorsus sunt expeditæ. De Herimanno verò inter Ducem & domnum Abbatem hoc tantum definitum est, ut si cognoscens reatum suum ad satisfactionem & pœnitentiam venire vellet, misericorditer reciperetur, probatâque ejus humilitate & obedientia secundum ejus animi infirmitatem condescendere, ei domnus Abbas non dedignaretur. Sed inveterata miserandi hominis malitia humiliari nullo modo ad satisfactionem & pœnitentiam potuit, sed id quod fuit permanfit, & quod non erat assumpsit.

Ex hac Ducis oppressione & Herimanni invasione gravissimè afflicta elanguit diu Ecclesia nostra. Calix aureus nescio quanti ponderis cum patena, quem ipse domnus Abbas Theodericus acquisierat, hac necessitate irrecuperabiliter venditus est, silva in Bryrchem excisa est & vendita, substantia alia multum attenuata, quódque magis dolendum erat magisque deffendum, totum opus Monasterii intermissum usque ad obitum ejus deperibat. Dei autem faciente judicio eodem anno abjudicatus fuit HENRICO ducatus, & datus Comiti GODE-

E e e iij

FRIDO Lovanio causa existente, quia eadem hebdomada scilicet feriâ quintâ, quæ fuit Coena Domini pugnaverat contra filium abdicati Imperatoris HENRICI, Regem creatum HENRICUM dominum suum super fluvium Mosæ oppido Guiscir ante pontem, Regemque contrito exercitu ejus fugaverat.

Ad cumulum autem malorum nostrorum accidit nobis & aliud malum quantò de familiari & amicali priùs nobis potente persona, tantò & gravius, tantò & intolerabilius. Cœperunt namque in invicem dissidere Comes GISLEBERTUS Advocatus noster & dominus Abbas THEODERICUS. Comes exigebat ab eo viginti quatuor marcas argenti, quas Duci Godefrido dederat de Lovanio, quia Ducem Henricum propter à nobis suum abjectum Herimannum super nos irruere non permiserat, & quidquid super eas ex usuris quotidie crescebat. Abbas respondebat se ei non promississe nisi quinque tantum, & eas se jam persolvissse. Sic & sic quotidie mala nostra multiplicabantur. Comes quid faceret? Rationi omninò acquiescere nolens neque veritati, cum duplici damno quod argenti hujus summa fuisset totum per Abbatiam quod exigebat diripuit, nulliusque unquam petitione Abbati reconciliari voluit, sed conversus ad dominum suum Comitem Henricum, & ad æmulum Abbatis Herimannum, cœpit omni consilio & virtute agere, ut de Abbatia ejiceretur, & Herimannus ei introduceretur.

Habebatur tunc Meris Episcopus ADALBERTO post Popponem, qui licet litteras suas & missaticos pro domino Abbate Theoderico ad Comites Henricum & Gislebertum frequenter mitteret, nihil tamen aut modicum juvare eum contra eos poterat, nisi in hoc tantum quòd magis inde confortabat animos Fratrum nostrorum, & corda ambigua levium oppidanorum. Sub hujus fune contentionis aliquandiu agitatae sunt ancipites utraque partes dissidentium. Cùm igitur humano undique destitueretur auxilio, & ab illis vehementissimè affligeretur qui eum maximè debuerant juvare, rarus sibi duxit ad Dominum eodem modo confugere, si dissolutionem no-

stri Ordinis, quæ diu nimis casibus diversis accidentibus apud nos non absque infamia inoleverat, religiosorum Monachorum usibus posset emendare, ad quod peragendum quidam de Fratribus, pauci tamen, instantissimè eum perurgebant: plures verò gravissimè inveteratas abusiones suas immutandas sibi ferebant; maximè autem qui apud nos de aliis claustris profugi confluerant.

Sed cùm Dei adjutorio, prævalente meliori parte Fratrum licet minori, introducti sunt usus Cluniacensium in Monasterium & Claustrum nostrum, scilicet Calendas Martii, quæ fuit eo anno sextâ feriâ in capite jejunii: ad quos demonstrandos misit nobis dominus Abbas S. Iacobi de Leodio STEPHANUS duos de suis Fratribus, Abbas S. Laurentii BERENGARIUS de eadem civitate duos; cœpitque doceri Ordo Cluniacensis ferventissimo apud nos studio, & exerceri tenacissimè non ex parte, sed ex integro, maximè juvenibus nostris in eo laudabiliter sine omni mendacio nostro ferventibus, senibus cum silentio mente pacifica acquiescentibus, scholarum pueris sine gravi jugo quotidiana exercitatione disciplinam exhibentibus. Qui aliunde apud nos collecti fuerant, immutarique veterem levitatem suam nolebant, recesserunt; similiter & de nostris aliqui ejusdem levitatis.

Volo autem hîc annotare nomina eorum, qui tunc de præsentî inventi, quando usus isti apud nos introducti sunt, ut gloria eorum inde in hac quoque vita crescat, & posteri intelligant quanta apud nos Fratrum paucitas extiterit. Abbas Theodericus, Prior ego Radulfus\*, Secretarius Sibertus, Præpositus Morungus, Cellerarius, Cantorque Folrardus, Hugo jam senex, Gislebertus juvenis maturus. Prima autem die qua Ordinem incepimus, exierunt de scholis quinque pueri, Thidelinus, Balduinus, Henricus, Christianus, Franco, qui postea abjecto habitu fugit. Hi omnes jam adulti fuerant, & de scholis jamdudum exisse posuerant, sed Prioris diligentia eos intra scholas usque ad eam diem tenuerat, timens si ante inceptum ordinem secundùm veterem abusionem extrascholas levitatis & otii placitam juvenibus, vene-

\* Auctor  
hujus operis.

natamque dulcedinem gustassent, quod amplius rigida juvenum, jugique insuetæ cervices applicari ad Ordinem non possent. Pueri qui in scholis remanserunt fuere hi: Guazelinus, Adulfus, Guilbertus, Fredericus, Humbertus. Inter majores & minores eramus xvii. quo parvo numero cum adjutorio eorum, qui de Leodio præstiti nobis fuerant, coepit, ut dixi, Ordo ferventissime teneri, maxime studio juvenum laudabiliter ad hunc se accingentium.

Si quis tamen nostram præcipue extitit, cujus importunitas & opportunitas, cujus mille formis variata sagacitas animum Abbatis, ad hos usus tenendos, & cum multa sua tribulatione & angustia, odio & invidia, apud ipsum ut teneretur tandem obtinuerit, & cujus studio eo vivente viguerit, mortuoque refrixerit, non dubitat quisquis ille sit, cum multum emendationis vitæ Fratrum, & profectus Ecclesiæ per hos usus subsecutum sit; quod de eo nobis tacentibus ille tacere debeat, pro cujus amore nihil adversi, nihil odii, nihil invidiæ, nihil periculi sustinere formidabat, dummodo religio introduceretur, & locus à præteritæ irreligionis infamia liberaretur.

Injecta igitur nobis ab HENRICO gravissimi mœroris nebula magna jam ex parte deteraserat nova introducti Ordinis gaudia, & sub suavi jugo Domini leve satis habebatur nobis onus nostræ afflictionis. Vadit inimicus & invidit prosperis de Ordine nostris successibus, atque multum doluit giganteis, ut ita dicam, nos in eo promoveri passibus. Implevit igitur spiritu suo nequissimo en nescio quota vice eundem Henricum ad affligendas animas nostras jamdudum usitatissimum sibi ministrum, & familiarissimum, qui oblitus peractæ pactionis cum domno Abbate Theoderico, damnosæque multum nobis pecuniæ quam ei extorserat pro sibi ulterius eo placito, mentitus fidem, & non Dei reveritus judicium, iterum aggressus est sine omni dilatione suum nobis intrudere Herimannum. Regnum autem & Sacerdotium, ut superius dixi, ita adversus invicem erant conturbata & commota, ut adversus violentiam tyrannorum nihil aut parum juvare posset  
nos



nos tunc Ecclesiastica censura. Herimannus etiam per quosdam complices, & in Curia Regis aliquantulum familiares, conciliavit sibi animum Cancellarii Regis, **ADELBERTI** nomine, qui postea Archiepiscopus fuit Moguntiae, & per ipsum Regem habens eos fidos adjutores de sua restitutione, res vero non fuerat ita notificata Regi & Cancellario, sicut se veritas habebat de Herimanno. Itaque mendaciis faventium Herimanno decepti, restitui eum in Abbatia nostra per litteras & missaticos suos Metensi & Leodiensi Episcopo præceperant, cujus adventus quotidie nuntiabatur. Comes autem **GISEBERTUS** paratus erat suscipere, & quia Advocatus noster fuerat in Abbatiam introducere.

Inter quæ minantia famæ volitantis quotidie tonitrua manus tonantis Dei excelsa, jamdudum ab antiquo gravissimè super nos extenta, terribilissimo fulgure subito nos perforavit, tollens nobis de medio domnum Abbatem Theodericum infirmitate vix quinque dierum ex sanguinis minutione viam universæ carnis introductum. Heu quo ore habeo referre, quo stylo scribere, quas nunc sustinuerimus pressuras, tribulationes & angustias? Hi qui vivente Abbate Theoderico palam nos persequiebantur propter Herimannum, vix jam manus continebant quin nos vivos discerperent, aut in frustra gladiis conciderent; & qui occultè soliti erant nobis ponere insidias, tunc aperta fronte prodibant, tantò in nos jam palam aciores, quantò priùs fuerant occultiores. Paucissimi qui nobiscum sentientes quidquam pro nobis agere vellent, quod effectum aliquem virtuosi alicujus operis haberet. Herimannus quotidie pro foribus nunciabatur, & ab aliis invitatus, ab aliis expectabatur, omnium tamen Fratrum animi erant contra eum obfirmati non minus Abbate defuncto, quàm priùs vivente illo. In hac nostra pressura, tribulatione & angustia nullos graviore invenimus persecutores, quàm Presbyteros nostros, tres potissimum, Reynerum scilicet de Hales, Hezelonem de Mergueles, necnon & Lanzonem quemdam de oppido nostro.

Istis dissensiones magnas facientibus, & laïcorum ami-

citiam contra nos antè & retrò concitantibus , vix obtinimus ut integro die defuncti Abbatis corpus insepultum custodiremus , donec mandati compares ejus debitas ei solverent exequias. Alii Presbyterorum & laïcorum adventanti Herimanno acclamabant , alii hunc & illum prout sunt qualitates hujusmodi partium , nulli tamen eorum secundum assensum nostrum , unde , ut dixi , vix se continuerunt quin sepelissent eum absque exsequiis Fratrum. Quorum furori cùm essem Prior constanti auctoritate me opposui , in multo tamen periculo vitæ meæ , flocci factus priùs ab illis , multis convitiis , & pluribus contusus injuriis. Evici tandem , & tertia die expectata sepelivimus Abbatem Theodericum exhibente illi exequias domno Abbate Berengario de sancto Laurentio Leodii , prosequente funus ejus Comitum & nobilium , & populorum grandi turba ; interque sibi viventi fideles & amicos facientibus illi Fratribus planctum magnum , & miserabilem ploratum & ejulatum irrepressibilem. Fuerat enim erga eos lenissimi affectus & grandis patientiæ , vultus hilaris , & jucundæ allocutionis , malos æquanimiter sciens tolerare , bonos amare & honorare. Obiit autem **vix.** Calend. Maii die litanïæ majoris anno millesimo centesimo septimo , exactis in Abbatia annis novem , mensibus tribus , sex diebus minus.

Obiit Abbas Theodericus

An. 1107.

Nihil de possessione sua tempore ejus perdidit Ecclesia nostra , excepto allodio , quod jacet versus Andeguerp juxta Malines : hoc persolvebat singulis annis viginti quinque solidos monetæ & ponderis de Andeguerp die Conversionis S. Pauli , quod ea necessitate vendidit , quia nihil inde habere poterat Ecclesia nostra propter raptores & violentos prædatores. Ea autem intentione , ut de prelio ejus aliud apud nos allodium redimeret , fecitque illud non sui unius consilio , sed majorum suorum Metensis scilicet Episcopi & Advocatorum nostrorum & Parium Ecclesiæ. Sed morte illum præveniente Comes Gislebertus ab hominibus illis commissum argentum abstulit , qui servabant illud ad redimendum Ecclesiæ aliud allodium , sicque Ecclesia tandem & allodium perdidit & pretium.

Thuribulum etiam argenteum ponderis septem marcarum, & unum pretiosum prorsusque novum pallium, necnon calicem argenteum appendentem marcam & dimidiam præstitit Archidiacono cuidam Leodiensi nomine Alexandro, quæ usque hodie re habere non potuimus. Abstulit etiam Comes Gislebertus eo defuncto. Ecclesiæ nostræ philacterium pretiosissimum, quod ei Abbas præstiterat, tabulam scilicet unius pedis longitudinem habentem tantumdem propè latitudinis in exteriori parte argento celatam, in interiori auro purissimo, multisque & electissimis lapidibus miro opere ornata & onerata, plenam pretiosissimarum gemmarum.

## LIBER SEPTIMVS.

**S**EPULTO igitur domno Abbate Theoderico, cum viderem æmulorum meorum invidiam me sustinere non posse, maximè eorum jamjam se manifestantium odia, quibus propter novi Ordinis introductionem, non licebat abuti Claustro nostro, & horis locisque inconvenientibus Fratrum colloquio, eadem die humillima satisfactione petivi me absolvi à Prioratu, & absolutus sum, Fratribus tamen id ægrè ferentibus. Præterea quicumque Herimannum desideranter expectabant, Comitem Gislebertum & uxorem ejus, & quotquot alios poterant malignis de me detractionibus & fictis aut veris meis sceleribus in me quotidie inflammabant, certum habentes quandiu cum Fratribus essem, quòd adversus eos ratione & consilio de suo Herimanno prævalere non possent.

Factam igitur Fratres electionem suam cum Leodii Episcopo Ecclesiæque repræsentassent, & inde Metis transire vellent, invenerunt ibi nuntios Imperatoris Herimannum prævenisse litteris Imperialibus, & una voce Episcopo præcipientes, ut Herimanno ultra molestus de Abbatia nostra non existeret. Episcopus tunc noviter

Fff ij

Imperatori reconciliatus fuerat defuncto Leodii patre Imperatoris, cuius partes contra filium adjuverat, quo timore non satis audebat, ut tamen eum decuisset, violentiæ Imperatoris contradicere, neque tamen assensit, sed quantum salva gratia Imperatoris potuit muntiis rationem reddidit, quomodò apud sanctum Trudonem non posset ampliùs Abbas canonicè fieri, atque subiunxit: Non est meum dare donum Abbatiaë sancti Trudonis, sed Abbatem ejus benedicere. Metensis illud est Episcopi, quem mihi mittat benedicendum ipse viderit. Ibi sicut & aliàs frequenter religiosus vir Abbas sancti Iacobi Leodii STEPHANUS multa fiducia & ratione Nuntiis Imperatoris ostendit, quòd frustra laboraret Imperator de Herimāno, quem suo suorumque comparium Ecclesiastico judicio constabat jamdudum damnatum pro invasione hujus Abbatiaë, & pro obstinatione incorrigibilitatis suæ etiam excommunicatum fuisse, nec ampliùs potuisse tandem mereri absolutionem, nisi promissa ampliùs emendatione invasionis suæ & violentiæ. Hacurbatione intermissa est Fratrum professio Metis, & reversi sunt ad Claustrum nostrum disponentes nuntium suum mittere pro instanti necessitate ad Metensium Episcopum.

Nec mora adest Herimannus, & Nuntiis Imperatoris eum adducentibus, per Comitem Gislebertum in Abbatiam introducit. Faciunt ei fidelitatem & hominium quibus placebat ipse, & qui propter Comitem non audebant contradicere. Primi tamen Abbatiaë & honestiores viri manus suas continuerunt à fidelitate ejus & hominio. Fratres omnes unanimiter non solùm Monasterio & Claustro, sed & nullo eum dignantur nisi per internuncios colloquio, & eo duro, & qui assentiri ei nollent ullo modo nisi ad audientiam & canonicam discussionem priùs veniret, quam ille tanquam infirmæ sibi conscientiaë ut semper ita & nunc refugiebat. Collaterales ejus & consiliarii erant homines levissimi, mendaces, seipso metiri nescientes, inanis spei, omnis præsumptionis, nullius tam virtutis quàm consilii. Pars maxima de illa Lui-

ponis conjurata factione , adhuc tunc truncas manus portantes in signum damnationis & exlegalitatis suę. His miseris & miserrimè miserrimis hominibus circumventus, & ut ab uno eorum didicimus juratus in Sanctos illis ad insaniam eorum hac illacque nolens volensque ferebatur insanus : nihilominus interdum illis tantum diripientibus ut non haberet saltem panem & cervisiam unde aleretur, aut præter simplicem tuniculam , unde media quoque gravissima hyeme cooperiretur , qui sibi talis erat qualem nobis futurum existimatis.

Quæsitus interea nuntius qui de his malis relationem ferret Metis, electus ad hoc & compulsus multis Fratrum sumptibus , timens mihi sicut & postea graviter sensi accidisse , quantum ex relicto Prioratu invidiæ & odii Herimannitarum crediderim mihi minui posse, quod tantum contra herem , si non amplius ex hac suscipienda legatione ; parui tamen , pretiosiores mihi non faciens animam meam , quàm Ecclesiæ utilitatem ; sed propter Herimannitarum insidias non ausus publicam viam Metis transire, junxi me exercitui Episcopi Coloniensis FRIDERICI , & Ducis Lovanii GODEFRIDI , & Lomensis Comitis Arnulfi , duorum , ut putabam , si non amplius millium militum tendentium ad Imperatorem ad urbem Viridunum. Habuimus igitur iter de Leodio Hoyum , & de Hoyo per Hasflangiam & Villantiam , inde per Castellum Innis , sicque per aliud Castellum dum pervenimus tandem Viridunum. Iesu bone quanta in illo itinere sustinuerimus , quomodo referre ? Dum putarem nos nocte debere per villas hospitari , subito vix octava adhuc hora diei laxabant equos suos scutiferi & militum nonnulli , & rota simul duarum vel trium villularum ædificia rapientes , grandemque & parvam materiem caudis equorum suorum ligantes , per viridaria secus fluentia aliqua quasi domicilia inde sub horula una sibi & equis suis ædificabant , secum bipennes aliæque ferramenta ad tale opus portantes , necnon & falces ; quibus interea pars alia herbam ad opus equorum merebant. Dum autem in papilionibus suis magnis & operosis statim erectis, quasi in

domo propria habitabant, deducentes se spatiosè usque ad vesperum, aut per viridaria secus fluentia, aut secus saltuum virgulta, variè volucrum modulis voluptuosè-que resultantia.

At ego quid facerem Monachus, & unum tantùm habens famulum? si ad villas tenderem aut exercitu eas diripiente jam villæ non erant, hominibus omnibus de eis per silvas latitantibus, aut si qua juxta remanserant, nihil tutum me posse in ea servare nocte illa certum habebam; hinc à rusticis spoliatis, & nocte explorare venientibus exercitum de silvarum latibulis, hinc à comitibus quoque nostris sua sibi invicem diripientibus. Si autem per spatiosa pratorum viridaria inter exercitum remanerem, ut taceam de domiciliis & casulis quas & si scirem, non habebam tamen unde ædificarem, aut mihi aut equis meis. Victum quem mecum non portabam, nesciebam ubi emere, neque pabulum ad opus equorum. Famulum autem meum à me separare non audebam, quia solus remanens, cui me de exercitu conjungerem æquè omnibus ignotus nesciebam. Tandem me & mea Deo & beato Trudoni committens, exiens exercitum, ibi juxta villulam semirutam à comitibus meis transivi, nullum virum in ea inveniens; nisi tantùm feminas propter timorem exercitûs, quæ videntes me Monachum irruebant in occursum meum certantes invicem, quæ illarum prima me posset habere nocte illa ad hospitium suum, ut meâ præsentia defenderetur de rapina inimicissimorum scutiferorum. Cùmque ad unam declinassẽ, cujus domûs munitior mihi parietibus videbatur: statim omnes mulierculæ cum pueris suis & infantibus de tota villa illa relictis domibus suis ad hospitium meum ululantes confugerunt, porcellos, gallinâsque suas & gallos, & cetera parva animalia sua secum trahentes, & inter domum & horreum hospitæ me concludentes. Cascos autem & lac & panem, qualem habebant avenacium, & mihi & famulo meo gratis ingerebant ad comedendum, necnon & fœnum & annonam gratis nihilominus omnia hæc ad pabulum equorum. Sed gratias Deo nihil gratis ab illis acce-

pi, & Deo me meritis sancti Trudonis protegente, non solum nihil ea nocte perdidit, verum quidquid pavidæ mulierculæ ad hospitium meum contraxerant, mane exercitu discedente sine aliquo damno receperunt. Mansi pene tota illa nocte insomnis, maximè ut est pavidæ naturæ muliercularum, me ibi trepidare facientium ubi non erat timor.

Sequenti die summo diluculo movente se exercitu, salutatis meis mulierculis surrexi, adjungens me nostro comitatu, sed pro præteritæ diei fatigatione & nocte insomni, tota die illa sub gravissimo solis ardore eram æstuans & anhelans, & super equum toto itinere diei illius somnolento capite, & quasi fracto collo nutabundus equitans; ea tamen die emens mihi & famulo meo bipennulam, necnon & falcem, cœpimus amodò de casulis & hospitoliis nostris metante exercitu sicut & alii facere, magistra nobis necessitate, præterquàm quòd rapina & domorum confractioe abstinebamus, concisisque viminibus & lignis grandiusculis, casulas nobis & equis nostris conficiebamus, præsepia & aliqua obumbratoria. Fetor enim fimi equorum & hominum non longè à nobis ad secessum declinantium pene me quotidie enecabat, crebrò pungens ad vomitum, tum grandium die muscarum densissima infestatio, & nocte dormire volenti tenuè sibilantium, & usque ad effusionem sanguinis amarè crebròque mordentium, malarum pulicum importuna nimis infestatio, exultatio.

Tandem emenso itinere per decem fermè dies, quod tamen poteramus per quinque suaviter fecisse, Viridunum venimus, Imperatorem ibi quia necdum venerat expectantes. Audiens autem quòd Episcopus Metensis hospitaretur ad unam villam juxta Viridunum nomine Dongei, illuc ad eum transivi, dans ei ibi litteras Fratrum nostrorum, & viva voce supplens ei querimoniam & petitionem eorum. Ipse verò respondere mihi Metis distulit consilio majorum suorum acturus de hac re ibi; sed cum aliquandiu apud eum manerem, ô quantas sustinui ibi controversias & contradictiones à quibusdam

Herimannitis. Erat enim ibi Comes HENRICUS de Lemburg cum Episcopo, & ad eum miserant Herimannitæ Presbyterum quemdam nostrum verbosissimè contentiosissimum nomine Hezelonem de villa Mergueles, ut ibi nuntiaret mortuum esse domnum Abbatem Theodericum, & admoneret eum juvare apud Episcopum de Abbatia Herimannum. Qualem ibi frequenter simul confictum antè & retrò habuimus, quàm vix evasi insidias ejus tentas mihi inter Dongei & Vir dunum, dum pro hac necessitate pene quotidie equitarem ad Episcopum. Villa autem hæc, scilicet Dongei, quæ versùs austrum Virdu no milliario parvo adjacet, sicut à Merensibus & indigenis tunc ibi didici, una fuit ex illis quas dominus noster sanctus Trudo cum cetero allodio suo beato Protomartyri Stephano in pueritia sua Metis tradidit: quæ ad mensam Episcoporum Metensium usque ad tempus Episcopii Theoderici permansit, qui Cœnobium Monachorum sub titulo S. Vincentii Martyris Metis ædificans, Fratribus Deo & S. Vincentio inibi famulantibus ad stipendium proprium in perpetuum tradidit. Sed cùm Deo me protegente nihil mali mihi ibi facere potuissent, tractabant quomodò in reditu meo insidiis me exciperent, aut turpiter me dehonestarent, aut crudeliter interficerent. Sed commissus ab Episcopo Priori de S. Clemente Azelino nomine, qui postea extitit Abbas Gorges; habebat enim secum tunc eum tanquam virum sapientem & religiosum Monachum; Metis cum eo transivi, expectans ibi apud illum aliquando Episcopum; qui cùm venisset consultus signatas mihi dedit duas litteras, unam ad Fratres, aliam ad Herimannum ferendas. Mandavitque Fratribus citò se velle venire ad eos, ut præsens præsentibus consilio eorum terminaret longum contentionis funem inter eos & Herimannum. Litteræ autem ad Fratres habebant ut nullius timore frangerentur à justitia & veritate, quia vim nullam de Herimanno vellet eis facere. Ad Herimannum verò ita erant modificatæ, ut duplici sensu possent intelligi ab Herimanno de assentiente sibi Episcopo, à Fratribus de contradicente illi. Hæc ambiguitas idcirco facta



facta erat, ut dum vana spe illuderetur Herimannus ante adventum Episcopi, qui quotidie expectabatur, nullum per satellites suos inquietaret de Fratribus sibi assentire nolentibus, & Fratres non frangerentur territi de dubio sibi animo Episcopi.

His acceptis litteris, & in pacis osculo ab Episcopo dimissus, viâ qua veneram non audebam, neque sciebam reverti, publicâque nihilominus viam metuens ob insidias Herimannitarum quas mihi densissimas tetenderant. Igitur ducente me nuntio boni Alzelini transivi per castellum Briei, nocte illa habens hospitium apud religiosissimos Canonicos in silva juxta nomen loci Monasterio S. Petri noviter incepto ab illis ædificari. Facto die, scilicet Ascensionis Domini, similiter accepto ab illis conductu veni ad castellum Cuns, ubi erat cellula Fratrum de Monasterio S. Huberti, & apud eos nocte illa mansi. Tertia verò die perveni ad S. Hubertum per viam longissimam, & vasta solitudine horribilissimam, penè solis ardore cerebrum concrematus, & quibusdam antè quasi dentatis, aliis verò sine dubio amarè nimis retrò aculeatis equorum meorum carnibus gravissimè concisis, & sanguine eorum penè exhausto, qui amarissimarum punctationum suarum, & sævissimorum morsuum agitatione tantùm hac illâque præ angustia subitus me tota die illa dissilierant, ut vix me jam possent portare, & ampliùs quàm lentum passum incedere. Væ terræ illi cui Deus tam pessimorum monstrorum maledictione maledixit. Quarta die ducente me quodam Clerico, qui non minus captivitatem metuebat quàm ego, nescio quæ devia per altissimorum montium juga saxosa, per densum vallium concava palustria, miserabiliter tota die illa enervari nos & equi nostri fuimus, semper aures attonitas ad omnem cujuslibet rei strepitum attollentes ne fortè caperemur, aut familiari loco illi latronum excursu dormientibus nobis equi nostri tollerentur. Quinta die illucescente locum exsecrantes effugimus, Clerico viam suam tenente, me aliam. Habent Cluniacenses Cellulam in silva inter Hoyum & Leodium ubi dicitur ad S. Symphorianum, ad

eam cum venissem humanissime ab illis susceptus sum nocte illa.

Sexta die pervenimus Leodium apud piissimum & religiosissimum Abbatem de S. Iacobo domnum Stephanum, ubi in securo jam positus coepi tandem gravissime sentire quid doloris contraxissem de longa itineris difficultate. Iesu bone redde animæ meæ compassionis humilitatem, quam ibi infirmitati meæ exhibuit. Quàm benigno vultu, quàm larga manu, quàm consolatorio alloquio, jamdudum præstolabantur ibi quidam de Fratribus nostris reditum meum, pro timore volentes me avertere ut ad claustrum tunc temporis non redirem, quoniam tota oblatione conjurassent in me Herimannitæ, & jussu domini sui homines Comitis Gisleberti summopere quærerent me dehonestare. Fateor territus aliquantulum modicum anceps hæsi, sed resumptâ mihi constantiâ, etsi ad claustrum non transirem gravissimo considerato Ecclesiæ damno, mira arte, bona tamen effeci ut placarem mihi uxorem Comitis Gisleberti, quæ maximè incitabat dominum suum & suos in auxilium Herimanni, à qua facillimè obtinui, ut de Leodio ad claustrum nostrum pacificum conductum mihi daret, & Herimanno suisque præciperet, ut in nullo mihi molesti essent. Suspenderam enim animum ejus quod forsitan Herimanno concordaret, si secundum misericordes litteras Episcopi quas illi afferebam, consilio meo acquiescere vellet. Quod illa libentissimè de ore meo suscepit, & quidquid volui de pace mea ab illa tunc impetravi. Revera autem non mentiebar ei, quia si Herimannus vellet consilio meo acquiescere secundum litteras Episcopi, quas apportabam illi, quæ, ut dixi, duplici sensu poterant intelligi, in hoc quod concordaret ei, ut ab Ecclesia nostra recederet, & Abbatem canonicè nos habere permetteret. Ego autem dummodò sanus possem intrare claustrum, non multum postea timebam Herimannum. Sic simplicitate monachica delusa est mulieris astutia.

Tendens igitur audaci fronte & nudo capite ad claustrum, stupori eram omnibus incurritibus mihi per viam,

maximè qui me transeunte in medio oppidi nostri stabant; rarus enim erat incola nostri territorii qui ignoraret de coanimata eorum obstinatione in periculum mei capitis; sed Comitissæ nemo eorum contradicere audebat. Fratres autem viso me in medio claustrî præter spem cum magno stupore & ingenti lætitia me circumsedebant, tanquam redivivum de sepulcro, aut depensum à patibulo, & redditum vivum Conventui nostro, labores itineris mei cum eis referrem pectora sua percutiebant, & quòd saltem vivum recepissent Deo gratias agebant. Interea Episcopus Leodiensis Monasterium nostrum & foris Ecclesias in banno posuerat quamdiu Herimannus in Abbatia moraretur. Paulò post Fratribus tradidi litteras legendas Metensis Episcopi, quomodò deberent intelligi aliæ missæ Herimanno exposui illis secundum sensum Metensis Episcopi, unde fortissimè in suam sententiam contra illum sunt animati. Suscipiens autem Herimannus de manu mea missas ab Episcopo litteras, nullumque alium in eis sensum inveniens nisi qui ei placebat, familiaribus suis ostendit, addens etiam illis, quia Episcopus ei mandaret cum veniret quòd de me pacem ei faceret, si nos concordare non posset. Quæ spes licet inanis, tamen eos interim mitigabat, ne furorem quem maligna mente in nos conceperant, maligniori opere exercerent. Acta sunt hæc in mense Maio.

Mense autem Iulio quartâ hebdomadâ venit Episcopus Metensis Leodium, tendens ad locum nostrum, cui occurrentes Fratres nostri deprecabantur eum primum omnium præcum humillimarum humilitate, ut non audiret contra eos fautores Herimanni; deinde constanter affirmabant illi quia si contra Ecclesiasticas regulas vim eis inferre moliretur, etiam usque Romam non vererentur eum appellare. Episcopus autem promittebat illis se nihil de Herimanno facturum quòd non esset canonicum. Sed fautores Herimanni circumvenientes consiliarios & collaterales Episcopi incredibilibus promissis, modò fidem spondendo, modò iurejurando in tantum sibi eos inclinaverunt, ut de Leodio ubi venerat bona spe redire

2. Reg. 24.  
16.

Thren. 5.1.

Mich. 3.

ad locum nostrum facerent Herimannum. Præcessit Episcopus, lentè subsecutus est Herimannus. Episcopum venientem cum obvia processione suscepissemus, præcantabamus ei cum multis lacrymis & singultibus illud respon-  
sorium: *Aspice, Domine, quia facta est desolata civitas plena divitiis. Et aliud: Recordare, Domine, testamenti tui, & dic Angelo percutienti cesset jam manus tua.* Deinde introducto Capitulum nostrum lecta est ei & suis Clericis illa lamentabilis Hieremiæ lectio: *Recordare, Domine, quid acciderit nobis: intueri & respice opprobrium nostrum.* Vbi cum ventum fuisset ad illud versiculum: *Papilli facti sumus absque patre: matres nostræ quasi viduæ. Cervicibus nostris minabamur, lassis non dabatur requies.* Lector primum tantis increpuit singultibus, & profusus est in lacrymas, ut vox deesset legere inantea volenti, & visus præ inundantia lacrymarum obtenebraretur ante se aspicienti. Deinde totus Conventus in idipsum flebiliter incitatus omnes Episcopales ea hora ad pietatem & miserationem super nos inflexit: sed citò ab cordibus eorum miseratione illa & pietas evanuit. Inde tamen surgens Episcopus humanis nos consolatus verbis bona spe eventum rei modicum sustinere præcepit. Siluimus scilicet.

Fautores immo venatores Herimanni iterum atque iterum nocte & die collaterales & consiliarios Episcopi, quin certè etiam vilissimos quosque de curia ejus maximis promissis & quæ vix aliquis sperare poterat sollicitantes; satagebant summopere ut sibi animum Episcopi inclinarent, quod & factum est. Habebat enim Herimannus nepotem quemdam Gualterum nomine de Harchs liberum quidem hominem, & plurima in feudis & prædiis possidentem. Huic non erat curæ quid promitteret, quid persolveret, quid juraret, quid pejeraret, sua multa bona in vadio ponens pro argento dando, pro equis & palefrideis, pelliciis & pellibus grisiis & variis, ceterisque vestibus, dummodò Herimannus Abbas statueretur. Ceteri nihilominus ejus complices nullo modo attendebant quantum inde fidem mentirentur, quantum pejerarent, dummodò illum nobis nolentibus intruderent. Sum-

ma tandem perfoluti argenti supputata est nobis fuisse usque ad sexaginta marcas & aliquid amplius, & equorum & palefridorum usque ad quadraginta duo: sic erat tunc fama, quin immo infamia, sibi imputeretur non mihi, si sit mentita. Sed nos ea quæ vidimus & præsentibus audivimus veraciter referre possumus, quia ante Cellam Abbaris in qua Episcopus hospitabatur, & per totam Curiam magnus quotidie venientium & abeuntium equorum discursus, & clamor hominum vendentium aut ementium eos habebatur, qui dabantur à fautoribus & amicis Herimanni consiliariis & collateralibus Episcopi. Herimannus verò in spicario nostro morabatur parvo satis spatio distante à Cella, in qua Episcopus hospitabatur, ita ut intercurrentes nuntii manifestissimè ad eum ingrederentur, & de quantitate & qualitate sui turpissimi mercimonii ante eum tractarent.

Hæc dum agerentur, nos interea gravissima victus & vestitus necessitate afficiebamur, in tantum ut præsentem Episcopo & tyrannicante Herimanno die solemnitatis S. Petri Apostoli Calend. Augusti, & in Inventionem B. Proto-martyris Stephani patroni & domini nostri, nihil omnino quod comederemus & biberemus, invenissemus ad mensam nostram, & ceteras perplurimas necessitates pateremur, quas hîc enarrare longum esset. Quid moror? Graviter corrupti & facti turpiter abominabiles in studiis pessimæ hujus simoniæ omnes qui tunc aderant Episcopales, maximè verò & ardentius Clerici subtilissima examinatione, & astutissima pertractione quærebant quomodo nobis deceptis Herimannum intruderent, ut sic promissa sibi acciperent, aut accepta deservirent, aut si nos astu decipere, neque vi aut ratione possent frangere, quomodo tanta eis promissa, aut jam data illuso Herimanno retinerent, qui frequentissimè nobiscum inde agebant: & cum neque ratione superare, neque astu possent decipere, malignis verbis & minis quamplurimis afficiebant.

Ne tamen omnes lateat quæ vobis proponebant, & quid nos eis respondebamus, paucis hîc annotare curavi-

mus. Aiebant cū Poppo, qui Herimanno Metis in Episcopatu canonicè successit, Herimanno huic Abbatiam dederit, quomodò audetis dono ejus contradicere, qui canonicus fuit Episcopus? Quibus Fratres Poppo- nem Metensem post Herimannum canonicum Episcopum fuisse non negamus, sed Herimannum canonicum donum ab eo non accepisse. His rationibus usque ad majorem audientiam approbare parati sumus. Primò quia scientiā tam divinā quā honore & nomine Abbatis sit indignus. Secundò quia defuncto Abbate suo Fratribus ei reclamantibus per vim & pecuniam, & per laicalem manum Ducis GODEFRIDI, ad quem nihil pertinebat neque de spiritali, neque de temporalis dono Abbatiae nostrae, praelationem super nos accipere praesumpsit, & homines Ecclesiae nostrae per sacramentum & hominum sibi mancipare. Tertiò quia bona Ecclesiae distraxit, familiam affixit, nos victus & vestitus egestate cruciavit. Quartò quia sine omnium consensu Fratrum & electione Metis profectus est, & donum illud quod accepit à Poppone, praesentibus ibi Fratribus nostris, & viva voce ei contradicentibus, diēque & audientiam petentibus, tamen accipere praesumpserit. Insuper cū ibi Fratres impraesentiarum habuissent litteras Leodiensis Episcopi, & alias, scilicet ejusdem Ecclesiae, necnon & Trevirensis Archiepiscopi Magistri Metensis, quae donum illi contradicebant cum Fratribus nostris. Quintò quòd etiam illud donum per pecuniam obtinuerit, & quòd contradicentes ei Fratres spoliari & flagellari gravissimè fecerit. Sextò quòd cū necdum Monachus sit, scilicet cū ad nullius unquam Ecclesiae titulum adhuc professionem fecerit, neque benedictionem Monachi susceperit, Abbas esse & benedici in Abbatem non potuerit, qui necdum est benedictus in Monachum. Et quomodò Monachus benedictionem monachalem dabit, qui eam necdum professus est? Septimò quòd pro his culpis cū semel atque iterum, necnon & tertiò canonicè ad audientiam vocatus fuerit, & venire noluerit, quòd inde excommunicatus usque ad eam diem adhuc

extiterit : quæ si ita esse nollent credere , dies daretur & audientia nobis & illi , si se posset excusare ab his , non contradiceretur ei :

Talia cum à nobis Metenses audirent , nesciebant quid certi nobis respondere possent : attamen aviditas ardentissima gravissimæ eis promissæ aut jam solutæ pecuniæ urgebat eos in omnes anfractus ire. Quid tandem ? ipsemet Episcopus ADALBERO in Capitulum nostrum venit , si fortè vel ejus præsentia frangi posset Fratrum constantia ; sed cum non posset , saltem loco Abbatis suadebat nobis tamdiu illum nobiscum pati , donec discuteretur nobis præsentibus Metis de his suis culpis. Fratres verò de discussionis illius die omninò acclamabant , sed quod ante discussionem in loco Abbatis aut etiam Fratris inter eos stare deberet , nullo modo pati volebant : maximè cum Ecclesia Leodiensis in tantum pro excommunicato eum haberet , ut divinum Ecclesiæ nostræ officium interdixisset quamdiu intra atrium & curiam nostram esset , communicareque ei non audebant , cui non communicaret Leodiensis Ecclesia , quoniam de ejus cura & communione erant. Sub hac dissensione die illa Capitulum nostrum solutum est muneratis ab Herimanno id ægrè ferentibus , munerandisque multò ægrius. Consolatum tamen eum & suos sicut invenerant reliquerunt ; tollentesque secum grandem quam ab eo acceperant pecuniam , & magnum equorum numerum , pellésque & pellicias tam varias quàm grîsias Metis recesserunt. Episcopo autem recedente factus est apud nos error novissimus peior priore , efferatis crudelissimè omnibus Herimannitis in nostram tribulationem ; fame , siti , nuditate , tamen de Ordine , quantum unquam sustinere poterat humana fragilitas secundùm mala quæ accidebant , nihil voluntariè prætermittebant. Versum est autem in me solum majus pondus istorum malorum , & in me succensi ferebant ardentissimè animi omnium Herimannitarum. Putabant enim se potuisse prævalere , si solus cessissem , cum licet per me plurimum , non tamen per me solum totum fieret quod prævalere non poterant.

Comitissa verò GERTRUDIS tandem sentiens quia ei arte illuisssem, iratum in me maritum suum GISLEBERTUM vehementius indignatione feminea coepit accendere, ita ut etiam intra parietes dissipati Claustrum nostri non auderem me credere, infraque ipsum Monast. timerem capi plerumque. Quod vitæ meæ periculum cum diutius sustinere non possem, tacite egi per Comitem ARNUL-  
 sum Lovaniensem, ut me suo conductu sanum de Clau-  
 stro nostro educeret, animamque meam de medio catu-  
 lorum leonum eriperet. Eduxit igitur me quarto Calend.  
 Septembris tristem vehementissimè, qui locum assuetum  
 mihi relinquerem, & ad juvenes in quos erudiendos  
 multum desudaveram, ad omnemque congregationem  
 in qua plurimum laboraveram, non ultra redeundi spem  
 haberem. Erat enim multo major, quam hodie quisque  
 existimare possit, loci desolatio, & Fratrum tribulatio;  
 cum Herimannus usurpatâ sibi totâ Abbatia, homo sine  
 consilio & absque prudentia, per pessimos nebulones, &  
 mendacissimos & levissimos homines omnia ageret, pa-  
 trocinantibus ejus violentiæ penè omnibus qui defende-  
 re deberent Ecclesiæ nostræ justiciam. Vnde laboris mei  
 pro eo loco, & multarum angustiarum quas frequentissi-  
 mè sub domno Abbate Theoderico sustinueram, mul-  
 tum me modò pigebat, in tenerrimo flore relinquens pe-  
 de superbiorum & luto miserrimæ conversationis eorum  
 imprimendum, quod putaveram me perducere posse ad  
 maturum piæ operationis fructum. Flebam igitur amaris-  
 simè discedens, nullamque longo subsequenti temporis  
 spatio consolationem recipiens, nec multum moratus  
 contuli me ad sanctum Laurentium Leodii sub magisterio  
 sapientis viri Abbatis Berengarii. Ibi infra tertiam heb-  
 domadam Septembris firmavi stabilitatem meam. Gra-  
 tias illis quia omni humanitate, & majori quam dignus  
 essem honore consolari satagebant Fratres multo studio  
 recentis doloris mei ægritudinem.

Interea nec Herimannus ab obstinatione invictus, nec  
 Fratres quamvis ejus infestatione, aut sua penuria remo-  
 veri poterant à sua constantia, samdiu inter utrosque pro-  
 tractus



tractus est miserabilis contentionis hujus funis, donec Imperator Leodium reverteretur de sua in Flandriam profectio, scilicet eodem anno mediante mense Decembris. Ibi igitur proclamantibus Fratribus Imperatori coram Episcopis & Principibus qui cum eo erant, quod contra sanctorum Patrum instituta & Canonum decreta Herimannum violenter vellet præesse, cum olim culpa exigente ejectus excommunicatusque fuisset ab eorum Ecclesia & prælatione judicio majorum Leodiensis Ecclesiæ; Imperator jussit Herimannum & Fratres sequenti die adesse, ut coram Leodiensi Ecclesia intelligeret, si ita esset de eo, sicut Fratres ei conquererentur. Nam fautores Herimanni notum fecerant ei, quod præjudicium passus fuisset, & quod non canonicè sed obstinatè Fratres eum abjicerent. Die igitur data hujus indagandæ veritatis sedit Imperator in Capitulo S. Lamberti cum Episcopis suis & Principibus, sedit & Episcopus Leodiensis **OLBERTUS** cum Archidiaconibus & Præpositis, Decanis, Cantoribus, Scholasticis & multo alio Clero sederunt, & Abbates de civitate, Abbas S. Laurentii **BRENGARIUS**, & Abbas S. Jacobi **STEPHANUS**. Intravit autem Capitulum & Herimannus multa vi & ingenio ad hoc ut ante veniret compulsus: aderant & Fratres. Ibi si adesses, posses vidisse quàm parvi homo erat consilii, quàm inverecundi animi, quàm hebetis ingenii. Nam inter cetera eo usque perduxerant eum sui consiliarii, qui tunc procul valde ab eo erant, quod in ipsa hyeme vix habebat, unde vel frigus à se grosso aliquo tegumento propelleret in medio tanti Conventus, necessitate urentis eum frigoris super tunicellam suam indutus vilissimam capulam cum qua equitabat. Tum surgens in conspectu omnium, Episcopus **OLBERTUS** narravit per ordinem, quomodo judicio suæ Ecclesiæ actum esset olim de Herimanno, & quæ ratio esset, quod non liceret eum esse amplius Abbatem S. Trudonis; & quod ejusdem culpæ obstinatione & frequentissima iteratione usque ad ipsam diem teneretur sub sua excommunicatione. Qui cum perorasset, Abbates & Archidiaconos, & omnem suum

qui ibi aderat Clerum per obedientiam admonuit, si ita res esset acta de Herimanno olim, quam eodem tramite reperentes eodem fine concluderunt.

Tunc Imperator dixit ad Herimannum: Frater si habes aliquid adversum hoc dicere, exi, consule, revertere, & responde. Sedebat juxta Imperatorem fautor Herimanni potentissimè tunc temporis famosus, & famosissimè potens in Curia Imperatoris ADELBERTUS, postea, ut dixi, factus Moguntinus Archiepiscopus, confusus nimium, quia cum vellet contra veritatem non poterat juvare eum. Rogabat autem Herimannus aliquos de Archidiaconibus & de Clero, ut exirent ad consilium ejus. Sed nullus cum excommunicato homine exire volebat. Tunc de Principibus nomine Guibertus & Rabodonensis\* Episcopus dixerunt ad Archidiaconos & Clerum S. Lamberti: Bene decet vos exire cum excommunicato homine ad consilium, ut consularis ei, quatenus cesset ab ea re pro qua tenetur excommunicatus. Quod audientes quidam exierunt, & aliquandiu habito foris cum hebetè & obstinato homine conflictu, ad hoc tandem perduxerunt, ut reingressus in medio omnium se peccasse, se errasse fateretur, & toto corpore prostratus absolutionem deprecaretur, promittens se amplius talia nolle committere: ubi & absolutus est & jussus abire; quem statim omnes satellites ejus non modò reliquerunt, verum præcurrentes ad hospitium ejus, nec equum, nec quicquam sicut stabat & ambulabat, reliquerunt. Quidam autem Canonorum sancti Petri Leodii solum eum jam vespesciente invenit stantem ante capellam sancti Trudonis ibidem Leodii morientem, & quò declinaret prorsus nescientem, quem nocte illa ducens ad hospitium suum mane jovit transire Mosam in silvam ad S. Symphorianum Cellam Cluniacensem. Fratres autem nostri cum lætitia magna reversi sunt ad Claustrum suum. Sic agunt laici erga stultos & nimium sibi credulos Monachos, ad talem honorem perducunt honoris cupidos, sed honoris indignos.

f. \* Ratibonensis.

Imperator inde abiens habuit curiam suam Aquisgrani

in Natale Domini, ad quam cùm audissent Fratres nostri quòd Episc. Metensis adesset, venerūt ibi ad eum, sua mala quæ passi fuerant omnia ei imputantes, quoniam tyranni illius violentiâ opprimere eos passus fuisset: qui suspensos eos de die in diem reddens de dando illis Abbate, tamdiu distulit nullo Fratrum nostrorum quidpiam ei pro Abbatia promittente, donec cum eis ad Claustrum nostrum reverteretur. Tandem verò sentiens non bonam famam ubique volitare de se, pro eo quòd nobis de Herimanno fecerat. Leodienses verò necnon & Metensium meliores non sine nota simoniæ afflictionem Ecclesiæ nostræ manifestiùs imputare, secretum cum suis iniit consilium, ut pro hac extinguenda infamia ipsemet iret Leodium, Fratresque nostros meliores secum duceret, & ibi Abbatum primorum Ecclesiæ consilio de præficiendo Fratribus nostris Abbate ageretur: quod & ita fecit.

Quartâ igitur hebdomadâ Ianuarii venit Leodium, & ad electionem Fratrum nostrorum, qui ibi aderant, Prioris scilicet Guederici, & Præpositi Morungi, Sacristæque Siberti, & Cantoris Cellerariique Folrardi, consilio Abbatum & Monachorum, necnon & majorum Clericorum Leodiensium, primis qui aderant, tam Clericis quàm laïcis in id ipsum acclamantibus, necnon & melioribus de familia nostræ Ecclesiæ, præfecit eis Abbatem\* (cujus *Id est,* nomen non est meum hîc ponere) contradicente huic *\* ipsium* electioni multa animadversione Advocato nostro Comite Gisleberto. Sed Fratres, & maximè homines nostræ Ecclesiæ maxima constantia & libertate coram Merensibus & Leodiensibus pronunciabant nihil omninò ad Advocatum pertinere de tali re, quòd si Episcopus hanc libertatem Ecclesiæ vellet infringere, nullus eorum omninò interesset novæ & inauditæ illis hætenus præsumptioni & violentiæ. Vicit Fratrum hominûmque Ecclesiæ constantissima acclamatio, & in novum Abbatem, & ei familiariùs adhærentes succensa est quasi fornax vehementissima Advocati ira & indignatio.

Acta sunt hæc Leodii in domo S. Trudonis, scilicet quòd Abbas iste positus fuit III. Calend. Februarii. Quar.

H h h ij

to verò Nonas Februarii, hoc est die Purificationis B. **MARIÆ** oppidum & Monasterium S. Trudonis intravit, susceptus cum processione Fratrum, & multa multitudine utriusque sexus, & diversæ ætatis oppidanorum, statimque indutus candelas benedixit, processionem cum aliis egit, Missamque cantavit. Septimo autem Calendas Martii consecratus est in Abbatem, quæ fuit eo anno prima dies scilicet Dominica Quadragesimæ, quando cantatur: *Invocavit me*: anno millesimo centesimo octavo, regnante Romæ Imperatore quinto **HENRICO**, cujus pater Leodii defunctus est: præsidente Romæ in Paparu **PASCHALI** post Vrbanum, Metis **ADELBERONE** quarto post Popponem, Colonix **FREDERICO** post Herimannum, Leodii **OLBERTO** post Henricum. Quod autem consecratio Abbatis tamdiu dilata fuit, fecit hoc Advocatus tunc noster Comes **GISLEBERTUS**, qui quocumque modo per se, per amicos suos adversabatur ei, tum causa Herimanni quem sicut prius juverat, ita & tunc quoque juvare adhuc de Abbatia volebat; tum quia acerrimum sibi eum fore metuebat, si libertatem Ecclesiæ nostræ infringere propter advocatiam suam ullo modo unquam attentaret. Neque enim adhuc pax fuit de Herimanno, adhuc restat inde dicenda gravis inquietatio, quam illi scribendam servamus, qui gesta hujus Abbatis post domnum Theodericum assumeret sibi scribenda. Qui si fidelis diligensque relator extiterit, inferet gestis hujus Abbatis quid Herimannus ei fecerit, & qualem novissimum finem habuerit.



\*\*\*\*\*

## LIBER OCTAVVS.

**O**BIIT domnus Abbas THEODERICUS septimo Calend. Maii anno 1107. Fuit autem Abbatia sine Abbate usque III. Calend. Februarii propter supradictas dissensiones, volentibus Herimannitis suum intrudere Herimannum, Fratribus verò volentibus habere canonicè electum. Tandem igitur post indicibiles labores suos & miras angustias, prævaluit Fratrum canonica unanimitas, unanimisque constantia, & III. Calend. Februarii substitutus est Abbas RODULFUS ordine quo superiore libro tacito nomine descriptum est de illo; quarto autem Nonas Februarii intravit, scilicet die Purificationis S. MARIE: septimo verò Calendas Martii consecratus fuit.

Fuit iste RODULFUS natus de villa, quæ sita est super Sambriam fluvium nomine Monasterium, ubi habetur Abbatia sacrarum Monialium nigras vestes ferentium, locûsque est in honore S. Petri Apostoli constructus à S. Amando Episcopo, ubi requiescit S. Fredegandus gloriosus, & virtutibus probatissimus Confessor. Parentes quidem ejus plebei sed christianissimi de ejusdem Ecclesiæ familia; hospitalitati pauperum & refectiioni eorum infatigabili studio servientes, & conjugalem vitam sine crimine, & absque nota aliqua christianitatis suæ ducetes. Sub scholari disciplina & studio litterarum Leodii positus usque ad XVII. ætatis suæ annos ibi mansit; ubi quantum metro & prosâ profecerit ex scriptis ejus & opusculis, quæ postea fecit, planè intelligi poterit. Iamque factus Subdiaconus libertatem eundi quò veller adeptus amore cujusdam Clerici sodalis sui nomine Lamberti, qui confessus ei fuerat, quia Porceti vellet Monachus fieri, quod etiam dudum Deo & Sanctis loci illius voverat, tamen gratiâ videndi loca calidis aquis de terra emanantibus famosa, cum illo Porcerum quod est juxta pa-

Radulfi  
Abbatis  
nativum  
solum.

H h h iij

latium Aquisgrani transivit : nihil tamen minus fuerat ei tunc in voluntate quàm fieri Monachum. At cùm nocte de more Monachorum vitæ Patrum legerentur ad collationes Fratrum, abscondebat se in operto ibi juxta posito locello, unde audire totum & intelligere poterat quod legebatur. Neque hoc faciebat adhuc studio tantum ædificandi, quantum audiendi miracula vitæ simplicium virorum, de quibus ibi legebatur, & novo auditorio styli simplicioris : cùmque frequentius ardentiusque non tam styli rusticitati, quàm mirabilibus dictis & factis simplicium sanctissimorumque Patrum, de quibus ibi legebatur, attenderet, cœpit ei vehementer vilescere præsentis vitæ miseria, & nihilominus accendi ad contemptum sæculi, atque illud in corde suo hac illacque versare continua noctis in stratu suo meditatione. Quid plura? intra paucos dies in tantum coaluit lactea potatio illarum collationum in corde ejus, ut non solum titubantem aliquantulum sodalem suum de mutando habitu exhortatione sua firmaret, verùm ipse una eademque die mutaret decimo octavo anno ætatis suæ.

\* S. Benedicti.

al. \* Glaid-pacenssem.

Die igitur Conversionis S. Pauli uterque habitum mutavit, monachicumque professi sunt in loco qui dicitur Porcerum juxta palarium Aquisgrani, in Monasterio S. Iohannis Baptistæ sub AZELINO Abbate. Sed cùm auditâ Regulâ\* videret Fratres eam in perpaucis observare, cœpit religiosa Colonienfis Episcopi Cœnobium frequenter circuire, interdumque ibi & menses & dimidium annum facere, maximè apud religiosum & pium Abbatem ADELBERONEM Gladebacensem\*, qui primus & noviter tenebat ibi ordinem Sigebergensium nominatissimorum tunc temporis Monachorum in ordine, religione, hospitalitate. Quorum disciplinam quò ardentiori animo ebebatur, eò fastidiosior loci sui dissolutionem, & sæcularitatem nimiam abhorrebat.

Mortuo interea Abbate Azelino, cujus nimia simplicitas & gravis senectus, & ordinem & temporale bonum nimis defluere nescientis melius dimiserat. Successit Iohannes Custos & Decanus ejusdem Cœnobii senex

multum, & in nullo prorsus valens ad tale ministerium; nam Fratres secundum quod erant personam sibi idoneam elegerant. Tunc videns Rodulfus quia multiplicata essent mala & dissolutio roborata, secundum quod rem veracissime intelligebat futuram, desperans de loci & Ordinis emendatione, accepta licentia recessit, tendens iter in Flandriam, ubi audierat duci religiosam Monachorum vitam. Gladebac autem ubi sæpè moratus fuerat idcirco ire noluit, quia sentiebat ut postea evenit, si Abbas loci illius Adelbero moreretur, quod cum eo corrueret Ordo Sigeburgensis noviter ibi introductus. Multas autem & gravissimas frequenter injurias prius in Porceto sustinuerat, cum primum positus Custos & scholaris Magister Puerorum, inde Cellerarius, deinde minor atque major Præpositus de emendanda Religione contenderet, pene quotidie ipse & sodalis suus cum quo Monachus factus fuerat, Fratribus eis convitiöse multum atque injuriosè resistentibus, cum parvum aut nullum haberent ab Abbate inde auxilium.

Defatigatus igitur multum, ut dixi, desperansque de loci emendatione, recessit tandem tendens in Flandriam. Contigit autem eum habere transitum per S. Trudonem, & nocte illa hospitio eum recepisse domnum Abbatem Theodericum, qui interrogans eum quis & unde esset, quoque qualique mente proficisceretur: cum bonum ejus propositum intellexisset, formosumque & pulchrè litteratum juvenem illum attenderet, cœpit sagacissime satagere quomodo eum sibi retineret, utilem sibi eum fore credens, primum ad instruendos sibi disciplinâ & doctrinâ pueros suos, deinde ad promovendum in aliquod, si ita fortè accideret, ut accidit, ecclesiasticum intus aut foris ministerium. Cui cum persuassisset demorandi secum voluntatem gratiosi oris facundiâ, primū ei scholares pueros scholaribus disciplinis instruendos commisit, quasdamque utilissimas compilationes plenas plurimarū divinarum Sententiarū scribendas, & multorum decreta Conciliorum. Scripsit igitur ei eodem primo anno volumen illud utilissimum, multum continens Scripturæ: &

Pueros vix musam declinare sciolos non tam dictamen quàm metrum quoque componere docuit. Gravissimum autem sustinuit laborem ad introducendos eos, cùm ipse loqui eis teuthonicam nesciret, & quidam Puerorum parvitate adhuc scientiæ, & nativa illis lingua teuthonica neque latinè, neque, ut ita dicam, vuallonicè possent eum intelligere. Vicit tamen labor improbus omnia vincens, & eodem anno fecit eos litteratè facillimè intelligere quidquid volebat eis legere. Instruxit etiam eos arte musica secundùm Guidonem; & primus illam in Claustrum nostrum introduxit; stupentibusque Senioribus faciebat illos solo visu subito cantare tacita arte magistra quod nunquam auditu didicerant.

Miserrima tunc adhuc, ut superioribus libris relatum est, & lamentanda habebatur loci facies, Fratribus prorsus non habentibus neque Claustrum neque Monasterium, sed nudam & discissam atque horribilem templi vastitatem, & in Claustro domum unam tantùm imperfectam & incultam, in cuius dimidietate reficiebant, & in altera dormiebant. Fratres autem qui tunc habebantur isti sunt: Primus demum Abbas Theodericus: 2. Bozo Decanus, quia sic tunc in illo veteri Ordine appellabatur, qui modò in isto Prior vocatur: 3. Stephelinus: 4. Herimannus cognomento calvus, de quibus aliquid superiùs dictum est: 5. Sibertus: 6. Eugo: 7. Morungus: 8. Folrardus: 9. Bovo: 10. Reizelinus. Pueri de scholis Gisleberrus, Gerardus, Thidelinus, Balduinus, quatuor hi tantùm hospites qui paulò pòst recesserunt.

Itaque post duos ferme annos Bozo qui tunc erat Decanus moritur, & Rodulfus ad illud ministerium ab omnibus Fratribus electus in loco ejus substituitur, qui statim accingens se ad emendationem Ordinis quotidie in Capitulo & extra Capitulum conferebat cum Senioribus, qualis & quomodò antiquitus Ordo in Monasterio priori & Claustro adhuc stante teneretur: quibus consuetudines plenas honestissimæ gravitatis & religionis antiquæ Monasterii illi demonstrantibus, suadebat illis benigna arte, mollique & paulatim procedente informabatur vestigio



vestigio ut attentarent eas posse recipere, & antiquam inultæ illis infamiæ rubiginem sic aliquando vel tandem abraderet. Ipse autem nocte & die assiduus erat omnibus horis in choro, & de Psalmis tractim cantandis, & cantu dulcæquæ modulando indefessa illi sollicitudo. Sed cum nesciret secundum usum Claustrî cantare (usus enim cantandi, nescimus unde hoc acciderit, nulli comprovincialium nostrorum convenit) erubesceréq; vehementissimè, quasi stipem inutilem inter cantandum in choro stare: miro quidem & indicibili labore, & gravissima capitis sui infirmitate Graduale unum propria manu formavit, purgavit, punxit, sulcavit, scripsit, illuminavit, musicæque notavit syllabatim, ut ita dicam, totum usum prius à Senioribus secundum antiqua eorum Gradualia discutiens. Sed cum usus eorum per quamplurima loca propter vitiosam abusionem & corruptionem cantûs, nullo modo ad certam regulam posset trahere, & secundum artem non posset notare, nisi quod regulari & verisone constaret ratione. Ipse autem ab usu Ecclesiæ non facilè vellet dissonare miro, ut dixi, indicibilique labore in hoc tantum se frustra afflixit, quod ex toto usum mendacem regulâ verâ tenere non potuit, sed in hoc profecit quod quidquid alicubi in monocordo cantari potuit de usu Ecclesiæ non prætermisit se præterire. Multa tamen propter negligentiorē suam perficiendi operis velocitatem, quæ per graviores litteras notari debuerant, per acutas sive per superacutas notavit, & quæ per acutas sive per superacutas, per graviores quod incorrectum reliquit alia sollicitudine intercurrēte. Consummavit autem uno anno opus illud propria, ut dixi, manu de omnibus parvis & magnis quæ pertinere videntur ad Graduale, cum Antiphonis Rogationû, & benedictione cerei in Pascha. Statimq; pueri & juvenes magisterium ejus & libri exemplar sequentes, non solum artem illam coeperunt addiscere, verum emendatius & accuratius libros suos post illum notare. Quod postquam vidit, petebat ut suus tolleretur de medio, ne propter ejus inemendationem, & festinantis manus incuratam scripturam & notam, esset ei in po-

sterum confusio. Sed pueri & juvenes qui ex illo introduci fuerant, magistri amore monimentum illius leviter deperire non sinebant. Scripsit igitur in posteriori parte voluminis inter duas asellas ita Graduale non tam regulare quam usuale, postremò neque usuale neque regulare, ut ostenderet quia licet ita norasset, non tamen ignoraret quid erroris haberet, cum regulam propter usum, & usum propter regulam tenere ibi non posset, & cum propter festinationem interdum de regula præterisset, ubi eam tenere attentus potuisset.

Abbas autem THEODERICUS videns studium ejus & fervorem in religione ferventissimè super eo gloriabundus lætabatur, & ad voluntatem ejus omnia quæ erant Claustris sinebat libenter disponi. Sed ille affligebatur quam maximè, & pene continuè à quibusdam inquietis Monachis, quos propter paucitatem Fratrum nostrorum Abbas Theodericus permittebat nobiscum hospitari de aliis Claustris, cum eos compelleret nobiscum sub regula & disciplina vivere, quam illi aut in Coenobiis suis non didicerant, aut exosam habentes effugerant. Ille autem aiebat, malle se cum paucis religiosè vivere, quam cum multis irreligiøsè. Tenebatur tunc quoque abusio quædam vestimentorum apud nos non antiqua sanctione, sed nonnulla præsumptione, scilicet quod tunicæ Fratrum non erant sine capitibus sicut modò sunt, sed ita habebant à se capitia, sicut à cucullis pendentia. Quòd si quando tunicas induerent, sine cucullis ibant, & quando cucullas portabant, tunicas nunquam induebant, propter singula, ut dixi, capitia à singulis vestibus fixè dependentia, & quia talis abusio ab illis tantum tenebatur qui irreligiositate nobiles habiti, sæculares quoque Monachi appellabantur. Dolebat multum Rodulfus hac nota se & Fratres suos teneri, quod absque aliqua corporis afflictione poterat emendari. Contra quam abusionem immutandam maximè repugnabant superiùs dicti hospites Monachi, & alios hortabantur artificiosa adulatione ut non acquiescerent juvenili Rodulfi insolentiæ, maximè cum nunquam debuissent eum aliunde accitum sibi præse-

cisse : sed Rodulfus prudenti astu bonoque ingenio malam eorum frustratus est suggestionem.

Nam veniens ad unum de senioribus Fratrum nomine Stepelinum , interrogavit eum , quot anni haberentur , ex quo puer Claustrum nostrum prius intrasset , qui cum respondisset pene lxxx. quærenti illi ita ab eo subjunxit quoque se in pueritia sua Seniores in Claustro nostro vidisse , qui non minoris quinimmo majoris ætatis extiterunt quàm esset ipse. Sed cum Senior ille interrogaret , cur tam diligenter hoc quæreret , adjunxit : Quoniam , inquit , Pater vellem scire , si de tam longo tempore centum scilicet sexaginta annorum , de quibus tu potes meminisse sive relatu eorum quos vidisti octogenarios , sive visu tuo cum sis ipse octogenarius in Claustro isto hodie , si unquam ullo modo potes invenisse hanc consuetudinem ab antiquo in Ecclesia nostra fuisse , ut Fratres non haberent capitia à tunicis suis dependentia , sicut non habent hodie alia Cœnobia religiosè circa viventia. Cui Senior : Certissimus inquit sum , & relatu Seniorum meorum , & visu proprio , quòd à cucullis tantum penderent eorum capitia , sed invalescente sub Abbate Adelardo secundo juvenum indisciplinatione & insolentia , præsumpsisse eos hoc novissimo tempore hanc abusionem , ut ad utrasque vestes capitia fixa ferrent , Seniores tamen semper tenuisse primam & antiquam consuetudinem. Cui Rodulfus : Igitur cum ita sit Pater ut asseris , quare transgredimur illum qui sanctorum & antiquorum Patrum in hoc quoque nostro Cœnobio usus fuit olim communis omnibus , nunc quoque circa nos religiosi Monachis pudor est relicto Religiosorum usu , & antiqua Cœnobii nostri consuetudine mutari novam stultorum & indisciplinatorum juvenum præsumptionem , hac tantilla cultus corporis nostri immutatione notabiles haberi circumquaque apud religiosos de irreligiositate.

His aliisque facundi oris persuasionibus conciliatis firmatisque sibi Seniorum animis , Abbati tandem rem eandem suggessit , facileque deinde obtinuit , & unusquisque Fratrum nostrorum capitium à tunica sua depo-

neret, Abbate primùm deponente suum, sed unus quem de Sigeburgensium Coenobio abjectum domnus Abbas Theodericus firmatâ sibi stabilitate susceperat, propter nostrorum ut dixi suprà paucitatem, huic decreto obstinatissimè contradicebat, Priore Rodulfo sæpe eum admonente, atque per obedientiam præcipiente, ut capitium sibi à tunica deponi sineret, cùm à puero inter Sigeburgenses illud ita semper portasset, & nos secundum antiquam consuetudinem idem modò facere videret. Prior autem videns duræ mentis illius obstinationem, pendentem à lecto ejus tunicam die quadam accepit, & mittens eam confutoribus, fecit inde capitium honestè deponi, & ad modum aliorum Fratrum aptè formari. At ille cùm die quâdam Dominicâ extracta de more cuculla ad Primam vellet ire, indutus tunicâ capitium non invenit, torvòque vultu seipsum circumspectum irridens, sine cuculla in sola decapitiata tunica chorum intravit tota illa Prima spectaculum se præbens Fratribus fronte impudenti. Sed quid? ventum est ad Capitulum, vindicatumque est in illud regulariter, impudentis hominis tale spectaculum, jussumque Capitulum statim exire, & pendentem à lecto ejus cucullam sub tunica induere, vellet nollet fecit eum domnus Abbas Theodericus secundum alios indutum incedere. Sed culpis culpas quotidie superaccumulans cùm esset incorrigibilis, ejectus est tandem à Claustro permissus quò vellet irrevocabiliter abire. Ceteri verò Fratres proficiebant quotidie melius & melius in Ordine, Priore ad hoc totum studium suum impendente, neque deficiente unquam sive hac sive alia aliqua contumelia, aut cujusvis procuracione.

Sed & aliam quandam pravam consuetudinem, quæ malè apud nos insolentia nihilominus dissolutorum juvenum diu inoleverat, prorsus cessare fecit, neque tantum inter nos, sed etiam fermè prorsus inter laicos nostros. Nam diebus Rogationum cùm antiquo more prima die Septembris processio nostra venisset, per plurima pars Fratrum prece vel mercede equis sibi conductis ibi statim ascendebant, & Brunstienam ante processionem equi;

centes, indeque ad Claustrum cum levibus oppidanorum juvenibus per campos ante faciem totius populi modò quanta agilitate poterant equos suos laxabant, modò súbita retentione hac illacque gyra- bant perticis intentis nunc hos nunc illos fugantes seu fugientes. Quod totis tribus diebus Rogationum non cessabant facere. Secunda die Falunam, tertia Mergueles pergente processione: unde hoc singulis illis diebus eveniebat, ut quidquid ad mensam Fratres habere debuerant piscium aut placentarum, illis darent qui sibi equos præstiterant, præter paucissimos qui prece sine mercede noluerant sibi conducere aut non potuerant: quin etiam scholares pueri hac pravissima consuetudine tenebantur illecti. Fratres autem quos aut voluntas aut necessitas pedites ire & redire faciebat populo cito vestigio equitantes sequente domum, gravissima affligebat defatigatio, tum ex longo itinere, tum ex inassueta & cita ambulatione.

Itaque dies Rogationum & Letaniarum supplicationes erant apud nos quasi militantium excursiones, & mollium juvenum lascivæ circumvelitationes. Quam detestabilem abusionem Prior exhorrescens Rodulfus cum aliis ascendentibus offertur ei ad equitandum equus, aiebat non decere neque laïcorum neque Monachorum regulam, nulliusque prorsus Christiani etiam ut in equo poenitentiam ageret & supplicationem, & hoc prætere- dere exspoliatorum sibi pedum nuditatem atque jejuni- um, & quod cooperto capite supplicationes Sanctorum recitatis eorum nominibus frequentarent, quia & aliis quæ ad hoc pertinere videntur, rationibus primùm per- suasit domno Abbati Theoderico; deinde ceteris Fra- tribus; ut tandem cessaret illa equitatio, & quæ fiebat pro equitatione indecens Monachorum dissolutio, & præbendæ eorum damnosa eleëmofynæ distractio, cui sup- peterent de Fratribus vires, iret; cui non, in Claustro maneret, sicque abbreviaretur via, ut euntes nimis de- fatigationis nulla afficeret molestia. Itaque cessare cœpit sub prioratu ejus illa ad Rogationes equitatio; cessavit- que toto vitæ illius tempore, tantumque populo cœpit

placere, ut paulatim inducerentur pene omnes similiter loqui & facere.

- Quid dicam de diebus solemnibus festivitatum sanctorum Trudonis & Eucherii, atque S. Remigii? Quidam Clericorum nostrorum ex familiaritate qua scholaribus aliis in Claustro nostro cum pueris nostris, pueri quoque ipsi nutriti fuerant, alii quoque nonnulli ex religioſitate ſua apud antiquiores nobis olim jamdiuque multum obtinuerant, ut ſupradictis ſolemnitatibus chorum noſtrum annuatim ad majorem Miſſam cum reverentia intrarent induiti albis ſicut & Fratres noſtri, & ſi qui forte eorum vocales eſſent, tropos qui tunc temporis apud nos cantabantur, aut Graduale ſive Alleluya cantarent, atque cum omni honeſtate diebus ipsis ad menſam Fratrum in reſectorio cum eis reſicerent, indeque ſurgentes cantando altis vocibus, quod ad feſtum pertineret, Fratres *Misere mei Deus* cantantes ad Eccleſiam procederent. Sed uſus qui ex charitate & religione pium videretur habuiſſe initium, procedente tempore paulatim coepit tranſverti in ſuperſtitionem & vitium. Nam cum illis tantum prius permetteretur de quibus & ſicut diximus, in hanc tandem evaſerat ſuperſtitio præſumptivam abuſionem, ut quiſcumque Presbyterorum ex agris ad nundinas magis quam ad ſolemnitatem diebus illis convenirent, indiſſerenter in chorum noſtrum inter Fratres intrarent, ad majorem Miſſam ſine omni reverentia ruerent, nonnulli veſtibus laïcorum ſiſiſque antè & retrò turpiter induiti, pauciſſimi ſaltem nigris cappis & abſque albis & ſuperpelliciis, tum quod contrarium eſt tam noſtro Ordini, quam ipsis quoque religioſis laïcis, quin immo omnibus ritè Chriſtianis, inter agenda Chriſti myſteriorum ſecreta duo vel tres de ipsis Clericis circumſedebant in ipſo choro, unum aut duos de Fratribus noſtris, aut ſinguli ſingulos circumveniebant, & verbis otioſis riſuque & jocis reliquum Miſſæ ſic pariter peragebant.

- Vbi autem per plurimas intolerandasque indiſciplinatio- nes ad reſectorium ventum fuiſſet, tantus inter reſiciendum fiebat ibi ſtrepitus diverſorum, & etiam ignoto-

rum Presbyterorum & Clericorum clamor & fabulatio, ut vix audiri posset vox licet altisona legentis in eminentiori loco; & quò productior erat refectio, eò major accrescebat vino incitante inquietatio, tantusque erat eorum numerus; passim namque quicumque volebat ingrediebatur, ut constitutis ad serviendum illis Fratribus vix de nobis quinque aut sex remanerent, qui ad mensam reficerent. Quanta die illa expenderet Præpositus, quin immo quanta illi distraherentur, nec ratione, nec numero poterat comprehendere. Quid, nihil ordinis & disciplinationis, quin potius quantum dissolutionis, & periculi animarum diebus illis apud nos haberetur, honestius existimo reticere quàm loqui. Surgentibus autem à mensa Fratribus, & nonnullis ineptorum inverecondorumque Clericorum, quæcumque occurrerent manibus suis inde diripientibus, statim non minor ad ministros confedebat populus, scilicet quicumque in curti nostra de aliquo officio intromittere se per totum annum videbatur, strepitum sumptuum nec modus, nec ratio ibi tenebatur.

Talia primo & secundo prioratus sui anno videns atque gravissimè inde ingemiscens Rodulfus, multis & exquisitis modis & frequentibus in tantam indiscipline nem exaggerationibus satagebat, quamplurimum verò apud Abbatem Theodericum, ut pravus iste usus & damnosus Ecclesiæ, aut ad priorum temporum modum reduceretur, aut penitus destrueretur. Abbas licet absque magna commotione hoc fieri non posse videret, tamen bonæ Prioris intentioni non satisfacere inutile Ordini fore & Ecclesiæ suæ videbat. Annua igitur revolutione festis redeuntibus dictum est Clericis ut absque religiosa veste chorum nostrum nullus eorum intraret, sed qui Missæ majori interesse vellent in cancello, cum esset spatiosum, circa Abbatem starent cum reverentia tamen & silentio, ut bene conveniebat festo & tanto mysterio. Quòd si quis eorum aut alba vellet indui, aut superpellicium haberet, post Fratres ultimus in nostro Choro staret sub reverentia nihilominus & silentio. Post Missam domus esset eis extra refectorium parata, in qua ministra-

retur eis non minori quàm cum Fratribus abundantia; non enim Fratres ferre poterant, neque decebat eorum ordinem, ut tantam haberent & in choro, & in refectorio suo indisciplinationem & inquietudinem. At illi omnes graviter commoti, & indignationis iræque plenitudine rationem non admittentes penitus recesserunt, & nisi prior eis abusio permitteretur, nihil aliud facere voluerunt. Sicque forsitan ita Deo volente factum est, ut morbus ille diu apud nos inveteratus tandem deficeret. Sed & Laici qui in refectorio ad ministros solebant diebus illis comedere, ad domum illam compulsi licet multum inviti reficere, providentibus eis Præposito & Cellerario quæque habituri erant in refectorio. Res verò talis multum odium & persecutionem longo tempore tam de Laicis quàm de Clericis Priori comparavit, semper festis istis diebus convenientibus apud nundinas Presbyteris morbum istum recommoventibus.

Cap. 33.

Neque illud tacere habeo, si defuncto alicui apud nos Missa generaliter celebraretur, Frater noster, ille videlicet qui Missam cantabat, totam oblationem habebat, & tanquam propriam sibi rem eam vendicans, nihil inde ad communitatem aliorum redundabat. Et quoniam secundum Apostolum, avaritia est idolorum servitus, & secundum B. Benedicti Regulam *nihil proprium debet habere Monachus*. Prior Rodulfus huic occurrens vitio, de medio nostrum summo illud labore tulit, statuens præsidente Abbate commune esse omnibus fratribus tam parvis quàm magnis quidquid eis, quandocumque vel ubicumque offerretur, interposito, quod si frater cui oblatio fieret aliqua recula sibi necessaria indigeret, provideretur & à Priore ex eadem oblatione sive corrigia sive cullellus, sive lineus sub capite & scapulis ejus pannus, aut tale aliquid mediocris pretij. Quidquid aliter inde agatur, sciant posteri nostri ita fuisse statutum, Fratremque qui die illa Missam cantaverit, liberè posse sibi exigere, per manum tamen illud totum Prioris, si quid ei defuerit de minoribus sibi necessariis. Nos enim huic statuto præsentibus interfuimus, & exigere & dari frequenter vidimus sicut



sicut hîc scribimus. Quod autem postea immutatum est, & pars ad cooperturam plumbi, & pars ad utensilia circa altaria Custodi data est, non ideo factum est, ut sic amplius permaneret, sed quamdiu Abbati & Fratribus placeret.

Et quoniam duæ partes loci illius qui Claustrum apud nos debebat fieri, sepe humillima & arida semirutaque cingebatur, & sine aliqua rectura erat, ad Orientem scilicet & ad Aquilonem, parsque Occidentalis licet domus esset lapidea, nihil tamen ante parietem haberet, quod Fratres ad ejus officinas intrantes à pluvia & luto defederet, sed patentibus undique aditibus nihil aut parum fuerat quod Laicos interdum etiam & mulieres transitum habere per locum Conventus Fratrum prohiberet. Sategebat multa anxietate, benignaque & prudenti arte, toto studio, multoque labore apud Officiatos, maxime apud Folrardum fratrem nostrum, qui secundus tunc post Abbatem in omnibus nostris temporalibus habebatur, ut ædificarentur aliquæ domus, quæ Claustrum nostrum firmarent, & transitum publicum per medium Fratrum prohiberent. Nec frustrata est eum pia intentio, inque brevi tempore ædificio ligneo clausa est pars Orientalis, quæ domus cum perfecta fuisset antè composito sub rectura deambulatorio partem sui capitulum nobis aptum præstitit, partem dormitorium. Similiter à media fere parte Conventus usque ad duas partes domus illius quæ Occidentalis erat, coopertum deambulatorium est, ut per tres partes Claustri, Orientalis scilicet, Australis, Occidentalis cooperturâ factâ honestè posset incedi, sola pars Aquilonaris sepe adhuc tenebatur, & posticio claudebatur.

Cumque hac conclusione & Fratres arceret ab egressu Claustri præter eos quibus hoc solum licebat, & utrumque sexum ab ingressu, unamque ipse inde ferret clavim, Cellerarius aliam; Comitissæ advocatricis nostræ GERTRUDIS, quæ apud nos in Claustro nostro requiescit, gravissimam inde iram & indignationem incur-

f. \* verba

rit, cùm solito more nequiret habere transitum per medium Claustum nostrum & Conventum Fratrum. Incitabant autem eam vehementissimè in eum multi Clericorum nostrorum & Laicorum, maximè famuli de curti nostra, qui se conquerebantur odiosè à solito transitu Claustris & familiaritate fratrum arceri. Verùm ille licèt terribiles in eum detonaarent minæ penetrantiæque etiam durissima hominum corda, undique verborum\* manifesta volarent, tamen imperterritus, irreflexusque manebat, solum hoc metuens ne de emendando ordine & Claustro minus ei ad votum succederet. Vt igitur secundùm ordinem Fratres haberent unde in Claustro ad sedendum & legendum atque cantandum, tenendùmque silentium facilius retinerentur, armarium in Claustro primus ipse fecit ex obedientia fieri, libròsque in eo ad numerum Fratrum reponi.

Interea rarò unquam ipse cessabat, quin semper aut scriberet aut notaret, interdum quoque modulatis delectabatur carminibus; & de solemnitatibus Sanctorum compositis cantibus extat volumen opusculorum ejus, in cujus præfatione invenitur quid scripserit, quid modulatus fuerit, & cur & quando. Extat & aliud volumen septem librorum ejus, quos contra Simoniacos scripsit, quatuor ratione ac tribus agens auctoribus. Paucis referre non possem quantum laboraverit causâ Abbatis Theoderici, quàm fideliter, quàm constanter, in quot & in quibus locis, & coram quibus pro eo astiterit, cùm magnæ & primæ regnorum personæ vellent eum de Abbatia ejicere, & supradictum Herimannum intrudere, de quibus superiùs partem aliquam terigimus.

Postquàm ista & nonnulla bona & mala, prospera pauca & adversa multa per aliquot annos Prioratûs sui apud nos sunt gesta, audivit RODULFUS usus Cluniacensium apud S. Iacobum Leodii teneri, introductos per Abbatem Stephanum dictum etiam Stephelinum, quos paulò post Abbas S. Laurentii Berengarius susceperat: Vnde eos omnium Religiosorum ora magnificabant, & fre-

quenti hospitio aut colloquio reverentiùs quàm prioribus annis dignabantur. Præterea de sæculo tam Clerici quàm laici plures ad eos convertebantur, & invalescente religione augebatur & numerus Fratrum & fructus Ecclesiæ. Iamque Rodulfus videns tempus adesse quo desiderium suum posset adimplere de meliorandis usibus, & tenenda apud nos religione, quocumque modo poterat ad hoc nocte dièque apud Abbatem Theodericum laborabat quatenus eum ad hoc accenderet, ut post istos duos Abbates tertius eisdem in Claustrum nostrum usus introduceret. Decere enim eum aiebat cùm non minoris esset scientiæ & gloriæ in sæculo quàm illi, & locus noster antiquioris & famosioris esset nominis, ut in religione & spiritualibus non obscurior apud homines neque indignior apud Deum inveniretur. Sed cùm perturbantibus hanc molitionem ejus quibusdam Fratribus, rem ad effectum perducere non posset, acceptâ licentiâ à loco nostro ad suum sine spe reditionis transiit, ut disposito ibi itinere suo inde transiret quò districtius ordinem teneri audisset. Mox aliqui Fratrum necnon & famulorum nostrorum occultè apertèque exultantes, ex votóque sibi accidisse gaudentes, quia ad voluntatem suam modò liberiùs possent facere, non multò post intellexerunt ex comparatione positi alterius Prioris, quantum iste præstaret eis consilii, auxilii & honoris.

Pœnitentes igitur quamplurimùm post paucos menses simulata alia re quidam eum revocaverunt, sub præsentia & assensu Abbatis Theoderici firmantes ei si rediret, & Prioratum suum reciperet, quod infra annum illum usus Cluniacenses in Claustrum nostrum introducerent. Vix tandem obtinuerunt. Qui igitur parum ante festivitatem Nativitatis S. Iohannis discesserat, in Adventu Domini statim post festivitatem S. Andreæ Apostoli rediit. Prioratu igitur suo ei reddito, captatoque loco in tempore opportuno, atque domni Abbatis & Fratrum hilaritate fidem promissi modò seriò, modò jocose reposcebat, remque bonam non diu quin fieret esse differen-

dam aiebat.

Theoderi-  
cus Abbas  
obiit.

Miris igitur laboribus & frequentibus Leodium itineribus, concitato sibi multorum inde Clericorum & laicorum aliquorumque Fratrum nostrorum maximo odio, tandem effecit, ut eodem anno Calend. Maii, quæ fuit feria sexta in capite jejunii introducerentur usus Cluniacensium in Claustrum nostrum tenendi; quibus introductis cum vehementissimè ferverent in eis & ultra quàm quisque speraret Fratres nostri, paulò pòst heu! heu! domnus Abbas THEODERICUS obiit Calend. Maii. Quæ autem postea secuta sunt usque dum Abbatiam intraret, & quomodo introierit, puto quod satis inde scriptor præcedentis historiæ prælocutus sit, ad illum recurrat quisque hoc diligentius scire desiderat. Postquam autem Abbas constitutus est, de Ordine tenendo omnimodis satagebat amator illius & amatorum ejus, atque in tantum (rem quam certissimè scio fidelissimè referam, ecce coram Deo quia non mentior) quòd nullus Fratrum tam carnaliter tamque spiritualiter poterat ei esse familiaris, quem perfectò unquam corde diligeret, nisi diligentem Ordinem nostrum cognosceret, & fidelem de rebus Ecclesiæ sibi commissis probasset. E converso nullus Fratrum poterat esse rarus accessu ad eum qui etiam palam aut occultè de dictis, factis, vitæque ejus si eum mordaciter (ut plerumque solet) reprehenderet, dummodò aliquando cessaret, & diligentem eum ordinem aspiceret, & fidelem in rebus Ecclesiæ illi commissis, quin facillimè hos aliòsque ei lapsus etiam graves indulgeret. Quid tibi vis amplius dicam: brevius & verius quàm potero hoc tibi sub testimonio Christi dicam, quòd nulla res eum Fratrè sibi commendare poterat, quem dilectio Ordinis & fidelitas rerum Ecclesiæ sibi commissarum non commendabat. Non ætas non familiaritas, non timor, non consanguinitas, non scientia, non pulchritudo, non generositas, non aliqua etiam magna utilitas, propter quæ duo apud eum poterant in quocumque invenirentur, & apud eum nihil aut minimum poterant apud quoscum-

que non haberentur, frustra quivis aliter laboraret, aut ista habendo gratus illi, aut non habendo ingratus existeret.

Præcipuè detestabat hoc vitium, & ad exterminandum illud quacumque virtute poterat per se & per illud sibi referentes laborabat, ut nullus Fratrum de substantia in refectorio sibi statuta aliquid quoque distraheret, sed per manus Eleëmodynarii quod ori ejus superesset, pauperibus erogari sineret. Quoscumque autem Fratrum laïcorum videbat amicitias & confabulationes, & has illasque vanas gloriolas procliviùs appetere, aut nunquam aut invitus illos volèbat ad aliquam obedientiam promoverè, neque eos quos intelligebat quocumque modo illam vel illam obedientiam ambire, & quos noverat inhibere ut possent clanculò aliquid dare & accipere. Quibus non erat grata ante obedientiam hominum gratia, & qui æquo animo, simplici que tantùm contenti erant Clauſtri substantia, illis dicebat danda Clauſtri ministeria. Quos sibi laudabant sæculi homines de obtenta apud eos familiaritate & frequenti colloctione, & si quis unquam habere possent de benevola eorum dapſilitate eos judicabat indignos Clauſtrum, vel quoquam ire, quorum barbariem & silentium, & quia nihil eis darent, aut ab eis acciperent, reprehendebant, quæqua vellent ire securiùs eos sinebat. Silentium inter Monachos tanto extollebat præconio, ut diceret nunquam tam perfectos & electos Monachos simul esse posse, qui ordinem & disciplinam valerent absque silentii virtute tenere. Superba subjeſtorum rigiditate nunquam frangi poterat, humilitate quamvis multùm læsus citiùs etiam vincebatur quàm & ipsi interdum expediret. His aliisque bonarum virtutum studiis, hinc ipsius sollicito curante magisterio, hinc discipulorum pio obedientiæ obsequio, cœpit in brevi longè latè que diffundi dulce flagrans unguentum boni de loco nostro nominis, foedæque cicatrix vultûs nostri de opprobrio præteritæ indisciplinationis paulatim curata detergi manu piæ moderationis, hospitalitas latè super-

venientibus exhiberi, maximèque obsecutoribus nostri Ordinis, refectio pauperum post mensam Fratrum non negligenter provideri.

Sed quia exterioris sæculi bona ad hoc aliàque nostro Ordini multùm sunt necessaria, primùmque regnum Dei quærentibus necessaria, deinde secundùm Dei promissionem sunt ista adjicienda, cœpit se totâ vigilantia & labore accingere ut non modò quæ salva invenerat de bonis Ecclesiæ conservaret, verùm quæ dispersa fuerant congregaret. Prima igitur die qua homines Ecclesiæ debebant ei fidelitatem & hominum facere, Præpositum Ecclesiæ & Cellerarium, quosdàmque de Senioribus juxta se in Cella sua fecit sedere, ut nullius manus neque fidelitatem reciperet, quem Fratres de præbenda sua injustè aliquid tenere quererentur. Quæ res multas ei peperit inimicitias, quas tamen sine gravi damno evasit, usus postremo consilio necessariæ in omni re discretionis. Ut autem sciant posterì ejus, & scientes magis solliciti inde reddantur, quanta sollicitudine & timore, quantòque studio & labore servavit professionem pro posse & nosse, quam teste Ecclesia ante altare coram stolato Episcopo, stolati & ipsi ut in consecrationibus suis facere solent, tam Abbates quàm Episcopi, finem hujus octavi libri hîc facere decrevi, & nonum ab ea Epistola incipere, quam scripsit ad Metensem Episcopum Stephanum loci nostri tunc temporis dominum.





## LIBER NONVS.

**V**ENERANDO atque reverendo sanctæ Metensis Ecclesiæ Episcopo STEPHANO, RODULFUS Dei sanctique Trudonis id. quod salutem animæ & corporis. Diebus prælationis meæ vigesimo octavo anno, millesimo centesimo octavo Incarnat. Domini usque ad millesimum centesimum trigessimum sextum, qui tunc agebatur quando scribebam quæ nostræ Ecclesiæ, videlicet S. Trudonis, in Hasbania accreverint sive per meum laborem de perditis recuperata, sive de non habitis acquisita, sive per meum nostrorumque studium de nullis aut parvis redditibus ad aliquos & majores fructus instaurata, & quæ pro animabus fidelium pauci pauca in possessionibus tradiderunt, fideliter hîc annotare curavi. Quod si quid in hac annotatione excessu memoriæ exciderit, aut spes peritura adhuc needum protulerit, cùm illud meminero, & istud evenerit, huic aliquando subjiciam operi. Testem interim conscientiæ meæ habeam Deum, quia hoc non facio, ut inaniter videar gloriari secundum homines, & non secundum Deum de rebus, quarum tenuitas, etsi gloriari vellem, magis afferre potest mihi confusionem quàm gloriam. Sed ut posterî mei desidiam, & prælationis meæ inutile spatium erubescerent, accingant se fortius & utiliùs non solum ad servandas has & alias res Ecclesiæ quas invenerint, sed ad multiplicandas suis laboribus & meritis: quanquam qui tempestates maris quo jactatus sum & adhuc jactor cognoverit, magis admirari possit aliquid interim esse servatum quàm acquisitum; quæ quoniam aliàs plenius descripsi, iterare hîc supersedi. Et hæc etiam nihilominus idcirco facio, ut sub impetranda negligentiae meæ venia, hoc quoque à clementia tua obtineam, quatenus vestra auctoritate & sigillo firmetur, ut nullus prædecessorum meorum prioribus erroribus ampliùs ea involvat quæ absolvi, sed fixa permaneant ut

Epistola  
Rodulfi  
Abbatís,  
qui regimen suscepit anno  
1008.  
Istæ hæc verò hic exarata scriptæ anno  
1036.

institui ; quod si præsumptum fuerit , irritum fiat , & banno vestro & omnium successorum vestrorum subja-  
ceat. Non enim parvo rerum familiarium dispendio ea  
obtinui , interdum cum vitæ quoque meæ periculo vix  
evaserim , & in perpetuum odium eorum usque hodie  
sim , quia ea se amisisse dolent quamvis injustè tenuerunt.

### INCIPIT TEXTVS.

**I**GITUR post obitum Adelardi II. tanta mala appre-  
henderunt Ecclesiam nostram , & multis annis tenue-  
runt , quanta non sunt audita in quovis loco ab illo fa-  
mosissimo Hierosolymorum excidio. Evenerunt ea pro-  
pter dissensiones de Abbatia nostra inter Monachos &  
Episcopos Metensem videlicet HERIMANNUM & Leo-  
diensem HENRICUM , dum Monachi extrudere niteren-  
tur intrusum Episcoporum Abbatem per violentiam , &  
stabilire suum suppositum per simoniam , sic primum se-  
cundus , & secundum extrudit primus , tertius inter  
utrosque irrepit , quartus tertii labores invadere & locum  
occupare præsumit : quorum nomina sunt hæc : LAN-  
ZO , LUIPO , HERIMANNUS , & item HERIMANNUS ; in-  
ter quos decem & septem annis miserimè decertatum  
est , atque sic ut infra annos tredecim fierent commura-  
tiones alio moriente , alio alium ejiciente , sub istis totum  
oppidum nostrum una die redactum est in favillam effu-  
so in eo cruentissimè multorum hominum sanguine. Vix-  
que duo anni præterierunt ex quo Monasterium quoque  
nostrum novum & mirifici operis , & Claustrum cum om-  
nibus appenditiis suis funditus igne cremata interierunt.  
Turris quæ sola supererat de incendio facta est latroci-  
nantium hominum munitio ; thesaurus , qualem nostræ  
similis nulla habebat Ecclesia , irrecuperabiliter distractus  
periit , Monachi omnes , prorsus inquam omnes dispersi  
per diversas regiones , solum in loco vastatio & horribi-  
lis solitudo.

Hac tempestuosa tempestate contigit Ecclesiam no-  
stram de Alburg decidisse in potestatem Episcopi Traje-  
ctensis



denſis CONRADI, & longa loci noſtri miſeria in juſ Eccleſiæ ipſius tranſiſſe lege ſynodali & judicio canonico; propter quam liberandam, ſed nec ſic liberatam diſtractus fuit calix aureus Eccleſiæ noſtræ, cujus pretii pars, ſcilicet ſexaginta marcæ data eſt, Epiſcopo Conradour reſtitueretur Eccleſia juri noſtro; quod ſuperfuit pretii perfidè diſtraxerunt in hoc negotio perfidi quidam Preſbyteri noſtri. Epiſcopus acceptâ pecuniâ nudo tantum verbo non auctoritate canonica mandavit noſtris ut recipere ſua, non quidem malitioſè ſed minus cautè; & factum eſt ira. Subſecutus eſt Epiſcopum Conradum BURCHARDUS Epiſcopus, qui occaſionem recipiens, eò quòd legibus ſynodalibus non eſſet liberè nobis reſtituta Eccleſia, mancipavit eam ſuis uſibus ſynodali judicio; ſicque eam tenuit uſque ad adventum meum in Abbatiam meam, ad quam liberandam proſectus ſum eo anno quo intravi in Abbatiam ulterius Trajectum in ſancti Johannis feſtivaritate, & per auxilium Dei & Advocati noſtri Comitris de Holant FLORENTII, judicio Eccleſiaſtico liberam nobis reſtitutam Eccleſiam retulimus domum, chartâ de hoc factâ & Epiſcopi Burchardi ſigno ſigillatâ.

Eodem anno Eccleſia & aliâ quæ Alburg habemus bona valuerunt nobis domi abſolutè viginti quatuor marcas argenti. Quanto labore, quanta ſollicitudine, quantis expenſis per tres hebdomadas integras finem hujus rei effecerim, longum eſſet referre, cum prædivitem Comitem & graviffimum pinguedine oportuit me funibus argenteis de Hollant Trajectum trahere, ipſiusque Epiſcopi rigidam cervicem ejus metalli malleo mihi inclinare, necnon & Archidiaconum reacquiſitæ Eccleſiæ. In ejuſdem villæ villicatione homo quidam Gualdo nomine erat, qui quinque ſolidos denariorum de Tyle dicebat ſe habere in beneficio de Abbate; falſum erat, & convictus recognovit eos coram Paribus Eccleſiæ ad præbendam Fratrum, quos de terra ſua debebat. Pro ſimili mendacio quidam Franco nomine de Dourch convictus legibus & judicio quatuor ſolidos de denariis Andegerp duobus denariis minus amiſit, & eos quinquaginta

præbendæ Fratrum restitui. In villa Hylsela villicus tantum sibi de censu furtim usurpaverat, quia ad nostros usus retractus sex solidos facit. In eadem villa decimam lini Dapifer Hezelo ad feudum suum trahebat, de qua legibus & iudicio abstractus permisit eam habere Fratres ad opus mapparum in refectorio ad mensam ubi pertinebant. Unus ex illis quatuor pestilentissimis flatibus quos supra dixi mare nostrum tam naufragiosè agitasse, Luipo scilicet tria bovaria culturæ nostræ, quæ jacet versùs Mergueles, beneficiaverat cuidam amico suo nomine Ludovico, & de mensa Fratrum alienaverat, qui mortuus reliquit parvulum filium nomine Henricum in eadem injustitia, cui eadem bovaria requirenti à me in feudo dare nolui, quoniam de mensa sua Fratres sublata esse dicebant injustè. Longa fuit altercatio multis ejus similibus de me conquerentibus. Episcopus quoque Leodiensis OLBERTUS, quoniam puer consanguineus ejus erat, blandimentis, promissionibus, minis, terroribus frequenter propter eum me aggressus fuerat. Cumque evincere non posset tandem se nostro Cœnobio & hospitio repræsentavit, cui instanti pro puero respondi, putans me sic melius posse evadere: Fratrum præbenda est, sine eorum assensu facere non audeo nec debeo: qui statim ad eos absente me se transferens, facillimè simplicitati eorum persuasit ut ei concederent. Quod cum intellexissem, omninò cœpi reclamare, meque non debere sequi deceptam simplicitatem eorum, sed corrigere. Episcopus irasci, minari, & me in hoc cum eo concessisse suos nostrosque attestari. Miro tandem labore evici, & tria bovaria culturæ prædictæ retinui, & eum exfestucare feci.

Oppidanus quidam noster Arnulfus terram tenere volebat sine servitio, quæ debet servire Fratribus ad omnem minutionem sanguinis eorum. De ea terra sunt XVIII. bovaria, & dicitur mansus de Nissen. Debet & alia minuta servitia ad utensilia Cameræ Abbatis, scilicet quidquid de ferro ad sellam equitariam ejus & de calcaria & ad samnas componitur, dato sibi ab Abbate ferro, fractas vitreas fenestras Monasterii, Claustrii, Cellæ Abba-

tis accepto à Custode vitro, plumbo & stagno & cera, & sumptu emendat. Claves omnes Monasterii & scriniorum novat & renovat. Similiter & de omnibus officinis Claustris & curtis. In solemnitatem S. Trudonis & S. Remigii adiutor est Cellerarii ad serviendum honestis hospitibus secundum consuetudinem: quando minuebant Fratres, Chorus totus unus simul minuebat cum silentio & psalmodia sedentes ordinatè in cella una. Eadem die dabatur domino mansi hujus quantum uni Fratrum ad mensam. Hæc cum ille tamdiu tenuisset ut pro libero militari feudo habere se diceret, convictus tandem recognovit coram Metensi Episcopo STEPHANO, & majore Advocato nostro GUALTERANNO, & Paribus Ecclesiæ & servitoribus curtis nostræ. Sylvam quamdam quæ dicitur Godledaleth iniquus homo invaserat, dicens eam esse suum feudum; quam cum multa ei injuria extorsissem, dedi ad censum aliis qui decem solidos solvunt singulis annis ad bracenam Fratrum.

De paucis, quæ pro animabus suis fideles tam viventes quam morientes ad Ecclesiam nostram nostro tempore tradiderunt, ita evenit. Quidam Miles ADELGERUS de villa Primirs super Mosellam ad nos venit, & societate nostra impetrata vineam nobis tradidit, quæ afferre potest tres carratas vini. De eadem villa Gerardus quidam relicta sæculari vita ad nos se convertit, tradens nobis quatuor vineas, tres minores, quartam majorem: hæc possunt afferre duas carratas vini. Istorum anniversaria agimus in quibus carrata vini debetur Fratribus de eorum collationibus. Inter sanctum Trudonem & Sarchinium quidam Libertus nomine parum allodii habebat quod moriens reliquit Fratribus pro anima sua. Solvit autem duodecim denarios in festivitate S. Remigii, qui cum aliis duodecim ponuntur, quos vivens Hardechu mit pro anima sua dederat Fratribus; & in capite jejunii ad caritatem Fratrum in refectorio dantur.

De campanis autem, quæ aut novæ aut innovatæ sunt meo labore, scribere aliquid ad gloriam Dei hîc volui, cujus adiutorio eas feci fieri; quæ etsi ventrem non pas-

cunt, aures tamen & corda hominum ad laudes Dei sonitus sui dulcedine provocant & attenta reddūt. Sunt igitur omnes xvi. scilicet cymbalum primum in refectorio; 2. ad parochiam B. *MARIÆ*; 3. ad S. Gengulfum; 4. eam quam misi Metis B. Proto-martyri Stephano; 5. super chorum nostrum; in turri nostra novem, quæ quantum dulcedine valeant, atque unaquæque in suo modo atque magnitudinis pondere, & videre mirabile, & audire est delectabile. Vnum quidem affirmo, quia tot & tales & tantæ sunt, ut pro centum marcis fieri non possent hodie. Sed dicamus de campanarum vocabulis, & de earum ponderibus quas feci novas fundi aut veteres renovari. Prima est facta de quatuor centenariis & aliquanto plus scilla dulce sonora. 2. de xxi. in honore S. Eucherii, & eam appellavi Aureliam, quam & benedixi. 3. de duobus centenariis quam appellavit Filiolam: hæc sanctæ *MARIÆ* data est ad parochiam. 4. de xxxiii. centenariis in honore sancti Quintini Martyris appellata est Quintina. 5. Remigia in honore S. Remigii de septem centenariis. 6. de sex centenariis dicta est Benedicta in honore S. Benedicti. 7. de octo & amplius centenariis vocavit Angustiam, quia in tempore illius angustiae facta fuit, quo tota villa nostra & Abbatia per Ducem Lovanensem combusta aut invasa fuit. 8. Factam de sex & amplius centenariis vocavit Trudam in honore sancti Trudonis, quæ bis fusa in dulcedine sonitus nulli aliarum compar fuit. 9. vocata est Nicolaa, quæ viginti centenariis ad ignem habuit, sed nescio quantum superexcrevit. Decima quæ propter pretiositatem suam missa est Metis quatuor centenarios habuit, quam Stephaniam vocatam B. Proto-martyri Stephano dedicavit. Undecima quæ translata fuit ad Ecclesiam S. Gengulfi quatuor centenarios nihilominus habuit, sed non fuit similis pretiositaris. Duæ scillæ in Refectorio, & cymbalum in Claustro bis fustum potuerunt habere ad ignem dimidium centenarium. Illa quæ pendet super chorum habuit plusquam centenarium. Iste simul positus numerus facit centum centenarios & xv. & dimidium.

De incenso & diruto Monasterio quoniam aliàs plenius scripsi, breviter hîc tangam quando gratia Dei & Sanctorum patrocinia in restituyendo affuerunt. Omnes qui videbant tantæ ruinæ expavescendum barathrum desperabant aliquando esse reparandum. Igitur à pilariis & arcu qui sunt ad pedes domini nostri B. Trudonis, ubi prædecessor meus Abbas Theodericus finem operis sui fecit, usque ad majorem turrin omne quod est operis infra inferioris muri parietes meo tempore assurrexit, exceptis pilariis cum arcu, quæ sunt in medio navis Monasterii, & quod ante me & sub me factum fuerat feci consecrari III. Calendas Octobris ab Episcopo Leodiensi OLBERTO, anno MCXVII. ordinationis meæ IX. ab eo quo crematum fuit Monasterium XXXII. De claustro & omnibus ejus appenditiis nihil inveni quod sic posset remanere, neque ubi quis hospitum pernoctare, domus tantum una prorsus inculta, & tam æstate quàm hyeme pro suis multis defectibus Fratrum usibus molesta. Tamen & Refectorium præstabat eis & Dormitorium, cellarium quoque & miserimum carcerem potius quàm infirmorum cellam. Ceteræ partes sepe veterrima & semirutæ signabantur porius quàm clauderentur. Quidquid igitur Monachis opus est in officinarum usibus oportuit me festinanter construere de lignis ad tempus, postea paulatim illud diruere, & à fundamento per gyrum de muro ædificare, de quo opere illud adhuc Horatii possum cantare, *dimidium qui cepit habet*. Propter multas & vix inenarrabiles tribulationes lentè pulchrè tamen surgit, maximè cum à duobus miliariis empti adducantur lapides, & calx interdum à quinque. Numerus Fratrum cum inter paucos & minores ante me frequentissimè vicenarium duobus vel tribus descenderet, usque hodie ad quadragenarium non pervenit, aliquando tamen unus tantum defuit, tricesimum autem quintum necdum descendit, & nisi mors immatura, aut levium quorundam fuga tulisset, quadragenarium multo superexcessisset.



\*\*\*\*\*

*LIBER DECIMVS.*

**F**INITA epistolâ Abbatis RODULFI, quam ad Episcopum Metensem Stephanum scripsit de his quæ ejus tempore accreuerint in Abbatia per suum suorumque laborem de perditis recuperata, sive de non habitis acquisita, necesse est nos amodò ad priorem narrationis ordinem redire, ut si quid fortè omisit aut obscurius quia brevius posuit, nostra narratio restituat & elucides.

Eo itaque secundùm Episcoporum & Abbatum in sacratione sua professionem servante inventa, recuperante perditâ, recolligente dispersa, emendante neglecta, mortuus est juxta nos homo quidam nobilis HARDECHEMIT nomine de locello Ronchirs, hic tantùm de ejusdem loci allodio nobis reliquit quod duodecim solidos debet nobis singulis annis solvere, primâ Dominica post Epiphaniam sex solidos, & primâ Dominicâ post festivitatem S. Iohannis quinque solidos, & nullam aliam justitiam amplius sunt inde duo mansi, etsi metiaris plus invenies, & quoniam prædecessores Abbatis Rodulfi multa quæ ita tradita fuerant Ecclesiæ olim suis famulis in feudum dederant, ita ut de tota hominum eleëmofyna non remansisset Fratribus vel una in anniversariis refectio, timens ne illud idem de isto post se fieret, coram majoribus Ecclesiæ & traditoribus & receptoribus hujus allodii Fratres omnes convocavit, & Priori Ecclesiæ nostræ hos solidos singulis recipiendos per manus Præpositi statuit sex in anniversario defuncti ad refectionem Fratrum, sex ad ea quæ necessaria erant ad domum infirmorum. Nihil enim omninò erat ad eam ordinatum aut constitutum præter quod negligenter multùm à Præposito interdum dabatur. Paulò pòst defuncta est ejusdem Hardechemit uxor nomine BERTHA, pro qua tantum datum est nobis quantum & pro marito ejus, terra scilicet juxta illam eandem terram solvens duodecim solidos, in die S. Iohan-

nis sex solidos, & in die Epiphaniæ sex solidos; de quibus ab Abbate Rodulfo eodē modo solemniter constitutum est, sex scilicet solidi in anniversario ejus, & sex ad domum infirmorum: quam videlicet terram cū legitima donatione tradidissent ad Ecclesiam nostram Advocatus noster Gislebertus, & filius ejus Otto, qui supradictorum liberorum heredes extiterunt, tamen postea invadi passi sunt à nepote suo Comite Arnulfo de Los, & nunquam resistere voluerunt.

Pro Comitissa autem GERTRUDE quæ jacet in Claustro nostro, tantum alodii datum est nobis quod solvit singulis annis xx. solidos & tres denarios, & ad Assebruc v. solidos, & ad Stenivet octo solidos, hi omnes simul faciunt sexdecim solidos & tres denarios; & tres solidi solvuntur Calendis Maii. Superest adhuc tantum juxta Stenivet de eodem alodio quod solvit quatuor solidos in die S. Remigii, & quando apportatur iste census nihil omninò debetur inde apportantibus. De his nihilominus constitutum est solemniter præsentem marito ejus GISLEBERTO Advocato nostro, & filiis ejus OTTONE & GISLEBERTO, & Comite ARNULFO, & THEODERICO fratre ejus, petente & allaborante Abbate Rodulfo propter supradictum timorem, ut per manus Præpositi singulis annis totus census iste Priori daretur; darenturque in anniversario ejus sex inde solidi Fratrum refectiōni, & quando maritus ejus Gislebertus defungeretur, sex similiter in anniversario ejus; & octo reliqui & tres denarii ad domum infirmorum haberentur.

ENGERAMNUS vir nobilis de Norpale olim ante istos defunctus fuerat, qui pro anima sua in villa quæ dicitur Herebac, tantum alodii nobis reliquit, quod præter alias justitias quindecim solidosolvere debebat, sed ab Abbatibus in feudum datum olim totum fuerat, de quibus studio Præpositi sui Folrardi Abbas Rodulfus quindecim solidos reacquisivit, sed quia cum labore acquirebantur, & vix retineri poterant, volebat illud aliās libenter ambire si posset. De his decem solidis similiter Abbas Rodulfus majorum suorum consilio statuit ut

quinque in anniversario ejus ad refectiorem Fratrum haberentur, quinque ad domum infirmorum, & si quis illos cambiret, qui tunc temporis essent, sollicitè obviarent, ut de cambiis anniversarium ejus ordinaretur, & quod superesset ad domum infirmorum daretur.

Iam igitur viginti quinque solidi sunt & tres denarii qui constituti sunt ad domum infirmorū. Dicendum modò erit quid ex his agendum Abbas Rodulfus constituerit. Ad ligna coquinæ domūs infirmorum, quando per se coquinam habuerunt infirmi, & ad focum faciendum hyeme ante eos octo solidos; & ad continuum in ea nocte lumen incendendum sex solidos, & ad minutū lumen, quo cœnantibus & Missam in ea cantantibus servietur, tres solidos & tres denarios: tres solidos ad utensilia emenda, scilicet vascula quibus in ea opus habetur, & mappas & mensulas, & manutergia & minuta homini. Quinque autem solidos qui adhuc restant ita reliquit, ut si fortè contingeret quominus viginti alii solidi & tres denarii solverentur ex istis, quod deesset suppleretur, & si plenè persolveretur, quantum viginti solidis illis superesset necessitatibus infirmorum disponderetur, ad quascumque Custos domūs infirmorum consilio Prioris videret necesse fore sive ad carnes, sive ad alias res, licet carnes de præpositura debeant venire.

Censum autem istum de omni eleēmosyna idcirco constituit recipiendum à Præposito à debitoribus, & à Præposito præsentibus illis dandum Priori, ut absque majori sollicitudine, & absque ullis expensis Præposito procurante solveretur ei. Si autem redemptio aliqua de terra moriente herede exiret, aut culpa aliqua existente vadium aut tale aliquid præter censum vivens persolveret, duas inde partes Præpositus haberet, qui hac illaque suis sumptibus pro acquirenda justitia equitaret, & tertiam Prior. Prior verò Custodi domūs infirmorum de istis viginti quinque tantum solidis singulis annis responderet. Si autem nullus Custos in ea esset, ipse per se eadem disponderet, sicut & de anniversariis & aliis eleēmosynis. Mortuo verò quialiquid de censu isto jure hereditario



tario teneret, successor ejus ad Claustum veniret, & domum hereditatis de manu Præpositi & Prioris reciperet, alioquin legitimum non esset. Lumen autem quod Custos prius dabat ad domum infirmorum constituit Abbas Rodolfus, ut divideretur hyemali tempore per quatuor angulos Claustrum ante collationes usque ad Completorium. Ista pauca domui nostræ infirmorum & eleëmofynis quæ suo tempore venerunt constituit, quia ad eam nec parvum nec magnum constitutum invenit, præter quod infirmis & languentibus carnes ministrare debebat & adhuc debet Præpositus. Quod si in lardario Abbatis aut in curti invenirentur, aut in curti inde acciperet, quod ipsis infirmis convenire videretur. Novit enim Dominus, quia ad eam miseriam & tenuitatem disceptatione Abbatum res Ecclesiæ defluxerant, quod domus infirmorum neque lumen in nocte, neque focum in die, neque quidquam amplius infirmus habebat languens in lecto quàm sanus in refectorio, ex eo si quid appetitui ejus non conveniebat, commutationem foris faciebat pro eo quod intus desiderabat: interdum etiam ori & appetitui subtrahebat unde necessitatem luminis & foci sibi supplebat. Quæ constitutio non ob hoc facta est ab eo ut sic tenuiter amplius permaneret, sed ut præsentem tunc necessitatem utcumque alleviaret: nam voluntas ei erat summa & desiderium plura addere, si ei accideret, aut ab eis addenda relinquere qui post eum venirent.

Ad vestiarium Fratrum parum certi erat statutum: nam cetera Abbates prout eis veniebant procurabant, quorum negligentiam magnam frequentissimè Fratres penuriam vestimentorum sustinebant, maximè inter illas quas superius diximus Abbatum contentiones, tamen dicendum hîc otiosum prorsus esse non credidi, quod ad eam tunc pertinebant & prius quæ & quomodo statuerat. Bonum de Provin totum ad illam pertinebat, & census de Aloft tres libræ, & Ecclesia de Pirges quatuor libræ, & Ecclesia de Dunc duæ libræ, & Ecclesia de Guebechem duæ libræ. Bonum de Provin ad id modicum defluerat ut vix solveret septem marcas, cum aliquando xix.

solvisset, unde inter hæc omnia vix ad viginti duas libras tandem perveniebat. Ligna ad vestimenta Fratrum lavanda veniebant de terra, quæ dicitur Manedac, ad balneas de lare præbendæ lautorum, & confutorum de molendino de Grosmecc.

Igitur Abbas Rodulfus audiens ea quæ Abbates de suo dabant ad vestimenta Fratrum, quia cum labore & dolore, & longa prius afflictione eis interdum dedissent, timensque quia id post se posset accidere, utile duxit tam animæ suæ quàm Fratribus, ut plenè ordinaret & denominaret bona ad vestimenta Fratrum jam ampliùs pertinentia, maximè quia Fratrum numerus creverat sub eo qui supra incompenso vestiri non poterat.

Voluit etiam ita ordinare ut illa vel illa curia non demembraretur de censu sive de annona sua, sed quo servire deberet tota integrè finiret, & si quando carum tempus accideret officiatum de annona se plenius juvaret; & si annona vile venderetur, census esset qui ei succurrere posset. Dicebat enim nullum officiatum de aliqua curia posse proficere cui aut census de ea aut annona deesset. Itaque Provin sicut erat ad vestimenta Fratrum dimisit, & censum de Aloft, & Ecclesiam de Pirges, & ligna & præbendas servientium sicut invenit. Censum autem de Ecclesia de Guebechem & de Ecclesia de Dunc, quoniam istæ villæ majori parte ad Abbatem pertinent in manibus retinuit superiùs dicta intentione. Villam verò de Devinc cum Ecclesia sua, quoniam studio suo & labore eam magno & gravibus expensis reacquisierat, ad vestimenta Fratrum statuit, & villam de Stades absque Ecclesia & molendino Remigii in censu & annona. Si igitur diligenter computaveris invenies, quòd ad vestiarius aliquid plus pertineat quàm valens triginta librarum, de quibus decem superadditæ sunt quæ prius non erant.

Cùm legisset in libro de vita S. Trudonis, quia vivens adhuc Monasterium suum primùm in honore sanctorum Quintini & Remigii fecisset Deo consecrari, & ante aram ipsorum se sepeliri, viderétque usque hodie & à populo exteriùs, & à Fratribus interiùs festivitatem S. Re-

migii celebrari, & de S. Quintino unam tantum Collectam\* fieri; miratus quâ negligentia hoc de tanto Martyre contigisset, gratum existimavit fore B. Trudoni, qui se & sua sub nomine ejus dedicaverat, si solemnitas ejus celebraretur in loco qui esset, ut dixi, Deo ex nomine ejus dedicatus. Composito ergo ex passione ejus pulcherrimo cantu cum Antiphonis & Responsoriiis Hymnisque dulcisonis, solemniter celebrari ejus festivitatem apud nos instituit, statuto Fratribus die illa redditu in Refectorio ultra commune refectiois.

*Id est, orationem.*

Molendinum de Gurdendrul ratione dictante duos modios fecit solvere amplius quam antea solveret, alterum siliginis, alterum frumenti: in die S. Quintini dimidium siliginis constituit pauperibus ad domum elemosynariam; alterum dimidium similiter pauperibus ad eandem domum in die sacrationis suæ, sic ut post suum discessum transferretur ad suum anniversarium. De altero modio frumenti constituit in die festi ejusdem Sancti, ut similia excuteretur, & panis ponderis duarum marcarum & dimidiæ daretur inde singulis Fratribus super panem suum quotidianum; de reliquo farinæ panis fieret communis, & singulis camerariorum & fervientium in curti unus daretur ejusdem ponderis. Similiter de alio modio in die suæ sacrationis, & cum defungeretur ad diem anniversarium.

Dum autem inter hæc recolligenda & singula ordinanda miro ardore desudaret, non defuerunt illi maximæ tribulationes. Persequebatur enim eum inhumanè Advocatus noster Comes GISLEBERTUS, & plurimum advocatrix Comitissa GERTRUDIS conjux ipsius, ita ut nihil aut permodicum ei relinqueret de omnibus redditibus ad eum pertinentibus præter communem victum & vestitum qui debetur Fratribus. Verus autem odium exordium habuit à tempore Abbatis Theoderici, propter quem frequenter & constanter eis restiterat tempore Prioratus sui. Et cum modò factus esset Abbas, fortius & fiducialius pro posse & ultra posse resistebat, ubicumque jura Ecclesiæ eos infringere videbat: propter quod

tantum in eum processit feminea procacitas, ut misso ad eam aliquando Priore nostro Guederico ardenti ira cum juramento minaretur, nisi etiam communis victus & vestitus Abbati tolleretur, quod eis suus non relinqueretur. Interea Abbas Claustro clausus tenebatur, relevans sibi orium & tedium lectione, prosa, metro & cantu, quasi qui non habebat nec audebat quod progrediretur. Desperans tandem de auxilio hominum, convertit se ad Dominum, disposuitque iter suum Metis infra dies Paschales non ad aliquem dominum suum in carne adhuc positum Episcopum, sed ad B. Proto-martyrem Stephanum, specialem post Deum Ecclesiæ nostræ dominum & patronum: ubi cum ante pares Merensis Ecclesiæ Monachos, Clericos, laicos causam itineris sui & angustiam perorasset, nullumque posse ab illis fieri auxilium videret, convertit se lacrymabiliter per octo dies quos ibi fecit ad B. Proto-martyris suffragium, frequentans reverenter parvulum quoddam B. MARIE semper Virginis in eo Monasterio oratorium: tantoque profusiori corde causam suam illis agendam committebat, quanto se propensius humano destitutum auxilio considerabat. Sed dum illuc transfret ex Monasterio S. Trudonis, Stabulaus nocte una habuit hospitium. Celeberrima erat nox illa solemnitatis institutæ, pro eo quod B. Remaclus reacquisierat sibi Malmundarium, quod NANNO Archiepiscopus Colonienfis susceperat de manu Henrici Imperatoris qui Leodii obiit. Poppo secundus tunc temporis Abbas ibi habebatur, simulque & Prumiensem tenebat Abbatiam, quas quam irrecoverabiliter dilapidaverit dicere hinc non est mei propositi. Nocte illa ad primas solemnes Vesperas ambo Abbates albis & cappis pretiosis induti, positis sedibus festivis sederunt ab utraque parte ingressus cancelli ante altare B. Remacii, ubi Abbas RODULFUS dum infra *Magnificat* & sequentem Antiphonam baculo pastoralis innixus caput, quem ambabus manibus junctis tenebat ad altare staret versus, amarissime & profusum profudit fontem lacrymarum pro sua necessitate qua peregrinabatur, revocabatque sæpe B. Con-

Confessori Remaclo ad memoriam eam quam ipse senex & B. Trudo adolescens vivētes adhuc in carne habuerant simul amicitiam, pia etiam exprobratione objiciebat ei consilium pro quo tradiderat B. Proto-martyri Stephano Metis præclaræ hereditatis suæ atque familiæ magnum & illustre monumentum, cū non esset modò Præsul in urbe qui succurreret angustiis nostris & miseriæ. Quid plura? Audivit pius Confessor tacitos gemitus mœrentis cordis illius, vidit profusus per baculum usque in pavementum lacrymarum fluxus.

Non solū igitur ab insidiantibus Abbati dispositis latronibus eripuit eum in itinere, verū præcedens eum verè, verè præcedens eum potenti virtute, causam ejus efficaciter Metis egit, non cum Episcopo ALBERONE secundo, sed cum B. Proto-martyre Stephano, atque cum beatissima Dei Genitrice MARIA, cujus oraculum in ejusdem Proto-martyris Ecclesia, gloriosa frequenter illustrent miracula. Nam antequam Abbas reverteretur à Metis Stabulaus ad Beatum iterum visirandum & orandum Remaclum, in itinere nunciatum est ei, quòd mortua esset illa superiùs dicta Advocatrix, & ipsius & Ecclesiæ permaxima persecutrix. Advocatus autem Gislebertus qui inimicissimus ei priùs fuerat, reverso à Metis statim obviavit amico vultu & supplici, & quidquid in eum deliquisset à modo se libentissimè velle emendare promissit. Sed neque hîc adhuc continuit se B. Remaclus. Nam Herimannitarum & Herimanni multos & malignos & sæpiùs redivivos in Abbatem conatus potenter contrivit, & ab omni spe decidere fecit: qui videlicet Herimannus ad S. Symphorianum in silva supra Leodium juxta Clarum-montem sicut ante se contulit, & ab inguinis inferiùs gravi infirmitate correptus privatus est omni gressu. Longo itaque cruciatu ibidem mortuus est & sepultus. Priùs tamen quantum fieri potuit per internumtios Abbati & Ecclesiæ reconciliatus, sex quippe annis postea vixit quàm Abbas Rodulfus in Abbatiam intravit, quo vivente alter nunquam absque

perturbatione vixit. Hic talis finis extitit Herimanni, qui unus & ultimus fuit quatuor illorum ventorum, quorum turbinibus agitati frequenter usque ad cælos sumus, & depressi usque ad abyssos descendimus. Defunctis Herimanno & Comitissa, aliquantula pax Abbati & Ecclesiæ est reddita.

Et quoniam de reparando Monasterio propter vastitatem ejus desperabat, & manus apponere propter pauperatatem non audebat, convertit se ad ædificandam quartam partem Claustrî versus aquilonem ex lignorum materia, sicut erat pars illa quæ ad orientem respiciebat, cum prius ambæ vix clauderentur sepe humili & vetustate dississa. Illa versus orientem habebatur pro Fratrum dormitorio, versus aquilonem pro infirmorum domo, subque uno ipsius tecto domus erat lavatoria, domus eleëmofynaria, & curticula ante cum posticio, exitus de Claustro & introitus pulcher & amplus, in quo mandatum pauperum agebatur, & curticula ante porta clauderetur, superius granarium, inferius duæ cameræ; una in qua vestimenta Fratrum Camerarius reponeret, alia in qua consueretur. Deinde domus infirmorum habens fumarîam sive forariam, capellulam, lobiam, cameram dispensatoriam, cameram privatam, aliâmq; privatiorem. Hortum ante eam postibus, tabulis, spinis munitum, ut esset ex aëre & viriditate infirmorum aspectibus refrigerium. De domo illa, quæ prius erat quasi carcer infirmorum, fecit cervisiæ & vini cellarium, atque à dextra introeuntium aptum hospitibus suscipiendis habitaculum. Quæ prius cellarium fuerat, fecit pulcram & amplam sibi & majoribus hospitibus cameram habentem ab utroque latere duas alias usibus hospitantium necessariis, ex quibus aptus & secretus in Monasterium est introitus, interclusâ manicâ à Monasterio, factoque ad tumulum S. Lamberti Martyris oratorio, hospitibus volentibus Missam audire vel dicere congruo. In pariete hujus manicæ versus monasterium est fenestra ab utraque parte vitrea quæ lumen fundit, & in Monasterio & in hoc hospitum Oratorio; lumen hoc procurat Custos de quinque

solidis quæ veniunt de Ecclesia de Aloft. De hoc quoque Oratorio est introitus in aliam cameram, quam ipse Abbas latam & altam similiter hospitibus ædificavit cum necessariis ejus appenditiis, ut non haberent Fratres inquietudinem de hospitibus in Claustro, neque necessitudinem exire propter eos sicut antè solebant de suo Refectorio. Sunt & atria & porticus ante has utrasque cameras, & viridarium spatiosum & delectabile hospitibus, cum pluribus lignis diversos fructus ferentibus, de quibus penè omnibus nihil invenit, nisi situm horribilem & dirutas macerias, quando Abbatiam est ingressus.

Et cùm de reædificatione Monasterii propter horribilem vastitatem ejus, ut dixi, desperaret, & propter tenuem Ecclesiæ substantiam accingere se ad tantum opus formidaret, inspiravit Deus cuidam matronæ de oppido nostro nomine Ruzelæ, quæ suis sumptibus unum pilarium cœpit ædificare, cœpit, erexit, consummavit. Hanc imitatus quidam Libertus de hac majori curte nostra villicus aliud juxta eam incœpit & consummavit. Post illos oppidani nostri de suis facultatibus quatuor incœperunt pilaria, & duo reliquerunt imperfecta. Perpendens ergo Abbas Rodulfus, quia voluntas Dei erat & Sanctorum, spiritu recepto aliis intermissis, ad illud tantum opus non segniter se accinxit. Itaque pilariis tanto labore & constituta erectis, qualem nemo novit qui non interfuerit, in brevi tempore de choro usque ad turrim utrosque parietes navis Ecclesiæ penè usque ad consumptionem perduxit.

Sed diabolus crescenti invidens operi, cùm turbatis regni Principibus adversum Imperatorem HENRICUM quartum, videret locum impediendi opus nostrum, partes fecit, & propter Comitem GISLEBERTUM Advocatum nostrum Imperatorem deserere nolentem, & Ducem GODEFRIDUM Lovaniensem Imperatori adversantem, irruptio facta est ab eo in oppidum nostrum. Nam stolidus populus præter corporum communia arma & pectora stultâ audaciâ nulla præparaverat adversus eum repugnationis machinamenta, fossatum oppidi detritum

& dirutum & plusquam centum ~~locis~~ pervium. Porta nulla, terra loco pontium continua, ligna prostrata, nulla transversa; tamen audax & malè antè securus populus ruit ei obviam obduratis pectoribus, contráque omnium hominum spem diu ne intraret virili ei manu obstitit, & bis & semel violenter ingressum facta magna strage corporum eorum cruento vestigio ejecerunt. Sed tertio prævalentes hostes multitudine, & securiores nostris ferreo tegmine compulerunt nostros intra atrium, quod tantum munierant contra eum, statimque omne oppidum usque ad quindecim domos igne fuit concrematum. Interea milites circumquaque discurrentes omnia nostra diripiunt, non amplius Ecclesiis quàm domiciliis parcunt, manéque abeuntes quidquid supererat depopulationi, igni tradunt, omnes nostras villas, quæ illi superfuerunt incendio, suos mancipare fecit Dux suo suorumque servitio. Quam nostram calamitatem quoniam tristi metro bis descripsit Abbas Rodulfus, prosâ hîc iterare otiosum duximus.

---

 1114.

Tunc intermissum est opus Monasterii, cùm ea ipsa die eadem hora qua cremabatur oppidum operarii starent adhuc super absides, super cancellum celeriter se transfuderunt, & cum magno vitæ suæ periculo & intollerabili æstu atque ardore partes illas ab incendio eripuerunt. Nam multis in locis de tectura sub pedibus eorum flamma irrumpebat, & dorso atque capitibus minaciter desuper allambebat. Gratias Deo, pars illa evasit ab incendio, non tamen sine aliquo de ruptione tectorum damno. Annus quo hæc mala nobis acciderunt, annus erat Incarnationis Domini millesimus centesimus decimus quartus, ordinationis Abbatis septimus, xiv. Calendas Augusti feriâ secundâ messe matura, anno à concrematione Monasterii & Claustri sub Lanzone & Luitpone de Abbatia conrententibus xxix. à concrematione oppidi quæ facta est sub Henrico Leodiensi Episcopo, & per eum, triginta & plus modico.

Dux Lovanienfis, licet mala ista omnia nobis propter Advocatum nostrum Gislebertum fecisset, majora tamen



men adhuc minabatur, neque bona Ecclesiæ solvenda ab invasione, nisi prius fossatum atrii quod contra eum elevaverant repleretur. Quid multa? Quod stulta factum erat temeritate, ut ita dicam, defectum est tristi necessitate, fossatum atrii repletum est. Tunc Abbas Rodulfus à turre Monasterii per circuitum versus Aquilonem usque ad portam curtis, quæ respicit ad Orientem, cumulum grandissimæ fossæ non exterius sed interius sparsit propter magnum præcipitium, quod ea parte curtis intus deformiter habebat: portam quoque quæ respiciebat ad Aquilonem transtulit juxta molédina ad Occidentem. In qua commoda planitie videlicet inter portam orientalem & occidentalem pulcro modò ordine sunt positæ necessariæ curti officinæ, horrea duo, domus dominica vasta habens per circuitum sui stabula equis supervenientium hospitem necessaria. Duæ domus pauperum, altera æstivalis ad habitandum, altera hiemale calefactorium ad reficiendum. Per circuitum hortus amœnus pomorum herbarumque commodus usibus. Deinde pistrinum, post bracena, post eam divitibus hospitibus coquina, quæ cum expedit Fratribus est lavatoria. In medio & ante istas officinas puteus utilis curti ad omnes aquæ usus. Igitur repleta atrii fossa & pacatâ Ducis irâ recepit Ecclesia nostra sua bona vacua, & post multos annos inutilia.

Deinde sequenti anno tam ardenti animo ad reparandum Monasterium Abbas Rodulfus se cœpit accingere, quòd (ut ita dicam) vix meditullio noctis poterat requiescere, quin ipse semper adesset præsens operariis. Manè ante solis ortum, vespere usque post occasum ad instantiam operis urgens eos hinc lapidi, hinc ligno occupatos. Totos igitur parietes Monasterii anno illo usque ad turrim peregit, & trabibus suprâ compositis ferè cooperuit, modico superextante, quamvis illud idem non cessaret quotidie strenuè consummare. Tunc tandem facta est ab ipso capellula, quæ supra sepulcra sanctorum Trudonis & Eucherii ferè triginta annis computruerat,

& circumdata sunt sepulcra eorum inferiùs muro, superiùs quadratis tabulis quadraginta versus altare infitis ligno operoso duplici ordine. Circuibat hoc opus Sanctorum corporibus reverendum minor chorus valde decorus, & invalidis Fratribus ad sedendum aptus, & ad venerandam & orandam præsentiam sanctorum, corporum, per duo utrinque ostiola introitus erat per minorem chorum ad altare & sepulcra Sanctorum, valvis duabus ferreis ante altare intercludentibus populum & Fratres; si quando cantatum aut oratum procedere vellent manifestè aut occultè ad altare & corpora sanctorum. Muro itaque Monasterii & recto gravissimis sumptibus consummatis, fecit illud solemniter dedicari ab OLBERTO Leodiensi Episcopo in gaudio & in gloria magna anno ordinationis suæ, Abbatis videlicet, ix. ab Incarnatione Domini 1117. tertio Calendas Octobris, ab eo quo crematum tunc xxxii.

---

 1117.

Reliquiæ verò quæ in altaribus, & in quibus altaribus positæ sunt ita habentur. Principale altare post beatam & gloriosam semper virginem Dei genitricem MARIAM est consecratum in honore Sanctorum Quintini & Remigii, quibus B: Trudo primum à se factum Monasterium dedicavit, in quo continentur Reliquiæ istæ: De corpore S. Adriani Martyris, de sepulcro Domini, de columna Domini, de spinea corona Domini, de sancto Theodoro Martyre, & aliorum Sanctorum. Altare quod est retro majus altare est consecratum in honore sanctorum Martini Episcopi & Christophori Martyris, in quo continentur Reliquiæ istæ: De vestimentis sanctorum Trudonis & Eucherii, de Reliquiis sanctorum Pancratii, Victoris & Rumoldi Martyrum, Bavonis Confessoris, & aliorum Sanctorum. Altare in dextera parte est consecratum in honore sanctorum Iohannis Baptistæ, & Iohannis Evangelistæ, in quo continentur Reliquiæ istæ: De lecto S. Iohannis Baptistæ, & de spelunca ipsius, & aliorum multorum. Altare in sinistra parte est consecratum in honore sanctorum Apostolorum Pe-

tri & Pauli & aliorum omnium; in eo continentur Reliquiæ istæ : De corpore sancti Amandi Confessoris, & sancti Valentini Martyris. Altare ad sepulcrum beatorum Trudonis & Eucherii est consecratum in eorum honore; in eo continentur Reliquiæ istæ : de capillis sanctæ *MARIÆ*, de vestimentis sancti Iacobi Apostoli Domini, de Reliquiis sanctarum undecim Virginum. Altare à dextera parte ad introitum Monasterii est consecratum in honore sancti Benedicti & sanctæ Gertrudis Virginis. In eo continentur Reliquiæ de corpore sanctæ Gertrudis & aliorum multorum. Aliud contra illud altare in sinistra parte est consecratum in honore sancti Lamberti Martyris, in eo continentur Reliquiæ istæ, de capillis sancti Lamberti Martyris & Episcopi, de sancto Georgio Martyre, de sancto Mauricio Martyre & aliorum.





## LIBER VNDECIMVS.

**A**NTE hos consecrationis Monasterii undecim annos excommunicatus obierat Leodii HENRICUS Imperator, filius HENRICI filii CONRADI Imperatoris, regnóque & atrio privatus erat propter dissensionem inter ipsum & Apostolicos Romanos de investituris Episcopatum per annulos & baculos de manu Imperatoris, & propter simoniam quam de eis faciebat. Regnabat autem pro eo filius ejus æquè HENRICUS vocatus, qui cum Romana Ecclesia patrem persecutus, regno eum privaverat. Hic cum regnare cœpisset, & potentissimè atque robustissimè in regno confirmatus esset, in illud ipsum incidit in quo pater Ecclesiam offenderat, & pro quo sententiam privationis acceperat, majoráque satis atque nefanda committere non pertimuit: nam cum Romam venisset, & ad gradus B. Petri Apostoli processione suscipiendus esset à Domino Papa PASCALI & Cardinalibus, Episcopis & Presbyteris, Diaconibus & omnibus Clericis, Romanorúmque Nobilioribus, & populo innurabili fidem subitò rupit, sacramenta interposita postposuit, datos obsides vilipendit, manúsque sacrilegas tam ipse quàm sui in dominum Papam Christum Domini injecit, & omnes qui capita videbantur esse Ecclesiastici Ordinis atque Romani populi custodiâ conclusit. Ibi quod quisque suorum potuit de insignibus Ecclesiasticis sibi rapuit tam in auro quàm in argento, & cappis & casulis, sicut unaquæque Ecclesia attulerat ad ornatum processionis. Quid longiùs protraho? Tandem gravi necessitate & lamentabili re compulsus dominus Papa non propter se tantum quantum propter Romanorum Nobiles, & Cardinales suos, Episcopos, Presbyteros, Diaconos, qui secum crudeli clausura tenebantur, extorquenti magis quàm petenti Imperatori consecrationem imperialem se daturum concessit, & privilegium

potius quàm privilegium de investiendis Episcopis & Abbatibus.

Hoc tristi nuntio & polluta fama pervolante ad Gallicanam Ecclesiam, sine omni mora factò Conventu, Imperatorem excommunicavit, & quod sub tanto sacrilegio & violètia factum fuerat damnavit. Dominus verò Papa quod in reconciliatione Imperatori promiserat non violavit, sed Ecclesiam Gallicanam, omnesque filios Romanæ Ecclesiæ pro injuria summo Pontifici facta, clavibus beati Petri Apostoli uti non prohibuit. Suspendebatur adhuc hæc in Imperatorem sententia apud Germanorum Ecclesiam cum propter timorem, tum à quibusdam propter gratiam, nec multo post tempore vocatus est ab ea, & missus ad eam Cono Episcopus Prænестinus Romanæ Ecclesiæ Legatus, congregatumque est Concilium magnum in loco qui vocatur Frisebart, tam de Abbatibus & Episcopis, quàm de multitudine Clericorum & Monachorum, cui propter obedientiam qua vocabatur non ausus fuit deesse domnus Abbas hujus nostri Coenobii videlicet S. Trudonis Rodulfus, ne ab officio & communione Ecclesiæ suspenderetur. Excommunicatur in eodem Concilio Imperator HENRICUS, sicut & in Gallicana Ecclesia, cum propter prædictam culpam, tum propter tyrannidem quam excercebat in Ecclesiam. Propter fideles Imperatoris cum multa sollicitudine & timore actum & peractum Concilium fuit; sed & domnus Abbas Rodulfus non sine minori sollicitudine atque timore domum rediit, ut porè per medium fidelium Imperatoris: sicque in turbato regno facta est satis major perturbatio.

Defungitur paulo post Leodiensis Episcopus OLBERTUS. Fit altercatio grandis de Episcopatu, electionis tamen dies præfigitur, infra quem Alexander ejusdem Ecclesiæ Sacrista & Archidiaconus baculum & annulum arripit, Imperatori repræsentat, & ab eo recipit, investitus sic à manu excommunicata de Episcopatu Leodiensi: pro qua temeritate, & contentionis erroneo fune, præfixa canonica electio diu protelata fuit, donec

Moritur  
Olbertus  
Episcopus  
Leodiensis.

In ejus lo-  
cum suffici-  
tur Frederi-  
cus.

traheretur Coloniam Conventus Leodiensis cogente au-  
ctoritate Metropolitanæ scilicet FREDERICI Archiepisco-  
pi. Ne ibi quoque ausus est defuisse domnus Abbas Ro-  
dulfus, cavens sibi semper sollicitissimè ne inobedientiâ  
feriretur, sicut de excommunicatorum communione ma-  
cularetur. Electus est igitur ibi dominus FREDERICUS  
majoris Ecclesiæ Leodiensis major Præpositus & Archi-  
diaconus, atque à domino Papa CALIXTO consecratus,  
& Alexander cum omnibus suis complicitibus excommu-  
nicatus. Studens brevitati prætermisi hîc, quanta diffi-  
cultate, quanto periculo electus, & qui elegerunt redie-  
runt à Colonia Leodium, cùm à Trajecto usque ad ur-  
beti ab utraque parte Mosæ acerrimas insidias per dispo-  
sitas locis aptis militum copias Alexander eis posuisset,  
quibus ipse quoque intererat. Tamen protegente eos  
Deo sine aliqua læsione urbem introierunt, & exclusum  
Alexandrum, ex Hoyo castello obsidione ejectum quo-  
tidie patiebantur hostem gravissimum. Vix tandem ali-  
quando domnus Abbas Rodulfus, ab hoc reditu multas  
frustratus insidias, Cœnobio nostro incolumis est rece-  
ptus: quod non minimum dolebat Advocatus noster  
Gislebertus Comes, & omnes Alexandri satellites.

Igitur excommunicato Henrico Frisebart & Alexan-  
dro Hemis; in hoc & illud facta est magna perturbatio,  
& in Monachos & Clericos crudelis persecutio in toto  
Leodiensi Episcopio, qualis à tempore Arianorum non  
fuit audita. Alexandri partes juvabat cum suis omnibus  
Lovaniensis Comes GODEFRIDUS, tunc temporis Dux,  
Durachiensis Comes GISLEBERTUS Leodiensis militiæ  
Signifer, REYNERUS de Monte-acuto, Comes LAM-  
BERTUS, & pene tota familia Ecclesiæ cum suis viribus.  
FREDERICI partes tuebantur frater ejus Namurcensis  
Comes GODEFRIDUS cum suis sed non omnibus de Lem-  
burg, Comes GUALERANNUS, qui postea extitit Dux  
de Monte-falco, \*Gorguinus civitas tota exceptis ali-  
quibus; Abbates omnes, Episcopi, de Archidiaconibus  
& Præpositis meliores & plurimi, Clerus quamplurimus:  
pars illa dicebatur Alexandrina, pars ista Frederina. Ale-

f. \* Gor-  
guinum,  
sive, Gan-  
davum.

xandrini dicebant Frederinos reos esse Regiæ Majestatis, & ob hoc persequerantur. Frederini Alexandrinos cum Imperatore & Alexandro excommunicatos, & ob hoc in Ecclesiastica communione eos vitabant. Itaque qui Romanæ obedientiæ sub Episc. Frederico obtemperabant, prædas & direptiones & captivitates, ignem & gladium per Alexandrinos quotidie sustinebant nulli ætati, nulli sexui, nulli ordini parcere, totum persecutionis æstus super Ecclesias tam in Monachos quàm Clericos effundere: vagi & profugi, laceri & seminudi multi tam Monachi quàm Clerici hac illacque mendicare. Sic vidimus, sic audivimus, sic scribimus.

Alexander ex castellis ejectus, sed prædictis tutoribus nostro oppido frequenter se recipiebat, & tantorum malorum incendium acriter agebat. Oppidani nostri omnes illi favorabiles erant, ut pote semper levissimus ad talia popultus. In tota Brabantia, in tota Hasbania non erat Princeps aut dominus qui Alexandro non faveret aut eum tueretur. Solus Loensis Comes ARNULFUS inter utrosque medium se agebat; Frederico tamen magis obtemperans ob domini Papæ obedientiam, quàm Alexandro ex Imperatoris violentia. In medio nationis tam prava atque perversa in multa spiritus angustia & carnis nostræ amara penuria, licet depredata, licet afflicta servabat tamen Ecclesia nostra cum domno Abbate obedientiam Romanæ Ecclesiæ, & incontaminatam se custodiebat ab excommunicatorum communione. Quapropter ira gravissima & odio intolerabili atque rapina in domnum Abbatem Rodulfum, & in nostros & nostra omnes ferebantur, quicumque Imperatorem & suum Alexandrum sequebantur.

In tempore illo & in diebus illis scripsit domnus Abbas Rodulfus epistolam ad ipsum Alexandrum, & aliam ad quemdam de suis, redarguens eos cum magna libertate animi, & constantia, & auctoritate de illicita ejus invasione & de tyrannide quam in Ecclesiam exercebant quotidie, & instruens eos quæ esset canonica electio, & ad Episcopum ecclesiastica promotio & de Imperatoris

dono. Sed quid? non mutavit Æthiops pellem suam. Interea Lovaniensis Dux villas nostras & Ecclesias & quæcumque de nostris dominio suo adiacebant, militibus suis distribuebat. Comes verò GISLEBERTUS advocatus noster de nostris quæ ei subjacebant similiter fecerat, HENRICUS Castellanus de Cohunc Ministerialis Imperialis Imperatoris quæ super Mosellam videbamus habere possidebat, quisque dominorum immo raptorum prout eis nostra contigebant. Solùm deerat votis Alexandrinorum & aulicorum domnus Abbas Rodulfus, desiderantium eum quandoque rapere & Imperatori dehonestandum pro magno munere offerre, hoc ei totum conflexerat advocati Gisleberti vetus in eum & novum odium, & detractio continua apud ipsum tyrannum: sed testis erat qui novit corda, quia præter Romanam obedientiam non peccaverat in illum.

O quoties fideiores & meliores Ecclesiæ domnum Abbatem convenerunt humillimis precibus, & piis obsecrationibus, prætendentes ei tempestuosi temporis tempestatem, ut promissa sibi prius securitate offerri se pateretur à fidelibus viris Imperatori, & osculo tantùm & colloquio ei communicaret, & sic deinceps pacem & gratiam ejus tam ipse quàm bona nostra haberent. Cùmque evincere non possent, quia ille constanter dicebat sibi servandam obedientiam Romanam & communionem catholicam, convitiis affectum aspernabantur, & sinistris auspiciis devoventes iratum solum relinquebant. Nam si quando Trajectum sive Leodium Imperator venisset, vix eum tutum fore posse intra nostri quoque templi parietes amici ejus credebant, quos & Alexandrini plurimum concitabant. Ipse tamen nihilominus quantum valebat ab Ecclesia nostra eos arcebat, & si quando ad unum altarium nostrorum ab uno suorum Alexandro Missa cantaretur, nullum nostrorum ibi Missam cantare permittebat amplius: donec benedictione data ab ipso Episcopo Frederico reconciliaretur. Præteribant dies sanctæ Quadragesimæ, necnon similiter Passionis Dominicæ, & tota Ecclesia nostra cum domno Abbate agonizabar vehementer



hementer in hac passione. Nil nos juvare poterat, quod consilio & multis precibus fidelium Ecclesiæ pacem & securitatem tam nostri, quàm bonorum nostrorum crededamus nos redemisse viginti quatuor marcis à Lovanienſe & à Durachienſe impeditis, quæ supererant nobis sub fœnore pro hac gravissima exactione. Inimici Dei & sanctæ Ecclesiæ mentiuntur promissum, rumpunt fidem, ventum cum esset ad clausulam, scilicet aut Abbatem eis communicaturum, aut loco aut Abbatia cessurum, sive fame cum omnibus nobis in ea moriturum, atque ad complenda eorum longa desideria hujusmodi eis est occasio suborta.

Infirmata matrona de majoribus oppidanorum propinquabat ad mortem: spes vivendi nulla erat: conveniunt Abbatem filii & parentes, rogant ut cum defungeretur, Missam & exequialia de more ei faceret. Quid faceret? annuere eis quod non erat facturum eum non decebat, negare causamque querentibus dicere seditio futura erat. Quid tandem? respondit se non audere: querentibus quare, pro servanda, inquit, sancta communione, sed si viri tantum vellent abesse, presentibus mulieribus Missam & exequialia non timeret peragere. Suggesterunt crebrius eadem, & eadem ab eo audierunt. Episcopum verò Fredericum non Episcopum reputabat, sed invalorem & tyrannum. Ergo tandem inquit viri excommunicati sunt: iratique recedentes commoverunt seditionem magnam, populusque cum filiis ægrotantis matronæ cum clamoroso furore querimoniam apud advocatum faciunt de ipso: Ecce, inquit, Advocate pater, quod pro excommunicatis tam te quàm nos habet, quia te duce venimus Hoïum in Ducis expeditione, ob hoc neque nos in communione, neque mortuos nostros propter nos vult recipere. Satis utique ignominiosum tam tibi quàm Duci, qui in medio nostrum securum pateris esse inimicum Imperatoris, qui tam ipsum quàm te & nos non negat se habere pro excommunicatis. Monebant Abbatem secretò amici & homines sui, ut saltem residens Conventum Fratrum ad exequias mitteret, & ten-

tantes eum à proposito avertere, dicebant ei utilius esse ad horam necessitati temporis cedere, quàm Ecclesiam sibi commissam desolatam relinquere. Sciebant enim alterutrum imminere, aut voluntati eorum aut loco cedere. Flecti non potuit.

Nunc quoniam sermo de expeditione Ducis versus Hoïum incidit, breviter tanquam quid fuerit. ALEXANDER Hoïum castellum occupaverat, quem in eo FREDERICUS Episcopus cum fratre suo Namurcensi Comite GODEFRIDO obsessum tenebat; nam suburbana Hoï Frederico magis favebant quàm Alexandro, ad quem liberandum Dux applicuit exercitum Hoïo ex una parte Mosæ, in quo oppidani nostri fuerant (& hoc est quod Advocato & Duci improperabant, ut eos ampliùs in Abbatias contumeliam sic accenderent) ex altera parte Mosæ de verticibus montium Comes LAMBERTUS in obsidentes castellū cum ingēti multitudine exivit; pugnarum utrinque acriter est, illinc à Duce, istinc à Lamberto Comite contra utrosque ab his qui erant cum ipso Frederico & fratre ejus Namurcensi Comite. Dux inani spe frustratus recessit. Comes LAMBERTUS in bello prostratus de equo & vulneratus captivus ductus Namurcum fuit. ALEXANDER obsidionem diu sustinere non valens, & valde expavefactus ex verbis Papæ Calixti, qui ei mandaverat quia clauderet ei januam æternæ vitæ nisi cessaret, Episcopo Frederico castellum redderet, & promissa emendatione & perpetua cessatione, in publico Conventu Leodii absolutus est ab Episcopo Frederico cum paucis adhærentibus ei Clericis, & domi sedens ad tempus invitus siluit. Nunc ad narrationis ordinem revertamur.

Advocatus jamdudum in Abbatia graviter infensus, nunc verò magis in iram & furorem propter supradictam exprobrationem succensus, Duci quid eis faciendum sit de Abbate communicat; consultumque accepit. Secundo die Paschæ in atrium Ecclesiæ veniens pulsata campana populum convocat: ubi de illo pariter cœperunt tumultuari & conqueri, & vicissim favere ejus derogationi, mandatus exire ad eos exire derogat. Advocatus homines

ejus pro mandato suo nolentes eum exfestucare exfestucat: die illa tota satis turbæ actum est in turba: sequenti die Comes ARNULFUS de Los se interposuit, nihilque profecit: cūque neque mutari posset Abbatis constantia, neque dissidentium ab eo pertinacia: itaque defatigata eorum ratione & eorum dissono fremitu, eò res demum redacta est, ut aut loco cedendum aut excommunicatis communicandum sibi esset. Nec diu hæsitavit quod potissimum eligeret; vir enim prudens citius advertit, & si temporis necessitas præsentiam suam Ecclesiæ sibi commissæ omninò deposceret, priori tamen honori & constantiæ suæ nullatenus debere notam subsannationis inferre, nec egregia principia probroso exitu corrumpere. Tædebat eum bonâ Ecclesiæ quotidie videre diripi, & ab his qui debebant nullum auxilium ferri. Concertabat verò ægerrimè in mente ejus hinc Fratrum affectus, quos intimè diligens sine gravi dolore ita desolatos relinquere nequibat, illinc conservandæ Catholicæ communionis superiùs liberrimè acta constantia. Sed quid zelus Ecclesiæ & magnanimitas honesti fortisque propositi? Demum palmam hic conflictus penes eum obtinuit; certus itaque de incontaminanda Fratrum perseverantia, cessit tamen non sine magno ejulatu eorum & meliorum de Abbatia dolore, parvipendens præsentia melioris vitæ contemplatione.

Anno incarnati Domini millesimo centesimo vigesimo primo exivit, Ordinationis ejus XIII. quartâ feriâ Paschæ, quæ fuit eo anno Idus Aprilis, atque à Comite Arnulfo de Los honorificè conductus, humanissimè quoque ab eo est hospitio susceptus, liberalitèrque stipendiatus. Paucis itaque cum eo factis diebus licet morbo tunc per plures diffuso capitis & oculorum tunc gravaretur, viam tandem versùs Flandriam est aggressus, atque per Lovanium ubi dominus Lovaniensium folia tantum dedit verborum: inde per \*Hasslingiam, per Cœnobium S. Bavo-

1121.

al. \* Affigenium.

In illis diebus præerat Hasslingiæ primus Abbas loci illius FULGENTIUS, vir cum omni suo Conventu vita reli-

giolos atque hospitalitati deditus. Apud sanctum Bavo-  
nem GUALRICUS, in providentia rerum temporalium vi-  
gilanter strenuus : Apud sanctum Petrum Gandæ AR-  
NULFUS qui postea vivens Abbatiam reddidit, inquieta-  
tus à Fratribus. Exuberabat tamen ejus tempore locus  
ille victuum & vestium tam sanis Fratribus quàm infirmis  
superabundanti copiâ, vigebantque sub eo introducta  
per eum religiosa Cluniacensis Ordinis studia. Ab his su-  
pradietis omnibus pia humanitate & compassione susce-  
ptus, postremò Gandæ sub eodem Arnulfo Abbate, do-  
nec de tam solido litore posset speculari quando Deus  
imperaret ventis ejus & mari. Interim dum ibi moraretur,  
manus Domini paternæ super eum visitationis cor-  
reptionem super correptionem ei apposuit, quia frater  
ejus uterinus qui cum eo exierat vice famuli, sed affectu  
germani, longo languore vi. à decessit; jacet sepultus  
\*Pari ante occidentalem portam Monasterii, quod cir-  
cumdat murus undique vasti & bene compositi paradisi.  
Signatur sepulcrum ejus lapide polito atque subnigro.  
Quanta constantia animi, quanta vultus serenitate visi-  
tationem illam Domini sibi suscepit, cum tamen carnis  
affectu ut homo intus ureretur, mirabantur omnes qui  
eum intuebantur, maximè ipse Arnulfus Abbas, qui  
omne genus consolationis affectu & effectu maximo  
erga eum exercebat. Fuit igitur cum eo usque post obi-  
tum Frederici Leodiensis Episcopi, propter ejus obe-  
dientiam & Romanæ Ecclesiæ communionem supradia-  
ctam patiebatur incommoditatem.

Eo anno defungitur Episcopus FREDERICUS VI. Ca-  
lendas Junii, & ALEXANDER reduetur à suis & cum suis.  
Præter eum verò solum quem Episcopus Fredericus ab-  
solverat, ut & Hoyum exiret, & ab Episcopatu cessaret,  
nullus suorum laïcorum absolutus fuerat, neque ipse eo-  
rum communionem in aliquibus devitabat: videbatur  
enim tam sibi quàm suis quòd omnis contradictio, quæ  
eos hætenus impugnaverat, defuncto Frederico sublata  
& remota esset. Vocatus ergo ab eo licet excommunicatus  
adhuc Lovaniensis Dux Leodium venit, Clerum &

f. \* ibi

populum ei pacificare satagit, & in pleno conventu Capituli reformat ei assensum electionis; qui de Frederinis intererant silentio magis quàm corde aut ore assentiebant. Placuit tunc quoque in communi eis, Abbatem Rodulfum revocare, ut illo ei cooperante qui in parte domini Frederici nonnullæ opinionis fuerat, & Archiepiscopo virtute constantiæ in persecutione satis innotuerat, ad ea quæ restabant promptiùs de Alexandro prævalerent. Sciens autem quia pro ipsis minùs rediret, literis & sigillo Leodiensis Ecclesiæ eum remandaverunt. Rediit, sed ex consilio Alexandri, licet hoc negaret, Abbatiam intrare ab Advocato Gisleberto non permittitur, donec intelligeret aut probaret, quo animo, quo studio causam suam tueretur. Cùmque Leodii moraretur, nitentur valde communes amici eorum ut pacificaretur: Abbas Rodulfus non renuebat, sed secundum Deum & animæ suæ salutem: Alexander neque hanc neque illam volebat interponere conditionem: manebat interim Leodii apud sanctum Laurentium. HERIBRANDUS tunc temporis ibi præsidebat post BERENGARIUM. Sed cùm intelligeret ex his quæ Alexander quærebat, quia anguis in herba lateret, atque cognosceret quia ille excommunicatis communicaret, & factus Conventus excommunicatorum communione contaminatus esset, dolebat vehementer se venisse, & libentissimè volebat se absentare, ne cetera sua strenuè acta fuscaret vel falsa opinione; sed non parum habebat anxietatis & sollicitudinis, quia neque in Flandriam redeundi facilè copia ei erat, cùm videret eos sibi dissentire à quorum conductu eò redire haberet, & timeret deesse sibi ad victum pertinens, si Leodii remorari necessitas compulisset. In proximo autem Archiepiscopus & Dux Trajecti debebant convenire, ut in pace omnia solidarent, sub qua spe firmandæ pacis pacificè Trajectum venit, nihil eorum quæ promittebantur actum. Archiepiscopus non venit.

Videns igitur facultatem in Flandriam revertendi minùs sibi suppetere, Coloniam intendit ad Archiepiscopum FREDERICUM. A Trajecto autem descendens Eifelō

castellum, invenit ibi majorem Præpositum Ecclesiæ sancti LAMBERTI ANDREAM, qui postea Trajectensis Episcopus extitit, & cum eo de Ecclesia majores, qui Alexandri communionem vitabant: ubi invicem consolatis, & in perseverantia corroboratis, transivit ad virum nobilem GORGUINUM de Castello Falco-monte, qui & ipse fautor erat & cooperator Frederinæ parti faventium, qui honorificè habens eum secum aliquot diebus, deduxit eum in Arduennam ad Archiepiscopum ubi tunc per nemorosa oblectabatur. Archiepiscopus de adventu gavisus, hospitio & consilio est eum consolatus. Mane autem facto adveniunt nuntii Alexandri HENRICUS Archidiaconus Ecclesiæ sancti Lamberti, filius CONONIS Comitis, & GODESCALCUS Canonicus Ecclesiæ S. Servatii Trajecti, qui erant de communionem Alexandri. Sprevit eos Archiepiscopus, nolens eos audire propter communionis contaminationem; tamen eis & Alexandro omnique Clero ei faventi inde apud sanctum Cornelium diem statuit, ut audiret eos ibi. Interim Abbatem Rodulfum secum Coloniam ducit, & commendat eum Roberto sanctæ Mariæ sanctique Heriberti ultra Rhenum Tuitii. Iste ROBERTUS\* Leodii nutritus fuit in Cœnobio sancti Laurentii, quem propter præclaram nominis famam in sanctarum Scripturarum scientia Archiepiscopus sibi assumpserat, & Abbatem loci prædicti constituerat. Hujus viri multa magna & præclara extant librorum volumina, quæ de divina pagina exarata reliquit in Ecclesia, cujus corpus viventis nec somno poterat requiescere quam palpitaret lingua, & moverentur ejus labia in divinæ legis meditatione. Neque diu interfuit; venit dies positus Alexandrinis, Archiepiscopus convocatis majoribus Ecclesiæ Colonienfis affuit, Abbatemque Rodulfum cum Tuitiense Indam perduxit, duobus diebus longa ibi altercatio, longa de Canonibus disputatio. Archiepiscopus Alexandri & suorum communionem vitabat, & omnes cum eo qui de obedientia Frederici Episcopi fuerant. Alexander se absolutum ab Episcopo Frederico, & suos Clericos aiebat: Archiepiscopus non solum Alexandrum

*al.\** Rupertus  
cujus  
præclara  
extant  
Opera.

& suos, sed & omnes qui erant capita Ecclesiæ sancti Lamberti pro excommunicatis se habere dicebat, exceptis his qui de obedientia & communione Episcopi Frederici adhuc extra civitatem erant. Tandem quærentibus quare, Archiepiscopus respondit, quia defuncto & sepulto Episcopo Frederico Ducem Lovaniensem in Capitulum vestrum & in Ecclesiam introduxistis, & cum eo immo per eum & propter eum electionem fecistis, cum ab Apostolico & meipso & ab ipso vestro Episcopo Frederico fuisset excommunicatus, & necdum absolutus, & omnes cum eo qui persecuti fuerant Ecclesiam sub Episcopo Frederico. Hoc autem totum faciebat Archiepiscopus ut cum ex hoc convicti satisfacerent, cassa esset eorum electio, quam cum excommunicatis & per excommunicatos & propter excommunicatos fecerant de Alexandro. Erant autem de illa contaminatione honestæ personæ Ecclesiæ Archidiaconus ALMANNUS, Archidiaconus HENRICUS, SEIFRIDUS Diaconus, STEPPO Archidiaconus, & multi alii majores atque minores. Cum Archiepiscopo erant de Ecclesia Leodiensi ANDREAS Majoris-domûs Præpositus, EMMO Archidiaconus, Magister scholarum STEPHANUS, vir vitæ venerabilis, REIMBOLDUS Præpositus sancti Iohannis, & alii nonnulli in Ecclesia boni testimonii cum Abbatibus. Quid multa? Tandem procedunt omnes coram Archiepiscopo, & petitam impetrant absolutionem. Alexander interrogatus ab Archiepiscopo obedientiam promittit manu sua in manu ejus sacrata posita. Archiepiscopus per sanctam ei præcipit obedientiam, ut ampliùs se non intromittat de Episcopatu; ille annuit. Et qui vidimus & audimus hoc testificamur, sed die illa solutus est ille Conventus.

Archiepiscopus expertus in illo Conventu, quàm necessarius esset Ecclesiæ Abbas RODULFUS, gratissimè illum secum Coloniam reduxit, donec deliberaret quid de illo esset acturus, commendatum supradicto Roberto Abbati. Nec multa mora intercedente causa extitit, qua majores Ecclesiæ Coloniensis Archiepiscopum adierant

Præpositi, Decani, Cantores, Scholaſtici, ſecnon & Abbatum aliqui, quorum unus erat Tuitienſis Abbas ROBERTUS, qui ad illum Conventum ſecum duxit Abbatem Rodulſum. Aderat & Sigebergenſis Abbas CONO primus, qui poſtea Ratiſbonæ extitit Epiſcopus.

Apud illum decreverat Abbas Rodulſus ſe manſurum, quoniam locus erat famoſæ religionis, & propter excelſum montem præter Monachos amandæ ſolitudinis, ſed divina providentia aliter fieri de eo propoſuerat. Ecce enim Fratres S. Pantaleonis adveniunt, & Archiepiſcopi pedibus provoluti coram toto Conventu ſe poſt deſunctum Abbatem ſuum HERIMANNUM jam novem menſibus paſtore caruiſſe conqueruntur, religionem deperire, bona Eccleſiæ imminui. Archiepiſcopus ſine mora optionem dat eis eligendi, pars illum, alia elegerat alium. Fœda coram Archiepiſcopo inter eos erat diſſenſio. Longo enim novem menſium ſpatio magis creverant partes quàm unanimitas creviſſet. Ipſe quoque Abbas RODULFUS pro noſtri Ordinis reverentia, ut eos uniret, aut ſaltem diſciplinatè loqui coram tanto Conventu faceret, ſe interpoluit, & fruſtra laboravit. Archiepiſcopus ſemel & ſecundò de concordia monuit eos, & locum dedit conſulendi, deterior eſque recepit. Quapropter conſilio cum majoribus Eccleſiæ accepto, placuit in auribus omnium, ut providentiam illam Abbati Rodulfo committerent. Ille tale quid nihil unquam ſuſpicatus, de benevolentia dominorum primum gratias egit pronus in terram, deinde reniſus eſt quantum ratione & auctoritate potuit & licuit: ſed Decanus & Magiſter ſcholarum majoris Eccleſiæ EGBERTUS (q̄i poſtea regularis factus Canonicus atque Monafterienſis eſt Epiſcopus) citò ei occurrit ex ſententiis Canonum, cùm pro Romana communionem pulſus eſſet à ſede ſua, & ſancti Pantaleonis vacaret Abbatia. Ceſſit tandem, nihil tamen aliter niſi Fratrum loci illius conſenſu & electione hoc fieret, & unanimiter hoc factum eſt. Itaque menſe Septembrio modicò ante Nativitatem ſanctæ MARIE, ſancti Pantaleonis Abbatiam ingreſſus eſt, introductus à majoribus Eccleſiæ

Rodulſus  
Auſtor  
Chronici  
eligitur  
Abbas S.  
Pantaleonis.



Ecclesiæ Colonienſis, & in feſtiva Fratrum & familiæ proceſſione ſuſceptus.

Eccleſia autem ſancti Pantaleonis ex privilegio Romano antiquitus hoc habuiſſe dicebatur, ut Abbas loci illius ſandalis & dalmaticâ uteretur, vicéſque ageret Archiepiſcopi per civitatem in ſuis ſtationibus. Sed AMNO Archiepiſcopus ſandalia & dalmaticam prohibuit, vices verò ſuas agere per ſtationes conceſſit. Sic uſque ad tempus Abbatis Rodulfi permanſit, & quia erat homo pulcri, ut dicunt, \*perſonatûs, & divino aſſiſtens officio decenter ſonorus, frequentabant ſtationes quas agebat frequentiffimè Colonienſis populus, matronarumque plurium devotus Deo ſexus. Clerus verò ſine omni invidia ſolemne exhibebat ei obſequium, tanquam ſi haberet præ oculis ipſum Archiepiſcopum.

Gal. d'un  
bel exte-  
rieur, ſeu  
d'une belle  
preſtance.

In brevi & ſine grandi labore dilapſum ordinem & violatam Fratrum concordiam pulcrè reformavit, peroptimamque virtutem puræ confeſſionis in Fratribus illis invenit, furtivarumque & publicarum vigiliarum & orationum indefatigatam aſſiduitatem. Clauſam immo ſerratam januaſ hospitalitati aperuit; domos dirutas atque deformes dignas ipſi Archiepiſcopo hoſpitibus atque loci Abbati reparavit; nihil unquam paſſus menſæ Fratrum de ſtatuto imminui. Inter verus & novum centum & viginti carratæ vini Eccleſiæ illo anno provenerunt. In hoſpitibus & plurimum Monachis & regularibus Canonicis multa expendebat, quippe quibus & janua & menſa ejus ſemper patebat. Magni & etiam majores de Eccleſia S. Lamberti, qui propter Alexandrum adhuc erant extra Leodium, magnum apud eum frequenter habebant refugium, nunquam tamen egebat, quin magis ſemper abundabat; diligebatur à familia Eccleſiæ valde, eo quod tractabat eam honorificè, & Theutonicorum diſciplinato more. Cum Iudæis frequenter lene habebat colloquium, non diſceprando neque exprobrando, ſed duritiam cordis eorum palpatu & fricatione qua opus erat emolliendo. Quamobrem ita amabatur ab eis, ut etiam mulieres eorum irent videre eum & alloqui.

f. \*depositi  
aut quid  
simile.

Fluctuabat adhuc graviter Leodiensis Ecclesia, nec certam spem \*designati rancoris habebat. Frater Ducis Godefridi Lovanii ADELBERO primicerius Metis jam nunc multis erat in ore & Iudæis; rumor & opinio de ipso magis accrescebat. Porro sub eo spatio temporis causa Imperatoris adeò cum Apostolico in pacem & concordiam rediit, ut cum Imperator à prædicta excommunicatione absolveretur, ALEXANDER inolita sibi prurigine necdum deposita, sed lividis hydræ capitibus circa præcordia ejus anhelantibus, limas aureas atque argenteas præparat, quibus avarorum manus & animos ad satisfaciendum ambitioni suæ acuat. Lenitus esset ei talibus instrumentis asper ei prius animus Episcopi Colonienfis Frederici, sed Rodulfus Abbas tunc S. Pantaleonis, cum auxilio Decani majoris domini Egeberti, & eorum qui erant de parte defuncti, spem vanam ambitiosi hominis prorsus exinanivit.

Itaque Alexander ubi sæpius experitur conatus suos frustrari, cœpta vel dissimulat vel omittit. Fit tandem de ALBERONE Leodii assensus, Imperatori præsentatur, dono Episcopali à manu ejus investitur, Coloniam consecrandus ducitur. Exhibent se ibi Fratres nostri Cœnobii videlicet S. Trudonis, Abbatemque suum repetunt auxilio Ecclesiæ Leodiensis. Advenerat quoque pro eo repetendo STEPHANUS dominus noster Metensis Episcopus. Grandis erat inter eos pro eo decertatio. Alii ut utrasque Abbatias haberet, alii ut illam S. Pantaleonis retineret. Neutrum illi placebat, animus ejus ad primam sponsam redire intendebat. Res eò processit, ut adhuc investitus S. Pantaleonis Abbatia ad nostram honorificè rediret, & liberè reinvestitus eâ de qua injustè exturbatus fuerat, atque securè possidens, deliberaret secum quid sibi meliùs esset: quod & ita factum est. Sacrato Episcopo ADELBERONE, cum eo rediit Leodium, refo-cillatusque ibi pauculum introductus est in Abbatiam & Cœnobium nostrum per HENRICUM Archidiaconum,





## LIBER DVO DECIMVS.

**D**IES quibus extra Abbatiam fuit Abbas RODULFUS fuerunt duo anni & menses quinque, intra quos Advocatus noster GISLEBERTUS & filius ejus OTTO redditibus Abbatiae ad libitum suum abutebantur, neque solum eis, sed quae apud nos Episcopo quoque Metensi debentur: nec sacris etiam locis dignam exhibebat reverentiam, cum in cella Abbatis quasi in propria domo manens, novae nuptae suae commixtione juxta sacratae telluris parietes filius non abstineret. Reverso autem Abbate post dies aliquot Pentecostes, atque cum occurfu longè à villa multorum hominum & majori gloria cum processione suscepto quàm contumelià exivisset, Advocatus & filius ejus cella Abbatis abstinuerunt, & direptis sibi quaecumq; tunc poterant, futuris redditibus renunciaverunt. Ira tamen eorum & indignatio & odium adversum Abbatem non erant pro hoc minorata, sed in occulto, ut ita dicam, ampliorata. Nam propter Episcopum Leodiensem Adelberonem qui eum diligebat & reverebatur, & de Colonia secum reduxerat, & ad locum nostrum remiserat, non erat quisquam eorum ausus, qui in manifesto ei adversaretur.

Itaque reversus multis modis dilapidatam invenit Ecclesiae substantiam, & debitis & usuris graviter oppressam. De eis ergo quae Deus ei foris dederat, & secum attulerat, & quotidie administrabat, communem Ecclesiae anxietatem maximè de debitis & usuris relevabat. Nec multum moratus, cellam quae juxta majorem turrim posita erat quasi leprosam habens exosam propter supradictorum cohabitationem, & quia vetustate corruptis atque fractis trabibus facili sumptu non poterat reparari fregit & funditus destruxit, juxta aliam quam ipse olim construxerat novam pro veteri construens congruam hospi-

tibus necessariis appendiciis, Capella quoque & viridariis, cujus lapides ad opus domus dormitorii extraxit, & fundamento unius parietis versus orientem jacto, extra terram aliquantulum anno illo eduxit. Habebat etiam & ob aliud exosam, quia apta fuerat olim recessibus profanorum qui de juncta illi sacra turre struxerant sibi bellicosum præsidium, quod & adhuc posse fieri sibi posterisque suis timebat. Pulsatus enim usque ad graves injurias & inimicitias per Advocatum Gislebertum aliquando fuerat, ut similiter in ea milites suos ponerent propter utriusque de villa securitatem, sicut cum eo fecerat Abbas Theodericus, & ante eum cum eodem Advocato oppidani suis vocibus, qua de re multa de ea turre evenerant mala, & in adjuncta & camminata perpetrata fuerant plurima flagitia. Ob hoc igitur eam fregit ut turris à modo minus apta esset seditiosorum munitioni, & domus Dei non profanaretur amplius ab eis.

Cumque aliquando solus ibi sederet, & ærumnas præteritosque labores suos recogitaret, atque in inquietudine qua manebat locum deffendi peccata sua se habere non videret, cœpit valde tristari & mœstus esse, & de fuga & linquenda sibi patria cogitare. O quotiens cupido licet mœrenti revolvebat animo, si fortè unquam liberè voci illi Domini ad Abraham posset obedire, *Egredere de terra tua & de cognatione tua*. Atque illud *Psal.* 12. 1. *mixta veraciter psallere: Elongavi fugiens & mansi in solitudine*. Intendebat ergo animum Romam ire, atque in itinere religiosorum virorum consilio quod intendebat si agendum esset peragere. Deinde ut perageret Apostolica firmari benedictione. Interea Alexander privatus & quietus sub Adelberone Episcopo timebat, honoribus contemptis quos prius possederat. Incidit & illi in mente ut Romam pergeret, & de perturbationibus quas in Ecclesia fecerat, ultra communem absolutionem quam acceperat singularem sibi à summi Pontificis gratia impetraret. HONORIUS post CALIXTUM tunc Romæ præsidebat. Prius verò reconciliati ipse & Abbas Rodulfus, peregrinationem suam per sanctum Ægidium aggressi sunt

simul cum omni dilectione & bono affectu : cūque emensis Alpibus intrassent Italiam , pervenerunt Hofsē, quæ Senis-villa dicitur alio nomine , una de nobilioribus civitatibus Tusciæ , ubi cū pernoctassent , mane egressi , inciderunt in prædones circa meridiem , & captivi abducti per devia perdidērunt omnia suæ peregrinationi necessaria. Vix tandem post magnum laborem , post multum timorem cum parvissimis sumptibus equos receperunt. Neque tamen à peregrinatione destiterunt.

Itaque Romam pervenientes cū minùs consolationis & compassionis quàm sperarant, tam secundum Deum quàm secundum homines invenirent, ad sanctorum Apostolorum limina , & aliorum multorum Sanctorum suffragia devotè se contulerunt satisfaciētes votis suis lacrymis & precibus , prout erat unusquisque sibi conscius. Vbi cū per aliquot dies morarentur , & de Apostolico & de his qui circa eum erant viderent & intelligerent quæ dicta sibi domi credere non vellent , in diversas animi partes ferebantur, plurimùm Rodulfus Abbas qui sibi bene conscius erat, pro quo terram egressus fuerat. Cūque vigilans nocte aliquando jaceret , & die in Ecclesiis solus Romæ resideret , diligenti cura & sollicito retractabat animo , quæ peregrinationis suæ fuisset intentio , & de ea revelata religiosiis viris quid in itinere didicisset ab eis. Sollicitabat etiam eum hoc non parum ad ea quæ cogitaverat si essent explenda , cuncta ei jam surrepta fuerant necessaria. Præterea terram ad quam ulteriùs disposuerat peregrinari , audiebat pollutam esse inveterata hæresi de Corpore & Sanguine Domini, sed & de consilio animæ suæ , & eorum qui sibi fuerant commissi nihil aliud audierat à religiosiis viris , nisi quod domi didicerat ex ecclesiastica disciplina & libris communibus tam nobis quàm illis. Super hoc accreverat ei passio jamdudum in clune quam Physici solent ciaticam appellare , ea cū gressum ei perstringeret, equitare etiam sine continuo cruciātu non sinebat.

Talibus à proposito revocatus necessitatibus , salutatis

Sanctorum patrociniis & Apostolorum osculatis liminibus, acceptaque apostolica benedictione, intendebat cum prædicto socio repatriare. Cùmque ad supradictam urbem Hofs redissent, omnia quæ sublata eis fuerant à prædonibus præter spem invenerunt sibi recollecta à suis hospitibus, & à cunctis urbis civibus. Magnum Dei & occultum iudicium, ut Romam pervenirent pauperes & domum redirent divites. Quid moror? per multas animi tribulationes, per multas corporis passiones, per exitiabilia Montis - Iovis pericula recepit eos tandem civitas Basilea. Alexander inde remeavit eques per Burgundiam, Rodulfus naufragoso navigio usque prope Coloniā, quoniam propter supradictam passionem ferre non poterat iuges equitationes.

Adelbero  
Leod. Epif.  
vita fun-  
ctus.

Alexander  
bis expul-  
sus sedem  
occupare  
nititur.

Paulo post ADELBERO Leodienſis Episcopus in pace requievit; vir simplex & rectus, lenis, pudicus, sine avaritia, bonis moribus, nobilior nobilibus: statim malè sanata cicatrix veteris morbi ALEXANDRI, bis prius effracta, tertio jam erupit, & ad Episcopatum anhelans ut lupus ad dilapsam sibi prædam, omnem pudorem Dei-que timorem postponere cœpit: sed quid melius tacenda quam maledicenda in auribus hominum proferre volumus? affecutus est quod voluit. Quomodo? Sicut Deus novit. Gladebach Cœnobia sancti Viti consecrationis ejus dies fuit; res mira ab Archiepiscopo Coloniensi FREDERICO, qui tanta in eum egerat antea, ab illo imbutus antiquis vitiis avaritiæ subtrahere se non poterat à servitio idololatriæ per excercitium simoniæ; quapropter à suis Clericis agitur ante Apostolicum HONORIUM Romam est invitatus. Tunc illi visum fuit utile Abbatem Rodulfum secum posse ducere. Abbas non recusat, neque tam propter eum quantum propter insitum ei adhuc prioris peregrinationis suæ desiderium imperfectum. Hyemalis tota fuit hæc profectio, atque idcirco vixque tolerabilis corpori humano. Itum tamen est. Romæ positus soporato nocte Abbati à furibus, & ut dicebant vicini, à proprio hospite ablatum est ei quod paraverat ad peregrinandum suæ antiquæ & novæ voluntati.

Decidit igitur ibi prorsus ab iterata intentione quam secundum quod poterat conjicere putabat voluntatem Dei non esse.

Alexander infuso sibi ab Apostolico Honorio vino salubris increpationis & oleo paternæ commonitionis, domum cum Abbate Rodulfo repatriat, quem in omnibus postea reveretur & honorat. In reditu autem suo Nativitatem Domini Placentiæ celebraverunt, & incrementibus hyemalibus periculis Augustam civitatem transeuntes ad villulam, quæ est in pede Montis-Iovis, quæ vocatur Restopolis cum difficultate morti proxima pervenerunt, ubi nec ante ire valentes, nec retrò propter altissimos nivium aggeres, Octavam Domini egerunt; & post aliquot dies præmonstrata eis à præducibus maronibus difficillima via, ( marones enim appellantur viarum præmonstratores ) subactis duobus miliariis Teutonicis ad S. Remigii villulam in ipso Iovis-Monte pervenerunt. In quo loco tanquam in mortis faucibus coagulati manebant nocte & die sub periculo mortis & angustia: villula tota completa erat peregrinorum multitudine, ex altissimis & scopulosis rupibus ruebant frequenter intolerabiles omni opposito nivium aggeres, ita ut aliis jam collocatis, aliis adhuc supersedentibus mensis domos juxta eos prorsus obruerent, & inventos in eis quosdam suffocarent, quosdam contritos inutiles redderent.

Sub hac jugi morte aliquot dies in infausta villula illa fecerunt. Tunc sponte applicantes se peregrinis montis marones gravem indicunt eis mercedem ut tentatam viam aperirent, pedites peregrini eos sequerentur, equi postillos; sicque trita via planaretur dominis, qui delicatiores retrò venirent. Itaque marones capitibus propter nivium frigus filtro pileatis, manibus villosè chirothecatis, pedibus coturnis munitis atque subtus à planta ferreis aculeis propter lubricam glaciem armatis; hastas longas ad palpandam sub alta nive viam in manibus ferentes solitam audenter ingressi sunt viam: summum mane erat atque cum summo timore & tremore sancta mysteria peregrini celebrantes atque fumentes, ad instantis

mortis ingressum se præparabant. Certabant, quis eorum prior Sacerdoti confessionem suam dare posset, & cum unus eis non sufficeret, passim per Ecclesiam invicem sua peccata confitebantur. Cùmque hæc in Ecclesia cum summa devotione agerentur, percipuit per plateam luctuosissimus luctus, nam marones per ordinem de villa egressos, subito lapsus rupibus instar montis densissimus nivis globus decem involvit, & usque ad inferni lacum visus est extulisse. Quibus hujus infausti mysterii aliqui conscii fuerant, præcipiti cursu ad hunc homicidam lacum velocissimè ruerant, & effos marones alios exanimis in contis referebant, alios semivivos, alios contritis ossibus in manibus trahebant: illa maritum illa fratrem, ille & ille illum & illum se amisisse clamitabant. Tam horribili occurso peregrini exeuntes de Ecclesia exterriti paululùm hæsitaverunt, & idem timentes sibi futurum, quantociùs Restopolim refugerunt, de difficultate viæ nulla ut priùs quæstio, plana videbatur eis, pro effugiendo mortis periculo ibi acta Epiphania Domini, & expectato sereno aëre conductis maronibus mortiferam vilulam repetunt, & timore mortis pedibus velocitatè præbente, die illa usque ad medium montis modò reptando modò ruendo vix tandem perveniunt. Sequenti die recepto aliquantulum spiritu profana Iovis sacra effugiunt, & ad patrium solum tendentes sine gravi difficultate perveniunt, sed Abbas non ita. Nam cùm propter asperitatem hyemis & difficultatem itineris, tum propter incommoditatem corporis contractis dictis lento vestigio esse eos subsecutus, sed usque ad Primam non assecutus. Quapropter cùm parvo comitatu pertransisset Bisuntium civitatem metropolitanam Burgundiæ, à maligno tyranno exceptus est insidiis altera die, atque per nigosa & saluosa devia fatigabiliter deductus & distractus tribus diebus, demum spoliatus necessariis, in itinere permissus est abire.

Iam igitur Roma secundò reversus, modicùmque ab itineris vexatione recreatus, necdum tamen requiescebat à priori desiderio, si fortè requiem quam extra patriam quæsierat



quæfierat nec invenerat, in propria invenire valeret. Sed manus Domini antea super nos extenta, & necdum abbreviata, adjecit adhuc per solitum Angelum iræ suæ ministrum percutere locum nostrum, & commonescere prævaricatores redire ad cor suum. Advocatum enim nostrum Comitem GISLEBERTUM & filium ejus OTTONEM . . . . . \* malo repleti permisit, & in omne quod erat *f. spiritum.* contra jus & contra fas ad deprimendam Ecclesiæ familiam irrevocabiliter suscitavit. Commotus humiliter ab Abbate Rodulfo, increpatus frequenter à Lemburgensi Duce domino suo GUALERANNO, proclamante super eum domino nostro Metensi Episcopo STEPHANO pro pertinacia, pro contumacia abjudicatus est tandem legitimo judicio ab advocatia: & quia erat homo pertinacis animi & non multi consilii, contigit ei sub eisdem diebus culpis suis exigentibus, ut Comitatus & beneficium quæ habebat de Leodiensi Episcopatu, proclamante Episcopo Alexandro à paribus ei abjudicaretur. Quid faceret? vires quibus supradictis dominis resisteret non habebat, animositas eum quiescere non sinebat, seditionem movit in regno, scandalum in populo; contulit ergo se ad Exducem Lovaniensem GODEFRIDUM, regni & Imperatoris inimicum propter Ducatum qui abjudicatus fuerat illi & datus Gualeranno Lemburgensi Comiti Advocato nostro majori. Calamitas hujus dissensionis ex majori parte Ecclesiæ nostræ incubuit. Quæcumque ex nostris subjacebant Advocato & Exduci aut cremata, aut vastata aut servientia erant illi & suis, quantò erant nobis viciniore tantò & infestiores. Solum restabat nobis oppidum & Cœnobium, in quibus non audebant adhuc profanas ponere manus. Erat autem Advocati permaxima intentio, ut quia sine omni munitione erat oppidum nostrum, vires suas & Lovaniensium in ipsum introduceret, & oppidanos hospitii dissipatione gravatos postremò captivos abduceret. Sed providentia Abbatis malignitatem ejus prudenti consilio avertit. Egit enim apud dominum suum Metensem Episcopum Stephanum, quòd Alexander Episcopus Leodiensis nostram Abbatiam & oppidum sub-

patrocinio suo suscepit. Iuraveruntque sibi invicem fidem, consilium & auxilium Episcopales & oppidani: quâ fiducia renovare coeperunt fossati verustatem, firmaveruntque qualem in plano terra nostra nunquam habuit munitionem.

Quamobrem crescebat vehementissimè in majus & majus malum dissensio, hinc furente Lovaniensi Exduce, hinc Comite Gisleberto. Monachorum & Clericorū substantiis tam in villis quàm in Ecclesiis nunquam parcebant; omnem sexum, omnem ætatem, omnem ordinem captivantes, diris cruciatibus usque ad mortem pro redemptione examinabant. His aliisque culpis exigentibus excommunicatus Lovaniensis Exdux & Comes Gislebertus cum suis omnibus.

Obsidetur post hæc Durachium ab Episcopo Leodiensi ALEXANDRO & Duce Lemburgense GUALERANNO: ad quod liberandum movit exercitum Lovaniensis dominus GODEFRIDUS, & cum eo Flandrensis Comes THEODERICUS. Durum commissum est prælium, ante ipsum pugnatum est acriter: Victi fugerunt Lovaniensis & Flandrensis Comites. Ceciderunt in isto prælio, ex hostibus plusquàm quadringenti homines. Rediit circa castellum obsidio. Sed diu teneri non potuit propter instantem messem in Augusto. Soluta est ergo: sed tyrannorum permansit dissolutio in igne & gladio. Sub tali calamitate & angustia licet de victu & vestitu multum attenuata esset Fratrum substantia, ut pote qui tribus annis subjacuerant hujusmodi passioni, tamen ob hoc nec disciplina eorum tepuit nec numerus decrevit.

Cum autem complacuit ei in cujus manu sunt omnium potestates & omnia jura regnorum, & qui conturbat profundum maris & mitigat cum voluerit, dixit *Angelo percutienti, cesset jam manus tua, ut non desoleatur terra*, & statim facta est tranquillitas magna: nam Lovaniensis & Durachiensis domini, & qui cum eis erant excommunicati Leodium venerunt, & Ecclesiasticam facientes satisfactionem absolutionem acceperunt, & emendationem promiserunt. Itaque cessavit terra à bellis: jamque

2. Reg. 24.  
16.

facta secunda crematione & vastatione Abbatiae nostrae à Lovaniense Principe, prima propter Advocatum nostrum Comitem GISLEBERTUM, tunc ei adversantem propter Imperatorem HENRICUM quartum: secunda vero nihilominus propter ipsum nobis adversantem & ei confederatum<sup>1</sup>; maxima sollicitudo incumberebat nobis de reparandis Ecclesiis nostris combustis, molendinis, villis dominicalibus, sicut vulneratis in bello de curandis domi eorum vulneribus; inter quae maxima & continua mala intolerabiliter afficiebatur Abbas RODULFUS cum animi vexatione tum corporis pro ciatica passione, quae ita ei totum clunem occupaverat, ut equo aut pede modicum valeret progredi. Itaque infirmitati suae commodam & religiosè vivere volenti congruam edificavit sibi cellulam versus aquilonariam partem, juxta occidentalem Monasterii absidem aperientem ostium in oratorium cryptae choroque vicinum, votoque ei fuerat altare consecrare in honore sanctae MARIAE Matris Domini nostri Iesu Christi & sancti Basilii Episcopi; quia beata Dei Genitrix semperque virgo Domina nostra MARIA nullum speciale Oratorium habebat in nostra Ecclesia. Sed medicinalis manus Domini quae ab antiquo non consuevit corpus Ecclesiae nostrae absque vexatione relinquere, adjecit quoque ad caput nostrum se misericorditer apponere, & passionem ciaticam transfudit in paralyticam.

Mense Martio ordinationis suae anno xxv. xv. Calendas Aprilis feria vi. diebus sanctae Quadragesimae sedebat Abbas Rodulfus ad mensam cum Fratribus in Refectorio, ea ipsa die dederat Fratribus generale<sup>2</sup> de pisce solvens abstinentiam pro humana compassione; ubi inter prandium allatae sunt ei palustres anguillae veru assatae, atque subinde majores aliae herbis primogenitis in pulmento confectae, de quibus cum comedisset, & aviditatem sentiens abjecisset, apposuit manum ad poma quae erant in cypho ante eum vino infusa, quibus ad modicum gustatis statim sinistra manus coepit ei quasi plumbum aggravari, & momentaneis viribus interdum levare, angulus quoque labiorum in eadem parte quasi emori, & lin-

*Id est, \*portionem, siue, ferculum.*

qua minùs solita facilitate uti. Territus valde, tamen lectionis finem non fecit, sed peracto prandio cum Fratribus gratias peragens, ad occidentalem cellam sine aliquo dolore, sed cum multo timore declinavit pro eo quod acciderat ei. Ibi cum suis familiaribus conferens de eo quod contigerat ei in refectorio, gratias Deo agebat, qui se evasisse cum non evasisset, putabat. Nam post collationes Fratrum sensit paulatim obstupescere crus sinistrum ita ut sine adminiculo non fuisset ausus ire ad lectum: circa mediam noctem cum evigilasset, omni officio cruris, & sinistri brachii privatus est inventus. Cumque de officio linguæ & sensus integritate vehementer pavitaret, Fratrum orationibus devotissimè se commendabat, ut ei linguam ad confitendum & sensum ad recognoscendum Deus ei conservaret: quod & Dei clementia ei concessit. Eodem anno circa autumnum dolori huic paterna manus eum corripuens tantum languorem adiecit, ut à medicis desperaretur, & vix figmentum hominis prætereundum videretur, & ut ipse inferre solebat, nocte festivitatis sancti Michaëlis tanta passione attritus fuit, quasi qui Angelorum aspectum peccando offenderat, si Angelicis verberibus puniretur.

Postquam de illa infirmitate vix evasit, & de paralyssi tantū meliorari cœpit ut bacillo inixus ambulare utcunque valeret, & Conventum Fratrum, Chorum, Capitulum interdum intrare, studiosissimè admonebat Fratres de observanda religione, de avertenda ab eis iræ Dei indignatione, fecit & sibi basternam fieri, qua ad usus Ecclesiæ quo vellet commodè valeret provehi, apposuit animum & studium ad informandum de muro claustrum, & sequenti anno aperiens turrim ante Conventum de parvo priùs fecit arcum, ut nunc apparet, magnum mutans templi introitum ad dexteram manum, & in obturato priori introitu faciens depingi sanctæ Dei genitricis imaginem, ut haberet ab introeuntibus & exeuntibus dignam venerationem. Perduxit etiam murum dormitorii ad trabes ex utraque parte, & murum Refectorii ex una vicinum coquinæ muro, & signato exitu de Claustro Capi-

tulum quoque ordinavit tribus parietibus, juxta quartum templi habens arcum ad introeundum, & duas fenestras ad illuminandum cum arcuatis columnis: murum Claustrum super quem stare debet columna, ab uno capite Conventus usque ad aliud in circuitu ab alto fundamento usque ad ponendas columnas evexit; pilariisque per circuitum erectis, locum columnarum distantium signavit, atque simul locum quem ad lavandas manus debet habere Conventus Fratrum. Iamque ex parte trabes excisæ jacebant in silva, quibus dormitorii desuper & officinarum deorsum compaginaret structuram. Cùmque ad hanc Abbas sollicitaret officiatos, & sollicitarentur à Fratribus, suscitavit Deus nescio quota vice super nos Angelum sathanæ, & ut operis impedimento nos contristaret, & substantiæ detrimento nostra peccata puniret; adhuc enim manus ejus extensa super nos, & ira non erat aversa, provenientia sub hac occasione.

Est genus mercenariorum, quorum officium est ex lino & lana texere telas, hoc procax & superbum super alios mercenarios vulgo reputatur, ad quorum procacitatem & superbiam humiliandam & propriam injuriam de eis ulciscendam, pauper quidam rusticus ex villa nomine Inda hanc diabolicam excogitavit technam. Accepta à Iudicibus fiducia, & à levibus hominibus auxilio qui gaudent jocis & novitatibus, in proxima silva navim composuit, & eam rotis suppositis affigens, vehibilem super terram effecit, obtinuit quoque à potestatibus, ut injectis funibus textorum humeris ex Inda Aquisgranum traheretur aquis, suscepta cum utriusque sexus grandi hominum processione: nihilominus à textoribus Trajectum est provecta, ibi emendata, malo veloque insignita Tungris est inducta, de Tungris Los. Audiens Abbas Rodulfus navim illam infausto omine compactam, malaque solutam alite cum hujusmodi gentilitatis studio nostro oppido adventare, præfago spiritu hominibus prædicabat, ut ejus susceptione abstinerent, quia maligni spiritus sub hac ludificatione in ea traherentur, in proximoque seditio per eam moveretur, unde cædes, incendia, rapinæque

fierent, & humanus sanguis multus funderetur: quem ista declamantem omnibus diebus, quibus malignorum spirituum illud simulacrum loci morabatur, oppidani nostri audire noluerunt, sed eo studio & gaudio excipientes quo perituri Trojani fatalem equum in medio fori sui dedicaverunt, statimque proscriptionis sententiam accipiunt villæ textores, qui ad profanas hujus simulacri excubias venirent tardiores. Pape! quis vidit unquam tantam (ut ita liceat latinisare) in rationalibus animalibus brutitatem? Quis tantam in renatis in Christo gentilitatem? Cogebant sententiâ proscriptionis textores, nocte & die navim stipare omni armaturæ genere, sollicitasque ei excubias nocte & die continuare. Mirumque fuit, quod non cogebant eos ante navim Neptuno hostias immolare, de cujus naves esse solent regione, sed Neptunus eas Marti reservabat, cui de humanis carnibus fieri volebat, quod postea multipliciter factum est.

Textores interim occulto sed præcordialigemitu Deum justum judicem super eos vindicem invocabant, qui ad hanc ignominiâ eos detrudebât, cum juxta rectam vitam antiquorû Christianorum & Apostolicorû virorum manuum suarû laboribus viveret, nocte & die operantes unde alerentur & vestirentur, liberisq; suis id ipsum provideret. Quærebant & conquerebantur ad invicem lacrymabiliter unde illis magis quam aliis mercenariis hæc ignominia, & vis contumeliosa, cum inter Christianos alia plura essent officia suo multum aspernabiliora, cum tamen nullû dicerent aspernabile de quo Christianus posset se sine peccato conducere, illudque solum esset virabile & ignobile quod immunditiam peccati contraheret animæ, meliorque sit rusticus textor & pauper, quam exactor orphanorum & spoliator viduarum urbanus & nobilis judex. Cùmque hæc & eorum similia secum, ut dixi, lacrymabiliter conquererentur, concrepabant ante illud nescio ejus potius dicam Bacchi an Veneris, Neptuni sive Martis, sed ut verius dicam, ante omnium malignorum spirituum execrabile domicilium, genera diversorum musicorum, turpia cantica & religioni Christianæ indi-

gna concinentium. Sancitum quoque erat à Iudicibus, ut præter textores, quicumque ad tactum navi appropinquarent, pignus de collo eorum ereptum textoribus relinquerent, nisi se ad libitum redimerent. Sed quid faciam? loquárne an sileam? utinam spiritus mendacii stillaret de labiis meis: sub fugitiva adhuc luce diei imminente luna matronarum catervæ abjecto femineo pudore audientes strepitum hujus vanitatis, sparsis capillis de stratis suis exiliebant, aliæ seminudæ, aliæ simplici tantum clamide circumdatæ, chorósque ducentibus circa navim impudenter irrumpendo se admiscebant. Videres ibi aliquando mille hominum animas sexus utriusque prodigiosum & infaustum celeusma usque ad noctis medium celebrare. Quando verò execrabilis illa chorea rumpebatur, emissio ingenti clamore vocum inconditarum sexus uterque hac illacque bacchando ferebatur; quæ tunc videres agere, nostrum est tacere & deflere, quibus modò contingit graviter luere. Istis tam nefandis factis plusquam duodecim diebus supradicto ritu celebratis conferebant simul oppidani quid agerent amodò de deducenda scilicet navi.

Qui sanioris erant consilii, & qui eam suscepam fuisse dolebant, timentes Deum pro his quæ facta viderant & audierant, & sibi pro his futura conjiciebant, hortabantur ut comburatur, aut isto vel illo modo de medio tolleretur; sed stulta quorundam cæcitas huic salubri consilio contumeliosè renitebatur. Nam maligni spiritus qui in ea ferebantur disseminaverant in populo, quod locus ille inhabitantes probroso nomine amplius notaretur, apud quos remansisse inveniretur. Deducendam igitur eam ad villam quæ juxta nos est Leugues decreverunt. Interea Lovaniensis dominus audiens de dæmonioso navis illius ridiculo, instructusque à religiosiis viris terræ suæ de illo vitando & terræ suæ arcendo monstro, gratiam suam & amicitiam suam mandat oppidanis nostris, commonefaciens eos humiliter, ut pacem illam, quæ inter illos & se erat reformata & sacramentis confirmata, non

infringerent, & inde præcipuè illud diaboli ludibrium viciniae suæ inferrent: quòd si ludum esse dicerent, quærerent alium, cum quo inde luderent. Quòd si ultra hoc mandatum committerent, pacem prædictam in eum infringerent, & ipse vindictam in eos ferro & igne exequeretur. Idipsum mandaverat Durachiensibus dominis qui & homines ejus fuerant manuatim, & interpositis sacramentis & obsidibus datis sibi confederati. Hoc cum jam tertio fecisset, spretus est tam ab oppidanis nostris quàm Durachiensibus dominis. Nam propter peccata inhabitantium volebat Dominus mittere super locum nostrum ignem & arma Lovaniensium. Ad hanc igitur plebeiam fatuitatem adjunxit se Comes GISLEBERTUS contra generis sui nobilitatem, trahendâmq; decrevit navem illam terream usque Leugues ultra Durachiensem villam, quod & fecit malo nostro omine cum omni oppidanorum nostrorum multitudine & ingenti debacchantium vociferatione, Leuguenses oppidanis nostris prudentiores, & Lovaniensis domini mandatis obsequentes portas suas clausurunt, & infausti ominis monstrum intrare non permiserunt.

Lovaniensis autem dominus precum suarum & mandatorum contemptum nolens esse inultum, diem constituit Comitibus tanquam suis hominibus, qui neque ad primum neque ad secundum, sed nec ad tertium venire voluerunt. Eduxit ergo contra eos & contra nos multorum multitudinis exercitum armatorum tam peditum quàm militum. Nostro igitur oppido seposito tanquam firmius munito, & bellicosorum hominum pleno, primum impetum in Durachienfes fecit, quibus viriliter resistentibus, castellum nescio quare cum posset non obsedit, sed inter Leugues & Durachium pernoctavit. Cùmque sequenti die exercitum applicare disponderet, & ex quatuor partibus assultum faceret, habebat enim ingentem multitudinem, supervenit ADELBERO Metensium Primicerius filiorum Lovaniensis domini avunculus, cujus interventu quia Comitissa Durachiensis erat soror ejus,



ejus, & Durachienſe erat caſtellum ſancti Lamberti, Lovanienſis dominus ab impugnatione ceſſavit, & ab obſidione ſe amovit, promiſſo ei quod Durachienſes paulo poſt ei ad juſtitiam ſuam educerentur, & cum iſta & alia de dominis & inter dominos tractarentur, pedites & milites per omnia noſtra circumjacentia ſe diffuderunt, villas noſtras, Eccleſias, molendina & quæcumque occurrebant combuſtioni & perditioni tradentes, recedentes verbò quæ longè à nobis fuerant prout cuique adjacebant inter ſe diviſerunt.

Vaſtata eſt tempore illo Abbatia, & direpta omnia Fratribus neceſſaria. Vaſtatio iſta fuit quarta, quas infra viginti ſex annos fecit Lovanienſis dominus. Prima propter Comitem GIſLEBERTUM diffidentem ab eo propter Imperatorem Henricum quartum; ſecunda cum eo propter ALEXANDRUM poſtea Leodiienſem Episcopum; tertia quando pugnatum eſt ante Durachium nihilominus propter ipſum; quarta quando inter eos eſt fœdus ruptum, propter terreſtris navis malignum adventum, dominus iſte grandis. Vaſtationes factæ ſunt propter Comitem Giſlebertum, aut per eum, aut cum eo, exceptis innumeris minutis quæ facere nunquam ceſſavit.

Iſto fere anno quid nobis per Abbatem RODULFUM acciderit neceſſarium ſciens fore poſteris noſtris, tenaci memoriæ ſcripto mandare curavi. Homo quidam HEZELO nomine defunctus Dapifer Abbatum ſub quibus conſenuerat. Hic dum adhuc viveret, & dominis ſuis placere familiari ſervitio ſciret, familiaritate & calliditate ſua effecit, quod de menſa Fratrum partem culturæ juxta oppidum noſtrum, & partes duas culturæ Viſtades necnon & molendinum de Coetim, quod ſolvit omni anno viginti quatuor modios ſuo feodo attraxit. Mortuus eſt tandem ſine liberis relicto uſufructuario ſuæ uxori, ſicut ei firmaverat ante Abbates & coram Paribus ſuis. Surrexit autem filius fratris ejus poſt eum ARNULFUS nomine, volens quod avunculus tenuerat juſtè & injuſtè feodali & hereditario jure poſſidere, patronum inde ha-

bebat Advocatum nostrum Comitem GISLEBERTUM & potentiores qui de Paribus habebantur. Longa inter hunc Arnulfum & Abbatem Rodulfum fuit decertatio. Ille Abbatem urgebat falsis sed verisimilibus conditionibus, & Advocati violentiâ, de cujus erat familia. Abbas qui erat satis legis peritus, excludebat eum legibus & veris assertionibus, non solum quæ avunculus occupaverat de mensa Fratrum, sed & à feodo quod possederat legitimum. Quid multa? res tandem eò processit, quod molendinum & culturam Arnulfus exstucavit, & adjudicatum ei coram Paribus fuit, & quod ad dapiferi ministerium pertinebat obtinuit. Molendinum verò & culturæ post mortem supradictæ uxoris nomine ENGELBERTÆ, judicata sunt ad mensam Fratrum redire. Molendinum eo tempore solvebat viginti quatuor modios annonæ commixtæ Leodiensis mensuræ, & modium frumenti & duos solidos. Acta sunt hæc solemniter publicè præsentente GISLEBERTO Advocato & Comite, & RODULFO Abbate, testibus Paribus Ecclesiæ ARNULFO & EVERALDO.



\*\*\*\*\*

## LIBER DECIMVSTERTIVS.

**D**ILIGENTIÛS igitur exarare volentes statutam antiquitûs præbendam Fratrum usque ad desolationem loci, propter Abbatum contentiones, & propter multimodas bellorum varietates, sic incipiamus. Mensæ Fratrum panis quotidianus quinque marcis Colonienfis ponderis appenditur, pulcher & albus, de spelta maximè & de excusso primæ farinæ flore effectus: puerorum panis quatuor marcis, sed ejusdem pulchritudinis. Portio cervisæ unicuique Fratrum, cervisæ inquam qualem nulla alia Cœnobîa habent, usque inter prandium & cœnam sextarius vinarius. Die dominica & feria tertia atque quinta inter tres Fratres sextarius vini; sabbatho ad mandatum inter quatuor: sed cùm venisset ad nos usus Cluniacensium qui multa sobrietate mandatum suum faciunt, sextam partem sextarii de vino in prandio accepimus, & de cetero more Cluniacensium mandatum explevimus. Juvenibus verò Fratribus nunquam dabatur vinum, nisi ab Abbate vel Priore eis dare præciperetur, & tunc quoque parciûs feriâ secundâ, feriâ quartâ, feriâ sextâ. Si talis eveniebat festivitas, nihilominus inter tres Fratres sextarius vini dabatur. Habebant etiam Fratres quotidie legumen diebus quibus comedebatur, confectum sagimine, similiter & olus tribus in hebdomada diebus. Ab Assumptione verò sanctæ MARIÆ quotidie usque *Circumdederunt me*\*, quando vaccina caro comedebatur pinguedine carnis olera abundè condiebantur. Sed & scutellæ tam leguminum quàm olerum magnæ & bene refertæ habebantur à festivitate sancti Remigii usque ad Octavas Pentecostes. Præpositus de Testebant inter duo leguminum videlicet & olerum fercula piscem quotidie dabat; scilicet aut magnos lucios, aut anchoram sive salmonem, vel halec recentia, de halec recentibus unicuique Fratrum quinque dabantur, de anchora\* tanta por-

\* Introitus  
Missæ in  
Dominica  
Septuagesimæ.

f.\* anchora  
ragine.

tio quanta palmæ hominis latitudo pollice juxta eam complicato. Portiones verò lucii & salmonis minores erant, quia carior est piscis & spissior. Quòd si alii pisces interveniebant, recta compensatio inde fiebat.

Quia verò jugis & antiqua querela semper erat de piscibus inter nos, qui de Testebant adducebantur, eo quòd nimis essent falsi, aut interdum putidi aut putridi, aliquando etiam quia nec qualescumque poterant propter hyemem inveniri, & unius rei quotidiano usu Fratres fastidio graviter afficiebantur, ordinaverunt Abbas THEODERICUS & Prior tunc temporis Rodulfus, ut fierent vicissitudines, scilicet aut daretur piscis cum posset inveniri, & sanus haberi, & cum non posset hoc fieri, comptaretur sive de frixis sagimine ovis, sive de artocreis, aliquando de caseo & ovis.

Præpositus de Hasbania quamdiu alius serviebat, coenam omni nocte dabat, scilicet quatuor ova unicuique Fratrum, aut dimidium caseum, seu poma vel alium fructum. Et illud non est obliviscendum, quia si infra istos dies sive intra totum annum dies jejuni eveniret, debitorum coenæ Præpositus de Hasbania non subtrahebat, sed prandentibus Fratribus dabat, quod concedi die illa poterat. Sed à festivitate sancti Remigii usque ad Octavas Pentecostes omnibus festivitibus quibus Fratres in albis erant, Præpositus Hasbania pro ferculo leguminis juscellum commutabat confectum vino, ovis & sagimine, dabatque unicuique Fratrum recentis piscis portionem bonam, atque similiter in artocreas quæ jure antiquo continere debent quinque ova & caseum. Nunquam propter hoc subtracta portione de Testebant. In nocte festivitatis sancti Remigii & sancti Trudonis idem ipse Præpositus dabat Fratribus ad coenam inter quatuor vini sextarium, etiam si contingeret eis ea ipsa die inter tres habere ad prandium. Die festivitatis sancti Remigii, & die festivitatis sancti Trudonis cum quotidiano Fratrum pane dabatur inter duos simila appendens quatuor marcas, & primum ferculum in mensa erat, quæ vocari potest carpeia de sicco pisce, eo quòd minutatum car

peretur, & minutatum cum ovis concisis cum pipere  
 superaspergeretur. Secundum ferculum idem Hasba-  
 niensis Præpositus de salmonerecenti aqua cocto & pi-  
 perato. Tertium ferculum de eodem genere affatum,  
 & nihilominus piperatum interea & alios affatos pisces  
 qui afferebantur de Mosa, quos poeticâ licentiâ vocare  
 possumus roceas & bardos. Præterea inter duos & duos  
 Fratres piscantias partim de lucis fæstis, partim de dor-  
 sis salmonum, & ovis eorum piperatis, postremò arto-  
 creas. Quid multa? multorum piscium multa erat copia.

Cùmque sic per intervalla festivitatum cum Præpo-  
 sito de Testebant Præpositus Hasbanienfis serviret,  
 tamen omni tempore minutis Fratribus quatuor ova  
 ad jentacula procurabat, & quatuor ad coenam, &  
 carnes in infirmaria, si tamen in curti erant aut in larda-  
 rio inde sumebant quantum expediebat: ab Octavis  
 Pentecostes usque ad festivitatem sancti Remigii Præ-  
 positus de Testebant cessabat, & Præpositus Hasba-  
 niensis omni die serviebat. Die Dominica, & secunda  
 feria & quarta & sexta dabantur scutellæ refertæ bonis  
 piscibus unicuique Fratrum, quantum aliàs inter tres  
 aut duos divideretur.

Frequentissimè magnæ portiones strutionum tempo-  
 re quo lampadæ\* in usu sunt inter duos una, sed & crassius f. \* lampe-  
 piscis quæ balena dicitur frequenter abundè ministraba- tra, mura-  
 tur. Tertia feria, sexta & sabbatho supradicti temporis in- na.  
 tervallo inter legumen & olus ad prandium unicuique  
 Fratrum quinque ova & dimidijs caseus dabatur, ad coe-  
 nam quatuor ova aut dimidijs caseus, & propter hoc mi-  
 nutis diebus de supradictis ovis nihil subtrahebatur. Ipsi  
 quoque minuti quartam partem sextarii vini tribus die-  
 bus pro minutione sua accipiebant, quamvis aliqui die-  
 rum illorum de communî justitia tertiam partem habe-  
 rent ad prandium. Diebus Rogationum habebant Fra-  
 tres ad mensam unusquisque placentam cum portione sui  
 piscis. Die palmarum commutabatur legumen pro faba  
 trita, & in Coena Domini similiter & in sabbatho sancto,  
 quatuor diebus Nativitatis Domini Paschæ & Penteco-

stes ad prandium duas portiones piscis, unam de Testebant, aliam de Hasbania, & ad coenam prima die placentam cum brachiolo, minorem tamen quam in diebus Rogationum. A Pascha usque ad Octavas Pentecostes omnibus diebus quibus Fratres sunt in albis dabat Praepositus Hasbanienſis juscellum & portionem piscis cum illa de Testebant, & tanacetum quod quinque ovis conficiebatur, aut pro tanaceto porratam bene ovis & sagimine confectam: ab Octava Pentecostes in antea eo loco artocreas.

Panis qui dabatur ad cellam Abbatis in ea famulantibus & in curti servantibus, & omnibus supervenientibus hospitibus de communi accipiebatur in cellerario Fratrum, similiter cervisia & vinum per manus villici qui erat super curtim: pabulum & cibarium equorum distribuebat Mariscalcus de horreo & granario, tam domesticis quam hospitibus: nam Cellerarius Fratrum ea tantum accipiebat & dispensabat quae Fratrum erant. De annona verò & de cervisia & de vino nihil habebat Abbas singulare praeter censum quarundam villularum & Ecclesiarum & molendinorum. De eo procurabat mensa suae in cella & obsequentibus sibi, & hospitibus tam parvis, quam magnis, & tria servitia in anno Episcopo Metensi, quorum redemptio sex marcae, & ea quae pertinent ad restauranda Clauſtri aedificia.

Habebant Fratres ad vestimenta sua singuli in anno singulas pelliceas novas, duas stamineas novas, coturnos novos, quatuor calceos novos, nocturnales & diurnales, & portionem magnam unde ungebantur; & inter duas vires octo pedules; cucullam & tunicam, brachas & caligas, & cetera quoties & quando indigebant. Haec & alia quae supradiximus unde venirent villae erant quae hinc nominabimus.

In Testebant, in villa Alburch ea quae habere videmur cum Ecclesia & appendiciis villicationis illius, in villa de Pelte, &c.\*

\* Sic in  
Mss. apogra-  
pho.

Idcirco quoque à nostris antiquioribus cum pace & opulentia & religione Ecclesia nostra floreret, quod Elte

villa magna & Ecclesia ejus nostra fuisset, quæ non longè à Trajecto super Mosam posita est. Fructus verò altaris ad sepulcrum beati Trudonis per multa tempora tantus erat & quotidianus, quòd, si nihil esset aliud, solus sufficere posset torius Ecclesiæ necessitatibus, qua fiducia præsumptuosa Abbatum temeritas & temeraria præsumptio multa detraxit de substantia Fratrum beneficiando, & de custodia quidquid pertinebat ad Monasterii limitem\* & ædificium. Similiter censum & prædium\* quod pro defunctis dabatur, vel datum erat ad eleēmosynam f. \* utilitatem. Fratrum beneficiabant suis ad libitum. Quo tempore eleēmosyna pauperum ita annihilata fuit, quod ad eam pertinuisset quòd nec in memoria relictum sit. Sed & in præpositura de Testebant octo Capellas per negligentiam Abbatum Ecclesia nostra perdidit, quæ serviebant Fratrum stipendiis. Accrescentibus verò malis per contentiones Abbatum & inquierudines Monachorum, multa de præbenda Fratrum per negligentiam deperierunt, multa in beneficiis data sunt, multa à villicis usurpata per mendacium.

Præterea damnum grande & irrecoverabile increvit istis diebus Ecclesiæ; nam familia ejus, quæ multum imminuta est hodie propter oppressiones Advocatorum, & turbines bellorum, ampla quòdam erat valde & diffusa longè latèque, cujus plurima pars vivebat sub hac lege. Masculus duodecim denarios solvebat singulis annis de censu sui capitis, femina sex; quidam alius legis duos denarios, quidam quatuor. Masculus istarum conditionum quocumque moreretur sive sub nostro jure sive sub alieno, si necdum conjugatus erat, debebat Ecclesiæ quasi suæ heredi quidquid in omni substantia supererat ei; si fuerat conjugatus, & non cum sua compare, hoc est quæ non esset ancilla nostræ Ecclesiæ debebat dimidium suæ substantiæ: similiter & femina, excepto quòd de quocumque conjuge essent ei liberi, non dabat Ecclesiæ, nisi quod melius videbatur habere in omni sua mobili re. Masculus si esset cum sua compare conjugatus, dabat de suis vestimentis quod erat melius: quod si haberet censualem

terram & servilem, de terra dabat Præpositis ad curtim bovem, & de capite suo vel alium, vel rem quam habebat meliorem. Ita quoque fiebat si parefridi superessent. Fructus iste copiosus & valde commodus fuerat olim Præpositis & Abbati nostræ Ecclesiæ, antequàm propter bellorum inundationes & Advocatorum infestationes, & villicorum infidelitates, & nostra exulando minuere-  
tur familia, & remanentium attenuaretur substantia. Magistris verò censûs capitum partim consentientibus, partim exhortantibus propter uxores quas de hujus legis conditione duxerant, ad hoc paulatim quidam proruperunt, & innumerabiles in hoc ipsum protraxerunt, quod censum duodecim denariorum ad unum protrahere volunt, & cetera debita eorum ad duodecim post mortem ipsorum. Sed & ubicumque in aliena moriantur justitia præter duodecim-denarios omnia nobis negantur debita. Qui autem confitentur & solvere se velle dicunt debita, communicato cum villicis fraudis suæ & dolositatis commento, post mortem alicujus vestem aliquam prætendunt villissimam & discissam, aut ovem claudam, vel scropham languidam, & accepto sacramento quod mortui aliquid melius non habuerint, si permittitur sine omnino timore Dei jurant, immo pejerant, aut à villicis eis condonatur, ut injurati discedant. Sic & sic & multis modis aliis sublatus est fructus antiquæ commoditatis. Fructus etiam altaris ad sepulcrum B. Trudonis qui inestimabilis olim fuerat, & de quo Ecclesia omnes incommoditates suas antiquitus emendabat, vix modò confert unde Ecclesia debitum luminare habeat. Quapropter tantis incommoditatibus, tantis defectibus simul concurrentibus nemo mireretur, si intus sit præbenda attenuata, cum exterius sit substantia sic & multo amplius quàm dixerim attenuata.







# CHRONICON VALCIODORENSIS

C OE N O B I I,

ORDINIS S. BENEDICTI.

*Vulgo Vual-  
sor, siue,  
Valor, in  
Diœcesi  
Leodienſi.*

**C**UM summæ nobilitatis sublimis magnificencia æterni Regis procul dubio devota servitus comprobetur, & æqualiter servi sive liberi cœlestis doni præmium secundum suæ quantitatis meritum accipiant, & gloria patris filius sapiens sit: operæ pretium rati sumus ostendere, Valciodorensis Ecclesiæ structor egregius Comes EILBERTUS quibus sit progenitus parentibus, atque secundum sæculi dignitatem ejus genealogia quàm alto sanguine claruerit. Ejus itaque pater Comes EBROINUS fuit, vir armis strenuus. Hic armis strenuus & omni honestate, industria sua & virtute multa acquirens, filiam WIDERICI Comitis & ejus uxoris EVÆ, quæ in nominis acquisitione BERTA nuncupabatur, sumpsit in conjugium; cum ea accipiens dante ipso genitore atque genitrice Florinas, & quidquid ad eundem pagum Florinensem pertinet.

Interea ob virtutis ejus potentiam & armorum strenuitatem, & industrii pectoris sagacitatem, sicut illustri viro & venerabili Romanæ magnificentiae Rex LUDOVICUS ex prosapia Caroli Magni ultimus\*, volens honorare dignis muneribus, tradidit ei sub regalibus testamentis villas suæ ditioni subjectas duas, quæ propter dignitatem honoris ejus suis nominibus hîc annotabuntur. Vna quæ est\* in Condruſo, dicitur Antina; & altera quæ adjacet in Famenna nuncupabatur Heidra. Has itaque sine aliqua

*\*Filius Arnulfi Imperatoris, an. 912. obiit.*

*\* Pars Leodienſis territorii transmosana.*

Tom. VII.

S f f

\* Is regna-  
re cepit an.  
935.

Eilberti  
Fund. Ab-  
batiae Val-  
ciodorensis  
genealogia.

contradictione usque ad terminum vitæ suæ tenuit, quo-  
usque secundum antiquorum morem in filii sui Eilberti  
Comitis, videlicet post ejus transitum, verteretur for-  
tem & hereditatem, & sicut ex Regia manu in patris do-  
minatione transierat & jure, sic cum sibi subjacentibus  
nutu OTTONIS primi\* atque concessione, ad filii rediret  
jus & dominationem.

Nos itaque qui structoris Valciodorensis Ecclesiæ pro-  
posuimus alti germinis consanguinitatem enucleare, jam  
ad opus cœptum, ut expedit, gressum figamus: & quo-  
niam omnia propter ejusdem progeniei arduam incly-  
tâmq; successionem nequimus comprehendere, fide-  
liter ad ea quæ non sunt omittenda necesse est transire.  
Præfati siquidem Ebroïni pater Comes Bovo fuit, qui  
dictus est *Sine barba*, & hujus pater Bovonis Comes  
WARINUS de Asclovio exstitit, qui fuit filius inclyti no-  
bilissimique Comitis AIMERICI Narbonensis, ex ER-  
MENGARDE Comitissa, sorore BONIFACII magni Prin-  
cipis de Papia. Iste autem EBROINUS ex præfati Comi-  
tis Wederici & ejus uxore Evæ filia, quæ ut superius præ-  
fati sumus Berta dicebatur, septem filios habuit, qui ter-  
ram longè latèque post decessionem patris tenuerunt he-  
reditario jure, & sibi prudentiâ suâ multa acquisierunt.  
Sed ne prolixitas fastidium generet in tantarum evolu-  
tione rerum, omittentes cetera, ob honorem præfati  
Comitis Eilberti & dignitatem, suorum germanorum  
tantum nomina perstringamus.

f. \* Mar-  
cuardus.

Primus itaque in ordine generationis Comes EIL-  
BERTUS fuit, major natu & dignitate, secundus Comes  
VDDO de Roix, tertius HERIBERTUS Comes de sancto  
Quintino, quartus GERARDUS de Odenarde Comes,  
quintus Boso Comes, sextus WITERUS Comes, & MA-  
CUARDUS \* Episcopus venerabilis. Isti fratres germani  
fuere, & cum Comite EILBERTO sicut in subsequenti-  
bus aperietur, quidam eorum Valciodorensē Eccle-  
siam donis & muneribus ampliaverunt. Nam Boso Co-  
mes cum multa tenuisset, & in multis præoccupatus fuisset,  
liberosque quàmplures habuisset, tamen fratri suo,

Comiti videlicet Eilberto villam in Florinenſi confinio poſitam, quæ Calvus-mons nuncupatur, & quæ hereditario jure in ſuæ ſortis pervenerat parte, dereliquit: quam in uſus ſuccedentis Walciodorenſis Eccleſiæ, quia in ea ſui corporis ſepulturam futuram fore decreverat, ( ſicut factum ) conſtituit. Ex fratrum ſuorum ſucceſſione, videlicet GERARDI de Odenarde, & Comitis HERIBERTI de S. Quintino, nobilis & ingens familia huic Eccleſiæ provenit; & hujus rei apud Viromannos\* & Flandros teſtes ex ipſa familia ſuperſtites uſque in præſens tempus nobis ſunt, & teſtamentum legis eorum apud nos & eos conſervatur.

\* Viromā-  
duos.

Iam igitur tempus poſtulat & res, ut inferatur ſermo qua de re Walciodorenſem Eccleſiam præſatus Comes ſtuduerit ædificare: ad hujus rei indaginem articulata arte mentem applicemus. Comes igitur EILBERTUS nobilium actuum ſuper omnes ſui generis cœvos aggrediens conamina, industrius, ſtrenuus & vir bellicoſus effectus eſt in tantum, ut ex ſuo proprio ad evitandos caſus incertos adhuc primævus ſeptem conſtrueret caſtra. Suo autem tempore Conventus ille frequentiaque diverſarum gentium, quæ nunc Niſance quotannis congregatur, in Tiraffe ad crucem ſolito more conveniebat, quò mercimonij ſui commutationes fierent, ut viciffim mutua venditione congregata diſtraherent. Cùm verò in foro rerum venalium antediſtus Comes deambulare, obviuſ fuit ei equus ingentis fortitudinis necnon & admirabilis ſpecioſitatis, qui viſus eſt ſibi fore turris fortitudinis, ſi congruo pacto ad hunc pertingere poſſet ratione alicujus mercimonij. Dominus enim equierat quidam Clericus magnæ progenitus nobilitatis parentibus, Canonicus ex Remenſi Eccleſia S. MARIE majori. Cùm autem mutua affabilitate Comes & Clericus ex prædicto ſermocinarentur equo, ſub quadam taxatione pretij finem facere rationis; ſed cùm imparata foret pecunia iſtius comparationis, HERESINDEM nobiliſſimam conjugem ſuam Comes quæſivit, quærens conſilium ab ea quid ex hoc negotio faciendum ſit; nulla namque ratione equum ipſe

Ingētis diſ-  
cordiæ &  
calamita-  
tis cauſa.

à se sinebat dimoveri, cujus fortitudinis auxilio suorum se dicebat omnium inimicorum declinare infortunium, & periculosorum casuum naufragium. Itaque se maturè à Clerico cupiens expediri, sine consilio suæ nobilissimæ conjugis, quæ formidabat casum qui accidit, loco obfidis mirabilem thesaurum quem apud se ipsum conservabat Clerico tribuit, diem statuens in quo fieret solutio debiti. Thesaurus autem iste desiderabilis compositus est in similitudinem insignis monilis, quem S. ELIGIUS venerabilis Episcopus sanctitate, honestate, & in omni operationis artificio egregius, præcepto nutuque inclyti Lotharii Regis Francorum manibus propriis operatus est. Lapis siquidem Beryllus in medio positus sculptum retinet, qualiter in Daniele Susanna à senibus iudicibus malè criminata sit, qui varietate sui operis diligentiam ostendit artis, & diligētia venustatem locupletis honoris.

*Egregia gentis Rex Anglicus hunc dedit illi,*

*Quem fore speravit gratum dans plurima gratis,*

*Inter quæ dantis profit sibi portio talis.*

Quid multa? Statuti temporis dies advenit in qua à Comite debiti solutio parata fuit, & pro sibi commissio thesauro ipsa convenit. Ab huius rei verò notitia ille se ignarū exhibuit, nec in huiusmodi antè colloquio aliqua ratione Comiti acquievit. Dignitate siquidem thesauri denudatus, conviciòque cōtroversæ & perversæ operationis graviter vexatus, cum gravis indignatione mœroris & ira Comes ad propria est reversus, quærens consilium qualiter istius periculosi casus valeret devitare infortunium. Itaque collecta multitudo propinquorum, ex rei eventu præfatorum fratrum quæsitum consilium, exponens illis supradiçti mercimonij conventum, & sui venditoris execrabilis machinationis periculum, & atrocis fraudis miserabile ludibrium, & instantis controversiæ si non maturè fuerit subventum irrecoverabile detrimentum. Vnius igitur deliberationis consilio paritèrque concordis voluntatis assensu, fit fratrum omnium congregatio amicorum, & omnium confluentia diversorum agminum stipata equestrium innumerabili plebe, quorum catervæ

operuerunt superficiem terræ, quæ undique convenerant commotæ virorum illustrium opinione. Catervatim namque usque ad urbem Remensem properant maturè ; quam facta congressione undique obsident, obsessam capiunt : captâque cum argumento callidæ observationis, dispositis ubique speculatoribus præfatum fugientem Clericum usque ad majorem Ecclesiam persequuntur, quam introgressi, & infra ejus ambitum in cujusdam cubiculi cubili latitantem undique circumvallant. Cùmque minimè reperiretur, sparsim ubique dispersi, ignibus tota illius templi compositio atque structura crematur, & sic flammis urentibus ab ejusdem templi mœnibus ille fraudis commentator ejicitur, & dolus, qui antea versabatur clausus, in ejus pectore evidentibus indiciis in propatulo manifestatur. Nam thesaurus, quem dolosæ machinationis inventionē furtivè deliberaverat retinere, ab eo aufertur, & cum detrimento urbis & Eccl. restituitur.

Vibs Remensis obsidetur, capiturque.

Major Ecclesia flagrat.

Exemplò facti fama regis penetrans aures, omnium regalis curiæ Procerum conturbavit conventum : quapropter in indignationem conversus & iram, unanimiter universus exercitus pariter cum Rege statuere decretis regalibus periculosæ congressionis grave bellum fratribus, quo pellerentur emancipati omnes cum suis à propriis finibus. Cùm ergo ab utrisque partibus graviter præliaretur, & periculosi certaminis afforet sæva congressio, à fratribus capitur Rex, & hostium ille cuneus huc illucque dispersus vexatur, & ut levis auroræ nebula à cōspectu magnæ cōmotionis venti leniter fugatur.

Igitur anno Incarnationis Domini nongentesimo vigesimo secundo CAROLUS Rex Francorum captus ab EILBERTO, & fratre ejus HERIBERTO, usque ad Peronam deducitur, & ab eisdem sub vinculis carceralis custodię diebus multis religatur. Porro datis ab utrisque partibus mutui pacis obsidibus, cum grandis honoris contubernio Regem à Perona educunt fratres, & ut regalis magnificentię decebat dignitatem, suæ servitutis ministerium unanimis obtulere sibi : Sicque sedato bello pars eorum in pace conquievit, & ille thesaurus desiderabilis,

912.

Rex Carolus Peronæ carceri mactatur.

qui causa totius seditionis fuit, Comiti inviolabilis remansit.

Processu tamen volvente haud multò post ultima labentis ætatis clauditur dies HERIBERTI Comitis de S. Quintino, qui viam universæ carnis ingressus superstites post se quatuor filios reliquit; quibus, ut regimine fratris sui Comitis Eilberti nutrentur, & hereditate eorum terræque ejus industriâ auxiliòque tuerentur, obedire præceptis præcepit. Cùm verò istius angoris mœstitudine premeretur, & ab amicis & fratribus funeris exsequiæ præpararentur, quidam Cameracensis Comes RODULFUS nomine, qui dignitate regalis consanguinitatis gloriabatur, adversus quatuor Heriberti filios confidens in robora fortitudinis suæ insurrexit, & annuente Rege Francorum, videlicet avunculo suo, terras eorum invasit, sicque evaginata iniquitate quam consideraverat\*, adversæ partis cuneus ab eodem præparatur, & atrocis crudelitatis dolus, qui clausus latuerat, evidentibus indiciis in propatulo manifestatur. Reciproca namque crudelitate à genitore puerorum & patris se vinculatum reminiscens præfatus Rex jus abnegans injustè possessiones, terras, hereditatésque eorum supradicto RODULFO concessit; Sicque ab hoc norma justitiæ confusa est, & gravis periculi commotio ab utraque parte machinatur.

f. \* conceperat.

Virbs sancti Quintini crematur

Monasterium quoque Humolariense cū Monialibus

In exordio suæ congressionis Rodulfus oppidum S. Quintini obsidendo aggressus est expugnare; quod cùm ab eodem minimè caperetur, impetum vimque resistentium ferre non valens, ignibus deliberabat aduri. Cùmque certatim istius iniquitatis ruina machinaretur, concursu hostium nobilium virorum nobile oppidum repente crematur, & villa mobilibus & diversis repleta com meatibus, diversorumque agminum stipata plebe depopulatur, & cum ea templi ædificia uruntur, & ad nihilum rediguntur. Inter hæc templum Virginum Monialium à fratribus haud multo post constructum, & magnis prædiorum honoribus ditatum, propter cujusdam nobilissimæ mulieris conversionem, quæ se sacri veli consecratione, relicto sæculari habitu munierat, aduritur, & cum eo

hæc nobilis mulier & Virginum Chorus. Mulier autem hæc cum magnis orta foret natalibus, seducta fuisse dignoscitur à Comite Eilberto quasi sub quadam conjugij confœderatione: quæ cum eo permansit, quousque alterius nobilissimæ prosapiæ mulieris, legalis decreti cæremoniâ conjugii dans consensum, neateretur contubernio: quæ cum spernendo se cerneret postponi, ordine supradicto curam sæcularis negotij postposuit.

Hæc itaque ex supradicto Comite filium enixa est, cui in spiritali regeneratione & nominis acquisitione **BERNE-  
RUS** nomen impositum est. Hic avulsus à lacte, atque dempto ubere ablactatus, supradicto Rodulfo urbanitatis gratiâ traditus est nutriendus, qui cum aliis juvenibus nobilibus vernaculis serviebat ex armorum apparatu: ut verò matris adustionem, patris, patrui, ac filiorum ejus agnovit detrimentum, & honoris diminutionem, imbecillitatis suæ condoluit importunitatem, eumque tædere cœpit cum proximorum infortunio mors suæ unicæ genitricis, & repentini casus cœpit conqueri austeritatis improbitatem. Cumque crebrò in hoc conquereretur infortunio, lacrimabilique ejulatu gravis finis interitum memoratæ genitricis lugeret, luctus ejus ad domini sui aures pervenit. Vnde conversus in iram, post jurgiorum proverbialia occiput sui capitis vulneravit nimiam fervens infantiâ: Sicque bonæ indolis adolescentulum removit à contubernio suorum familiarium. Talis siquidem gravedinis & molestiarum acerbitas cum à filio patri nuntiaretur, reciprocatus dolor graviter renovatur, quo exasperati cordis meditatione, confluentiam diversarum gentium multiplici numerositate conglobatâ, catervæ multiplices disponuntur, & machinamento prudentium congressiones **RODULFO** præparantur. Præfatus siquidem **BERNERUS** infra quanquam pueriles annos positus, eventum rei graviter accepit, & actionem præteritam non pueriliter investigans, rogavit patrem militiæ sibi non negare armaturam. Tandem ipse quod concupierat voto adeptus militiam honestis moribus adornavit. Cum verò ab utrisque partibus graviter fortiterque præliaretur, & invicem ad-

versarum partium cadavera mucrone scæviente passim sternerentur, cum capite primæ cohortis **BERNERUS** voluit apparere, quò strenuitatem suæ actionis evidentiùs voluit ostendere.

Igitur in tempore definitæ congressionis antequàm pariter convenirent, de morte matris **Rodulfum** sicut suum dominum venit, à quo inconvenienter impropria sustinendo repulsus; dominum suum postposuit, & sibi fidem post hæc servare denegavit. Ordine siquidem certaminis composito, obviùs affuit in concertatione **Bernerus Rodulfo**, cui mortem matris requirens anteposuit, & ab eodem sibi hanc injusto judicio sublatam nuntiavit. Hic autem verba illius ignaviæ æquiparans, insultationis verba illi respondendo reddidit, corpùsque illius ab eo simili sorte fieri pronuntiavit: Vt autem istius commotionis verba à **RODULFO** accepit **BERNERUS**, in indignationem conversus & iram spiculo & ense contumacem militem aggressus est, & in impetu sui spiritus ab ejus corpore animam viriliter non timuit abstrahere. Sedatâ itaque seditione istius malæ contritionis & doloris, gemitus suæ partis factus est **Rodulfus**, & ulto sanguine, qui ab eo effusus fuerat innoxius, hereditates & terræ, quæ per violentiam ab eo fuerant usurpando invasæ, **HERIBERTI** hereditibus restituuntur justè, judicio, probitate, industriâ, fortitudine familiarium amicorum.

Hujus rei gratia, & prosperorum actuum prudenti progressu omnimoda urbanitate compositus, à suo genitore & familiaribus iste egregius adolescens complectebatur tenerè, in quibus successor paternæ hereditatis credebatur fore, quia ex sponsalis confœderationis connectione patri heres negatus cælica voluntate, quò nomen ejus dilataretur posteritatis successione. Surrexit interea ex **Rodulfo** radice, gravis infestationis & totius iniquitatis dolo repletus quidam furculus, nomine **WALTERUS**, qui ejusdem pompaticæ regalis consanguinitatis tumendo gloriabatur propinquitate, veluti sororis **Rodulfi** filius. Hic autem adversus **EILBERTI** filium **BERNERUM**; scilicet inter innumeras adversæ partis catervas cohortium Princeps



ceps primus effectus surrexit, & ab hoc sui avunculi mortem requisivit. Illum autem sibi injusto iudicio ab eo prazunte mortem demptum pronuntiavit, & ab eodem manu propria contra jus fasque illum extinctum dicens, mœroris affectum per cordis contriti verba evidentibus indicis indicavit. Tumultus autem venturæ congressionis, & tempestuosus ardor gravis angoris utraque parte machinatus propositione verborum horum quadam ex parte conquerunt. Contra hæc mortem matris, fracturam capitis, vel detrimentum genitoris, & patruorum desolationem illi respondendo Bernerus opposuit; & hæc omnia injusto iudicio sustinuisse ab eodem replicavit.

Animati igitur diræ congressionis & adversæ machinationis mutua confabulatione, uno conspirationis consensu adversum se invicem exaggerantes malum, Regis præsentiam adiere, & ibi ex utraque parte datis obsidibus, condixerunt sub regalis juris observatione & suæ litis agone, suæ propositionis verba confirmare. Statuto siquidem certi temporis die unâ pariter convenere, atque ipsis acriter modo irremediabili invicem propugnantibus, triduo litigio sese ceciderunt; pro quibus regiæ magnificentia auctoritatem cernentes, constantiam & fortitudinem juvenum mutua partis exercitus interpellavit. Regalis itaque auctoritatis ut pervenit ad eos sententia, arma posuerunt, & iudicii sui timentes sententiam, armaturam suam obsidibus suis tradiderunt. Palatinorum autem Procerum iudicio abjudicatum litigium, & moderatione industriû virorum pacata sunt jurgia tumultuantium puerorum, eorûmque conflictus pacem dedit mutua partis Principibus: sed virus præteritæ commotionis in Viromannorum & Cameracensium serpit visceribus usque in præsens tempus.

Dei post hæc iudicium, ejusque ordinatio, qui quos creat & sui signaculi virtute conservat, regit, suæque gubernatione in prosperis adversitatibusque provehit, istum adolescentem **BERNERUM** videlicet vocavit, vocandoque sui spiraminis commissum suscepit: atque sic ejusdem assumptionis vocatio patri facta est diutine desolationis &

Monaste-  
rium S.  
Michaëlis  
in Tirascea  
extruitur.

lacrymabilis rememorationis sæva destitutio, orbarioque irrecoverabilis. Pulsatus igitur tantis talibusque eventibus, infortunium diverforum casuum corporis & animæ time-re cœpit venerandus Comes, priscæ reminiscens conversa-tionis enormitatem, & antiquorum contagiorum præteri-tam actionem : quid egerit diuturna meditatione cœpit meditari, & se reum voce lacrymabili ex transactis facino-ribus confiteri. Cùmque jugi moeroris anxietate filii defle-ret destitutionem, suę intentionis actionem suppliciter ad Deum convertit, & in studio istius bonæ voluntatis ex sui juris proprietario, unà cum sua clarissima conjuge HERE-SINDE, Archangeli Michaëlis ob honorem in Tirascea Basilicam condidit, eoque in loco sub tramite B. Bene-dicti Deo militantibus coadunatis Fratribus, ipsis Abba-tem præficiens, ad usus quotidiani victus stipendia consti-tuit non modica; locumque illum sub ditione & ordina-tione Laudunensis Ecclesiæ Antistitis constituit.

Venerabilis autem HERINSINDIS conjux ejus Christo in eodem loco famulantibus se subjiciens, pietatis gratiâ ipsum frequentare cœpit, & non segniter secundum suæ nobilitatis sublimitatem studuit res necessarias providere. Et quia præconabatur mansiunculam proprii corporis sibi ibidem fieri, haud procul ab eodem loco Virginum Monia-lium Monasterium construi diuturna deprecatione supra-dictum Comitem imploravit, quatenus ipse qui Principa-li Præposito cæli ductorique animarum, sancto scilicet Mi-chaëli sacra ædis erexerat fastigium, Beato Petro paradisi Clavigero suo adnifu proprioque labore componeret ve-nerabile templum, quo Christi famulae suarum oratio-num frequentia piacula præterita suorum facinorum ex-piarent. Coactus itaque sua deprecatione, nec non B. Petri veneratione, à Monasterio recenter constructo in spatio duorum miliarium, in loco dicto Bocileis\* funda-menta jecit, erigensque structuram, peracto opere statuit templum, in quo ab eodem constituitur Virginum Mo-nialium Congregatio, & quidquid talium ordo exigit. Constructis autem per ordinem mansionibus plurimis, eisdem dato pastoralis baculo Abbatissam præfecit, eun-

\* Bucilly  
Nunc Mo-  
nast. Ord.  
Pramonst.

démque locum veluti superiorem sub regimine Laudunensis Ecclesiæ Præfessoris constituit.

Evangelici profectò mandati non surdus auditor, Domini sui in eo paulatim crescente virtutum culmine nitebatur verba adimplere, quatenus ex mammona iniquitatis fideles sibi congregaret amicos cœlestis pietatis, qui eum heredem facerent sua adminiculatione in æternæ hereditatis possessione. Igitur veluti sacra profert sententia; *Iustus magis justificetur*; studioso se labore ad opera misericordiæ venerandus Comes se totum contulit, patrimonioque suum tuto in loco constituere nitens, locupletis honoris dignitate misericordiæ Matri, Beatæ videlicet **MARIÆ** egregiam construxit Basilicam, villamque *Humblires\**, quo fundata fore videbatur, eidem Monasterio subiiciens, magni illud ditavit prædiorum honoribus. *Apo. 22. 11.*

Ex prædicto sanè patrimonio suo eodem tempore tria cum superioribus Monasteria construxit, quibus tantum de prædiorum redditibus delegavit, quantum ad usus necessitudinem sufficienter sufficere videntur in eisdem pensum sui famulatus Deo exhibentibus. Ordinatis tandem Monasteriis, atque regulariter secundum institutionem S. Benedicti vivere paratis in eisdem coadunatis Fratribus, ut in rigore sui tenoris norma justitiæ magis convalesceret, eadem loca sub ordinatione & protectione Abbatum, juris dans diffinitiva privilegia, fore constituit: Sicque idoneis successoribus & filiis spiritualibus, qui sua valerent metere carnalia & sibi ferere spiritualia, dereliquit copias hereditatum. His secundum quantitatis suæ dominium, & magnificæ auctoritatis principatum ac honorem (sicut decebat suæ nobilitati) congruè & prudenter omnibus compositis horum operum finem fecit, & se totum divinæ contemplationi serviens Deo subdidit.

Tempore illo dum die quadam in castro, quod Florinis construxerat, resideret, suæ actionis transactum tempus rememorari cœpit, & tacitus intra se revolvens quid ex Remensi sanctæ **MARIÆ** Basilica actum sit, vehementer eum tale infortunium tædere cœpit. Enimverò rememorando cœpit meditari ob septem castrorum pro-

Eilbertus  
Comes se-  
ptem Mo-  
nasteria  
fundavit.

pugnacula, sempiterna sibi fieri municipia maledictorum, deliberavit ut hæc maledictionis structio per benedictionis antidotum remediaretur. Construxerat enim septem maledictionis domicilia: præeunte gratiâ Spiritus sancti, benedictionis & obedientiæ habitacula septem complere deliberavit. Quia plerumque in sacro eloquio septenario numero designatur universitas, ut non particulariter, sed plenariè legem divinam videretur adimplere; & ut ex rivulo septiformis spiritus stillicidium participiumque, spiritualis renovationis donum gradatim in se valeret multiplicare, senario numero constructarum Ecclesiarum septimam ob honorem Genitricis Dei ob restaurationem Remensis Ecclesiæ adjecit.

\* *Id est, Secretus.*

Descripturi verò loci quantitatem, quo structura fore dignoscitur, priùs videamus ex silvestri & nemoroso qualis factus fuerit, & ex informi & obliquo in quantam venustatem transierit. Tempore autem illo locus ille erat inhabitabilis, excepto quòd domus Comitis inter densitatem nemoris paullo minùs constabat invisibilis, quo secundùm discretionem corporis remotis à se plebibus frequenter morabatur secretalis\*. Habitatio ejus generalis in loco dicto Priepieriis tunc erat, ubi Ecclesia habebatur, & communes habitantibus necessariæ res prudenter & congruè more oppidi erant compositæ cultu honorabili. Castrum autem ejusdem oppidi non longè ab eodem erat circumseptum congruis munitionibus, quibus cuneus adversæ partis procul pelleretur plenariè, si ejus habitatores infestatione alicujus moverentur, sicut municipatûs ejus, quo sterisse dignoscitur, usque in præsens tempus monstrantur vestigia.

Congregatis itaque manualium operum artificibus, nemus propter domum ejus suo præcepto eo tempore succiditur, & paulatim ex obliquo & inhabitabili decoratus locus redditur atque salubris. Hic ut res exigebat omnibus prudenter acquisitis, quo necessitudinibus forent apta succedentis operis, coadunatisque lapidum atque lignorum gnaris artificiorum compositoribus, juxta domum ejus templum construxit, utiles habitationes componuntur, &

spiritualium Fratrum habitaculum claustrale compaginatur. Anno siquidem ab Incarnatione nongentesimo quadagesimo quarto, regni OTTONIS primi nono, à Comite EILBERTO jacta sunt supradicti templi fundamenta, & in spatio trium annorum venusto opere consummata sunt omnia.

944.  
Eildebertus exadificat Florinense Monasterium in Diœcesi Leodensi.

Cùmque regulariter omnia per ordinem consummasset, quo nunc Cimiterium Fratrum esse videtur, Ecclesiam in S. Patricii honore construxit, & sic prudenter & honestè cum opere memorato cetera consummavit. Constructo tandem secundùm nobilitatis suæ quantitatem templo, utilitati succedentium Fratrum prodesse desiderans, castrum superius memoratum diruit, & villam, quæ in suo confinio erat sita, & sibi subjacere videbatur, exinde jussit auferri, & juxta Monasterium habitationem iterum restruct.

Tempore autem illo sollicitè meditari cœpit, quilibet incrementis Ecclesia per eum, & quomodò multiplicaretur, & religionis cultus in ea dilataretur, & sui juris libertatem retineret, & sempiternæ benedictionis sibi nomen acquireret. Tandem salubri inito consilio, Regem memoratum adiit, & ei consilii sui secretum pandens, & totam suæ actionis intimans intentionem, gratiæ suæ auxilium in præsentī negotio affore precatus est sibi. Itaque mutua ordinatione Regis pariter & Comitis decretum est, ut quidquid ab utriusque partibus donationis & muneris supradictæ Ecclesiæ conferretur, Regis protectione & auxilio tueretur à die illa & deinceps, & non solum rerum præsentium donativum, verum etiam quidquid eis succederet oblatione fidelium. Constitutâ autem Ecclesiâ sub Romanæ Majestatis imperio, ab eodem Romano Rege donum investituræ ipsius loci & Abbatiam præfatus Comes suscepit ex designatis rebus, quæ ab eodem Ecclesiæ conferebantur sequens sermo omnia declarabit.

Providentiæ ejus urgente censurâ Regis per viginti tres annos sustinuit, deinde ordinatione mutua quidquid in Antina & Heidra pater suus Comes Ebroinus à Rege

Ludovico ex Caroli Magni progenie ultimo, feudali dote acquisierat, posuit in præsentia Regis prædictorum feodorum ea conditione se spolians dignitate, quatenus Regis concessio & Comitis datio regali decreto firmaretur; & hæc liberalis commutatio sine scrupulo & perpetualiter transiret in potestatem & legitimam perpetuamque possessionem Ecclesiæ. Ipse verò Comes quæ eidem Abbatia ab eodem Rege conferebantur, ibidem replicavit, & designatis nonaginta quinque terræ mansis, culturis decem cum magnis redditibus & Ecclesiis earum, & cum ingenti familia, & ea quæ propter difficultatem computandi (quoniam aliàs pleniter adnumerata continentur) referre distulimus, ostendit, & omnia sub regalibus testamentis designavit. Deinde non mediocriter circa locum curiositatem suæ actionis apposuit; sed & thesaurum superius memoratum, qui seditio- nis & controversiæ quondam causa fuit, & pro quo multa acciderant, dedit eidem Ecclesiæ, & inter alia ornamenta ipsum in ea præcipuum & excellentiorem præcepit in perpetuum per succedentia tempora non segni- ter custodiri.

In tempore illo, transacto viginti trium annorum cur- riculo, ex Scotiæ partibus Angelica jussione admonitus venerabilis Archiepiscopus FORANNANUS proprium re- linquens solum, locum decoræ vallis ab Angelo sibi desi- gnatum quærens, cum duodecim comitibus advenit, ad- veniensque Comiti obviavit, à quo requisitus quò ten- deret, ei mox Angelica designavit indicia, & sic cum maximo honore ab eodem Comite in jam prædictum deducitur habitaculum. Ejus sanè advenus susceptionis obsequiique in quanta veneratione à Comite, & ab om- nibus patrioris habitus sit, qui pleniter ambit cognosce- re, librum gestorum ejus legat; ibi enim sufficienter hujus rei indaginem reperiet. Ingressus ejus habitaculum, haud multo post uterque, Comes & vir Dei præsentiam Regis adiëre, quò Comes domum & investituram Ab- batia deposuit, & precibus apud Regem obtinuit, qua- tenus ex jamdicto dono Dei cultor ab eodem Rege inve-

stiretur. Investigatâ ejus sanctitate, libens annuit Rex Comitum petitioni, & suppliciter devotèque sancto viro præsidium sui obsequii & consilii affore pronuncians, se orationibus ejus undique commendans, donum & Abbatiam ex Palatinorum Procerum decreto tribuit, & decretis regalibus statuit, ut eadem Abbatia absque scrupulo alicujus controversiæ omni deinceps tempore Regali & Imperiali protectione tueretur. Ut hæc institutio fixa, inconvulsa, & immobilis permaneret in sempiternum, de villa scilicet Heidra & indominicatis beneficiis nonam sibi retinuit, & in monumentum Regalis decreti, ne per succedentia tempora Abbatiae deesset Imperialis protectio, in Aquensi Ecclesia quotannis jussit persolvi. Propterea perfectò decretum est ibi judicio Procerum de curiarum ejusdem Regis præsentia, quatenus Major-domus, videlicet Præpositus de Ecclesia sanctæ MARIE quæ est Aquisgrani, cum ceteris valentioribus Canonicis, pro eadem Ecclesia tempore tribulationis ejusdem Abbatiae Causidici assurgant, & importunitatem ejus sicut & suam in præsentia Regis & Principum ubicumque præfatus Rex fuerit, perferant.

Tandem regressus à Rege Dei cultor cum suis comitibus, locum cœpit incolere, & secundum Angelicum responsum Vallem-decoram nominare, quod nomen sicut nunc vulgariter permanet. Quidam malè opinantur tractum à quodam Thifidoro, qui, ut aiunt, ipsam vallem inhabitaverit: Sanè non ex nomine Thifidori Valciodorus dictus est, sed ex Angelico præconio, qui eam Vallem-decoram appellavit, Valciodorus scilicet quasi vallis decora nominatur. Ab ipsis enim Scotis secundum idioma linguæ suæ & nostræ ipsum nomen aliter non potuit aptari, sed sicut dictum est, ipsum Valciodorum, scilicet quasi vallem decoram nominaverunt secundum proprietatem utriusque linguæ.

In diebus illis in Metensi Ecclesia Pontificatûs insulam DEODERICUS vir honestæ vitæ, & morum elegantiam egregius regebat. Hic enim ambobus Regibus patri & filio, scilicet HENRICO & OTTONI ob sui nominis reli-

Vallis-decora, *sive* Valciodorus appellata est Abbatia.

Deodericus Metensis Episcopus.

gionem & sanctitatis excellentiam ita carus esse videbatur, ut hunc primum inter præcipua rerum publicarum negotia, consilio, discretione, prudentia & vigore haberent. Hic autem propinquitatis consanguinitate Comiti adhærebat Eilberto, & plerumque uterque fruebatur mutux partis alloquio. Cum autem ad invicem sermocinarentur, & inter utrosque ex pluribus verba sererentur, ex eventu contigit habere sermonem Comiti ex Valciodorenſi Ecclesia, in qua, ut ipse aiebat, curæ pastoralis inserviebat quidam Religioſus, qui ob Christi famulatûs amorem cum proprio solo dignitatem ſui honoris dereliquit, & ibi recenter cum nobilibus comitibus ductu Angelico advenit. Venerabilis autem Pontifex sanctitatis & justitiæ normam egregii Præſulis FORANNANI cognoscens relatione illustrium virorum, & ipsi adhærere toto animo desiderans suppliciter Comitem rogavit, ut hunc secum adduceret ad palatium. Cum verò ibi veniens alterutrum se viderent, mutuo se salutaverunt, & benedictionis donum alter ab altero, unusquisque eorum anticipare parem pariter renuentes, humiliter invicem petierunt. Sed quia B. FORANNANUS ob duplicem cœlestis gratiæ honorem Archiepiſcopus erat & Abbas, & idcirco in hac parte superior cognitus est, venerabili viro religioſoque Episcopo acquievit, & manu elevata ex triumphali vexillo sanctæ Crucis prædicti Antistitis cum capite totum corpus munivit. Deinde residentes atque sacrarum paginarum revolventes mysteria ad invicem contulerunt, & post multimoda sacrorum proverbiorum colloquia, divinx confœderationis conjunxerunt subsidia orationum.

Factum est autem dum hæc tractarentur, quatenus ex Valciodorenſi loco verbum ab utrisque partibus communiter fieret, & Episcopus ex Halsterienſi villa in medium proferret sermonem, accepta occasione ratiocinandi ex verbo prædicto. Cum igitur Comes prædicti Antistitis voluntatem cognosceret, quòd per Halsterienſem Valciodorenſe donum & Abbatiam ad Merenſem Ecclesiam vellet transferre, mentem apposuit & quomodò hoc  
salvo



salvo honore Ecclesiæ secundum quod factum fuerat ex manu regia posset erui, inter se tacitus cœpit meditari. Hasteria enim quia prope in confinio Valciodorensis Cœnobij sita est, Comiti visa est fore congrua & proficua Valeiodorensi Ecclesiæ; sed quia ea Ecclesia esse constructa cognoscebatur à domino ADELBERONE Metensium Præsule, suo prædecessore, & ab eodem data sanctæ GLODESINDI & Monialibus ibidem servientibus, & testamento confirmata: hæsitare Comes cœpit, & ab eodem quærens consilium, interrogavit quomodo hæc fierent salva dignitate utriusque partis. Cumque Comitis hæsitacionem Episcopus intelligeret interrogatione ejus, hanc extemplò à suo pectore removere studuit, & serie succedentis narrationis quomodo possit fieri, salva dignitate utriusque partis, illi rationem ostendit. Deliberata commutatione quæ pro Hasteria Monialibus sanctæ Gledesindis assignaretur, propositum suum illi aperuit, & sic titubationis obstaculo ab eodem remoto, procedere Comitum in decreta ratione monendo stimulavit. Inito tandem consilio, pari consensu Regalem magnificentiam adierunt, & consilii sui B. Forannano intimantes actionem, concordis voluntatis deliberatione ad Curiam pervenerunt. Demum mutua voluntate statutum est, ut senioris consilij capitales curiæ suo consilio auxiliòque conjungerentur, & sic mota\* ratione freti adminiculatione f.\* nota. Principum regalis auctoritatis consolationem, consilium & consensum ex prædicto negotio investigarent.

Audiens autem Rex Venerabilis Deoderici Metensium Pontificis petitionem, & B. Forannani perpendens devotionem, Comitis etiam advertens bonæ voluntatis sagacitatem, profectum Ecclesiarum & utriusque rei causam sciscitatus ab eodem Pontifice, & à ceteris regalis curiæ Principibus investigatâ rei veritate consilium quæsivit, quomodo salva dignitate Regalis censuræ Imperialis decreti transmutatio fieret, & donum legitimo jure curiæ assignatum ab eadem avelli posset. Sed avulsa est à corde suo judicio Principum istius titubationis obligatio, & cum consilio decretum est, quatenus profectus Eccle-

\* Gal. per  
respect.

fiarum sub Imperialis auctoritatis protectione vigentium; utilitas & commodum Curiae Regalis haberetur, ita duntaxat, ut ex respectu\*, nunc illius cuncta regerentur. Vt autem istius sanctionis edictum à Principibus Rex percepit, voluntati religiosi viri FORANNANI, & petitioni venerabilis Pontificis DEODERICI Comitisque EILBERTI acquievit, & à supradicto dono praedictae Abbatiae se conditionaliter spoliens secundum anterioris conditionis sponfionem, legali decreto sub potestate Metensis Ecclesiae donum & Abbatiam Valciodorensis Ecclesiae constituit. Constitutio autem haec quomodo auctorifata fuerit in subsequenribus aperiemus.

Venerabilis enim Pontifex commutationem, quam Monialibus sanctae Glodesindis pro Hasteria assignaverat, in praesentia Principum Regi ostendit; Sicque supradictam Hasteriam cum omnibus appenditiis, consensu & deliberatione Conventus S. Glodesindis & Majorum Mettensis Ecclesiae, ad usus Valciodorensis Ecclesiae Regis pietate & manu posuit, & liberaliter Decreto Principum ab eodem Rege & Pontifice ac Majoribus Ecclesiarum Metensium B. Forannano assignata est, quatenus ipse quemadmodum Abbas Valciodorensis Ecclesiae sine scrupulo & controversia ac motione contraria eam teneat, & successores sui, qui regimen ejusdem Ecclesiae tenuerint in sempiternum, & ipsa sub regimine ejusdem Valciodorensis Ecclesiae permanens tueatur. Ne autem igitur regalis & Imperialis decreti compositio, & Majestatis ejus deliberatio, molimine aliquo nefarii ausus ab aliquo Clerico vel Laico nobili & ignobili violando irriteretur, auctoritate & judicio Principum, testamento Imperialis munificentiae confirmatur: Sicque Hasteria juri & dominationi Valciodorensis Ecclesiae famulatura supponitur anno ab Incarnatione Domini nongentesimo sexagesimo nono, Indictione decima tertia, regnante OTTONE I. anno regni sui trigesimo quinto.

966.

Sed ne aliquà Valciodorensis Ecclesia motione alicujus hominis vexaretur ob protectionem, advocatiam & defensionem praedictae Valciodorensis Ecclesiae, donum

superius memoratum conditione retinuit supradicta, & hoc ordine diffinito concessit, quatenus Mettensis Ecclesia Valciodorenſi recto tramite incedens ab omni Ecclesiastico jure illi justitiam faciat, & ne recederet ab eadem justitia cum ea enormiter, sanxit ut si ab eadem Metensi Ecclesia vel ejus Episcopo scrupulus alicujus controversiæ ex eadem Hasteria Valciodorenſi Ecclesiæ oriretur, ad pristinum Valciodorenſis Ecclesia reverteretur gradum, & de manu Regis prædicti iterum sumeret donum. Istius igitur emancipationis utilitas, & utriusque rei deliberatio ex dono Valciodorenſis Abbatix ex Regia manu abstracto, & ex villa Hasteriensi cum omnibus rebus instantibus ac succedentibus, ac . . . . . omnibus appenditiis suis Valciodorenſi Cœnobio subjugata decreto Curiarum Principum sub regalibus testamentis auctorifata legitur, & Domini DEODERICI & Beati FORANNANI Comitisque EILBERTI, & capitalium virorum de curia testimonio confirmatur.

Tempore illo Hasteriensem villam Moniales sanctæ Glodesindis tenebant, & in Ecclesia ejusdem villæ sub imperio & regimine Decanæ, quædam earum in eadem Cella Deo servientes vivebant, & sub jugo & obedientia Abbatissæ sanctæ Glodesindis omnes pariter incedentes regebantur: Nutu deinde Abbatissæ suæ regressæ ad Monasterium suum, locum reliquerunt; & sic postea unusquisque quod sui fuit juris detinens, ex eo secundum proprium arbitrium disposuit. Itaque inito consilio in eadem Hasteriensi Ecclesia à B. Forannano & Comite Sacerdotes quatuor constituti sunt, qui eandem Ecclesiam ex officio domini famulatus secundum suum Ordinem multis diebus rexerunt.

Interea decretum est, ab utrisque partibus à B. Forannano & Comite, nutu Imperatoris & consilio, ut pondus rationis & ordinem, & præteriti negotii actionem Romano Pont. innotescerent, & ex supradictis rebus auxilium consilii sui, & munimentum suæ protectionis quaererent. Huic definitioni actionem apponentes, laborem assumpserunt, & statutis comitibus, & quæ itineris ne-

Romam  
petit B.  
Foranna-  
nus ut à  
Summo  
Pontif.  
Privile-  
gium obti-  
neat.

cessitudinibus forent apta paratis , accelerato itinere Romanam pervenerunt. Venientes autem ibi honorificè ab eodem Papa & viris Ecclesiasticis suscepti sunt, quia causam itineris sciscitati , & qui essent , & cur tanti itineris vexationem assumpsissent cognoscentes , atque morigeratæ conversationis vultus intuentes , majoris dignitatis veneratione sunt habiti, & cultu digniori promoti. Tandem revelata sui consilii actione , ipsam ad aures domini Benedicti Papæ , qui septimus in agnitione ipsius nominis Pontificatum Romanæ Ecclesiæ eo tempore gubernabat, deposuerunt , & ex ea suum consilium , turelam & munimentum quæsierunt. Cùmque sanctitudinis rectitudo & norma justitiæ egregii Forannani qualiter proprium relinquendo solum , honorem Archiepiscopatus deposuerat Angelico jussu , & ad denominatam sibi ab eodem Angelo habitationem pervenerat , curam ac regimen animarum ibidem suscepit , cognosceretur à Papa & Clero , laus ab eisdem in excelsis attollitur , & sic in his & in aliis bonis operibus ejus Deus benedicatur. Audito tandem eo, voluntati & petitioni ejus satisfieri ab omnibus judicatur , non solum Regiæ auctoritatis interventione , & inclyti Comitis deprecatione , verum etiam amore suæ venerationis exigente , & religione suæ sanctitatis.

Itaque denominatis rebus , pro quibus negotium agebatur , & Hasteria & pro quibus in præsentī viri venerabilis petitio habebatur , censurâ Romanæ Curix quæ sunt in præsentī & in futuro succedere possunt Valciodorenſi Ecclesiæ , in protectione ejusdem Romanæ Majestatis constituuntur , & ut hæc constitutio per succedentia tempora firmiter conservetur , & Apostolica auctoritas cum Regali & Imperiali firmitate conglobata conglutinetur , statuit ut Hasteriensis villa , cum omnibus rebus & appendiciis suis constantibus & succedentibus , Ecclesiæ Valciodorenſi famuletur , & ei sine scrupulo sicut una de suis ceteris curiis subjaceat in perpetuum. Ne igitur istius Constitutionis Romanæ Majestatis firmitas , & Apostolici Decreti munimentum aliquo modo ab aliquo

homine in quocumque ordine constituto laico vel Clerico, Rege vel Episcopo, aut alia quacumque persona, temerario ausu violetur, sed firmiter inconvulsus conservetur per succedentia tempora in sempiternum, Religiosorum virorum de Curia decreto statutum est, ut à die illa & deinceps quicumque diffinitum prædictæ Constitutionis munimentum ausus fuerit infringere, perpetuæ excommunicationis vinculo subjaceat, nec ab aliquo Sacerdote vel Episcopo pro qualicumque conditione absolutionem accipiat, excepto Romano Pontifice, qui reatus illius ea conditione faciet absolutionem, si satisfactio-  
ne condigna pœnituerit, & quod malè usurpavit restituens, à detrimento Ecclesiæ cessaverit.

Deinde utriusque deliberationis Decreto Papæ & Religiosorum de Curia sancitum est, ut recedens ab eis B. Forannanus Privilegium sui Archiepiscopatus in omni officio & actione cultûque divino retineret, necnon ut regimen curæque animarum sibi injunctarum prædecessoris officio, curæque pastoralis in Monasterio suo sollicitus gubernaret, & idem Monasterium sub protectione Apostolicæ auctoritatis in æternum firma stabilitate tueretur. Ut autem Testamentum à tantis testimoniis auctorizatum fixum & inconvulsus rationabiliter conservetur per B. Forannanum remittitur.

Regressus à Papa B. Forannanus incrementum suæ Ecclesiæ cœpit desiderare, & plebi sibi subjunctæ prodesse desiderans, meditari cœpit quo consilio ipsa eadem Ecclesia ad meliorem statum proveheretur. Itaque Comitum convenit, quatenus industriâ suâ alicujus nominati Sancti venerabile patrocinium toto adnusu devotè quæreret, & laborando festinaret ex venerabilibus pignoribus gloriosum reddere sanctuarium Genitricis Christi, ut per meritum venerabilis corporis alicujus Sancti memorabilis caterva fidelis multiplicaretur, & propter inhabitantium bonam conversationem, & in vinculo caritatis unanimitatem, à Deo locus eligeretur. Huic devotioni animum apponens Comes venerabilis, HERISINDI conjugi suæ denominatum à B. Forannano aperuit con-

filium, ut ipsa consors istius propositi sollicitiā suā investigaret cum eo actionem, quam suo nomine ad profectum utilitatis niteretur adducere. Suo namque labore Basilicæ Beati Michaëlis Archangeli memorabile corpus B. Adalgisi Confessoris paulò antè acquisierat, & ipsum in ea cum ingenti devotione & venerationis honorificentia reposuerat.

Igitur memorabilis Christi Confessoris Eloquii in tempore illo famā vulgante notitia partes mundi expleverat, qui cum beato Foillano, quem fratrem suum ferunt scriptores antiquarum relationum, atque cum beato Furseo, cui successit in regimine Latiniaci Monasterii, quod in occidentali Francia eis egredientibus à sua terra scilicet Hibernia constructum fuerat ab utrisque, ad nostras advenit partes. Ob dilectionem ejusdem sancti Eloquii corda utrorumque, devoti scilicet Comitum & clarissimæ conjugis, divinus amor accendit, & propter fervorem instantium miraculorum quæ ab eo fieri indefinenter contemplantur, in concupiscentia ejus magis exarserunt, & ambitione majori cœperunt scrutari, quo ordine ad ejus corpus pervenirent. Deinde quoniam in procinctu Laudunensis Ecclesiæ, quò in contemplatione divina eremiticam duxerat vitam relicta pastoralis cura, & in memorato Monasterio ejusdem Sancti corpus jacebat, eum qui eodem tempore Laudunensis Ecclesiæ regebat Pontificatum humiliter rogarunt, quatenus concederet eis exinde memorabile B. Eloquii corpus transferre, quo illud honorabilius & devotius cum obsequio divini famulatus à Christo famulantibus collocaretur. Ecclesia enim illa, in qua Deo sedulum in vita sua exhibuerat famulatum, quamquam in statu eremitico & vastatione eo tempore videretur esse, in vita sua à fidelibus Christi magis prædiorum honoribus locupletata fuisse dignoscitur: ipsa, inquam, in qua memorabile corpus ejus tempore illo tumultum requiescebat, sæviēte passim per orbem crudelitate Danorum cremata est, & in negligentia ita diebus multis permanens, absque divini famulatus ministerio quievit, miraculorum prodigiis per

eum coruscantibus indefinenter , corpus beati Eloquii concessum est Comiti à venerabili RODOARDO Laudunenſi Pontifice. Sicque memorabile corpus cultu honorabili , & non mediocri devotione Clerus ex Episcopatu cum Episcopo , Comite & clarissima Comitissa , ac populo terræ tranſtulerunt ex eo loco , & non sine magnorum miraculorum opitulatione usque ad Basilicam B. Michaëlis detulere , in qua requievit usque ad diem anniversarium suæ depositionis quæ III. Nonarum Decembrium celebratur. Nam ob hoc ejus annalis translatio dilata est , quoniam in loco Giriniaco unde translatum est corpus ejus , die hac ex longinquis regionibus quotannis conventus diversarum gentium congregabatur , ibique ex more solemnifantes , reddebant vota sua Deo & sancto Confessori , ita in lætitia deductis duobus vel tribus diebus alacres revertebantur cum salutari recreatione animæ suæ. Hanc sollemnitatem inclytus Comes & B. Forannanus in melius reformare cupientes , statuerunt quatenus provinciæ , in qua subsidium istius memorabilis Patroni venturum erat , nuntiando ostenderetur , & gratanter spectatores præstolarentur adventum ejus , cujus ope apud Dei clementiam , & intercessionem ejusdem refugium , consolationem , auxilium in opportuno tempore consequerentur.

S. Eloquii  
Corpus in  
Valciodo-  
rensem Ec-  
clesiam  
transfertur.

His itaque dispositis cum famâ istius nominis provincia repleretur , & ad aures industriû virorum talis auditus , & tantæ cognitionis rumor pervenisset , fit gaudium omnibus , vox exsultationis in excelsis attollitur , & cum tripudio communis jucunditatis ab omnibus iste desiderabilis adventus præstolatur. Statuto siquidem temporis termino denominata die , videlicet depositionis suæ , confluentia diversorum hominum & gentium ex longinquis partibus congregata cum universo mercimonio , ad hanc condictam sollemnitatem invicem se cohortans studuit præpare , & celebrem recondendæ jucunditatis & futuræ prosperitatis tota mentis aviditate diem expectare. Quid multa ? celebrabilis sollemnitas prædictæ diei III. Nonarum Decembrium adveniens initiatur. Et ecce adyenien-

te B. Eloquio cum signis & miraculorum prodigiis, cætervatim ei occurrit diversarum plebium exercitus, qui dum deferretur per Famenensem pagum, contigit ei transitum habere per vicum qui dicitur Romunthiusim, quod dum impetu populi ad eum confluentis à delatoribus deponeretur, ob superexcrecentem frequentiam, & sedata plebe iterum illud desirabile onus portitores tentarent resumere, nullo molimine illud moveri potuit. Cùmque mirarentur attoniti, & stupor vehemens comprehenderet eos, ex hoc accidenti fama istius tremoris ad quemdam nobilem Widricum Falemaniensem pervenit, qui mox in conspectu omnium in eodem viro beato Confessori duos mansos terræ tribuens constituit, quatenus ex tota Falemanienſi Parochia unaquæque domus singulis annis dimidium denarium persolvat in Valciodoro, ob venerationem egregij Confessoris. Legaliter complera donatione hac, cum cælestibus melodiis venerabile corpus iterum levigatum immensâ velocitate elevabatur, & cum tripudio magnæ jucunditatis à Clero & turbis undique congregatis usque ad Valciodorensem Basilicam deducitur.

Cùmque populi multi cum B. FORANNANO, Comite EILBERTO, & Comitissa HERESINDE, ex tota provincia inbianter expectarent adventum ejus, die condita ecce advenit lumen eorum, & munimentum provinciæ, refugium miserorum, & languentium portus, sicut evidenter aperuit ingressus ejus. Nam die eodem illius ingressionis multi à variis infirmitatibus liberati sunt, & antequàm ingrederentur habitaculum sanctificationis, virtutem Dei in se senserunt visitatione sua : Sed ne prolixitas dicendi fastidium generaret legentibus, textum miraculorum ejus replicare distulimus. Sufficienter enim hæc inveniet, qui codicem gestorum ejus & translationis legendo requireret. Nos autem ut ambiguitatem auferamus ab eis, qui ex hoc quod ibidem scriptum reperitur de ejus Translatione & Templi consecratione, scandalizantur : opus est ostendere evidente ratione ex tribus sollempnitatibus quoniam nostris modò diebus utcunque\* veneratio, Tem-

\* Deest ali-  
quod ver-  
bum, f. S.  
Eloquii.



Templi consecratio, & Confessoris Translatio, & unaquæque sollemnitas principaliter per se retinet suam dignitatem: ne error pullulet in cordibus succedentium, necesse est ostendendo intimare à quo prima templi consecratio, & primæ Translationis observantia acta fuerit: diem etiam cum tempore in quo utraque sollemnitas statuta fuit, & quare eodem die fuerit instituta, citissimè demonstrare.

Superiùs namque præfati sumus, quòd eodem in loco unde translatus est, maxima populi frequentia die eadem ex antiquo more congregabatur, & peracta divinæ servitutis sollemnitate tempus deducendo cum salutari refugio suæ animæ revertebantur. Hoc itaque sollemne tempus consilio suo B. Forannanus in melius reformare desiderans, quatenus majoris ambitionis & venerationis dignitate dies & sollemnitas recolenda ab omnibus magis amplecteretur: has tres sollemnitates celebres sub una observatione compaginavit, & annuatim ita statuens custodiri, dedicationem Ecclesiæ, translationem ejus in eadem die depositionis suæ statuit.

Consecratur ergo die eodem à B. Forannano locus & Ecclesia, & in eadem ab eo sanctificantur tria altaria. Altare majus dedicatur in honore sanctæ Trinitatis, beatæ **MARIÆ**, & duodecim Apostolorum; & in dextera lævæque Ecclesiæ duo: unum in honore B. Iohannis Evangelistæ; & aliud in veneratione S. Martini atque S. Benedicti dedicatur. Altare verò quartum in domo Comitum videlicet turri ejusdem Ecclesiæ, petitione ejusdem in honore sanctæ Trinitatis in sequenti die consecratur. Hæc est hujus diei venerabilis sollemnitatis observatio, & à B. Forannano renovata & auctorizata sollemnitas, & recondendæ festivitatis institutio.

Consecra-  
tur Eccle-  
s. Valciodor.  
à S. Foran-  
nano.

Obtinuit interea venerabilis Comes & B. Forannanus à cunctis terræ Principibus, ut observantia hujus diei in sua veneratione & religione perpetualiter permaneret, quatenus decreto eorum statueretur celebranda per omne succedens tempus. Assensu itaque cunctorum Principum tempus hoc sollemne in eodem loco ut conservetur

per succedentia tempora annuali revolutione, statuitur, & ingredientibus & egredientibus, venientibus & redeuntibus pax firma conceditur, & ut liberaliter cuncta fierent, & congregata mercimonia liberè distraherentur, institoribus ex longinquis partibus convenientibus iudicio eorum pax constituitur. Congregabantur eo tempore, ut ex majorum relatione comperimus, non solum ex hac provincia verum etiam ex aliis quamplurimis & à nobis procul remotis. Hanc ergo celebrem institutionem ne quis nefario molimine audeat violare, infringere, conturbare; à B. Forannano Monachis, Sacerdotibus, Clericis & Conventu Ecclesiasticarum personarum auctoritate Ecclesiastica interdicatur: & ut hæc omnia sine scrupulo conserventur, huic sollemnitati assignatis solibus octo, sub anathematis obligatione, pœna delinquentium & præfatam sollemnitatem conturbando demolientium indicitur.

His ergo canonicè, rationabiliter & congruenter dispositis, die consecrationis turris, in medio Ecclesiæ se erigens venerandus Comes, & ex prædictis operibus Deo gratias reddens, per gladium suum B. Eloquio protectionem domûs illius, quam post Regem de Regia manu desumpserat, & advocatiam omnium rerum ibidem pertinentium tribuit, & seipsum à supradictis rebus emancipans, iterum cuncta sub potestate B. Forannani & ejus successorum redegit. Deinde recapitulatis rebus collatis eidem Ecclesiæ, ab eodem designantur insuper B. Forannano piscatio respiciens ad Valciodorense indominicatum beneficium, & aquæ cursus ex utraque parte, & ex utraque ripa, ab eo loco in quo rupes est, quæ lapis perforatus dicitur, usque ad aliam rupem, quæ secundum latinitatem Specus dicitur, & secundum usum provinciarum Hunia appellatur. Comes liberaliter aquæ cursum Valciodorense Ecclesiæ, & B. Forannano ac successoribus ejus concessit.

Exinde advocata plebe Florinensium præcepit, quatenus ad mensuram unius cubiti virgam unam ferream ad refarcienda tecta Monasterii unusquisque de banno Flo-

rinensi deferret, & de eodem banno unaquæque domus obolum unum administraret singulis annis Valciodorensi Ecclesiæ. Hæc de Translatione egregii Confessoris Eloquii, & prima templi consecratione dicta sufficiant; & de triplicis sollemnitatis institutione sine ambiguitate legendo recitantur.

In tempore isto Comitissa HERINSINDIS piis operibus insistens, & in sancta conversatione de die in diem proficiens, memoratæ Basilicæ B. Michaëlis Archangeli assidue frequentando adhæsit, in qua haud multo post carne deposita sepulturæ conditorium suscepit.

Post mortem verò ejus venerandus Comes die ac nocte in lege divina meditans, & pretiosas Basilicas sapientiâ suâ Deo dicatas frequentando circuiens, & ex consilio suo adminiculationem & solatium eis impendendo administrans, adhærere Deo ipsique servire toto mentis affectu disposuit, & agonizando certamen contra invisibilis hostis versutiam arripuit, sibi que propugnacula, quibus fraus & deceptio invidi tentatoris demoliretur, composuit, caritatem videlicet, & quæ ex ejus radice prodeunt virtutum insignia. Cum verò talibus hostiis diutina meditatione seipsum macerando satisfaceret Deo, surrexit adversus eum proximorum multitudo, qui impetu uno simul compaginati prædixere ei terras ejus nulla eos ratione pati posse exhereditari. Violentiâ itaque illorum tempore illo competentem genere & dignitate conquirens uxorem, conjungitur iterum conjugali contubernio: sed humanæ deliberationis ratio tentamentumque humani moliminis nil valet contra decretum consiliumque divinæ Majestatis. Proximorum namque moderamine vinculus carnali connubio, eadem conjugæ sterili cum eo permanente, vixit absque liberis, vivens tamen legaliter cum ea, divinæ servitutis meditationi, studio bonæ voluntatis juxta temporale impedimentum caduci honoris & casualis fragilitatis, adhæsit.

Hæc autem nobilis mulier ex alio anteriore marito bonæ indolis adolescentulos pariens nutrierat, qui Comiti more filiorum & non privignorum amicabilem adhæren-

tes, & per studium diutinæ servitutis ministerialiter ei se subjicientes, & per obsequii sui famulatus familiarem dilectionem suam illi aperientes, non sicut vitrico, sed sicut patri proprio ministrabant. Factum est autem tempore illo quatenus ex eventu Curie Regali cum his juvenibus adesset Comes: qui quoniam pedibus infirmatus absque sustentatoribus incedere nequibat, innitendo super hos quocumque per ambitum Curie à suo spiritu proprioque arbitrio duceretur, horum auxilio gradiebatur, & in conspectu Regis & Principum filiali dilectione ei se subiciebant.

Cùmque à Rege diligentia servitutis juvenum intueretur, astutia eorum & honorabilis servitus ab eo multipliciter laudatur, & incomparabilis eorum morigerata compositio investigata ab omnibus sublimatur ore Principum. Cùm autem ante Regem stans super utrumque adolescentem Comes inniteretur, ex qualitate juvenum Rex causam cognoscere volens, nomina, seriem progeniei, & qui essent, & quomodo ita familiariter ei adhærerent investigando interrogavit. Ille profectò ex ordine Regi puerorum notitiam ostendendo aperiens, nomina designavit, & immo eorum constantiam benigni famulatus Rex considerans, dixit: Verè Comes merentur à te digno munerando ditari præmio, qui tibi deserviunt fideliter ex hujusmodi famulatûs obsequio. Animatus igitur Comes ex hoc Regali consilio, in conspectu ejus Principum privignos utrosque de dextera lævâque semovens, & eos ante Regem statuens, inquit: Rectori sæculorum & vobis, Domine Rex, gratias refero, quòd sensus vestræ discretionis in hac actione conjungitur sensui meo, & dignitas vestræ benignæ moderationis hæc agere roborando innuit nostræ voluntati exemplat nos provocando in hoc negotio hortatio vestræ dignationis. Quapropter tibi GODEFRIDO & fratri tuo ARNULFO ob gratiâ domini mei Regis, qua suam misericordiam vobis demonstrando aperuit, & remunerationem vestræ servitutis, quam mihi fideliter diuturno labore exhibuistis: in testimonio ejus & Nobilium de Curia pagum Florinensem cum integro

suo banno, & indominicarum beneficium ex eodem banno liberaliter trado, & ut hæc liberè & legaliter ac sine adversa motione cuncta possideatis, castrum ibidem à me constructum cum suis appendiciis, & municipatibus & oppido, concedo vobis, & quidquid paterna successione in eo jure & nobiliter mihi subjacuit vobis subjacere constituo, excepto quòd jura Valciodorensis Ecclesiæ à me designata ex Florinensi banno à vobis & successoribus vestris, sicut à me sine scrupulo & motione contraria conservabuntur. Sepulturam autem vestram vos & successores eidem loco benefacientes perpetualiter in eodem Monasterio à me constitutam vobis cognoscetis: hancque Constitutionem ob Genitricis Christi honorem & nostram memoriam, quicumque dominus fuerit Florinensis domus inconvulsam conservabit per omne succedens tempus, ne subiaceat perpetuæ maledictioni: cui subjacebit, qui fraudem fecerit eidem Ecclesiæ de rebus suis à Christi fidelibus ibi constitutis.

Decrevit autem ibi in præsentia Regis & Principum, & in conspectu prædicti Godefridi & fratris ejus Arnulfi in testimonio eorum, quatenus Major de Valciodoro, Abbas videlicet & Præpositus cum Fratribus suis spiritualibus à die illa & deinceps secundum suam voluntatem, quando ei placuerit, pro suo jure in Florinensi castro resideat, & cum ministerialibus ejusdem castri, villico scilicet atque scabinis rationem suam judicialiter ventilando producat, & sine alicujus violentia usque ad rebellionem & contradictionem rusticorum liberè cum suis & supradictis ministerialibus judicia sua exerceat de rebus suis.

Constituit præterea, quatenus ex his duabus partibus & potestatibus quasi gens una & populus unus sibi invicem familiæ hærent, & sine exactione contraria & Bathiniendem quæstu\* Florinensis homo ex Valciodorensi potestate mulierem sumens legitimè sicut parem, sicut versa vice similiter Valciodorensis homo de Florinensi mulierem sumendo faciet. Si verò quis homo vel mulier Florinensis ad Valciodorensem, vel Valciodorensis ad

\* *Mendum  
hic videtur.*

Florinensem transierit potestatem, protegatur à rancore potestatis illius in qua elegerit habitare, ita planè ut capitalia jura & secundùm decreta suarum legum, quod cuique deberet potestati certis temporibus & assignatis non negligat reddere. Vt autem istius Constitutionis decretum fixum permaneat, Regalis auctoritatis & Palatinorum Procerum judicio testamentis Regalibus confirmatur, & nobilium juvenum assensu & concessione propositæ actionis diffinitio, sacramento Regalis etiam dispositionis & honore sui juris, hereditatis & nobilitatis, & à se & à successoribus suis conservanda intimatur. Ex diversitate autem tanti beneficii Fratres prædicti dignas gratias juxta modulum suæ facundię Comiti reddiderunt, suæ servituti toto vitæ suæ cursu fideliter adhæserunt ob magnitudinem honoris quo sublimiter ab eo sunt promoti.

Deinde regressus à Rege Valciodorense Ecclesiæ frequentando adhæsit, & sepulturam in eo suorum familiarium & fidelium amicorum cum magno studio præparavit. Ipse namque ab ingressu chori usque ad altare turris terram aperiens, eandemque effodiens duos in ea muros construxit, & à latitudine utrorumque ad mensuram duorum cubitorum, & latitudinem in mensura unius & dimidii cubiti composuit, ibique nobilium virorum corpora ex prosapia sua cum patre & matre & filio BERNEO & Fratre BOSONE iterum honorificè sepelivit, ea videlicet quo per eum à locis in quibus antea fuerant sepulta ob dilectionis fervorem, & mutæ consanguinitatis propinquitatem, sua virtute & dignitate translata sunt. Exhinc cùm divini famulatus meditationi inhiante adhærens, & auditu divinæ contemplationis elogium aucultando libenter perciperet, eruditus hujusmodi dilectionis sermocinationibus frequenter oculus fuit exco; & pes claudo, ostiumque ejus viatoribus paruit. Reddebat sanè sancta discretionem compositus mundo mundana, & ira ex arte mundi arte sua mundanas artes deludendo conculcabat, ut non oblivisceretur qualem Creatori suo deberet subjectionem: sicque dexterâ suâ fidei lumen in

se accendebat, ut lucerna simplicis & astuti cordis ejus opacitate sinistra suggestionis, nec oleum lampadis ejus exstingeretur, nec venditorum perditione, nec adulatorum contagione sensus ejus turbaretur. Itaque residuum suæ vitæ cursum in sancta conversatione de die in diem proficiendo peragens & fomitem ignis, anteriorum cursus extirpando nitens extinguere, lucernam se illuminantem, eleëmofynam scilicet per aquam in manu ferebat, & per hanc callidi tentatoris insidias repellebat. Ita namque in agone istius contentionis viriliter decertabat, ut non veluti dormitans, verùm vigilans & expeditus inveniretur in occurso Conditoris sui: sicque pulsanti Iudici suo & Domino introitum nitebatur præparare, ut ne in portu ex suo sermone ei confusionem inimici sui facerent. Portum ergo illius exitus, quo ejus anima cælos penetrans ex hoc carnis ergastulo transivit ad Christum, invenit.

Beatus ergo FORANNANUS quia regularis censuræ normam primus in Valciodorenſi Monasterio gubernandi cum suis comitibus applicaverat, post ejus transitum ex eodem duodeno numero comitum ejusdem Rector justitiæ, & sanctæ conversationis amator beatus HADROE ejusdem Valciodorenſi Ecclesiæ præficitur. Hic autem cupiens sequi per omnia documenta ejusdem felicis memoriæ sui prædecessoris, meditabatur in lege divinæ exercitationis; propterea ibidem sublimatus obtinuit regimen rigoris & rectitudinis anno ab Incarnatione Domini nonagesimo octogesimo. Ipse autem ob sanctitatis suæ auctoritatem & morigeratæ conversationis excellentiam, & prudentis discretionis moderationem, ne lumen ejus sub modio regeretur, sed ratione sui splendoris Ecclesia illuminata amplificatione suæ doctrinæ dilataretur, beati Felicis Metenſi Ecclesiæ regulariter Abbas præficitur, & consensu omnium ibidem pertinentium dominus domus illius legitimè constituitur. Hinc ergo qualis fuerit monstrat gratia supernæ largitionis, quæ multiplicibus insigniis ita ejus misericordiam suam infundendo largiter replevit, ut ex magnis prodigiorum beneficiis, quæ per

II. Abbas  
Hadroc.

---

980.

eum Domini ejusdem pietas operando manifestavit, volumē non modicum in Ecclesia beati Felicis, & apud Valciodorenses conservatur. Ibi namque in Ecclesia beati Felicis ob dignitatis suæ venerationem, à Majoribus altare constructum continetur, quo singulis annis dies depositionis ejus solemniter celebratur.

Itaque in exordio suæ conditionis tales Valciodorensis Ecclesia Rectores animarum habuisse cognoscitur, de quorum patrocinio non solum præsentēs, verum & succedens generatio misericorditer illuminatur, & intercessione eorum spes miserorum, remissio peccatorum, consolatio languentium, debiliū restitutio, & casuum levamen, naufragantium portus, apud Conditoris & Reformatoris clementiam reperientur. Ergo sanctitate insignis & cælestis doni præmium recepturus, quod divina faciente clementia promeruerat agonizando, carnali sarcina deposita, hominem exiit, sicque anno ab Incarnatione Domini nongentesimo nonagesimo octavo ad Christum transmigravit.

---

998.

III. Abbas  
Machalanus.

Surrexit deinde ex eodem contubernio nobilium commitum vir vitæ laudabilis nomine MACHALANUS, qui cum assensu omnium annuente Metensi Episcopo in Valciodorensi Ecclesia Abbas constituitur, ibique regulariter intronizatus à Leodiensi benedicitur. Et quia testimonio suæ vitæ hoc commeruit, etiam in Basilica beati Michaëlis sub eodem tempore regimen animarum & curam omnium ibidem pertinentium, cultu dignæ venerationis Abbatis nomen sortitus obtinuit. Ipse etiam in conversatione bonæ actionis degens, & super custodiam suam inhianter vigilans, recto principalique spiritu normam justitiæ viriliter regebat, & ne callidus hostis detrimentum sibi ex creditis ovibus faceret, suam suorumque subjectorum actiones Domino commendabat. Tali se studio exercens ignis ille divinus meditatione sua in eo vehementer accendebatur, de quo dicit summa Sapientia: *Ignem veni mittere in terram; & quid volo nisi ut ardeat?* In hoc ergo ardore fidei comprehensus, ultimæ labentis diei cursus eidem clauditur anno Dominicæ Incarnationis



carnationis DCCCCXC. ex hoc mundo in Basilica beati Michaelis transiit, & in eadem à Fratribus ejusdem loci, conditorio sepulture honorificè constructo, cum summa diligentia sepelitur.

990.

Interea ex Valciodorensis Ecclesiæ Conventu subrogatus eisdem Ecclesiis regulariter domnus IMMO præficitur, & convalescente electione, & utriusque partis assentientibus Episcopis in Rectorem animarum à Leodiensi Pontifice benedicitur. Ipse namque specialem societatem mutue fraternitatis ita compaginavit inter utrasque Ecclesias, videlicet inter beati Michaëlis Basilicam & Valciodorensem, quòd si infortunio aliquo casusque acciderit, quòd egrediatur quis Fratrum ex una præfatarum Ecclesiarum ad quamcumque harum, ut pervenerit sicut in propria manebit, donec Prælatorum providentiæ propriæ restituetur. Ut autem unum corpus utraque Ecclesiæ tam in divinis quàm in humanis subsidiis fierent, & istius sanctionis edictum firmiter custodiretur, assensu seniorum Ecclesiarum sub vinculo anathematis constringitur. Ipse etiam quia prudentis discretionis moderatione per industriam suam Reipublicæ commoda quærendo utilitatibus intentus fuerat, carnis deposito pondere ex hoc mundo migravit feliciter anno 995.

IV. Abbas Immo.

Post hunc quidam GODEFRIDUS ex Remensi Ecclesia beati Remigii est assumptus, & conductu quorundam Nobilium de Cunauco propinquitatis consanguinitate, quorum gloriabatur, utriusque partis assentientibus Ecclesiis, Abbatis sortitus est nomen. Nactus verò privilegii dignitatem, austeritate suæ tyrannidis plerumque sibi commissas Ecclesias conturbare non distulit, dignitati suæ dicens non sufficere quidquid ab aliquo sibi fiebat servitutis veneratione. Convalescente igitur ejusdem tyrannidis enormitate, dum die quadam in Valciodorensi conciliabulo resideret, fieretque mentio ex memorato monili desiderabilique thesauro, pompaticè minando illud se relaturum ad urbem Remensem deposuit, dicens

V. Abbas Godefridus.

restituendum illi fore, quæ per illud detrimentum cognoscitur sustinuisse. Valciodorense autem audito hoc verbo scandalizantur, & regresso eo à Valciodoro infra terminum conductæ diei à fidelibus Valciodorense Ecclesiæ consilii dies statuitur, eorûmque consilio eo redeunte contra faciem ejus ostia & portæ clauduntur, & sic sua temeritate expulsus, spoliatur ab ejusdem honoris dignitate.

VI. Abbas  
Theodericus,

In diebus autem illis linquens seculare negotium ad conversionem Sacerdos de Priezeriis, nomine THEODERICUS, haud multò post tempore sub domno Immone venit, habitumque religionis sub eodem in Valciodorense Monasterio assumendo vestivit, & sanctitate religiosæ conversationis moribus dignis condiendo ornans, & se totum divinis legibus subdens, præceptis divinis parere non distulit. Hic ergo ob suæ venerationis dignitatem, & morigeratæ bonæque conversationis excellentiam, ab saniorum consilii eminentioribus, & omnibus Valciodorense Ecclesiæ subjacentibus, in pastorem & dominum electus, ejusdem loci obtinuit Abbatiam, & benedictione Canonicali fultus, rectitudinis & justitiæ normæ studuit militare indefessus.

Cumque sollicitè rei familiaris ad perfectum niteretur negotium meliorando perducere, sumpto consilio prudentum virorum ex Ecclesia Hasteriensi Sacerdotes, qui à Comite & à B. Forannano constituti fuerant, industria suæ providentiæ removit, & ex Valciodorense Monasterio Monachos assumens, in eadem Hasteriensi Ecclesia loco Sacerdotum servire constituit, decrevitque consilio & assensu utrorumque Episcoporum Merensis atque Leodiensis, ut annuatim Monachi ibidem habitantes mutarentur. Verùm si contigerit aliquem ex his ibidem mori, ad cimiterium Valciodorense Ecclesiæ sancitum est præcepto eorundem Episcoporum & consilio corpus illius referri, ut ibi habeat officium sepulturæ, quo suæ professionis cognoscitur suscepisse benedictionem.

Suo denique tempore dum ob negotium rerum familiarium à loco exiens sibi subjectas circuiret villas, occul-

to Dei iudicio passim ignis congerie exaggerante Valciodorense Monasterium est concrematum, & ædificiorum habitacula ejusdem Monasterii cum eo sunt dissoluta. Cúmque reverteretur, ruinámque respiceret descendendo de monte qui respicit contra faciem templi, ex equo cui insidebat graviter cecidit, & afflictí animi mœstitudinem ob cordis contritionem velare nequivit. Verùm vires resumens, atque ad habitaculum revertens, quod peccati infortunio dirutum fuerat, reædificare cœpit, auxilióque proborum hominum eandem Ecclesiam artificio luculentæ ædificationis studium apponens, haud multò pòst tempore iterum reformavit. Deinde quia res exigebat ut ararum consecrationes renovarentur Episcopali benedictione, tres à beato Forannano sollemnes celebritates tertio Nonarum Decembrium sub unius diei observantiam constitutæ mutantur. Nam templi consecratio pridie Idus Maii statuitur, & depositio beati Eloquii in propriam diem relinquitur, & ejusdem Translationis observantia propter confluentiam populi, qui eo tempore quotannis congregabatur, sicut unus observatur, octavo Idus Octobris ob temporalem affluentiam prudenti consilio constituitur. Renovatis igitur à domino NOTGERO Leodiensium Pontifice tribus sollemnibus celebritatibus, honorem proprii cultus unaquæque celebritas per se reformata dignitatem suæ venerationis resumpsit; sicque dierum istorum exultatio & devotionis ordinatio longo tempore permansit.

Inter hæc tempore illo de nobilibus progenitus parentibus puer quidam à Maceriensi oppido nutriendus ad eandem Valciodorensem habitationem adducitur, & militaturus Deo, & sanctæ Regulæ in eodem Monasterio secundum B. Benedicti mandatum regulariter offertur. In cognitione igitur proprii nominis puer ipse dictus est EREMBERTUS, qui dignitatem suæ nobilitatis egregiis ornavit moribus. Factus enim adolescens duplicem adeptus est divinæ scientiæ utilitatem: literis enim pleniter imbutus in omnis operationis constitutionem, tam in auro, argento, vel ære, quàm in cæterarum exercita.

VII. Abbas  
Erember-  
tus.

tionum ingenio factus est artifex egregius. Tandem & solutionis tempore venerabilis THEODERICI Abbatis secundum divinæ dispositionis volitionem ex hoc carnis ergastulo migravit; atque post ejusdem depositionis & sepulturæ officium, deliberationis inhiante ad præfatum EREMBERTUM convertit intuitum. Ipse Clerus cum populo & conventu Monachorum Rectorem suæ protectionis esse disposuerunt, & se ei subicere tota mentis intentione decreverunt. Igitur omni tergiversatione procul remota unanimiter dominus domus ab eminentioribus atque providentiori consilio valentibus petitur.

Verumtamen seminarium discordiæ invidus diabolus motiones contrarias miscuit, & ab electione Canonicali stimulavit recedere quosdam instinctu suæ deceptionis. Istius ergo commotionis controversia turbatur provincia; vociferatione enim frementium, tumultus adversæ partis ad Regias aures usque pervenit. Cùmque strepitus Rex causam investigaret, cognosceretque utriusque partis voluntatem, & quid de sinistro dextroque pendere videretur, animadverteret, partem contrariam respondendo seposuit, & prudenti deliberatione vocibus Religiosorum & consensui acquiescere indicavit. Ergo nutu Regis HENRICI electione convalescente dominus Erembertus gubernaculum Valciodorensis Eccl. nactus regulariter suscepit, & canonicali benedictione fultus, ab utrisque Episcopis secundum uniuscujusque juris potestatem feliciter intronizatur.

Sessionis igitur suæ suscepto honore qualem se quantumque reddiderit, operum illius designant vestigia, quæ à suo tempore usque nunc nobis certa monstrant indicia. Sapientia enim suæ providentiæ Claustrum cum curia ordinando compaginavit, & ædificiorum habitacula sicut usque nunc permanent luculento opere construxit. Deinde intra templi ambitum curiositatem suam apponens, in eo mirificæ artis opera propriis manibus operando composuit. Nam duas tabulas argenteas suo labore & sudore earum sumptus quærens, ob honorem Genitricis Christi construxit; unam enim earum ad mensuram ma-

joris altaris fabricans, alteram desuper altare ante lipsanum beati Eloquii statuens, has completo opere mirifica arte consummavit, & ibi solemnibus solibus easdem tabulas statuere constituit. Et ut longo tempore signum suæ benevolentiae & studiosi operis indicia, & locupletis honoris vestigia, in eadem Ecclesia de suo labore superstitibus certam dantia manifestationem ob suæ benedictionis incrementum perpetualiter permanerent, pretiosorum ornamentorum multimodam supellectilem congregavit.

Tempore enim eodem mater ejus carnalis, nomine **ERMENRADA**, non tam carnali affectu, quam sanctæ religionis desiderio, illi fideliter adhæsit, & se divinis legibus subjiciens, actionis suæ intentionem ad Deum convertit. Et ne hostis invidus superstitione sua hanc otiositatem sectando vacuum à bono opere deprehenderet, labore manuum suarum cortinas, quibus Monasterium usque nunc præcingendo decoratur, composuit, & unicuique tempori tam Quadragesimæ quam Paschali cum altariorum operturis proprias aptavit.

Tempore autem illo venerabilis **EREMBERTUS** honestatem & religionis ordinem cupiens in Ecclesia augmentando exaltare, ob difficultatem, molestiam & tumultum, qui Fratribus oriebatur, divinis in meditationibus præoccupatis ex doctrina puerorum scholam à loco removens, eam in Hasteria esse disposuit, puerosque ibi usque ad tempus\* ordinationis beati Benedicti nutrire præcepit. Deinde adolescens quidam, nomine **RODULFUS**, de Valciodoro assumptus, puerorum Magister ab eodem Abbate Eremberto in Hasteria constituitur; & postea in eodem Præpositus ibidem constitutus præfici-

\* Scilicet ad  
15. annum.  
Regulæ  
Cap. 70.

Desideranti verò studio quoniam omni tempore vitæ suæ decorem domus Dei dilexerat venerabilis Erembertus, excogitare cœpit quibus sumptibus Ecclesiam Valciodorensem posset exaltando dilatari, & quomodo secundum quantitatem ædificiorum recenti renovatione à se constructorum luculenti coaptatione renovaretur &

decenter. Congregata igitur diversorum sumptuum copia innumerabilem providentia sua ad hoc opus explendum acquisivit pecuniam, quam ne per incuriam alicujus dispendii dilaberetur, eam conquiendo in manibus prudentium hominum collocare disposuit. Dispositis denique ordinatione sua industriis fidelibus, quia rerum familiarium custoditoribus sumptus, amplificationis, renovationis, atque futuræ constructionis templi diffinitio eos obligans sacramento custodiendos tradidit, ea videlicet conditione, ut nullius terroris conturbatione, nec ..... deceptione substantiam prædictam ab aliquo dispergendo depopularetur, nec exuendo à manibus eorum in alios transiret usus, exceptis his pro quibus cum multo sudore, labore, atque parcite eos congregaverat ipse venerabilis Erembertus.

In illis diebus etiam in Metensi confinio ex villa à B. Forannano Ecclesiæ Valciodorensi acquisita concambium factum est, & in Hasbaniensi pago in loco dicto Bronies, & in eadem villa allodium aliud dictum Bammenis facta vicissim commutatione sumptum est. In hac ergo commutatione de duabus vineis, de quibus superius mentio facta est, una cum domo prædicta, quæ Metis habebatur, transiit, & alia, quæ Valciodorus vocabatur, Ecclesiæ remansit. Hanc sanè sancti Vincentii Abbas jure hereditario assumens, ex ea se & suam Ecclesiam conditionaliter in Metensis Episcopi præsentia & curiæ ejus investivit: conditionis namque utrorumque Abbatum, atque Fratrum confirmatio, & ab eodem tempore ab utrisque partibus per succedentia tempora conservanda Constitutio talis est: Pro vinea quæ, ut diximus, Valciodorus vocabatur, quam de manu Valciodorensis Abbatis & Fratrum ejus perpetualiter detinendam, cultam, sufficienterque compositam, sancti Vincentii Abbas ad se traxit cum suo conventu expedite, Valciodorensium pars ab illo die, & deinceps pro qualicumque necessitate Metis conveniens, hospitium præparatum in eadem S. Vincentii Ecclesia in loco ejusdem honestiori inveniet, & ad usus Abbatis Valciodorensis Ecclesiæ, & suorum se-

cum advenientium , per quindecim dies , si res necessitasque occasio exegerit , obsoniorum necessaria de re publica ejusdem S. Vincentii Ecclesiæ ab Abbate ejusdem , vel à procuratore domus illius præparabuntur. Hæc diffinitiva Constitutio à tempore Abbatis Lamberti per succedentium posteritatem dilatata firmiter & absque morione contraria ab utrisque partibus custodita est, quæ nunc permanet juridicialiter in tenore suo.

Dominus autem EREMBERTUS virtutum gratiâ plenus, Christo fideliter adhærens , ipsi servire studuit indefessus, seseque ab humanis emancipans vitiis , per virtutum culmina apprehendere nitebatur immarcessibilem gloriam perpetui decoris. Arbitrio tandem divinæ dispositionis carne deposita , è mundo transmigrans Iudici suo spiritum reddidit , & pro fidei dispensatione , & suæ pastoralitatis tempore suarum ovium augmentatione , futuræ requiei recepturus jucunditatem , & credimus labore peracti operis transito , plenæ retributionis suscepit denarium. Igitur anno ab Incarnatione Domini MXXXIII. ejus destitutionis dissolutio facta est Valciodorensum mœroris exaggeratio , quoniam ab die depositionis ejus usque nunc in Valciodorense Ecclesia hujus detrimenti non est reperta recuperatio , nec reformatione alicujus personæ sic utilis suffragatio.

1033.

Ne autem ob pastoralitatis viduitatem post ejus transitum Valciodorensis Ecclesia vacillando fluctuaret , sanxere capitales Valciodorensis Ecclesiæ RODULFUM tanquam Monachum de Valciodoro in pastorem & dominum suscipere , qui è vestigio canonicali fultus electione , auctoritate utrorumque Episcoporum sublimatur. Ipse sanè normam justitiæ , quam sub doctrina sui prædecessoris exemplando animadverterat , ex parte adimplendo exemplare concupivit : nam infra officium Præposituræ Hasteriensis Ecclesiæ sumptus non modicos acquisivit , quibus ruinas Hasteriensis Ecclesiæ reformando novam construxit. Dehinc post biennium à transitu venerabilis Eremberti communi sorte mortalium ex hoc mundo transivit , lectoque decubans duturna supplicatione apud

VIII. Abbas Rodulfus.

Valciodorenſes obtinuit, quatenus in ea quæ à ſe fuerat reformata Eccleſia, aſſenſu eorum haberet ſepulturæ tumulationem. Tempore enim illo ſi quis Monachorum in Haſteria obibat, ad Monaſterium Valciodorenſe referebatur, ut ſecundùm ſuperiùs dictum ibi tumulatus ſuſciperet ſepulturę officium, ubi antea ſuſceperat profeſſionis benediſtionem.

IX. Abbas  
Popo.

Poſt hujus quoque diſceſſum exorta eſt lis & contentio ex publica electione Valciodorenſium; quapropter regali decreto domnus POPO Stabulenſis Abbas, qui eo tempore cum Stabulenſi S. Maximini Eccleſiam, & cum ea quamplures regebat, ad nutum Metenſis Epifcopi & hanc Valciodorenſem regendam cum ceteris ſuſcepit. Et quia virtutum gratia repletus, laudabiliter & ſine querela ſuo tempore vivere conabatur, atque ſine offeſſa & ſcrupulo, & contrarietatis motione ſecundùm antiquam conſtitutionem jura Eccleſiarum, ſua ſub ditione conſtitutarum, irrefragabiliter niſus eſt cuſtodire, unicuique Eccleſiæ certis & aſſignatis temporibus propria diſtribuit, & adhibitis ad hoc opus explendum gnaris & induſtriis ſecum procuratoribus, unicuique domui proprium designavit.

X. Abbas  
Lambertus.

In diebus illis domnus LAMBERTUS Treveris in S. Maximini Eccleſia, ſicut Monachus ejuſdem ſub domno Pappone præpoſituræ adminiſtrationem procurabat; & quia fideliter tēpore ſuæ procurationis miniſtravit, à præfato D. Pappone à Treverſi Eccl. remotus, procurationis gratia ad Valciodor. adducitur. Enimverò res exigebat, quòd non ſolùm procurationis ordinatio, verùm omnis domūs deliberatio ad eum reſpiceret. Domnus POPO præbens ei paſtorales baculum, exuto ſe ab hoc privilegii officio, vix apud Regem Metenſemque Antiftitem obtinuit, ut in Valciodorenſi Cœnobio vice ſua collocaretur. Tandem ſeriem rationis trutinando Regalis magnificencia cum Epifcopali auctoritate animadvertentes, conditionaliter voluntati ejus ſatiſſeri adjudicaverunt, & ſupplicationem illius ea deliberatione ſuſceperunt, quatenus regulariter incedendo prudenter diſponat factus



Atus Abbas domnus Lambertus de rebus Valciodorensis Monasterii, sin autem, in quacumque die à conditione præfata vacillando recesserit, pro ejus enormitate domnus Popo rursus erit, & pro detrimenti realitate domni Lamberti in Regis præsentia & Metensis Episcopi, Valciodorenſi Eccleſiæ de damno illato se domnus Popo ſatisfacturum cognoscit.

Vt autem adeptus est domnus LAMBERTUS Valciodorenſis Coenobii privilegium, tempore domni Poponis in eo prudenter plurima disponendo rexit, & nimia urbanitate qua fulciebatur nobilium virorum levamen ſibi complanavit cum adminiculatione. Cùmque rei familiaris gubernando intentus foret procurationi, ad excolendas vineas quas reperit ſuper omnia operam dedit, & cum his alias recentes conſtruendo colere diſpoſuit.

In diebus autem illis major villicus de Haſteria cum univerſis Officialibus ſuis, & omni poteſtate ejusdem Haſteriæ, per annum tribus vicibus ad generalem concionem in Valciodoro conveniebat, & quoniam diebus illis annuatim Valciodorensium omnis circumjacens poteſtas certis & assignatis temporibus poſt Domini Natalitium, Paſcha & Pentecoſten congregabatur, diſcutienda audiendo & reſpondendo eadem Haſterienſis poteſtas de ſuis judiciis, ſicut diximus, eiſdem diebus cum ceteris conveniebat. Cùmque tempore quodam more ſolito conveniret Haſterienſium populus poſt Paſcha in Valciodoro ſecundùm antiquam inſtitutionem, ab eodem Abbate Lamberto inter Valciodorum & Haſteriam ſub reſpectu Valciodorensis Eccleſiæ vinea ſtructa colebatur, quæ diebus illis ab hoc ſepiebatur murorum ambitu. Videns namque viros de Haſteria Valciodorenses nihilominus vocari præcepit, atque de rebus publicis ſe tractaturum ibidem diſpoſuit, dicens alicui nullam facere injuriam, ſi in ſuæ poteſtatis banno, & in loco ſub ſua dititione conſtituto audiendus, reſponſurus necnon populus conveniret. Iraque ne ſcrupulus controverſiæ ex hac occaſione Valciodorensi Eccleſiæ oriretur, in die illa generaliter ne ibidem concionaretur, ei à Valciodorensibus in-

terdicitur, sed respuendo monita eorum, & permanens in priori sententia ibidem die illo usque ad vesperam concionatus est: unde conversus retrorsum populus Hastenriensium secundum tempus conditum post hoc in Valciodoro venire detrectans, scandalizandi occasionem & initium contrarietatis ex hoc alloquio sumpsit, & Valciodorensis Ecclesia ex suo suæ dignitatis privilegio spoliata, suo tempore istius juris accessum cum populi conventu tali controversia amisit.

Ex hoc accidenti turbati Valciodorense actionem prætentam domno Poponi innotuerunt, & in hac parte à sua dignitate spoliata Ecclesiam ostendentes hoc gravedinis & seditionis exordium illi lacrymabiliter conquesti sunt. Hoc audito dominus Popo vehementer commotus, illi\* in Leodio diem constituit, & ad diem constitutam ex hac enormitate & eloquii infortunio responsurum ipsum venire decrevit. Cumque pervigil infra constitutæ diei terminum dominus Popo super suam\* laboraret, cœlesti remuneratione pro suo labore ditaturus præmium supernæ jucunditatis recipiendo ex hoc mundo transit, cujus finem auditu referentium dominus cognoscens Lambertus ita fertur dixisse, demum ex istius propositi ratiocinio liberum me ostendo, & quia Abbas sum constitutus, per fortem Deum Abbas ero.

\* *Id est,*  
Lamberto.

\* *Addo*  
Ecclesiam,  
*vel quid*  
*simile.*

Accidit deinde haud multò post, ut unus Monachorum nomine Viventius de Valciodoro professus, & in Hastertia tempore illo commorans, ex hoc mundo transiret, cujus funus cum ceteri secundum antiquam consuetudinem & constitutionem ferre in Valciodoro disponent, ipse ne fieret interdicens dixit: hujusmodi corruptionis putredo cur delatoribus vexationem faciens eundo & redeundo tædium fiat ignoro, cum neutri sit juris & potestatis in hoc Hastenriensi Cimiterio, ut in Valciodorense secundum voluntatem & nostrum mandatum sibi locum sepulturæ providere. Itaque vobis præcipio, ut hîc ei locus sepulturæ præparetur, & Ecclesiæ Hastenriensi, cui vivens servivit, ex hoc etiam mundo translatus post obitum adhæreat. Hæc est post primæ transgressio.

nis periculum altera enormitas, in qua Hasterienses suæ damnationis exordium & animarum suarum dispendium assumendo traxerunt: has enim quas juxta B. Benedicti decretum & normam facere professiones debuerant, ut in eis sanctificarentur Ecclesiastico jure, postponendo reliquerunt, & à die illa usque ad hanc benedictionem, qua Monachorum sanctificatur Ordo, suscipere renuerunt. Ne verò contra veritatis tramitem incedere videamur, & à quibus subſannamur ex commēto falsæ opinionis inaniter dijudicemur, testimonium illorum in medium proferimus, qui ea non solum oculis viderunt, verum operando manibus propriis tractaverunt. Hi nobis verissima relatione quadam ex parte materia fuerunt, quocirca quorundam illorum nomina censuimus hic inferenda, auctoritas quo magis conualeſcat. Extitit namque ex his unus noster didascalus Reverendus Richerus, alter pauper Iohannes, Fulbertus quoque qui in suo tempore dives est appellatus, & cum eis opiniones eorum veraxque relatio, qui de eadem ætate memorata veraciter referebant. Hæc enim omnia nugalis rumor eo in tempore aures omnium nostrum personabat.

In diebus illis substantia à Venerabili Ereberto Abbate præfata, quâ templi structura dilatanda atque renovanda erant; supellex quoque varia, & multimodarum rerum collectio supererat, quo fieret concors futurum fastigium templi ad mensuram quantitatemque futurorum ædificiorum. Et quoniam isdem Venerabilis vir futuri operis copias in industrium virorum tutela collocaverat, atque sub firma protectione ita regebantur, quo ne timore amorêque usibus alterius rei subjacerent, Dominus Lambertus ne machinamento alicujus occasionis prædicta substantia deflueret, deliberavit propositæ actionis excellentissimi Ereberti cōplere desiderium. Sed nostræ partis in hac etiam actione non defuit dispendiū: Conventus enim ille qui quotannis in translatione B. Eloquii congregabatur, de quo & superius sermo est habitus, ex hoc opere scandali sumens occasionem, retrocessit, dicens eo in loco gravem fieri controversiæ enormitatem, quod

in tam solēni die ad quā confluebant diversarum plebium catervæ, ausus sit quis ruinam facere, & in hac à suo statu templi ædificia remove. Die enim eodem in tanta populi frequentia ab hoc templum est eversum, & annualis convenientium devotio est redacta in nihilum, atque redere postposuit antiquo more debitum obsequium gens & populus diversarum regionum. Quid plura? tribus ab eo demptis nobis præcipuis & congruis honoribus, nobis non profuit, & nostris Hastertiensibus in his periculis suarum animarum inimicitians multum obfuit. Revera contra Deum & regularem observantiam hoc, inquam, controversiæ enormitatem ita induxit, quatenus pro contradictione atque superstitione, quam contra auctoritatem Romanæ Ecclesiæ, decretique Domini Apostolici ex eorum cimiterio ebullit, regularem benedictionem postponerent, & suo more viventes ab illo tempore usque ad nostrum ita permanerent. Vulgus nihilominus ex eadem villa, quod statutis temporibus ad hoc Cœnobium confluebat, contra salutem animæ & corporis agens præcepto illius antiquum morem dereliquit, obedire detrectans præcepto decretoque Romanæ Ecclesiæ, & Domini Apostolici, atque statuta illius contemnens à die illo usque nunc per iter inobedientiæ graditur.

Completo exinde murorum ambitu, & diligenter atque mirificè venerabilis Monasterii compaginatione sublimata in interiori oculo, sedula meditatione Dominus Lambertus cœpit perscrutari à quibus & quomodo celebre nomen & antiquum Ecclesiæ renovari possit. Tempore siquidem illo parochialis Ecclesia in hoc Cœnobio non erat, sed B. Forannano & suis successoribus à Romana Ecclesia & suis capitalibus concessum fuerat, quatenus super populum loci istius vices ministeriumque Pontificis per omnia ut super claustrales interiùs, ita quoque super Laicos exteriùs expleret. Quapropter in diebus illis à latere Abbatis Capellanus non deerat, qui in eodem Monasterio vice Abbatis curam gerēbat, & ad nutum illius cetera disponebat. Verùm Dominus Lambertus hoc privilegium contumeliam fore assignans, sub sarcina jugo-

que tali se diu comprimere non ferens, maturè se ab hoc absolvit, atque juxta Monasterium ipsam quam nunc habemus in honore S. Michaëlis Ecclesiam construxit.

Deinde qualiter ad plenitudinem perpetuæ stabilitatis procederet excogitari cœpit; non enim vacua portio supererat Ecclesiæ nostræ, quæ sine dispendio removeretur ab antiqua constitutione. Rebus itaque instantibus undique circumspectis, de præbenda Fratrum ex indominicato mansu\* hujus villæ eam portionem substraxit, qua dote *f.\* manso.* designata, constructam à se Ecclesiam, veluti in præsentiarum dotis ejus dilatio ostendit, magnificè nobilitavit. Leodiensis deinde Pontifex dominus Detuinus locum consecraturus ab hoc invitatur, atque ad complendum talis actionis negotium innumerabilibus præparatis expensis, ab utrisque partibus celebrandus dies statuitur. Ergo in capite Calendarum Octobris istius celebrationis decus initiatur, venerabilisque templi majus altare in honore sanctæ & individuæ Trinitatis, & sanctæ Crucis, atque Genitricis Dei & duodecim Apostolorum, beati necnon Proto-martyris Stephani, sancti quoque Vincentii\* Leodegarii Martyris, à suprascripto Præsule consecratur. *f.\* & Leodegarii Martyrum.* In templi verò dextera sinistræque, & crypta in die præfata ab eodem tria consecrantur altaria, in quibus re & nomine patrocinia diversorum adunantur Sanctorum. Altare verò in facie ingredientium à parte Claustrum in honore beati Iohannis Evangelistæ, necnon & beati Iohannis Baptistæ & beati Stephani Papæ dedicatur. Altare exinde in honore beati Andreæ Apostoli, Felicis Papæ & Martyris, Calixti Papæ & Martyris, Mauricii Thebæ legionis Ducis, & omnium Sanctorum, cum sua Basilica oleo consecrationis inungitur. Aliud autem in læva Monasterii ad honorem Christi Confessorum Martini, Nicolai, Benedicti, Silvestri, Gregorii benedicuntur. In sequenti præterea die Altare & Basilicam superius memoratam, quæ propter villam & Monasterium ab eodem Abbate memorata constructa fuerant, in honore S. Archangeli Michaëlis, & sancti Patricii Confessoris, necnon & beatæ Cæcilie Virginis ac omnium Sanctorum

consecravit. Beati verò Eloquentii translatio antiquam dignitatem retinens in ea permansit stabiliter, quam antea domni NOTGERI industria ordinavit, & ut ipse celebrabilem reliquit; sic etiam dominus BETUINUS ejus sollemnē decus octavo Idus Octobris reformando celebraturum constituit.

In diebus autem illis ad hoc Cimiterium nobilium Florinensium funera antiquo more, sicut superius præfati sumus deferebantur, quod utilitatis commodum etiam Ecclesiam spolians eam in hac parte hac ratione læsit. Accidit fortè quòd quidam eorum hominem exuens ex hoc mundo transiret, cujus funus dum ejus successores ad locum sepulturæ disponerent deferre, obviavit Domino nostro Lamberto Florinensis Abbas nomine GONZO, & dum ex prædicto funere fermocinantes ad invicem conferrent, ita præfatus Florinensis Abbas nostro intulit: Cùm nullius utilitatis commoditas ex his cadaveribus vobis proveniat, nostris consiliis assensum præbere, & sepulturam eorum nobis concedite, vósque ab hoc fatigationis tædio expedientes hac pro recompensatione hunc equum ingentis fortitudinis ad usus vestræ Ecclesiæ assumite. Sic denique talis diffinitionis concessio, nostris facta est horum diminutio, destructiōque maxima futura rerum eventus per effectum fortè succedentium.

In tempore etenim præcedenti ex his nobilibus quædam nobilis matrona nomine ALPAIDIS voto præcordiali ad hunc in vita sua confugiens locum, in eo deliberans suæ dispositionis expectare terminum, villam Roleriam, & quicquid in ea juris habebat nobis liberaliter tradidit, Disponente ea interea amplioribus beneficiis locum exaltare; sed ab hoc voto cujusdam Monachi quædam improba stultitia retraxit hoc ordine. Cùm de republica ejusdem Ecclesiæ prudenti diffinitione portionem sibi constitutam perciperet, accidit fortè quòd suus nuntius Fratrum portiones anticiparet, illéque ejus de piscibus acciperet ferculum, & prædictus Monachus eo die amitteret suæ portionis ferculum: Cùmque ob id graviter perstreperet, ejus strepitus ad Dominæ pervenit aures,

quæ hac motione in indignationem conversa recessit à loco ejusdem, faciens de seipsa detrimentum irrecuperabile. Exinde Dominus Florinensis GODEFRIDUS ob suæ salutis remedium de suo proprietario liberam nostræ Ecclesiæ donationem faciens, redditum duorum solidorum in Harneis illi tradidit, & ut Fratribus quotannis in sua remembrance administrarentur per succedentia tempora instituit.

Diebus siquidem illis super Letiam flumen in castro dicto Greteri quidam nobilis Comes nomine THEODERICUS una cum sua nobilissima conjuge ERMENGARDE habitabat, de cujus nobili prosapia Fennienfes Theoderici æquivocali successione originem traxerunt. Isti denique adjutricem in opportuna necessitate beatam sibi adesse MARIAM in hoc Valciodorenfi Monasterio sub ejus protectionum alis fore sepulcrum decreverunt, & de beneficiorum suorum redditibus præbendam Fratrum ibidem Deo servientium ut nobiles nobiliter ampliaverunt. Dominus enim Theodericus in confinio Fallemaniensi in vico dicto Iuvonia, partem alodij quatuor modios in redditu quatuor solidorum præfatæ Ecclesiæ tradidit, & ut Fratribus per omne succedens tempus singulis annis ministrarentur, instituit. Venerabilis nec non ERMENGARDIS Comitissa uxor ejus in Solonia, quæ prope Dinantum adjacet, in redditu decem solidorum congruum Ecclesiæ huic alodium quatuor scilicet mansos terræ, quod in usibus præfatorum Fratrum decrevit succedere per omne tempus.

Sub eodem tempore in castro Femuensi illustris Domina nobilis mulier nomine GERTRUDIS prima de Femuensibus fideliter huic Ecclesiæ adhæsit, & benevolentia suæ devotionis illi largitionem nobilis doni adhibuit, & ob suorum peccaminum remedium sub ejus protectione confugiens sibi suisque successoribus instituit in eodem loco fieri sepulturæ domicilium. Igitur ejus pronepos nobilis IOHANNES ex eadem prosapia & ex eodem castro illi in hoc suæ benevolentia studio occurrens, sibi que Genitricem nostræ redemptionis in omni necessitate quæ-

rens affore, ad complendum opus divinitus conceptum manum apposuit, villam Borſium invicem in redditu octodecim solidorum nobis tradiderunt, exceptis accidentalibus quæſtibus & familia ex diverſis eventibus frequenter qui accidunt in Ardennensi provincia: Ecclesia enim ejusdem villæ decem, villæque octo solidos redditus reddere debebat omnibus diebus, quem propterea hîc annotavimus ne ab aliquo aliquando Ecclesia aliquod patiatur detrimentum injustè.

Huic sub eodem tempore quædam nobilis mulier **HERINSINDIS** domine ex antè dictis Florinensibus, in hoc Valciodorensi Monasterio Genitricis Christi levamen quærens à facie inimici atque tribulationis futuræ, ejus sub alis devotè confugit, omniâque illius perpetuæ retributionis suavia ab ea quatenus inveniret, de suis beneficiis prædictæ Ecclesiæ cum quodam **EILBERTO** conjugis sui Fratris uterino donativum quoddam tribuit. Dedit enim tam ipse quàm ipsa in villa Erchevelles, in qua in honore **B. Medardi** habetur Ecclesia, in respectu quatuor solidorum duas quadras terræ, quas annuatim usibus Fratrum ibidem Deo servantium omni dehinc tempore nobiliter decreverunt subesse.

Interea quidam **Vidricus** de Romereis nobilitatem suam decorare nitens militari studio vitam præsentem armis ornavit, & ob diverſorum casus reatuum vinculo excommunicationis irretitus in eo usque ad terminum suæ mortis permansit, sicque ex hoc mundo cum priori sententia transivit. Verùm antequam decederet à suis familiaribus præcordiali precatione obtinuit, quatenus in præcinctu Valciodorensis Ecclesiæ ut in eo sui corporis sepultura fieret, deferretur, ita duntaxat ut signo crucis turris ipsius Ecclesiæ à suis delatoribus agnito ibidem è regione Ecclesiæ sepeliretur. Ipse denique ne omnino apud matrem Ecclesiæ haberetur ingratus, in eadem villa Romereis in respectu quindecim denariorum Valciodorensi Ecclesiæ partem alodii dedit, dans ibidem congruentem familiam & honestam. De qua quædam puella ad nos transitum faciens, quam quidam **Præzeriensis**

ANSELINUS



ANSELINUS sumpsit in conjugium, de quibus haud multo post grandis turba populi consurrexit, qui à supradicto Anselino & puella memorata, QUERENTIA nuncupabantur, originem traxerunt.

In tempore eodem quidam Evardus in hoc Monasterio à parentibus traditus est nutriendus, ut post in sanctæ conversationis observantia vivens regulariter conversaretur. Cumque secundum regulam S. Benedicti pro puero prædicti parentes suam petitionem facerent, & in Rouz tam pro se quàm pro eodem respectum duorum solidorum nobis tradiderunt. Omni tempore deinceps Fratribus annuatim in eodem vico eundem respectum suscipere constituerunt. Cap. 59.

In diebus etiam illis Domini ex Rovoniensi castro huic Ecclesiæ fideliter adhærentes ex redditibus suorum beneficiorum Fratrum præbendam nobiliter ampliarunt, omnisque illius progeniei successio in maximæ venerationis honorificentia hanc ceteris prætulerunt, & in ea conditorium instantis & futuræ successionis suæ funerum constituerunt. Ex his unus nomine Isaac ex suo jure huic Ecclesiæ Valciodorensi oblationem faciens in Mahiert parrem alodii tradidit, hocque sub respectu quatuor solidorum illi subjecit.

Eodem tempore de nobilibus de Nova-Villa in pago Famenienfi sita WALTILINUS quidam ob tyrannidem suam perpetuum periculum metuens & futuram examinationem, Genitricis Christi levamen remediumque quaesivit, qui de propriis redditibus honorificentiam faciens in villa Gessimilus suæ ditioni subjectam alodii parrem dedit, cujus respectus in hoc Valciodorensi Monasterio quotannis Fratribus triginta denarios solvit.

Fuit interea in his diebus de Namurcensi familia quidam Hodebaldus, cujus filius Theodoricus de Bodello in Namurco, filiam habuit nomine Herisindem quam quidam Balduinus de Horia sumpsit in uxorem. Hic itaque cum suæ vitæ enormitatem considerasset, fontem misericordiae beatam videlicet MARIAM suis enormitatibus opposuit antidotum, quo saluari ejus tuitione liberaretur.

ab incendiis perpetuæ damnationis. Igitur pro divina recompensatione sibi futura, quam opportuno tempore & die tribulationis haud sibi dubitabat affore si promeretur, in vico dicto Chrestevin ob venerationem Christi Genetricis Valciodorensi Ecclesiæ partem alodii tradidit, duosque solidos in respectu illius Fratribus ejusdem Ecclesiæ quorannis solvere constituit. Hæc de tempore Domni Lamberti Abbatis atque rebus acquisitis amplificatione, sine diminutione & infra terminum suæ pastoralitatis accidentalibus casibus & periculosis anfractibus dicta sufficiant.

Quomodo verò cimiterium istius Ecclesiæ ante exitum suum ambierit, testis fuit conscientiæ suæ cordium scrutator Deus: Verùm ne hoc præteriisse inaniter videamur, ob testimonium referentium munimenque futurorum hic adnotare decrevimus. Ipsæque denique veluti accepimus cum crebris ante exitum pulsaretur infirmitatibus frequenter huic Ecclesiæ adhærebat nitens ibidem corporis exuvias relinquere; quod sicut suo versabatur in voto satis fideliter opinabatur militavisse. Enim verò ut post eventus rerum aperuit, sollicitudo humanæ dispositionis nil valet contra consilium divinæ dispensationis. Vocationis igitur suæ adveniente tempore ultimum sorte ei in Hasteria finis clausit diem, & impediante accidentali difficultate necesse fuit ejus corporis glebam ibidem mansionem accipere.

Quid autem in suis diebus ei in Hasteria contigerit paucis explicabimus. Notitiam itaque Principum suo tempore sollicitè procuravit, & semper in eorum præsentia cum eis frequenter adesse desideravit. Cùmque die quadam Bullonis ante Bullonensem Ducem astaret, Dux GODEFRIDUS ex pestilentia suorum equorum conqueri cœpit, atque ex hac à circumstantibus consilium sciscitatus est. Cui à Domno nostro Lamberto tale consilium confestim datum est: Beati Nicolai suffragium, optimè Dux, hac pro pestilentia requirite, & confestim liberabuntur ab hac invaletudine. Requirit interea Dux quò ejus memoria haberetur. Duci respondit; in Valciodo.

rensi Basilica in honorem S. Nicolai consecrata continetur una ara. Tandem Dux ex sua suppellectili in Valciodorensi Basilica ob honorem S. Nicolai suorumque salutem equorum per præfatum Abbatem optimum pallium transmisit, quod usque nunc in jam dicta conservatur Ecclesia.

Revertens autem à Bullone fortè per Hasteriam transivit & in ea antequam huc rediret unius noctis tempore pernoctavit: Cùmque more solito matutinali adveniente hora Missam celebraturus altare sibi præparari præcepisset, præfatum desuper altare pallium poni præcepit, quod divinæ celebrationis mysterio completo ad locum destinatum transferre disposuit. Verùm nostri Hasterien- ses injuriam sibi fieri judicantes, affectum contumelia prædictum Abbatem cum jurgio pallium retinuerunt, & sæpè jam dictum Abbatem armis aggredientes unanimiter cum laicali manu obsidendo clauferunt. Cùm autem clausus ab his in suo cubiculo teneretur, cum summa velocitate ab eodem in Namurco dirigitur nuntius, quatenus veniente Namurcensi Comite ab hac insolenti conventionem erueretur. Veniens itaque Namurcensis Comes ALBERTUS, pater Comitis GODEFRIDI, diligenterque rem investigans consideransque nimis procacitatis insolentiam grave iudicium in eos exercuit, quoniam quosdam orbatos, quosdam verò cauteriatos, nonnullos verò demptis pedibus claudos reliquit.

Domno LAMBERTO viam universæ carnis ingresso Valciodorenses pari consilio canonicam electionem facere decreverunt, & de suis qui eis præesset unum in pastorem & dominum secundum primam institutionem sibi imponere condixerunt. Igitur canonicali auctoritate undique ventilato negotio utriusque partis in hoc convenit consensus, ut Valciodorensis Monachus domnus GODESCALCUS Abbas in regimine ejusdem Ecclesiæ præficeretur. Dictum & factum. Verùm nactus juxta deliberationem Fratrum, eorum regimen, res publicas . . . . . quas suis voluntatibus haud multò post subesse disposuit. Cùm verò votis præcedentibus prospera succederent, &

Godescal-  
cus XI.  
Abbas eli-  
gitur.

sibi sine aliqua contradictione cuncta bona malaque sub-  
 jacerent, proprii cordis secutus est arbitrium, sicque ex  
 parte res sibi commissas deduxit ad irrecuperabile com-  
 mercium & detrimenti & diminutionis lacrymabile infor-  
 tunium. Huic velata affinitate quidam Leumensis EN-  
 GELBERTUS conjunctus est, adeo ei præcordiali familia-  
 ritate adhærens, ut non solum ex rebus transitoriis, ve-  
 rumetiam ex existentibus perpetimque manentibus ab  
 eodem superabundanter ditaretur. Distractis siquidem  
 contra fas sibi commissis rebus Ecclesiasticis, potestate  
 qua valuit Abbatix curias omnes deturbavit, præfato En-  
 gelberto de unaquaque portionem tribuens. Ipse autem  
 ne criminaretur ab aliquo se hæc injuste fecisse, puellam  
 quandam nobilibus ortam natalibus Ecclesie acquisivit,  
 quam ipsi Engelberto in uxorem tradidit: ipsi præterea in  
 dotis adnumerationem hæc contulit, quæ venerabilis  
 Comitis EILBERTI devotione & industria Ecclesie fue-  
 rant oblata, quæ etiam Apostolicæ auctoritatis sub gra-  
 vis ligaturæ excommunicatione indeterminabiliter con-  
 tra omnes, qui fraudem moliri cupiunt de rebus supradic-  
 tis, tuerentur canonica defensione. Ut enim damno-  
 sam distinctionem\* per eum factam futurorum cognoscat  
 successio, hujus detrimenti seriem partim explicabimus.  
 Dedit illi in hac villa in vico Lemniensi per quatuor ca-  
 pita culturæ quatuor bovarios terræ arabilis. In Antina  
 decimam lini, de qua antiquitus suebantur panni Fratrum  
 cum quibusdam ejusdem curiæ eulogiis. Ab Heydra ve-  
 rò unum vicum semovense ex integro cum suo molendi-  
 no, & mansionariis, præfato ENGELBERTO feodali dote  
 tribuit. Sicque curia demembrata congruum Valcio-  
 dorense Ecclesie alodium abstulit. In Roseria Loytres &  
 Bromes, & aliis curiis tantam exercuit destructionem,  
 omnia illi tribuens quæ non solum non sufficerent sibi soli,  
 verum de quibus more magnatum feodatos faciens  
 nonnullos sibi servientes acquireret.

f. \* distra-  
 ctionem.

In tempore illo accessit ad eum quidam suus consan-  
 guineus, nomine ANSELMUS, efflagitans ab eo ut in hoc  
 Valciodorense Monasterio germanos fratres, scilicet fi-

lios suos susciperet, atque norma institutioneque beati Benedicti victuros enutrirer. Huic definitioni assensum præbuit præfatus Abbas. Prædictus enim Anselmus ut nobilis nobiliter faciens pro puerorum donatione secundum beati Benedicti Constitutionem, Genitrici Christi in Valciodorensi Monasterio cum oblatione pueros obtulit, quorum unus dictus est ALBERTUS, alter ANSELMUS. Dedit præterea in pago suo Ardenna, in confinio scilicet Bastoniæ, villæ medietatem, quæ dicitur Holengia, & in ea mansum indominicatum cum pratis aquarumque decursibus, & familiam & sylvam ingentem. Ex residua sanè medietate villæ cum plerumque sermocinarentur invicem sub quadam taxatione pretii, assensum cuique parti alternatim prædictus Abbas, Anselmusque præbuerunt. Abbas enim pro comparationis expeditione jamdicti alodii viginti quatuor marcas supradicto Anselmo tribuit, dans cum illis optimum cornu eburneum, quod in Ecclesia cum omni diligentia inter cetera ornamenta conservatum ab aliquo tempore fuerat. Sic denique tradita est, & nobilibus testimoniis transivit in legitimam possessionem Valciodorensis Ecclesiæ Holengia, in qua eo tempore exceptis accidentalibus quæstibus, pratis, sylvis & terris indominicatis, viginti quatuor solidi Leodiensis monetæ ex respectu mansionariorum habebantur.

Regulæ  
Cap. 59.

Tempore illo in Hasbania in silva Cipeleis juxta Bromes alodium, mansionarios, redditusque hæc Ecclesia habebat, sed ob Rusticorum contradictionem plerumque census reddituum . . . . præveniebant: Cumque frequenter de obstinatione talium Fratres conquererentur, quidam GODEFRIDUS vir nobilis de Serem ex Heria concambium se facturum ex prædicto alodio spondit, si rationabiliter mutæ partis census necerentur. Altrinfecus iraque re prudenter ventilata convenitur in una ad stipulatione utrorum voluntas, dante præfato Godefrido Heriam assentientibus huic mutationi sua uxore HERMENTRUDE cum natis suis WALTERA, HALINO, GODEFRIDO, HENRICO, suscipienteque eodem Cipileis

cum ingenti pecunia. Hęc autem HERMENTRUDIS de nobilibus orta filia extitit HUGONIS de Gabelo, de cujus successione ipsi Godefrido Heria provenit, quę etiam nobis in villa Mazeio pro animę suę redemptione in respectu septemdecim denariorum partem alodii tradidit. Iste autem Gabilonensis Hugo quatuor habuit filios, ę quibus unus dictus est HUGO Poëtemus, alter WILDERICUS de Ripa, tertius WALTERUS de Heria, quartus verò noster fuit Abbas THEODERICUS secundus. Interea de supradictis Nobilibus ex Rovoma quidam Hugo hominem exuens in Hunay tres solidos Leodiensis monetę quotannis nobis assignavit, & in cimiterio Nobilium de Valciodoro sui corporis exuvias requiem habere disposuit. Ex hoc verò Hugone quędam filia extitit, quę IMMA nuncupata est, quę etiam pro sua salute sollicita Genitrici Christi Valciodorensis Ecclesię, in eadem villa de Hunay triginta denarios tradidit. Hanc quidam GOSOLDUS de Tier accepit in uxorem, & hęc ex eodem marito filium habuit, in patris memoriam appellavit Hugonem. Iste Hugo avi sui non immemor beneficii existens, nec in voto impar illi apud Genitricem Dei apparere volens, in eadem villa de Hunay Fratribus Valciodorensibus singulis annis Leodiensis monetę quinque solidos constituit, deprecans in eodem Monasterio post suam depositionem corpus proprium collocari. Hic autem in primitivo suo tempore de Nobilibus ortam secundum genus suum quęrens uxorem nobili conjunctus est: Tradita enim est quędam HADUIDIS quę fuit orta de Orrisino-monte, filia scilicet nobilis GILLEBERTI. Hic autem Gillebertus secundum sæculi dignitatem magnę auctoritatis extitit, duosque filios totidemque filias habuit, quibus hereditario jure quęcumque sibi paterna successione provenerant, dereliquit.

Ne autem aliquando ex inani superfluitate criminemur, quòd supervacua hujus viri descriptio fiat, constat admodum fore necessarium præsentis rei denotatio, quoniam pedetentim ab hujus viri heredibus ex suis hereditatibus præsens Ecclesia non modicam consecuta est por-

cionem ; veluti pòst stylo corrente aperietur. Geminæ enim tam nomine quàm consanguinitate prædicto filio fuerunt filiæ , nam sub appellatione hujus nominis ut prima sic & altera dicta est **HADUIDIS** , ut præfati sumus , una conjugem habuit **HUGONEM** Renomensem , altera **HERIBRANDUM** de Hugia. Haud siquidem multo pòst tempore Genitrici Christi fideliter in hoc Monasterio Valciodorenfi adhærentes unà pari desiderio conveniunt , & in confinio Vercis-montis Beatæ **MARIÆ** villam dictam Verere tradiderunt. Verùm ne scrupulus alicujus controversiæ ex sua donatione Ecclesiæ oriretur aliquando , donum à Nobilibus nobiliter traditum , nobilium virorum fratrum scilicet suorum **GODEFRIDI** de Vrcis-momonte , & **GODESCALCI** de Cemiaco testimonio confirmarunt , dantes pariter in Gedina quæcunque sibi paterna successione provenerant. Sic ab his duabus sororibus Verere sine aliqua contradictione Ecclesiæ nostræ data est , & in ea quæcunque erant , mansus indominicatus , prata , sylvæ , piscatio prolixa , reddituum census , familia. Exhinc Godescalcus de Cemiaco frater earum habuit filium nomine **GODESCALCUM** qui Genitrici Christi in hoc Valciodorenfi Monasterio partem illam quam habebat in Gedina hoc ordine dereliquit. Ipse ex proprietate Ecclesiæ tres marcas accipiens pro hac pecunia præfatum obsidem collocavit alodium , ea scilicet conditione , quatenus respectu ejusdem alodii pro suorum expiatione peccatorum Fratres recipiant quousque à se & non ab alio de sua pecunia & non de extranea redimatur.

Supereſt autem dicere de Renomenſi Haduide jamdicti Hugonis uxore. Ex ſupradiſto namque marito ſuo quatuor habuit filios , quorum hæc ſunt nomina ; **THOMAS** , **WALTERUS** , **GERARDUS** , & **GILBERTUS** , qui nobilitatis urbanitate qua fulciebantur huic Eccleſiæ caritatis gratia adhærentes fidelia dona contulerunt : è quibus Walterus in mortis anguſtia poſitus amicorum circumventionem in hujus Eccleſiæ cimeterio precatus eſt ſe ſepeliri ; qui de rebus domeſticis ſuis Eccleſiæ donationem fa-

ciens matre & fratribus consentientibus, in testimonio eorum Leodiensis monetæ quinque solidos & denarium unum in jam memorata villa Hunay per omne tempus Fratribus de Valciodoro annuatim suscipere instituit. Tres verò residui Fratres in succedenti tempore modo dissimili & ordinatione rationabili in hoc loco sanctæ conversationis habitum susceperunt, & de rebus unusquisque secundum suæ quantitatis mensuram Ecclesiam honorarunt. Domnus scilicet Gerardus tempore domni Theodoric Abbatis, de Gedina octavam partem, quæ à materna successione sibi provenerat cum suis appenditiis, cum pratis, sylvis, aquarumque decursibus, terris cultis & incultis, & copiosa familia huic Ecclesiæ tradidit, ut hæc omnia per omne succedens tempus legaliter permanerent Ecclesiæ, & ab ea firmiter tenerentur legalibus nobilibusque testimoniis confirmavit. Verum ne aliquando Ecclesia in hac donatione legitima vexationem patiatur injustè memorari decrevimus nomina testium, hæc sunt: **HERIBRANDUS** & **HUGO** frater ejus de Florinis, **RODULFUS** & frater ejus **SIMNIGIVECURT**.

Continua-  
tio Chro-  
nici ab  
alio Au-  
ctore.

XII. Abbas  
Vuidricus.

Contigit autem eodem tempore D. Abb. **GODESCALCUM** à præsentibus migrare ad Dominum, cujus sicut & aliorum cum breviter & lucidè iste libellus actuum diligenti stylo exaratam contineat seriem, non incongruum videtur, si quod non digessit, quia nondum contigerat, ea fide & veritate quæ à religiosis viris qui adhuc sunt superstites accepi, litteris commendem, & ad rerum gestarum notitiam posteris legenda transmittam. Huic (quem præfatus sum Godescalcus de nostris & in nostro uti nostrorum consueverat antiquitas Capitulo electus) domnus **WIDRICUS** pari voto & communi assensu subrogatur: qui nobili ortus propagine nobilior moribus fuit, sed cum hujus honoris gradui ob suæ humilitatis custodiam non acquiesceret se sublimari, vix tandem petitioni Fratrum & honori, suæ in qua ferè à tenero ubere matris nutritus fuerat Ecclesiæ accommodans aurem, suscepit jugum Domini. Quod ipse probis exornans moribus multa egit, quæ si oblivioni non essent tradita relatu digna judicarentur.

In



In diebus ejus florebat Ecclesia præiens arctâ religionis censurâ, & rerum temporalium affluentia, cujus fama tacti sapientes & litterati viri undique conveniebant jugo levi obedientiæ colla submittere, & cælestis haustu dulcedinis carnalis vitæ æstum refringere, ac dicere cum Propheta: *Sitivit in te anima mea, quàm multipliciter tibi* *psal. 62. 2. caro mea.* Hujus gustata suavitate dulcedinis magister WILBALDUS & magister RICHERUS sine ulla deliberationis mora præfatum Abbatem adeunt, atque illi æstus suos contentes consilio ipsius vestem cum spe prioris *f. \*meliori.* mutant, Religionemque sub eo profitentur. Extant magistri Richeri penes nos præclari monumenta ingenii in opusculis, quæ de translatione corporum martyrum Candidi & Victoris, & sanctarum Virginum Colonienſium edidit, qui in toto vitæ suæ tempore in schola virtutum Christi sub magisterio magis doceri quàm docere volens; hic Deo se vocante beato fine quievit.

Dominus verò WILBALDUS à Magisterio hujus Monasterii scholæ in Stabulensi Ecclesia ad idem officium accitus, non solum illius, sed & Cassinensis & Corbeiensis uno in tempore Abbas extitit. Ipse antiquum Ottonis primi Imperatoris, in Curiis Imperatorum Lotharii & Frederici simul & Conradi Regis, novis & apertioribus impetratis privilegium renovavit, quorum confirmationem in Metensi B. Stephani Ecclesia, quæ & istius mater est & domina, conservari perpetuò constituit. Renovavit etiam privilegium Benedicti Papæ septimi, uti adhuc videri potest in nostri Monasterii thesauris, temporibus Apostolicorum Adriani & Eugenii tertii, quibus manifestè ostenditur, quòd Hasteriensis locus Valciodorensi Ecclesiæ tanquam Cella vel Præpositura, vel quocumque nomine dicatur, debet velut membrum capiti adhærere, & in omnibus obedire. Sed longè antequam hæc fierent dominus WIDRICUS supra memoratus Abbas ad beatarum sedes transivit animarum.

Cui successit dominus THEODORICUS secundus, cum pari omnium consensu à nostris sicut noster Monachus in nostro Capitulo absque partis adversæ contradictione

XIII. Abbas Theodoricus II.

Abbas præficitur. Multa sub eo meminerunt gesta digna relatu domnus Walterus Prior, & domnus Lietbertus qui post eum tertius Abbas extitit, & quamplures quorum notitiam habere potuissem, si in hac tunc Ecclesia residens extitissem.

Eodem tempore quidam Miles egregius filius ANSELMI de Tier, frater THOMÆ & GERARDI, à matre HAUDUDE ex Renomensibus dominis suæ claræ stirpis ducens originem (quorum solerti studio & pia devotione, hæc possessionibus in Flamennia augmentata crevit Ecclesia) IOHANNES nomine testamentum fecit, & confirmatum in præfenti loco testimonio Nobilium roboraverat. Hic in bellicis rebus strenuus habebatur eo tempore quo Reges ad bella solent procedere, ut nobilis & clarus in armis suum Regi Franciæ exhibuerat obsequium: moram autem eo ibi faciente, mors quæ juvenibus est in insidiis & senibus in januis illum corripuit, & ad horam extremam veniens coram accitis nobilibus Regalis Curia, & ARNULFO domino de Tier unà cum Rege nominato jam dictum testamentum alodii de Neffia renovavit, & ita vitam finivit: & ex eo villam eandem cum familia in jus & dominationem suam domus ista transegit. Deinde aliæ quamplures aliis in locis ab aliis nobilibus villæ, redditus villarum, Ecclesiæ cum decimis & aliis proventibus suis maximè in pago Famenienfi & à Renomensibus dominis suis diebus nobis tradita memorantur.

Factum est etiam juris nostri eodem tempore quidquid habemus in Daneles: quod datum est in Eleona accepimus à quodam Iohanne ejusdem loci indigena. Hic ab utroque sanguine ex nobilium Procerum prosapia genitus in hoc multò nobilior clariorque refulsit, quod Christum & piam Matrem ejus magis quàm suæ carnis propinquos optavit succedere sibi. Describerem paulò diffusius de eo quis & unde fuerit, si\* stemmati Falemannen-  
f. \* sed  
sium hoc ipsum reservatum iri maluimus.

Sed jam tempus est & ordo ipse narrationis hoc exigit ut proferatur in medium, & ex suis involucris ne situ vel oblivione deleatur, salvo fulgore meræ veritatis, omni-

que rancoris & odii fomite procul depulso , præfenti hifloriæ inferam quid noſtri Haſterienſes attentare eodem tempore aggreſſi ſint : non enim mentitus eſt qui dixit : Aſperius nihil eſt humili cùm ſurgit in altum. Tempore quo præfaſus ſum domni Theoderici Abbatis , ab eo in Haſterienſi domo conſtitutus quidam Iohannes Prior fuerat , hic novitatum amator , & fraterni odii ſeminator cùm alio collega ſuo pernicioſiſſimus. Inde accidit , ut per ducentos annos ſtatutum fuerat lacunam quamdam jufſu Abbatis miniſtrorum obſequio , ad quos antiquo jure Eccleſiæ hujus id agere ſpectabat , reparari , & ut capiendis piſcibus aptior eſſet ſtatuto tempore renovari. Quod audientes Haſterienſes noſtri memorati Prioris ſui inſtinctu & conſilio , à cujus etiam ore venenum hoc in alia majora & pejora præparatum flagitia hauſerant , dicto citius advolant palos ſolo infixos evellunt , dirimunt cetera , & quidquid ibi factum fuerat diſſipant & diſpergunt. Non eos juſ antiquum loci ſeu Abbatis reverentia , quod planè ignorare non poterant , ab errore & contentione præmeditata revocavit. Tamen pius Paſtor benignè ovium ſuarum miſeratus errores , non ceſſabat tum per ſe tum per vicinarum religioſas perſonas Eccleſiarum Haſterienſes , ad pacem Valciodorenſium Fratrum & ad ſubjectionem ſibi & ſuæ Eccleſiæ debitam & eatenus abſque calumnia exhibitam revocare. Extant in monumentum hujus rei apud nos reſervatæ in uno volumine comprehenſæ epiſtolæ , quas in executione hujus negotii Leodiſis Metenſi , Metenſis Leodiſi ſcripſit Epiſcopo , etiam Wilbaldi ad eoſdem Epiſcopos , una Regum & Imperatorum CONRADI , LOTHARII & FREDERICI Metenſi directæ Eccleſiæ & Epiſcopo ipſius. Quibus apertè datur intelligi quomodò memorati Fratres ad unitatem prædictorum auctoritate redire compulſi ſunt , & ſubjectionis jugo quo nunquam caruerant denuo colla ſubmittere. Ex hac ergo occaſione accidit , & infra rebellionem iſtam poſt primum Ottonis primi Imperatoris privilegium antiquum & authenticum , jam dicta ad noſtrum pèrpetuum decus & munimen emanare privilegia.

B b b b b ij

Quod ex facili tamen ab alio non potuisset impetrari, sed memorato Abbati nihil ab his Regibus vel Imperatoribus, quod iustitiæ & servituti Imperatoris non obviaret, tunc negabatur, in quorum aula inter Principes serenissimus & inter amicos amantissimus conversabatur.

Eodem tempore contigit per manus domni Theodoric Abbatis beatorum Martyrum Candidi & victoris, & sanctarum Virginum Coloniensium corpora ad hanc beatæ semper Virginis *MARIÆ* transferri Basilicam. Sub eadem tempestate Prior Hasteriensis Iohannes nomine ante portam nostram littus Mosæ respicientem navi advectus transibat, quod cernens Abbas indignatus est Monachum suum quadam velut indignatione se non salutare, quem transiens vidisse poterat & cognovisse ante se pertransire; arctari eum fecit & infra claustrum istud custodiæ mancipari, donec precibus Comitis Namurcensis promissa prius emendatione veniam obtinuit. Iisdem diebus diversæ suppellectilis & rerum plurimarum ab antiquo congesta copia cum thesauris Ecclesiasticis tota defecerat, quæ inopia non solum hanc, sed & nostram Hasteriensem suis pretiosis spoliavit etiam gemmis & auro clavis ornamentis; qua etiam graviter invalescente domnus Abbas *THEODORICUS* appositus est in senectute bona ad patres suos.

Die sepulturæ ejus cum statim fieri deberet electio, & Hasterienses in exequiis Abbatis defuncti adessent, celebrandæ tamen electioni futuri Patris substraxerunt se, & regulariter convocati redire noluerunt. Prior verò hujus Monasterii videns eorum arrogantiam, & timens ne si differretur electio tumultus fieret, in domnum Stabulensem sæpe memoratum *WILBALDUM* Abbatem electionis suæ sententia toto annuente conventu confirmavit. Ipse verò post reditum suum à Curia Imperatoris (nam ibi per aliquot menses moratus fuerat) tunc hoc audito statim Valciodorum venit, & ab hoc onere sese humi prostratus excusavit humiliter, non tamen à loco discessit, donec consilio ejus sæpe dictæ Ecclesiæ Stabulensis Decanus domnus *ROBERTUS* subrogatus in Abba-

batem à Metensi Episcopo investitus, à Leodiensi benedictus, & ab utriusque loci Fratribus in Dominum & Abbatem ut decuit cum honore & reverentia susceptus est. Hic quàm idoneus & efficax in administrandis utriusque hominis rebus necessariis fuit: Fratres utriusque loci ab eo nutriti, & ad sacros Ordines per eum promoti novērunt, quorum nonnulli adhuc vivunt.

Ipse Falemannensem acquisivit Ecclesiam: hæc à foundationibus suis quatuor Sacerdotum ministeriis commissa eodem tempore ad tantam devenerat negligentiam, ut quatuor Clericorum officia vix unius Vicarii ministerio explerentur, loci possessiones de divini cultus exterminio usque adeò commotæ sunt ( Nam tunc duobus Subdiaconibus & duobus pueris infra annos & ordines constitutis adscripta erat ) ut eam spe meliorandi huic Monasterio, & ejus jam memorato Abbati Roberto legitima donatione, astante Namurcensi Comite H. & aliis Nobilibus, traderetur ea duntaxat conditione, ut discedentibus Clericis loco eorum Monachi ab Abbate inibi constituerentur. Dignum ergo duxi huic narrationi inserere participes alodii & possessiones fundi quorum donatione temporalia, quorum petitione spiritualia impetrata sunt.

Dederat primum tempore domni Olberti Episcopi GERULFUS & uxor ejus HERBAUDIS, & filii eorum HERBERTUS & WINANDUS, ut Nobiles testimonio Nobilium medietatem præbendæ investiti, tertiam partem ejusdem, ANSELMUS de Falemannia frater domni HELLINI\* reverendi Treverensis Archipræfulis, pater illius qui nunc est Anselmi & fratris ejus GODEFRIDI jam defuncti. Item THEODERICUS & Godefridus filii Engelberti hujus Ecclesiæ servi reliquam quartam partem. Ex secunda præbenda præbuit idem Anselmus medietatem, dicti Godefridus & Theodericus fratres aliam medietatem. De tertia rursus Anselmus prænominatus quartam partem, THEODERICUS de Buillon & uxor ejus MATHILDIS alias tres partes. Item de quarta præbenda ANSELMUS quartam partem: ASCELA de Dantes matrona illustris alias tres partes; hæc fuit domini Hellini dicti Archiepiscopi

\* Vivebat  
an. 1164.

B b b b iij

& fratris ejus illustris viri Anselmi cognata : qui omnes unâ cum IOHANNÉ illo qui nobis ea quæ apud Daneles habemus largitus est , si longa retro series repetatur tam in Clericis quàm in Militibus insignes invenientur.

Primo adventus sui tempore dominus ROBERTUS, quoniam adhuc nobis aliquid ex eo Ecclesiarum statum quem deformatum repererat dum in melius reformare satageret , obloquebantur ei quidam in hac domo de scientia ac genere suo præsumentes ; sed ipse eorum parvi pendens arrogantiam , omnes ejecit donec debitis persolutis ac redditibus rebûsque omnibus in priorem statum revocatis, suos amicos faceret, & dilectos fratres quos priùs habuerat obloquentes. Tamen nunquam adeò utilis sicut Hasteriensi Ecclesiæ propter prædictorum arrogantiam. Hasteriam ergo cùm bonis omnibus suis nudatam invenisset à dilapidatoribus , studuit quæ juris ipsius esse didicit ab invadiatoribus eripere. Aderant ei fideles & optimi adjutores dominus Petrus vir bonus, & ab infantia sua sanctæ amator & observator Religionis , & Iohannes postea Præpositus. Contigit autem prædictum Abbatem pro apportato lucro suæ negotiationis audire Dominum dicentem sibi : *Intra in gaudium Domini tui.*

Hoc itaque rebus humanis exempto , iste de quo paulò antè feci mentionem PETRUS , de Hasteriensi domo primus ab urriusque loci Fratribus in Capitulo nostro concordibus votis electus perhibetur. Cujus ego actus & mores quoniam laudabiliter vixit non reprehendo , in hoc tamen satis reprehensibilis extitit , quòd decus illud & prærogativam honoris , qua hæc Ecclesia tanquam mater & domina illi antecessit de qua loquimur domui Hasteriensi, quæ ejus est filia, voluit vel annihilare quantum potuit. Multum hic quidem , quoniam Abbas erat & dominus , vel ad eamdem Hasteriam latenter & callidè semper transferre satagit. Abbas autem noster investituram ab Episcopo Metensi accipit , & in hac investitura hic ordo verborum servatur: *Do tibi* ( verba sunt Episcopi ) *donum Abbatiæ Valciodorensis & omnium pertinentiarum ejus* : quo accepto præstat electus religionem si-

• XV. Abbas  
Petrus.

delitatis suæ. Idem Abbas non erat Monachus quia non professus. Consuetudo erat ei beatum virum Forannanum devotis & frequentibus exorare precibus, & ejus sepulcrum latenter & publicè invisere; expertus ejus opem erat in multis: quod si quis diffusius audire voluerit, legat miraculum quod in vita ejusdem Sancti continetur de reddita ab eo sibi sanitate; quo ipse Sancto singulis hebdomadibus pro sibi concessa sanitate unius Missæ officium quamdiu vixit devotè sicut promiserat persolvere non cessavit. Erat vir iste decora facie, stellantibus oculis, & proceræ magnitudinis, statura valde decorus, cigneoque ornatus candore, nescio quid cœleste & divinum se intuentibus tam facie quàm verbis & moribus prætendebat. Præterea frequentibus & devotis in Ecclesia insistebat precibus, & gregis sui curam Deo commendans. Appositus est autem in senectute bona ad patres suos, cui de nostris successit D. LIBERTUS.

XVI. Abb.  
Libertus.

Sed ne in transitu & quasi viator mentionem ejus fecisse videar (quem infirmum, pauperem & rebus omnibus egentem & nudum ipse\* in hoc Monasterio susceptum confestim dignatus est excipere suis adactis\*) ejus actibus describendis immorandum mihi censeo paulò diutius, ne ingritudinis ignavi redargutus vitio, inertis aut desidii inustus cauterio ignaviæ notam incurram. Fuit hic de quo sermo est clavis ortus natalibus, quem à parentibus nobilibus & locupletibus huic beatæ semper Virginis MARIE Monasterio divinis-mancipatum obsequiis, sui quos hic habebat cognati regularibus disciplinis & litterarum scientia affatim instruxerunt. Qui priusquam ad virilem pervenit ætatem divina ad hoc se vocante gratia Abbatis fortitus est officium & nomen. In hoc à recto tramite nimirum exorbitavit, quòd in Hastenriensi domo post sui prædecessoris exequias sacræ electionis munia passus est in se & de se celebrari. De nostris vero qui hoc scelus patraverunt, cum Regum & Imperatorum super hoc capitulo præmanibus haberent privilegia, cum suæ antiquitatis jura non ignorarent, dicimus eos scienter & voluntariè peccasse, unde confidenter as-

f. \* Petrus  
Abbas.  
f. \* adactis

ferimus quia divinę examen ultionis non evadent.

Tempore suo MATHILDIS matrona nobilis cōsilio Francōnis cognomento Lotharii Sacerdotis & Monachi hujus loci accessit huc, & dedit in eleēmofynam medietatem Ecclesię B. Martini de Mihaya cum decimis omnibus ad villam spectantibus; alodii autem totius medietatem acquisivit Ecclesia à filiis & heredibus suis quod divisum fuerat in quinque partes. Quam divisionem quia alio in loco me digessisse sicut acciderat memini, huic narrationi inferere nolui.

Elapso autem non longo tempore post hæc orta est inter Ecclesiam istam & Hasteriensem gravis discordia pro festivis diebus, in quibus Hasterienses de jure expetebant Abbatis præsentiam, duabus tantummodò exceptis solemnitatibus, Paschali scilicet & Ascensione, & pro hac occasione eousque processum est, ut ad præsentiam Metensis Episcopi, qui nunc fundi dominus & patronus utriusque loci habebatur, fuerit appellatum. Dehinc post festum omnium Sanctorum agente eodem Episcopo in Synodo, & partibus hinc inde constitutis, ad defensionem suam Hasterienses quoddam scriptum in modum Privilegii Alexandri Papæ protulerunt: hoc autem scriptum unde emanarat ne supervacuum rerum gestarum relator esse videar scribere superfedi. Nec prætereundum est quod dum hæc agerentur voluerunt Hasterienses Abbatem in partem suam trahere & secum habere, sed noluit ille, immo cunctis audientibus contestatus est se magis illi debere assistere Ecclesię quæ nutrierat eum, & religionis & scientiæ totius decorarat titulis, quàm illi quæ rebellis & inobediens ei esse nitebatur, quæ domina & mater ejus eatenus fuit, testibus privilegiis Imperatorum & Regum Romanorum, necnon & Romanorum Pontificum, quæ in ea adjudicium hujus rei conservantur.

Elapso deinde anno jam reversis à Romana Curia utriusque partis Legatis, cū esset profectus D. Abbas LIBERTUS Leodium jam aliquantulum infirmus, & existente eo in Clauistro S. Lamberti cœpit sensim viribus corporis



corporis deficere ; quod dum perciperet dominus **W**ARNERUS Præpositus qui cum eo erat , voluit eum reducere ad hospitium , sed cum jam essent in via illò reverendi in platea quadam cecidit , & ibidem expiravit , nec dubium quin sic eum Dominus vocavit , sicut illud Scripturæ dicentis : *Iustus quacumque\* morte præoccupatus fuerit in refrigerio erit.* Vt autem de ipso breviter commemorem , vix aut nunquam manus ejus libro carebat lectioni assiduæ deditus , exceptis illis horis quibus devotis insistebat precibus aut divinæ contemplationi.

Eo tandem sepulto in Ecclesia beati Laurentii in Leodio , cum secundum scita Canonum deberet fieri successoris electio in Capitulo Valciodorense , & ad hoc agendum esset dies assignata , præripuerunt diem ipsum quidam de nostris novitatum amatores , & domnum **W**ALCHERUM tunc Cantorem , Hasteriensibus Fratribus non vocatis , quibusdam etiam de nostris abeuntibus , Capitulum intrantes in Abbatem nominaverunt. Quod cum videret fieri dominus **W**ALTERUS Prior de Rononia ausus eorum non ferens damnavit factum , ipsumque electum & electores suos denunciavit excommunicatos. Quod cum domino **HUGONI** Episcopo Leodiensi fuisset intimatum , pro nihilo ducens processum , aususque temerarios prædictorum , & sententiam à Priore in eos latam confestim firmavit. Ipsi verò festinantes ad Metensem accedentes Episcopum , cum non esset qui resisteret , multa precum instantia donum Abbatiz obtinuerunt. Igitur investito domno **V**UALCHERO dono & honore Abbatiz rediit cum suis concito gradu ad Valciodorenses. Cumque ipse & sui eis qui sibi contrarii fuerant expulsionem , & multa alia gravia minarentur , dominus **V**UARNERUS Præpositus assumpto secum magistro Scholæ **IOHANNE** nomine , & Gerardo Monacho Hasteriensi adiit Leodiensem Episcopum , qui tunc in castro Hoyensi sanguine minutus erat , & conquestus ei insolentiam domni Vualcheri & sociorum ejus. His auditis Episcopus præcepit dictis Fratribus **Iohanni** & **Gerardo**

dictorum non curare audaciam, sed ut redirent ad domos suas, & convocatis utriusque domus Fratribus qui non consenserant presumptioni dictorum, in Capitulo Valciodorenſi jamdictum Varnernum Præpositum in Abbatem eligerent, & electum sine mora sibi benedicendum præſentarent. His memorati Fratres auditis cum læticia magna reverſi ſunt, omnia ſicut eis fuerat imperatum implentes. Sed dominus Valcherus hanc confuſionem ſuam non ferens de nocte cum ſuis omnibus fugitivus abſceſſit, abſconditis omnium campanarum battallis\*. Hoc cum factum fuiſſet ſecuta ſunt damna hujus Eccleſiæ gravia & importabilia, adeò quòd multi dicerent domum Valciodorenſem de cetero non eſſe recuperandam: ſed Dominus qui malis omnibus novit finem imponere hoc modo finem impoſuit. Obtinuit enim dominus Vuarnerus aſſenſu utriusque Episcopii Abbatiam, conceſſa domno Vualchero toto tempore vitæ ſuæ curte de Hova cum omnibus pertinentiis ſuis.

Dominus verò VUARNERUS tam ſtrenuus fuit in adminiſtratione ſua, quàm efficaciter congregata conſervaverit, quàmque prudenter diſperſa congregaverit ſequens ſermo declarabit. Videns itaque domum ſuam multis & gravibus debitis oppreſſam, poſſeſſionum etiam non modicam partem invadiatam, cœpit debita ſingula minutè & paulatim annullare, ita ut infra ſeptennium omnia quæ domus debebat ſolveret debita, & infra aliud ſeptennium quod ſupervixit multa acquireret, necnon & præbendas Fratrum adeò melioravit, ut ipſis assignaret quadraginta librarum valorem ultra quàm Fratres accipere conſueverant. Ipſe etiam interfuit Concilio Lateranenſi quod celebravit dominus INNOCENTIUS Papa cum ſeptingentis Patriarchis, Archiepiſcopis & Episcopis, necnon & multis Eccleſiaſticis perſonis diverſorum Ordinum. Acquiſivit in tempore ſuo maximam partem decimæ de Gedina. Obtinuit præterea litteras confirmationis à domino HUGONE Episcopo Leodiensî medicationem\* decimæ de Nuhaya, quam acquiſierat à PR-

Gal. \* Bar-  
rans. Tudi-  
cula, unde  
Baralare,  
decertare.

f. \* pro, ant,  
de medic-  
tate.

PETRO Comite Autisiodorensi & IOLENDE uxore sua, qui tunc Comitatum Namurcensem tenebat. His & aliis piis operibus deditus graui morbo cum laborasset à die qua reuersus fuerat à Romana Curia, omnibus Ecclesiasticis sacramentis circa eum peractis obdormiuit in Domino.

Quo de medio facto dominus VUALCHERUS in pace successit; cuius tempore multa præclara opera in hoc Monasterio facta sunt, videlicet porticus à majori Ecclesia usque ad parochiam; & super turrin rectum lapideum, quod procurauit censibus suis Frater Balduinus de Fiemvalle Sacerdos & Monachus noster, cum quibusdam aliis quæ antea jam procurauerat, videlicet vitreâ fenestrâ retro majus altare, cappâ etiam de sameto optimâ, mensâque auro & argento decoratâ, cum cruce & textu Evangeliorum: qui Monachus cum hæc omnia faceret sanctæ paupertatis amator in magna inopia victus & vestitus seipsum constringebat. Acquisiuit etiam ad curtem de Fecheit terræ optimæ non modicum, quam prius domus ista non habebat. His & huiusmodi bonis operibus deditus cursum vitæ suæ totum explevit, non tamen obiit tempore domni Vualcheri, sed domni HENRICI qui post eum tertius successit.

Dominus igitur Vualcherus cum ad regimen hujus loci noviter accessisset, occurrerunt ei multa gravia scandala propter accidentia quædam. Nam PHILIPPUS Comes Namurcensis, hujus loci primus, frater videlicet nobilis ELISABETH Regina Francorum, & BALDUINUS Flandrensis & Haionensis Comitis postea Imperatoris Constantinopolitani, diem clausit extremum, qui moriens Ecclesiæ sancti Albini in Namurco, ubi ipse seipsum disponebat tumulari, partem illam decimæ de Nuhaya, quam dominus Vuarnerus Abbas à PETRO Autisiodorensi Comite & uxore sua IOLENDE sorore istius Philippi de quo sermo est acquisierat, delegavit. Sed quia dominus Vuarnerus jam sibi eam fecerat confirmari à domino HUGONE Leodiensi Episcopo, obtinuit eam dominus

Vualcherus multis & gravibus damnis huic Ecclesię irrogatis; cujus acquisitionis & retentionis labor totus incubuit in fratrem Alardum Sacerdotem & Monachum nostrum, tunc temporis Præpositum, filium Anselmi quondam villici hujus villæ.

Secutum est aliud grande gravamen, siquidem Frater Alardus, dictus de . . . . . tunc temporis Camerarii officium administrabat, qui cum propter census paucos, quos apud Counig & Peio habebat, ad partes illas devenisset, rogavit eum quidam Presbyter Nicolaus nomine, ut ad villam de Daillies secum accederet visitandi gratiã parochianum suum gravi detentum infirmitate nomine GONSELINUM; qui cum simul ibidem accessissent cœperunt diligenter secum agere de salute animæ suæ, & etiam de ordinatione rerum suarum non enim filios habebat nec heredes. Quorum verbis æger diligenter intendens & devotè, nullius expectavit consilium, immo sicut & à Spiritu sancto inspiratum fuerat se & sua in manus dicti Alardi Deo & beatæ MARIÆ semper Virgini contulit, & accersito Abbate conversus factus paucis postea supervixit diebus. De cujus hereditate & rebus calumnias graves & longas sustinuit Ecclesia tam contra virum nobilem dominum ROGERUM Militem dominum Cimacensem, quàm contra cognatos & propinquos ejus de quo sermo est. Tamen modò divina misericordia disponente & in melius semper negotium promovente, quidquid dictus GONSELINUS habuit nunc in pace possidemus.

Per omne tempus quo hæc agebantur dominus Vualcherus Abbas gravi morbo laborabat, quo nunquam caruit à die promotionis suæ usque ad diem obitus sui. Morbus autem iste sibi faciem deturpavit undecim annis quibus Abbatia præfuit, ut gravis esset ad videndum etiam his qui intimo cordis affectu eum diligebant. Non tamen causa infirmitatis hujus caruit Angelica voce qua præ ceteris omnibus Regularibus personis in partibus istis præeminebat. Ipse quidquid habemus in Doillies refectioni Fratrum, eleëmofynis pauperum in Cœna Do-

mini, luminaribus Ecclesię, non obstantibus sumptibus quos inde fecerat, nobis benignę contulit, & quadraginta solidos ad decimam de Gerin in anniversario Comitum PHILIPPI Namurcensis primi nobis delegavit, quod anniversarium facimus cum anniversario domini THEODORICI Advocati, pro quo habemus ad Ginovagium suum quadraginta solidos alborum.

Quibus omnibus ut pręlibatum est diligenter ordinatis, prędictus domnus Abbas ingravescente infirmitate sua videns nec posse pręesse, quibus prodesse non poterat, resignavit in manum domini HUGONIS Leodiensis Episcopi Abbatiam in die S. Andreę Apostoli; cui Episcopus mansione, Capellano & servitore delegato cum omni humanitate redditibus assignatis prospectum iri decrevit; nec tamen ad pręsens de Abbate ordinando ita fuit ab eo dispositum ut decuit: unde sicut rei probavit eventus jurgia, rixę, damna plurima nobis contigerunt. Interim accidit quoddam domnus Hugo memoratus Episcopus viam universę carnis ingressus finem vitę pręsentis acciperet. Post cujus obitum Magister HUGO sancti Pauli in Leodio Canonicus expectans quadraginta diebus in die sancti Marci Evangelistę (illa enim die debebat electio fieri) assumpto secum cognato suo domno IOHANNE Boutou cum universis Monachis Hasteriensibus venit in Conventum Claustrum apud Valciodorum, & vocato ibi domno Iohanne tunc temporis Priore, & Alardo Pręposito, & etiam Magistro Pontio Clerico Dionensi, toto Conventu nostro in crypta residente, & reditum prędictorum pręstolante: pręceperat enim Prior ne quis donec rediret cryptam egrederetur. Magister Hugo exhibitis ibidem litteris Archiepiscopi Coloniensis & recitatis, in quibus continebatur quoddam iurisdictionis ordinandi Abbatis ad eum devoluta erat auctoritate cuiusdam constitutionis Innocentii Papę; nominari prędictum cognatum suum IOHANNEM per quemdam Robodonem in Abbatem fecit. Quo audito Prior Iohannes innuit magistro Pontio, & ipse protinus in vocem prorupit.

pit appellationis. Prior verò convocatis omnibus Fratribus indicavit eis quid actum fuisset. Qui irrumpentes in Claustum cum tumultu antequam Hasterienses ingredi possent Ecclesiam turpiter eos de Claustro eiecerunt, & intrantes Capitulum domnum Henricum de Gran in Abbatem elegerunt & hymnum *Te Deum* decantando ad Ecclesiam deduxerunt. Quæ omnia processu temporis dominus OTTO Apostolicæ Sedis Legatus utriusque loci paci consulens irrita esse iudicavit, & magistrum NICOLAUM sancti Vitoni Virdunensis Monachum, præmissa Fratrum utriusque loci concordie electione, Abbatem constituit. Eo igitur suscepto paucis postea evolutis diebus domnus WALTERUS vitam finivit Calendis Aprilis, vir per omnia laudabilis, cujus memoria apud nos in benedictione est.


XVIII.  
Abbas Nicolaus,

At memoratus Abbas NICOLAUS cum anno uno & nescio quot mensibus præfuisset, videns sibi pro voto res non cedere recessit ad locum unde venerat, & per Gerardum Monachum Hasteriensem missis ad nos litteris sigillo suo impressis absolvit nos ab obedientia & subjectione qua tenebamur, renuntiavit Abbatiæ & curæ pastoralis, quod etiam Episcopo Leodiensi domno IOHANNI litteris suis parentibus intimare curavit. Iam sicut dicere cœpimus rebus in pace compositis, Fratribusque utriusque loci invicem se amicabiliter habentibus de instituendo Abbate, in commune ab utrisque sic fuit ordinatum. Compromiserunt enim ab una parte Valciodorenses in domnum IOHANNEM Priorem suum, Hasterienses verò in Clementem Monachum, & in dominum IOHANNEM Episcopum Leodiensem ex alia. Quod tamen ea pace qua decuisset tunc fieri non potuit, Hasteriensibus semper toto nisu agentibus ut dominus Iohannes, de quo superius mentio facta est, iterum Abbas ordinaretur. Sed dictus Episcopus & magister Hugo hoc non debere fieri arbitantes, positis in Castro Hoyensi coram eis dicto Priore & Clemente Monacho, die conducta domnum HENRICUM in Abbatem eligi consenserunt, quod & fa-

XIX. Abb.  
Henricus.

Etum est, qui etiam nunc nobis præest feliciter tredecim-  
umagens annum: in quo dierum spatio sua industria  
ædificatum est Claustrum novum valde decorum, gran-  
gia nova tecto parietibus tota lapidea, & super portam  
littus Mosæ respicientem. Aliam domum segetibus re-  
ponendis idoneam ad curtem de Lemna, novam do-  
mum quam Bouile vocant ad aliam curtem, quæ Froi-  
mont dicitur. Horream optimam & tres alias domos  
novas.





# GENEALOGIÆ

EX CHRONICIS

HAINONIENSIBVS,

RECOLLECTIS

*Per Magistrum BALDVINVM de  
Avennis.*



**C**AROLUS Dux Lotharingæ frater Lotharii Regis Francorum duas habuit filias, Ermengardem & Gerbergam : de Ermengarde natus est Albertus Comes Namurcensis, qui genuit Albertum ei succedentem, & Henricum Comitem de Durbio ; Albertus II. genuit Godefridum Comitem de Rupe : hic Henricus filiam habuit Machtildem, quæ domino de Vualecourt peperit Vuericum, & Beatricem uxorem Vuinandi de Hulfalisia. Mortuo autem domino de Vualecourt, dicta Machtildis nupsit Nicolao domino de Avennis, cui peperit Iacobum de Avennis, & Machtildem uxorem Castellani de sancto Audomaro.

Godefridus Comes Namurcensis frater Henrici de Rupe genuit Henricum & Adelidem uxorem Hainonensis Balduini, cui peperit Balduinum Comitem, qui patri succedens in uxorem duxit Margaretam filiam Comitis Theodoricæ Flandrensis, ex qua genuit Balduinum Comitem, qui postea fuit Imperator Constantinopolitanus, & Philippum & Henricum, ac tres filias quarum unam duxit Philippus \*Monoculus Rex Francorum, qui ex ea genuit Ludovicum, secundam duxit dominus de Bello.

\*Id est, Philippus Augustus  
le Borgne.



Bellojoco ; tertiam Petrus Comes Autisiodorensis.

Gerberga verò alia filia Caroli Fratris Lohtarii peperit Henricum seniore de Bruxella , & hic Henricus genuit Henricum , Lambertum & Machtildem, quæ Comiti de Bolonia Eustachio peperit Eustachium & Lambertum. Eustachius verò ex Ida filia Godefridi Ducis Lotharingiæ genuit Godefridum de Bullonio , postea Regem Hierusalem , & Eustachium , qui de filia Regis Scotiæ Maria genuit Machtildem , quæ Stephano filio Stephani Comitis Blesensis peperit Mariam. Ex hac autem Maria postquam Monialis facta est & Abbatissa , propter defectum heredum Boloniensium , genuit Mathæus frater Philippi Comitis Flandriæ duos filios , & reversa est uxor sua dicta Maria ad suum Monasterium.

Comes Blesensis & Carnotensis Stephanus , qui cum Hugone fratre Regis Francorum Philippi & cum Godefrido de Bullonio transfretavit, pater fuit Theobaldi Veruli sive Senioris , qui jacet apud Latiniacum. Comes Flandriæ Arnulfus exercitu congregato intravit Hainoniam , & saisivit Comitatum Montensem contra Rainerum & Lambertum filios Raineri Longicollis , qui fuit Comes Montensis , & destruxit castrum de Bossuc ; tantumque guerravit illos pueros , quòd oportuit eos fugere in Franciam ad quærendum auxilium. Lambertus duxit uxorem Gerbergam filiam Caroli , postea matrem Henrici de Bruxella, & Rainerus filiam Hugonis Capeti. Regressi ergo de Francia magnum exercitum congregarunt, & ingressi Hainoniam , terram suam recuperarunt.

In chronicis invenimus quòd sanctus Vualbertus , qui sepultus jacet apud Cousorne juxta Beaumont in Hainonia , fuit Dux Lotharingiæ , & extendebatur dominium ejus per Cameracesium , & Hainoniam , Brabantum , Hassbaniam & Ardennam usque ad Rhenum ; uxor ejus Bertilia duas ei peperit filias , Vualdetrudem & Asdegundim : quæ primogenita nubere recusans, facta est Monialis , & fundavit Monasterium de Melbodio ; Valdetrudis cuidam magno viro nupta Maldegario nomine, qui & Vincentius , duos ei filios peperit , Landricum &

Dellinum, ac duas filias, Astrudem & Maldebertam. Maldegarius qui & Vincentius in Senogio Monasterium ædificavit Monachorum, dans eis possessiones magnas; quo Monasterio postmodum per Hunos destructo, reædificata est ibidem Ecclesia Canonorum. Hic Vincentius de consensu uxoris factus est Monachus in Monasterio Altimontensi juxta Melbodium, & similiter uxor sua Ducissa Valdetrudis ædificavit Ecclesiam in monte Castri-loci, & facta est Monialis; filii quoque & filia relicto sæculo religioni se dedicaverunt.

Successit igitur in Ducatum neptis Ducissæ Valdetrudis Aïia, quæ nupta cuidam potenti viro nomine Idulfo, qui post mortem sepultus est in Monasterio Bobiensi; & dicta Aïia tempore viduitatis suæ contulit Ecclesiæ Montensi villas de Cuemes & Nimi, & Braine la Vuihore; & sterit Abbatia Montensis longo tempore, quod Abbatisa per electionem fiebat, ipsam præsentando Imperatori. Postea successit in comitatu Montensi Comes, qui ab Imperatore impetravit præsentationem sibi debere fieri, cujus quidem tempore vacante Abbatia, cum Abbatisa noviter electa sibi præsentaretur, noluit admittere eam, dicens se Abbatem esse, nec aliam deberent Abbatisam habere; domicellabus verò ad Imperatorem appellantibus, & per suos Canonicos in suos procuratores à principio sibi constitutos diu litigantibus, tandem Comiti non valentibus\* domicellabus potentibus permansit Abbatia, & præbendarum collatio in voluntate Comitis.

f. \* prævalentibus.

Postmodum autem fuit ibi Comes nomine Hermannus per uxorem suam Richildem qui sibi peperit filium & filiam. In illo tempore mortuus est Comes Valencianarum absque herede, & dictus Comes Hermannus cum uxore sua Richilde tum jure consanguinitatis, tum emptione erga propinquiores tantum fecerunt, quod illum comitatum sibi acquisiverint cum alio. Deinde mortuo dicto Hermannus, dicta Richildis maritata est Balduino filio Comitis Flandriæ, cui peperit duos filios, quos ita vehementer diligebat, quod primum filium quem Her-

manno pepererat Clericum fecit, & procuravit ipsum fieri Episcopum Catalaunensem, & filiam Monialem. Postea tantum fecerunt dictus Balduinus & Richildis erga filium suum Episcopum Catalaunensem, tum per denarios, tum per alia quod comitatus Hainoniensis remansit filiis dicti Balduini. Episcopus verò Cameracensis excommunicavit dictum Balduinum pro illo matrimonio Richildis Comitissæ, sed Leo Papa qui avunculus erat Richildis absolvit eos, & inhibuit eis torum.

Iste Balduinus amovit Canonicos qui erant in Hainonio, & posuit ibi Monachos, postea mortuus est anno Domini MLXX. Assignaverat autem filio suo Arnulfo Flandriam cum juramento Flandrensi, & Balduino minori Hainoniam.

Comitissa itaque Richildis cum filiis suis valde juvenibus tenente ambos comitatus, supervenit Robertus Friso patruelis puerorum, & expulit eos de Flandria; contra quem convocato Rege Franciæ Philippo Richildis cum filio Arnulfo & Hainoniensibus conflictum habuerunt juxta Caslatum, & primò capta Richilde Comitissa à Flandrensibus, & Roberto similiter ab Hainoniensibus, propter amorem quem Hainonienses habebant erga Comitissam Richildem, restituerunt prædictum Robertum Frisonem pro Comitissa. Et postea dictus Robertus campum contra Francorum Regem obtinuit & Comitissam, & occisus est ibi verus Comes Flandriæ Arnulfus, & per consequens Flandriam subegit Comes Friso.

Tunc ipsa Comitissa cum filio suo Balduino ad se confortificandum confederationem inierunt cum Thieduino Leodiensi Episcopo, comitatum Hainoniensem in feodum recipientes ab eo in hunc modum: Quòd Comes Hainoniæ servire teneretur in omnibus necessitatibus suis cum toto suo posse ad expensas Episcopi post exitum à comitatu Hainoniensi, similiter & quodcumque vocat eum Episcopus ad parlamentum.

Item cum Imperator vocat Comitem ad Curiam suam, pro quacumque re teneretur eum Episcopus ducere & reducere in expensis suis, & respondere ac remanere

pro ipso. Et si aliquis vellet gravare Comitem, Episcopus tenetur eum juvare cum magna potestate in suis scilicet Episcopi propriis expensis: & si Comes obsideret castrum ad honorem suum pettinens, aut si aliquis contra ipsum obsideret aliquod castrum, Episcopus tenetur ipsum juvare cum quingentis equitibus, & Comes tenetur ei tunc facere legale forum de cibariis, & potest Episcopus per campos accipere herbam & necessaria pro equis. Et ad hoc faciendum tenetur Episcopus ter in anno, & qualibet vice per quadraginta dies.

Præterea cum homagio Comitum debet Episcopus habere homagium Castellani Castri-loci, & Castellani de Bellomonte, necnon & Castellani de Valencianis.

Item debet Episcopus Comiti dare anno quolibet in Natale Domini tria paria vestium, quorum quodlibet valere debet sex marcas Leodieneses. Et cuilibet Castellani unum par similiter sex marcarum.

Item si Comes infra comitatum adquisierit aliquod alodium, aut si donatum ei fuerit, & si ipse ulterius in feudum illud dederit, aut servum adquisierit, totum illud simul tenebit cum feudo ab Episcopo.

De pace verò Leodiensi ad quam respondere tenentur multi Barones & homines eorum, neque Comes, neque homines sui tenentur respondere.

In augmentum autem sui feudi Comitissa accepit Abbatiam & Advocatiam Montensem, ac justitiam Comitatus Hainonienis, quam tenuerat ab Imperatore. Episcopus autem tantum fecerat erga Imperatorem quod dederat eidem hujusmodi feuda, & Episcopus tantam pecuniam dedit Comitissæ & suo filio, quod Ecclesiæ multum erant gravatæ.

Istis conventionibus præsentibus apud Fosses interfuerunt Godefridus de Bullonio, Comes Albertus de Namurco, Comes Lambertus de Lovanio, Comes de Cheneio, Comes de Monte-acuto in Ardenna, & plures alii.

Secundum quod hæc omnia in Chronicis continentur Monasterii Lobienensis.

Comitissa verò Richildis retinuit in alodium propria alodia sanctæ Waldetrudis apud Castri-locum in castro & in villa Quaregnon, Gamapes, Frumeries, Thieuvi, Braine la Wihore, Braine le Chastel, Hal, Castres, Herines, Cuemes, Ninyc-ville, Feur, Hayne, & aliqua alia quæ non nomino.

Per auxilium Episcopi Leodiensis confortata Comitissa & filius ejus Balduinus: per quosdam mediatores tandem pacificati sunt cum Roberto Frisone Comite Flandriæ, & Comes Balduinus quamdam neptem dicti Roberti ducere in uxorem debebat, & ad hoc faciendum invadiat villam Duacensem quam tunc possidebat. Die verò assignata quæ illam desponsare debebat, tantum abhorruit eam propter turpitudinem seu deformitatem ejus, quod noluit eam ducere, propter quod Robertus retinuit Duacum, nec postea recuperare potuit Balduinus.

Comitissa Richildis firmavit castrum Bellimontis, & ædificavit capellam S. Venantii. Balduinus ejus filius adhuc juvenis uxorem duxit Idam sororem Lamberti Comitis Lovaniensis, quæ valde bona matrona fuit & bonæ vitæ.

Richildis igitur Comitissa & filius ejus Balduinus ædificaverunt Abbatiam sancti Dionysii in Brocheroie\*, dantes ei villam & plures alias possessiones. Ipsa quoque Richildis postquam viriliter & bene terram suam tenuerat, mortua est anno Domini MLXXXVI.

al. \*Bro-  
queroia ac  
Broko-  
roth.

1086.

De Roberto Frisone qui postquam Comitatum Flandriæ acquisierat, & aliquandiu gubernaverat, mortuus est, & apud Cassatum sepultus, relinquens post se duos filios & tres filias. Nomen primogeniti Robertus, alter verò Philippus, qui filium habuit Ginfelinum; unam autem filiarum nomine Adelam Rex Daciæ Canutus in uxorem duxit, ex qua genuit filium nomine Carolum, postmodum Comitem Flandriæ apud Brugis occisum. Secundam filiam duxit in uxorem Comes Bruxellæ, post cujus mortem ipsa nupsit Comiti Theoderico de Alsacia, qui ex ea filium unum genuit nomine Theodericum. Tertia filia facta est Monialis apud Messinas. Ro.

D d d iij

bertus igitur Comes Flandriæ duxit uxorem Clemen-  
tiam filiam Willelmi Comitis Burgundiæ, ex qua ge-  
nuit tres filios in minori tempore quàm tres anni, unde  
cùm ipsa timeret nimis multos habere filios, potionem  
sumpsit per quam sterilis facta est.

Comes Balduinus filius Richildis ex Ida genuit duos fi-  
lios Balduinum ac Arnulfum, ac tres filias. Hic igitur  
Arnulfus uxorem duxit Beatricem filiam unicam & here-  
dem Gualteri domini du Reux quondam nobilem de  
Hainonia; ex qua genuit filium nomine Eustachium co-  
gnomento Senioresem seu Vetulum, eo quod diu vixit.  
Habuit autem dictus Arnulfus pro parte hereditatis Ro-  
dium ac terras circumjacentes. Eustachius iste duxit ux-  
orem filiam cujusdam nobilis Hainoniensis nomine Iohan-  
nis, qui unus erat de Paribus comitatûs Montensis, ita  
quòd post mortem istius Iohannis dictus Eustachius ex  
parte uxoris factus est unus de Paribus illis: & hic ædifi-  
cavit Rodium & Morlainwées, & genuit ex uxore sua  
duos filios & tres filias, quorum primogenitus Nicolaus  
factus est Clericus, & junior nomine Eustachius, cogno-  
mine Vasleetus terram tenuit post mortem patris. Filia-  
rum verò primogenitam nomine Beatricem dominus  
Walterus de Lens duxit in uxorem, ex qua genuit unum  
filium nomine Eustachium, & duas filias Idam & Mariam.  
Secunda filia Eustachii senioris nupsit cuidam nobili, quo  
sine herede mortuo facta est Monialis Monasterii sancti  
Foillani apud Rodium. Tertia verò filia dicti Eustachii  
senioris nupsit domino Nicolao de Boulers, cui peperit  
unicam filiam, deinde post mortem dicti Nicolai nupsit  
domino Eustachio de Bousies. Eustachius autem cogno-  
mine Vasleetus, uxorem duxit Bertham domini Rassonis  
de Gaure filiam ex domina Domitione de Chievres, &  
genuit ex ea filium Eustachium agnomine Canivet, ac fi-  
liam unam nomine Beatricem.

Post mortem itaque Eustachii dicti Vasleeti, filius ejus  
Eustachius dictus Canivet successit ei, ducens in uxorem  
filiam Balduini de Mortania Castellani Tornacensis, ex  
qua genuit filium unum & filiam unam. Iste filius nomi-

ne Eustachius patri succedens, ac terram tenens de Rodio & de Morlainbées, uxorem duxit filiam domini Ægidii de Trith, sororem domini Theoderici de Beure, ex parte matris; nam post mortem dicti domini de Trith, dicta domina nupsit domino de Beura, cui peperit dictum dominum Theodericum. Dictus Eustachius ex uxore sua prædicta sex genuit filios & duas filias, Eustachium agnomine Caniver, Ægidium agnomine Rigaur, Theodericum & duos Clericos, & sextum Arnulfum. Vna filiarum nupsit Hugoni Castellano de Gandavo, altera domino Balduino de Peruves juxta Condacum. Eustachius Caniver jamdictus in uxorem filiam domini Ægidii de Trasengnies duxit, ex qua genuit unum filium & unam filiam. Ægidius Rigaldus frater ejus uxorem duxit filiam Fastradi de Ligne, per quam dominus est terræ de Monstervel. Theodericus tertius frater uxorem duxit Heluidam filiam domini Iohannis de Vannes, qui Fratrum\* ingressus Ordinem terram suam dicto Theoderico reliquit. Soror verò Eustachii de Rodio hujus nominis IV. nupsit domino Iacobo de Bailleul, cui peperit unum filium & duas filias. Filius Nicolaus nomine patri succedens in heriditate uxorem duxit filiam domini Wilhelmi de Caeu unicam, & ideò terram tenet de Carency, & de Villers le Faucon. Post mortem dicti Wilhelmi de Caeu ex uxore sua plures genuit filios & filias, quorum primogenitus juvenis est mortuus, alius uxorem duxit filiam domini de Rousoit, filiarum una nupsit domino Theoderico de Beure, alia nupsit primogenito domini Gerardi de Iauche.

\* Hic des  
aliquid.

Postquam Balduinus Comes Hainoniæ filius Richildis perditus fuit in itinere, quo cum Hugone fratre Regis Francorum Philippi versus Imperatorem Constantinopolitanum Alexium ibant à Turcis invasi: auditis in Hainonia rumoribus Ida Comitissa uxor ejus Romam peregrè profecta est, ut aliquid veritatis inquirere posset super illis: sed cum nihil aliud posset intelligere nisi quod esset perditus, ad partes suas reverti volens, tandemque per Ardennam transiens, apud sanctum Hubertum de-

clinavit insidias politas sibi à Comite de Cifneio. Et postquam aliquandiu stetit ibi, reversa est in Hainoniam. Propter curialitatem autem quam invenerat in Abbate, quædam alodia sua dedit ei juxta sanctum Hubertum, tali conditione, quòd Abbas est Capellanus Comitis Hainoniæ, & tenetur infra comitatum Hainoniæ ter in anno Missam celebrare ad petitionem Comitis. Post reditum Comitissæ Idæ, Balduinus filius ejus regimen comitatûs sibi assumpsit.

Dicto de iis qui processerunt ab Arnulfo filio Balduini Richildis filii, dicendum est de his qui processerunt ex tribus filiabus ejusdem Balduini filii Richildis; quarum primogenita nupsit domino Thomæ de Marla, cui peperit unam filiam Idam nomine, quæ nupsit domino Alardo de Chimay cognomine Polierc, uni ex Paribus comitatûs Montensis, & peperit ei unum filium Ægidium nomine, patri succedentem: quo quidem Alardo mortuo, dicta Ida nupsit nobili viro Bernardo de Arbaco. Secunda filia Comitis Balduini filii Richildis vocata Richildis nupsit Comiti de Monteforti in Francia; post cujus obitum se reddidit in Abbatia Melbodiensi. Tertia filia Comitis Balduini Adeledis nomine nupsit domino de Rumengni, cui peperit unum filium Nicolaum nomine, & sex filias. Et hic Nicolaus post patrem tenuit terram de Rumengi, ac terram de Florines. Vna, verò sex filiarum nupsit domino de Cons, cui peperit filium unum nomine Ægidium. Secunda filia nomine Beatrix nupsit cuidam magno & nobili viro in Hainonia nomine Gosséwinus, qui unus erat de Paribus Montis Castri loci, & similiter de Paribus Valenciarum, necnon & Belli-montis similiter unus de Paribus.\*

ad. \* Fian-  
narum.

Et ut innotescat qui fuit iste Gosséwinus, sciendum quòd quidam fuit Comes Calvi-montis nomine Rainerus, cujus uxor nobilis matrona nomine Ermentrudis eidem Rainero peperit filiam Ermengardem; & hæc Ermengardis nupsit cuidam nobili, qui vocabatur Gosséwinus de Montibus. Hic igitur Gosséwinus & uxor ejus fundaverunt Ecclesiam Dominæ nostræ de Aimeries, dantes



dantes ei magnas possessiones. Habuerunt autem filios & filias, quorum primogenitus nomine Isaac patri succedens, ex uxore sua nobili duos genuit filios, quorum primogenitus vocabatur Gosselinus, & alius Nicolaus, qui factus Clericus, postmodum fuit Episcopus Cameracensis. Gosselinus autem filius Isaac, fuit ille Gosselinus de quo locuti sumus, qui uxorem habuit Beatricem filiam domini Hugonis de Rumengniaco, ex qua unum genuit filium & sex filias, nomen filii Gosselinus, qui juvenis mortuus est vivente patre. Filiarum verò primogenita nomine Ida nupsit domino Sigerio de Enghien. Post mortem cuius iterum nupsit domino Rainero de Iauche, cui peperit tres filios, quorum primogenitus Gerardus nomine terram tenuit post patrem, secundus nomine Henricus factus est Clericus & Archidiaconus in Ecclesia Leodiensi, tertius vocabatur Gosselinus.

Post mortem igitur dicti Gosselini de Montibus successit in ejus hereditatibus dictus Reinerus per uxorem suam. Deinde mortuo dicto Reinero dicta Ida iterum maritata est domino Balduino le Caron. Et dictus Gerardus patri succedens uxorem duxit nobilem, ex qua genuit duos filios, quorum primogenitus vocabatur Reinerus, secundus Gerardus qui duxit uxorem nobilem, ex qua genuit duos filios Gerardum & Reinerum.

Post mortem itaque Reineri de Iauche patris, Gerardus filius ejus successit ei, & Reinerus frater ejus pro parte sua habens terram de Sassegnies, uxorem duxit filiam Castellani de Montibus, ex qua unum genuit filium: Gerardus verò primogenitus in uxorem duxit Berram filiam domini Goberti de Binel, ex qua tres genuit filios & aliquot filias. Primogenitus istorum nomine Gerardus patri successit. Secundus nomine Guillelmus pro parte hereditatis habens terram de Gomengines, uxorem duxit filiam domini de Wasiers, ex qua genuit filium Guillelmum nomine & unam filiam. Tertius verò Iohannes nomine sine herede decessit. Primogenitus itaque Gerardus uxorem duxit filiam domini Iohannis de Alneto juxta Valenciennas, ex qua plures genuit filios & filias.

Iis ergo dictis dicendum est de secunda filia Domini Gossuwini de Montibus Malchtide nomine. Hæc nupsit domino Walterio de Ligne, post cujus decessum iterum maritata est domino Walterio de Fontanis. Tertia filia domini Gossuwini nomine Adelidis nupsit domino Rogero de Condaco. Quarta nomine Ruissa nupsit domino Stephano de Naing. Quinta nomine Beatrix domino Balduino de Roisin. Sexta nomine Agnes domino Hugoni de Spineto domino de Antoin.

Nunc dicendum de tertia filia domini Hugonis de Rumengnico, vocata post matrem Adelidis, quæ nupsit domino Doutour. Quarta filia dicti Hugonis nupsit domino de Chiri in terra Reteft. Sexta filia domini Hugonis de Rumengni nupsit Isaac domino de Barbenchon, qui ex ea genuit Nicolaum qui patri successit. Prædicti verò Hugonis de Rumengni filius Nicolaus patri succedens in terra de Rumengni & de Florines, uxorem duxit dominam Domitionem dominam allodii de Chirue\*, ac terræ circumjacentis relictam domini Rassonis de Gaur, ex qua duos genuit filios, quorum primogenitus Nicolaus terram habuit de Rumengni, & alter nomine Hugo terram de Florines, qui dicitur magnæ strenuitatis. Item genuit dictus Nicolaus ex dicta domina Domitione plures filias, quarum una nomine Iuliana nupsit Reinaldo de Rosoy, qui ex ea filium genuit nomine Rogerrum. Secunda nomine Clementia nupsit Gerardo de Salm. Tertia nomine Iolens nupsit Henrico de Hierges advocato Hasbanienfi. Nicolao de Rumengni mortuo successit ei filius suus Nicolaus, qui duxit uxorem Mathildem filiam domini Iacobi, domini de Avennes, ex qua tres genuit filios, Nicolaum, Hugonem, & Iacobum.

Dicto superius de Arnulfo fratre Balduini Comite Hainoniæ hujus nominis secundi post Richildem, & de tribus sororibus eorum, ac etiam de illis qui ex iis processerunt, dicendum est de ipso Balduino, qui uxorem duxit Iolendam filiam Comitissæ Gelriæ, ex qua duos genuit filios, & duas filias, & Gerardinum. Filiarum primogeni-

ra nupsit domino de Ioengny, cui quatuor peperit filios, Radulfum patrem Rogeri, Rogerum, Balduinum & Gaufridum: secunda filia Balduini prædicti maritata est Castellano Tornacensi, cui peperit Evrardum Raduel strenuum Militem, qui duxit uxorem filiam domini Roberti de Betunia Advocati Atrebatensis, ex qua genuit filiam nomine Richildem uxorem domini Gilberti de Audenarde, quæ terram de Fingnies possidebat ex parte matris, cui Comes Balduinus eam contulerat in dotem. Et hæc Richildis mortuo dicto Gilberto, cui filium unum peperat Arnulfum nomine, maritata est Waltero de Sottengheen. Eurardus autem Raduel vivente uxore sua prima, superduxit matrem Conani & Iohannis, & Radulfi, qui tenebant Comitatum Sueffionensem, terram de Neële & Castellaniam Burgensem; & genuit ex ea filium nomine Balduinum, qui postmodum tenuit dominium de Mortania & Castellaniam Tornacensem. Iste Balduinus de Mortania postmodum uxorem duxit filiam Senescalli Flandriæ nomine Hediardem, ex qua genuit filium Evrardum Raduel nomine post avum. Et hic Eurardus Raduel uxorem duxit filiam domini Engelberti de Enghien ex Adelina filia domini Iacobi de Avenes, & genuit ex ea filium Arnulfum nomine.

Dictus igitur Eurardus Raduel uxore mortua, aliam duxit uxorem, heredem scilicet terræ de Nevella juxta Gandavum, ex qua genuit filios, Michaellem qui juvenis decessit, Radulfum & Rogerum. Et dicto Eurardo Raduel mortuo, Arnulfus primogenitus eidem succedens uxorem duxit Iolendim filiam domini de Couchy\*, domini de Wervino, ex qua plures genuit filios; quorum primogenitus Iohannes patri succedens in dominio, uxorem duxit Mariam filiam domini Eustachii de Conflans, ex qua unicam genuit filiam. Secundus nomine Thomas uxorem duxit filiam domini Egidij Bruni Franciæ Constabularij, ex qua genuit filios & filias. Tertius nomine Radulfus in Apulia decessit. Quartus Arnulfus factus est Clericus. Quintus Guillelmus & sextus Balduinus.

Primogenita verò filia dicti Arnulfi de Mortania

Machtildis nomine nupsit Castellano de Insula, cui plures peperit filios & duas filias, quorum primogenitus Iohannes patri succedens in Castellania uxorem duxit filiam Domini Iohannis\* de Nigella. Secunda filia Domini Arnulfi de Mortania nomine Isabellis seu Elisabeth nupta est Domino Arnulfo de Dietre, & plures ei peperit filios & filias. Tertia nomine Maria nupta domino Iohanni Bertout, domino de Graminaes, cui peperit filios & filias. Dicti verò domini Evrardi de Mortania filius de secundis nuptiis Radulfus primogenitus, uxorem duxit sororem domini Guillelmi de Betunia, domini de Pontroart, Iohannam nomine, ex qua genuit filios & filias. Secundus filius domini Evrardi Raduel, nomine Rogerus, uxorem duxit heredem de Seneffe relictam domini Walteri de Braine, ex qua genuit Iohannem & Robertum.

Prædicto igitur Balduino hujus nominis secundo post Richildem satis juvene defuncto, & sepulto in Ecclesia sanctæ Waldetrudis, uxor ejus Comitissa Iolens iterum maritata est domino Godefrido de Bouchaing vassallo suo Castellano Valencenensi, ac domino de Ostrovanto, de Ribaudimonte, de Grengniaco, ac de Castello in terra Porcina, cui peperit Godefridum & Berram. Balduinus primus ejus filius de primo marito Comitatum tenuit post patrem, & Gerardus secundo-genitus terram ex parte matris tenuit versus Gelriam, videlicet Dodebert & Dala, qui postea filium Henricum strenuum & famulum genuit.

Hic igitur Balduinus hujus nominis tertius post Richildem, acquisivit à fratre suo ex parte matris Godefrido Castellaniâ Valencenensem, ac terram de Ostrovanto cum aliis quæ in Cameracesio possederat. Soror autem ejus Berta Comiti nupsit de Duras, quo defuncto maritata est domino Egidio de sancto Auberto viro famoso Hainoniæ Senescalco, cui peperit filium Gerardum nomine & filiam, postmodum uxorem duxit domini Nicolai de Barbenchon. Dicta Berta mortua, dictus Egidius duxit Machtildem de Blaymont, quæ filia fuerat domini de Chin ex domina Domitione de Chirue, & hæc Mach-

tildis heres terræ de Blaimont, atque Camerariatus Haynoniæ, dicto domino Egidio unicum peperit filium Egidium nomine. Egidius verò pater ædificavit Buseugni ac turrim quam in feudum recepit à Comite Hainoniensi Balduino. Item ædificavit Bohaing.

Dictus Comes Balduinus, qui guerras habuerat contra vicinos suos, & specialiter contra Comitem Flandriæ Theodericum, & bene se defenderat, uxorem duxit Adelidem, filiam Comitis Namurcensis Godefridi & Ermenfendis, duas enim uxores duxerat idem Godefridus, ex quarum prima duas genuerat filias, & harum una nupsit domino Rogero du Rosoy, qui ex ea duos genuit filios ac filias. Horum primogenitus Rainaldus uxorem duxit Julianam filiam domini Nicolai de Rumengni, de quo dictum est priùs: alter filius nomine Rogerus, postea fuit Episcopus Laudunensis, una filiarum dicti domini Rogeri nupsit domino Egidio de Cymai, altera nomine Aufelix domino Philippo de Auterive.

Secunda filia Godefridi Comitis de Namurco ex prima uxore nupsit domino de Spinoi & de Antoing, cui peperit filios & filias, quarum unam duxit dominus de Avennes. Dictus Comes Namurcensis Godefridus de secunda uxore Ermenfende nomine genuit duos filios & tres filias. Primogenitus nomine Henricus, alter Albertus, qui juvenis mortuus est: filiarum primogenita Adelides nomine, nupsit Comiti Hainoniensi Balduino, ut dictum est. Secunda nupsit Duci Byringiorum\*, cui peperit tres filios & unam filiam. Primogeniti nomen Bertoldus, secundus Radolphus, qui postea fuit electus Moguntinensis; tertii nomen Hugo. Filia verò desponsata fuit Duci Saxonie Henrico, sed Imperator Henricus matrimonium impedivit, & Radulfum prædictum ab electione repelli procuravit, quia timebat eorum potentiam. Idem tamen Radulfus postmodum fuit Episcopus Leod. & fecit ibi palatium. Tertiam verò filiam Comitis Namurcensis Godefridi duxit Comes Reitestensis, qui ex ea genuit iv. filios & plures filias. Primogenitus nomine

f. \* Turin-  
giorum, s.  
Turingorum  
Landgravio,

Ecce iij

Manacerus patri successit in comitatu ; secundi nomen Henricus ; tertii Balduinus ; quarti Albertus qui factus Clericus, Præpositus & Archidiaconus fuit in Ecclesia Leodiensi. Filiarum una Regi Siciliae nupsit Rogero qui ex prima uxore genuerat Guillelmum, qui post mortem patris ei successit in regno Siciliae, Ducatu Apuliae, & Principatu Capuae. Ex secunda verò uxore sua filia dicti Comitis Reiestensis, unam genuit filiam nomine Constantiam, quæ postmodum nupsit Henrico Imperatori, cui peperit Fridericum de Apulia puerum, postea Imperatorem. Secunda filia Comitis Reiestensis nupsit domino Hugoni de Petraponte, cui plures peperit filios Milites, & unum Clericum postea Episcopum Leodiensem. Dicti Godefridi de Namurco filius Henricus Comes Namurcensis ac etiam de Lucelburg, factus postmodum cæcus ; & perpendens uxoris sterilitatem quam diu habuerat, nec heredem habere poterat, talem fecit conventionem inter se & Comitem Hainoniae Balduinum, qui suam sororem habebat uxorem, quòd dictus Balduinusei acquisivit allodia, quæ ambæ sorores uxoris suæ tenebant in terra Namurcensi, cum eo quod ipse per uxorem tenebat in eadem terra, & post decessum dicti Comitis totus comitatus ille devolvi debebat ad uxorem dicti Balduini & ad heredes ejus.

Hic ergo Balduinus hujus nominis tertius post Richildem, ex uxore sua Adelide sorore Comitis Namurcensis Henrici quatuor genuit filios, Balduinum qui juvenis decessit, sepultus apud Binchium, Godefridum, Balduinum & Henricum, ac tres filias Iolendem, Agnetem & Laurentiam. Godefridus uxorem duxit Alienordem filiam Comitis Viromanniae\* Radulfi, qui duas habebat filias, quarum primogenitam Isabellam Comes Flandriae Philippus uxorem habebat relictam, ex qua unicam genuit filiam Elisabeth seu Isabellam, quæ nupta Comiti Clevenfi Theoderico dicto de Dinflaxem, qui patre superstiti decessit, duas peperit filias Machrildem dominam de Durbio uxorem domini Gerardi de Lucelburg, & aliam domini Gerlaci de Isenburg uxorem.

\*,\* Viromannia.

Igitur Henricus quartus postquam Ducatum tenuerat annis XLV. mortuus est anno MCCXXXV. Cujus filius primogenitus in Ducatu succedens uxorem duxit Mariam filiam Ducis Sueviæ Philippi ac Regis Alemanniæ, Henrici Imperatoris germani, qui de uxore sua Constantino-  
politani Imperatoris filia tres genuerat filias, hanc scilicet Mariam, & alias duas, quarum una Regi nupsit Bohe-  
miæ, & altera Hispaniæ Regi. Ex dicta ergo Maria Dux Henricus unum genuit filium Henricum, & quatuor filias, quarum primogenita Machtildis Comiti nupsit Atrebatensi Roberto Regis Francorum Ludovici germano, quo defuncto nupsit Comiti de sancto Paulo. Secunda filia Ducis Henrici Beatrix nomine primò nupsit Lantgravio Turingiæ Henrico, quo defuncto iterum nupsit Guillelmo primogenito Flandriæ: tertiam habuit Dux Baviariæ, & quarta Monialis facta est in Valle-  
ducis, mortuâque Ducis Mariæ, Dux Henricus secundam duxit uxorem Lantgravii Turingiæ filiam, ex sancta Elisabetha natam, ex qua filium genuit nomine Henricum. Dicto igitur Duce Henrico mortuo, successit Henricus filius ejus, qui Alaidam filiam Hugonis Ducis Burgundiæ duxit uxorem, ex qua Iohannem genuit supradictum. Comitis Roberti de Dreux filius primogenitus Iohannes filiam duxit domini Archembaldi de Bourbon, ex qua genuit unum filium & unam filiam: filius nomine Robertus uxorem duxit heredem comitatus de Monteforti, ex qua liberos procreavit. Filia verò domino de Creon nupsit, quo defuncto sine herede, iteratò nupsit Comiti de Dammartino. Frater autem dicti Iohannis de Dreux Robertus nomine filiam habuit, quam dominus Radulfus de Nigella duxit postmodum in uxorem.

De Petro dicto Maclerc fratre Roberti de Dreux junioris, sciendum quòd uxorem duxit Ælidem Britannæ Comitissam, cujus avus Britannæ Comes Conanus agnomine Grossus filiam unam habuit nomine Constantiam, quæ nupsit fratri Regis Angliæ Richardi Ioffrido, & peperit ei filium nomine Arturum, & filiam nomine Alienordem. Mortuo autem Rege Richardo devolutum

est Regnum ad hunc Ioffridum, qui antequam homagia regni reciperet, mortuus est, & Iohannes *Sine terra* frater ejus junior regnum accepit, Arturum nepotem suum postea submergi procurans, neptemque suam Alienordem in captivitate detinens, à qua nunquam evasit.

Mortuo igitur Ioffrido Arturi patre, Comitissa Constantia Comiti Andegaviæ nupsit Almarico, qui ex ea filiam hanc Aleidem generavit. Hæc ergo comitatum retinens nupsit Petro Mauclerc, qui filium unum ex ea genuit & filiam. Filius nomine Iohannes in Comitatu succedens, ex uxore sua Regis Navarræ & Campaniæ Comitris Theobaldi filia, duos filios genuit & unam filiam. Primogenitus nomine Iohannes uxorem ducens filiam Regis Henrici plures liberos ex ea genuit. Secundus nomine Petrus juvenis Miles mortuus est, & apud Fratres Minores Parisiis sepultus. Filia verò nomine Ælidis Iohanni nupta Comiti Carnotensi & Blesensi, de Avennes domino, unicam ei filiam peperit Iohannam, quæ nupta Comiti Alentionis Petro germano Regis Francorum Philippi, sine liberis decessit. Filia Comitris Britannicæ dicti Mauclerc maritata est domino Hugoni Bruno Comiti de Marcia in Pictavia, & plures ei peperit filios & filias: Primogenitus nomine Hugo patri successit in comitatu, filiarum una nupsit domino de Bellavilla, altera Comiti de Glocestre.

De progenitoribus autem dicti Comitris Blesensis Iohannis, sciendum est quòd Werricus Lisoys dominus fuit terræ de Lutosa & partium circumjacentium, cui Comes Hainoniæ temporis illius terram contulit, quæ est inter duas Eppras, quarum una à parte quæ circa Beuvras derivatur, & alia à partibus quæ circa Treson. Quartus igitur heres post illum Werricus nomine *Cum barba* dominus fuit Lutosæ ac etiam de Avennes, ubi & parvam turrin ædificavit. Et iste mansionem habebat apud Tayt super Eppram. Post hunc Werricum filius ejus Theodericus in dominio succedens turrin apud Avennes augmentavit, & Canonicos apud Letias amovit, Monachos ibi ponendo.

Iste



Iste Theodericus decessit sine liberis, & ei successit quidam suus nepos Gosselinus de Oysiaco Castellanus Cameracensis, qui uxorem habens Agnetem nomine filiam Anselmi Comitis de Ribodimonte, omnia sua alodia recepit in feudum à Comite Hainoniæ Balduino filio Richildis, & factus est unus de Paribus comitatûs, fecitque firmare villam Avennensem contra Comitum voluntatem Hainoniæ, propter quod venit Comes contra ipsum cum exercitu magno, & conflictum habuit cum eo super Sambriam, quæ per 2. dies continuata est sine partis victoria, & tandē tertia die captus est dictus Gosselinus, & positus in carcere Comitis, qui per despectum sibi barbam radi fecit, & ultimum facta pace perfecit firmationem villæ Avennensis de voluntate Comitis. Gosselinus iste valde discolor fuit, sed demum in peregrinatione ivit ultra mare, & reversus aliquantulum rationabilior & maturior mortuus est. Et quia liberos non habebat, successit ei nepos suus ex sorore Walterus, cognomine Plukellus, qui Ecclesiæ Letiensi auferre voluit ea quæ sui antecessores contulerant ei, & fecit ei multa mala. Sanctus verò Bernardus multum laborans pro pacificatione, inter eos pacem fecit, quæ parum duravit, quia crudelis homo fuit, & semper abstulit Monachis possessiones eorum, & aliis etiam multa fecit tædia, tandem apud Montes in Castriloco veniens ad placitandum, contradixit hominum sententiæ, & Comite super hoc ipsum compescere volente, cū staret appodiatu super arcam quandam subito mortuus est anno Domini MCXLVII. Cui filius ejus Nicolaus Plukellus succedens, castrum ædificavit de Landrecies & castrum de Condato, & uxorem duxit Machtildem filiam Henrici Comitis de Rupe in Ardenna. Hic Henricus fuit frater Godefridi Comitis Namurcensis, qui pater Henrici Cæci fuit; & illa Machtildis primò uxor fuerat domini de Wilecourt valde strenui Militis, deinde dicto Nicolao duos peperit filios, Iacobum & Fastradum, & unam filiam nomine Idam, quæ nupsit Castellano S. Audomari Willelmo.

Nicolai Plukelli filius primogenitus Iacobus patri successit.  
Tom. VII. F fff

f. \*Adelinam

cedens in dominio terræ de Lutosa & de Avennes, per uxorem suam Adeluyam\*unicam filiam Bouchardi domini de Guisla terram Guisla tenuit & de Leskiers, & genuit ex illa quatuor filios Walterum, Bouchardum, Iacobum & Guidonem, item quatuor filias Machtildem, Ælidem, Adeluyam\* & Agnerem. Iste dominus Iacobus valde strenuus Miles erat, & multum habuit agere contra plures: tandem ivit ultra mare, & interfuit obsidioni & captioni civitatis Aconensis, quam fecerunt Rex Francorum Philippus & Rex Angliæ Richardus, postea moratus est in Syria tantum, quod interfuit cuidam prælio ante castrum Assur, ubi fuit occisus; sed carè se vendidit, quia per arma tantum fecit, quod adhuc est inde famositas in multis locis.

Hujus igitur mortis auditâ famâ dominus Galterus filius ejus primogenitus ei succedens in dominio, ex uxore sua Margareta Comitatus Blefensis herede unicam genuit filiam nomine Mariam. Deinde in peregrinatione ivit ultra mare ubi multa bona fecit: primum posuit lapidem in fundamento castrî Peregrinorum, postea reversus ad propria filiam suam Mariam in uxorem dedit Comiti sancti Pauli Hugoni, qui ex ea tres genuit liberos, Iohannem, Guidonem & Galterum. Deinde mortuâ Comitissâ Blefensi dictus Hugo Comitatum tenuit ex parte uxoris, & diu postea mortuo domino Galtero, pro filiis qui minores erant tenuit idem Hugo terram de Avennes & de Guisla.

Mortuo igitur dicto Hugone, successit ei suus filius primogenitus Iohannes, & postea per modicum tempus defuncta est Comitissa Carnotensis, quæ soror fuerat Blefensis Comitissæ, & ita dictus Iohannes successit etiam in Comitatu Carnotensi; cujus fratri Guido pro sua portione cessit Comitatus sancti Pauli, & hic uxorem duxit Machtildem filiam Ducis Brabantiaë Henrici relictam Comitis Atrebatensis Roberti, ex qua genuit Hugonem Comitem Blefensem qui nunc est, & Guidonem nunc Comitem sancti Pauli, & Iacobum dominum Lutosaë. Galterus tertius filius dicti Hugonis pro sua portione ter-

*Nota Auctoris  
atque circa  
an. Chr. 1180.*

ram habuit de Crechiaco\*, qui ex uxore sua filia domini<sup>i.</sup> \*Crechiaco.  
Triangulensis unicum genuit filium Galterum.

Filiarum verò dicti domini Iacobi de Avesnes primogenita Comiti de Cifneio marito suo tres peperit filias. Quarum primogenita Iohanna Comiti Losensi Arnulfo marito suo quatuor peperit filios & duas filias. Horum primogenitus Iohannes nomine patri succedens in comitatu Losensi, ex uxore filia Comitis Iuliacensis unicum genuit filium Arnulfum nomine. Secundus nomine Ludovicus in Comitatu succedens de Chini post matrem, uxorem duxit dominam de Albomonte, germanani Comitis Barrensis Theodebaldi, relictam domini Henrici de Salmis. Tertius nomine Henricus factus Clericus mortuus est juvenis. Quarti nomen Gerardus: & præter hos erat quintus Arnulfus, qui similiter Clericus factus est & Episcopus Catalaunensis.

Filiarum verò dicti Arnulfi Comitis Losensis una domino de Fauquemont nupta, plures ei peperit filias, & illo mortuo iterum maritata est domino de Vorne in Zelandia. Secunda filia Iuliana domino de Kievrain nupta, duas peperit ei filias, quæ duobus filiis domini de Asperomonte maritatae sunt. Secunda filia Comitis de Chini & Machtildis filiae Iacobi Avesnensis, ipsa domina de Agimont & de Givet, domino Iohanni de Rereft, Hugonis in Comitatu successori, unam peperit filiam quæ juvenis mortua est. Tertia filia Comitis de Chini ac dictæ Machtildis domino Ortoni de Trasengnies maritata plures ei peperit filios & filias. Post mortem verò dicti Comitis de Chini, dicta Machtildis secundò maritata domino Nicolao de Rumengni tres peperit filios Nicolaum, Hugonem & Iacobum, de quibus dictum est priùs.

Ælidis secunda filia domini Iacobi de Avesnes maritata domino Rogero de Rosoy, unum ei filium peperit & quatuor filias. Filius nomine Rogerus patri succedens, uxorem duxit primò filiam domini Roberti de Couchi, quâ mortuâ secundâ duxit filiam domini de Hensberghe in Alemannia, & hac mortua tertiam duxit filiam domini de Montmoranchy in Francia, ex quarum nulla libe-

ros habens, sed demum cum Rege Francorum Ludovico transfretavit, & mortuus est in prælio, ubi captus fuit Rex Ludovicus.

Hujus Rogeri soror primogenita nomine Ælidis domino Arnulfo de Audenarde maritata, unum peperit filium & unam filiam. Filius nomine Iohannes ex uxore sua, filia Comitis Sueffionensis filii Comitis Radulfi, unam genuit filiam quam Godefridus dominus de Peruves in Brabantia duxit in uxorem, sed prolem ei non peperit. Dictus autem Iohannes de Audenarde mortua uxore prima, secundam duxit sororem domini Roberti de Creskes relictam Vicedomini de Pinkengny, ex qua plures genuit filios & filias, quorum primogenitus Arnulfus nomine uxorem duxit dominam de Seburgo, relictam domini Balduini de Hemin; qua defuncta aliam duxit sororem domini Radulfi de Kanni. Secundus filius nomine Iohannes, tertius Robertus: filiarum una maritata est Godefrido Comiti de Vienna in Ardenna, altera domino Waltero de Tuppengui.

Soror verò dicti domini Iohannis de Audenarde nupsit domino Godefrido de Lovanio fratri Ducis Brabantiae Henrici, in Monasterio Villariensi sepulti, cui peperit quatuor filios & unam filiam. Primogenitus nomine Henricus uxorem duxit Isabellam filiam domini Theodorici de Beure. Secundus nomine Arnulfus uxorem duxit heredem terræ de Breda, ex qua liberos non habuit: duo reliqui fratres Clerici.

Secunda filia domini Rogeri de Rosoy ac dominæ Ælidis filia domini Iacobi de Avesnes, Iuliana nomine, domino Goberto de Asperomonte maritata quatuor peperit filios & duas filias; quorum primogenitus Ioffridus Comitissam Salebruges habens uxorem sine liberis decessit, cui frater ejus Robertus succedens, ex uxore sua Agnete filia domini Thomæ de Couchy duos genuit filios & duas filias. Nomen primogeniti Ioffridus, & alterius Thomas, hi duo duas sorores filias domini Nicolai de Kievrain duxerunt in uxores. Filiarum domini Goberti de Asperomonte una nomine Iohanna Comiti de

Salebruges est maritata. Tertius filius domini Goberti de Asperomonte nomine Iohannes Clericus est & Præpositus Montisfolconis. Quartus nomine Guido mortuus est Miles in Tunisio cum Rege Francorum. De filiabus una in religionem ingressa est, & alia maritata in Alemania.

Tertia filia domini Rogeri de Rosoy nomine Clementia nupta Comiti de Salmisin Ardenna, unum ei peperit filium & unam filiam. Filius nomine Guillelmus filiam Comitis Iuliacensis Guillelmi duxit in uxorem, & filia Comitis de Salmis nupsit domino de Ayste, qui mortuus est ante patrem. Ex dicta tamen uxore sua filium habuit nomine Robertum, sed terra devoluta est ad ejus patrum dominum Ioffridum.

Quarta filia dicti domini Rogeri de Rosoy, Abbatissa fuit apud Monasterium in Therracia.

Tertia autem filia domini Iacobi de Avennes Adelina nupsit domino de Enghien Engelberto, cui peperit unum filium & duas filias. Filius nomine Sigerus ex uxore sua filia domini de Sottenghen sex genuit filios, & quatuor filias; quorum primogenitus nomine Walterius primò duxit uxorem filiam domini Iohannis de Barbachon Machtildem, quæ sine prole decessit. Similiter & secunda uxor filia domini Ingefranni de Peruves. Deinde filiam Comitis Reisterensis Manasserii Mariam duxit, ex qua unum genuit filium Walterum, qui patri successit. Secundus filius domini Sigeri de Enghien Gerardus ex filia domini Gerardi de Viane juxta Gramont unum genuit filium & duas filias. Filius nomine Gerardus patri succedens filiam duxit Castellani Gandavenfis. Primogenita domini Gerardi de Sottenghen nupsit domino Thomæ de Couchy domino de Vervino. Secunda filia Iohanni filio domini Eustacii de Lens.

Tertius filius domini Sigeri de Enghien Iohannes Episcopus Tornacensis, & postea Leodiensis per translationem factam fratrum\* in Concilio Lugdunensi anno Domini MCCXLIV. \*deest aliquid

Quartus filius domini Sigeri Iacobus ex filia domini

F fff iij

Walteri de Braine filium genuit Walterium, qui postea duxit uxorem Basiliam filiam domini Balduini de Henin, quam genuit ex domina de Seburgo.

Quintus filius dicti Sigeri Arnulfus uxorem duxit filiam domini Gerardi de Tyans.

Sextus Engelbertus nomine uxorem duxit Castellanam de Montibus, ex qua plures genuit liberos.

Filiarum dicti D. Sigeri una domino Egidio de Franseignies maritata unicum peperit filiam, quam duxit Eustachius, dictus Kanivet de Rodio. Secundam duxit dominus de Liedekerke dominus Rasso de Gaure, qui plures ex ea genuit liberos, quorum primogenitus Rasso duxit uxorem Henrici de Boulers juxta Gramont. Tertia filia dicti Sigeri Abbatissa fuit apud Ghilengheen.

Sororum verò dicti Sigeri de Enghien una nomine Adelina domino Waltero Bertolt Advocato Machlinensi maritata, peperit alium Walterum Bertolt, & fratres Henricum & alios, ac sorores eorum: & hic Vualterus Bertolt ex Maria filia Comitis Arvernæ Vuillelmi filios genuit & filias, quorum primogenitus Vualterus Ælidem filiam Comitis de Ghines duxit uxorem. Henricus verò Bertoldus filiam Castellani Montensis uxorem duxit. Alia quoque soror domini Sigeri de Enghien nupsit domino Evrardo Radoul domino de Mortania, cui peperit filium Arnulfum, de quo dictum est. Quarta filia domini Jacobi de Avesnes nupsit Comiti de Grandiprato, cui peperit duos filios & duas filias, quæ sine liberis decesserunt. Primogenitus horum filiorum Iacobus patri successit in terra de Hans in Campania, non autem & in Comitatu, quia ex prima uxore sua unicum filium genuerat Henricum nomine, qui patri successit in Comitatu. Alius frater Godefridus nomine Clericus factus est Episcopus Catalaunensis. Et dictus Iacobus ex uxore sua filia domini Jacobi de Barbanchon duos genuit filios Henricum & Iacobum.

Secunda filia domini Radulfi de Couchy ex uxore sua Agnete, filia Comitis Hainoniæ Balduini hujus nominis tertii post Richildem, primò nupsit Comiti de Rouffy

Radulfo, qui sine liberis decessit : post cuius decessum maritata est Comiti de Grandiprato Henrico, qui ex ea genuit unum filium & unam filiam. Filius Henricus nomine patri in Comitatu successit. Filia Comiti nupsit Sueffionensi Radulfo, cui duos peperit filios & unam filiam. Primogenitus Iohannes nomine filiam unicam domini Alardi de Cysmaio in Hainonia heredem illius terræ duxit in uxorem, ex qua duos genuit filios & filias tres, quorum primogenitus Iohannes patri successit in Comitatu. Secundus nomine Radulfus Miles juvenis mortuus est in Tunis cum Rege Francorum ; & Iohannes uxorem duxit Margaretam filiam Comitis de Monteforti, ex ea tres genuit filios & filiam unam, quorum primogenitus Iohannes uxorem duxit filiam domini Hugonis de Rumengni, ex qua unum genuit filium.

Nomina fratrum dicti Iohannis Radulfus, & Anterus qui Clericus factus est ; soror eorum maritata est domino Hugoni de Conflans domino de Maruel.

Trium filiarum supradicti Iohannis Comitis Sueffionensis primogenita nomine *Ælidis* maritata est domino Iohanni de Audenarde, cui unam peperit filiam, domino Godefrido de Peruves postea maritatum, quo sine liberis defuncto maritata est domino Iohanni de Faluy, cui duas peperit filias. Secunda filia supradicti Comitis Iolendis nomine domino Hugoni de Rumengni nupta sine liberis decessit. Tertia dicti Comitis filia nomine Alienordis Vicecomiti de Toars unum peperit filium Hugonem nomine, & unam filiam.

Frater autem Comitis Sueffionensis supradicti Radulfus Miles strenuus & famosus mare transivit, & antequam reverteretur, uxorem duxit Reginam Cypri filiam Henrici Regis Acconensis relictam Regis Cypri, qui ex ea ipsa liberos genuerat, & per hanc dictus dominus Radulfus tenebat gubernationem Regni Cypri ac etiam Regni Hierosolymitani. Post igitur Reginæ obitum dictus dominus Radulfus aliam duxit uxorem filiam domini Iohannis de Tangest, ex qua filiam genuit heredem terræ suæ ; & hæc maritata est domino Bernardo de Marolio :

una sororum domini Radulfi ac Iohannis Comitis Suesfionensis supradicti, nomine Isabella nupta domino Nicolao de Barbanchon; post patrem duos ei peperit filios & plures filias; quorum primogenitus Iohannes nomine patri succedens, ex uxore sua filia domini Hugonis de Antoing Maria plures filios genuit, Iohannem, Hugonem, Egidium Clericum, Nicolaum Clericum, Radulfum qui fuit Clericus, Alardum, Michaëlem & Iohannem parvum adhuc, & septem filias: quarum primogenita nupsit domino Roberto de Ascha.

Dicti verò domini Iohannis de Barbanchon frater nomine Nicolaus uxorem duxit Idam germanam fratris sui. Sororum dicti Iohannis & Nicolai primogenita Machtildis domino Vualtero de Enghien nupta, sine liberis decessit. Secunda nomine Iolendis domino Hugoni de Hernes duos peperit filios Hugonem & Michaëlem, & tertia domino Arnulfo de Steyve est maritata.

Filius Comitis de Grandiprato Henricus, ex uxore sua filia domini Erardi de Rameru unum filium genuit Henricum, qui successit in Comitatu. Tertia filia domini Radulfi de Couchy Ada nomine domino Theoderico de Beure duos peperit filios, Theodericum qui patri successit, & Vuillelmum ac tres filias. Quarum una domino de Crimbergis Gerardo unicum peperit filiam, quam duxit dominus de Peruves Godefridus. Secunda domino de Hondescote Vuillemo plures peperit filios, quorum primogenitus nomine Petrus patri successit, & tertia filia domino de Montchablon Goberto unum peperit filium, qui patri successit Gobertum nomine, & unam filiam.

Tertia filia Balduini Comitis Hainoniæ hujus nominis tertii post Richildem, Laurentia nomine nupsit Theoderico domino de Aloft & de Vuasia, qui filius fuit domini Ivonis de Gandavo, & dominæ Loretæ uxoris suæ, quo Theodorico sine liberis defuncto, dicta Laurentia in Hainoniam reversa est ad patrem: quo mortuo maritavit eam suus frater domino Bouchardo de Montmorenchy, qui ex ea genuit unum filium nomine Mathæum, quem ejus avunculus Comes Balduinus Militem fecit.

Prædictus



Prædictus ergo Balduinus hujus nominis tertius post Richildem, guerram habuit cum Comite Flandriæ Theodorico, qui contra Balduinum turrin quandam obtinuit in Ostrovento nomine Rovecourt, & eam muniverat; sed dictus Comes Balduinus per insidias illos de munitione invasit ac dejecit, & ibi mortuus dominus Rasso de Gaure, qui relictam domini Egidii de Chini habuerat uxorem, Domitionem de Chirue\*. Hujus ergo Rassonis filius fuit Rasso, & filia quam Eustachius de Rodio cognomine Livalles in uxorem duxit.

*f. \* Chievres dominam.*

Dictus Balduinus Comes hujus nominis tertius post Richildem, Binchium instauravit & vallavit muro, similiter & castrum apud Monts-quercerum ædificavit, & castrum firmavit muris & fossatis, turrin quoque apud Bouchain incepit, & aulam apud Valenchenas fecit, juxta scaldam Raimis ædificavit & turrin, & acquisivit Aat in Brabantia à domino Egidio de Fransengnies, & castrum incepit ædificare, quod dominus Rasso filius domini Rassonis de Gaure, ac domina Domitione de Chirue calumniati sunt: unde ad opus illud impediendum accessit illuc dominus Rasso cum magna potentia hominum, & hoc de consilio Comitis Flandriæ Philippi. Quo comperto dominus Comes Balduinus cum magna potentia venit ad Blixi, & ibi est moratus usque ad operis complementum.

Postmodum dictus Balduinus Ecclesiæ Montensi acquisivit Braine le Vuihote, faciens ibi turrin, sed decimas ibi retinuit Ecclesiæ & census ac oblationes. Fuerat autem dicta terra domini Henrici de Braine Senioris.

Dominus de Cismaio qui per aliquas terras\* residentiam continuam facere tenebatur apud Mons, à prædicto Balduino tertio recepit in augmentum feudi parati Cysmaium, & omnia alodia sua & feudales terræ, ac homines de villa Cysmai, omnes qui quindecim annos transiverunt tenentur fidelitatem facere Comiti in hunc modum: Quod si dominus de Cysmaio noller castrum reddere ad Comitis monitionem, aut si guerram vellet facere Comiti, ipsi essent in auxilium.

*f. \* guerras.*

610 *Genealogia Bald. de Avennis,*

Dictus igitur Godefridus cùm sexdecim annorum esset & Miles fieri vellet , mortuus est , sepultus in Ecclesia sanctæ Valde-  
trudis.

Filiarum verò primogenita Iolendis nupsit Ivoni Comiti Sueffionensi Seniori , qui Nigellam tenebat. Iste Ivo famosus erat in liberalitate & prudentia super omnes Barones Franciæ. Hæc itaque Iolendis prolem non habens ex dicto Ivone , post mortem ejusdem Comiti de sancto Paulo nupsit Hugoni , cui duas peperit filias , Elisabeth & Eustachiam. Secunda filia Comitis Balduini Agnes multum formosa sed parum claudicans , domino Radulfo de Couchy nupsit , cui tres peperit filias ; quarum primogenita Iolendis domino Roberto de Drwes\* & de Brana nupsit , qui filius fuit domini Roberti fratris Ludovici Francorum Regis , & peperit ei quatuor filios & quinque filias. Primogenitus nomine Robertus patri successit in Comitatu , secundus nomine Petrus Mauclerc factus est postea Comes Britanniarum per uxorem , tertius nomine Henricus factus Clericus , & postmodum Remensis Archiepiscopus castrum Portæ-Martis fortificavit ; quartus verò duxit uxorem Comitissam Matifconensem , ex qua tamen heredem non habuit.

j. + Dreux.

Primogenita quinque filiarum Comitis Roberti nupsit domino de Salins , qui erat Comes ultra Saonnam ; secunda Comiti Barrensi Henrico , qui ex ea plures genuit filios & filias.

Filiorum primogenitus Theobaldus patri successit in Comitatu : secundus Henricus nomine juvenis Miles mortuus est : tertius nomine Renaldus uxorem duxit Mariam ( sic nominatam in testamento Renaldi facto anno MCCLXXI. die Iovis sancta mense Aprili ) filiam domini Nicolai de Chievrain , ex qua heredem non habuit.

1271.

Vna verò filiarum Comitis nupsit domino Henrico de Lucebourg\* , filio Comitissæ Ermesendis , Comitis Namurcensis Henrici cæci filia. Et hic Henricus Comes de Lucemburg ex uxore sua plures genuit filios & filias.

j. Luceiburg.

Tertia filia Comitis Roberti & Iolendis nupsit Comiti de Augo , quæ similiter Iolendis nomine peperit dicto

Comiti de Eu unicam filiam, quæ nupta domino Alfonso filio Regis Aconensis Iohannis, unum ei peperit filium & duas filias: nomen filii Iohannes, qui uxorem duxit filiam de sancto Paulo Guidonis, ex qua plures genuit filias. Vna filiarum Elisabeth nomine nupsit domino Iohanni de Dampetra: secunda Monialis facta est. Quarta filia Comitis Roberti facta est Abbatissa Fontis-Eurardi\*. Quinta nupsit Comiti de Roussi, qui ex illa non habuit heredem.

*al. \* Euraldi,  
ac Ebraldi,*

Filiorum autem Comitis Roberti de Druves & Iolendis primogenitus nomine Robertus patri succedens, uxorem duxit filiam unicam domini de sancto Vualerio, ex qua genuit filios & unam filiam Iohannem primogenitum, & Robertum: nomen filiae Iolendis, quæ nupsit duci Burgundiæ Hugoni, qui ex ea tres genuit filios & unam filiam. Nomen primogeniti Odo qui fuit Comes Nivernensis: nomen secundi Iohannes. Tertius verò Robertus nomine patri successit in Ducatu, eo quod alii duo fratres decesserunt vivente patre.

Filia verò dicti Hugonis Alaidis nomine nupsit Henrico Duci Brabantiae, cui tres peperit filios & unam filiam. Nomen primogeniti Henricus, qui propter ineptitudinem suam ad terram regendam tonsoratus est, & factus est Canonicus Regularis in Burgundia apud sanctum Stephanum Divionensem. Secundus nomine Iohannes patri successit in Ducatu. Tertius nomine Godefridus uxorem duxit heredem de Vierzon: nomen filiae Maria, quæ nupsit Regi Francorum Philippo, qui prius habuerat uxorem filiam Regis Aragonum, ex qua tres genuerat filios.

Dux Brabantiae prædictus uxorem duxit, primò Margaretam sororem dicti Regis Francorum Philippi, quæ sine herede mortua, aliam duxit Margaretam filiam Comitis Flandriæ Vuidonis, ex qua filios genuit & filias.

De hujus itaque Iohannis progenitoribus sciendum, quòd Rex Francorum Ludovicus filius Caroli simplicis ex Regina Otgiva Regis Anglorum Alfredi filia, duos genuit filios, Lotharium qui patri successit in Regno, & Carolum Ducem Lotharingæ.

*alii \* filio.**\* Lambertum  
secundum alios  
ejus nominis  
III. Comi-  
tem Lova-  
niensem &  
Bruxellen-  
sem,**alii \* Lam-  
bertus.**\* Negant hoc  
alii.*

Hic Carolus duas genuit filias Ermengardim, quæ nupta Comiti Namurcensi peperit Albertum Comitem, qui patri in Comitatu successit; & Gerbergam quæ nupsit Lamberto cum Barba fratri\* Raineri Lógicolli Comitis Montensis. Iste Lambertus Bruxellam tenebat in sua hereditate; Gerberga verò erat Comitissa Lovanienfis de hereditate sua: & hic Lambertus ex Gerberga genuit Henricum Seniore\* Comitem Bruxellensem, & ii fundaverunt Ecclesiam sancti Petri in Lovanio.

Iste Lambertus præliando contra Episcopum Leodiensem Baldricum apud Huardis devicit eum, postmodum tamen fuit occisus in prælio apud Florinas. Henricus\* igitur Senior patri succedens in Comitatu Lovanienfi duos genuit filios & unam filiam: quorum primogenitus Henricus & alter Lambertus, filia verò Machtildis nomine Eustachio Bononiæ Comiti nupta est. Lambertus verò patri successit in Comitatu Lovanienfi, quia frater ejus primogenitus sine herede decessit\*. Hic itaque Lambertus uxorem duxit Odam, & ii fundaverunt Ecclesiam sanctæ Gudilæ, ponentes ibi Canonicos, quibus decimas dederunt de Bruxella.

Dictus Lambertus ex Oda genuit Henricum qui patri successit in Comitatu, & genuit duos filios Reinerum primogenitum & Henricum: quo Reinero in Hasbania occiso cum heres ei non esset, successit in Comitatu patri Henricus, qui genuit duos filios Henricum primogenitum, & Godefridum cum Barba. Mortuo igitur patre, successit ei primogenitus Henricus, qui de uxore sua quatuor genuit filias, quarum unam Imperator Fredericus in uxorem duxit, postea dictus Henricus Comes Tornaci occisus, & Nivellæ sepultus. Successit igitur in Comitatu frater suus Godefridus cum Barba, eo quòd filium non habebat.

Huic igitur Godefredo Imperator nomine Henricus contulit Ducatus Lotharingæ, propter quod ipse & successores sui vocati sunt Duces: & hic Godefredus duos habuit filios & tres filias. Primogeniti nomen Godefridus, alterius Henricus qui Monachus factus est in Monasterio

Affligensi\*. Filiarum primogenita Ælidis Regi Angliæ  
maritata. Secundam nomine Idam Comes Clevenſis du-  
xit in uxorem. Tertia nomine Clariffia virgo permansit.  
Demum hic Godefridus defunctus est anno Domini  
mcxxxix. & apud Affligenſe Monafterium ſepultus  
quod ipſe fundaverat.

al. \* Afflige-  
nienſi.

1139.

Godefridus ergo filius ejus in Ducatu ſuccedens, uxo-  
rem duxit ſororem Imperatoris Lutgardem; & poſt qua-  
tuor annos defunctus eſt: cui Godefridus ejus filius ſuc-  
ceſſit infans unius anni, qui ad ætatem perveniens, uxo-  
rem duxit Margaretam ſororem Ducis Lemburgenſis, ex  
qua duos genuit liberos Henricum, poſtea Ducem, &  
Albertum: quâ Margaretâ defunctâ, Dux Godefridus  
ſecundam duxit uxorem Imaginam ſororem Comitis  
Loſſenſis, ex qua unum genuit filium Guillelmum nomi-  
ne, à quo deſcenderunt heredes de Perwes.

Iſte Godefridus Dux cum filio ſuo Henrico longo  
tempore guerram habuerunt cum Comite Hainoniæ  
Balduino hujus nominis tertio poſt Richildim, & contra  
Balduinum ejus filium. Hic igitur Godefridus poſtquam  
Ducatum tenuerat quadraginta ſeptem annis, mortuus  
eſt anno Domini mcxc. cui ſucceſſit filius ejus Henricus,  
Albertus factus Clericus, & poſtea Leodiienſis Epiſco-  
pus occiſus eſt juxta civitatem Remenſem.

1190.

Henricus itaque Dux uxorem duxit Machtildem, fi-  
liam Comitis Boloniæ Matthæi, Philippi Comitis Flan-  
driæ germani, ex qua genuit duos filios & tres filias. Pri-  
mogeniti nomen Henricus, alterius Godefridus. Filiarum  
primogenita Maria Imperatori nupſit Ottoni; ſe-  
cunda nomine Ælidis Comiti Arvernæ Guillelmo, ter-  
tia nomine Machtildis Comiti Hollandiæ Florentio ſtre-  
nuo Militi pro tempore ſuo, qui juvenis mortuus eſt in  
Torneamento apud Bovos. Machtilde autem Duciffa  
mortua, Dux Henricus aliam duxit uxorem Margaretam  
Comitis Namurcenſis Philippi filiam. Item tantum fecit  
Comes Balduinus erga dominum Adam de Wallin-  
court, quòd caſtrum de Perrumont ab eo recepit in ho-  
magium ligium\*.

\* Hic deſer-  
aliqua.

614 *Genealogia Bald. de Avennis,*

Dicto de domino Iacobo de Avesnes, ac de iis qui ab eo processerunt, dicendum est de domino fratre suo, qui Advocatiam de Flammengeria, ac terram magnam circumjacentem habens in partem hereditatis suæ; ex uxore sua duos genuit filios & unam filiam. Quorum primogenitus dominus Nicolaus ex sorore Balduini Buridani domini de Vualincourt quinque genuit filios & filias multas. Quorum primogenitus patri succedens ex sorore domini Karonis de Ruine unum genuit filium & duas filias. Quarum primogenita nomine Yoia, fratre mortuo juvene, patri succedens domino Egidio de Barlemont, marito suo duos genuit filios, Egidium & Iohannem, & duas filias. Filius primogenitus Egidius de filia domini Iohannis de Alneto juxta Valencenas unum genuit filium nomine Egidium. Et hæc dominâ mortuâ duxit secundam uxorem Aldam filiam domini Michaëlis de Vuasieres, ex qua plures genuit filios & filias. Secunda filia dicti Fastradi secundi nomine Ælidis domino Arnulfo de Le Hammaide duos filios peperit, Iohannem & Theodericum, & unam filiam. Balduinus dicti Fastradi frater uxorem duxit matrem domini Egidii de Bairlemont, qui duxit neptem ejus filiam domini Fastradi fratris sui: & genuit dictus Balduinus ex uxore sua unum filium nomine Gerardum, qui ex filia domini de Venduel Melisende unam genuit filiam nomine Heluidem. Dictus Gerardus dicta uxore sua mortua, ex alia uxore nomine Ida filia domini de Lamprenisse\* quatuor genuit filios, Balduinum, Gerardum, Iohannem & Nicolaum, & tres filias Idam, Agnerem & Philippam.

al. \*Lamprenisse.

Dicto de duobus filiis domini Nicolai de Flammengeria, dicendum est de filia ejus, quæ domino Almerico Dauteville duas peperit filias, quarum una nupsit domino Henrico de Hufalis, & altera domino Vuillelmo fratri suo, qui ex sua unum genuit filium nomine Vuillelmum. Dominus verò Henricus ex sua quinque genuit filios & unam filiam: quorum primogenitus Theodericus ex domicella de Rume unam genuit filiam. De aliis verò filiis dicti domini Henrici de Hufalaife tres fuerunt Cle-

rici, & alii non conjugati: & filia dicti Henrici de Hufalise primò nupta domino Henrico de Mirouvant in Ardenna, plures ei peperit liberos: post cujus obitum ipsam duxit dominus Henricus de Belecoste. Alius verò frater domini Nicolai de Flammengeria filii domini Fastradi Clericus fuit, & postmodum Episcopus Tornacensis.

Soror domini Iacobi de Avennes, ac domini Fastradi, filia scilicet domini Nicolai Plugelli, nomine Ida, Castellano sancti Audomari domino Guillelmo quinque filios peperit & multas filias. Quorum primogenitus Vuillelmus nomine patri succedens, uxorem duxit sororem Comitissæ Loffensis Imaginam, quo sine herede mortuo, successit ei frater suus similiter Vuillelmus nomine. Tertius filius Galterus nomine Clericus fuit & Præpositus Ecclesiæ sancti Audomari. Hic postmodum ultra mare multas probitates fecit, & tandem credens succurrere cuidam strenuo Militi à Saracenis in vaso, est occisus ibidem. Quartus Iacobus nomine uxorem duxit nomine Clementiam sororem Comitissæ Rainardi de Dammartin, qua sine herede defuncta cum Comite Hainoniæ & Flandriæ Balduino ivit Constantinopolim, & ibi duxit Principissam Achaïæ in uxorem, ex qua nullum genuit heredem. Et quintus nomine Nicolaus cum aliis ivit in Græciam, & ibi duxit uxorem Reginam Thessalonicæ sororem Vuillelmi de Rupe Ducis Athenarum, ex qua duos genuit filios: quorum primogenitus nomine Bilas, fratre suo Vuillelmo sine herede mortuo, uxorem ducens dominam Thebarum, tres filios ex ea genuit, Nicolaum, Ottonem & Iohannem. Hic Nicolaus patri succedens, uxorem duxit Achaïæ Principissam.

Filiarum verò dictæ dominæ Idæ & Castellani prædicti primogenita Machtildis Advocato Morinensi nupta, sine liberis decessit. Secunda filia nomine Ida Præposito Duacensi unicam peperit filiam Idam nomine, quæ domino Alardo de Antoing unum peperit filium & duas filias. Filius nomine Hugo patri succedens in terra de Antoing & de Espinoit duxit uxorem Philippam, unicam filiam probi viri domini Michaëlis de Harnes, ejusque he-

redem, ex qua tres genuit filios & duas filias: quorum primogenitus nomine Michaël pro sua parte habens terram de Harnes, ex sorore domini Rastonis de Ludekerke unum genuit filium & duas filias. Hic filius nomine Hugo ex sorore domini Iohannis de Berbenchon duos genuit filios Iohannem & Michaëlem: quorum primogenitus Iohannes duxit Mariam filiam domini Eustachii de Conflans, relictam domini Iohannis de Mortaigne. Sororum dicti domini de Hernes primogenita nomine Clarissa domino Eustachio de Lens unum peperit filium & unam filiam Filius iste Iohannes nomine duxit uxorem Alaidem filiam domini Gerardi de Enghien domini de Sortengheen. Et filia dicti domini Eustachii Isabella nupsit domino Alardo domino de Ville. Secunda verò soror dicti domini Hugonis, filia domini Michaëlis de Hernes, nomine Philippa, nupta domino Eustachio Caniver de Rodio sine herede decessit.

Prædictus dominus Michaël de Hernes uxore sua prima mortua, duxit filiam domini Renaldi de Pinkengni, ex qua filiam genuit nomine Mariam, quæ nupsit domino Arnolde de Cisoing.

Secundus filius domini Hugonis de Antoing Hugo nomine ex filia Senescalli Flandriæ Rogeri plures genuit filios, & post mortem hujus uxoris primæ aliam duxit, scilicet filiam Advocati Bethuniæ Roberti, relictam domini Hellini de Waurin. Et tertius filius dicti domini Hugonis de Antoing nomine Iohannes, uxorem duxit Beatricem filiam domini Roberti de Vorne, relictam domini Godefridi de Winti.

Filiarum verò dicti domini Hugonis de Antoing primogenita nomine Beatrix, domino Iohanni de Rume plures genuit filios & filias: quorum primogenitus Balduinus nomine ex filia domini Hellini de Waurin Sibilla tres genuit filias: quarum primogenita Elisabeth nomine nupsit domino Iohanni de Varennes: reliquæ nondum maritatæ. Sororum autem dicti domini Balduini de Rume primogenita, Philippa nomine, domino Theoderico de Hufalisc unam peperit filiam. Altera verò soror Æli-

dis



dis nomine domino Iohanni de Arca plures peperit filios & filias.

Prædictus dominus Hugo de Antoing post mortem uxoris dominæ Philippæ de Harnes, ex filia domini Iohannis de Cisoing Maria plures genuit filios & filias: quorum primogenitus Alardus nomine terram tenens de Briefvel, quam pater eidem adquisierat ex filia domini Galtheri de Torota Maria plures genuit filias.

Secundus dicti Hugonis filius ex uxore secunda, Galterus nomine terram tenens de Belona per acquisitionem patris ex nepte domini Radulfi de Sorées\* Franciæ Ma-  
\* *Leges d'Ellices.*  
rescalli Katerina plures genuit filios.

Tertius eorumdem filius Iohannes nomine Canonicus Ecclesiæ Cameracensis & Archidiaconus: similiter & quartus Arnulfus nomine. Et quintus per acquisitionem patris terram tenens de Assenaing, nomine Egidius ex unica filia domini Guillelmi de Fraxineto plures genuit liberos.

Filiarum verò dicti Hugonis de Antoing ex uxore secunda primogenita nomine Maria domino de Barbenchon Iohanni plures peperit liberos. Alia verò Ida nomine domino Nicolao de Barbenchon, fratri dicti domini Iohannis nupta est. Ida supradicta Præpositi Duacensis uxor post mortem dicti Præpositi domino Henrico de Hondescote nupta, unum peperit filium & filiam unam. Filius nomine Libleus satis strenuus mortuus est sine liberis. Et filia nomine Ida domino Guidoni de Montengni duos peperit filios & duas filias. Primogeniti nomen Robertus & alterius Libleus. Filiarum una nupta est domino Roberto de Beaufart, & alia domino Balduino de Macicourt.

Sororum supradicti domini de Antoing filii domini Alardi prima nomine Maria domino Philippo de Prouvy unicum peperit filium nomine Gerardum, qui patri succedens ex Ida filia Comitum Balduini de Ghines plures genuit filios & filias: quarum primogenita nupsit primogenito Comitum de Salmis in Ardenna Guillelmo. Secunda soror dicti Hugonis nomine Margareta domino Willet-

f. \* Graines. mo de Graumes\* duos peperit filios & duas filias. Primo geniti nomen *Willelmus*, alius *Hugo*. Filiarum una domino *Henrico de Marlins* unam filiam peperit. Tertia filia prædictæ dominæ *Idæ de Avesnes* ac domini *Willelmi Castellani de sancto Audomaro* nomine *Agnes* Abbatissa fuit apud *Messines* in *Flandria*; & quarta *Alaidis* nupsit domino *Balduino de Crequi*, qui ex uxore præcedente jam habuerat filium nomine *Balduinum*. Dictus ergo *Balduinus* pater hujus ex dicta *Alaide* unum genuit filium & unam filiam. Filius sine liberis decessit, & filia nomine *Ælidis* domino *Balduino de Pesnes* plures peperit liberos: quorum primogenitus *Willelmus*, secundus *Balduinus*, tertius *Gillebertus*, quartus *Iohannes*, & quintus *Galterus*. *Guillelmus* & *Balduinus* sine liberis decesserunt, & sic devoluta terra ad *Gillebertum* eorum fratrem *Canonicum Ariensem*. Dictus *Gillebertus* Clericatum dimittens, ex filia domini de *la Planche* plures genuit filios.

Filiarum verò dictæ dominæ *Ælidis* de *Pesne* una domino *Richardo de Liere* plures genuit liberos: quarum una filia dicti domini *Richardi* nupsit domino *Mathæo de Medon*. Alia verò dominæ de *Pesnes* filia domino de *Esquieres* filios peperit & filias: quarum una nupsit *Castellano de Furnes*.

Mortuo autem dicto domino *Balduino de Crequi*, *Ælidis* de sancto *Audomaro* ejus relicta domino *Anselmo de Lonviliers* domino de *Kabeu* unum peperit filium & duas filias. Filius nomine *Arnulfus* patri successit, & filiarum una nomine *Ida* domino *Engilramo de Liskes* tres peperit filios, & unam filiam: quorum primogenitus nomine *Engelramus* ex sorore domini de *Lierdonchiel* plures peperit liberos. Secundus nomine *Anselmus* uxorem duxit dominam de *la More* sororem *Walteri de Oumengni\**, & tertius filius nomine *Vuillelmus* Clericus fuit. Filiarum verò domini de *Liskes* primogenita nupsit domino *Arnulfo de Longuilliers*; & una filiarum domini de *Longuilliers* primogenita domino de *Esquerdes* plures genuit liberos. Et secunda filia nupsit primogenito filio domini *Anselmi de Ordre*.

f. \* Rumen-  
gni.

Quinta filia dominæ Idæ de Avesnes nomine Margareta nupsit domino Balduino de Crequi filio domini Balduini ex uxore prima, qui postea duxit Ælidem sororem dictæ dominæ de qua locuti sumus: & peperit dicta domina Margareta dicto domino Balduino plures filios & filias: quorum primogenitus Philippus terram de Crequy tenens post patrem, ex sorore Vicedomini de Pinkengni Gerardi plures liberos genuit: quorum primogenitus nomine Balduinus ex filia domini de Hellivinea ejusdem herede plures genuit liberos. Secundus dicti domini Philippi filius nomine Hugo ex uxore sua domina de Selles plures genuit liberos. Tertius dicti domini Philippi filius nomine Philippus, & quarti nomen Engelramus, qui fuit Clericus & Episcopus Cameracensis. Filiarum verò domini Philippi domini de Crequi una nomine Margareta primogenito domini de Gisteles unum peperit filium, qui post mortem domini Walteri successit in terra de Furfeselles, & dicta Margareta nupsit domino de Hargicourt, quo similiter defuncto sine liberis, iterum maritata est domino Vualoni de Boure, post cujus etiam mortem domino de Transengnies.

Secundus frater dicti domini Philippi de Crequi nomine Balduinus dominus de Torchi plures genuit filios: quorum primogenitus nomine Vuillelmus patri successit. Secundi nomen Philippus, & tertii Balduinus. Una filiarum dicti domini Balduini de Torchi nupsit domino de sancto Maxentio, & alia domino de Semp. Duarum verò filiarum dicti domini Balduini de Crequi junioris, una nomine Margareta Abbatissa fuit apud Messines in Flandria, & secunda domino Iohanni Boutteri domino de Boumo unam peperit filiam, quæ domino Bernardo de Moreul unum peperit filium nomine Stephanum. Hic Stephanus uxorem duxit filiam domini Comitis de Domartin, & post mortem domini Bernardi de Moreul, dicta filia domini Vuillelmi Boutteri remaritata est domino Guillelmo de Pois, cui peperit unum filium. Tertia filia domini Balduini de Crequi domino Iacobo de Gifny unam peperit filiam, quæ nupsit domino de Coudun, qui

H h h h ij

ex ea duas genuit filias: quarum primogenita nupsit primogenito filio domini de Raineval, & alia primogenito filio domini de sancto Simone. Quarta verò filia domini Balduini de Crekui domino Radulfo Flamment duas peperit filias, quarum una nupsit domino Iohanni de Eppe, & alia domino Gerardo de Sorel. Sexta filia dominæ Idæ de Avesnes nomine Beatrix domino Philippo de Aria, fratri domini Balduini de Aria, duas peperit filias, quarum una nomine Isabella domino de Beauraing duos peperit filios & quinque filias. Quorum filii mortui sunt juvenes. Vna verò quinque filiarum domino de Bremeia duos peperit filios Eustachium & Alelmum. Eustachius uxorem duxit Comitissæ filiam de Domartin, quæ sine liberis decessit, & Eustachius aliam ducens uxorem filiam domini Drogonis de Mili, ex qua plures genuit liberos.

Secunda filia dominæ de Beauraing domino de Hasebuerc plures etiam genuit filios. Tertia domino de Bruet & de Beekin similiter genuit liberos. Quarta domino de Brumesbere plures etiam liberos genuit. Et quinta nupsit domino de Bleki.

Secunda filia domini Philippi de Aria, Soror Isabellæ prædictæ nomine Machtildis domino Iohanni de Ypra domino de Revenghes plures peperit filios.

Dictum est quod dominus Willelmus Castellanus S. Audomari, filius dominæ Idæ de Avesnes sine liberis decessit, similiter & Vuillelmus frater ejus, Miles strenuus, & citra mare & ultra fratri succedens in Castellania sancti Audomari & Comitatu de Faukemberghe sine herede mortuus est, & ideo devoluta est illa terra tota ad dominam Beatricem ejus sororem uxorem domini Philippi de Aria, eo quòd fratres ejus omnes & sorores antegenitæ jam decesserant, & hæc Beatrix non diu supravivens mortua est, & successit ei filia sua Machtildis uxor domini Iohannis de Ypra domini de Remenghes\*, qui ex ipsa plures genuit liberos: quorum primogenitus nomine Guillelmus heres Castellaniæ S. Audomari & Comitatus de Faukemberghe, ex uxore sua Adeluia filia Comitissæ Balduini de Ghines unum genuit filium & ueram filiam.

f. \* Revenghes, ut infra.

Filius quidem nomine Willelmus patri succedens, ex filia domini Florentii de Varennes unam genuit filiam, quæ fuit conventionata primogenito filio Castellani de Beaumes. Soror verò nomine Machtildis prædicto Castellano de Beaumes Balduino plures peperit filios. Fratrum verò prædicti Willelmi primogenitus post ipsum Willelmum, Iohannes nomine in terra successit de Revenghes, & alius frater ejus nomine Gerardus Archidiaconus fuit Brabantia in Ecclesia Cameracensi. Tertius nomine Iacobus dominus fuit de le Nieppe. Quartus nomine Balduinus de Bellefontaine Thesaurarius in Ecclesia Antonienfi. Quintus nomine Walterus dominus fuit de Morbeke, & acquisivit Castellaniam S. Audomari pro parte quæ jacet in Flandria. Et sextus Bouchardus vocabatur, duarum verò filiarum dominæ de Revenghes una nunquam voluit maritari, sed castè vixit; & alia nomine Beatrix domino de Beaumanoir unam peperit filiam, quæ nupta est domino de Strées.

*Il est  
d'Eltres.*







# CHRONICON

MONASTERII

BEATÆ MARIÆ,

ORDINIS S. BENEDICTI

APVD MOSOMVM,

In Diœcesi Remensi , à D. Adalberone  
Remorum quondam Archiepiscopo  
fundati Anno salutis DCCCCLXXI.

---

*INCIPIT TEXTVS VITÆ*

*ac Translationis S. Arnulfi Martyris.*

**S**ANCTORUM solemnia quotiescumque agimus, fidelimente, Fratres, pensare possumus, quia cum sit pro humanis laboribus apud Deum jugis omnium Sanctorum deprecatio, de illis hoc pro nobis tantopere fieri, tunc potissimum sperare debemus, quando in Dei laudibus pro illorum gloria attentiores sumus. Ideò nobis pia intentione curandum est, ut quod exterius per speciem significamus, interiùs in veritate teneamus; & inde foris solidemur in opere, unde intus reformamur in mente. Solemnitas enim Sanctorum, salus est & lætitia fidelium, qui de illa jam gaudent inventionem; unde nos per spem hilarescimus in itinere, certi per gratiam Dei ad eorum nos pertinere & perventu-

ros esse consortium, quorum per fidem & operationem imitatur exemplum. Illi fidei firmiter servantes propositum, spei anchoram tenentes per desiderium, imitati sunt Christum in morte sua, & per calicem passionis adepti sunt præmia æternæ felicitatis.

Igitur eorum nos in quantum possumus, Deo largiente, vestigia prosequamur; & si eos dignè imitari per omnia non valemus, tamen in quantum virtus suppetit, & ex affectu cordis diligamus, & corporis devoto servitio celebremus; ut dum eorum merita recolimus, patrocinia sentiamus. Nec enim dubitandum est eos semper esse avidos salutis humanæ, pro qua Deus misericorditer homo fieri dignatus est, & quam nobis suo sanguine Christus comparavit, ipsamque in se assumptam in dexteram Patris in cælestibus collocavit; ut ubi præminet in capite, ibi conservetur in corpore. Sed idcirco impensius Sancti salutem nostram apud Dominum efflagitant, & per compassionem . . . . . scientes quia quanto magis nostræ corruptionis labore premimur, tanto magis necesse est ut divino auxilio sublevemur.

Proinde, dilectissimi Fratres, Sanctorum memoria fidei semper est cogitatione veneranda, & pia admiratione suscipienda. Qui enim carnis materiam portantes, sed tanquam de carnali corruptibilitate assumpti, præter carnem vixerunt, & per spiritum vivificantem ea quæ carnis sunt calcaverunt, dignum valde est, ut & vitæ sanctitate insignes habeantur, & victoriarum suarum titulis coronati, honore & admiratione pariter reverendi laudabiliter prædicentur. Vnde quia hunc diem pro B. ARNULFI Martyris præsentis patrocinio solemnem recolimus, ipsi Domino Deo multiplices gratias referimus, cujus adoranda semper clementia tanti benedictione suffragii, nos in hac die voluit feliciter prosperari. Hodie namque Patribus nostris & prioribus hujus loci, Mosomensis videlicet Ecclesiæ, quod minùs sperabant divina bonitas optabile satis contulit donativum, quod & sibi ac posteris suis per succedentia temporum curricula posset esse salutiferum, mœstis & dolentibus consolatorium; fessis & laborantibus



bus tranquilla requies, profligatis & pro peccato morientibus præsentissima sedes recreationis. Hodie namque, Deo faciente misericordiam, Mosomensis Ecclesia hujus sancti Martyris suscepit pignera, accepit patrocinia, meruit fidissima orationum ejus beneficia. Excepit die ista lætantibus Angelis exanime corpus, sed quod miraculorum famulante testificatione comitabatur cœlica virtus. Suscepit, inquam, loculum & corpus cum ossibus extinctis, sed quæ foris abjecta videbantur, intus erant jucunda & vivida meritorum lumine. Ostendebat nimirum omnipotentia divinæ majestatis quod latebat oculos nostræ carnis: repræsentabat vivæ virtutis indicium, unde mens nostra nimis ambigeret, cum eam fidei argumento solidatam veritas ipsa miraculorum ad magis credendum attraheret.

Mirum erat quod cæca mulier visum reciperet, & cum virtute miraculi lumen surgebat fidei. Stupendum erat prodigium, quod ignis suarum oblitus virium nequibat præbere inter arida ligna incendium. Prorsus erat mirificum, & antè à sæculis nostris insolitum, verè novum cœlestis virtutis opificium, navim per fluctus ire sine remige contra fluminis impetum adlabi placidissimè; & dum fluctus deorsum sensim labitur, navim aquila præsidente cum solo Sancti corpore gratanter undis invehit. Sed jam ratio postulat, ut causas tantarum rerum series narrationis expediat.

Venerabilis igitur ARNULFUS, vir verè Deo dignus, Lothariensis terræ fuit accola, arque ut ex miraculis claudit, totius innocentiae & sanctitatis arripuit tenere vestigia. Quibus insistens, & fideliter Deo in timore & justitia deserviens, magis ac magis in bono proficiens, sicut palma in dies multiplicabat, sicut lilium odorem virtutum coram Deo germinabat, pro quo modò electus & assumptus habitabit in atriis semper cœlestis vitæ beatus. Hic itaque verè bonorum operum studiis augmentatus, per simplicitatis oculum corpus suum exhibebat lucidum. Sed cum divina gratia sic ejus disposuisset opera, ut lucerna in domo Dei fieret quatinus intrantibus lumen

præberet ipse, quod nescientibus rectum & velut obscurum erat in tenebris. Positus super candelabrum bonæ operationis dare cœpit flammæ quibus accensus fuerat divini amoris. Audiens namque quod ait Apostolus:

2. Cor. 5. 6. *Quandiu in hoc corpore sumus, peregrinamur à Deo: per fidem enim ambulamus, & non per speciem.* Itémque illud:

Heb. 13. 14. *Non habemus hic manentem civitatem, sed futuram inquirimus.* Hanc vitam peregrinationem intellexit esse, non patriam, carcerem servitutis pro domo libertatis, exsilium captivitatis pro civitate & regno supernæ inhabitationis: Idcirco corpus castigans servituti subiciebat; attenuans carnem male illecebris seducentem, & spiritum roborans virtutum plantaria fructificantem.

Vnde bonus adolescens peregrinatione suscepta ad ultra Mosanos ac Mosellæ sinus Belgicam, Celticamque Galliam petiit orandi gratiâ, & Sanctorum qui in eis sunt frequentandi suffragia. Quid ibi negotii habuerit, quid commercii cum ipsis, sancta ejus suspiria & piæ lacrymæ in precibus assidue profusæ egerint, non multum est necesse dicere, cum satis sit perspicuum, eum quæ sanctè poposcerat, efficaciter promeruisse, & quæ justè quæsierat feliciter obtinuisse. Itaque lustratis multorum Sanctorum patrociniis, tam in urbibus quàm in vicis, mète & corpore sospes repedabat, & alacris ambulabat sollicitus cum Deo suo, innocens manibus, & corde mundo, quia non acceperat animam suam in vano, nec in dolo juraverat proximo suo. Et quoniam hæc generatio quærentium Dominum, quærentium faciem Dei Jacob accepit benedictionem à Domino, & misericordiam à Deo salutari suo, ut ascenderet in montem Domini, & staret in loco sancto ejus.

al. \* Porci-  
censis.

Interim Porciensem\* comitivam ingressus, propè jam egrediens perlimitabat eam, cum ecce à latronibus vitæ vel pecuniis transeuntium insidiantibus occurso improviso exceptus, in loco qui dicitur . . . . . in silva, quæ cum toto circumposito sibi montuoso territorio Frigemons appellatur, usque ad mortem verberibus & plagis dirissimis toto corpore dilaniatus, tandem vix ad villam,

quam Gruerias appellabant, pervenit, & ducente se via, regio, ut dicunt, Pergio sublitit: Quem cum inibi villę populus diutissimè residentem vidisset, nec inde se promoventem, lassum quidem priùs credentes, fageto autem & umbrâ silvę quę dextrorsum præeminet æstimates obumbrari: ac deinde cum nullatenus removeretur, putantes speculatorem, vel alicujus prædę aut rapinę exploratorem, vadunt quisnam sit percunctari. Nam villa tunc illa & viris habitabatur admodum honestis & divitibus, & populi frequentia, ruralique negotio satis erat composita. Venientes autem, & quàm malè se ille vir sanctus haberet invenientes, humana miseratione commoti nuntiaverunt apud villam celerrimè causam facti. Quod audientes concives à majore usque ad minorem convenerunt ferè omnes dolentes cum dolente, infirmati cum infirmante.

Matronę verò villę illius, quibus & humanissimus & devotus erat affectus, cupientes eum domibus suis adducere, ut in sancta administratione illius participarent glorię remunerationis ejus, offerebant ei suam christianissimè sedulitatem in omnibus, secundum quod immensitatem considerabant dolorum & plagaturę ipsius. Quibus ille publicè loquens: Ego, inquit, jam delibor, & tempus resolutionis meę instat, non erit diutissimum sedulitatis hujus ministerium; quia jam fatiscentibus hujus corruptionis artubus, jam sopitis venarum pulsibus, mox deposito carnis onere spiritus suo pergens itinere, repręsentabitur Dei misericordię. Subvenite potiùs ut subveniat vobis Deus. Procurate misericordiùs, quatinus Sacerdotum manibus Dominicę communionis Eucharistię merear suscipere, ut accepto viatico defensionis contra occursum insidiantium spirituum munimen habeam redemptionis pretium. Protinus . . . . . accito Presbytero, facta oratione, & dicto symbolo, participans vivificis mysteriis, unitus corpori æternę salvationis: Peregrinum, inquit, me cernitis, peregrinum in hoc loco & in hac via hujus meę sepelite peregrinationis. Post hæc facta & dicta, pedes suos colligens & oculos ac ma-

Obiit S.  
Arnulfus.

nus in cælum intendens, Domine, inquit, Iesu Christe, qui hanc fecisti & redemisti animam, tibi eam trado & commendo tuæ redemptionis electis animabus connumerandam.

Diu jacuit  
corpus ejus  
incognitum.

al. \* permanebat.

Quo post beata vota in morte resoluta, procuraverunt ei cives illius loci honestum sepulturæ loculum, qui viæ regiæ contiguus in promptu est videri transeuntibus. Vbi positus ignotum est quandiu jacuit, quousque illum divina virtus revelari voluit. Defuncta namque & è medio viventium sublata omni generatione illa, quæ eum terræ mandaverat, nomen quoque ipsius prorsus jam tacitum & oblivioni traditum erat, præterquam quia fidelis cuiusdam peregrini sepultura nota erat, & tumulus desuper aggestus ibi præminebat\*.

Tandem revelatur.

Cùm autem supernæ providentiæ placuit & nomen & meritum manifestare dilecti servi sui, accidit unum è vicinis gravi febrium languore torqueri, & diu vexatum duræque detentum ad mortem usque affigi: in quo dolorum angustiatu cruciatu vidit ex revelatione divina visione somnii sui quemdam placidi vultûs hominem apparentem, sibi que dicentem: Gravi detineris dolorum incommodo, pessimæ infirmitatis artaris vinculo: unde & te jam relaxari oportet, & auctorem salutis venerari concedet. Vade properè absque hæsitacione ad locum illum tumuli, secus viam in dextra positi, & facta oratione tua cum fide convalesces ocyùs ex hac incommoditate. Dicam tibi mysterium, enunciabo veritatis arcanum. Ibi enim sepultus ex diutino tempore requiescit sanctus Martyr Arnulfus; quem generatio illa quæ tunc eum sepulcro obruit, minus curans oblivioni contradidit. Tu ergo ne dubites, quin ipsius meritis salutem quam desideras consequaris. Abiit ille, humiliter accessit, precibus fufis paululùm dormitavit: excitus à somno, Deo & sancto Martyri gratias & laudes referens, incolumis remeavit. Quod ubi contiguus finibus auditum est, accessit infirmus unus & alter, oraverunt fideliter, redierunt salubriter. Fiebat istud non paucis diebus, donec infinita multitudo convéniente, & manifesta sentiente reme-

dia, quotquot cum fide veniebant Dei & sancti Martyris ejus redeuntēs prædicabant quæ experti erant magnalia.

Hinc vicini cum incolis inter se colloquentes consilium habuerunt, ut collatione facta pro viribus preparatis impensis, Ecclesiolam facerent, in qua cum sepulcro suo S. Arnulfi corpus transferentes ponerent. Quibus omnibus paratis, Ecclesiam ex communi faciunt, tecturam superponunt, ad tumulum ea veniunt intentione, ut quia ibi ut pote in via regia super eum non quibat fieri Ecclesia, ad præparatum loculum ferrent arcam sepulcri lapideam cum corpore. Sed effosso circumquaque tumulo, & egesto terræ aggere, nulla vi hominum, nullo ingenio conquisito artium amoveri potuit inde: Mirum, non sine magna quidem circumstantium & intuentium admiratione, cum sepulcrum inspicerent quantitatis modicæ & multæ brevitatis, quod etiam quadruplicatum portaret facile tantorum virtus coadunata virorum. Vnde cum stupore & timore præsumptionis suæ ab incepto desperantes penitus restitere, reservantes illud factum cui Deus annueret generationi posteræ. Ecclesia tamen mansit multo tempore distans à sepulcro Sancti, quantum potest jacere . . . . . cujus adhuc manent vestigia, fruticibus & arbuſtulis circumſepta, vetustate & imbrium infusione diruta omni maceria.

Ecclesia S.  
Arnulfi  
ædificatur.

Erat adhuc eo tempore in eadem villa ex majorum ſucceſſione, quorum juris fuerat fundus ille, una linearis proſapia, quæ juxta abuſivam conſuetudinem mundani tumoris arrogabat ſibi veterum ſuorum ventofam deſenſionem in pretioſitatem generoſi germinis, & ſuperbi nobilitatem ſanguinis. Vnde contentione facta ex multiplicatione litis accidit inter eos diſſidium. Nam quidam Miles nomine AIRANNUS, ex ipſis unus, ſed ut videbatur aliquantò inferioris germinis, cetera omnia pro ſe, vir bonus inter eos ſortem habebat hereditatis: in parte tamen illa ubi corpus requieſcebat ſancti Martyris Arnulfi, quæ viæ vicinior & exitui opportunior (per eam quippe & in ſilvam erat iter & in paſcua) quidquid ſati vel graminis habebat inquietudine peculii totius villæ perde-

bat. Hinc sæpe clamans, sæpe contendens, cùm neque legum iudicio, neque civili contubernio quæ sua erant quietè possidere potuisset, verborum contumeliis & nimietate injuriæ provocatus, arma capit, armis rem suam defendere repromittit, injuria iteratur, damnum cumulatur, homo contemnitur, in facinus properatur. Quid multa? Adeò res processit, ut quidam eorum **FULCHERUS** nomine interceptus in damni crimine, confossus truculenter, cum peccato suo moriens spiritum exhalaverit vitæ.

Quo facto post ultionem injuriæ & admissionem piaculi Airannus in sese rediit, & quia manum propinquorum effusi sanguinis sustinere non posset, secum ipse æstimans reputare cœpit. Vnde continuò fugitivus per devia quæque & silvosa delitescens timore mortis, patronum sibi & tutorem contra potentes potentiorẽ quærens, facit pactione suæ fidelitatis & manu commendationis cum omnibus quæ erant sui juris . . . . . quemdam virum bellicosum, qui fasque nefasque pensabat æquè, famosus opere, potens & viribus & genere. Hic habitabat in villa sui juris prædicto fundo satis proxima, quæ appellatur *Avia*\*: frater enim erat Comitum **GOERANNI**, qui castellum sui dominii tenebat, quod *Cantaranna* nomen habebat.

al. \* Ania.

Airannus ergo propter compendium auxilii & liberationis, advocatum habebat interim virum hujusce qualitatis. Inde ad altiora tendens, & tutiora perquirens, **OTTHONEM** Comitem adiit, qui fortè tunc in illis partibus commanebat: quia ibi propter defensionem & opportunitatem alodiorum suorum castellum fecerat, quod **WARCUS** nomen habebat. Hunc itaque virum tunc Airannus expetiit: de suis fortunis verba facit, causas aperit, susceptionem postulat, fidelitatem servaturum insinuat, spondet, & firmat. Comes **OTTHO** viri fortis & nobilis gerens animum, suscipit hominem, annuit gratiam, præbet necessaria, repromittit adjutorium & defensionem suam sibi non defuturam, si fidem in eo inveniat stabilem & firmam.

His factis pactionibus adeptus familiaritatem gratiæ ejus : Est , inquit , cum coheredibus meis in villa Grue-rias alodii non modica mihi portio , quam cum cespite suo nobilitat beati Arnulfi in tumulo adhuc quiescentis pretiosa confessio ; qui gloriosus meritis , sacris virtutibus fulget venerabilis. Hunc si tu , domine mi , comparare volueris , leviori pretio quàm aliquis hominum me vendente & tribuente sub tuo jure acquirere & possidere poteris. Lætus Comes de patrocinio Sancti , quia certa esset tuitio sui castri , secundum commune placitum ille solvit quæ inter eos convenerat pecuniæ summam ; ille promissam donat beati corporis glebam. Comes facti commercii non negligens negotiator , properans maturè antequam fama vulgaret , accitis peditum & equitum copiis , matutinus venit ad tumulum , & per manus Presbyterorum levans , in feretro corpus sanctum , cum ingenti gaudio insipientibus rusticis , de quorum possessione tollebatur , transtulit Guilledium , & in Ecclesia sancti Hilarii Pictaviensis Episcopi , cujus ibi memoria veneratur , posuit aliquandiu custodiendum , donec in castello facta capella cum majori reverentia servaret tantum thesaurum. Quo ad nutum ordinato , & capella constructa transfert ibi pretiosa Sancti pignora cum multa populorum frequentia.

Transfertur  
corpus S.  
Arnulfi  
Guilledium.

Qualiter autem ab illo loco ad hanc Mosomensen Ecclesiam gratia Dei Sancti hujus voluerit pervenire præsentiam : quanquam prolixitate orationis digressionem facere videamur , tamen plena fide relationem historiæ texentes explicare aggredimur. VDALRICUS\* sanctæ Remensis Ecclesiæ Archiepiscopus naturæ concedens legibus , humanis rebus erat exemptus. Francorum Rex gloriosus in sceptris agebat domnus Lhotarius ; qui audiens vacuam Pontifice sanctam sedem Remensis Ecclesiæ , Dei permittente gratia , & ordinante clementia , cum totius cleri & populi electione , & assensu Procerum occidentalis Franciæ , domnum ADALBERONEM regali munificentia præfecit & constituit summum Antistitem , virum , ut credimus , Deo dignum , in rebus Ecclesiasti-

al. \* Odalricus, qui obiit an. 968. vel 971.

cis strenuum, carne nobilem, genere potentem, consilio prudentem, magnanimitate singularem, fidei virtute invincibilem.

Hic sibi commissi ovilis pastor sollicitus, nequando periclitaretur, & urgente mundi pressura à recto devia-  
ret, curis anxius, pia sedulitate infirmos consolabatur cum fortibus. Erat ei sermo doctrinæ congruus ad ædifi-  
cationem audientium in gratia sale conditus: unde for-  
mam virtutum ac disciplinæ daret subditis, unde redar-  
guendo improbos viam eis significaret humilitatis. Interea  
dum pax creditur, dum meliora sperantur, insurgunt  
contra hunc bonæ spei virum mille insidiarum stimuli,  
tumultuantur adversus eum quidam Proceres regni:

*Matth. 13. 25.* *Dum enim, sicut ait Evangelium, dormirent homines venit inimicus homo, & superfeminavit zizania.* Dum dormit  
justitia in Regum & Principum cordibus, dum resolvun-  
*Indic. 17. 6.*  
*6. 18. 1. 21.*  
*24.* *tur in suis cupiditatibus, & sicut scriptum est: Quia in die-  
bus illis non erat Princeps & Propheta & Dux in Israël,*  
sed unusquisque quod sibi videbatur rectum hoc facie-  
bat, cœpère se prout quisque poterat in majus efferre,  
maiores minores suos, ut est hodie malæ consuetudinis,  
opprimere, potentiores impotentes venari, & quasi præ-  
dam sequi, timore Dei abjecto, jure legum sæculi spreto  
Ecclesias affligere, familias Ecclesiarum, quas minùs gla-  
dius & scutum defensionis tueretur, apposita quacum-  
que injuriæ occasione, aut gratuito potius servituti ad-  
dicere.

Quos cum vir prædictus in familiam suæ Ecclesiæ ni-  
mis grassari cerneret, & quæ libera esse debuisset servi-  
tutem plangeret, primùm quidem verbis & suasionibus  
suis missionem quærere, inde cùm minus proficeret, quia  
& militiæ sibi erat copia, & sui generis hoc pati indignè  
perferere potentia; reclamando apertè minari, & resi-  
stendo tuitionis remedium defensionisve subsidium con-  
quirere cœpit manu militari. Vnde factum est, ut & qui-  
busdam adversariorum audendi talia metum incuteret,  
& ab infestatione Ecclesiæ alios temperare faceret. Ag-  
pernantes autem, & in suæ pravitate feritatis persistentes,



tes ; promptissimo sæpè aggrediens ausu : victoriarum glorioso superans mutilaret occurſu. Inter hos & omnium quidem præcipuus jam nobis ſuperiùs dictus О Т Т Н О erat Comes, Otthonum ſcilicet Romanorum Imperatorum , & adhuc tunc temporis ſceptra nobilitantium clariffima & germaniffima progenies, ſanguis Patricius, & ut ex ampliffimi paterni & materni juris ditiffimo patrimonio apparet , fundis vir & opibus & dignitate ſatis præditus. Hic ergo tantus homo graves diſcordiarum inimicitias cum iſto noſtro Adalberone ſuſceperat Archiepiſcopo. Quæ ſpecialis cauſa tunc extiterit, nos quidem later hodie , quia oblivio mater negligentiarum quæ nimis in partibus noſtris viguit , poſteris ſuis hæc & multa alia tacendo invidit, tanquam ea ſenium vetuſtatis antiquaverit. Tamen vir iſte protervo animo & minaci auſu contendens cum Epifcopo ſe ſe vaſtaturum ejus Eccleſiam, oppreſſum ire familiam minabatur , è gravibus eundem verborum contumeliis exaſperabat , & diverſis injuriarum modis laceſſere ipſum vel inquietare non trepidabat.

Sed ecce tanquam ex improviſo noſter Epifcopus paratus aſcendere ex adverſo , & opponere ſe murum pro domo Iſraël, callens ingenio , cautus conſilio , fultus parentum & amicorum præſidio , collectis copiis militiæ eccleſiaſticae fortibus auxiliariis, præfati Comitum caſtellum, quod Warchum\* ſuperiùs diximus appellari cum exercitu circumvallat , turmas peditum circumfundit, balliſtas & fundibula intendit, negotium pro quo convenant gnaviter peragi & poſcit & imperat. Ad certamen venit, miſſilibus & jaculis res geritur, foris acriter pugnatur, intus fortiter reſiſtitur. Iſtis nitentibus pro gloria, illis conſſigentibus pro vita , fit interdum anceps victoria : Locus enim non tam naturali munitione firmus, quàm humano labore & opere manuali factus, modò aggerere terræ, modò paſtophorio, interdum ubi opportu- fuerat. . . . . roboratus non faciles præbebat acceſſus. Nam & Moſa fluvius profundiffimis inibi gurgitibus, vel equo vel pede non tranſineabilis, parte una caſtrum ipſum

*Gal. \* Vuare.*

præterfluit, parte verò altera veniens Sulmona flumen non modicum gratanter alluit. Hic loci situs tunc erat, modò turrium altitudine & fortissimo murorum ambitu præter ipsa fluviorum fundamina, nisi fors altera fiat, robur habet inexpugnabile.

Interim nostro Archiepiscopo rem variabilem & nimis asperam non æquis oculis aspicienti, subitæ novitatis opus apparuit, quod suo prodigio, & animos bellatorum quàm fortiter erexit, mentémque Archiepiscopi quem spes incepti negotii frustrabatur, licet eam quàm strenuè vultu præferret, ex Dei tamen adjutorio refovens sublevavit. Nam militibus fluminis profunditate viam aggrediendi & manus conferendi inhibēte, per media castra junix una transitum habuit, & videntibus omnibus vadum quod penitus ignorabant sensim legens alveum permeavit, neque ut natura est animalium, enatando vim fluviorum transfadit, sed pedetentim quacumque pervium fuit, passim iter monstrando ne tantus labor frustra esset, tanquam Dux auctor itineris ultiores ripas voti composcendit. Quo viso, nec stuporem movente, sed quod erat in rem audendi\* & faciendi operam prænuntiante, Episcopus cum assistentibus: Divina nos, inquit, comitantur beneficia, quibus rem facti per bruta denuntiat animalia. Sequamur, quâ nos non fortuna sed Deus evocat, qui populo Israëlitico maris rubri arenas ad calcandum dividendo discrevit, & Pharaonem demersit, credo, spero, audenter etiam dico, ipse nobis pecudem præsignatricem misit, ut sicut hoc animal jugo assuetum humanæ vitæ suis laboribus sit accommodum, ita nobis si vestræ militiæ non pigeat & pudeat, bos ista vincendi & superandi quidquid putatis arduum sequendo & experiendo sit argumentum. De laboribus animalis hujus sic Scriptura refert: *Vbi plurima seges, ibi manifesta fortitudo boum.* Ac si dicat, ubi bellantium virtus vivida, ibi victoria sequitur & corona. Quapropter, Milites fortissimi, virtute accingimini, nec segnities redarguat quos bucula lascivians ad exasperandum informat. Sequimini præostensam viam, nullus labor arduus virtutem verè amantibus.

\*audiendi.

Prov. 14. 4.

Talibus excitus adhortationibus & junicis vestigiis præeuntibus, GODEFRIDUS Comes frater Archipræsulis, qui simul aderat, Heynodarios & Ardennenses, quos secum exhibuerat, lituo buccinante aggregat, quo ceteri sequantur, ipse primus, ut decebat, virum fortem insinuat. Qui mox lorica trilici & hamata indutus, galea cristata fulgentique caput armis accinctus, vultu terribilis, impetu formidabilis, quâ bucula præcesserat vadum ingreditur cum suis intentis acerrimè omnibus prælio, Godefridus ignem jubet sepibus apponi subito, ut & suis audendi fiducia, & illis introrsum fiat inaccessibilis pugna. Ignis interim accensus undecumque perquisitis ambustionibus flammæ ad cælum evomit, dextra lævâque errabundus obvia quæque demetit, urente vento arreptus magis magisque vires accipit, spinis & sepibus facili quippe materia celerrimè cedentibus, patet amplissimus intrandi aditus. Oppidani relicta statione pristina quaquaversum palantes, fugæ præsidio diversa quærunt latibula: milites ocyùs consensu domnionè\*, domo scilicet principali & defensiva, rebus suis diffidentes, decernunt inter se pacisci pro vita. Vident enim totum castrum teneri undique ab ignibus, & si quid ignis nondum attigerat prædam fieri hostibus, equos scilicet phaleratos cum burdonibus & omnem suppellectilem concupiscibilem domus. Ignis ignorans parcere, nesciens mitescere, propriè habens misereri nolle, consumptis omnibus, flammis semper potentioribus Ecclesiæ propinquabat fortibus.

f. \*Gal. Dant.  
jon.

Ecclesia ibi erat lignea, in qua sancti Arnulfi quiescebant pignora: lignea, inquam, quia nec maceriarum adhuc ibidem existebant fundamenta; etenim vorago paludis nulla inibi sinebat fundari pro hiemalibus aquis. Ad hanc ergo Ecclesiam cum appropiassent flammæ, ignis resedit repente, & quasi totis Æoli flatibus relisus averfus, continuo recessit retrogradus. Divinum namque quiddam intuens, & mirabile quoddam in ipsa intendens, oblitus naturæ perdebat vires potentiæ suæ; nec erat dubium si hæc flammis urgeretur, quin statim omnis defen-

K k k ij

siva domus cum fugitivis & latentibus cremaretur. Sola hæc causa erat quæ moras victoriæ protrahebat. Episcopus miratus, & novitate facti stupore percussus: Quid, inquit, hoc novum, quid significat rei hujus miraculum? Vetus tabulatum & arida lignorum materies illæsa inter flammæ durat, & ignis qui etiam ferrum domat, attentare ligna reformidat? Mirum! ô viri mirum! nobis sic ista videri:

*Fit res mirifica, nec frustra visio tanta.*

*Sed vellem scire quid rei possit inesse;*

*Hæc sine prodigio non sunt quæ ludicra cerno.*

*Si sit divinum, dignum est venerari ipsum.*

*Si qui concives estis qui talia nostis,*

*Pandite perspicui tutò jam mystica facti.*

Assistentes quidam, qui etiam pagenses erant: mirum non est, inquiunt, domine, quia opus cernitis virtutis divinæ:

*Hic meritis sanctus, virtutum luce coruscus:*

Corpore servatur Arnulfus Martyr laude dignus & honore verendus. Hactenus nobis propitius fuit, & pietate insignis; nunc aversus facientibus malis nostris reliquit in angustiis iniquam gentem cum peccatis suis. Malè namque ei serviebatur, nec honor suis meritis congruus referebatur. Monstrat modò quid possit, ostendit quid nolit, tueretur suam ab ignibus domunculam, & donec in ea pausaverit, adversus eam ignis nihil poterit. Et quis, inquit Episcopus, quo sanguine cretus? unde domo genitus? civis an incola? peregrinus an advena? Genus, aiunt, & vitam quam duxit ignoramus, præterquàm quòd locum sepulturæ ejus habemus in proximo, ubi terram terræ contulit, cæloque spiritum reddidit, ubi etiam aliquandiu jacens & meritis vicens, diversis infirmitatum incommodis, Deo præstante, obtinuit remedium salutis. Quod OTTO Comes audiens, & experimento cognoscens, dato pretio incolis, quorum juris erat locus (villam enim illam Gruerias dicunt; auctor autem commercii Miles quidam AIRANNUS exstitit, sub cuius possessionis titulo Sanctus quiescebat in tumulo) Co-

mes, inquam, Otto vallatus multo populo corpus Sancti tulit inde cum honore debito, & in Ecclesia antiquissima sancti Hilarii in hac proximè villa Guilledio cognomine (nominatissimus quippe fuerat nundinarum locus) pausavit tempore aliquantulo, donec miraculis crebrescentibus propter frequentiam populorum timens furtim perdere, usus sibi viso consilio transtulit huc novissimè.

Cùmque hæc & talia audiret patienter Episcopus, mente pertractans, & rem quam videbat, quæque satis congruenter dicebantur, sapienter pensans. Ite, inquit suis qui eum circumstabant Sacerdotibus & Clericis: Ite intrò, & quæque Sanctorum intus invenietis, cum diligentia exhibere hîc nobis. Quo factò & expositis omnibus, miro modo & opere stupendo ignis, qui antea timidè languens & quasi pene deficiens residebat, vires subito resumens, & sicut ventus vehemens irruens, quicquid priùs intactum reliquerat, profunda consumendi voragine Ecclesiam scilicet cum domo majore absorbebat. Vnde magis in admirationem ductus Episcopus, lætus quia facti quod cœperat compos & victor existeret.

Certus autem quia quæ mira de hoc Sancto audiebat jam ipse miranda præ oculis habebat, reverentiam erga Sanctum tenens, causas justitiæ ait, mihi habens adversus hoc castrum veni: sed ut mihi videre videor, & Deus ex hoc factò ostendat, meritum hujus Sancti ut venirem exegit; & ne diutiùs in hoc malorum & negligentia jaceret cœno promeruit. Paretur, inquit ergo Episcopus, jam festinanter cum suis rectoribus una navis quæ eum cum testimonio & auctoritate nostra perferat Bracas, ubi Confessor egregius vita & meritis requiescit Archiepiscopus Viventius. Est enim ibi Canonica duodecim Clericorum Remensis parochia, quam vita comite, auspice Deo in votis habeo regulari Monachorum proposito honestiùs ordinare. Ad nutum jubentis mox parata navi, cum illa sui exercitus frequentia per se idem Episcopus ad feretrum veniens, & manu apposita altrinsecus tenens cum impositione Antiphonæ, *Pretiosa in conspectu Domini*, & prosecutione Psalmi, ad navim iussit ferri, &

Transfertur iterum corpus S. Arnulphi apud Mosmum. P. 125. 5.

in ea imponi, cum campana una flammis Ecclesiæ sub-tracta.

Interim Archiepiscopo à navi regresso, ordinante qui remiges, quive Clericorum & hominum pariter irent comites: Deus cujus sapientiæ & scientiæ altitudo divitiarum inenarrabilis, cujus viæ sunt investigabiles; qui solummodò mirabilis in altis Dominus, qui dat virtutem & fortitudinem plebi suæ: dignatus est iudiciorum suorum ostendere secreta, & operum suorum notificare mirabilia propter hujus Sancti sui merita. Namque cùm navis in ripa fluminis affixa substiteret, sustinens rectorem qui duceret, nullusque in ea hominum ex voluntate Dei præter corpus sancti remansisset, aquila desuper advolans, in fronte navis nauta certissimus affedit, & mox navim ipsam à littore in medios fluctus virtute divina emovit, & aquis itinere suo deorsum fluentibus, navis contra fluminis incedebat excursus. Angelica, ut credimus, illud administrante creatura, & virtute, ut patuit, cooperante & regente divina, directoque pergens cursu anteriora sibi semper petens, celerrimo sibi properabat gressu.

Cujus rei stupendum indicium cùm ad Episcopi venisset audientiam, plusquàm credi possit admirans, & in laudibus Dei attollens animum, divinum adorabat consilium, exultans in illius misericordia, in cujus gloria sancti Arnulfi lætabatur anima. Prosequantur, ait, aliqui nostræ fidelitatis per crepidinem alvei, navisque\* vestigio subsequantur pignera Sancti. Nam mira video, nec minus miranda considero. Vbicumque enim navis\* hæc substiterit absque dubio ibi divini nominis gloria & laudis ejus per successiones fidelium prædicabitur potentia. Hæc avis quam cernitis figuras gerit mysticas, multiplices intendens in dicendo sententias: nam per Ezechielem Prophetam loquens Dominus ad Israël proponit ænigma sub persona Regis Babylonix, atque sub specie Regis

f. \* navis,  
atque

f. \* avis

Ezech. 17. 3.  
7.

Ægypti, dicens: *Aquila grandis magnarum alarum, longo membrorum ductu, plena plumis & varietate. Et, Facta est aquila altera grandis, magnis alis, multisque plumis.* Quotiens hujus avis nomen in Proverbiis assumi-

tur, Regum potentium figura subintelligitur.

Hæc avis inter ceteras quasi regii juris obtinet dominium, avibusque reliquis principans, facti sui gestat mysterium: hæc avis sublimia penetrans & sublimius evolans, speculando inreverberatis solem ardentem contemplatur oculis. Sub qua specie typica Iohannes signatur Apostolus & Evangelista, qui omnem supervolans creaturam incarnati Verbi mysterium, & divinitatis ejus ineffabile patefecit arcanum. Quod aptissimè convenit remotis ab omni hujus vitæ negotio Deo famulantibus Monachis, contemplativæ vitæ insudantibus, & per jugementis desiderium spiritalia semper & coelestia pia cogitatione meditantibus, fideli nihilominus intentione *quæ sursum sunt, ubi Christus est in dextera Dei sedens,* <sup>coloss. 3. 1.</sup> indefessè quærentibus. Locum ergo quicumque sit, quem navis ista expetit, Monachorum religiosè conversantium famulatio & ordine insigniri convenit.

Aliis ergo post hæc verba assentientibus, atque aliis multo aliter opinantibus, si, ut diciris, inquit Episcopus, Guilledio apud sanctum Hilarium, ubi priùs aliquandiu pausavit, consistere voluerit, non est diutina expectatio. Vix enim uno distat stadio ab hoc in quo consistimus loco. Si autem apud sanctum Sulpicium in villa quæ appellatur Pirorum, nec aliud erit diutius attendendum: solum quippe milliarium hoc nobis facit . . . . . Si verò ulteriùs processerit, nec ad dexteram nec ad sinistram diverterit, sed sicut cœpit intendere posteriora dimittens in anteriora prodierit: Advertite unum quod vobis enarro, sicut intelligo divinæ gratiæ arcanum, quia Mosomi nostræ diocesis loco pausare & venerari habet annuente Deo. Iam tunc Episcopus intendebat animum hunc locum decussare\* regulari institutione Monachorum, sicut pòst fecit Remis sancti Theoderici locum, quem de manibus ROTGERI Comitis injustè illum tenentis vi & sagacitate retraxit; & remotis duodecim Præbendariis, non Deo & Sanctis ejus, sed sibi ipsis & Comiti servientibus, Abbate ex Monasterio sancti Remigii accepto, AIRARDQ nomine, cum Monachis Deo

<sup>Id est, ornare;</sup>

♦ Braccis.

fideliter militantibus religiosè restituens ordinavit. Ita etiam ad præsens Braguis\* optabat fieri propter amorè & reverentiam sancti Viventii, nisi hujus intercessisset causa miraculi. Sed quia jam antea non suppetebat possibilitas, pro eo quod devenerat in manus externas, promptissima tamen manebat implendi voluntas, opperiens opportunitatem siquando Dei largitas quam desiderabat efficeret facultatem. In his & hujuscemodi operibus ferè totus erat iste noster Episcopus, & simili desiderio mentis flagrare cœpit erga locum Ecclesiæ Mosomensis. Insequentibus ergo navim quibus antea jussum fuerat, jam nullatenus ut primùm cœperat segnius ibat; regebat namque illam bonitas illius *qui facit Angelos suos spiritus*: Cum ineundo per villas circumpositas tanti facti rumor exisset, omnibus undique circumvolantibus, absque numero confluebat populus pro merito & gloria Martyris laudans Deum in operibus suis. Adhuc laudes erant in ore ipsorum, & virtus Dei recentiori miraculo paravit exhilarare ad credendum mentes eorum.

Nam in villa Torciaco nomine quædam erat mulier vidua, quæ post viduitatem gravi cæcitatibus infirmitate oppressa, ad glorificandum Deum aliquandiu plus anno integro luminibus manebat orbata; quæ dolens & viri sui desolationem, & rerum suarum futuram defectionem, magis autem corporis debilitatem (erat enim honestis & liberis parentibus progenita) in angustiis multis & doloribus vivebat: habebat tamen ex legitima nuptiarum viri sui copula unicum admodum parvum filiolum, ad augmentum suæ dolorositatis satis macram spem posteritatis. Rumore itaque per populos diffuso pro sancti Arnulfi adventu glorioso, hæc mulier ubi audivit salutis avida, cum jam Sanctus per alveum fluminis navi in præsentiarum posita veheretur, unum camisilem quem optimum habuit de domo sua secum sumpsit, & gressu conducibili se se eo loci minari fecit. Vbi cum pervenisset, genua flectens cum multis obsecrationibus Dei misericordiam & sancti Arnulfi exorabat præsentiam, ut per ipsius meritum sibi redonaret Dominus Deus amissi luminis usum.

Petiit



Petiit ergo navim ad litus appellere ut perficeret oblationem voti sui. Quâ appulsâ, appropians illa cum fide multa, corrigiam sibi in collo posuit, ancilatu Sancti se se subdidit, capitaticum\* suum & se, & posteritatem suam post se daturam, si salutem optatam mereretur repromisit; camisilem quem secum detulerat, extulit, super corpus Sancti posuit, & mox dicto citius salubri facto commercio, videntibus qui aderant omnibus, lumen pristinum optatumque recepit. Hinc laudes Deo, hinc gratias referebat Sancto, hinc omnium ora & corda multis ex pietate lacrymis profusis laudabant misericordissima Dei magnalia, & quæ sola venerat cum dolore, cum multis & inter multos lætabunda repedabat cum salute. Quæ quandiu supervixit, salutem suam ipsa prædicans, semper singulis annis capitis sui censum Sancto persolvit, & post mortem illius, unicus quem diximus filius ejus annis quibus matri supervixit fideliter donavit.

\* Id est, capitis censum: tributum quod singulis annis persolvitur.

Harum omnium rerum certissimus Mosomum tendens pervenit nuntius, discit Clero præsentem & populo quæ fuerit in glorificatione Sancti divina illuminatio, quæ fuerit Episcopi votiva transmissio. Indicitur interim & paratur processio; currit Mosomensis populus cum gaudio; excipit sanctum corpus lætantibus animis, gestat suppliciter in humeris, faciunt vota & preces quibus mereantur fieri ejus intervenientibus meritis æternæ vitæ consortes. Sonantibus Ecclesiæ signis adsunt Clerici cum crucibus & cereis, thurificant sancti glebam odoribus, suscipiunt cum hymnis & dignis psalmorum laudibus: sicque ingredientem Ecclesiam principalem, divinam adorant majestatem, supplicantes pietatis ejus dono & B. MARIAE semper Virginis suffragio, istius & omnium simul Sanctorum jugi in perpetuum muniri patrocinio. Sicque dimissâ turbâ & populo, abierunt quique in sua cum exultatione & gaudio, illum magnificantes in gloria, qui vivit & regnat unus in Trinitate Deus per æternam sæcula, Amen.

TEXTUS qui sequitur describit qualiter ipse Præsul ADALBERO per Romani sŷmata Papæ, consiliique sui decretum, constituit ut Monachos locus hic Mosomus haberet, quos cohiberet Regula sanctè vivere, quique pro se proque suis prædecessoribus in spem æternæ vitæ divinum numen adorent.

**P**RÆCEDENTIS itaque serie sermonis de vita & transitu sancti Martyris Arnulfi compendiosam fecimus relationem, ubi fuerit sepultus, qualiter inde assumptus ad Guiledium trajectus, demum quoque Dei misericordia disponente ad hanc Mosomensẽ Ecclesiam miraculis concurrentibus devenerit, stilo quidem admodum rustico & impolito exaravimus; sed ratione satis probabiliter investigata, sicut suo loco lector inveniet, ad plenum profecuti sumus. Nunc quæ postea circa præfatam Ecclesiam ADALBERONIS Episcopi devotio extiterit, quia per hunc sanctum suum ARNULFUM mentem ipsius, ut supra retulimus, visibili miraculorum illuminatione Dominus admonuit, ad posteros mittere memorandum, non indignum judicavimus, ut divinis beneficiis ingrati esse timeant, & intelligentes quanta per hunc suæ salutis providum pastorem adepti sunt bona, rependendi vicem animæ ipsius in bono se semper obnoxios esse cognoscant.

Secundo igitur suæ ordinationis anno acta sunt quæ priori sermone tractavimus, de translatione videlicet atque in Mosomensẽ Ecclesiam illatione beatorum ossium prædicti Martyris anno nongentesimo septuagesimo primo Dominicæ Incarnationis, Indictione quartadecima, mense Iulio, nono Calendas Augusti.

971. Visitis itaque & auditis reverendus Pontifex tam sanctis quam laude & admiratione dignis divinæ virtutis miraculis, quæ sub brevi suæ præsentis tempore hujus Beati exhibebantur meritis ac nomine, non tulit diutiùs quæ longè antè satis animo conceperat, sed maturè opus factò disposuit, ne alterius esset operis quod erat suæ intentio-

nis, & inde sibi si negligeret meriti fieret detrimentum; unde alter qui id fideliter efficeret, coronam portaret & præmium. Vnde intra mentis suæ secretum, tanquam intra speculum amplissimè contemplando collectis, quæ sint, quæ fuerint, quæ post futura sequantur (Ex præteritis enim persæpe ventura conjiciuntur) quosdam Procerum suorum, tam cleri quàm militiæ suæ Nobiles in præsentī sibi coëssentes advocat, & quid voti mente diutius collectum supporter, expostulatâ sui gratiâ consilii, an approbent seu magis improbent audire & referre monet dicens: Quo consilio & sententia judiciorum Dei ad hanc pastoralis curæ pervenerim & ordinatus sim dispensationem, penitus ignoro; sed quod semper timere debeo tanquam irruentes super me fluctus, sic onus istud quotiens penso, totiens reformido. Consideratis namque hujus episcopii quibusdam antiquissimis locis, olim dum misericordia & veritas obviarent sibi, dum se justitia & pax osculatæ sint, dum veritas de terra oriretur, & justitia de cælo prospiceret: olim, inquam, sub religione fundatis, tunc quidem prosperantibus & felici fortuna se se agentibus, Dominus dabat benignitatem & terra nostra dabat fructum suum: modò autem prorsus neglectis; aliquibus solam nominis famam prætendentibus, aliquibus sic ad solum dirutis ut nec fama supersit nominis, quibusdam dum emendari debuerunt in melius, ad deteriora perventis: eorum aliquem cujus incœpti artificio reformare prius attentem, multæ ambiguitatis naufragio pendulus hæreo, & dubiis anfractibus intricatum, & vix se explicantem animum gero.

Res enim locorum illorum quæcumque in mobilibus fuerunt, vel esse potuerunt, auro videlicet argentoque, seu cujuslibet ornamenti substantiali supellectile, ut potè vastatæ, direptæ, vetustatis etiam senio dilapsæ, jam nullæ sunt. Villæ, vici, ancillæ, servi, Ecclesiæ, molendini, & omnium habendarum possessiones rerum, à Potentibus & Tyrannis, regniq̃ Optimatibus pervasæ, donatæ, confiscatæ, sub beneficiis delegatæ, quando Sanctorum locis nec pro antiquitatis suæ debito jure, nec pro

quibuscumque privilegiis testificantibus habebunt redire? Tanta fuerunt malè pacati infortunia regni, tanta Regum & Procerum discordia, tanta populi peccatis facientibus emergens malitia, tanta gentium intra Gallias irruentium, & adversum se depugnantium, hostili rabie exundans extitit impia & perquam iniqua sævitia.

f. \* malo  
f. \* illaudabilis.

Accidit huic bono\* quorundam nostrorum laudabilis\* vita Pontificum, qui si fortè quippiam supererat, ut sibi fidissimos pararent, quorum impudentia & fraude tuti essent. Palatinis canibus omnia contradebant. Nec quemquam fas est nominare, cum culpa ex dubio videatur venire, & factum hoc magis expostulet veniam, quàm aliquam repromittat gratiam, & melius pro multitudine factorum taceatur, quàm corrigendi spes ulla donetur. Quapropter hæc missa faciamus, ad rem redeamus.

De Mosomensi Monasterio.

Locorum de quibus agimus, Mosomus est unus, sanctæ Dei genitricis **MARIÆ** olim insignis nomine & honore. Hic Mosa influente amœnissimus, Monachorum habitationi mihi videtur opportunissimus. Omnia namque humanæ vitæ jucunda pro aëris qualitate præstat & comoda: præter quod vinearum ibi proventus adeò non exhuberat. Nec enim inhabitantibus id fuit negotii, nec ea sollicitudo, præsertim cum natura sit vinearum, temperati magis & non frigidi cespitis amare solum. In quo tamen mihi minima cura; quoniam si Deus votum meum prosperaret, habeo ex patrimonio meo, & ex mihi contingenti antecessorum meorum jure debito, unde hanc sibi penuriam pellerem, & optimi vini cum ceteris redituum suorum benedictionibus veros dominos & divites possesores, si procurare id sciant, eos efficerem.

Inibi olim Moniales, post Canonici, tum denique Monachi.

Olim locus ille Mosomensis in honore Reginae cæli & Virginis Matris **MARIÆ** pro vera pietate & voto fidelium, sub ordine fuit prætitulatus Sanctimonialium, sed turbine sæviante malorum, quorum supra vix attingendo meminimus, cum nomine perdiderunt & esse. Nuper autem beatæ memoriæ **D. HERIVEUS** hujus sedis pastor & rector fidelissimus, magno religionis affectu hunc diligens locum, sub titulo jam vice altera dilapsorum restituit & ordinavit Canonicorum.

Inveniens namque omnibus rebus & ipsa etiam inhabitazione destitutam, ex fundamento reedificavit Ecclesiam, quæ flammis eam exurentibus & impluvio, multaque longi temporis negligentia detritis parietibus, solitudinem tantum horrendam repræsentabat adspicientibus. Quæ reformata & in statum pristinum collectis Præbendariis exornata; ab initio nimirum sui pro dignitate loci, & generosa populositate civium. Secunda sedes hinc agebatur Remensium: hujus tituli scilicet Canonice non dicam vitæ, sed simulati Canonici nominis utcumque tenorem servat antiquum. Sed cum hæc eorum vita nihil à laïcorum differat cohabitatione (nuptiis quippe fruuntur, filiorum & filiarum quæstuosis mercimoniis inservientes, usibus sæculi contuntur) valde stimulando sollicitat animum meum, ne diutius si corrigendi sit posse, reverentia tanti nominis, Beatæ MARIÆ dico semper Virginis, absque honore debito maneat religiosi ordinis. Mihi credite, amor hujus facti tantum mihi crescit in horas,

Mosomenlis  
Ecclesia  
secunda sedes  
Remensium.

*Quantum vere novo viridis se subrigit alnus.*

Et qua ratione id primum aggrediar, audite paucis eloquar. Est in hujus Portuensis Comitatus partibus octo Monachorum cum Abbate sibi superposito parvus admodum & pauper locus, quem FREDUIGUS matrona nobilis, cum illustri viro suo Comite STEPHANO, quia spes eos frustrata fuerat posteritatis, collatis quæ inibi habere videbantur prædiis suis, sub jure & titulo constituerant divinæ servitutis, ut pro recompensatione præsentium nomen haberet melius à filiis & filiabus in cohereditate cœlestium.

Hunc ergo per consilium domni GERARDI Abbatis viri vitæ venerabilis, qui tunc temporis pro merito sui nominis, & religiosæ conversationis, pluribus in Francia præerat Monachorum Cœnobiis, inter quæ & Monasterium sancti Remigii curam agebat. Hunc eundem, inquam, locum sancto Remigio ut subjectum haberet, ac procurando servaret, fidei voto tradiderunt. Hic in honore sancti Quintini consecratus, & radicibus Aldiniaci montis aditus, à rivulo fontis qui inibi exoriens præterfluit

Monasterium  
S. Quintini.

Tignus cognominatur. Sed circummanentium inquietudine satellitum, ex castello proximè imminenti, quod ob palustre cœnum, in cujus medio residet, Cantarana dicitur, frequentius urgeretur, molestiasque crebras pariens, contemplationis suæ studium sæpe amittere cogitur. Hunc cum Abbate & Fratribus loci sancti Remigii per concambium ex rebus Ecclesiæ nostræ volo, si Deus annuat, commutare, mihi que legaliter contraditum cunctis Mosomensi\* loco unum efficere, ut cum Monachis Abbate ibi transposito, ex duobus quamvis minoribus unum aliquid fiat majus & melius. Ecce hæc sunt quæ vos interim audire volui, & si ex Deo sint cujus misericordiæ innitimur, consilium ne cunctemini referre quod utilius judicabitis.

al. \* Mosomageni.

Mox illi opus pietatis attendentes, & viam bonæ actionis considerantes : O fausta, inquiunt, intentio ! & si effectum habeat, quàm certa & felix bonæ voluntatis erit remuneratio ? Talia differre non sit consilium, opus enim hoc accelerare cœleste est negotium. Opus bonum si sit in voluntate, ex Dei adjutorio erit in perfectione. Talia siquidem vota, quamvis ex difficultate titubent, magis autem ex desidia si omittantur nocent : quia quanto ardua & altiora quis aggreditur, tanto majoris præconio laudis si efficiendo superet, dignus attollitur. Quapropter quod vos audire vestræ gratiæ auctoritas dignata est, omine tantum dextro Deus adspiciat, nobis optimum factu videtur, & vobis salutiferum connumerabitur.

al. \* difficultates.

His relationibus acceptis Episcopus ( animo enim cupienti nihil satis festinatur ) actum sancti Remigii Monasterium expetit : Abbatem qui tunc præerat, virum honestum, RODULFUM nomine, super sua intentione multiplicibus & ad persuadendum dulcibus evocatum moratur sermonibus, omnemque rem sui consilii secreto aperit, omnes difficultatis\* aditus sapientissimæ rationis suæ limâ eradit, abjurandi limites excludit, nihilque dispendii loco sancti Remigii devenire, sed commutatis rebus, quæ inter eos complacitis passionibus cederent, opportuniùs repromittit esse : tanta videri negotia sua,

ut potè multis Episcopis, & rerum plenitudine, & dignitate nominis præstantia: hunc autem loculum modicum cum modico communicatum, opus habere vicinitate communium, & laboriosa vivacitate virium, se se bene & prudenter agere, si unde divinę servitutis honor cresceret, prompto & fideli animo ordinare & constituere satageret: seipsum autem qui hæc expetere videbatur sibi unanimiorum efficeret.

Abbas de his quæ audierat consulendi locum, & cum Fratribus conferendi postulat. Quo clementer indulto, Fratres Abbas revisit, coadunatis & consedentibus quæ sit postulatio Episcopi, quòdve totius profundum consilii apertis & brevibus verbis absolvit. Fratres itaque diversa sentientes, atque ut est ingenium mobilium mentium, idque potius juvenum, non eadem mirantes: interim vacillante sententia, & nutante seniorum judicio, dum suæ opinioni quisque magis innititur, primò abnuere nec assentiri velle, quod semel acceperant cur alteri curandum quàm sibi credant, votum fidelis mulieris elæmosynam facientis manere debere, sibi subtrahi quod alter faceret, sibi minui unde alius cresceret, hoc apud populum non esse laudis præconium, sed videri vitæ degeneris & contumeliosæ improbationis\* elogium.

f. \* improp-  
rationis.

Talia renarrantibus, motuque vario dissonantibus, Abbas silentiū imperat, fandique auctoritate, & vocis libertate ad compescendum murmuris strepitum arrectus, piæ exhortationis allocutione sic inchoat: Fratres dulcissimi, Deoque carissimi, verba sunt ista dicentis Apostoli: *Nihil per contentionem, neque per inanem gloriam; sed in humilitate superiores sibi invicem arbitantes, non quæ sua sunt singuli considerantes; sed quæ aliorum.* Hæc Apostoli verba sunt quasi fermentum bonæ conspersio in nostra intelligentia, ut omnia quæ facimus, sint sine murmurationibus & hæitationibus, *Vt simus sine querela & simplices sicut filij Dei, sine reprehensione in medio nationis praviæ & perversæ: inter quos lucetis,* ait, *sicut luminaria in mundo, verbum vitæ continentes.* Et alibi: *Solliciti estote servare unitatem spiritus, in vinculo pacis.*

Philip. 2. 3.

Philip. 2. 15.

Ephes. 4. 3.

*Vnum corpus & unus spiritus, sicut vocati estis in una spe-  
vocationis vestrae.*

Vnde, Fratres mei, si in his quæ Dei sunt moneat  
Episcopus, nulli debet esse resistendi ausus: quia dicit in  
*Luce, 10. 16.* Evangelio Dominus: *Qui vos audit, me audit; & qui vos  
spernit me spernit.* Ista verò suggestio nostri Archiepis-  
copi, considerata intentione sui, videtur nobis prodire  
ex insito sibi timore & amore Dei: unde nos nec justè  
quimus obistere, nec ea quæ ad cultum divinæ servitutis  
pertinere sentimus, debemus ausu temerario pervertere.  
Si diminutionis damnum plangitis, ea quæ nobis in re-  
compensatione concambii ad præsens transcribit, non  
satis providè attenditis: Si autem favores ex judicio po-  
puli assumitis, cavendum ne arundo vento agitata esse  
velitis. Quòd autem votum mulieris manere debere asse-  
ritis, majori credo misericordia stabit subnixum quod in  
usus cederet pauperum & egenorum, sicut scriptum est:  
*Psalm. 112. 8.* *Dispersit, dedit pauperibus: justitia ejus manet in seculum  
seculi.* Cùm ergo abundemus & superabundemus, caven-  
dum nobis est, ne sub specie pietatis & quasi defenden-  
dæ rectitudinis arguamur sceleris, avaritiæ, & cupidita-  
tis. Ideo rogo vos, Fratres, ut saniori consilio mentes  
vestræ inclinentur & adquiescant, ut juxta Apostolum;  
*1. Cor. 13.* *Omnia vestra in caritate fiant.*

His & hujusmodi multis atque saluberrimis allocutio-  
nibus fracta & emollita priùs exasperantium cervicositas  
in gratiam assentiendi redit, & annuit quæcumque sit  
Episcopi & Abbatis voluntas. Hinc itur ad Episcopum,  
quæ Fratrum fuerit obauditio exponitur; licet primum  
reniti & obistere voluerint, tamen ratione victos suam  
reflexisse intentionem, & bonæ voluntatis ejus non asper-  
nari operationem. Episcopus benignè accepit, gratias  
egit, ordinatisque ex communi consensu oportuni testi-  
monii optimis in attestando viris, recompensationem re-  
rum quæ ex condicito placuerant per commutationem  
dati & accepti Episcopus pariter & Abbas legaliter fa-  
ciunt, & ut cuique quod in præsentī assignabant deter-  
minatum & inconvulsū perseveret, vadibus juri ceden-  
tibus



tibus sub adstipulatione ratum traditur.

Pòst ubi omnia quæ præoptaverat Episcopus ex sententia comparavit, iter cum suo comitatu Macerias castellum, quod tunc frater ejus GODEFRIDUS Comes constabilibat arripuit, & illum Tingenſis Cœnobioli pauperculum Abbatem Lieraldum nomine quàm celerrimè advocat, & sub testibus sanctique Remigii Præposito, seu aliis bonæ fidei viris renarrat quidquid taxatum fuerat. Quid deinde se obedienter facere velit privatim mandat, & ut cum suis Monachis navim conscenderet, quam ipse Præsul eis imposito commeatu apparaverat, & cursum non deflecteret donec prius Mosomum veniret imperat. Quibus ita dispositis, domnus ADALBERO consensu equis negotium quod intenderat perfecturus, ad hanc suæ sedis Ecclesiam pervenit, & cum honore susceptus est. Tunc priores Ecclesiæ appellare cœpit, alia pro aliis quasi dissimulando fingens, deque situ & statu loci ædificiisque compositis confabulans, si quid in auro argentoque esset, quod plusculum vel pretiosum Ecclesia seu in pallis, ut in sacerdotalibus indumentis haberet, se videre velle dixit. Quibus inspectis: Et hæc, inquit, pro se satis, sed non multa sunt; ampliare autem illa potest, cujus omnia sunt.

Crastino autem facto, horâ diei quasi prima, jam Episcopus Monachos suos in proximo adesse sciebat (puer quippe in specula positus, id præ oculis facilè habens, certissimè nuntiabat) in secerario Clericos omnes coadunari facit, & præſente forti custodia sui, circûſedētibus omnibus sic orſus ab alto est: Multa est nimis malitia sæculi hujus & verè natura hominum ab adolescentia sua semper proclivis est in malum: quæ ad similitudinem navis positæ in medio fluctuum, nisi sedulo in anteriora expungatur, jugiter vadit retrorsum. Quam rem cur proposuerim paucis absolvam. Locus iste sub titulo assignatus sanctæ Dei genitricis MARIE, secundum sui nominis dignitatem religionis non habet honorem.

Pòst illam namque miseriam, quam pænè omnibus importat sæculi malitia, vix pertenuis scientia, & propè

nulla clericalis seu canonici ordinis ad sciendum & intelligendum Deum vos exornat sapientia & continentia. Nec moras vobis faciam in multum loquendo: duorum vobis datur optio: eligat quisque quod sibi utilius videtur, aut fieri Monachum, aut cedendo vacuare locum. Cui placet in Monacho, spondeat in presenti. Refutans & nolens mutet sedem, & exeat. Ecce habeo mihi Monachos sub norma sancti Benedicti victuros. Abbas namque cum suis Fratribus egrediens à navi, nuntiabatur jam esse præforibus. Hic turbatis omnibus (durus quippe sermo visus est eis de Monacho) nulli fuit consilium præter paucos quos rei familiaris angebat necessitudo, sequi bonum quod Præsul Deo dignus suadebat agendum.

Monachi in  
Mosomenli  
Mouasterio  
constituti.  
Psal. 43 1.

al. \* descen-  
dit.

Sic Episcopus intromissis cum honore congruo Abbate & Monachis in sanctuarium: *Ecce, inquit, quàm bonum & quàm jucundum habitare fratres in unum. Sit vobis sicut unguentum in capite, quod descendit in barbam, barbam Aaron. Et quod descendit in oram vestimenti ejus: & sicut ros Hermon, qui stillat\* in montem Sion. Ut hic mandet Dominus benedictionem, & vitam in sæculum.*

Math. 26.  
Psal. 2. 11.

Cumque omnes respondissent Amen. Episcopus Abbatem locutus est & Fratribus: Non frustra neque sine causa sit, quod hic vos admittimus, quod mutatione facta ordinem Clericorum vobis postponimus, sed pensate quod dicitur: *Amice, ad quid venisti? Servite Domino in timore, & exultate ei cum tremore: apprehendite disciplinam, nequando irascatur Dominus, & pereatis de via justa. Vestrum sit pro nobis orare; nostrum erit, Deo donante, victualia vobis ordinare.*

Aps. 3. 13.

Claustra Monasterii & officinales vobis domos metabimur, & procedente tempore opportuna quæque procurabimus; vos tantum cum Deo ambulantes solliciti, sic Deo dignè & Sanctis ejus conversamini, ut de vobis merito possit audiri: *Ecce tabernaculum Dei cum hominibus, & habitabit cum eis. Ipsi populus ejus erunt, & ipse Deus cum eis, erit eorum Deus. Quicumque vos in hoc loco degentes per multa annorum curricula præcesserunt, sive Sanctimonialium diebus, seu Clericorum secunda per-*

mutatione jam sibi succedentium, concupiscentias suas  
sequentes desideriis suis pravis malè inhæserunt, & facti  
*sicut equus & malus, quibus non est intellectus*, in sterco- *Psal. 51. 9.*  
resuæ corruptibilis vitæ sicut jumenta computruerunt. *1. Rom. 21.*  
Et quia non probaverunt Deum habere in notitia, tradi-  
dit illos in reprobum sensum, & obscuratū est cor eorum  
insipiens, ut facerent ea quæ non cōveniebant. Et sicut lo-  
quitur Deus in cantico Moyli: *Ipsi me provocaverunt in eo* *Deut. 32. 30.*  
*qui non erat Deus, & irritaverunt in vanitatibus: & ego*  
*provocabo eos in eo qui non est populus, & in gente stulta ir-*  
*ritabo illos.* Nolite ergo effici participes eorum.

Sit vobis bonæ imitationis forma & speculum Beati  
BENEDICTI Regula, omnesque eam sequantur tanquam  
magistram, neque ab ea temerè declinetur à quoquam.  
Oro itaque vos & obsecro, sit fructuosus devotionis meæ  
labor, ut quod de vobis agere cœpi, & facere cupio, per  
primitias hujus bonæ à Deo complacitæ frugis, ad plenam  
messē pervenire possim divinæ benedictionis & æternæ  
beatitudinis. Sic operamini, dilectissimi Fratres, & sic  
vivite, ut in novissimo vitæ hujus die non pereat in vobis  
misericordia Redemptoris, sed coronet in gratia pretium  
nostræ redemptionis per IESUM Christum Dominum  
nostrum.

Ecce jam in præsentī coram Deo & testibus ad vestrum  
servitium pro animæ meæ remedio, proque prædecesso-  
rum atque successorum meorum beatæ remunerationis  
commercio, de mea mensula unam villam, Oduntem  
nomine, cum omni banno suo subtraho: & alteram vil-  
lulam Seciam, quantum in ibi in jure meo venit. Itemque  
apud Romeliacum & Alleicurtem quicquid mihi, parum  
quidem, ibidem competit, in promerendo jugi suffragio  
dominæ meæ sanctæ Dei Genitricis MARIÆ usibus sibi  
fideliter servientium Monachorum libens perpetuò ha-  
benda offero, & auctoritate qua debeo vel possim lega-  
liter trado. De patrimonio autem meo, quod in partem  
mihi cedit, si fratrem meum GODEFRIDUM super hoc  
sancto negotio, Christi adminiculante gratia, persuaden-  
do evincere potuero, quicquid in Metensi episcopio ha-

M m m m ij

beo , in villis videlicet Bretenaco , Rothila , Madrengias ad mansos viginti octo.

al. \* ubi

Itemque de terra quam dicunt Sulcos sancti Remigii, in duobus locis Roseolis & Castello, ad mansos duodecim, ne indigentia vini satis optimi vos coangustet sublevare curabo. Bervelliacum verò ad tria millia hinc positam, ad faciendam saginam in pastione porcorum vestrorum, cum omnibus appendiciis, ut\* de manibus illis quæ nunc in beneficio tenent aut precario, aut concambio, aut cujuscumq; ingenii effectû eripere quivero, usibus vestris (tantum peccatorum meorum maculas assiduis precibus extergite) libens adquirere instabo. Hanc villam tunc Richardus Comes Metensis ex antiquo in beneficio de episcopio tanquam jure proprio possidebat, quam bonus ille Præsul sicut promisit multo sibi adnifu attrahens antequam vita decederet, huic Mosomensi Ecclesiæ jure proprio in reliquo possidendam legaliter contradidit.

97 I.

Sic Episcopus coram multorum frequentia ipsum Abbatem & Fratres alloquens, & ut sui jugiter sanctè & piè vivendo memores essent exorans, in pace dimisit benedicens Mensis erat November, vii. Idus agebatur dies, quando in hoc loco constituti sunt Fratres, & cum illa Tingenſi Abbatiola Mosomense cœnobium nomen habuit & participium, ut cum verbo præpositionis adverbium fieret conjunctionis, servans tenorem prænominis propter mentales affectus conjunctionis. Ab incarnatione autem Domini nongentesimus septuagesimus primus perlimitabatur annus quando hæc facta sunt, Indictione quintadecima, Epacta vicesima secunda, concurrente sexto, quinquagesimo secundo decemnovennali cylo, lunari nono decimo.

S. Greg. Past.  
curæ part. 1.  
cap. 7. init

Post hæc dicta & facta domnus ADALBERO secundum Pastoralis libri sententiam quæ dicit: *Sit Rector internorum curam exteriorum occupatione non minuens*, exteriorum providentiam in internorum sollicitudine non relinquens, ne aut exterioribus deditus ab intimis corruat, aut solis interioribus occupatus quæ foris debet proximis non impendat. Quæ in Palatio erant consilii sui vi-

gore confirmans, quæ in regno erant curanda cavens, magnanimitatis suæ auctoritate præstans, summis & imis idemque unus ædificabat divites cum pauperibus.

Ergo Natali Domini celebrato, legatos suos Romam cum litteris dirigit, domnum IOHANNEM Papam, cognomento ALBAM GALLINAM, qui à juventutis suæ primis annis reverentiæ competentis & dignitatis angelicæ albebat canis, magnificentissima largitione condignis honorat muneribus, & quæ secum vel in Galliis agantur exponit mandationibus, sequæ mense Maio habere debere Concilium enarrat per Internuntium. Si quid suæ ordinationis in eo consistere velit, suæ Apostolicæ auctoritatis virum dignum eò mittat. Inde quod magis expostulet super Mosomensis Cœnobii statu, totiusque facti causas ex amussim de omnibus secundum conceptam bonæ voluntatis suæ justitiam informat, & ut suæ auctoritatis & Beati Petri Apostolorum Principis ad internum conservandum mereretur privilegium, humiliter ex Dei gratia poscit & implorat beneficium.

Privilegium  
à Summo  
Pon. if. petit  
Adalbero.

Papa suorum Officialium & Confacerdotum in his omnibus sententiale requirit iudicium, & per Dei gratiam ut tanto viro, Pontifici videlicet nostro annueret, unum omnium in hoc bono opere assensit consilium. Proinde accito notario, & secundum Romanæ dignitatis consuetudinem paratis scriptis que ex papyreo tomo chartis, fecit privilegium, constituit decretum. Quod hanc Mosomensem Ecclesiam cum suo Monastico atque Monachico ordine in perpetuum tueretur, quandiu illum divina clementia servandum disponderet, ac in suo Concilio coram Episcopis, & generali Synodo recitatum misit. Itaque ad se cum S. Romanæ Ecclesiæ Apocrisariis regressis etiam responsalibus suis, Præsul Deo dignus ADALBERO convocatum undique pro Canonibus religendis, & causis sanctæ Ecclesiæ in melius conciliandis, in pago Tardanensi apud Montem sanctæ Mariæ collegit mense Maio Concilium. Vbi ordinatis justèque dispositis quæcumque videbantur necessaria & ordinabilia, voti sui pro quo

Concilium  
apud Montem  
sanctæ Mariæ Tar-  
dancensis.

M m m m iij

Romam miserat non immemor, coram venerabilis Patri-  
bus & omni illa sancta Synodo sic exorsus dominus est  
Adalbero.

Adalbero-  
nis Oratio.

Domini Patres ac dilectissimi Fratres audite, quæso, &  
intendite humilitatis meæ preces; quoniam sicut hîc nos  
congregavit Spiritus sanctus, ita quidquid ex ejus inspi-  
ratione sentimus per ipsius etiam infusionem & coopera-  
tionem administrari per adventum ejus super nos exoran-  
tes præoptavimus, & consecuti sumus: unum restat modi-  
cum, in quo auctore omnipotente Deo, etiam vestrum  
exoptulo favorem, consilium & benedictionem. Moso-  
mus locus quidam est diocesis nostræ, consecratus sub  
titulo & nomine sanctæ Dei Genitricis MARIE, olim ab  
exordio Sanctimonialium congregatione famosus, sed  
mundi crebrescentibus malis in quo erat statu durare non  
potuit, postea à fidelibus Clericorum vel Canonicorum  
jam bis restitutus collectione, dum sua quærunt omnes  
non quæ IESU - CHRISTI, dilapsis rebus & partim  
subtractis, pæne ad nihilum redactus est. Vnde, ut credo,  
ex inspiratione Dei visum est mihi, Monachorum ordine  
& disciplina secundum sancti Benedicti Regulam locum  
illum in melius reformare. Quod & efficiens, domini no-  
stri Romanæ sedis Antistitis consilium atque auctoritatem  
super hoc facto expetens requisivi. Vnde ut in præsentis  
audituri estis, præeunte Christi gratia & privilegium au-  
toritatis suæ nobis transmisit, & decretum constituens  
sub pagina Sancti Petri corroboravit, & ausu temerario  
infringere tentantes anathematis jaculo impetivit, sicut  
infra scriptum est.

Privile-  
gium Io-  
hannis  
XIII. Papæ.

IOHANNES Episcopus servus servorum Dei, Ca-  
rissimo in Domino fratri ADALBERONI, sanctæ Re-  
mensis Ecclesiæ dignissimo Archipræsuli, perpetuam in  
Domino salutem. Si Ecclesias longè latèque diffusas di-  
vino nutu in sancta religione crescere cognoscimus, Deo  
omnipotenti laudibus exultare gratiâq; juges referre de-  
bemus. Quapropter cognovimus tuâ industriad stabilitum  
in Mosomo castro, quod est super fluvium Molæ, in ve-

neratione Dei genitricis **M A R I Æ** Monasterium Monachorum religione decusatum\*, tuisque proprietatibus Ecclesiæque tuæ terris & Ecclesiis dotatum, quod sub pagina Beati Petri Apostolorum Principis decreti nostrî. que te orante benigne suscepimus. Insuper locellum qui à **STEPHANO** viro illustri, atque ejus conjuge **FREDUIDE**, Thin nomine constitutus, sancto que Remigio suppositus fuit, quem eidem Monasterio Mosomo quia per se ob exiguitatem rerum stare non poterat contulisti, collatis rebus in recompensatione Beato Remigio, consentientibus Fratribus.

Vt autem cognoscat universa Ecclesia nos unanimiter assentire, & à te collata vel conferenda, seu à quibuscumque in terris cultis & incultis, vineis, pratis, Ecclesiis, mancipiis utriusque sexus, aquis, aquarumque decursibus, in omnibus ad supradictum Monasterium pertinentibus, Beati Petri Apostolorum Principis & nostri firmamus decreto, quatinus sine livore oblatrantium locus quietus & inviolabilis jugiter permaneat.

Si quis interea, quod non credimus, temerario ausu contra ea quæ ab hac nostra auctoritate piè & firmiter per hoc nostrum Privilegium disposita sunt ire tentaverit, vel hæc quæ à nobis ad laudem Dei pro stabilitate jamdicti Monasterii statuta sunt, frangere & in quoquam transgredi: sciat se auctoritate Beati Petri, cujus quamquam immeriti vices agimus, anathematis vinculo innodatum, & cum diabolo & Iuda traditore Domini nostri **IESU CHRISTI** æterno incendio concremandum. At verò qui pio intuitu observator in omnibus extiterit, custodiens nostri Apostolici constituti ad cultum Dei respicientis præceptionem, benedictionis gratiam & delictorum suorum indulgentiam consequatur, & vitæ æternæ particeps efficiatur. Scriptum per manum **STEPHANI** Scriniarii sanctæ Romanæ Ecclesiæ in mense Aprili.

Data per manus **ANDRÆ** Episcopi IX. Calend. Maii, Anno pontificatus domini nostri **IOHANNIS** sanctissimi & tertii-decimi Papæ VII. Imperii autem domni **OTTONIS**

Majoris , Augusti undecimo , Iunioris verò quinto in mense Aprili , Indictione quinta decima.

Quia igitur domini Apostolici decretum & vidistis & audistis , si placet ut itidem hujus sanctæ Synodi unanimi testimonio & nostræ humilitatis scripto corroboretur , hoc factum decernite. Itaque omnibus sub uno assensum præbentibus conscriptione facta sic recitatum est :

*Exstant hac  
in Appen-  
dice ad Flo-  
dorum a  
Simone  
edita pag.  
403. vers.*

” ADALBERO divina propitiante clementia sanctæ Re-  
” mensis Ecclesiæ Archiepiscopus. Notum fiat universis  
” tam presentibus quàm etiam futuris fidelibus , quondam  
” nobis episcopio gratia & benignitate Regia contradito ,  
” Sanctorum quoque loca quædam in honore integro repe-  
” risse plurimum valentia , quædam verò pristinæ dignita-  
” tis statu deficiente prorsus neglecta. Inter quæ ille etiam  
” Mosomi Cœnobialis locus antiquitatis studio certatim  
” constructus , ab exordio scilicet Sanctimonialium vitæ  
” aptatus , postmodum verò Canonicali ordine ab H E R-  
” VEO prædecessore nostro melius informatus , atque in  
” honore sanctæ Dei Genitricis Mariæ dignè consecra-  
” tus , sed nefandis usibus utrobique negligenter incultus ,  
” rebus quidem partim subtractis , partim verò currenti-  
” bus malis , sinistra cessit fortunæ.

*al. \* Le-  
dardo.*

” Quo igitur comperto mens nostra , adhibito fidelium  
” nostrorum diligenti consilio , liquidò perpendens eum-  
” dem locum pro mundi infelicitate in Canonicali ordine  
” utiliter stare non posse , æternorum spe , prout opportu-  
” num extitit , ibidem monasticæ religionis vitam ordinato  
” Abbate LEOTALDO\* constituit , ut ejusdem loci cultor-  
” res religiosi tam rebus delegatis , quàm etiam fortè dele-  
” gandis utentes , continua vota Deo solventes , sint &  
” pro nobis & pro posteris nostris ceterisque ordinibus ju-  
” giter exorantes. Quocirca patetnitatem loco nostri ve-  
” stri subrogandorum in illa caritate Dei enixius implora-

*al. \* implorantes.*

” mus\* , quo sub divini amoris respectu hujus rei gestæ con-  
” ducibili negotio consentaneæ pietatis faveant zelo , idque  
” liberalis auxilii indeficienti base dignentur temporum  
” curriculum consolari atque fulcire , ut ex eo gratiam Dei  
feliciter



feliciter adipiscentes , hujus præstantioris emolumenti  
mereantur fore consortes. Sed & hoc ex decretis sancto-  
rum Patrum sub auctoritate pastorali omnimodis inhibe-  
mus, immo etiam cum divini nominis obtestatione omni-  
nò interdicimus, ne unquam hujusmodi statutum quali-  
bet temeritate ab ullo nostri Ordinis violetur; quin po-  
tius in reliquum stabile & inconcussum jure perpetuo  
idipsum venerabiliter conservetur. Nam si per laicos in  
rem hanc injuria invehatur, in eos procul dubio excom-  
municationis jaculum cum anathemate intorqueatur.

ANNO igitur ab Incarnatione Domini IESU-  
CHRISTI DCCCCLXXIII\*. provinciali Synodo mense  
Maio constituta, generaliter congregata apud Montem  
sanctæ MARIE in pago Tardanensi, hoc Decretum so-  
lemniter recitatum est coram venerandis Episcopis, Ab-  
batibus, ceterisque\* fidelibus, huic nostræ institutioni  
pio assensu faventibus, immo etiam collaudantibus at-  
que confirmantibus: quorum videlicet primus ego  
ADALBERO jam præscriptus Archipræsul eidem Conci-  
lio Deo auctore Pontificali auctoritate præsidens, manu  
nostra subscribens, idem roboravi; sed & ceteri haud se-  
cus censuerunt manibus impositis solidari\* hoc ipsum  
Pontificale statutum, Apostolicæ auctoritatis privilegio-  
petitionis nostræ obtentu undecumque subnixum, ac per  
hoc summo honori omnibus reverenter habendum.

Ego ADALBERO sanctæ Remensis Ecclesiæ Archipræ-  
sul subscripsi & corroboravi.

Ego WIDO Sueffionensis Ecclesiæ Episcopus.

Ego HILDRICUS Belvacensis Ecclesiæ Episcopus.

Ego THEBALDUS Ambianensis Episcopus.

Ego HAIDULFUS Noviomensis Episcopus.

Ego THEUDO Cameracensis Episcopus.

Ego ADALBERO Laudunensis Episcopus.

Ego GIPUINUS Catalaunensis Episcopus.

Ego CONSTANTIUS Silvanectensis Episcopus.

Ego LIUDULFUS Tarvanensis Episcopus.

Signum ALBERTI Remensis Archidiaconi.

Tom. VII.

N n n n

Signum LEUDONIS Archidiaconi.

THEBALDI Archidiaconi.

ERLUINI Archidiaconi.

HUGONIS Archidiaconi.

GERANNI Archidiaconi.

ROGERI Archidiaconi.

EMMONIS Archidiaconi.

Signum RODULFI Abbatis sancti Remigii.

ODELEI Abbatis sancti Medardi.

RATOLDI Abbatis Corbeiensis.

BERLANDI Abbatis sancti Vincentii.

ADZONIS Abbatis sancti Basoli.

Postquam hæc acta sunt, beatæ memoriæ Præsul ADALBERO data benedictione solvit Concilium cum pace & gratia, redeuntibus singulis ad propria. Nec minùs interea, quamquam in diversa traheretur, & regni negotia cum reliquis præcipuus administraret, curabat quæ cœperat. Sed consimili studio aggreditur sancti Theodorigi locum de laicali ordine abstrahere, & Presbyterorum qui coadunati non multùm religiosè locum tenebant collectione Monasterium vacuare, atque ut olim sub Beato Remigio sanctoque Theodorico, multoque post eos tempore steterat, Abbatis & Monachorum ordine & sancta conversatione reformare.

Coadunatis etiam rebus & fundis quæ olim juris fuerant prædicti loci, & etiam Attetias de sua mensa subtrahens, in Veromandensi territorio optimi cespitis contulit villam, ad legumen & saginam, triticum quoque, quale melius illa procreat terra, mensæ Fratrum per totum annum sufficiens. Inde ad Remensem suæ sedis Canonicam intendens animum, quales invenerit, quales reddiderit, quàm rusticos & pauperes ac singulariter suis domibus vivere consuetos, quàm religiosos, quàm divites, ornatissimos, quàm communiter & claustraliter vivere docuerit, & monendo instituerit: beneficia parando, largiendo, res suas de manu potentiorum hortando, suadendo, terrendo, serviendo, redimendo: & spe semper

ad meliora tendens, Ecclesiæ quam regebat restituendo, non est meum dicere, cum situs Remensis Claustrî satis ista prædicet, communis etiam adhuc mensa Fratrum idipsum testetur: & vix præ magnitudine & nobilitate quæ tunc fuerat, pauca vestigia illius rigidi ac canonici ordinis hodièque subsistant.

Quæ si ut singula quæque relatu digna sunt dicere tentarem, nec verba quibusdam fidem facerent, neque hi qui ea acciperent, cum jam ex parte maxima dilapsa sint, ita tenuis facta vera dicta judicarent. Quid sancti Dionysii Ecclesiam, quam vir Deo devotus extra muros urbis proforibus majoris Ecclesiæ sanctæ Dei Genitricis Mariæ instituit, ut ostio contra ostium posito quando Sacerdos ad sacra Missarum solemnias ad Orientem versus adstaret, Sacerdotem principalis Ecclesiæ semper in intuitu haberet, atque quidquid iste supplicans orando præmitteret, ille subsequens, præmissa offerendo firmaret; quatinus isti de his quæ præoccubuerant\* cresceret devotio, & ille anteriora intendens & sanctificationibus securus adstans, Angelum fortem & ad defendendum paratissimum atque armatum haberet à tergo. Cum verò ille populum salutans & Occidentem respiciens Dominus vobiscum diceret, istum altrinsecus positum Sacerdotem cum omnibus circumstantibus divini nominis invocatione & virtute in precando benediceret. Singulis ergo quasi generaliter omnibus providens, omnibus quasi specialiter singulis vacans, nec cœpta deserebat, nec ab inceptando dietim quæ cura pastoris expetebat, alicujus eorum defatigatus labore, intentus & semper novus ullatenus deficiebat.

al. \* præ oculis erant.


Mosomensem itaque matriculam\* sæpe per se reviens, sæpe per internuntios commonefaciens, piis elemosynarum suarum largitionibus instanter educans, Ecclesiolis, altariis, prout in manu sua veniebant, victualia Fratrum ordinabat. Claustrî officinas ut sponsonderat, quas & nos ex parte plurima vidimus, de suo sumptu plenè ac largiter ædificabat. In omnibus igitur quæcumque

al. \* matriculam.

Ætas Auctoris.

N n n ij

locus hic possidebat, sed maximè in illis quæ vel ipse jam contulerat, vel à se, vel à fratre suo conferēda de suo patrimonio repromiserat, & ipse fidelis defensor erat. Et quia Ecclesia semper pro justo Advocato contra malignantes opus habet, nullum fideliozem firmioremque æstimans, eundem fratrem suum omnemque suum successorem absque aliquo pacto dationis & acceptionis, vel consuetudinis, nec in quarto nec in quinto, vel ipsi vel his quibus sub se committeret, per manum Regiam, perque auctoritatem suam Advocatum pro remedio animæ suæ constituit, ut hoc principale eis & votivum esset, ut quomodò ipsi hanc Ecclesiam tractarent, sic & pro eorum animabus beatæ semper virginis Dei genitricis MARIÆ oratio ad Deum fieret. Et licet in aliquibus fundis nostris Advocati nostri & fredum dum teneant, & consuetudines quærant, ut in Portuensi videlicet Comitiva domni GONHARDI, qui tunc ibi Præpositus erat, & Monachorum placitionis, qui novos sibi hodie Advocatos attrahunt, insolentia & levitate & fit & factum est. Ita ergo administrato præsulatûs sui officio per plenum decem-novennalis Cycli ambitum, fide & operibus bene consummatus, suis sequacibus bonæ æmulationis relinquens exempla, x. Calendas Februarii ad æterna bonorum præmia, ubi beata spe tendebat, vinculis carnis absolutus admissus est cum Sanctis in gloria. Quia debitum hic Liber poscit finem, quæ dicenda restant sequentis paginæ explebit volumen.



*TERTIUS iste Tomus sequitur qui continet hujus  
Ecclesiæ Abbates, successio quos moriendi  
Denuò restituit, regimen, noménque novavit.*

**I**Taque, ut præmissum est, loci hujus in Monachico ordine à domno piæ memoriæ ADALBERONE primus Abbas institutus est D. LIETALDUS, priori conversa-  
I. Abbas Moscomensis Lietaldus.  
 tione Clericus, posteriori Conversus & Monachus. Igitur domnus ADALBERO Præsul Deo dignus, rebus supradictis feliciter fidelitèrque constitutis, veniente suæ vitæ termino obiit in pace x. Calend. Februarii: cui eodem anno successit in Episcopatu ARNULFUS. Abbas verò supradictus Lietaldus supervivens ei octo annis, obiit anno Dominicæ Incarnationis nongentesimo nonagesimo septimo, xlii. Calend. Iulii. 997.

Et tertio Calendas ejusdem mensis ab Arnulfo Remorum Archiepiscopo substitutus & ordinatus est eidem loco Boso Abbas secundus. Hic auxiliante Deo & meritis sanctæ Dei Genitricis Mariæ Ecclesiam ampliavit: Altare de loco ubi erat removit, & in quo nunc est posuit, & per manus Archiepiscopi Arnulfi dedicari fecit, regnante Roberto Rege Francorum, anno Dominicæ Incarnationis nongentesimo nonagesimo nono; ordinationis suæ secundo xiv. Cal. Iulii. Videns autem idem Archiepiscopus hujus Abbatis Bosonis ad ipsum locum fidelem devotionem, credensque sibi ad salutem animæ pervenire, largiri cœpit quædam quæ loco necessaria erant. Anno enim Dominicæ Incarnationis millesimo quinto decimo, per deprecationem illius Abbatis Bosonis, & aliorum Dei fidelium, ob susceptionem peregrinorum & pauperum donavit ad illum locum quartas omnium Ecclesiarum quæ ad ipsum pertinebant locum, & decimam porcorum quos prædicti loci Abbas vel Fratres

II. Abbas Boso.

999.

1015.

N n n iij

mitterent in Ardennam silvam saginandi gratia: Et dedit piscationem Cari fluminis secus Duziacum decurrentis usque ad\* Mosam, & dedit bannum & distractionem omnium hominum vel feminarum, ad præfatam Ecclesiam de capite pertinentium, in Mosomo vel Flaverio\* manentium, vel deinceps mansurorum. Et dedit altare de Colredo in territorio Remensi, & duas tunicas subdiaconales. Hæc sunt, quæ huic Ecclesiæ per eum proveniunt. Obiit autem anno Dominicæ Incarnationis millesimo vigesimo primo, tertio Nonas Martii.

al. \* in

al. \* Flavio.

1021.

Cui successit E B A L U S Archiepiscopus. Ipse reddidit Ecclesiam de Duscior\* sanctæ MARIE de Mosomo & Fratribus. Boso verò prædictus Abbas post præfatam Ecclesiæ dedicationem, murum in circuitu Monasterii construxit, & ante portam Destrés duo molendina quæ ibi sunt statuit super terram sanctæ MARIE, & horrea fieri fecit cum muro Ecclesiæ. Ejus tempore furtim sublata est tabula altaris de argento, & una crux de auro quam dedit ADELAIDIS Comitissa cum duabus aliis de argento: & ipse Abbas alteram fabricari fecit de auro, quod ei HENRICUS Imperator donavit, & de calice aureo quem DADA de Ritannia\* dedit ad locum cum dorsali maximo, & aliis sacerdotalibus vestimentis. Fecit etiam fabricari thecam argenteam de multis spontaneisque collationibus & donariis pauperum fidelium, in quam translatum est de scrinio ligneo corpus sancti VICTORIS Martyris præsentem EBALO Archiepiscopo, & plurimis Francorum Nobilibus, cum digna reverentia Cleri & populi, millesimo vigesimo quinto anno Dominicæ Incarnationis. Et sequenti anno obiit ipse Abbas Boso x. Calend. Iulii.

forte\* Britannia.

1025.

III Abbas Iohannes.

1031.

Cujus successor extitit Iohannes Abbas tertius, qui & ipse pro viribus & ante abbatiam & post devota intentione fidelis fuit Ecclesiæ. Ipse enim inter chorum & turrim inalbavit parietes Ecclesiæ. Obiit autem anno MXXXI.

Quo defuncto & legatione pro instituendo Abbate ad Archiepiscopum EBALUM delegatâ, ipse Gandavo lit-

teras suas misit, & inde domnum Abbatem ROTULFUM, Mosomensis Cœnobii Monachum, sed cum benedictione & licentia prædicti Abbatis sui Iohannis commorantem apud domnum Abbatem RICHARDUM, sanctum omnino virum religionis gratiâ Remis devenire fecit, & Abbatem ordinans Calendis Octobris festo sancti Remigii spirituali sanctificatione consignavit, millesimo trigesimo primo. Ebalus autem obiit anno millesimo trigesimo tertio. Cui successit WIDO Archiepiscopus.

1033.

*Quæ sequuntur addita videntur præfato Mosomenfi Chronico. Ex apographo And. Duchesnii : in nostro enim non extant.*

**A**NNO Domini nostri IESU-CHRISTI DCCCCLXIX. Hoc anno ordinatus est Adalbero Remorum Archipræsul. In secundo anno ordinationis suæ, id est, DCCCCLXX. ab Incarnatione Domini, venit sanctus ARNULFUS ad hanc Mosomensem Ecclesiam. Et in tertio ordinationis suæ anno, id est, DCCCCLXXI. ab incarnatione Domini, VIII. Idus Novembris adduxit domnum LIETALDUM Abbatem cum suis Monachis, de loco qui vocatur Thin, quem construxit Freduidis Deo devota, & constituit eos in hoc Cœnobio, & dedit nobis idem Adalbero suum alodium, videlicet Marengias, Rotelan, Bertenacum, & Castellum, Roseolas, & Seciam, Ber-viliacum, & Odunt, Remiliacum magnum & parvum, & Arlicourt\*, & Puiron, & multa alia bona nobis dedit.

al. \* Ailli-  
court.

Anno Dominicæ Incarnationis MLXV. Indictione III. regnante PHILIPPO Rege Francorum adolescente, anno regni ejus VI. Pontificante Gervasio Remorum Archiepiscopo, anno sui Archiepiscopatus X. Domno Abbate Bernero, ceterisque sanctæ Mosomensis Ecclesiæ Fratribus cum summa devotione facientibus, præsentem domno Hugone S. R. E. Cardinali, per manus ejus elevatum est corpus sancti Arnulfi Martyris de theca priori,

& cum devotis laudibus & hymnis repositum est in aliam, sub die ix. Calend. Augusti, præsentem ibi ipso repositionis die plurima utriusque sexus & ordinis multitudinem, altissonis vocibus Christi gloriam collaudante.

Anno Domini MCXX. CALIXTUS Papa cum Cardinalibus Romanis, & totius Galliæ, Angliæ, Hispaniæ, Scotiæque Archiepiscopis, Episcopis, Abbatibus & Clericis, necnon & Principibus Franciæ, Mosomi venit habiturus colloquium cum Imperatore HENRICO V. Cisterciensi, qui & ipse cum Magnatibus totius Imperii sui ad idem colloquium veniens, apud Beureliacum\* villam sanctæ Mariæ Mosomensis cum omni exercitu residit ix. Calend. Novembris.

*supra \* Beureliacum.*

Anno Domini MCLVIII. Ascalona civitas à Christianis Deo præside capta est. Eodem anno bellum inter SAMSONEM Archiepiscopum Remensem & GUISCARDUM Comitem de Roceio.

Anno Domini MCCXII. factum est incendium Abbatii Mosomensis, & cum eadem Abbatia incensa est maxima pars castri Mosomensis, videlicet à molendinis ejusdem villæ usque ad pontem.

F I N I S.



# INDEX RERVM ET VERBORUM.

- A**  
**A**CADEMIÆ Paris. juramentum Reginæ factum, quod per Scholas bis in anno renovari debet, 226  
 Modus repetendi Scholares captos & incarceratos, 227  
 Adalbero Remensis fit Archiepiscopus, 631  
 Laudibus effertur, 632, & *seqq.*  
 Instituit Monachos in Monasteriis S. Theodorici, & Mosomenſi, 639, & *seqq.* 644, 649  
*Vide* Mosomenſe Monasterium.  
 Concilium cogit apud Montem sanctæ Mariæ Tardanensis, 655, & *seqq.*  
 Regularem disciplinam decernit in Cathedrali Ecclesia Remensi, 659  
 Ecclesiam sancti Dionysii construit, *ibid.*  
 Obiit, 661  
 Adalbero Laudunensis Episcopus, 657  
 Adalbero IV. Metens. Episcopus, 414, 431  
 S. Adalgisus Confessor in Monasterio S. Michaelis in Tiraſcia, 534  
 Adela uxor Richardi III. Ducis Norman. 203  
 Filia Roberti Regis Franc. 204  
 Adelaidis Comitissa, 662  
 Adelbero Glaidpacens. Abbas, 438  
 Adelbertus ex Cancellario Archiepiscopus Moguntinus, 417, 434  
 Adelbero frater Godefridi Lovaniens. Primicerius Metens. fit Episc. Leodiensis, 490  
 Obiit, 494  
 Adzo Abbas S. Basoli, 658  
 Æneas Paris. Episcop. librum edidit adversus Græcos, 1  
 Æneæ Silvii post Pii II. Papæ egregia contra fornicationem monita, 305, & *seqq.*  
 Affligenſis Monasterii fundator Godefridus Dux Lotharingæ, 613  
 Inibi sepultus, *ibid.*  
 Aimericus Comes Narbonensis, 514  
 Albero II. Metens. Episcopus, 355, 359  
 Albertus Comes Namurc. 563

O o o o

- Albertus Marchio Brandeburgensis, 282
- Albertus Episcop. Leodiensis, 613
- Albertus filius Anselmi de Ardenna monasticam vitam profitetur, 565
- Albertus Comes de Musal, 358
- Albigensium terra Raimundo Comiti abjuratur, 210
- Albigensium Episcoporum series, 335
- Alexander Leodiensis Episc. 484
- Bis expulsus iterum sedem occupare nititur, 494
- Alexandrina sedes, *Vide* Papa.
- Alfandus Cabilonensis, sive Cavellicensis Episcopus, 207
- Alienor filia Regis Scotorum nubit Sigismundo, 252
- Alpaidis matrona nobilis, 558
- Amalarius auctor libb. de Officiis Eccles. fuit Sacerdos, 168
- Abbas, & Episcopus V, *Præfationem nostram.* 8
- Amore illicito irretitus, ægrotus, imò mente captus, infanus & amens est, 306
- Quid amor illicitus, *ibid.*
- Quibus remediis sanari potest, 307, & *seq.*
- Hoc amore captus idololatra est, *ibid.*
- Andreas ex Præposito S. Lamberti Episcopus Trajectensis, 486
- Anselmus de Ribodimonte (*Ribemont*) narrat quæ egerunt Christiani contra Infideles, 191, & *seqq.*
- Anselmus de Ardenna, 565
- Anselmus ejus filius fit Monachus, *ibid.*
- Anselmus de Tier, 570
- Antiochena sedes, V, *Papa.*
- Antiochia obsessa & capta ab exercitu Domini, 192, & *seqq.*
- Antonius Crepin ex Parisiensi ad Laudunensem Episcopatum electus transferatur à Summo Pontifice, 254
- Antonio Mediolan. Archiep. scribit Urbanus Papa VI. ut perquirat de Galeas Vicecomite Virtutum & Catharina filia Barsabovis, qui in secundo gradu consanguinitatis se contingunt, quo ipsis possit dispensationem impertire, 243
- Arnoldus Guelrenf. & Iuliacenf. Dux Romam petiturus obtinet à Rege Franc. diploma commeatus, 304
- Arnulfus Catalaunensis Episcopus, 603
- Arnulfus Abbas S. Petri Gandavensis, 484
- Arnulfus Archiep. Remensis, 661, & *seq.*
- Arnulfus Comes de Los, 378, 379.
- Multa damna intulit Monasterio S. Trudonis, *ibid.* & 380. 394. & *seq.* 483.
- Arnulfus Lomenfis, 421
- Arnulfus Lovan. Comes, 432

*Index Rerum, & Verborum.* 667

- Arnulfus Loensis Comes, 479  
 Arnulfus de Tier, 570  
 S. Arnulfi Martyris vita, 623  
 Lothariensis accola, 625  
 A latronibus verberibus ac  
 plagis dilaniatus, 626  
 Tandem obiit, 628  
 Ecclesia ipsi ædificatur, 629  
 Prima corporis S. Arnulfi  
 translatio ad Guilledium,  
 631  
 Secundò Mosomum trans-  
 fertur, 637  
 Ascela de Dantes matrona no-  
 bilis, 573  
 Azelinus Abbas S. Iohannis  
 juxta palatium Aquif-  
 grani, 438

B

- B**ALDUINUS Comes Fland.  
 post Imperator Con-  
 stantinopol. 579  
 Baptizatos Presbyteris chris-  
 mate ab Episcopis conse-  
 crato tingere licet in ce-  
 rebro sive in vertice, 89  
 Chrisma Presbyteri confi-  
 cere non possunt, 90  
 Benedictus de Aurea Genuen-  
 ses ut se Regi Franciæ  
 subdant exhortatur, 277  
 Beneficiorum appetitus &  
 multiplicitas quàm no-  
 civa, 158  
 Berengarius Abbas S. Lauren-  
 tii Leodiens. 415, 418,  
 432, & seq.  
 Berlandus Abbas S. Vincen-  
 tii, 658  
 S. Bernardus pro Letiensibus  
 Monachis agit, 601
- Bernerus Elberti spurius fi-  
 lius, 519  
 Multorum causa fuit malo-  
 rum, *ibid.* & seqq.  
 Berta uxor Ebroini Comitis,  
 413  
 Bertilia uxor S. Vualberti, 585  
 Betuinus Leodiens. Episcopus,  
 558  
 Bonifacius Papa VIII. se in  
 Summum Pontif. elec-  
 tum nunciat Regi Majo-  
 ricarum, 232  
 Bonifacius de Papia Princeps,  
 514  
 Boso Comes, 514  
 Bovo Comes dictus *sine Bar-  
 ba*, filius Vuarini de  
 Asclovia, 514  
 Brancardinus de Bethulis, 291  
 Bruno Comes de Hengebac,  
 358  
 Bruno Episcopus Metensis  
 Herimanno suppositus,  
 382, 383, & seq. 387  
 Bacilense Monasterium olim  
 Monialium, nunc Præ-  
 monstratensium Canoni-  
 corum, 522  
 Burchardus Trajectensis Epif-  
 copus. 457

C

- C**ABILLONENSIS sive Ca-  
 vellicensis, V, Gau-  
 fridus.  
 Canonici, V, Remenses.  
 Calixtus II. Papa, 478  
 Venit Mosomum cum Car-  
 dinalibus, Regibus Gal-  
 liæ, Angliæ, &c. 664  
 Colloquium habet cum  
 O o o o ij

- Imperatore, &c. *ibid.*  
 Calixtus Papa III. Regem Franc. certiores facit se in Sedem Apostolicam euectum, 280  
 Candidi & Victoris Mart. corpora in Valciodorensē Ecclesiam translata, 572  
 Capellæ sacræ Reliquiæ dum Rex extra civitatem Paris. manserit in quatuor festis annualibus expensis Domus-Dei sunt deferendæ, 241  
 Quomodo, *ibid.*  
 Cardinalibus scribens Rex Franc. eos vocat carissimos & specialiss. amicos, 298  
 De Cardinalium dignitate proluxa Iohannis Gofredi oratio, 314, & *seq.*  
 Eos magnis encomiis extollit, 325, 326, & *seq.*  
 Carolus Rex Franc. carceri Peronæ mancipatur ab Eilberto & Heriberto fratribus, 517  
 Carolus Dux Lotharingæ frater Lotharii Regis Franciæ, 584  
 Casimirus Rex Poloniæ obiit nullum superstitem filium relinquens, 237  
 Castrensiū sive de Castris Abbatum series, 335  
 Cavellicensis, V, Gaufridus.  
 Clemens Pseudo-Papa ex Archiepiscopo Ravenat. 370  
 Clerici cælibes esse debent, 54  
 Varia ex sacra Script. & SS. Patribus ea de re testimonia, *ibid.* & *seq.*  
 Quæ mulieres cum ipsis habitare permittitur, 56, 57  
 Qui filios genuerint remouentur ab officio, 58  
 Subdiaconis carnale concubium denegatur, 60  
 Qui Clerici possint conjugibus copulari, 61, 64  
 Lavacra cum mulieribus non celebrent, 62  
 Ludicris non intersint, 63  
 Tabernas intrare ipsis interdicitur, 64  
 Clerici viduas ac virgines iuniores visitare non nisi cum senioribus Presbyteris, 66  
 Quare barbam radunt & tondent capita, 91, & *seq.*  
 Qui barbam & comam nutriunt, contra præceptum Apostoli agunt, 95  
 Munditiā Ministrorum Christi denotat huiusmodi amputatio, *ibid.*  
 Cherubim generis masculini ac neutri, 167, & *seq.*  
 Latine est masculini, 168  
 Chrisma, V, Baptisatos.  
 Colonienſium Virginum Corpora in Valciodorensē Monasterium translata, 572  
 Communio, V, Eucharistia.  
 Concilii Lateranensis IV. præfatiuncula, 209  
 Qui interfuere, *ibid.*  
 Eiusdem Concilii sententia de terra Albigenſi, 210  
 Congregatio Prælatorum Rotomagi jussu Regis facta, 258

Concilium Leodiense ,

373

Conventus Ecclesiæ Gallicanæ in quo excommunicatur Imperator,

477

Ea de re Concilium in Germania, in loco Frisebart vocato, *ibid.*

Concilio Lateranensi interfuit Varnerus Abbas Valciodori, 578

Concilium apud Montem S. Mariæ Tardanensis, 653, & *seqq.*

Concionator, V, Prædicator. Cono Episc. Prænestinus Concilio in Frisebart præsidet, 477

Excommunicatur Imperator, *ibid.*

Cono Sigebergenfis Abbas, 488

Conradus Iurenfis Burgundiæ Rex, 187

Conradus Traiectensis Episcopus, 385

Conradus Traiectensis Episc. 457

Constantinopolitanus Episcopus habet honoris primatum post Romanum Episcopum, 99, 112

Causa schismatis, 112

Constantius Silvanect. Episc. 657

Corpus Christi, V, Eucharistia.

Conversus seu Novitius qui in Monasterio stabilitatem nondum firmavit,

237

D

**D**EODERICUS Metensis Episcopus, vir honestæ vitæ & morum elegantia egregius, 527

Imperatoribus Henrico & Ottoni charus, *ibid.*

Desiderius Cabilonenfis, *sive* Cavallicensis Episcopus, 207

Diaconi quodam saltu Episcopi consecrantur, 114

Quomodo, *ibid.*

Criminis accusati qui damnandi, 101

Dionysius Cardinal. Archiep. Strigonenfis, 303

S. Dionysii in Broqueroia Abbatia à Richilde Comitissa & filio ejus exædificata, 589

S. Dionysius Paris. Episcopus à Paulo Apostolo Atheniens. consecratus Archiep. à S. Clemente totius Galliæ constitutus Apostolus, 1

S. Dionysii Ecclesiam in urbe Remensi construit Adalbero Archiep. 659

Quid in ea instituerit, *ibid.*

Doctoris munia describuntur, 139, & *seqq.*

Doctores iidem ac Pastores, *ibid.*

Ad quid Doctores & Pastores in Ecclesia, *ibid.*

Qui veri Pastores, qui falsi, *ibid. & seqq.*

An ad gradum Doctoris tendendum, & quo animo, 141, 142

Quis Doctor censendus est, *ibid.*

Quam perfecti & sancti esse debent Doctores, 143, & *seq.*

Qui recta docet & malè vivit magnum sibi & Ecclesiæ adfert detrimentum, 144, & *seq.*

Quibus studere debent Doctor ac Prædicator, 146  
*Vide* Prædicator.

Sacræ Scripturæ intelligentiam non ex ingenii subtilitate, sed à sancto Spiritu assidue exposcat Doctor, 149

Legat sanctorum Patrum libros, *ibid.*

*Vide* Theologus.

Pravorum Doctorum studia & vitia describuntur, 154, & *seq.*

*Vide* Scientia.

Quibus aureola dabitur in cælo, 161

## E

**E**BBO Remensis Episcopus librum pro se apologeticum scribit, 175, & *seqq.*

Confitetur summa animi demissione se peccasse, 177, & *seq.*

Ecclesia Romana hæresicham Pontificem nusquam habuit, 4

Ecclesia, *Vide* Parochia.  
In consecratione Ecclesiæ fit

dos à nobilibus viris, 201

In Ecclesias & personas Ecclesiasticas laicis nulla est attributa potestas, 206

Ecclesiastica jura infringentes sunt expugnandi, 282

Eilbertus Comes filius Ebroïni Comitum fundator Monasterii Valciodorensis, 113

Ejus genealogia, *ibid.* & *seqq.*

Uxor illius Hersindis, 515

Ingens discordia & calamitas accidit Eilberto ob thesaurum traditum in emptione equi, *ibid.* & *seqq.*

Bernerus ejus filius spurius, 519

Extruit Monasterium sancti Michaelis in Tiraschia, 522

Et Bucifense, *ibid.*

Basilicam B. Mariæ dicatam, 523

Septem fundavit Monasteria ob honorem B. Virginis, 524

Mortua Hersinde conjuge aliam ducit, 539

Electio libera esse debet non coacta nec violenta, 366, & *seqq.*

Eleëmofyna tempore Quadragesimæ à S. Ludovico præscripta, 228

Elisabeth Regina Franc. 579

S. Eloquii corpus è Griniaco diocesis Laudunensis ad Monasterium Valciodorensense transfertur, 534, & *seqq.*

Emma Tolosæ Comitissa & filius ejus Pontius, 201

- Engelbertus Leumensis, 564  
 Engelramus Episcopus Camerac. 619  
 Episcopus, qui inter Presbyteros primus est, 66  
 Quare non ab uno, sed à cunctis Episcopis provincialibus eligatur, 79  
 Nullus accusati sedem usurpet, 100  
 Quid observandum in damnatione Episcopi, 101  
 Episcopi olim qui & Presbyteri, 114, & seqq.  
 Nulla differentia, *ibid.*  
 In Episcopatu, non dignitas, non præsidentia, sed opus bonum attendendum, 139  
 Ad bene operandum vocatus Episcopus, *ibid.*  
*Vide* Doctor, Pastor, Prædicator.  
 Episcopus ad synodalem conventum non violenter trahi debet, 178  
 Sine certo crimine invento canonicè non deicitur, 181  
 Nec discedere sine concordia præsentia vel consensu subditorum, *ibid.*  
 Episcopus fert imaginem Christi, 316  
 Erchaldus Rex Gan, 216  
 Ermengardis Comitissa Narbonensis, 414  
 Ermengardis conjux Theoderici Comitis de Greteri, 559  
 Ermengarda filia Caroli Ducis Lotharingæ, mater Alberti Comitis Namurc. 584  
 Eva uxor Widerici Comitis, 413, & seq.  
 Eucharistia. Ministri altaris oblatione peracta debent communicare, 61  
 Corpus Christi in columna aurea pendens super altare tempore S. Basilii, 81  
 Eucharistiam olim quotidie accipere in Romana Ecclesia & in Hispania solebant fideles, 85  
 Interpretatio horum verborum, *Hic est calix Sanguinis mei, novi & æterni Testamenti, mysterium fidei*, 165, & seq.  
 Flegmatici non arcendi à sumptione corporis Domini, 170  
 Agnus in lege veteri figura corporis Domini, 171  
 In quocumque statu quî corpus Christi suscipiendum, 173, & seq.  
 In Quadragesima Dominicis diebus, in vigilia Paschæ, & in die Resurrectionis ab omnibus fidelibus communicandum, 174

F

**F**EMINAS amare quàm vanum & perniciosum ostenditur, 308, & seq.  
 Castitas est quæ feminas laudat, non forma, *ibid.*  
 Mulier juventutis expila-

- trix, virorum rapina: fe-  
num mors, patrimonii  
devoratrix, honorum per-  
niciēs, pabulum diaboli,  
janua mortis, inferni  
supplementum, 309
- Vide* Mulier.
- Fidelitatis juramentum quod  
non præstiterit Guillel-  
mus Rotomag. Archiepis-  
copus, licet possessionem  
inierit, denegat Rex tem-  
poralitatē annuam, sive  
reditus, 258
- Prælati omnes, Duces, Co-  
mites &c. Regni Franc.  
fidelitatem Regi præstare  
debent, 286, 288
- Quam ob causam, *ibid.*
- Florentius Comes de Holant  
Advocatus sancti Trudo-  
nis, 457
- Florinense Monasterium in  
diocesi Leodiensi ab Eil-  
berto Comite construc-  
tum, 524. & seqq.
- S. Forannanus Archiepiscopus  
è Scotiæ partibus in Gal-  
lias ad locum Decoræ-  
vallis venit, 526
- Benevolè ab Eilberto Co-  
mite susceptus est, *ibid.*
- Abbas Valciodori constitu-  
tus, *ibid.*
- Præclara ejus acta, *ibid.* &  
seqq.
- Romam petit, & privile-  
gium obtinet exercendi  
munus Episcopi in Val-  
ciodorensi Monasterio,  
531, 533
- Fornicatio, *Vide* Amor illi-  
citus.
- Fornicationem sequitur  
pœnitudo, 309
- Interitum carnis operatur  
& animæ, *ibid.*
- Franciæ Regni Prælati, Du-  
ces, Comites, &c. om-  
nes fidelitatis juramen-  
tum Regi præstare tenen-  
tur, 286, 288
- Quare in Galliæ Regno  
colligi pecunia pro Papa  
renuñt Rex nisi per viros  
à se deputatos, 296
- Franciscus Forcia Dux Medio-  
lanensis, 312
- Francorum Rex dum extra ci-  
vitatem Paris. manserit  
in quatuor festis annuali-  
bus, Reliquiæ Capellæ  
sacræ sunt deferendæ,  
241
- Quibus impensis, *ibid.*
- Litterę seu rescripta Papæ in  
Galliam missa debent  
Regi offerri & ab ipso re-  
cipi, 289
- Fredericus Leodiens. Episcop.  
478, & seqq.
- Frater Godefridi Namur-  
censis, 482, 484
- Fridericus Colonienf. Episc.  
421, 436, 478, 485,  
494
- Fridericus Roman. Rex capti-  
vum tenet Sigismundum  
Austriæ Ducem Ludovi-  
cum, 261
- Fridericus Imperator scribit  
Duci Sabaudie ut patri  
suadeat Pontificatum ab-  
dicare, 278
- Fulgentius I. Abbas Afflige-  
niensis, 483
- Galeæ



# Index Rerum, & Verborum. 703

## G

- Galea Vicecomiti & Cathari-  
næ filia Barnabovis Co-  
mitis Mediolanensis, qui  
se in secundo gradu con-  
sanguinitatis contingunt,  
Urbanus Papa VI. dis-  
pensationem impertit,  
244, & seq.
- Galfridus de Seignes, 223
- Gallia, *Vide* Francia.
- Gaufredus Avenionenf. Episc.  
207
- Genuenses ut se Regi Franciæ  
subdant, exhortatur Be-  
nedictus de Aurea,  
277
- Georgius de Rosgon, 303
- Gerardus Abbas S. Remigii  
Remenf. 645
- Gerardus de Oudenarde Co-  
mes, 514
- Gerardus de Luddes Prior S.  
Nicolai de Varengevilla,  
290
- Gerardus de Guassenbergue,  
371
- Gerberga filia Caroli Ducis  
Lotharingæ, 584, 585
- Gertrudis uxor Arnulfi Comi-  
tis, 432, 463, 467
- Gertrudis domina castri Fe-  
muenfis, 559
- Gervasius Archiepisc. Remenf.  
663
- Gilbertus de Duram Comes,  
Advocatus Abbatia S.  
Trudonis, 405, 406,  
426
- Gillebertus de Orrisino-mon-  
te, 566
- Gillebertus Durachienfis Co-  
mes, 478
- Gillebertus Comes Advocatus  
S. Trudonis, 463, 467,  
469, 471, 497
- Gipuinus Catalaun. Episcop.  
657
- Gladebacensis sive Glaidpa-  
cens. Abbatia, 438
- Godefridus Lovanienf. Exdux,  
497
- Godefridus Namurc. Comes,  
409, 478
- Godefridus Lovanien. Comes,  
389, 410, 413.
- Dux, 392, 395, 421, 471,  
472, 478, 498
- Rex Ierosolymorum, 395
- Godefridus Catalaun. Episc.  
606
- Godefridus Bullionensis, 562
- Godefridus de Serem, 565
- Ejus filii, *ibid.*
- Godefridus de Urcismonte,  
567
- Godescalcus de Cemiaco, 567
- Godescalcus filius ejus, *ibid.*
- Gonzo Abbas Florinensis,  
558
- Gorguinus de Falco-monte,  
486
- Gosoldus de Tier, 566
- Gosuinus de Heinesberge, 371
- Græci tempore Ludovici Pii  
Imperatoris cœpère Ro-  
manam Ecclesiam exagi-  
tare, 2
- In Græcia hæreses quam-  
plurimæ pullularunt, 3
- Plures hæresiarchæ, *ibid.*
- Objectionum adversus Ro-  
manam Ecclesiam capita,  
*ibid.*

PPPP

Causa schismatis ob depositum Ignatium à Constantinopol. Ecclesia, & in ejus locum Photium intrusum, 112, & *seq.*  
 Grandis-vallis Abbatia diocesis Basileensis, 184, & *seqq.*  
 Gregorius VII. Papa, 370  
 Gualerannus de Monte-Falco, 478.  
 Gualerannus Dux Lemburgensis, 497, 498  
 Ducatus Lovaniens. ipsi ab Imperatore concessus, *ibid.*  
 Gualo ex Abbate S. Arnulfi suppositus Episcopus Metensis vivente Herimanno, 370, & *seq.* 372, 381  
 Gualricus Abbas S. Bayonis, 484  
 Gualterus de Harchs, 428  
 Gualterus, *Vide* Vualterus.  
 Guido Bernardi Archidiacon. Turon. 298  
 Guido, *Vide* Vuido.  
 Guillelmus, *Vide* Vuillelmus.  
 Guillelmus Franciæ Cancellarius, 249  
 Guillelmo Cardinali, qui Rotomagensis Archiepisc. possessionem inierat, sed nondum fidelitatis jumentum præstiterat, Papa Regem orat ut sinat annuos redditus percipere, 258  
 Guillelmus Destampis Montis-albani Ecclesiæ Electus, 284  
 Guillelmus de Torreta votum emisit in societate Iesu, 311

## H

**H**ADUINIS de Orrifino monte filia Gilleberti, 566  
 Haduidis conjux Hugonis Renomenfis, 567  
 Haduidis altera soror ejusdem, uxor Heribrandi de Hugia, 567  
 Haidulfus Noviom. Episcop. 657  
 Hasnoniense sive Hainoniense Monasterium in quo primum Canonici, deinde an. 1070. Monachi constituti, 587  
 Hasteriense Monasterium Moniales inhabitant, 529, 531  
 Ab Alberone Metensi Episcopo constructum, *ibid.*  
 Avellitur à Monialibus, & Monachis Valciodori tribuitur, *ibid.* & *seqq.*  
 S. Glodesindis olim fuit Abbatissa, 531  
 De Hasteriensi Monasterio, 571, & *seq.*  
 Helias Comes Cenomanensis, 190  
 Hellinus Trevirens. Archiep. 573  
 Henricus III. Imperator, 405, 409  
 Henricus IV. Imperator filii persecutionem fugit, 436, 471  
 Leodii obiit, 370  
 Excommunicatus, 476, 499  
 Henricus V. Imperator, 436, 476

*Index Rerum, & Verborum.* 705

- Patrem imitatur persequen-  
do Ecclesiam, 476  
Manus iniecit in summum  
Pontificem, *ibid.*  
Ab Ecclesia Gallicana ex-  
communicatur, 477  
Item in Germania, *ibid.*  
Henricus V. Imperator Moso-  
mi colloquium habet  
cum Papa, & Regibus  
Galliæ, Angliæ, &c.  
664  
Henricus Castellanus de Co-  
hunc, 480  
Henricus Archiep. Remensis,  
610  
Henricus de Lemburg Co-  
mes, 394  
Dux, 405  
Partibus stat Henrici Impe-  
ratoris, *ibid.* 409, 413,  
424  
Henricus Leodiens. Episcop.  
359, 365, 369, 384, 386,  
& seqq.  
Moritur, 389, 390  
Henricus Lovaniens. Comes,  
389  
Heribertus Comes de sancto  
Quintino, 514  
Moritur, 518  
Quatuor superstites reliquit  
filios, *ibid.*  
Heribrandus Abbas S. Lau-  
rentii Leodiens. 485  
Heribrandus de Hugia, 567  
Heribrandus de Florinis,  
568  
Herimannus Episcopus Me-  
tens. 359  
Dissensionem movit contra  
Henricum IV. Impera-  
torem, *ibid.* 369  
Hostis Imperii in Concilio  
adjudicatur, 370  
Moritur, 389  
Canonicus Episcopus post  
Popponem, 430  
Herinsindis uxor Eilberti Co-  
mitis, 515, 533, & seqq.  
Moritur, ac sepelitur in  
Monasterio S. Michaë-  
lis in Tiraschia, 539  
Hermannus, *Vide* Heriman-  
nus.  
Hermentrudis filia Rugonis de  
Gabelo, uxor Godefridi  
de Serem, 565, & seqq.  
Hezelo dapifer, 459  
Hildebertus Episcopus Ave-  
nionens. 197  
Hildricus Belvac. Episcopus,  
657  
Hoellus Episcopus Cenoman.  
190  
Honorius II. Papa, 492  
S. Huberti Abbas est Capella-  
nus Comitum Hannoniæ,  
592.  
Quam ob causam, *ibid.*  
Hugo Cardinalis, 663  
Hugo Podecator, 296  
Hugo de Gabelo, 566  
Ejus filii Hugo, Poëtemus  
& alii, *ibid.*  
Hugo Renomensis, 567  
Filii ipsius, *ibid.*  
Hugo de Florinis, 568  
Fratres ejus, *ibid.*  
Hugo Leodiens. Episcopus,  
577, 578, & seqq.  
Humolariense Monasterium  
cum Monialibus crema-  
tur, 518

P p p p ij

## I

- I**acobus Marchio Bandenf. 282  
 Iacobus Vuisse Gorfienſis Abbas electus, 290  
 Iacobus Cordis Argentarius, 298  
 Ianus de Campoſregoso Dux Ianuenſium orat Regem Franc. ut Regno Cyprico ſubſidium conferat, 259  
 Ieſus quomodo ſcribi debeat ac pronunciari, 164 & ſeqq.  
 Ieiunium in Sabbathis quare obſervatur, 82, & ſeqq.  
 Non ſolvendum in quinta feria Cœnæ Domini, 84  
 Quadrageſimale debet continuatè obſervari, *ibid.* & ſeqq.  
 Quare ab eſu caſei & ovorum ſex tantum hebdomadibus ante Paſcha abſtinent Latini, 85, & ſeq.  
 Vnâ hebdomadâ ante Quadrageſimam jejunium aliquando obſervatum, 86  
 Ignatius Conſtantinopol. Epifcopus indignè deſolutus Apoſtolicam Sedem appellat, 112, & ſeq.  
 Imma filia Hugonis de Gabello, uxor Goſoldi de Tier, 566  
 Iohannes Baluë, vulgò Cardinalis Andegavenſ. dictus, recepit Cardinalatûs dignitatem in Eccleſia Pariſienſi, 314  
 Ea de re orationem habuit Iohannes Goſfredus Cardinal. *ibid.*  
 Iohannes Epifcopus Tornacenſis poſt Leodienſis, 605  
 Iohannes Comes Dunenſ. & de Longavilla 297  
 Iohannes Archiep. Rotomag. 242  
 Iohannes ex Epifcopo Laudundenſi ad Archiepiſcopatum Remenſem transfertur, 254  
 Iohannis Cordis ad Archiepiſcopatum Bituric. electionem ut confirmet Papa rogatur, 285  
 Iohannes le Meufnier ex Abbate ſancti Mauri Epifcopus Meldenſis electus, 292  
 Ut ejus approbet electionem ad Summum Pontificem ſcribit Carolus VII. Rex Franc. *ibid.*  
 Iohannes Hiongad Vuayvode Tranſilvanus, &c. Comes, 302  
 Iohannes filius Anſelmi de Tier, 570  
 In bellicis rebus ſtrenuus ſuum Regi Franciæ exhibuit obſequium, *ibid.*  
 S. Iohannis Rhodi Milites, *Vide* Rhod.  
 Iohannes Goſfredus ſive Godefredus orationem habuit in Eccleſia Pariſienſ. dum Cardinalis Andegavenſis pileum ſuſciperet, 314  
 S. Dionyſii in Francia Abbas fuit Goſfredus, 332

Sancti Iohannis Abbatia jux-  
ta palatium Aquisgrani,  
438  
Iolendis soror Philippi Comi-  
tis Namurcent. 579  
Iura Ecclesiastica infringentes  
sunt expugnandi, 282

L

**L** AMBERTUS Comes,  
478  
Landislaus de Garubanno, 303  
Lavacra viri cum mulieribus  
non celebrent, 63  
Laurentius de Hidrehirara Pa-  
latinus Hungar. 303  
Letienſe Monasterium, amotis  
Canonicis, Theoderi-  
cus tradit Monachis, 600  
Vualterus auferre conatur  
quidquid eidem Monaste-  
rio sui prædeceſſores con-  
tulerant, 601  
Qua de re S. Bernardus mul-  
tum laborat, *ibid.*  
Lehunense Monasterium, 206  
Liberius Papa, V, Papa.  
Literæ seu rescripta summo-  
rum Pontif. in Galliam  
missa debent primò Regi  
offerri & ab ipso recipi,  
289  
Liudulfus Tarvanens. Episc. 657  
Ludovici Pii Imperatoris initia  
Regni prospera, ultima  
verò nimia adversitate  
concussa, 177  
Ludovicus III. Imperator ul-  
timus ex stirpe Caroli  
Magni, 513  
Ludovicus XI. laudibus extol-

litur à Pio Papa II. 312,  
320, & seqq.  
Optimus Princeps & cælo  
simillimus, 311  
Conqueritur de Ludovico  
Sixtus Papa IV. quòd  
concordata non observet,  
333  
Ludovicum Bavariz Ducem  
Fridericus Rex Romano-  
rum, ut libertate donet  
rogat Rex Francorum,  
261  
S. Ludovicum Tolosanum  
Episcop. declarat Iohan-  
nes XXII. catalogo San-  
ctorum adscriptum, 239  
Ludovicus Rex Hungariæ Re-  
gnum Poloniæ contra  
justitiam occupat, 237  
Lutfridus Comes, 184, &  
seqq.

M

**M** AIORICARUM Ecclesia in  
Cathedralem erecta,  
& dotata à Iacobo Rege,  
211, & seqq.  
Cives insulæ Majoricarum  
ad lites dirimendas loca  
remota petere non co-  
gantur, 231, & seqq.  
Maldegarius, qui & Vincen-  
tius, fundator Monaste-  
rii Senogienſis 586  
Monachus fuit Cænobii Al-  
timontensis, *ibid.*  
Maria Abbatissa propter de-  
fectum heredum Bolo-  
nienſium nupta est Mat-  
thæo Comiti, 585  
Postquam genuit filios re-  
P p p p iij

- versa est in suum Monasterium, *ibid.*  
 Mathildis uxor Theoderici de Buillon, 573  
 Matrimonium quare contrahere non debet Sacerdos, 73  
 Impedit orationi incumbere, *ibid.*  
 De Melbodio Monasterium Vualdetrudis Astegundis filia S. Vualberti fundavit, 585  
 Mendacio offenditur Deus, decipitur proximus, & perit dolosus, 179  
 S. Michaelis Monasterium extruitur in Tirascia ab Eilberto & ejus conjuge Heresinde, 522  
 Abbas Machalanus, 544  
 Miracula non semper utilia Deum quærentibus, immo nociva aliquando iis qui vitam non pie instituunt, 354, 360, & *seqq.*  
 Monastica quieti & solitudini aliquando importuna & contraria, *ibid.* 361  
 Quare miracula patrantur, 378  
 Missa, V, Eucharistia.  
 Monachorum quietem & religiosam observantiam sæpius perturbant peregrinorum ad sepulcra Sanctorum accessio, 361  
*Vide* Miracula.  
 Monachi perfecti diu absque silentii virtute perseverare non possunt, 453  
 Montensis Abbatia, 586, 588  
 Abbatisa per electionem fiebat, sed Comes præsentationem postea usurpavit, 586  
 Mosomum, 623, & *seqq.*  
 Chronicon, *ibid.*  
 Mosomum corpus S. Arnulphi transfertur, 637, & *seqq.*  
*Vide* Mosomense Monasterium *infra*.  
 Mosomense Monasterium, 644  
 Loci descriptio, *ibid.*  
 Olim inibi Moniales, post Canonici, denique Monachi constituuntur ab Adalberone Archiepisc. Remensi, *ibid.* & *seq.*  
 Mosomenfis Ecclesia secunda sedes Remensium, 645  
 Huic Monasterio unitur Cœnobiolum Tingenfe, 649  
 Instruit Monasterium Adalbero omnibus necessariis, *ibid.* 650, & *seqq.*  
 Optima Monachis subministrat documenta, *ibid.*  
 Obtinet à Summo Pontif. privilegium, 653  
 Concilium apud Montem sanctæ Mariæ Tardanensis cogit ad stabiliendam in Mosomo disciplinam, 653, & *seq.*  
 Leotaldus I. Abbas, 656  
 II. Abbas Boso, 661.  
 Iohannes Abbas III. 662  
 Bernerus Abbas IV. 663  
 Calixtus Papa II. venit Mo-

*Index Rerum, & Verborum.* 709

- somum cum Cardinalibus, Regibus Galliarum, Angliarum, &c. 664  
 Anno MCCXII. flagrat Abbatia, *ibid.*  
 Mulier, *Vide* Feminas.  
 Non est in muliere stabilitas quæ turpes admittit amores, 309  
 Non in muliere quærere debemus pulchritudinem, sed in cælis, 310  
 Quare, *ibid.*  
 Ad quid tendunt mulieris verborum lenocinia, *ibid.*

N

- N**ANNO Archiepisc. Coloniensis, 468  
 Nicolaus Papa V. legitimus Pontifex agnoscitur in Dieta Assechaffemburgensi, 251  
 Nicolaus de Woylak Transylvanus Comes, 303  
 Notgerus Episcopus Leodiensis. consecrat Ecclesiam Valciodorensensem, 547

O

- O**DEUS Abbas S. Medardi, 658  
 Odo Episcopus Tusculanus in Cypro commorans narrat quæ gesta sunt à Christianis militibus Regis Franc. 213, & *seqq.*  
 Olbertus in Longobardiam profectus ab Imperatore Leodiensem Episcopatum obtinet, 390

- Consecratur, *ibid.* 399, 409  
 De Olberto, 433, 436, 458, 461, 474, 477  
 Oratio Dominica à sancto Petro Damiani exposita quinque sermonibus, 20, & *seq.*  
 Ortho Comes, 630, 633  
 Otto I. Imperator, 514

P

- P**APA. Nullus Romanorum Pontifex usquam hæresiarcha, 4  
 Quare, *ibid.*  
 Liberius Papa non virtute qua debuit perfidis Arianis repugnavit, *ibid.*  
 Papæ summa potestas probatur, 96, & *seq.*  
 Romana Sedes prima, secunda Alexandrina, tertia Antiochena, 97  
 Constantinopolitana post Romanam, 99, 112  
 Literæ seu rescripta Papæ in Galliam missa debent Regi offerri, & ab ipso recipi, 289  
 Parochiarum sive Ecclesiarum in Normannia patronatus ad quos attineat ordinatur, 189  
 Paschalem II. Papam persequitur Henricus V. Imperator, 476  
 In illum manus iniecit, *ibid.*  
 Ecclesia Gallicana stat partibus Paschalis, 477

- Imperatorem excommuni-  
cat, *ibid.*  
Item Germana Ecclesia,  
*ibid.*  
Parisiensis Academia,  
*Vide* Academia.  
Pastores iidem ac Doctores,  
139  
*Vide* Doctores, & Prædica-  
tores.  
Pravi Pastores ostenduntur,  
157, & *seq.*  
S. Patricii Ecclesia constructa  
Florinis, 525  
SS. Patrum libri diligenter  
sunt legendi, 149  
A Spiritu sancto edocti cæ-  
lestia sacramenta sacræ  
Scripturæ enodaverunt,  
*ibid.*  
Nihil dixerunt nisi quod  
Scripturarum testimonio  
posset confirmari, 150  
Patronatûs Ecclesiarum jus in  
Normannia præscribi-  
tur, 189  
Petrus Autissiodorensis Episc.  
579  
Philippus Comes Namurcens.  
frater Elizabeth Regina  
Franciæ, & Balduini Co-  
mitis Flandrensis postea  
Imperatoris Constanti-  
nopol. 579, 581  
Philippus August. Rex Franc.  
dictus Monoculus, 584  
Phœbus de Lusiano, 296  
Phorius in Constantinopoli-  
tanam Sedem intrusus ad-  
huc Neophytus, & à  
conjugio vix solutus, 113  
Schisma suscitatur, & in Ro-  
man. Eccles. insurgit, *ibid.*  
Pœnitentia septem annis fieri  
solet in Ecclesia, 181  
Polonia, *V.* Casimirus, & Vo-  
ladislaus, Ludovicus.  
Pontifices Romani, *Vide* Papa.  
Poppo Episcopatum absque  
dono Imperatoris obti-  
net, 397  
Accipit baculum de manu  
Imperatoris, *ibid.*  
Prædicator, *Vide* Doctor.  
Nubes est, 146.  
In charitate & gratia debet  
esse, 147  
Quibus studere, 148  
Meditetur sæpius in lege  
Domini, *ibid.*  
Qui se gerat concionando  
edocetur, 153  
An præstabilius sit in scholis  
docere, quàm salutem  
animarum concionibus  
procurare, 155, & *seqq.*  
160
- Q
- Q VADRAGESIMÆ dies  
mystici, 88  
Solvit jejunium Quadrage-  
simale qui ante vesperti-  
num officium comedit,  
173  
Auditâ Missâ, vespertino  
officio celebrato, & lar-  
gitis eleëmofynis cibum  
sumitur, *ibid.*  
In Dominicis diebus Qua-  
dragesimæ, in vigilia & in  
die Paschæ ab omnibus  
fidelibus communican-  
dum, 174  
Quadragesimæ tempore  
eleëmo.



- elëemofynæ à S. Ludovi-  
co præscriptæ, 228  
*Vide Ieiunium.*  
Quintina appellata est campa-  
na in honorem S. Quinti-  
ni, 460  
S. Quintino Martyri suum de-  
dicavit Monasterium S.  
Trudo, 467  
Illius solemnitatem celebra-  
ri ordinavit Rodulfus Ab-  
bas, qui Antiphonas,  
Responsorialia & Hymnos  
de eodem Martyre com-  
posuit, *ibid.*  
S. Quintini urbs crematur,  
518  
S. Quintini Monasterium Tin-  
ginse in radicibus Aldi-  
niaci Montis, 645  
Abbatiaë sancti Remigii  
Remensis subiectum, *ibid.*
- R
- R**ADULFUS Leodienfis  
Episcopus, deinde Ar-  
chiepiscopus Mogunti-  
nenfis, 597  
Radulfus Cabillonens. sive Ca-  
vellicensis Episcop. 207  
Radulfus, *Vide* Rodulfus.  
Reineirus Longi-collum Co-  
mes Montens. 558  
Raimundus Comes Tolosanus  
damnatur in Concilio  
Lateranensi quarto, 210  
Ratoldus Abbas Corbeiaë,  
658  
Reliquiaë, *V.* Capella sacra.  
Remenses Canonicos commu-  
niter & claustraliter vive-  
re docuit Adalbero Ar-  
chiepisc. 658  
Remensis urbs obsidetur, ca-  
piturque, 517  
Major Ecclesia flagrat, 517  
Renatus Siciliaë Rex, 291  
Rescripta, *Vide* Literaë.  
Rex virtute sua est universitas,  
316  
De Regia dignitate plura,  
*ibid. & seq.*  
Fert imaginem Dei, *ibid.*  
In Aula Regum quanta pe-  
ricula, 318  
Constans & fortis est qui  
se inibi sapienter gerit,  
*ibid.*  
Raynerus de Monte-acuto,  
478  
Rhodi militum victoria de  
Turcis reportata, 256  
Capitulum generale apud  
Senas congregatum, 294  
Quod in eo acta fuerint con-  
traria juri suo & nationi  
Gallicanaë queritur Rex  
Carolus VII. scribens  
ad summum Pontif. *ibid.*  
Richardus III. Ducis Norman-  
niaë donatio propter nu-  
ptias Adelaë facta, 203  
Robertus Comes Atrebaten-  
sis, 225  
Robertus Archiepiscopus Ro-  
tomag. 204  
Rodohardus Episcopus Lau-  
dunensis, 535  
Rodulfus Abbas S. Remigii  
Remens. 646, 658  
Rodulfus Abbas scripsit Chro-  
nicon Abbatum S. Tru-  
donis, 344, & *seqq.*  
Q q q q

- Quàm religiosè ac præclarè  
se gessit, 415, 421, &  
seqq.
- Abbas S. Trudonis consti-  
tuitur, 435, 437, &  
seqq.
- Ejus gesta describuntur. *ibid.*
- Quid conscripserit enarra-  
tur, 439, 450
- Ejus epistola ad Step-  
hanum Merensem Epif-  
copum de sua agens ad-  
ministratone & redditu-  
bus Monasterii S. Trudo-  
nis, 455, & seqq.
- Hymnos, &c. de S. Quin-  
tino composuit, 467
- Fit Abbas S. Pantaleonis  
Coloniz, 488
- Redit in suum Monaste-  
rium, 490, & seqq.
- Romam petit, 492
- Rodulfus Cameracensis Co-  
mes, 518
- Rogerus Episcopus Laudu-  
nensis, 597
- Rogerus Cimacensis dominus,  
580
- Rostagnus vir nobilis, 97
- Ruperti sive Roberti Tuitien-  
sis Abbatis encomium,  
486
- S**
- S**ABAUDIA Duces nobilissi-  
mi, 229, & seqq.
- Sacerdote in ordinando quæ  
virtutes requirantur, 78
- Præstantior esse debet ex  
omni populo, *ibid.*
- Quid cùm sententia damna-  
tionis in illum profertur  
agendum, 101
- Presbyteros inter & Episco-  
pos nulla olim differen-  
tia, 114, & seqq.
- Sancius Majoricarum Rex,  
239
- Scientiæ usus perversus est  
fomentum vanæ gloriæ,  
& lampas sine oleo, 152
- Non major ad nocendum  
perniciës quàm ingenio,  
scientiâ, eloquentiâ ar-  
mata iniquitas, 157
- Scripturæ sacræ ut quis intelli-  
gentiam assequi possit  
quid agendum, 152, &  
seqq.
- Sixtus Papa quartus conque-  
ritur quod Rex Franciæ  
non observet concordia-  
ta, 333
- Senogienſe Monasterium fun-  
davit Maldegarius qui  
& Vincentius: Ecclesiâ  
fuit postea Canonico-  
rum, 586
- Seraphin in neutro genere,  
168
- Sigismundo Duci Austriæ con-  
sensum præbet Rex Fran-  
ciæ ut matrimonium possit  
contrahere cum Alienor  
filia Regis Scotorum,  
253
- Silentium pernecessarium iis  
qui vitam agunt religio-  
sam, 455
- Societas Inſu ad Dei honorem,  
& Infidelium oppugna-  
tionem instituta; & pro

*Index Rerum, & Verborum.* 713

- defensione fidei Christianæ contra Turcas, 311  
 Spiritus sanctus à Patre & Filio procedit, 9  
 Plura de Spiritu sancto, V, *ibid.* & *seq.* adversus Græcos.  
 Stephanus Abbas S. Iacobi Leodiens. 415, 420, 426, 433  
 Stephanus Comes Blesensis & Carnotens. 585  
 Stephanus Metensis Episcopus. 490
- T**
- T**EXTORES à dæmonibus delusi navim rotis suppositis composuere ac vehibilem super terram effecerunt, 501, & *seqq.*  
 Quanta inde mala eveniunt, *ibid.*  
 Thebaldus Ambianensis Episcopus, 657  
 S. Theodoricus prope Remos Monasterium, 639  
 Monachis restituitur, *ibid.*  
 Primus Abbas Airardus, *ibid.*  
 Theobaldus vetulus jacet apud Latiniacum, 585  
 Theodericus de Buillon & uxor ejus Mathildis, 573  
 Theodericus Abbas Valciodorensis filius Hugonis de Gabelo, 566  
 Theodericus Comes Greteri, 559  
 Theodericus Met. Episcopus, 353
- Theodericus Comes Flandr. 498  
 Theodoricus Advocatus Valciodori, 581  
 Theologico studio quomodo quis incumbere debet, 338, & *seq.*  
 Quis inde fructus percipitur, *ibid.*  
 Theologus, *Vide* Doctor.  
 Error Theologorum Scholasticorum, 150, & *seq.* 153  
 Omnis Theologus debet expetere quæ non modo intellectum instruant, sed infundant simul & imbuant affectum, 151  
 Quo fine studeat ostenditur, *ibid.* & *seqq.*  
 Pravorum Theologorum vitia describuntur, 154  
 Theologiam nosse non beatum efficit, sed secundum Theologiam operari, 157  
 Quid studium Theologicum, 161  
 Theudo Camerac. Episcopus, 657  
 Thomas de Courcellis Theologiz Paris. Professor, 298  
 Tingenſe ſive Tigneſe Cœnobium. V, S. Quintini.  
 Treignellenſi Eccleſiæ Collegiatæ ut Papa permittat uniri Eccleſias parochiales orat Rex Francorum, 299  
 S. Trudonis Abbatum geſta à Rodulfo Abbate, 344 & *seqq.*

Qq q q ij.

- Vide* Rodulfus.
- S. Trudo Clericus & Sacerdos primus ædificator, 345
- An primus fuerit Abbas, & inibi initio fuerint Clerici vel Monachi instituti nescitur, 346
- Peregrinorum ad sepulcrum S. Trudonis frequentior accessio multum quietem & observantiam regularem perturbat, 361
- Vide* Miracula.
- De Abbatis electione pernicioſa diſſenſio, 365, & *ſeqq.*
- Peregrinorum multitudo ceſſat, 375
- Ceſſant & miracula, 378
- Eruditi Monachi Liebertus & Stepelinus, 379
- Abbatiz temporale bonum ad Metenſes, cura animarum ad Leodiennes pertinet, 396
- Gislebertus de Duram multa intulit damna, 405, 406
- Cluniacenſis Ordo quando cœpit in eodem Monasterio, 415, 450, 452
- Florentius Comes de Holant Advocatus, 457
- Gualterannus major Advocatus, 459, 497
- Gislebertus Comes Advocatus, 497, 499
- S. Trudonis Abbatum ſeries, 346, & *ſeq.*
- Adelardus Abbas tempore ſterilitatis pauperibus piè ſubveniebat, 348
- Guntramnus, 351
- Sancta ejus acta deſcribuntur, *ibid.* 354
- Adalardus II. 355, 398
- Diſſenſio propter Abbatis electionem, 365, & *ſeq.*
- Herimannus uſurpator, *ibid.* & *ſeqq.*
- Tandem Lanzo introducit, 366, 390
- Luipo, 390, & *ſeq.*
- Poppo, 393
- Theodericus, 396, 397, & *ſeq.* 398
- Obiit, 418
- Rodulfus, 437, & *ſeqq.*
- Lanzo, Luipo, Herimannus & alter Herimannus pseudo-Abbates, 456

V

**V**ALCIODORENSIS Monasterii exſtructor Eilbertus filius Ebroini, 513

Ejus genealogia, *ibid.* & *ſeqq.* 526, & *ſeqq.*

Vallis-decora, ſive Valciodorus quare appellata eſt Abbatia, 527

S. Forannanus Archiepiſc. & Abbas, *ibid.* & 528

Haſterienſe Monasterium ſubditur Valciodorenſi, 528, & *ſeqq.*

Translatum corpus S. Eloquii inibi collocatur & collitur, 535, & *ſeqq.*

Conſecratur Eccleſia à S. Forannano, 537

Eilbertus fundator multa


*Index Rerum, & Verborum.*

715

- bona confert, 538  
 Societas cum Monachis S. Michaelis, 545  
 Sacerdotibus è Cœnobio Halsteriensi remotis Monachi subrogantur, 546  
 Monasterium flagrat, 547  
 Quo instaurata Ecclesia consecratur à Notgero Leodiensi Episc. *ibid.*  
 Erembertus nobilis è Macerienti oppido Monachum induit, *ibid.*  
 Literis plenè imbutus, & artifex auro & argento egregius, 547, & *seqq.*  
 Ejus mater Ermenrada Dei cultui se mancipans Valciodori commoratur, 549  
 Nulla parochialis Ecclesia erat, sed Abbas vices Pontificis agebat, 556  
 Albertus & Anselmus de Ardenna fratres vitam monasticam profitentur, 565  
 Et insignes doctrina viri Wilbaldus & Richerus, 569  
 Candidi & Victoris Mart. ac sanctarum Virginum Colonienſium corpora in hoc Cœnobium translata, 572  
 Investituram ab Episcopo Metensi Abbas accipit, 574  
 Verba quibus Episcopus utitur, *ibid.*  
 Abbates Valciodorenses I. S. Forannanus, 526, & *seqq.*  
 II. B. Hadroë, 543  
 III. Machalanus, 544  
 Idemque Abbas S. Michaelis in Tirascia, *ibid.*  
 IV. Immo, 545  
 V. Godefridus antea Monachus S. Nicaſii Remens. *ibid.*  
 Expulſus à Valciodoro, 546  
 VI. Theodoricus, *ibid.*  
 VII. Erembertus, 548  
 VIII. Rodulfus, 551  
 IX. Popo Stabulensis simul Abbas, 552  
 X. Lambertus, *ibid.*  
 XI. Godeſcalcus, 563  
 XII. Vuidricus, 568  
 XIII. Theodericus II. 569  
*Vide* Theodoricus.  
 XIV. Robertus, 572  
 XV. Petrus, 574  
 XVI. Libertus, 575  
 XVII. Varnerus, 578  
 Interfuit Concilio Lateranensi, *ibid.*  
 XVIII. Valcherus, 579  
 XIX. Nicolaus, 582  
 XX. Henricus, *ibid.*  
 Valdetrudis filia S. Vualberti ædificatâ Ecclesiâ in monte Caſtriloci facta est Monialis, 586  
 Valterus, *Vide* Vualterus.  
 Uddo de Roix Comes, 514  
 S. Venantii capella in caſtro Bellimontis, 589  
 S. Victoris Martyris corpus in Moſomenſi Cœnobio, 662  
 Vidricus, *V.* Vuidricus.  
 Virginitatem inter & nuptias tantum eſt, quantum inter non peccare & bene facere, &c. 68

Q q q q iij

- Quare Christus virgines plus  
amat, 70 S. Walberti genealogia, *ibid.*  
& seq.
- Absque virginitate & conti-  
nentia omnia opera im-  
perfecta sunt, 74 Walfredus hæresiarcha, 341
- Ulricus Comes de Vitemberg,  
282 Vualterus de Novavilla, 561
- Unctio extrema ante Viati-  
cum, 392 Vualterus de Heria filius Hu-  
gonis de Gabelo, 566
- Universitas Paris. V, Acade-  
mia. Vuarinus de Asclovia Comes,  
514
- Voladisslaus sive Uladisslaus fit  
Monachus in Sanbeni-  
gniano Cœnobio, 230 Vuidericus de Ripa filius Hu-  
gonis de Gabelo, 566
- Conceditur à Papa ut abdi-  
cato habitu monastico  
Poloniam, Regnum ade-  
pturus, petat, *ibid.* &  
seq. Vuidricus, V, Vuidricus.
- S. Walbertus jacet apud Con-  
forne, 585 Vuido F. emens. Archiepiscop.  
663
- Fuit Dux Lotharingæ, *ibid.* Vuido. Sueffionensis Episcop.  
657
- Multos habuit Comitatus,  
*ibid.* Vuidricus Famlemaniensis,  
536
- Uxor ejus Bertilia, *ibid.* Vuidricus de Romereis, 560
- Vuiterus Comes, 514 Vuibaldus Abbas Stabulensis,  
572
- Vuilelmus de Merleto senior,  
214
- Vuilelmus de Barro, *ibid.*
- Vuilelmus, V, Guillelmus.




# INDICVLVS

## FAMILIARVM

*Quarum mentio fit in Genealogiis*  
BALDUINI de Avenis.

### A

		604, 605, 606, 614, 615, 618, 619, 620
 GIMONT,	603	Augun, V, En.
Aire, Aria,	620	Auterive,
Aisse, Aiste,	605	Auteville,
De Albomonte,	603	Autissiodorum,
Alençon,	600	Auvergne, Arvernica,
De Alneto,	593, 614	
Alost,	608	
Alsace,	589	
Anglia,	599, 611, 613	
Anjou,	600	
Antoing,	594, 597, 608, 615,	
616, 617		
Apulia,	598	
Aragon,	611	
De Arbaco,	592	
Arc,	617	
Asch,	608	
Aspremont, de Aspero monte,		
603, 604, 605		
Audenarde,	595, 604, 606	
S. Omer, de sancto Audomaro,		
584, 601, 615, 618, 620,		
621		
Arras, Attrebatum,	599, 602	
Avenes, de Avenis,	584, 594,	
595, 600, 601, 602, 603,		

### B

BAILLEVL,	592
Bar,	603, 610
Barbençon & Barbanchon,	594,
596, 605, 606, 608, 616,	
617	
Beaumes,	621
Bavieres, Bavaria,	599
Beaujeu, de Bellojoco,	585
Barlemont,	614
Beaumanoir,	621
Beaumez,	ibid.
Beaumont, de Bellomonte,	
588, 589, 592	
Beaurain, V, Vuaurain.	
Beaufart,	617
Bekin,	620
Bellefontaine,	622
Belleville, Bellavilla,	600

<i>Bellicose</i> , Bellecoste,	615	<i>Canni</i> , <i>V</i> , Kanni.	
<i>Bertolt</i> ,	606	<i>Carency</i> ,	591
<i>Betune</i> ,	595, 596, 616	<i>Castri-locus</i> ,	588, 589, 592,
<i>Beure</i> ,	591, 604, 608		601
<i>Blaimont</i> , Blamont,	596, 597	<i>Champagne</i> , Campania,	600
<i>Bleki</i> ,	620	<i>Chartres</i> ,	600, 601
<i>Blois</i> , Blesæ,	585, 600, 602	<i>Chateau-porcin</i> ,	596
<i>Bohaing</i> ,	597	<i>Chaumont</i> ,	592
<i>Boheme</i> , Bohemia,	599	<i>Cheures</i> , Chieures ; Chirue,	
<i>Bologne</i> , Bolonia,	585, 612,		590, 594, 596, 609
	613	<i>Chievrain</i> , <i>V</i> , <i>Kievrain</i> .	
<i>Bossac</i> ,	585	<i>Chimay</i> , Cismay, de Cymaio,	
<i>Bouchain</i> .	596		592, 597, 607, 609
<i>Boulers</i> ,	590, 606	<i>Chiny de Chineio</i> , Cifneo,	588,
<i>Boume</i> ,	619		603, 609
<i>Bourbon</i> ,	599	<i>Ciseing</i> ,	616, 617
<i>Boure</i> ,	619	<i>Cleves</i> ,	598, 613
<i>Bourlemont</i> .		<i>Condé</i> Condacum, Condatum,	
<i>Bourgogne</i>	590, 599, 611		594, 601
<i>Bousies</i> .		<i>Constans</i> ,	595, 606, 616
<i>Boutery</i> ,	619	<i>Constantinople</i> , Constantinopol.	
<i>Brabant</i> ,	585, 602, 604, 611		599
<i>Braine</i> , Brene,	609, 610	<i>Condun</i> ,	619
<i>Braine la Vuiote</i> ,	609	<i>Concy</i> , Couchy,	595, 603, 604.
<i>Breda</i> .	604		605, 606, 608, 610
<i>Breme</i> , Brencia,	620	<i>Craon</i> , Creon,	599
<i>Bretagne</i> ,	599, 600, 610	<i>Cregny</i> , Creciacum,	603, 618,
<i>Bruet</i> ,	620		619, 620
<i>Brumes</i> ,	620	<i>Cresfêkes</i> ,	604
<i>Bruxelles</i> , Bruxellæ,	585, 589,		

612

<i>Burges</i> , Brugæ,	595
<i>Bouillon</i> , Bullonium,	585, 588
<i>Bussengny</i> ,	597

## C

<b>C</b> <i>CAEV</i> ,	591, 618
<i>Cameracum</i> ,	585, 601
<i>Canivet</i> ,	590, 591, 606,
	616

## D

<b>D</b> <i>AMMARTIN</i> ,	599,
	615, 619, 620
<i>Dampierre</i> , Dampetra,	611
<i>Dieft</i> , Diette,	596
<i>Donay</i> , Duacum,	617
<i>Doutour</i> ,	594
<i>Dreux</i> ,	599, 610, 611
<i>Duras</i> ,	596
<i>Durbuy</i> ,	598

ENGVIEN,



*Genealog. Balduini de Avenis.* 719

<b>E</b>		<i>Grandpré, Grande pratum,</i> 606
		607, 608
		<i>Gramines,</i> 596
<b>ENGVIEN,</b> 593, 595, 605		<i>Graines, Graumes,</i> 618
	606, 608, 616	<i>Grigniacum,</i> 596
<i>Eppe,</i>	620	<i>Grimbergue,</i> 608
<i>Espieres,</i>	618	<i>Gueldres, Gueldria,</i> 594
<i>Espinoy, Espinoit,</i>	597, 615	<i>Guines, Ghines,</i> 606, 617,
<i>Estré,</i>	617, 621	620
<i>En.</i>	610, 611	<i>Gnife,</i> 602

**F**

<b>FALVT,</b>	607
<i>Fauquembergue,</i>	620
<i>Fingnies,</i>	595
<i>Flamengene, Flamengeria,</i>	614
	615
<i>Flament,</i>	620
<i>Flandres, Flandria,</i>	584, 586,
	589, 590, 595, 598, 599, 609,
	611, 613, 615, 616
<i>Florines,</i>	592, 594
<i>Fontaines, de Fontanis,</i>	594
<i>Francia,</i>	584, 611
<i>Fransengnies, Vide Transen-</i>	
<i>gnies.</i>	
<i>Fresnoy, de Fraxineto,</i>	617
<i>Furnes,</i>	618

**G**

<b>GALLIA, Vide Francia.</b>	
<i>Gand,</i>	591, 605, 608
<i>Gaure,</i>	590, 594, 606,
	609
<i>Ghines, V, Guines.</i>	
<i>Gisny,</i>	619
<i>Givet,</i>	603
<i>Glocestres, Glocestria,</i>	600
<i>Gomegnies,</i>	593

**H**

<b>HAINAVT,</b> Hainonia,	
<i>Hannonia,</i>	584, 585,
	587, 591, 594, 597, 598,
	600, 601, 606, 608, 615
<i>Hamaile, Hamaide,</i>	614
<i>Hans in Campania,</i>	606
<i>Hargicourt,</i>	619
<i>Harnes, Hernes,</i>	615, 616,
	617
<i>Hasban, Hasbania,</i>	585
<i>Heinsberg,</i>	603, 620
<i>Henin, Hemin,</i>	604, 606
<i>Hernes,</i>	608
<i>Hierges,</i>	594
<i>Hispania,</i>	599
<i>Hollande, Hollandia,</i>	613
<i>Hondescore,</i>	608, 617
<i>Hufalife, Hufalaife, de Hufa-</i>	
<i>lis,</i>	584, 614, 615, 616

**I**

<b>I AVOCH,</b>	591, 593
<i>Infula, Vide Lille.</i>	
<i>Ioengny,</i>	595
<i>Ipre,</i>	620
<i>Issembourg,</i>	598
<i>Juliers, Iuliacum,</i>	603, 605,

**R r r r**

**K** ANN, 604 Milly, 620  
 Kievrain, 603, 604, 610 Mironvaut, 615

## L

**L** Andrecy, 601  
 Lamprenesse, 614  
 Lens, 590, 605, 616 Monichablön, 608  
 Leuse, Lurosa, 600, 602 Monsquercetum, 609  
 Lidekerke, 606 Montegu, Mons acutus, 588  
 Lierdonchel, 618 Monteruel, 591  
 Liere, 618 Montfort, Monsfortis, 592,  
 599, 606  
 Ligne, 594 Montigny, 617  
 Limbourg, 615 Montmorency, 603, 608  
 Liskes, 602, 618 Morbeke, 621  
 Lisle, 596 Moreuil, 619  
 Livalles, 609 Morlainvuiées, 590, 591  
 Longuillers, 618 Morlagne, Moritania, Mor-  
 tania, 590, 595, 696, 606,  
 585, 611, 612, 613 616  
 Los, Lofa, 600, 602, 613, La Mote, 618  
 615

Louvain, Lovania, 588, 604,  
 612

## N

Luceburg, 610 **N** AING, 594  
 Ludekerke, 616 Namur, Namurcum,  
 Luxembourg, Luxemburgia, 584, 588, 597, 598, 601,  
 598 610, 612, 613

## M

**M** ACICOVRT, Mari-  
 court, 617  
 Marche, Marcia, 600  
 Marle, Marla, 592  
 Marole, Marolium, 607  
 Marlins, 518  
 Maruel, 607  
 Mascon, 610  
 S. Maxence, 619  
 Medon, 618

## O

**S.** OMER, Vide de Sancto  
 Audomaro.  
 Ordre, 618  
 Ostrevant Ostrevant, 596, 609

P

S

**S.** *Paul*, à Sancto Paulo, 599, 602, 610, 611  
*Perennes*, 591, 604, 605, 607, 608, 613  
*Pesne*, 618  
*Pierrepont*, 598  
*Pignigny*, 604, 616, 619  
*La Plonke*, la Planche, 618  
*Plukel*, 615  
*Poix*, Poys, 619  
*Poliere*, *Vide* Chimay.  
*Pontart*, 596  
*Pronvy*, 617

R.

**R** *ADOVL*, 606  
*Raineval*, 620  
*Ramern*, 608  
*Ratel*, *Reseft*, *Reteift*, 594, 597, 598, 603, 605  
*Reuenghes*, 620, 621  
*Reux*, 590  
*Ribemont*, *Ribodimons*, 596, 601  
*Rigaut*, 591  
*La Roche*, de Rupe, 584, 601, 615  
*Roisny*, *Rodium*, 590, 591, 606, 609, 616  
*Rosoy*, *Rousoit*, 591, 594, 597, 603, 604, 605  
*Romcy*, *Rouffy*, 606, 611  
*Rouecourt*, 609  
*Rume*, 614, 616  
*Rumigny*, *Rumigniacum*, 592, 593, 594, 597, 603, 606, 607, 618

**S** *ALBOVRG*, Salehrugé, 604  
*Salins*, 610  
*Salme*, de Salmis, 594, 603, 605, 610, 617  
*Sasseignies*, 595  
*Scotia*, 585  
*Sebourg*, 604, 606  
*Selles*, 619  
*Sempey*, 619  
*Senefte*, 596  
*Sicilia*, 598  
*S. Simon*, 620  
*Soissons*, 595, 604, 606, 607, 608, 610  
*Sorel*, 620  
*Sottenguien*, 595, 605, 616  
*Spinoy*,  
*Vide* Espinoy.  
*Steyke*, *Steyve*, 608  
*Snanbe*, 599

T

**T** *ANGEST*, 607  
*Thoars*, 607  
*Torcy*, 619  
*Torost*, *Torota*, 617  
*Tournay*, *Tornacum*, 595  
*Transfengnies*, *Transfengnies*, *Fransfengnies*, 591, 603, 606, 609, 619  
*Triangula*, 603  
*Trish*, 591  
*Turinge*, *Turingia*, 597, 599  
*Tyans*, 606

Rrrr ij.

722 *Indiculus Famil. Geneal. Bald. de Avenis.*

V

	<i>Viane</i> , Vienna in Ardenna ,	
	604	
	<i>Vierzon</i> ,	611
<b>V</b> <i>ALAINCOVRT</i> , Va-	<i>Vilers le Faucon</i> ,	591
lencourt , 584 , 613 ,	<i>Villecourt</i> ,	601
614	<i>Ville</i> ,	616
<i>Valenciennes</i> , Valenchienes ,	<i>Vuarennes</i> ,	616 , 621
<i>Valencianæ</i> , 586 , 588 , 596	<i>Vuasie</i> , Vuasia ,	608
<i>S. Valery</i> , de S. Valerico , &	<i>Vuasieres</i> ,	614
<i>Valerio</i> ,	611 <i>Vuamrain</i> ,	616 , 620
<i>Vanny</i> ,	591 <i>Vuinti</i> ,	616
<i>Varennes</i> ,	616 <i>Vuorne</i> ,	616
<i>Vendeuil</i> , Venduel ,	614	
<i>Vermandois</i> , Veromandia ,		Y
598		
<i>Veruin</i> ,	595 , 605	<b>Y</b> <i>P R E</i> , <i>Vide Ipre.</i>

F I N I S .



## SUMMA PRIVILEGII.

**L**UDOVICI XIV. Galliarum & Navarræ Regis auctoritate sancitum est, ne quis in Regno suo, aliisque locis suæ ditioni subjectis, Librum cui titulus: *Veterum aliquot Scriptorum, qui in Galliarum Bibliothecis, maxime Benedictinorum, latuerant*, SPICILEGIUM, absque domni Lucæ d'Achery consensu aut eorum quibus permiserit; intra viginti annos imprimat, aut divendat. Si secus fecerit, multa indicta, prout amplius in ipso Diplomate continetur. Lutetiæ Parisiorum 19. Iunii. 1654.

*Sic signatum,*

De mandato Regis,

LE COQ.

## CONCESSIO INDULTI PRIVILEGII.

**P**RÆFATUS LUCAS D'ACHERY concessit Carolo Savreux, Bibliopolæ Parisiensi jurato, indulto Privilegio uti, in quantum attinet ad ea quæ in hoc Tomo Septimo continentur: Parisiis in Monasterio S. Germani à Pratis, die vigesima Octobris 1665.

*Sic signatum,*

F. LUCAS D'ACHERY.

---

## ERRATA.

- J* N *Præfat. mea*, pag. 10. *linea 4. lege non eum.*  
*Page 49. in fine pag. F, lege G. & sic consequenter.*  
*Pag. 89. linea 18. conservatum, lege consecratum.*  
*Pag. 141. lege 161.*  
*Pag. 169. linea 31. lege puto.*  
*Pag. 186. linea 20. leg. Grandis-vallis.*  
*Pag. 189. in margine, lege 1208.*  
*Pag. 190. in margine, lege 1109.*  
*Pag. 290. in margine, lege confirmet, Rex orat.*  
*Pag. 349. linea 19. Chrodogang. lege Angelramnus.*  
*Pag. 373. linea 24. post Conradum. dele punctum.*  
*Pag. 476. lege innumerabili.*  
*Cetera, Lector, velim benigna manu corrigas.*





















